



PAVLI IOVII

NOVOCOMENSIS  
EPISCOPI NVCKERINI

Vitæ  
Illustrium virorum

Tomis duobus comprehensæ, & proprijs imaginibus illustratæ.



PETRI  
PERNAE TYPOGRAPHI  
BASIL  
OPERA AC STUDIO  
CIO CI LXXVIII.





# ILLVSTRISSIMIS PRINCIPIBUS AC DOMINIS, DOMINO ERNESTO FRIDRICHŌ, ET DOMINŌ IACOBO

Marchionibus Badensibus & Hochbergensibus, Land-

gravijs in Süßföbergk, Dominis in Rotelen &

Badenweiler, &c. fratribus, Domi-

nis suis Clementissimis,

S. P. D.



**L**X omnibus rebus, quae dignitatem & splendorem habent, illustrissimī Principes, nihil est literarū doctrinae praestantius. Aliorum enim generum honores, primū positi in eo loco, quō temeritas inconstantiāq; fortuna proficisci potest; facilius pervertuntur ab aerumnis, quib; circumfusa est hominum vita, tum etiam, cum plurimū florere, & in portū quietis atq; tranquillitatis invecti esse videntur: deinde ut in nullam turbulēciam incurrant fortunae tempestatem, camen nisi in orbem terra diffusis, literis celebrentur, in paucorum illi hominum versantur oculis atq; sermone, & paulatim dilapsi ex animis posterorum obsolescunt vetustate. Litera vero liberē per omnium hominum & locorum memoriā pervagata, nulli inclusae terminis, nulli turbinibus iactata aut fluctibus fortunae, perennem gloriā perpetuamq; dignitatē conciliāti, quam sparsam ad omnium aetatum sempiternā laudem, nullus casus pervertere, nulla mors obruere, nulla oblitio inobscurare potest: Et cum in alijs dignitatibus ita contracta res sit & ad ducta in angustum, ut in uno tantum hareat; & iū qui dignitatē accepit, in alios proferre & communicare, quib; cum velis, non possit: Literarum gloria latissimē patet, nec solum ad illos, qui ipsi literis excellent, sed ad omnes pertinet, quib; literati homines aeternā testimoniū laudis impariunt: neque ita unquam conclusa est literaria dignitas, quin in multos redundet. Quib; omnibus, cum litera ceterū honoribus praestent, tum illud primum est, quod alia omnia, quae homines in excelsis illustrāq; loco sita esse, & splendere plurimū arbitrantur, tamen illustratā literarū ad maiorem gloriā splendescant multo magis, nec sine literis possint tueri dignitatē suā & virtutū lucem, quin eam oblivione implicatā nox resinguat. Itaq; etiam istorum, quae in vestro ordine summa esse videntur, antiquitatis generis, magnitudo imperij, & rerum praeclararum gloriā: nullum est quod literarum lumen & ingeniorum laborem non desideret, & quod excelsū literarū non floreat: desertum ab iisdem atq; desertum, non intreat & iaceat in tenebris. Quis enim vetustatē familiae testari suā posset, nisi literarū mandatam atq; custodiā in libris, literati homines posteris reliquissent? Imperium autem nemo unquam sine doctrina atq; literarū adiumentis inculpare gestit, & suū semper per omnes seculorum aetates, in omnium hominum sensibus infixum, Tyrannidem esse, non Imperium, in quo plus voluntas quā doctrina valeret: tum vero florere & beatum esse Imperium, cum doctrina instituti homines, & literarū ad humanitatem conformati, in summa dignitate collocarentur. Quid de gloria dicam, percepta ex rebus pulcherrimē administratū: quae quidem nulla esse potest absq; literis. Est enim gloria, Clementissimī Principes, illustrū factorum & meritorum fama, non illa quidem unius seculi brevissimo spacio circumscripta, sed pervagata per infinitā posteritatem & omnium gentium atq; aetatu memoriā. Nemo tam brevis unquam fuit, ut gloriā existimaret esse, quam paucorum hominū & annorum recordatio definiret, sed quae nulli terminata fuit: huius

## P R Æ F A T I O.

ad omnium posterorum laudem propagaretur. Nec se quisquam in pericula & labores obiecit, quibus duobus gloria parati solet, ut uno seculo celebraretur, scilicet laudis sue fructum ex nominis predicatione in omnes terras disseminatum apud posterum obtineret. Quod etsi omnes incredibili cupiditate, summamq; studio contenderunt, ut ex gloriosi atq; egregij factus assequerentur: tamen praeclaram multorum laudem, magnam partem laboribus, temporis diuturnitate oppressis, quod literis non fuisset consignata. Nam quae sine literis, sermone tantum nituntur & commemoratione hominum, tamesi sunt amplissima, & celebrata multarum gentium testimonijs, tamen nisi libris retineantur, & literarum tanquam lumine accendantur, necesse est longinquitate & vitio temporis, eorumq; morte, in quorum animum infunderat, paulatim obscurari, et ex luce memoriaq; hominum evanescere. Ne veteres illos admodum antiquos Heroes & duces Germaniae commemorem, quorum non solum res gestas extinxit vetustas, sed nomina etiam funditus delevit: quid ante centum annos à maioribus nostris susceptum aut perfectum est, quod non mandatum & inscriptum literis, non perijt, remotum ab omni sermone & cogitatione hominum? Itaq; sine literis nulla est, non solum in communis minorum gentium, sed etiam in vestra summa, amplissimaq; dignitate gloria: aut ut sit, tamè diuturnitate tabescit, et paulatim extenuata, oblivione coteritur in unius vitae atq; seculi cursu. Vera autem solidaq; gloria in doctrina atq; literis tota est constituta. Inde eam peti, inde hauriri necesse est, quae in oculis posterorū, & in infinita consequentium temporum perpetuitate florere debet. Alexander magnus cum summam fortunam praestantiam & totum pene orbem terrarum esset consecutus imperium, tamen in illa cumulata omnium bonorum atq; fortunarum complexione, quod videret nullam constantem & perpetuam dignitatem esse sine literarum adiumento, multos secum eruditos homines, & excoltos doctrina citandum duxit, quorum literis res & laudes illius in orbem terrarum ad sempiternam, perennemq; memoriam disseminarentur. Et ille ipse cum scriptorum multitudine et literatorum hominum ingenijs abundaret, tamen ingruisse dicitur, cum ad Achilli tumulum attisset, & collaudasse huius fortunam, cuius virtutes ab Homero essent praedicatae: quasi non modo nulla esset rerum summatarum sine literis immortalis gloria, sed eò etiam esset illustrior, quo in maiorem doctrina laudem habet, qui literis mandat.

Quod christiana sit, & inter omnes dignitates illa antecellat, quae litera vel genuerunt, vel aluerunt et auxerunt: dixi enim in utroq; genere plurimum valere literas: nulla autem sit omnium ordinum & gentium dignitas, quae ipsae ad splendorem possint & immortalitatem catere: peripicuum est, illustrissimi Principes, magnam illis gratiam ab omnibus debere, qui ad summorum hominum & illustrium factorum gloriam laudemq; celebrandam studium ingeniumq; conulerunt suum: Et permagni interesse, tum multos reperiri, qui talem suscipiant tam laudabilem laborem, & tam necessarium ad parandam atq; retinendam gloriam, tum esse eos in publica luce conspectuq; hominum. Nam si in literis gloria consistit, & litera ab eruditum hominibus tractantur, profecto sine literarum labore litera ipsa conticescent, & sine literis omnium hominum atq; factorum gloria morietur, silentio damnata, & deleta oblivione. Quid verò, si literis doctorum hominum res consignata & inscripta, tamen à luci populari, hominumq; conspectu peregrinentur: omnem enim tum etiam gloriam necesse est lacerare, oppressam tenebris & caligine noctis obscuratam. Itaq; in pulcherrimam consiliorum rationem ingredi videntur, tum qui res gloriosas eruditum literis complectuntur, tum qui eas ante hominum propitiam conspectum, proferunt in lucem, & typorum atq; imaginum ornamentum tanquam novum & magni adiumentum ad librorum perpetuitatem expoliant. Quae me etiam causa incitavit, ut cum antea plurimos illius generis pulcherrimas sane et clarissimos auctores luce ornasset, eundem nunc cultum serui libris tribuerem, quos de vita excellentium virorum



## P R Æ F A T I O.

*vivorum scriptos reliquit, & eos antea saepe excusos denudò recuderem, luminibus typorum et imaginum artificiose sabrefactorum clarissime illustratos, in quibus non solum virtutum & gloria effigies à laui ingenio expressa, sed corporum etiam ducta affabrè singulari artificio, lineamentis, conficerentur: quod existimavi non exiguum pondus habere ad libri, et inde ad authoris atq. omnium, qui libro continentur, perennem eternamq. memoriam. Ego cerè ut omnia consilia ad eum semper scopum defixi, ut publica res literaria ex meo officij magnam utilitatì & ornamentorù fructum perciperet, ita in hoc libro nec impensarum, quæ tamen multum creverunt, nec tædiorum habui rationem, quin præstantissimù librum singulari artificio per politum in lucem palàm darem, testem meæ erga literas & posteritatem voluntati. Nec dubito, ex omnium hominum ordine futuros, qui susceptum consilium mecum collaudent.*

*Vobis verò, illustrissimi Principes, inscribere librum, & in vestrum patrocinium consecrare, visum est. Primù quòd animum mihi & cogitationes ad omnes familias Germanorù principij circumferenti, nulla occurrit, in qua plures non solum armis essent & divitijs, verum etiam literis & eruditione celebrati: quam vobis felicitatè gratulari volui, & suadere, ut in avita et antiquissima pulcherrima laudis possessione permaneretis, in quam non nuper esset paterna educatione & vestra voluntate profecti, sed venistis còtinuata atq. perenni infinitorù annorù hereditate. Nam ut veteres Hermannos, Rudolphos, & Fridericos præcream, quorum fuit semper in Germanico Imperio amplissima potestas & gravissima authoritas, inchoata sub Henrico IIII Casare, anno 1100, et inde continenter in vos prerogata. Extant multa testimonia sparsa in Latinis literis et historijs, quæ Rudolphi parvi & Bernardi primi, filij, maiorù vestrorum doctrinam at propensam in viros literatos benevolentiam ostendunt. De Bernardi autè filio, Iacobo, vestro at avo quid gloriosius ad summam laudem prædicari posset, quàm quòd Sylvius Pius 11 Papa scribit, cum grandiorè factum supputasse, quòd educatio ne puerilij disciplina non fuisset ad doctrinam et literas institutus, et indicasse, cum solus latissimam ditione teneret, omnibus ornatus muneribus opulentissima fortuna, cò feliciorè esse, quòd literas nesciret. O auream, o dignam sapientissimo principe sententiam, quæ in omnium animis, istius dignitatis atq. splendoru hominum inscribi et insculpi opera pretium esset. Sed tamen ille ipse Iacobus, literarum ignarus, cum natura ad laudem atq. virtutè duceretur, literas, literatos omnes, cum etiam cum illam præclarâ et divinam vocem nondum edidisset, in sinu ac familiaritate, in oculis, in delictis habebat: et postea cum intelligeret, quanti ad summum decus intreeffet, principem literarum esse, filios omnes ad optimarum artium & linguarum studia informari et exerceri, non iubebat solum, sed impellebat. Inde Carolus, vestre avus, inde fratres eius Ioannes Trevirensis, Georgius Metensis Episcopi, Bernardus in Divorum numerum ascriptus, & Marcus, non solum Reipub. & armorum, sed multo etiam magis religionis & celestis sanctimonie clarissima lumina prodierunt, omnes sapientia ornati, omnes eruditione exculti & nati doctrinæ confirmationem ad eximiam atq. illustrem naturam. Caroli filij tres fuerunt, suscepti ex nobilissima uxore, Friderici Casari sorore, Alberti, Friderici & Christophorus vestre proavi: quorum nullus extitit, qui non à puero ad literas assuefactus, doctrina excelleret, cum etiam ad summam armorum laudem pervenirent, et Fridericus Traiectensem ecclesiam incredibili cum celebritate literarum & religionis gubernaret. Christophorus ut cultum literarum à maioribus acceperat, tractum hereditate et multarum etatum possessione, ita summo studio elaboravit, usq. omnes, vestre avus Ernestus et eius fratres in omni liberali doctrina & digna vestro splendore à literis hominibus, optime instituti & perfectè eruditi essent: quod ipse Christophorus in literis proficetur scriptis Latinè ad summum Pontificem ornatisime, cum se ait, curâ omnem ad liberalem liberorù institutionem contu-*

## P R Æ F A T I O.

liſſe. Nec fruſtrâ aut ſpem ſuſcepit, aut labores et ſumptus collocavit. Nam cùm caeteri omnia inſtituta & præcepta doctorem hominum literas didiciſſent, tum præcipuè Iacobus, cùm atate antecederet, doctrina etiam ſuperare fratres, & optimorum ſtudiorum laude concupiſcit: qua cupiditate incredibiliter incenſus, biſ Romam eſt profeſſus, ut inchoatam domi eloquentia & Philoſophia diſciplinam in clariffimo maximarum artium & linguarum domicilio, literatorum hominum nutrimentum educaret, et ſimul in Pontifici concedere benevolentiam: quod utrumque ſuis egregiè conſecutus, Pontifex celeriffimè ingenium præſtancemq; doctrinam admiratum, illuſtrem gratiam & favorem in adoleſcentem effudit. Ille induſtria & diligentia, cùm omnium reconditarum artium clauſtra perſequeſſet, ad tantam eloquentia doctrinæq; laudem aſcendit, quò cum nemo ex Italia pervenerat, et ne ipſe quidè Philoſophus, quem in clariffima honorum luce et literarum verſantem dignitate, non puduit tamen ſenem primæ ſapientia & dicendi laudes ad Germanum adoleſcentem deferre, atq; in eo illum ſibi & Italia omnibus anteponere. Quod Philoſophi iudicium poſtea eventus illuſtravit, cùm renunciatus Episcopum Trevirenſis & ad comitia evocatus ab Imperatore, quod imprimis diſcretus eſſet, omnes Imperij cauſas eloqueretur, nec ſolùm Germanorum principum legatū Germanicæ, ſed tribus præſtantiffimis oratoribus, Potifici, Regi Galliarum, et Veneretorum magniſ verborum et ſententiarum ornamentis, eleganter atq; copioſe tribus externis linguis reſponderet, Latine, Gallicè, Italicè, quò & æternam ſibi gloriam comparavit, & ſempiternum ornamentum in Badenſem familiam, atq; adeo in totum Germanicum Imperium viveat. Cùm verò ampliffima teneret dignitatis & honorum ornamenta: tamen de ſumma animi contentione, quam ſemel ad literas applicaverat, & de toto ſtudiorum curſu nihil relaxavit: ſed ne vel cum morte dimitteret nominis ſui cõmemorationem, vel aliorum tantum libelli prædicaretur, edidit ipſe libros, qui in Bibliothecâ retinentur, indices illuſtri et minime pervulgata eruditione. Sic igitur lucente honore & doctrina in flore ætatis immatura morti ex hominum conſuetudine ad Deorum ſanctimoniam abduxit annos natum quadraginta: cuius interitum Imperium & literæ incredibilem calamitatem acceperunt: cùm quidè illud ornamentum ſpoliatum & orbatum eſſet præſidio ſapientiſſimi principis, qui pacem conſilio, & dicendi gravitate bellum induſtria & ſcientia militarium rerum temperaret: literæ autem aſiduam cultorem & patronum amiſſiſſent prædictum poteſtate & opibus circumfluentem, qui & imperium & literas ad priſtinam dignitatem, veteremq; antiquæ gloriæ maiorem potuiſſet armis ingenioq; reſtituere. Mortuo illo et in cælum profeſſo, literarum poſſeſſionem avus veſter & eiſus fratres cum reliqua hereditate ceperunt, atq; eam cultam diligentia & ſtudio: avus quidè Erneſtus in patrem & paternos veſtros beatæ memoriæ propagavit: à quibus conſervata non ſolùm, ſed etiam aucta ad vos pervenit. Nam & patrui in literarum artiumq; doctrinâ ad magnam gloriam enituerunt: & pater veſter beatiffima memoria tantos progreſſus fecit, ut Latine purè ſcriberet ſemper, & loqueretur cùm vellet. De cuius ſingulari in literas & literatos propenſione quid dicam? cùm nihil haberet antiquum, niſi ut literarum & bonarum artium ſtudioſos, ſumptuoſis ſanè & magnificis impenſis in externis & domeſticis ſcholis aleret quàm plurimos. Et literatos viros benevolentia complecteretur ſtipendijsq; liberaliter invitatos ad aulam adduceret: in quo vidimus eum laboraſſe, ut cæteros Germaniæ principes, quantum animi magnitudine & paci atq; belli uſu tantum literarum cura & amore vinceret: proculdubio, quod prudentiſſimus princeps videret, quantum in literis ſitum eſſet ad Imperij moderationem, ad rem domeſticam, ad ſempiternam nominis in omnes conſequentes annos memoriam. Et edoctum atq; inſtitutum uſu, vellet exemplum vobis relinquere, expoſitum ad imitandum, ſicut ille traditum ab omnibus maioribus acceperat. Neque ſolum vobis præluſu certe in literis cupiebat, verùm et cõgitationes cu-

## P R Æ F A T I O.

itaque referebat omnes, ut literati in honore ac precio essent, & litera in veterem gradum reponerentur dignitatis, unde ab illis erant deiectione, qui inanem alienam & externam laudem consecuti, virtutem premio & honore spoliati: quorum effrenatam & immoderatè exultantem libidinem continere pater vester studebat, ne virtuti noceret. Itaque illum litera summis praeconijs celebratum ad immortalis gloriae sempiterna memoriae posterorum commendabunt, quam nulla dies, nulla obliuio extinguet.

De consanguineis vestris, nati ex eodem familia initio, Hochbergici & Marchionibus hoc loco nihil commemorabo, ne epistola nimium crescat: nihil de Alberto Episcopo Freisingensi, qui in Iuris & omnium bonarum artium cognitione ita excelluit, ut interpretes vinceret: nihil de Othone Episcopo Constantiensi, quem scripti istius loci annales impense eruditum nominant: nihil de alijs, qui in eadem familia litera coluerunt. Satis enim constat, illustrissimi Principes, ab infinita tempore in vestro genere litera tanquam in sinu & gremio conquisivisse, & earum continentem perpetuam possessionem, hereditate maiorum continuatam, in vos fratres, illustrissimi Patru obitu recidisse: neque ullam esse in Germania principum familiam, quae sit ad alias maximae armorum, ditionum, & omnium fortunarum Laudes, tantam, tam excellentem & tam praestantem gloriam adepti literarum. Quod cum ita haberet, quibus literarium munus, scriptum ad retinendam clarorum hominum dignitatem rectius quam vobis antiquissimis possessoribus literaria gloria, & hereditibus amplissimarum dignitatum dedicarem, non potui cogitatione consequi.

Deinde cum litera ad vos pertinerent, et earum vobis ingenerata esset cura atque benevolentia, visum est talem vobis librum offerre, in quo tanquam in speculo conspiceretur quantum cultum, quantum honorem illustrissimi homines literis, & vicissim quantum illi litera dignitatem, quantum gloriam tribuissent. Nam illis omnibus, quos lumine doctrina sua solum cohonestavit, obliuio paucis illis annis interitum fame & nominis attulisset, nisi literis tanquam praesidio muniti, ad sempiternitatem custodirentur. Quod cum vobis quotidie ante oculos conspectumque obversaretur, non dubitavi, quin magnos aculeos insingeret ad amandam et sequendam literarum dignitatem: non quòd huic in vitamentis egeritis, quos & naturarum moderatio, & ingeniorum praesentia, & voces praeceptaque clarissimorum hominum in viam virtutis deducunt, signatam & impressam vestigijs maiorum: sed quòd persuasissimè ipse mihi istiusmodi libri & sparsa in illis virtutis exempla, vestra saepe etati praeclarum fructum attulisset. Vis ita profecto estis in vetustissima nati literarum possessione, ita patris voluntate educati, ita instituti à doctissimis viris, ut literarum curam abijcere, aut benevolentiam in literatos dimittere possitis nunquam. Quoties enim ad maiorum vestrorum contestatam multis exemplis virtutem, quoties ad optimi laudatissimi quae patris prudentiam respicietis: toties inuisit vobis ad literarum amorem à natura facies, ipsi accenditis, toties cogitabitis, ducem vobis sequendam esse maiorum & patris auctoritatem, ne in aliis ingressi consiliorum & vitae rationem, videamini maiores vestros & patrem in omni gloria excellentem parvuducere, vel eorum sapientia anteponere vestram. Quod etsi in ista naturarum & morum temperatione: in illa, quae ex vobis elucet, plena gloria & virtutis indole, nemo de vobis, ne quidem suspicari potest: tamen non alienum esse iudicavi, institutum vitae vestrae & studiorum curriculum his libris confirmari. Fateor pulchrum esse, armis Principem & divitijs florere, quorum omnino curam debetis animo & diligentia complecti, sine quibus dignitas vestra & potestas non consistet. Verum haec brevia sunt, & cum vita tempore vaneunt. Litera non solum vivis profunt, sed mortuorum famam in omnes terrae fines sparsam, ad posteros perducunt, neque nullo tempore mori aut eo senescere patiuntur. Ut exigui temporis brevem percipiat, honoris, Imperij & volupta-

## P R Æ F A T I O.

in fructum pecunia potestis et armis conseq̃sed tum, cum fortuna domina rerum humanarum, & cum moderatio rationis ex literis accessit. Ut vero illa eadem non uno seculo, sed in omnium consequentium annorum perpetuitate possideatis: ut perennius vigeat nomen et rerum vestrarum gloria, neq̃ sepulchra vobiscum ex animis hominum discedat, ut post decursum infinitorum annorum posteris cognoscatur, fuisse vos aliquando illustres armorum usu, imperij potestate & divitijs principes, illa omnia non armis, non imperio, non opibus, sed literis obtinebitis, sed libris, sed doctōrum hominum monumentis. Itaq̃ cum curam suscipietis aliarum rerum, quas honoris vestri & vite dignitas requirit, tum imprimis cogitationes & benevolentiam ad literarum studia conferetis, in quibus simplicem videtis & apertam viam esse ad æternam gloriam: quam vos solam in omni vita spectare æquum est, & excludere aliarum inanum rerum cupiditatem, eoque magis, quod ex ea familia nati estis, in qua semper honor & splendor virtutis ac literarum enituit. Nec enim ditionum tantum & externarum possessionum heredes, verum etiam consiliorum & virtutum esse debetis, nec novus suscitare in veteri familia vivendi rationes, sed eorum esse similis, à quibus lucus huius usuram, & maximū Imperium accepistis. Sed quid ego illa ad vos qui primum, pueri adhuc, tanta vestigia in relictis vobis à maioribus virtutum viam fecistis, & nunc progressi paululū ætate, tantam spem apud omnes habetis excitatam laudabili vita vestra ratione, & honestarum rerum studiis, ut nihil à vobis, nisi excessum illustre, plenum dignitatis & gloria expelletur. Deinde in disciplinam estis traditi Casperi Scheghij, viri non solum excellenti eloquentia & perfecti omnium bonarum artium & iurij doctrina, sed magna etiam gravissimāq̃ autoritate, ut in pulcherrimo vos laudum atq̃ virtutum cursu retineretis, & si quando species aliqua fallacis voluptatis errorem obiecisset, quod mea & omnium opinione fiet nunquam, ad officium reducere sine mea & aliorum hominum cohortatione possit.

Revoco igitur me ad pensum meum: Et vos, illustrissimi Principes, per vestram & maiorum vestrorum expressam in vobis virtutē, per summam in dolem, per amplissimam potestatem humiliter oro, ut prestantissimum librum, meū impensu ornatum, & vobis inscriptum, sub vestri nominibus in publico apparere, a quo animus clementissimē ferat. Et tum me, tum librum in vestram gratiam atq̃ defensionem suscipiat. Mihi quidem toto animo de vestra dignitate, & de libri ratione cogitanti, nihil sum visus alienum facere meo officio & aliorum consuetudine, si vobis, in quorum familia litera tamquam in gremio semper stauerunt, eiusmodi librum dedicarem, qui natus in vobis et ductus à maioribus literarum amorem, autoritate & exemplis excellentium virorum confirmaret: & in quem iuvenes, specimen videretis propositum ante oculos istius gloria, qua literis acquiritur: quod vos quoties, non quidem alliceret ad benevolentiam tribuendam literis, sed exaceret & inflammaret. In quo debita animi summissione peto, ut vestra voluntate, suscepti mei consilij rationes comprobetis: & deinde, ut omnia in æquissimam accipiatū partem, nec gravemini, deductum me ad officia & additum vobis gratia vestra humanissimē completis.

Quod superest, clementissimi Principes, precor vobis à Deo immortalis, ut religione et doctrina ornati, in summo amplitudinē, dignitatē, & omnium honorū atq̃ divitiarum splendore, in perpetuo & æqualis secundæ fortune cursu, gloriosam vobis & utilem alijs vitam longissime sine omni offensione perducatis, & tandem ex gravissima ætate ad Dei & sanctorum consuetudinem emigretis. Celerrimē ex Basilea, &c.

U.

C.

Deditissimus

Petrus Perna Typographus.

PAU.

PAVLVS IOVIVS COSMO ME-  
DICI ILLVSTRISS FLOREN.

TIAE DVCL S.D.P.



**N** S I G N I V M aliquot procerum vitæ imitatione Plutar-  
chi summe gravitatis philosophi, à meliorentiore stylo per-  
scriptæ, quibus tu magnanime Cosme, spiritum dedisti cum  
elegantissimis formis, ut luculentius in publicum prodi-  
rent, excudendas curaveris, iure optimo patrocinium tuum  
deposcunt adversus obrectatores, vel hac una ratione,  
quod censuræ tuæ iudicium subierint. Agnosces enim (ut  
qui nostrorum temporum Historiam exactissimè calles) quo animi candore,  
quove studio, & pudore asserendæ veritatis, ea quæ nos vidimus, postero-  
rum memoriæ tradiderim. Intemperantis nanque ingenij foret, ea mandare  
literis atque edere, quæ summorum Ducum & Principum, qui adhuc vi-  
vunt & florent testimonio refelli possint, utiam non aliunde locupletior &  
certior fides scriptis nostris constet, quàm ex his quæ à summis Regibus &  
Ducibus, quib' ella gesserunt, enarrata referuntur: Quâdo hæc infinita pro-  
pè diligentia indaganti mihi (quod in tanto suscepto negotio summæ sceli-  
citatistuit) cum universis cunctarum propè nationum Ducibus, aut illustribus  
amicitiæ, aut non obscura familiaritas intercesserit, ut ex ipsorum sermone re-  
rum gestarum, consilia atque eventus noscerentur. Quid enim universam  
toto cognito orbe collectam historiam, à quinquaginta ab hinc annis scribe-  
re auso, tantumque opus non invita Minerva ad hunc usque annum perdu-  
centi, aut in hac vita beatius, aut post mortem extincta demum invidia glo-  
riosius evenire potuit, quam hoc incorruptæ libertatis specimen prætulisse?  
Sed id opus quod iam planè absolutum propediem edetur, excitabit (ut reor)  
apud nos, externasque gentes dissonos clamores, ut libido cuiusque feret,  
inter ambiguam laudem & certam obrectationem existimationis meæ, cum  
factiosa superbaque ingenia passim occurrant, quæ multa tanquam adula-  
tione aut odio depravata interpretentur. Verùm malignis aut ignorantibus  
egregij probique homines, inter quos tu ab excellenti virtute maxime il-  
lustris emines, tanquam iurati testes respondebunt, indignum esse ut ei ma-  
ledicatur, qui ingenuo labore incomparabilem utilitatem tot expressis vitæ  
exemplis cum honestissima voluptate & vivis & posteris at-

tuleris. Vale, Romæ xi. Kal. Maias.

1 5 4 8.

GABRI.

GABRIELIS PHAERNI  
CREMONENSIS

**I**llustres anima, quarum miro ordine mores,  
Et clara sorini facta chartis tradidit,  
Seu vos imperijs in pace vigentibus aucta  
Seu bellica fuit arte praelata.  
Quisquis inest vobis post facta novissima sensus,  
Si, quae hic aguntur scire vos credi licet,  
Latitia certe haud modica gestire, novoq;  
Debetis alacres exilire gaudio:  
Quum revirescentem longo post tempore famam  
Vestram, atq; laudes excitat a cernitum  
Facundi calamo sorini, quem nostra prope unum  
Aetate, vetustis inserit scriptoribus:  
Quare etiam atq; etiam vos huic debere satendum est,  
Aeterna per quem vestra vivet gloria.  
Nec minus insigni debetis plurima COSMO  
Cui leta pulchra pareat ora Euryma,  
Hac qui vestrorum invenit generosum honorum  
Monumenta, formis iussit excudat aeneis,  
Ille unus lapsas sedis vergentibus artes,  
Et literarum studia neglecta erigit,  
Ille sive vates, illi pia carmina cura,  
Et restituta in pristinum sapientia,  
Et qua sidereos linguens Astra recessus  
Sub hoc revisit Principe humanum genus.  
Viq; salutarum radianti lumine fidus  
Seu Veneris alma, sive supremi sorini  
Tribuit felici levat exoriente aspectu  
Astra, atq; letos undiq; eventus ciet,  
Non morbi, non bella vigent, maria alta quiescunt  
Et aethera largis terra ridet frugibus,  
Talis honorato Medicum de sanguine COSMVS  
Orbi serenum illuxit Errusco tubar,  
Sustulit incestas parvis ultricibus artes:  
Mores probrosos pepulit, induxit bonos,  
Virtuti pretium, ingenijs honor addidit, unum.  
Quemq; ad decora studia & artes allicit:  
Pax securae viget, iustum dominatur & equum,  
Procul insipientes exulant iniurie.  
Macte ista virtute animi, clarissime Princeps  
Futura nunquam te silebunt secula.

PAVLVS IOVIVS EPISCO-  
PVS NVCKERINVS HENRICO GAL-  
LIAE DELPHINO S. P. D.



V V M ad Niczam in spem exoptatæ pacis adductus Carolo fratri tuo Vicecomitum origines & principatus initia brevi commentario me perpersurum promississimè, nihil inde mihi antiquius fuit, quàm ut id quod susceperam maturè perficerem. Arbitrabar enim non multo post futurum, ut is summæ spei adolescens cum optimo iure suo, tum præclara Cæsaris Augusti liberalitate, Cisalpinæ Galliarum imperio potiretur. Quamobrem non modò mihi honestum, sed illi etiam maximè decorum atque iucundum fore providebam, si tantorum principum res gestæ in arctum volumen referrentur. Nam eos bellicæ laude, & magnificentia operum, & splendore vitæ cum clarissimis Græcorum & Romanorum comparari posse, sine controversia iudicamus. Ab hac vos nobilissima stirpe maternum genus regiarum Valesiorum domui insertum deducitis, unde hæc vobis Mediolanensis regni hereditas petitur, tot clementis iactata litibus, nec ullis unquam immitis fortunæ terroribus intermissa. Regnavere autem ex hac illustri familia duodecim Principes, centum & septuaginta annis: tot enim sunt ab Othone ad Philippum, in quo principum progenies defecit, quum is sine legitima prole decesserit. Cæterum confecto libro, quum offerendi huius muneris votum novus ex violatis inducijs renati belli tumultus aliquandiu fessellisset, tandem id totum Carolus ipse atroci facto vobis ereptus interrupt: graviore quidem nostro luctu, quòd iuvenis spectata virtute florentissimus, in ipso partæ pacis limine conciderit. Id igitur quod ei debebam, tibi rerum omnium hæredi integra fide persolvo. Tu verò sapienter generoseque feceris, ac planè regiè, si eo animo librum evolves, ut repudiatis viriis summis tantùm virtutum flores decerpas. Id porrò tibi haud difficile fuerit, qui paternæ laudis æmulus atque avia constantiæ præclarus imitator, ita diversas miro temperamento in unum virtutis mæscas, ut iam Gallia minimè dubitet, quin sis duobus longè maximis regibus maior atque feliciorevasurus. Vale.

1871-1872

1872-1873

1873-1874

1874-1875

1875-1876

1876-1877

1877-1878

1878-1879

1879-1880

1880-1881

1881-1882

1882-1883

1883-1884

1884-1885

1885-1886

1886-1887

1887-1888

1888-1889

1889-1890

1890-1891

1891-1892

1892-1893

1893-1894

1894-1895

1895-1896

1896-1897

1897-1898

1898-1899

1899-1900



# PAVLI IOVII NO- VOCOMENSIS EPISCOPI NVC ERINI IN VITAS DVODE

CIM VICECOMITVM

MEDIOLANI PRINCIPVM

P R Æ F A T I O.



ET VSTATEM nobilissimæ Vicecomitum familiæ, qui am-  
bitiosius à præalta Romanorum Cæsarum origine, Longobardis-  
que regibus deducto stemmate repetere contendunt, fabulosis pe-  
nè intus inuoluere videntur. Nos autem recentiora illustriora-  
que vti ab omnibus recepta sequemur, contentique erimus insigni  
memoria Heribrandi & Galuani nepotis, qui eximia cum lau-  
de rei militaris, civilisquæ prudentia, Mediolani principem locum  
tenuerunt. Incidit Galuanus in id tempus quo Mediolanum à  
Federico Aenobarbo deletum est, vir summa rerum gestarum gloria, & quod in satis fuit  
insigni calamitate memorabilis: captus enim & ad triumphum in Germaniam ductus fuisse  
traditur sed non multo post carceris catenas fregit, ingenti quæ virtute non semel cæ-  
sus barbaris vltus iniurias patriam restituit. Fuit hic, ut Annales ferunt, Othonis nepos, e-  
ius qui ab insigni pietate, magnitudinequæ animi, cauente illo pernobilis classico excitus ad  
sacrum bellum in Syriam contendit, communicatus scilicet consilij atque opibus Guliermo  
Montis ferrati Regulo, qui à proceritate corporis, Longaspatha vocabatur: voluntariorum  
enim equitum, ac peditum delectæ nobilitatis viginti milia, ad Boemundum à Brundisio  
transfretantem adduxere, ne Itali, vel studio religionis, vel bellica laude Galli inferiores  
esse viderentur. Ceterum Otho iam duobus asperis ad Nicæam atque Orontem præ-  
lijs spectate virtutis famam consecutus, oppugnante demum Hierosolymis Gothifredo glo-  
riosa totius exercitus acclamatione coronam promeruit, quum Volucem Saracenorum Du-  
cem in medio in campo ad supurgulare certamen fortissimum quenque ex Christiana acie præ-  
cantem, ipse vnus ante alios nihil eius immanis barbari ferocia, vel terribili insignium ara-  
morum specie permotus, fortiter atque feliciter deuicit, retulitque de confossi hostis galea  
opinum, plenumque immortalis gloria spoliū, auritam scilicet Viperam complicatis spiri-  
minuiciter à cono cassidis ereclam, & puerum passis manibus deuorantem. Quod vnum au-  
spicata virtutis argumentum, non modò gentilitiæ laudis gestamen fuit sed & posteris id in-  
signe audacter vsurpantibus & imperia, & opes, & latè gloriam portendit. Fuc-  
re qui existimarent, volucem ex stirpe Alexandri Magni progeni-  
tum, tulisse pro insigni viperam, ex Olympiadis fabula  
puerum parturientem, quòd ea à Draco-  
ne se compressam fuisse Iouis imagi-  
ne prædicaret.

## GABRIELIS PHAERNI

CREMONENSIS IN

Vitas Illustrum Virorum

Pauli Iouij.

Illustres anime quarum miro ordine mores  
 Et clara Iouius sacra chartis tradidit,  
 Sen vos imperijs in pace vigentibus aucta,  
 Sen bellica fuitus arte prædita.  
 Quisquis inest vobis post fata nouissima sensus,  
 Si, quæ hinc aguntur, scire vos credi licet,  
 Læticia certè haud modica gestire, nouoque  
 Debetis alacres exilire gaudio,  
 Quum reuirescentem Iouio post tempore famam,  
 Vestram, atque laudes excitatas cernitis  
 Facundi calamo Iouij, quem nostra prope vnum  
 Aetas, vetustis inserit scriptoribus.  
 Quare etiam atque etiam, vos huic debere fatendum est,  
 Aeterna per quem vestra viuet gloria,  
 Nec minus insigni debetis plurima COSMO  
 Cui leta pulchra paret ora Etruriae,  
 Hac qui vestrorum iuuenis generosus honorum  
 Monumenta, formis iussit excudi æneis,  
 Ille vnus lapsas seclis vergentibus artes  
 Et literarum studia neglecta erigit.  
 Ille sonet vates, illi pia carmina curæ,  
 Et restituta in pristinum sapientia,  
 Et quæ hydereos linqueus Astræ recessus  
 Sub hoc renisit Principe humanum genus.  
 Vique salutiferum radianti lumine fidus  
 Sen Veneris almae suæ supremi Iouis  
 Tristitia felici leuat exorients aspectu  
 Astra, atque letos undique euentus ciet,  
 Non morbi, non bella vigent, maria alta quiescunt  
 Et aucta largis terra ridet frugibus,  
 Talis honorato Medicum de sanguine COSMVS  
 Orbi serenum illuxit Etrusco iubar,  
 Sustulit incesas pænisultricibus artes  
 Mores probrosos pepulit, induxit bonos,  
 Virtuti pretium, ingenys honor additus, vnum  
 Quenque ad decora studia & artes allicit.  
 Pax secura viget, iustum dominatur & æquum.  
 Procul insolentes exulant iniurie.  
 Macte ista virtute animi clarissime Princeps  
 Futura nunquam se silebunt secula.

PAULI

PAVLI IOVII  
O T H O S I V E  
L I B E R I.



**N**OBILISSIMI Principatus fundamenta feliciter Otho  
iecit, Vberti filius, qui ab Asiatico Othone proauo no-  
men acceperat. Natus est Inuorio in pago apud Verba-  
num lacum, magnis quidem natalibus, sed patrimonio te-  
nuis, & tum adeo afflictis totius familiae fortune, ut qua-  
tuor tantum, & plane ignobiliū vicorum ditio, tot gen-  
tiles proceres maiorum suorum nomen tuerentur. Hi fuere Inuorium, Mas-  
tinum, Vergantutti, & Olegium: fundos etiam sat amplios Mediolani ex-  
tra portam Iouiani, à Sulthano Vicecomite emptos constat. Frequentibus

enim Barbarorum eruptionibus, & ciuili præsertim bello, cuncta apud Insubres conturbata prostrataque erant, vt non mirum sit, tantas opes in publica calamitate corruisse. Sunt qui ex genitura propter admirabiles syderum concursus, imperium ei à Mathematicis præntunciatum fuisse asseuerent. Verùm ipse repudiatis prorsus Astrologis, id vnum pro insigni ostentio iocubūdus accepit, quod Vicecomite Placentino Mediolani prætor, qui tum erat supremæ potestatis Magistratus, & Othone Cæsare imperante in lucem esset editus. Enituit satis maturè in adolescente ingenium alacre, præaltum, ardens, & (quod mirabile erat) graui prudentia temperatum: accesserat corporis atque oris dignitas maximè excellens: statura enim erat excelso, & nexu neruorum longè firmissima, pectore autem lato atque extanti, & radiosis prægrandibusque oculis: eloquentia verò illustri, exquisitisque literis, quum oporteret ad iocunditatem exornata, adeo vt cum omnibus magnopere placeret, etiam sibi meliore fortuna dignus videretur. Itaque ardente ciuili bello Gallia Cisalpina, domo egressus Romam se contulit ad Octavianum Vbaldinum Cardinalem, auctoritate atque opibus florentem, à quo benignè susceptus, adscribitur familiæ inter honestissimos. Nec multo post, cum in ea domo aliquandiu virtutis eximie perurbanæque comitatis, & naturæ nequaquam fallacis, vel insidiosæ testimonia passim reliquisset, Octauiano præalta semper agitante, in ocio pariter, atque negotio comes esse cepit: adeo vt munera legationum obeuntem & trans alpes acitum inter præcipuos sequeretur, hisque maximè temporibus extra ordinem necessaria domesticæ disciplinæ officia, cæteris languentibus aut occupatis diligenter impleret, abnuenti semper & coacto similis, ne ambitione potius quam obsequio aliena munia suscipere videretur. Literas enim scite atque expedite exarabat, dictabat eleganter, in omniq; occasione œconomicarum rerum cuncta ad pietatem, ad decus, temperantiamque reuocabat: quibus maximè rebus ita appetente Cardinalis ingenio certissimè laus pareretur, honesta quidem sibi in primis ad promerendam ampliorem gratiam, & demum ipsi Cardinali decora & vtilis ad petitionem summi Pontificatus contendenti. In vnam enim eam curam amplissimos senatores haud dissimulante incumbere, vti aulæ artium peritus facile intelligebat. His moribus iam abundè claro, & prospera vigenti fama, Leo Peregrus Mediolanensis Antistes in exilio apud Legnanum mortuus nunciatur. Hunc Martinus Turrianus tanquam patronum ducemque nobilitatis vrbe pepulerat, quum ipse iam populi causam aduersus Patricios suscepisset, perturbataque Republica statum popularem cæsis disiectisque nobilibus induxisset. Odebat Octavianus Turrianos tanquam nobilitatis hostes. Erat enim & vetusta & illustri apud Etruscos Vbaldinorum familia, & priuati quoque odij causæ intercedebant, parum quidem honestæ, sed ob id validiores. Nam et Martinus paucis antè annis notam nefariæ cupiditatis inusserat, quum fortè in Galliam iter habentem hospitioque susceptum, in templo diui Ambrosij, ne carbunculum mirabili fulgore & rara magnitudine conspicuum edonarijs auferret, armatus accurrens prohibuisset: Dicebat enim Cardinalis cupidè insequendo tractandoque eam gemmam omnino dignam videri, quæ ad ornamentum sacrorum solennium, in summa Pontificis Maximi thiara conspiceretur.

spiceretur. Hic est ille Vbaldinus præalto ambitiosoque ingenio, & magnis opibus potens Danthis Poetæ carminibus, obliquo probro simul & laude celebratus. Itaque ad excidium Turrianæ domus & ad condendum in Vicecomitum familia principatum, fatali euentu Otho Mediolanensium Archiepiscopus ab Octauiano declaratur, qui amplissima ad id potestate, iure munereque legationis fungebatur: idque approbavit Vrbanus Pontifex vel ob id quod duos fœda dissensione Mediolanensium defuncto Leonis suffectos audiebat, Raimundum scilicet Turrianum Martini patruelis potentia armisque potius quàm liberis suffragiis prouectum, & Franciscum Seprariensem, quem virtutis commendatione populus tribusque omnes in ordium Martini ueluti impotenter & superbè dominantis extulerant. Favebat Othoni Vrbanus, ut maiestatis Pontificiæ iura tueretur. Itaque cum ritè consecratum insignitumque mitra & lituo pastorali, ad sacerdotij munus obeundum in Cisalpinam Galliam dimittit, eo etiam cupidius quod Turrianis insensus erat: nam fortè per id tempus magno Othonis commodo Vbertus Pallauicinus Turrianorum copiarum dux, Placentinorum agros Pontificis ditionis populabundus affixerat. Erepsierant Turriani paucis antè annis ad summam potentiam, ab initio in Republica popularem auram optimis artibus aucupantes: postremo autem dominandi libidine accensi, totius publici consilij formam, Prætoris arbitria, & suffragiorum denique omnium iura libertatemque sustulerant. Fuere illis magnæ opes in Saxina valle, quæ est ad Larium lacum, creuerantque plurimum hæreditate Tacij Reguli, qui geminos è Belgica Gallia profugos Turrianos fratres militaris indolis sibi generos adscuerat, atque adoptarat in filios. Ab his progenitum ferunt superiorem Martinum cognonine Gigantem, qui post egregiæ virtutis facinora ad Antiochiam multis in præliis edita, à Saracenis captus, & miserabili supplicio affectus fuisse traditur. Huius nepos fuit Paganus vir excellenti virtute prudenniaque, qui multa cum laude liberalitatis & pietatis, Mediolanenses à Federico II Cæsare, ad Cohortisnoxe oppidum cruento prælio profligatos ad se recepit, incredibilique benignitate omni humana ope adiutos sinit, domumque dimisit: cui non multo post optime sese merito gratiam reulere de mandato ei Præturæ magistratu, ipsoque cum uniuersa familia ciuitate donato. Paganus ita gessit magistratum ut nemo temperantia, æquitate atque industria potior videretur, nisi populi atque infimæ plebis se defensorem professus, paulo acerbius patritios tanquam superbè ac petulanter minores ordines diuexare solitos, patria exturbandos suscepisset. Hunc satis functum & ad Claraualis templum suuere publico elatum, omnes ordines diu luxerunt, honoraruntque marmoreo sepulchro insculptis carminibus cum titulo magnificè atque feliciter administratæ reipublicæ. Pagano successit Martinus frater vir ingenio perspicaci, erecto ad laudem atque imperij, & gloriæ maximè cupido: cæterum (quæ ad id opportunè erant artes) multa ciuili clementia & lenitate temperato. Hunc populus defensorem suum patriæque patrem appellauit. Paulum enim Sorefinam, Leonemque Peregrum vrbis archiepiscopi Patriatorumque duces VI expulerat, bonis exuerat, exilioque multarat, contederatque adeo nobilitatis animos, ut Respublica numerofo præualente in,

timorum hominum consilio in speciem libertatis, non obscure autem ad v-  
 num ipsius arbitrium regeretur. Eo modo nobilitate in ordinem redacta,  
 & grassante plebe in patritium sanguinem, Pontifex Romanus affectum  
 laceratæque civitatē miseratus, Ravennatem antistitem Mediolanum misit,  
 qui christianæ pietatis officio cædes tolleret, odia mitigaret, statumque per-  
 turbatæ urbis componeret. Is capita factionum ablegavit, & ante alios  
 Martinum: sed is non multo post evocatus studio veterum amicorum, ho-  
 stibusque ad Divi Dionysii templum tumultuario certamine profligatis, in  
 urbem est receptus. Exinde Martinus usurpato imperio cuncta regere,  
 plebisque præcipuè commoda tueri, & novis & sæcularijs hominibus præ-  
 sidio esse: contra verò nobilitatem asperrimis edictis armisque persequi, &  
 latè undique submovere. Confugerant patritij ad Actiolinum à Romano,  
 quem Eccelinum perperam aliqui nominant, qui rei militaris peritia & im-  
 manitate crudelis ingenij duces omnes atque tyrannos anteibat. Is Cæsa-  
 risnarum partium princeps erat, Federicoque secundo dux & miles operam  
 navarat. Itaque magnis coactis copijs adversus Turrianos bellum suscepit,  
 transgressusque Abduam in agrum Mediolanensem sese effudit, patritios  
 in patriam reducturus, viturusque eorum iniurias sanguinaria manu, nisi  
 dñj eam diræ pestis cladem avertissent. In eo enim metu & trepidatione,  
 Martinus constanti animo populum sub signis eduxit, interelusumque ty-  
 rannum amne Abdua cum à tergo Vbertus Pallaucinus, & Actius Atesti-  
 nus, Bosiusque Douaria, forderati principes instarent, commissa pugna su-  
 peravit, tanta felicitate ut ipse tyrannus Nerone crudelior suo atque alieno  
 cruore perfusus, cum sese incitato insigni equo eripere conaretur, vivus in  
 potestatem hostium deveniret, nec multo post in tabernaculo Bosij repu-  
 diatis remedijs expiravit: cum nullis vel benignis precibus adduci posset,  
 ut bene speraret, & obligari vulnera pateretur: totius enim oculis ferociam  
 spirans, neminiq; respondens, tot scelerum poenas effugere accessita mor-  
 te properabat, ne turpi incertæ vitæ desiderio ludibrijs ignominiaque su-  
 peresset. Cæterum eo prælio nobilitas prostrata fugataque est, & Marti-  
 nus autoritate, gloria, atque opibus adactus, soluto pudore dominatum  
 arripuit, abolevitque eius concilij nomen; quod populus sub Credentia  
 nomine instituerat, cuius decretis ipse dudum solemnī sacramento adactus  
 se statuit, tanta iuraverat. Sed es moderatione & temperantia Martinus vete-  
 batur, ut nullum superbum aut insolens dictum ore vel gestu prorsus exci-  
 deret. studebat tranquillitati, copiae, vbertatique rerum omnium, Paulique  
 Sorefinæ adversarum partium principis filiam matrimonio sibi copularat,  
 ut & inimicis ducein opulentum detraheret, & pacem atque ocium se ma-  
 ximè cupere ostenderet. At patritij ab his nuptijs repudiato Paulo ad Ior-  
 danem Ruscam Comensem se contulerunt: quamobrem Martinus maio-  
 rem indies gratiam, exactæque prudentiæ opinionem est consecutus. Ad  
 confirmanda quoque populi studia, declinandamque invidiam, quum sum-  
 ptuosius ædificare diceretur, omnes operas ad Ticinum conduxit, ut non  
 procul ab Abiato oppido emissarium navigabile deriuata parte amnis ad  
 urbem perduceret, ad facillimas subuectiones importandorum ex agris fru-  
 ctuum, qua incomparabili commoditate populus in quotidianos vius per-  
 petuo

petuo frueretur. Sub id tempus variae patritiorum manus ab exilio latebrisque remotiorum oppidorum ad Othonem perueniunt, patriam & sacerdotij sedem ex auctoritate Pontificis repetentem. Hi nanque in nouam spem quæ exules & miseros nunquam destituit, erecti, vndique coiterant, parabant arma, veteres amicos & propinquos qui domi remansissent, nuncijs ac literis sollicitabant. Itaque Otho crescentibus viribus, confectio noctu itinere ad Verbanum clientelasque suas contendit, Aronamque occupat, vt ea bello certa sedes foret, & firmiores demum copias tuto cogeret, ad bellum Turrianis inferendum. His rebus cognitis Martinus quanta maxime potuit celeritate copias ex oppidis deducit, Pallauicinum euocat, quem in quinque annos per ampla mercede conduxerat, Ticinumque transgressus ad Aronam castrametatur. Horum aduentu Otho quum diu terrestribus & naualibus copijs obsessus & oppugnatus nihil vel repugnando vel erumpendo proficeret, fortunæ celsit, deditoque oppido noctu profugit, ne in conspectum hostis deueniret, & suos ex pactione seruauit incolumes. At Turrianus Aronæ, Angleriz Brebiæque arces demolitur, vt nihil in quo hostis tuto consisteret, omnino relinqueretur. Exulante autem Othone, Martinus moritur, Philippoque fratri Reipublicæ gubernacula committuntur. Verum ille confirmatis opibus ad principatum aptè contendens, se prætorem in decem annos creat: certantibusque etiam Comi intestino obello Vitanijs atque Ruscianis, vrbe positur, prætor emque sibi de Vitanijs creat. aduersarios expellit, in Volturenamque vallem vsque persequitur. Sed tanta vis erat patritiorum exulum, duce præsertim Othone, vt occulto metu plurimum angeretur, atque ob id parandas sibi omnino nouas amicitias affinitatibus atque coniugijs existimaret, vt aliquorum nobilium assensu & studio stabilire opes, retinere vim prætorij iuris, imperij auctoritatem maiorum virtute collectam tueri posset. Itaque Guliermo Pusterlæ patritio filiam nuptui dat: ipse tum celebs vxorem ex Biraga nobili familia ducit. traditur etiam vxor Francisco Turriano Iacobi patruelis filio, ex gente Castillionea, qua cognatione subnixus, dispersis iam atque attritis exulum viribus, vt impense parceret, Vbertum Pallauicinum exacto stipendijs quinquennio missum facit, singulari Turrianæ gentis incommodo: nam ille contumelia accensus, per occasionem quantis maxime potuit artibus, patrijs adherens Turrianos semper oppugnavit. Sub id tempus Carolus Andegauenſis e Narbonensi Gallia in Italiam venit, euocatus ab Urbano Pontifice aduersus Manfredum pontificiæ maiestatis auctoritatem patris & proauj more conuellentem. Huius amicitiam quum Turrianus magno pere appeteret, copias eius intra fines recepit, & comæatu, veste, armis liberaliter iunxit, vt Gallorum præsidio firmior factus, Pallauicini nobiliumque exulum vim propulsaret: & quò præclarius studium eius erga regem ostenderetur, Emberrâ natione Gallû regis familiarè prætura ciuitatis ornauit. Philippus interea moritur repentinò correptus morbo. Hic vir bellipacisq; artibus abundè instructus, principis & domini spiritus gerebat, virtute Martino par, sed astu & ambitione superior. Accepit imperiû statim Napus quem Napolconem aliqui appellât, Pagani filius, vir militaris callido tyrânno quam moderato principi similior: etenim nihil illi antiquius fuit quam pa-



tritos cedere, proscribere, omnibusque contumelijs atque iniurijs, exagitatos, ad internitionem delere. Erat Laudi Pompeiæ certus miseris & profugis receptus benignitate Vistarinæ familie, cuius princeps erat Succius. Hunc Napus obsessa & capta vrbe, periculoso certamine viuum cepit, atque interfecit, necatis etiam in carcere eius gentilibus atque amicis. Fissragam vero familiam Vistarinæ ex aduerso æmulam, quæ Turrianæ factionis nomen tueretur, aduersariorum opibus ditat, & principem in vrbe constituit utque Guliermo Montis ferrati regulo ad quem fortè mortuo Pallauicino patritij exules confugerant, rerum suarum metum incuteret, traiecto Tiscino & admotis ingentibus copijs Viglebanum expugnauit. Iisdem diebus Vrbano vita functo, Clemens pontificatum adeptus enixè contendit, ut Otho à Turrianis reciperetur, præsertim populis id expetentibus, prædijque templo ditatis, & tota diuini iuris possessione potiretur. Cæterum Napus qui ad Othonis nomen fatali quodam metu expèrgisci, ac sermone & vultu inhorrescere erat solitus, Pontificis literas & preces, atque item minas superbe contemnebat. Itaque indignante Pontifice, tanquam rebellis & impius sacris interdicitur. Mediolani templa omnia clauduntur, sacrificiorum solennibus intermissis: populus dolet atque angitur, neque tamen timore conterritus postulare audet, ut admissio Antistite ira pontificis leniatur, si mulque ciuitas his imprecationibus expietur. Hærebat imperij sinibus Otho, ad eumque exules vndique confluxerant: erat enim in eo præclara authoritas, atque ex honestissima belli causa repetendæ patriæ magna spes omnibus proponebatur. Quid enim æquius aut honestius quàm pro libertate sacratum Antistitis contra tyrannum impotentem, seuum, inferorumque furij sacrosancti Pontificis execratione deuorum, arma ferre, crudelique dominarum detrudere? Cùm in his consilijs nobilitas omnis versaretur, ob idque in agro Vercellensi sæpius coiret, Napus Paganinum fratris filium, ac ingenio iuuenem, & nobilium cædibus assuetum, Vercellensium prætorem designat. Petita primoribus ciuitatis, ut eum recipiant, in magistratuque constituant. Ea res delata ad patritios qui Vercellis erant, omnium animos metu conculsit, ac dolore succendit: nemo enim ignarus rerum, non prouidebat eo consilio Turrianum, & eum quidem cruentum ferocemque hominem Vercellis prætorem imponi, ut Patritios suæ gentis hostes vrbe pelleret, passimque opprimeret, atque omnibus in locis persequeretur. Itaque exulum principes coacta armatorum manu, aduentantem cum Prætoris insignibus Paganinum in itinere obruncant: quo nuntio Napus & Emberra adeo in vindictæ cupiditate exarsere, ut immani eorum iussu, omnis sexus & ætatis exulum propinqui, cùm Paganini cadauer ad diui Dionysij templum atrata familia conuexisset, ad eius tumultum tanquam hostiæ mactarentur, & quod miserabile spectaculum fuit, ad sepulchra maiorum plaustris in urbem referrentur. Scribit Trifstanus Scalchus adeo vesana rabie Napum fuisse correptum, ut Musca filius, ad quem postea ex diuturno carcere recuperati imperij laus peruenit, comprehenso medico cui salutem ex lethali morbo acceptam referebat, vitam vix impetrare posuerit: cùm grauissimè furaret iuuenis, dolore atque inedia sibi vite exitum inuenturum, nisi vir sibi salutaris & innocens, ab crudeli supplicio seruaretur.

Napus



Napus tamen vbi totam immanis vindictæ libidinem expleuit, atque ira deferbuit, id execrabile facinus detestari, in Emberræ faciuriam cum externi repentinique homines, tum etiam raro sobrii culpam referre, prorsus nulla verborum ac vultus simulatione facti atrocitatem lenire. Nec multo post, vbi id populum grauius tulisse animaduertit, ad mitigandam inusitiam Gallus prætura deijcitur, atque vrbe ob iram ciuium excedere iubetur. Nihilo secius tamen Carolo regi de interfecto hoste Mansfredo rege, partoque Apuliæ regno, victoriam gratulatur, misso ad id munus Francisco fratre cum ornatissimo comitatu, donisque regalibus: qui alacriter susceptus, & donatus baltheo militari, regiaeque militiæ honoris causa ascriptus, ita demum Mediolano vitam egit, vt ad imitationem Gallici luxu splendore, & domesticarum rerum apparatu Napum principem anteiret. Erat res Turriana in summo aridentis fortunæ fastigio, cruciabatque ingenti cura Antistes Otho, mæstaque & extorris nobilitas errabat, ab infimo quoque Regulo opem implorans, vti consumptis opibus, atque amissa dignitate, quando toties repetita patria bellum graue & ærumnosum improspere, & dijs haud dubie inuitis renouasset. Vigebant tamen in Othone mira constantia & spes incredibilis adipiscendi imperij sacerdotalis, & perinde infracto animo patricij eo duce qui iustissimam præferret causam, oninia sibi ad reditum atque victoriam faciliora fore existimabant. Erat inter extorres Squarcinus Burrus vir apprime nobilis & opulentus, vigoreque animi, atque armorum peritia illustris, cuius filia nomine Bonacosa virtute, forma & fecunditate insigni, Matthæo Magno nupserat: Huic Otho patricijque, Pallauicino per eos dies morte surrepto, imperium militare detulerant, inierantque fœdus cum Guliermo Montis ferrati marchione, Ferdinandi Hispaniæ regis genero, eo consilio, vt maiore belli mole Turrianos oppugnarent. Destinabat enim sibi Guliermus si id bellum susciperet, multo maiores opes, multoque maius sibi indies imperium: verum externis soceri auxilijs sibi opus esse iudicabat, vt eximie virtutis gentem bellicarumque artium maxime peritam Germanis & Gallis opponeret. Remanserant enim aliquot Gallorum turmæ apud Turrianos, ex his quos Flandrius comes Caroli dux in Italiam adduxerat: ipso enim in ea pugna interfecto, quam Pallauicinum & Gibellinos superarat, plerique ex eius equitatu, postquam debellatum esse videbatur, orbatu duce, subsistere in Circumpadana regione, quam Neapolim vsque ad regem contendere maluerant. Itaque ad Ferdinandum ipse Burrus in Hispaniam mittitur, vt legationi maior inesset autoritas. Is vti erat graui facundia, explicatis partium pariter atque hostium viribus, terminatisque consilijs à rege copias imperauit, impositisque in naues sexcentis equitibus, & aliquot iacularum & sagittariorum cohortibus, in Liguriam est reuersus. Nec multo post ab Saona superatis Apennini iugis cum ea manu ad Guliermum peruenit. Rex enim generum suum existimatione atque opibus augere, & prorsus efficere in ipem ingentem amplioris imperij magnopere cupiebat. His confirmati auxilijs cum Othone Burrus & Guliermus ad Viglebanum, quod Turrianus præsidio tenebat, processere: tentata est per quatuor dies oppugnatio, promotis scalis, & in coronam circumdatis funditoribus &

ribus & sagittarijs, ita vt murus continenter propugnatoribus nudaretur. Sed Turrianus miles pluteos ex crassiore materia pinnis coaptarat, quibus protectus magnam vim lapidum deuoluebat, vulnerabanturque subeuntes, neque spes vlla expugnandi oppidi, nisi ingentibus balistis & machinis longo laboriosoque opere ædificatis relinquebatur. quod tum minimè conandum existimabat Burrus, ne vltra Ticinum oppugnando eo oppido hærens diutius distineretur, quum superare amnem, & quamprimum oppidis Mediolano proximis bellum & pauorem inferre cogitaret. At Viglebanenses irritò hostium conatu, & felici suorum successu elati, quum Burrus milites ab oppugnatione reuocaret, contineri minimè potuerunt, quin adperta porta protinus crumperent. Hos temerè incumbentes, insolentiusque prouectos Hispani suo more refugiendo & latè pauorem simulando opportunè ludificati à porta longius abstraxere, adeoque celeriter in gyrum reflexis turmis circumuenere, vt hostes quum se penè ab oppido interclusos cernerent, & in receptu multis confixi iaculis laborarent admistis Hispanis intra portam refugere cogerentur, ac nisi impeditis atque occupatis valuis, demissa repente cararacta densato ordine irrumpentes exclusissent, Hispani proculdubio sine vulnere oppidum cepissent. Ex Viglebanensibus aliqui occisi, plures capti. Periere & intus aliquot equites Hispani supernè tegulis oppressi, cæteri permutatione facta cum his qui exclusi fuerant, in caltra redierunt. Erat tum Ticino amni sublicius pons ad Turbicum vicum impositus, munitusque ad capita lunato aggere & ligneis castellis, in quæ binæ vtrinq; Mediolanensium & Comensium cohortes ad custodiam excubabant. Decreuerat fortè per eos dies Ticinus, ita vt expediti equites certis vadis haud magno cum periculo transire posse viderentur. Itaque Othoniani equites fermè omnes, & in primis Hispani confessores totidem pedites in equorum clunibus transportantes, in aduersam ripam euaserunt, & vtrinq; sub auroram improviso aggeres adorti, magno tumultu, magnisque clamoribus subire cœperunt. Tanta celeritas Hispanorum fuit, vt in ea parte præsidium penè prius deicerent, quàm alterum è tota mole pedestris exercitus expugnaretur. Paucis interfectis, omnes Burrus potius ponte inuiolatos conseruauit: & quum liberaliter etiam dimitteret, rogauit, vt ad referendam eius beneficij gratiam iam tandem à patrio sanguine temperarent, & sacrosanctum Antistitem templo sedæque sua atque ipsos denique nobiles, patria atque penaribus dignos existimarent. Ob eam humanitatem, Burri nomen Mediolani & Comi clarissimum fuit: & magna quoque pars eius laudis ad Othonem referebatur, vel inuitis & negantibus Turrianis, qui plebis animos his humanioribus officijs pietateque hostium deliniri posse metuebant. Huius Burri monumentum in Peristyllo ad ædem Eustrogianam nuper vidimus, exelsis literis & superstante scutata equestri statua cum scepro, imperatorisque insignibus ad veram oris effigiem depicta. Cæterum Burrus & Guliermus diffuso per Laumelinum agrum equitatu, atque inde cum magna agricolarum trepidatione Sepriensem ingressi regionem, ac demum transuersis itineribus Comensem & Ticinensem secantes viam, vicos Mediolano proximos inuasere. Erat ad Caratum oppidum in æstiuis

in æstius Narbonensium Gallorum equitum ala, ad eam reliquæ Italarum turmæ, acque item cohortes vti conscriptæ instructæque erant Mediolano mittebantur. Napus interea quanto maximè conatu poterat suas atque externas copias cogebat, ut iusto exercitu cum hoste patenti in campo congrederetur. Sed dum a Parmensibus auxilia expectantur, Carociumque cum signis militariibus & Valentes prætoriani instruuntur (sic enim eos spectata virtutis milites vulgò appellabant, qui ad tuenda signa delecti erant) Otho fit certior, Gallos negligentius, ut in nullo metu, vigiliis obire, atque eos noctu opprimi facile posse, si expedita cum parte copiarum Hispani equites mitterentur. Nec mora, re ad consilium delata, expeditionem suscepit Burrus. paucisque horis confecto per noctem itinere, Caratumpervenit. Forè Gallos Italosque simul ea nocte liberalius epulatos aliorum somnus oppresserat, & vigiles rari in statione segnius agebant, quum Caratenses exacerbati hospitum iniurijs Burro faciliores aditus ostenderunt. Itaque magnis clamoribus occupato oppido, nequicquam tentata defensione inermes discinctique equites capti: Italicæque turmæ eandem fortunam tulere. Sed quum victores ingenti positi præda captivis indulgenter custoditis, corpora & equos curarent, affuit instructio agmine Napus, Othoque & Guliermus eodem serè temporis puncto superuenere. Commissa est extra oppidum pugna Burro atque Othone nec opinantibus, sæda vtrinque militum concussione: nam & oppidum Germani equites irruerant, & captivi relucebant arma: foris verò Turriani equites, & Mediolanensis legio Valentiumque cohortes Guliermi copias adeò perturbabant, ut disiectæ in fugam verterentur. Hispani quoque equites qui satis maturè equos conscendere atque arma expedire cœperant, angusto in loco confectæ Germanorum alæ impetum non tulere, uti magna ex parte inermes, & Maurorum prælijs assueti, sua tamen agilitate cō profecerunt, ut primis suorum interfectis, celeriter sese explicantes euaderent. Napus primi successus victoria contentus suorum agmina in acie continuit, siue quod dolum ab insidiosa gente suspicaretur, siue quod in ea admodum repentina vtriusque exercitus perturbatione, quum nihil pro certo explorari posset libertatis præsertim Gallis legionis dissolutionem periculosa existimaret. Otho, Guliermus & Burrus, cum integro sermè equitatu, & magna parte peditum evadentes continuatis itineribus ultra Ticinum se recepere. Ita Napus sua celeritate & opem oppressis suis opportune tulit, & felici casu de hoste victoriam est consecutus. Huius rei gesta seriem tempusque Corius scriptor confudit, falsoque asserit, ea die Theobaldum Magni Mathæi patrem fuisse captum. Merulaque, utpote eam annalium copiam qua nos vivimus, non nactus, de Hispanis angustissimè perscripsit. Ab hac victoria Napum constat odium suum iramque violenter exercuisse, in eas præsertim familias quæ ad hostes inclinaissent, aut comæatum ex itinere præbuisissent, Castellionumque in primis diruisse, quoniam eius oppidi nobiles, licet Turrianis affinitate coniuncti, in Othonis partes transierant. Interea Otho ad Clementem qui Urbano vita functo successerat, proficiscitur: orat ut eius ope in sedem suam patriamque restituatur. Fauebant Othoni plerique Cardinales, hortabanturque Pontificem ut sacrosanctæ maiestatis iura in ipso principatus

nam Galliam missurum, ut ex eius autoritate controuersæ componerentur, hominem ea virtute atque industria ut breui rationem inueniretur sit, qua Othoni pariter ac Napo certis præscriptis legibus caueatur: atque ita futurum esse, ut Othone recepto & de more diuini iuris dicendi facultateposito, ciuitati sacra redderentur. Nec multo post legatus Othonem redacturus Mediolanum venit. actum subinde est de compositione, ex formula Romani senatus, omniaque pollicente se facturum Napo, & excolente omnibus officiis ac largitionibus legatum, ciuitas expiatur, nec tamen Otho recipitur, magnoque eius incommodo dum Napus nouas perficiendo negotio difficultates inserit, sensimque inde tempus extrahitur, eluditurque legatus, Clementem morbus repentinus oppressit. Nuntiata Pontificis morte Turrianus vel ob id etiam voti compos est effectus, quod patres fœda dissensione in diuersa studia proclinantes, in comitio aliquot menses contenderant. Per opportunè igitur Napus excluso summotoque Othone ad firmandas imperij vires conuersus, Rodulfo Cæsari legatos cum amplissimis donis in Germaniam misit, obtulitque vtrò studium suum atque opes ingredienti Italiam ad coronam Longobardici regni de more suscipiendam. His pollicitationibus lætatus Cæsar, Napum suo augustali iure præsidem, procuratoremque in Insulubris constituit, alamque Germanorum equitum mirificam ad eum præsidij causâ misit: cui Cassionus Napi filius iuuenis decoræ formæ & militari virtute conspicuus præficietur. Interim Othone in omnem occasionem excubante, cardinales Theobaldum Vicercomitem Placentinum, indito Gregorij Decimi nomine, pontificem creant, quum is infimi ordinis sacerdos, sed virtute insignis, nunquam de toga candida cogitasset. Magno quidem senatorum probro, qui neminem e corpore suo in ea pertinaci contentione pontificatus dignum existimassent, nolentisque similes, & casu quodam suffragijs ludentes, probitatem ex alio, eoque humili ordine quæsiuissent. Ad hunc Otho profectus, de reditu in patriam sedemque suam diu agitauit, adhæsitque ei in Galliam ad concilium contenti, quum ille & Urbani & Clementis acta se defensurum in ea sacerdotij causâ prolixè polliceretur. Sed Napus tanto cum honore apparatuque Pontificem Mediolani suscepit, tantaque liberalitate abeuntem in Galliam est profectus, ut pontifex eius sacerdotij controuersiam, non prius se cogniturum diceret, quàm peracto Lugduni concilio, in Italiam reuertetur: Raimundumque subinde in gratiam Napi fratris totiusque Turrianæ domus Aquileiensem patriarcham creauit. Hic erat episcopus Comensis multa morum grauitate, sed profunda ambitione, & nefaria simulatione insignis: ab eo enim in id scelus tota familia conspirante, summissos percussores ferunt, qui Othonem Placentiæ in aula Pontificis obuerfantem, obseruatis vestigijs obtruncarent: sed ille per seruum ex cauponariz mulieris indicio insidias subodoratus, noctu iter arripuit, Lugdunumq; contendit. Refert Stephanardus Flamma, qui eam historiam carmine conscripsit, Pontificem ipsum (quod vix credibile est) nefarii cōsiliij cōscium fuisse: & quod fortasse pro falso esset omittendū, nisi & tum & postea quanū vita superfuit, Othoni animū plane hostilē, & quo lethalius noceret, insidiosis honestorū verborū colorib;

bus conuclatum ostendisset. Ita his Othonem à gladijs Turrianorum Fortuna seruauit, semel in æde Ambrosiana dum Octauiano cardinali adesset, quæritantibus eum Turrianorum satellitibus vsque ad latinarum recessus: iterum ad Placentiam. Peracto Lugduni concilio, & composita duorum Cæsarum controuersia, decretoque nouarum copiarum supplemento ad instaurandum in Asia bellum, Gregorius in Italiam est reuersus comitante Othone, qui spei optimæ plenus ex præclara eius pollicitatione, diu exoptatum æquissimis postulatis suis exitum expectabat. Sed Pontifex iam planè Turrianæ factionis effectus, Othonem occultè adorat tanquam credito rem, & æqua poscentem, palam tamen multo cum verborum honore veluti gentilem beneuolentem suum, ut bene speraret hortabatur. Adcurrerant ad Othonem viri Patritij, amicorumque affinium clientumque numeros indies apud eum augebatur. Quo illustri comitatu Pontificis aula frequentior atque ornatiores reddebatur: nemoque iam exulum erat, qui non planè speraret propensione studioque Pontificis Turrianos Archiepiscopum esse recepturos. Iam enim Franciscus Septariensis quem populus delegerat, ut Turrianorum potentiam auctoritatemque minueret, ædio turbulenti contentionis, sponte se abdicans ad religiosi ceteri quietem se contulerat. Cæterum Gregorius ab Alpibus descendens, Othoni nihil tale expectanti præcepit, ut Bugellæ Vercellensis agri oppido subsisteret, ne eius aduentu ad urbem Mediolanum ea omnia, quæ de compositione paceque exulum prolixè tractata fuerant, noua Turrianorum suspitione aut iracundia turbarentur. Paruit Otho extrema compulsiu necessitate, in occulto gemens & sæpe suspirans, nec tamen animum despondens. Paucis inde diebus Pontifex ipso Patriarcha Raimundo ornatissimè lætissimèque excipiente, cum Mediolanum ingrederetur, festa fronde atque auleis conuestitiæ erant regiones. Natus & Franciscus qui honoris causa ab æquis desilierant, astantes fratre Pontificis equum deducebant, umbella serica denis hastis à Turriana iuuentute præferebatur. Quibus obsequijs alijsque muneribus Pontifex haud dubiè traductus in partes, & ab Othone diductus, ita demum Mediolano excessit, ut cum multa præfatione inanum verborum, æquissimam sibi videri Othonis causam dictitaret, sed eius controuersie iudicium in aliud tempus esse differendum: quod nequaquam è Republica Christiana fore videretur, si Turrianarum rerum statum, reducto potenti æmulo perturbaret, quando ipsa potentia virtuteque animi magnis regni regibus æquarentur, quibus fœdere & amicitia essent coniuncti, colerentque singulari officio ac pietate pontificiæ maiestatis nomen, idque armis impigre defenderent aduersus Gibellinos, quorum inter principes, Otho præcipuus esse censeretur. Res enim tum in Italia aduentu Caroli regis eo deductæ erant detestabili populorum omnium infania, ut cunctæ ciuitates diris factionibus laborarent. Quelli à pontificibus stabant, quorum defensores erant Galli: Germanis alteri studebant, qui Gibellini vocabantur. Hi magna ex parte nobiliores familias ad se pertraxerant: populares verò familiae & plebs nouique homines Romanorum pontificum iura tuebantur. At patritij superiorum Cæsarum militiæ adscripti postemerita stipendia clari potentesque euaserant, quum imperatorum be-

gnitate

nignitate prædijs, oppidis, portorijs, aquarumque iunibus donarentur, speciosisque nominibus acceptis, aurati equites, Valuafores, Capitanei, & Comitès appellarentur. His vti Cæsarum beneficiarijs mos erat pro insigni Romanam aquilam gestare, ingredienti Italiam nouo Cæsari adesse, præstare operam militarem, nouosque honores perpetuis officijs promereri.

Ita honestati priuilegijs, & exempti ab omnium foro iuriscicundi, inferioris populi classes, plebemque ipsam seruilem in modum despectui atque ludibrio habere, & sæpe, si iusta tardè facesseret, contumelijs atque verberibus mulctare consueuerant. Et quo nihil acerbius videbatur, vigeat iniqua lex, haud dubiè ad iniuriam populi promulgata: qua lege si quis è plebe à patritio esset interfectus, paucis assibus ea capitis pœna solueretur.

Huius legis iniquitas aliquandiu tolerata, ad extremum plebis animos adeo vehementer extimulauit, vt vi atque armis eam rescinderet, & nobiles duces Turrianis persequeretur. Nihil deinde medium aut æquabile plebs volebat, cum arma teneret, & vindicandas superiorum temporum iniurias arbitrareretur, frustra etiam patricijs priorem licentiam suam moderantibus. Ea enim impotenter dominari quàm ex æquo iniurias propulsare malebat. Ea contentio Turrianos (vbi supra docuimus) in ciuitate prætores & principes, ac demum recrudescente intestino malo, belli duces & dominos fecit: tantaque demum fuit imperitiæ plebis insania, vt odio nobilitatis quam vt bepepulerat causa recuperandæ libertatis, nouæ demum & præduræ quidem seruitutis iugum, æquo animo perferret. Cum iam Turriani sublata publici consilij potestate, cuncta pacis & belli munia ad arbitrium suum reuocassent, & vt imperij opes validius confirmarent, in partes Caroli regis, & pontificum concesserant, mutuisque fœderibus initis, in eam curam cuiuslibet, vt Germani Cæsares Italiæ finibus arcerentur, Gibellinis vbique perderent, infirmarentque eorum vires qui à Cæsaribus opem implorarent. Per hunc modum Roma, Neapoli, Florentia, atque Mediolano exacta proscriptaque nobilitas errabat, consilij inops, percussa metu, attrita opibus.

Ex aduerso autem pontificij imperij maiestas, percolente tuenteque Carolo, atque adiuuantibus Turrianis autoritate viribusque florebat. Sed necesse erat sacrosanctos principes qui vti omnium parentes Christiana professione ad componendam pacem medijs æquissimisque arbitri esse deberent, factiones sequi, & quod propè impium videri poterat, sese Guelfarum partium principes profiteri. His de causis Gregorius vt temporibus seruiret, præsentique otio consulere, Othonis & totius nobilitatis obliuiscendum existimauit. Verum ad inanem iustitiæ speciem postulauit, vt Archiepiscopatus iura, atque item oppidorum & agrorum redditus ad exitij solatium Othoni redderentur. Vix credibile videri poterat Othonem, qui eximia Urbani liberalitate creatus præsul, singularique demum Clementis studio in repetenda dignitatis sede vsus fuisset, ab eo demum qui & gentilis esset, & amicissimus putaretur, deferri & eludi penitus hostiliterque traduci. Sed in Othone ea vis constantis virilis exactæque prudentiæ erat, asperrimarum rerum vsu, & prouectæ iam ætatis cursu confirmata, vt tum maxime sperare inciperet, quum cæteri exules animum despondere viderentur. In summis enim egregiè educat

hominis dotibus reponebat, non frangi animo in aduersis, putare fortunam viuida virtute inferiorem, eamque contemnere vti penitus instabilē, atque ideo quum auersa tam diu esset, non multo post in complexum com mutata libidine redituram. In eo animi habitu quum aliquandiu ad Bugellam subsistisset, intentusque in omnes rerum nouarum motus, aliquam efferendi sese, & renouandi belli occasionem circumspectaret, Gregorius Aretij decessisse nunciatur. Nec mora ad eam famam patritia gens circumqua que ex infelicitate belli dissipata, ad Othonem coit, in communi consulitur: & cum duce militari atque opulento, qui afflictas res atque humi prostratas erigeret, maximē opus esset, Gothifredus Languscus deligitur. Hic erat natalium atque opum claritate apud Ticinenses facilē princeps, gloriæ & imperij audius, & quo maximē placebat, Turriano nomini apprimē infensus. Nemo enim ē Cisalpina Gallia non suspectabat Napi opes, vti in imensum adauctas, coniunctasque Apulo regi, Romanoque Pontifici, quodque finitimos terrere poterat, noui etiam Cæsaris amicitia atque præsidio confirmatas. Bergomum enim, Cremam, Comum, Laudemque Pompeiam, Turriani certo iure in potestatem redegerant, interque Ticinum & Abduam, atque in propinqua Rhætici alpibus Volturena valle, expugnatis & excisis nobilium arcibus, cuncta subegerant. Itaque Languscus amplissimis partitiorū pollicitationibus oneratus (cum enim Mediolani Prætores cum militari imperio, opimisque stipendijs designabant) & suo fatali iudicio inductus, se partium ducem futurum profitetur. Euocat vndique veteranos, & Laumellino agro loricas cohortes, sagittariosque item ex Liguria mercede conducit: ante omnia equitatu studet, vt Germanorum turmis resistat. Paucis diebus in eo apparatu consumptis, & sublati signis ad Verbanum lacum proficiscitur. Nullum fuit in ea Præfectura oppidum, quod non statim aperiret portas. Erat enim in eo tractatu Vicecomitum familia admodum potens & illustris, & iam erat cunctis inuisa Turrianorum acerbitas, qui superiore bello, præda & cæde aduersariorum non contenti, etiam in ipsa tecta & segetes igne sæuierant. Itaque Arona & Angleria statim recipiuntur. Otho ipse cum valida manu in Sepriensem regionem irrumpit, ea intercincta Ticino atque Olona omnibus ad Verbanum vsque vicis atque oppidis florens extenditur, ab oppidoque Seprio nomen ducit. Hoc Othoniani facilē expugnant, & eo capto latē vndique excursiones fiunt, magnusque timor finitimis pagis incutitur. Tum vero Napis à fœderatis socijsque ciuitatibus auxilia parare, equos militares mutuō acceptos, & ē domestico stabulo fidis & fortibus amicis distribuere, vrbanam legionem ad Carrocijs tutelam, ea seueritate atque eo ordine describere, vt octo tribus (tot enim erant vrbis porte) suffragio suo totidem, quos maximē putarent acres & impigros, singularum cohortium tribunos pronuntiarent, tribuni eligerent Centuriones, ij vero eos qui pari delectu Decurias sacramento rogatas multa imposita ad vexillum vocarent. His celeriter administratis Calsonum filium cum Germanorum turmis præmittit, qui effuso & vaganti hosti occurrat, ac cōfestim vrbe cum Carroccio paludatus egreditur, cura vrbana rerum Francisco fratri demādata. Is diligēter vrbe nouo præsidio muniuit, suspectos relegauit, dubijs obfides



obsides imperauit, circumscripsit etiam metu & poena nonnullos qui spiritu, gratia, opibus valebant. Interim Napus cum graui peditum agmine Angleriam ire pergens, quartis castris ad Guasseram amnem peruenit. Labitur is ex proximis vallibus in Verbanum, saxoso passim impeditoque aluco. & cum imbris intumescit minime vadoso. Iam Gothifredus cognito hostium aduentu, in aduersa ripa aciem direxerat, prouectusque equo ut cuncta oculis perlustraret, ineundi praelij occasionem expectabat, eo animo ut hostes vadum petris atque virgultis impeditum ingredienti, adoriretur. Non dubitauit Cassonus qui tribus ferme stadiis sesequentem cum pedestribus copiis patrem anteibat, Germanos per se pugnandi audios cohortari atque incitare, ut contra hostes confectis turmis prouolarent. Erat in prima fronte praemio excitus à Cassono Hantius Laufer, Germanorum dux, armis cristisque conspicuus. Hunc insolenter traiecit alueo ante alios pugnam cientem, Languscus ipse pari alacritate concitato equo inuasit, hastaque transfixit. Quo strato Langusciani clamore sublato victoriam ingeminant, tumultuarioque procursu in Germanos deferuntur. Fit acie in uado certamen humili tum admodum profuente: Balistarii Ligures in densatos hostes sagittas excutunt: equites peditesque miscentur. Erat iam de Germanis magna ex parte vulneratis parua victoria, quum Languscus terrefacto equo in tenacem alui voraginem abreptus, ab hostibus capitur. Nec mora Germani commutata fortuna conglobantur: Languscanis amisso duce animus concidit. Appropinquat Napus, totaque mole copiarum impressionem facit. Funduntur Orthoniani viribus atque animis impares: insequitur fugientes recens equitatus: magna caedes editur: Nobilium ala Theobaldo Vicecomite acriter depugnante aliquandiu restitit, & dum se in aequiore locum subducere properat circumuenta à Cassono cecidit. In ea receptus iniquitate Theobaldus ipse & cum eo vinginti duo Patrij capiuntur. Ferunt Napum filij virtute latentem praegaudio lachrymas tenere nequiuisse: quando ea victoria vnius horae momento parua, magnotimori summisque periculis & praeduris laboribus finem attulisset. Franciscus Turrianus qui Mediolani ipso plebis Tribunatu superbus, & populi & libertatis defensor appellari uolebat, quum rei feliciter gestae nuncium accepisset, essetque rogatus sententiam de captiuis, crudelissime rescripsit, asserens cuncta simul Hydrae capita ense recidenda, ne renata venenum rursus effundant. Contra Cassonus generoso consilio in victoria nobili virtute parua, clementiae laudem quaerens, ne supplicium de Patrij iure belli capris fumeretur, obnixè deprecari. Sed Napus iam pridem Emberrae seuitia, extra aciem patrij sanguine cruentatus, laudata, sed elusa filij lenitate, in duriorem partem inclinauit, deposcentibus praefertim Germanis truci cum fremitu, ut in vindictam interfecti eorum ducis, Gothifredus necaretur. Nec multo post Napus ut lege ageretur dira voce pronunciauit, atque ita ad Galaratum oppidum duo & viginti insignes patrij, ante alios & Languscus dux ipse & Theobaldus, nefariorum hominum more, securi percutiuntur: & quod inuidiam adauxit cernicibus tantorum procerum, ad palustri temonem ludibrio quodam appositus, atque ibi repetito saepe ictu, sciuissimè truncatus. Erat Theobaldus, Andreo



cio Othonis fratre genitis, sua virtute & specie corporis, sed multo magis felici prole clarissimus: reliquit enim Matthæum filium, qui postea ob virtutem, Magni cognomen adeptus, Imperium ab Othone acceptum cum admirabili laude in posteros propagauit: Id execrabile facinus non lege militari, sed immani patratum rabie, nobilissimos quoque & inter primos Langustæ familie proceres, aduersus Turrianos vehementissimè concitauit, a deo ut non toto planè exacto triennij spatio, parem omnino cladem Turrianis, funesta admodum illata calamitate rependerint. Otho mortuus, uti domesticò publicèque ictus vulnere, è Seprio in Vercellensem refugit agrum, diu indignam Theobaldi necem lachrymis prosecutus: toto autem tempore nunquam animo sese demittens, sed hilari vultu acceptæ cladis mororem semper occultans, graui oratione patrijs ostendebat, Deos immortales nefario Turrianorum scelere permotos occasione renouandi felicitæque conficiendi belli proculdubio præbituros. Nec multi effluxere menses, quum ad excitandos animos initium præbuit populus Comensis, acerbitate prætoris ad arma concitatus. Is erat Accursius Cutica, vir ingenio rapaci, factioso, & quod à liberis hominibus ferri non poterat, agredi quadam ferocia superbo: eum sibi in prætura suffecerat Napus, idque facile impetrarat pro amicissimo homine & Patrijs maximè infenso: in hoc etiam Comenses pari obsequio remuneratus, quum pariter Corradinum Lauizarium Vitianarum partium principem, Mediolanensi prætura eodem tempore ornasset. In hunc auarè atque insolenter ius dicentem, quum fortè iuueni è Ruscona familia ad tribunal liberijs locuto, manus iniiceret, populus impetum fecit, fugatumque & in prætorio obsessum cepit. Post id factum Decuriones ad Napum scribere, ut si Accursium incolumen & dimissum veller, ipsis honesta permutatione Simon Locarnas remitteretur. Hunc ciuili bello captum Turriani ad ignominiam & cruciatum, clatrata in cauea feræ bestię more conducerant, septimumque iam annum tetto squallore & sorda alluue deformem ac miserum adseruabant. Erat Simon è Muralta familia Comi admodum nobili, quæ originem à Locarno Verbanus lacus oppido deducebat, ob id à Corio, Merulaque scriptoribus, Locarnas appellatus, vir ingentis profectio animi, & proceri robustique corporis, atque vtraque fortuna sua clarus, sed iniuriæ vindicta maximè illustris. Visitur hodie Comi, lapideum eius sepulchrum superstante equestri imagine ad vestibulum Ambundianæ Basilicæ. Porro Napus amicissimi hominis periculo permotus, Simonem cauea eduxit, uti etiam contracto iam morbo non multo post, aliqua vitæ aut aeris intemperie moriturum, improbane plurimum Francisco & prædicante, Simonem suo astu viam aliquando reperturum, qua diuturni carceris contumeliam vlsceretur. Cæterum ea conditione Simon est deductus, uti iuraret nunquam se aduersus Turrianos arma laturum: sed eius iurisiurandi fidem, uti summa expressam necessitate non multis inde diebus elusit, & quum inhumani carceris memoriam animo deponendam minimè existimaret, grauib; apud veteres amicos habitis consilijs ad Othonem est profectus. Eius viri aduentu crexit sese in nouam spem Otho, coireque subinde patriæ gentis reliquæ: nam hominem per se diuitijs & clientelis validum, efferatoque animo studij vires omnes ad oppugnandos Turrianos

Turrianos effundentem magna exulum multitudo sequebatur. Apparere enim Comenses Simone auctore in Patriciorum partes esse transituros, quando iam a Turranis ad singulare eius beneficium rebellassent. Dum arma, equi, militesque parantur apud Vercellas, Otho per speculatores didicit, castrum Seprium de quo toties pugnatum fuerat exiguo presidio & nulla prope cura custodiri: nam toties deuictis profligatisque hostibus, Turriani, ut in nullo metu, alendi praesidiarii militis sumptum, custodes vero excubiarum diligentiam & ipsi remisserant. Itaque maturandum ratus Otho Ticinum transiit, delatusque in tempesta nocte ad portas, & oppidum & arcem cepit. Paucis inde diebus aucto exercitu, totam eam regionem peruagatus finitimis Mediolano vicis magnam ut ex improviso hoste trepidationem intulit. Ad eius rei gestae nuncium Napus cum sua vetere urbana legione, Cassonoque filio & Germanorum alis vrbe egreditur, ceteras auxiliares copias subsequi iubet. Ceterum dolore simul atque ira angebatur, quod hostes toties superati caesique adeo insolenter sese efferrent, nec superioris cladis exemplo, extrema supplicia formidarent. Sed in Othonem toto animo erat intentus, quem si aliquo casu fortuna desereret, eo semel oppresso patritios facile debellari, delerique posse iudicabat. Appropinquante Napo, celeriter ex belli ratione Othoniani ad signa reuertuntur. Iuxta oppidum Seprium castra muniunt, murum oppidi atque item arcem presidio firmant, eo consilio ut freti Sepriensium commeatu, & tuti vallo, praeferois hostis impetum frustrentur. Quum aliquot diebus minutis praelijs lacescendo, leuem armaturam exercuissent, Napus e proximis castris ad oppugnandam arcem scalas & machinas protulit, instructaque legione, et equitatu in praesidijs collocato, mœnibus succisit, ratus se potiturum arce: aut si Otho serendae opis causa castris egrederetur, æquo in loco iusta acie certaturum. Quum aliquot horis utrinque accerrime certatum esset ad murum, comminutisque scalis, & multis vulneribus acceptis, Turriani decidendum lapidum, tignorumque pondera vix sustinerent, visa est Othoni occasio rei bene gerendae, communicatoque consilio, cunctisque approbantibus oppido & castris in hostes erupit, tanto impetu ut pulsus & perturbatis primis, tota Mediolanensium legio in fugam verteretur, eaque vis repentinum timoris apud fessos fauciosque, & de arcis expugnatione desperantes fuit, ut neque Napus, neque Cassonus conturbato à fugientibus equitatu, opem fusis atque perterritis afferre potuerint. In ea fuga Otho clementiae nomen querens, orabat suos ut à sanguine ciuium temperarent. Sed haud facile continere frenareque eorum ferociani poterat, qui amicos propinquosque suos crudeliter extra aciem interfectos vlcisci properabant. Cōseruauit tamen multos: nam nisi maturius receptui cecinisset, quàm nox instaret, usque ad castra foedae fugae & trepidationis plena, iratorum patriciorum gladij cum magna hostium caede peruenissent. Agnouit Mediolanenses lenitatem Antistitis sui. Sed Napus eius fugae ignominiam animo minime ferens ubi perterritos confirmauit, cohortante Cassono, ut amissum deus celeritate atque audacia farciretur, praecipit praefectis ut corpora atque animos ad pugnam pararent: statuisse enim intra paucas horas hostem nec opinantem, & ab recens rerum successu incautum adoriri. Ita ea nocte ita

somnis Napus, in albescente cælo ad hostes contendit, tanta celeritate, ut Othoniani vix arma induere equosque frænare potuerint. Dimicatum est aliquandiu ad vallum irrumpente vndique hoste, & repugnantibus satis constanter qui pro custodia castrorum in fronte excubabant, sed reliquas cohortes agrè sustinentes, nec satis conglobatas ex transuerso Germani densatis cunctis faciliè pertruperunt. Quo conspecto reliquus peditatus, itemque equites effusi castris atque oppido, protinus in fugam se coniecere. Ita prope sine vulnere perrupta & direpta castra, plurimi capti, cæsi pauci, adeo eius fugæ sordido euentu ut non facile appareret verisnamque Fortuna humanis exceptis illudens, intra spatium septem horarum plus dedecoris, aut militaris laudis attulisset. Otho premente vndique hoste inter tela volantia periculo elapsus, cum magna parte equitatus ex fuga Comum peruenit. Eum Comenses neque intra urbem recipere, neque ut diu in suburbanis ædificijs subsisteret, pati voluerunt, ne Turrianus victor, à quo iam planè defece- rant, admoto exercitu per causam persequendi hostis, ipsorum agros euasta- ret. Præbuere tamen benignè & largiter commeatum, atque item sarcina- ria iumenta, & peritos itinerum duces: quorum fideli opera usus Otho, ad septimum lapidem, Luragum castellum primò petijt, atque inde profectus superato Lugani lacu, ad Zornigium subalpinum pagum contendit. In eo loco admodum tuto & syluestri, aliquot dierum quietè recreatus, ad ami- cos literas dedit, ut de sua salute receptuque certiores redderentur. Sed non multò post inopia & egestate impulsus defecit ad Canobium insigne & opulentum in ripa Verhani oppidum. Ibi Otho admirabili facundia sua usus oppidanos claudentes primò portas, mox bidui tantum moram fesso agmini concedentes adeo appositè feliciterque permulsi, ut repræsentata hostium suorum crudelitate, in amicitiam eos suam sordusque pertraxerit. Nec multò post coiungere rursus Patritij exules sermè omnes: nam ubi fama perlarum est, Othonem benignè amiceque acceptum Canobij constitisse, vnusquisque vel inermis vel seminudus ex fuga, atque ab hostium castris ad eum contendebat. Nam Turriani captiuos contenti spolijs statim dimise- rant, ne qui felicitate in paranda victoria præstitissent, humanitate vinci vi- derentur. Affuit & Simon Locarnas inusitato tramitum flexu ex fuga ser- uatus: agitatumque subindè est de renouando bello, & maiore quidem spe, maioreque apparatu, adeo ut vix credibile videatur, Othonem tantos ges- sisse spiritus, neque vnquam tot aduersis casibus succubuisse: qui iam quin- quies bello victus, tot propinquis & clientibus seuitia hostium amissis, sum- maque pecuniæ, & rerum omnium inopia circumuentus, neque ipse con- quiesceret, neque hostes ocio frui diuque victorijs lætari patcretur. Erat enim iam planè quinque & sexaginta natus annos, sed viridi admodum vi- uacique senecta, atque aduersus omnem algoris æstusque contumeliâ in- domita. Sed fatale ei erat Fortunam vel improbè semper ceptis illuden- tem, patientia & magnitudine animi superare, exercereque se perenni vigilia ijs cogitationibus atque consilijs, quibus dignitatem & patriam recupera- ret, & posteris cum insigni gloria latè imperium traderet. Inuenio apud ineptum quidem, sed non iniucundum, versibus rerum scriptorem, ab his familijs quæ in Apennini atque Alpium tractu nobilitate, diuitijsque flore-  
bant,

bant, Othonem temperantia altitudineque ingenij & pietate venerabile, benigne ac liberaliter fuisse adiutum. Fuere inter ceteros Solarij, Rotarij, Malespinæ, Scarampi & Valpergæ, qui in apparatus belli equos, arma, tela, quadrigas, commeatum omnis generis, vestem, pecuniam contulerunt. Apud generosas enim gentes quodam misericordiæ genere animos permouebat ea Fortunæ iniquitas, qua tot patritij diu exterrores acerbeque proscripti, ad luctuosam egestatem peruenerant, quando iam nihil eis viquequaue afflictis, præter spem rubiginosæque arma supererat. Nec defuere voluntarij milites ab Asta colonia, Taurino, Eporcædia, Augusta prætoria, Vercellis atque Nouaria. Guliermus quoque Montis ferrati Regulus in societatem certo sordere accitus est: quo duce superioribus annis Hispanorum aduentu, Othonem & Burrum cum Turrianis infeliciter dimicasse demonstratum est. Subegerat hic in Montis ferrati regione complura oppida, Albam & Aquas Statiellas, & Alexandriam, postremoque Derthonam imperio suo adiecerat: potens æque atque impiger habebatur: bella ex bellis libenter serebat, vt is qui apud eum erat exercitus, ex reliquijs Hispanorum (eorum enim aliquot in Italia remanserant) & ex fortissimo quoque confectus perpetuis stipendijs aleretur. Comparatis autem copijs, terminatisque consilijs, statuere vt Simon Locarnas naualibus præflectet copijs, Guliermus cum terrestri exercitu ad Verbanum progrediretur. Exornarat classem validam Simon, totamque oram ad Othonis studia conuerterat. Stabat à Turrianis Angleria, ad eam Otho & Simon deuehuntur. oppidani refugee in arcem præsidio se dedunt: arx vt ex ruinis temere & negligenter resecta quum machinas non perferret, certa pactione recipitur. Tum vero ad Aronam naualibus terrestribusque simul admotis copijs bellum transfertur. Arona & Angleria interiacente Verbano, qua Ticinus effunditur, Sextanæ atque Abidenæ arcium in Hellesponto similitudinem reddunt. Sed Arona sicuti nobilitate inferior, ita opportunitate loci, situsque munitione celebrior existimatur. In ea oppugnanda quum aliquot dies contriuisset Guliermus agendis maioribus balistis, quibus tecta intorsus lapidum cumulis prorueret, & è classe Otho & Locarnas ædificatis more maritimarum triremium in summitate mali amplioribus caueis, atque inde scorpionum ingentium verutis muri pinnas defensoribus nudarent, præsidij milites & periculo suo & oppidanorum lachrymis permoti, ea conditione deditionem fecerunt, vt nisi triduo opem ferret Turrianus, ipsi arcem atque oppidum relinquerent. Vix dum confectæ erant deditionis tabulæ, obsidesque recepti, quum Cassonus Ticino superato, quadrato peditum agmine & præmissis Germanis aduentare nunciatur. Tum vero impigre aciem instruit Guliermus, è classe promptissimi propugnatores terrestribus copijs se coniungunt, editiorem occupant locum, frontemque maxime veterano atque armato milite firman. Sed Cassonus coniectura iudicans validiores cohortes equitumque turmas in fronte fuisse constitutas, ex duabus Germanorum alis alteram in dextra coniunctam legioni consistere iubet, in qua Musca eius frater, & Andreas atque Hereccus patruels curabant: alteram ipse obliquo flexu in latus & terga hostium duxit. hæc in lixas ignobilesque manipulos inuecta magnum tumultum ab tergo excitauit, adeo vt Germani cæ-

dendo, sternendoque obuio in interiora castrorum penetrarint: coactusque sit Guliermus nondum contracta in fronte pugna, equitatum suum cōuertere, opponereque Germanis, qui sœda strage cuncta compleuerant. Sed dum Germanorum audacia reprimitur, præliumque atrox in medio miscetur, tota acies respectare ac mox nutantibus vexillis circum agere sese trepidanter cœpit. Non defuit occasione Cassonius, statimque iussit alteram alam, relicta legione in frontem procurrere. Ea vis irrumpentium fuit, ut priusquam Turriani pedites appropinquarent, Guliermus ancipiti acie circumuentus funderetur, atque vniuersi terga darent: ex fugientibus complures, clas sis peropportune adpulsa littori excepit, minoreque ob id cæde Turrianus victoria est potius, quod pedestres copie tardius appropinquantes in vacua castra impetum fecerant: prædam autem quæ alioqui exigua non erat nobilitauit Guliermi tentorium Maurisiaco opere ac pictum, cum instrumento militari admodum luculento, quo olim à socero Hispaniæ rege donatus fuerat. At Guliermus perrumpens cum equitatu Ticinum iter intendit: Otho & Simon diuersis itineribus cum reliquijs profligati exercitus, hic Comum, ille Nouariam se receperunt. Rebellarant (ut diximus) à Turrianis Comenses Accursio Cutica prætor, Simoneque recepto, neque tamen ad patritios defecerant: medios enim se gerere, & neutris studere malebant, quàm Turrianos iam planè victores, grauioribus iniurijs atque offensionibus aduersum se concitare. & magnopere Turrianis fauebat Vitana factio, quæ iam pridem Philippo opem ferente Rufconam armis deuictam principatu deiecerat. Vbi igitur Simon aduenit concionando passim, cœpit Othonem & patritios primoribus ciuium obnixè commendare, ut indignè pulsos domo, proscriptosque & crudelissimè à plebeis hominibus diuexatos. Quem inquit exitum consilijs nostris expectamus posteaquam defecimus? nisi ut aut acre bellum geramus, aut insolentissimo Tyranno feruiamus, & ab his trucidemur, qui maioribus nostris patria expulsi testa huius vrbs & mœnia in cineres redegerunt. Concordia nunc maximè opus est ciues, ut libertatem cum dignitate tueamur. Otho supplex, & patri tia gens orant, ut nostra ope in patriam reducantur: ad id vires abundè superlunt, ut omnia maturè atque feliciter confici posse speremus, dum Turrianus debellatum putat, & solutus metu victoria sua superbè lætatur. Erat Simon vehementi eloquentia, & ea quidem auctoritati atque opibus equali, ipsaque carceris calamitate clarior euaserat, cuius indignitas multorum animos ita permouerat, ut Turriani non mediocri inuidia deflagrarent. Eo modo Comenses tumultuario studio & subita quadam acclamatione, Othoni, patritijsque adharendum decernunt: sed statim ne per Decuriones decretum scriberetur, ambo vrbs Cofules obstitere, Henricus scilicet Aduocatus, & Gaspar Ficanus Vitanae principes factionis. His sese opposuit Ioannes vrbs Episcopus, qui Othonem studiosè admodum colebat, patritiorumque exulum causam insigni pietate ardoreque suscipiendam arbitrabatur. Ita tumultu exorto diuisus in duas factiones populus, arma corripuit, mediaque in vrbe atrociter est dimicatum. Lucèrius Rusca & Simon, aduersarios è foro multis illatis vulneribus in Prætorianas aedes compulerunt, continuatoque certamine prætorio atque vrbe, captis Consulibus ceciderunt.

Nec

Nec multò post constituta ad arbitrium Republica & excisis Vitanorum turribus, Otho è Nouaria publicis literis est euocatus. Is primus dies Othoni è tantis calamitatibus felix illuxit: nam ab eo de hinc die, vtrorum scriptores referunt, fortuna Turrianis nusquam arridens eos è tanto fastigio continenter detraxit. Exceptus est Otho à Ioanne Comensi episcòpo, singulari cum honore, priuatimque pecunia ad exornandas copias est adiutus. Cæterum Lucetius & Simon conquisitis vndique equitibus, atque item sagittarijs & scutatis cohortibus è Verbano & Lario, Luganoque & Belitione, armataque etiam in primis Comensium iuuentutè iustum propè exercitum coegere. Interea Otho exulesque patritij ad se Comum acciuere Ricardum Languscum Laumelli comitem, virum bello acerrimum & Turrianis ex Gothifredi fratris necè vehemèter infensum. Adduxerat is veteranam cataphractorum alam, ex his qui sub fratre mèruerant, statimque ei omnium copiarum imperium magno assensu delatum est. His comparatis Otho concionatus ad Conitenses, gratias cunctis eorum ordinibus humaniter egit, quod liberali & egregia voluntate defendendas ipsius iniurias opportunè suscepissent, militumque operam promptissimis animis præstarent aduersus Turrianos impios execrabilesque homines, atque ob id toties à summis Pontificibus inferorum pœnis cruciatibusque deuotos: cuius studij immortalisque beneficij memoriam, nunquam esse à memoria deleturus. Ioannes vrbs episcopus ad hæc totius populi nomine respondit, ea mente Comensès eius optimæ causæ studio adductos sumpsisse arma, vt proficiscètem ad patriam sacramque sedem suam eductis vœllis sequerentur, fierentque eius victoriæ socij atque participes, quam Dij iustitiæ defensores vltioresque nefariæ tyrannidis aduersus impios & iniquos homines pollicerentur. Proinde læto animo in hostes contenderet. Ipsos enim si bellum extraheretur, societatis initæ fidem atque amicitiam constantissimè seruatuos: Nec multò post Otho profectus ad Liciniforum posuit castra. Ea vrbs quondam insignis & nota Ptoletici temporibus, in minores abiit pagos, dilapso, vti videre est, Eupyli piscosolacu, in cuius ripa peramœnæ fertilitatis Liciniforum adiacebat, eius regionis tractum corrupto vocabulo Incini plebem vocabant. Afferunt nonnulli ex vehementi terræ motu Eupylum cæco hiatu terræ haustum subsedisse, profundioribusque inæqualis aluei locis, reliquisse exiguos quinque lacus, è quibus Lamber amnis emittitur. Eius incolæ Othonianos lætis animis exceperunt. At Naples vbi iudiciatum est Othonem à Comensibus receptum, vehementique Simonis & Ruscorum studio adiutum instaurare bellum, dixisse fertur ad conuiuas superbo sæuoque ore quum è mensa discederet, paruo vt arbitror, labore nostro, magnum certè negocium agasombus nostris afferemus. Sunt enim nobis horum manibus & exules, & ipsi rebelles infidique Comenses, latronum more laqueis puniendi: atque ita properantius atque turbidius quàm soleret, veluti rapiente fato, in hostem porta Louia copias eduxit. Prædi enim Cassonum fatali errore præmiserat cum Germanis equitibus, qui Cantarium quinto ab vrbe Como lapide, opportunum oppidum præoccuparet, ne eo ad excursionès faciendas hostis potiretur, & vt inde ipsè proximos Comensium agros euastaret. Posuere vitiferis in collibus vrbeni Canturiges antiquissimi populi, authore Strabone, sed ea demum riuante

cuncta ævo consenscens, in oppidum abiit. Turrianorum hic erat ordo: præcedebat Pontius Amatus Prætor cum legione vrbana & mercenarijs equitibus: ipse Napus relicto ad vrbis custodiam Oldrado Tangentio insequentis anni Prætor designato, propinquos omnes amicosque & familiares citato & disuncto agmine secum trahebat. Eodem die quo Cassionus Canturium est profectus, Othoniani ad Caracam nobilem olim urbem supra Lambrum deflexere: ea Ptolemæo nota, hodie desertæ vltimis litoris, antiquum nomen retinet. Quum ibi de inferendo bello à ducibus in consilio sententiæ dicerentur, è Decimo vico sacerdos quidam perniciæ equæ deuectus ad Othonem peruenit. Erat enim Decimi præclarum Othonis nomen: nam ab adolescentia sacris initiatus, summum in eo pago sacerdotium à pontifice impetrarat, vnde postea, & in æde maxima Mediolani, & in diui Ambrosii templo canonicas dignitates fuerat consecutus. Is sacerdos Othoni nunciavit, Mediolanensium copias cum Prætoribus, ipsosque Turrianos principes, sub occasum Solis Decimum peruenisse, cuncta ibi militari strepitu compleri, & tumultuosius atque acerbius quàm pro sociorum consuetudine milites, tecta, cubilia, stabula, pulsatis hospitibus, eiectisque iumentis occupare, nec adesse Germanos qui pridie ad Canturium præcessissent: proinde Turrianos ea nocte posse deleri, si improuisus confecto per noctem itinere dispersos atque sopitos adoriretur. Hoc nuncio maximè lætatus Otho, Dñi, inquit, qui à Decimo dignitatis initia præbuerunt, non inani proculdubio loci omine promissam nobis de hostibus victoriam dabunt: atque ita tota read consiliū delata, singulari omniū alacritate decernitur, non præmittendā bene rei gerendæ occasionē, & eo quidem ardentius atque audacius, quod & antea per exploratores de Cassionis consilio atque itinere certius cognouerant. Nihil enim æquè metuebant quàm aperto in campo manus conferre cum Germanis equitibus, quorum vim atque impetum duce præsertim Cassiono, iam tribus in prælijs ferre nequiuissent. Otho, vt à cædibus impollutas seruaret manus, Ricardus Langusco copiarum imperium dedit, superinduitque sibi lintheam stolam, sacerdotali habitu multis striatam rugis, præferrique sibi iussit argenteam crucem veluti pacato itinere sacri imperij sui sedem aditurus, Magno demum silentio de secunda vigilia Ricardus castra mouit, tribusque ferme horis ad Serenium vicum est peruentum: inde præmissi speculatum expediti equites, ducibus agricolis, non multo post renunciavere apud hostes, vt in ipso conticinio accidit, cuncta quieta nocturnique silentij plena, conspici tantum semiextinctorum ingnium fulgorem, nec exaudiri castrorum fremitum, ita vt nec ad ipsos quidem pagi aditus frequentium vigiliū stationes esse iudicarent. His diligenter exploratis, & instructis ordinibus priusquàm dilucesceret, in conspectum oppidi se dedere, oppressis aliquot excubantium. Id sine facibus iter, & silenti quidem Luna consecrante, ne ab alta sacre turris specula, patentibus in campis vaga lumina cernerentur. Eo inopinato hostium aduentu exterritus Napus, vix spatium habuit ad induenda arma: tubarum tamen clangore, & pulsu tympanorum cuncti excitantur. Pontius Prætor legionem nondum planè instructam in apertiore locum educit, equites aggregantur, magnis clamoribus pugna committitur. pugnabat in hac parte Languscus admirabili virtute, interfe-

ctoque



stoque Pontio prætoris, stratisque vexillis, legionem cum multa cæde pepule-  
 rat, quum altero egressu & angustiore quidem via prouectus in aciem Napus  
 irrumpentibus Comensibus occurrit, ut cum Fortuna Simoni infensissimo  
 hosti obicere videretur. Eo in loco summa contentione aliquandiu dimica-  
 tum, quum Turriani proceres in prima acie, de imperio, de vita, fortunisque  
 omnibus dimicaret: ex aduerso autem Simon & Lucterius Rusca incitati ef-  
 feratique diuturno inimicæ gentis odio, in aduersos vesano impetu deferren-  
 tur. In albescente iam cælo Andreotus Turrianus interficitur, Franciscus  
 qui hosti, equi frænum comprehendere auso dextram ingenti gladio detrunc-  
 carat, multosque huc & illuc concitato equo vulnerarat, cuspidem in inguen  
 coniecta confoditur. Napus ipse equo deturbatus quum in purpurea tra-  
 bea, cænofo in loco volutaretur à Ruscono milite capitur, seruaturque ægrè  
 ab irati Langulsi gladio, deprecante Othone, & trepidum perhumano ser-  
 mone consolante. Capiuntur quoque in ea aduersi prælii fuga summæ spæ  
 adolefcentes Conradus cognomento Musca, & Guido Turriani: hic Fran-  
 cisco, ille Napo genitus erat. Quibus aliquot post annos carcere eductis, pæ-  
 terni imperij decus Fortuna restituit. Itemque Herceus superioris Pagani  
 ex Hermanno pronepos, Lombardusque eius patruus, & Cauerna pater  
 Pagani iunioris Patriarchæ Aquilensis, & Napi germanus frater. Hos om-  
 nes Simon atque Lucterius, tanquam peculiari ipsorum sorte Comensium-  
 que militum felici virtute superatos & captos, Comum deducendos curaue-  
 re, ut in Baradelli arce custodirentur. Ea est ædificata in monte excelsa turrè  
 insignis, à Luithprando Longobardorum rege ante octingentos annos ædi-  
 ficata, ut latè speculam intus subiectos campos ad tutelam vrbs præberet. Fe-  
 runt Simonem, quod eius animi ferociam victoria mitigasset, non aliter in-  
 sultasse Napo, quam ut diceret: Non reposcam à te sanguinem & opes Na-  
 pe, postquam Dñs me voti compotem fecerunt, sed æquo iure pœnam talio-  
 nis: experieris enim tantum, quale cruciatus & contumeliæ sit genus, in ca-  
 uea ferarum more custodiri. Et vir certè sapiens & egregiè fortis inter pau-  
 cos numeraberis, si ea quam ego diu miser & non semper infelix tuli, pari  
 patientia feres. Napus constanti animo fabrefactam cancellatis trabibus ca-  
 ueam intrans, nihil pro se, sed tantum pro Guidone & Musca deprecari: se  
 meritis pœnas luere: eos verò qui vitæ innocentia nihil durius mererentur  
 humaniter custodirent. Non caruit scribendi legendique solatio Napus,  
 cæterum adeo acerbè custoditus est: ut ei neque cultelli neque forficis con-  
 cederentur, quibus sibi mortem consciscere posset, unde illi ad deformitatem  
 prælongi vngues, promissa Cæsaries, & illuue turpis barba prouenerant.  
 Reliqui, & ante alios Musca & Guido decori iuuenes, cum Lucterij generosi  
 viri humanitate, tum pacati iam Simonis indulgentia liberalius adseruati.  
 Otho memorabili poritus victoria, ante omnia apud duces militesque gra-  
 uiter atque humaniter egit, ut moderatè victoria vterentur, cædi vindictæ-  
 que finem imponerent, spolijs contenti essent, captiuosque dimitterent.  
 Agendas iure Dñs immortalibus gratias, quod toties bello profligati, atque  
 omnibus exilijs, fugæ, atque egestatis oppressi malis, septies acie victores ho-  
 stes tantisque subnexis opibus, ad internicionem eorum nominis, vnus ho-  
 re momento debellassent, Remisere impetum patrij, condidereque extrêm-



plō gladiis: commouerat enim generosos quorundam animos Franciscica  
dauar lutilento in solo frēde proculcatum: cuius etiam caput gregarius ni-  
les ob fratris necem, decisum trunco, hastæque præfixum victoribus pariter  
& captiuis ostentabat. Fuerat Franciscus Napo fratre scruior & asperior, vt  
pote nurantem in consilio Napum ad fumendum de captiuis Theobaldo-  
que præsertim supplicium, vehementibus literis impulsisset, semperque acerbis-  
simè grassatus in nobiles ciues, plebem satis superque sua temeritate con-  
citaram ad audenda facinora intemperanter accendisset. Tum verò Ol-  
dradus prætor clade Mediolani nuntiata, aduocare in consilium ciues, ple-  
bem ad arma vocare. At ciuium optimus quisque eius imperia contemne-  
re, de pace & de concordia plurimum loqui, in virtute pietateque Otho-  
nis Antistitis spem reponere: proptereaque sanandæ ciuitatis & parandæ  
quietis occasionem diuinis oblatam arbitrari, postquam vniuersi serē proce-  
res Turriani qui renouare bellum possent, aut in acie essent cæsi, aut in fuga  
capti ad manus hostium peruenissent. Quibus rebus Oldradus valde con-  
territus, ac sibi timens, in prætorium se recepit. Interim Cassionus de aduer-  
so præliō certior factus ē Canturio Mediolanum peruenit, ratus aut patrem  
aut patrum, aut certē reliquos familiæ principes ex fuga in urbem se rece-  
pisse. Sed ibi de suorum calamitate certior factus, non deserit sese, & quum  
non statim admitteretur, refractis portis, introductoque armato agmine in  
forum contendit. In eo tumultu suburbani incolæ Comensis portæ, postre-  
mos ex Cassionianis equitibus inuaserunt: ex his multi vulnerati exutique  
armis & equis diffugerunt. Porro Cassionus urbem percurrē & veteres  
amicos plebemque præsertim ad arma euocans, & crebrō libertatem se ad-  
uersus veteres tyrannos defensurum repromittens, cum nemo commouere-  
tur desperatis rebus Romana porta se proripuit: adeo enim ex conuentu eius  
pugnæ apud omnes populi classes, veteris studiū & fauoris ardor territis men-  
tibus exciderat, vt nemo vel egregiè factiosus in medium prodiret, qui pro-  
ferre vexillum auderet, aut Turriani imperiū nomen se defensurum profice-  
retur. Hinc videre licuit quantam rerum animorumque mutationem ad-  
uersæ pugnæ casus attulerit: adeo vt faciliè iudicari possit, in toto tuendi prin-  
cipatus negotio, nihil omnino esse populari præsidio incertius aut inanius.  
Cassionus continenti cursu Laudem Pompeiam peruenit: vbi cum minime  
reciperetur, Cremonam atque inde Parmam ad veteres amicos confugit.  
Eodem die Mediolanenses ad Othonem legatos miserunt, qui omnia ami-  
cā pacatæque ingressuro urbem pollicerentur. Ita haud multo post insigni  
pompa in speciem triumphi Mediolani receptus, cunctos qui aduersarum  
partium fuerant metuliberauit, habuitque orationē ciuili clementia & Chri-  
stiana pietate plenissimam: pacatisque omnium animis respublica ad eius nu-  
tum constituta est. Creantur quoque prætor quidem Ricardus Languseus,  
& magister equitum Simon Locarnas: quorum illustri virtute se victoria  
positum Otho gratissimo animo prædicabat. Dedicauit subinde aram in  
templo maximo Diuæ Agneti quam in prælio vouerat, addiditque agros in  
alimenta sacerdotum, qui quotannis eius diei memoriam celebrarent. Idque  
adhuc in urbibus Mediolanensi imperio contributis, prætores decurionesq;  
ad rubarum cantum instauratis sacris religiose repetere, post ducentos &  
sexaginta

sexaginta annos videmus. Pugnatum est duodecimo Calendas Februarij anno à Natiuitate Christi Milleſimo & ducentefimo ſeptuageſimo ſeptimo. Eius verò ſummæ victoriæ hiftoriam Otho pingendam curauit in Angleriana arce, regio ſumptu ab ſe edificata: extantque adhuc in maximo teſtudi natoque conclauincorruptæ præliorum cum veris ducum vultibus imagines, latinis elogijs paſſim ſingula rerum argumenta indicantibus: quanquã Muſca Turrianus poſtea victor, recenti calce maculare potius quàm obliterare eius infauſtæ hiftoriæ memoriã contenderit. Auxit eius diei lætitiã Bônacoſæ Burræ partus: ea enim nocte quã ad Decimum pugnatum fuerat, Magno Mauthæo filium peperit, cui ob Galli cantum Galeacio nomen inditum ferunt. Hic eſt qui poſtea omnes eius ſæculi principes & duces, magnitudine animi, liberalitate atque imperatoria laude ſuperauit. His conſectis rebus, Otho ad expugnandam montis Orphani arcem copias miſit, in quam Turrianorum reliquæ conſugerant, vexabantque inde diurnis nocturnisque decurſionibus ſociorum agros. Ea arx ad tertium à Como lapidem impoſita eſt monti, qui ob id Orphanus appellatur, quod vndique diſcretus atque abiunctus à cæteris ab ima planitie molli ſaſtigio in nemoroſam cautium metã adſurgit, inſidetque viæ militari ad Coxie torrentis vallem, quã iter eſt ad Liciniſorum. Hæc quum machinis capi non poſſet, ope ribus circumuallata, ſexto demum meſe fame domita eſt. Deſeuiſt in muros Otho, ſed non planè totam diruit: ita vt Guido è carcere elapſus, rerumque poſitus, eam poſt viginti annos facilè reſtituerit. Euerſa montis Orphani arce Turriani ſinibus excellere, & veteres eorum clientes, quum Othonis clementiæ ſalutem minime committendam iudicaret, in Cremonenſi, Parmenſique agro, & in Venetia ad Aquileiam familiæ proceribus aggregabantur. Tum verò Otho à belli ſtudijs ad pacis ciuiſque adminiſtrationis munia conuerſus, ciues de ſe benemeritos locupletare, omnibus iuſtitie atque humanitatis officijs nouas amicitias parare, procurare res diuinas, ſingularique moderatione principis ſimul ſacrique paſtoris officia implere. Quum in his rebus eſſet occupatus, renatum eſt repente bellum initio à Laudenſibus exorto: nam Othone mirum in modum Viſtariis fauente, qui vti diximus Principatu pulſi redierant, æmuli eorum, quum neminem ciuem domi nati potiri pati vellent, ad ſe Caſſonum & Gothifredum, atque item Raimundum ab Aquileia cum magnis copijs acciuerant, indeque auxilijs Cremonenſium & Parmenſium adaucti in agros Mediolanenſium ſeſe effuderunt. Caſſonus multis expugnatis direptisque oppidis, Triuio & demum Vaprio in Ripa Abduæ occupatis Lambrum traiecit, conſlixitque collatis ſignis cum Mediolanenſi legione & vrbano equitatu, qui cum Caroccio temere viſque ad ſanctum Donatum Romana porta proceſſerant. In hac pugna Caſſonus paucis caſis, ſupra viginti ſeptem ſpectatæ nobilitatis centuriones cepit, & in his Mutium Sorcinam, Gaſparem Viccomitem & Antioſſam Vercellinum, & præterea magnum numerum peditum atque equitum. Quidam authores ſunt Othonem cum expedita manu ad Caſſianum uſque proceſſiſſe in ripa Abduæ ſitum, vt primis hoſtium incurſibus occurreret, maioreque conſpecto hoſtium exercitu, reſuſciſſe ad Gorgonciolæ vicum, ſuperuenuitque hoſtium, non aliter ſeruatum, quàm munitione ſacræ turris, in

quam nemini cognitus ascenderat. At Cassionus eius pugnae successu elatus per suburbana ad Ticinensem portam adequiraui, terroremque ostentatis copiis ad fossas undique circumtulit. Tum vero Otho in tam graui periculo mira vsus constantia, fidis cohortibus portas firmare, prætorem in foro cum signis militaribus excubare, suspectos ciues apud se habere, eoque vultu cuncta administrare, vt in multa dissimulatione pauoris, excellens fortitudo & prouidentia singularis eminere viderentur. Nec multò post Cassionus nemine ex veteribus amicis, vti sperauerat, ad se concurrente, retro vertit agmen, transgressusque Abduam ad oppugnandum Breganum contendit. Discessu hostis Otho recreatus, nihil potius aut expeditius existimauit, quam è Monteferrato Guliermum veterem socium & militari laude florentem euocare: quo duce vim hostis à cerrimi propulsaret, & insigni apparatu conatque egregio bellum conficeret. Nec ita multò post Guliermus accepta ingenti pecunia Mediolanum venit, statimque liberali stipendio ad quinque annos Mediolanensem, Othonianarumque partium aduersus Turrianos eorumque socios imperator deligitur. Nec mora cum eo prætores Antonius Languscius Ticinensis, & Lucferius Rusca Comensis, exercitum instruunt, Carroccium educunt. Duo autem prætores erant, quòd coarctatæ Otho præturæ tempus, vt pluribus honorem impatiretur, eoque beneficio plures ciuitates atque familias sibi conciliaret: nam qui annuus fuerat Magistratus, semestris effectus est: ea lege, vt qui designatus esset prætor, dignitatis insignibus vteretur, sed exclusus iurisdictione, bello tantum collegæ operam nauaret. Cæterum promotis castris, ad Vaprium recto itinere peruenit: habebat id oppidum cum arce transiendi fluminis opportunitatē itaque arx magnis vtrinque viribus oppugnata defensionæ est, bellumque protractum, ita vt nihil præter vastationem agrorum incendiaque villarum, memorabile gereretur. Verum Guliermus noui consilij rationem suscepit, vt resecto ad Ticinum ponte, vltra Abduam bellum transieret. Erat in castris Otho, & ab alia parte Raimundus Turrianus: ab his vti decuit à sacratīs viris, Bergomates legati impulsī ab optimis viriusque partis ciuibus impetrarunt, vt de pace liceret loqui, eoque res interpositis aliquot dierum inducijs, deducta est, vt deposito metu, familiaritate vtrinque milites amicos & propinquos conuenirent, adeo vt vna castra ex duobus facta viderentur. Sed quum à multis ex illustri ordine Mediolanensem, Turrianos milites salutari studiosiusque appellari Guliermus conspiceret, inuectus equo in commeanitium turbam ferrea claua minabundus colloquia militum diremit. Paulo post tamen Raimundus, Cassionus, & Gothifredus Melenianum venire, assuitque ad conditum Guliermus cum Othonianis, in quibus erat Conradus Castellionus iureconsultus insignis, breuique, disceptatore & arbitro Guliermo, pax his conditionibus dicta confectaue est: scilicet vt in summa Bripiana & Vapriana arces, ipsi Conrado & mercatorum collegio custodiendæ traderentur: agri porro paternæque possessiones, castella, domus Turrianis redderentur: loca tamen munita his ciuibus, qui neque harum, neque illarum partium censerentur custodienda relinquere, potestasque his esset, vti luberet habitare in agro Mediolanensi: vtiq; vtrinque captiui sine pretio dimitterentur. Tabulis ritè confectis Turriani captiuos

captiuos Guliermo ea conditione tradiderunt, vt non prius soluerentur, quam ij qui in Baradelli arce erant, dimissi forent. Id vero facturos Comites Lucterius & Simon pernegabant, qui iure belli captos, peculiariesque hostes suos ad alienum nutum & commodum minimè dimissuri viderentur. Nihil fecius Guliermus, quanquam id à Comensibus, quod Turriani petebant non impetraret, Mediolanenses captiuos omnes dimisit. Sed Otho ceteris pacis conditionibus non diu stetit, & sua sponte, & impulsu clarissimorum ciuium, qui priuato quodam inito scedere aduersus Turrianos conspirarant. In his fuisse Vicecomites ferme omnes, Sorelinæ, Mandellij, Pusterulae, atque item Cribelli. Ita Turriantis neque reddita res, neque restituti agri, neque permissus in patriam reditus, neque captiui à Baradello custodia liberati sunt: magna quidem cum Othonis inuidia, qui securitatem Imperij, fide & iureiurando potiore habuisse dicebatur. Prouidebat enim amicos clientesque suos, quibus Turrianorum bona dono data fuerant ex lege & conditione pacis, omnibus victoriæ præmijs ad contumeliam spoliari: quæ res ad conturbandas multorum fortunas, abalienandosque animos manifestè pertineret. Igitur Turriani à Guliermo atque Othone decepti, eo cum dolore animi latè sinibus excesserunt, vt iniuriam violatæ pacis ad ciuitates passim, Regulosque deferrent: ab his opem implorarent, sociâ & mercenaria arma pararent, quibus acceptas iniurias vlcisci & patriam repetere possent. Sub id tempus in Baradello moritur Napus, fœda illius & enatis subinde pediculis consumptus. Fuerat in eo squallore & vitæ tædio, annum vnum, menses septem, & dies viginti tres. Corius & Merula attractum pedibus & in sylua sepultum tradunt: sed nos Tristano Calcho potius assentimur, qui Comensem episcopum agenti animam astitisse scribit, colatisque Christiano more sacramentis, defunctum in ædicula Dni Nicolai pie honesteque tumulasse. Eundem vitæ exitum tulerunt Lombardus & Cauerna biennio post, ex morbo agritudineque animi Napum secuti. Interea Raimundus ex Venetia, Foroiulio atque Histria, & ex Carnis & semiillyricis gentibus ad duo milia equitum, peditum quatuor milia sacerdotij opibus armauit: quibus Cassonius veteres Germanos & Parmensem, Cremensemque & Laudensium auxilia adiunxit. Accessere etiam plerique Mediolanenses, qui Othoni principatum inuidebant, ægerrimeque ferebāt Turrianorum iniuriam, & communem patriam fructu pacis & oçij fraudatam querebantur. Proptereaque sponte in exilium abierant, & Turrianorum signa secuti quantis maximè artibus poterant per affines & propinquos suos Othonis auctoritatem in republica conuellebant. At Otho in eam curam expectectus ex fidissimo & fortissimo genere militum exercitum parare, à socijs ciuitatibus auxilia accire, & veluti in supremo conatu supremæque spe conficiendi belli omnem armorum apparatus ingentemque pecuniam proficere. Cunctabatur autem Guliermus prauis atque insidiosis artibus, nec ad duci poterat, vt rebus celeriter administratis in hostem copias educeret, vt pote qui pericula augeri, confirmari hostium vires, terreri magis ac magis Othonem magnopere cupiebat, vt operam suam ampliore prætio, periculo & necessitate circumuentis vendiraret. Erat quidem Guliermus animo ingēti, & in omni bellico munere prorsus intrepido, sed auri atque Imperij fœda

cupiditate corrupto. Adduxerat enim Mediolanum superiore anno Beatricem uxorem: quæ mirifico apparatu atque insigni liberalitate suscepta, ornataque regalibus donis ab Othone, atque ab Decurionibus: & demum introducta in nobilium domos, admirari lautitiam, magnitudinem atque opulentiam vrbs, inuidere fortunæ Othonis, & demum Hispana cupiditate id Imperium affectare cepit. Hæc quum impense laudaret apud virum, quin tu inquit, si vir es, hæc vrbe potiri non contendis? Pater certe meus tibi non deerit, si pro te potius quam pro alijs imperitis, belli pericissimus pugna re decreueris. In hanc spem Guliermus ab inani & cæca, ut plerumque accidit, ambitione facile prolapsus, in Hispaniam enauigarat: vbi communicatis cum rege consilijs, quum voti cupiditatisque suæ Fortunam tentare decreuisset, galeatos amplius trecentos equites, & leuem armaturam equitum & peditum in naues sustulit, & in Italiam est reuersus. His de causis Otho profunda prudentia & solerti ingenio probè agnoscens quantis animi recessibus Guliermi consilia conderentur, nihil antiquius aut validius habuit, quam parum synceri ducis animum amplis pecuniæ muneribus expugnare: sed Mathæus Vicecomes iam planè bello & pace spectatis operibus magnus, dies mora extrahentem iocundus incitabat. An, inquit, Gulierme illam vim bellici vigoris qua vna laude maxime flores, hac infami cunctatione amittes? vt & tu & nos tecum militaris nominis dignitate spoliemur? Conuenere iam vndique auxilia tantaque nobis adsunt copia, vt hoc tempus quod tibi segnitè deperit, morari de hoste victoriam videatur. Aduenerant iam Simon Aduocatus à Vercellis, à Nouaria Guliermus Brusatus, Antonius Languscius à Ticino, & Lucerus Rufca, Simonque Locarnas à Como, qui suarum ciuitatum magni roboris auxilia adduxerant. Itaque Guliermus compressa aegritudine animi, nec minus accepro auro quam pudore deuictus, Carrocium eduxit, & ad Vaprium, vbi hostes constiterant, contendit. Fuere in eius exercitu, ut aliqui authores scribunt, ad triginta millia peditum, & sex millia equitum, in quibus supra duo milla cataphractorum equitum censebantur. Inuasit Cassonum insolitus pauor tanto conspecto exercitu, ita vt ei semper antea intrepido atque pugnaci, expediendi consilij vis omnis excideret. Non putarat enim Mediolanenses publica Carrocij signa aduersum se adeo celeriter educturos, remque sibi tantum fore cum Guliermo Othonianisque clientibus bona victoriæ spe plenus existimarat. Appropinquante itaque hoste inuid discrimen erat deductus, vt si ultra amnè se recipere, exercitumque seruare vellet, id ne dum commodè, sed ne sine ingenti quidem perturbacione, summoque periculo facere posset, relinquerebatur vt audacter irrumpendo iniqui certaminis aleam subiret, aut se ad oppidum circumvallari obsiderique pateretur: quod cum indecorum ac miserum fore iudicaret, uti dignum erat fortissimo duce, totiesque victore, instructa acie conflixit, ediditque supremo virtutis conatu egregium facinus. Nam cum vndique circumuenta acie à tanta hostium multitudine cederetur, Germanos equites cohortatus, vt honesta nec inulta morte conciderent, conglobato cuneo ad Guliermi vexillum prostratis Hispanis penetrauit, occisoque signifero illud arripiens, dispersit, atque ibi demum interclusus à legione, interfectusque est. Tum vero Turriana acies vndique pulsa trucidataque ad flumen se contulit.

uertit. Ibi cum plerique natando metu mortis, mortem non timerent, magna ex parte summersi sunt. Perijt & in vado Gothifredus Turrianus Ga-uernæ filius: deietaque sunt penitus Raimundi auxilia: ipse enim Laudi Põ-peix subliterat: Cremonensium vero & Laudensium duces capti. Pugna-tum est ad Vaprium septimo Calendas Iunias anno quarto a Decimana victoria, quæ sicuti principatum Othoni dederat, ita hæc eum sublati vni-dique metu confirmauit. Honestatus est Cassonus sepulchro non ignobilis, quod adhuc extra Vaprium in ædícula conspicitur: retinetque adhuc proxi-mus ager eius prælij memoriam, cum ab incolis Turrianæ cladis nomine vocitur. Nec multo post Laudensibus bellum indictum, depopulatusque est eorum agros Guliermus, tanta acerbitate, vt Laudenses villarum castel-lorumque vastatione perdomiti de pace legatos ad Othonem miserint. Inde Guliermus in Cremonenses duxit, multisque detrimentis illatis bellum aliquandiu est productum: nam Placentiui, Parmenses, Mantuani, Regien-ses, Cremonensibus opem attulerant: ad extremum inter eos inita pax, & in centum annos proclamata, ea conditione vt captiui vtrinq; dimitterentur, & Turriani eorumque ex professo fautores his vrbibus exularent. Interæa Comenses Guliermum in decem annos Imperatori sui declararunt, cõ-cessaque est ei suprema potestas condendi atque antiquandi municipales le-ges: sed id vnum omnino est cautum, vt de captiuis Turrianis qui in Bara-delli arce erant ius omne Comensi populo relinqueretur: atque ita à Comẽ-sibus liberaliter susceptus, iurauit se populi Ruscianorumque partium iussu, aduersus eorum hostes vtires posceret, bellum egregia fide gesturum. Inde frequenti comitatu Mediolanum rediens, tot rerum secundo successu ela-tus, ad insana consilia reuertit, secreto hostilia moliri, & cogitare denuo ce-pit, quibus nam artibus Othonis existimationem conuellere, circumuenire hominem iam planè senem, & denique vrbis Imperium posset inuadere. Homo ingenio procaci, auido, inexplibili, Reipublicæ accumulatis tot sum-pribus grauis, inuisus esse omnibus coeperat, cum sibi arroganter ascriberet recentis prælij victoriam, & Othoni, & ciuib; pacis ab se partæ beneficium obiectaret: ob id inflatus atque superbior quàm antea se gerebat, vt non om-nino dissimulante ad principatum aspirare videretur. Ante omnia Bosium Doariam veterem aduersæ factionis ducem, Cremonensiumque tyrannum, in cuius tabernaculo Actiolinum expirasse docuimus, Soncino oppidi do-minum Othone frustra reclamante constituit, vtque familiam illustrem at-que opulentam Imperij vtique æmulam Othoni opponeret, Soresinas inci-tauit, vt sese esserent, & his ciuib; aquarentur, qui nobilitate pares, vel omnino virtute & diuicijs superiores libertatẽ opprimere niterentur. Postre-mo postulat, vt Ioanni Pogio ipsius familiari prætura cõferretur, inde sibi gradus facere ad dominatũ maturans. Itaq; Pogio prætoris duæ sunt exortæ fa-ctiones, magna pars ciuũ Othoni fauebat, in altera erant Guliermus ipse & Pogius prætor, atq; ite Soresina familia: & quanquã occulte Castellioni dua-te Guidone, cuius opera per id tempus auro corrupti custodes e carcere Bara-dellæ arcis Guidonẽ Turrianũ eduxerant, Musca & Hereccus eripi nequie-re. Ea res Othonẽ quidẽ grauissimẽ pupugit, sed ferentes id iniquiore animo Coniunctes, sibi à Mediolanensib; capitale iniuriã indignè fieri querebãtur,

decreto magnopere latus, opes atque operam pollicebatur: etiam viri  
 vinctanquā pugnacis, & ab recenti iniuria concitati, grauem & periculofam  
 Othoni futuram intelligebant. Eo modo Turriani iuuenes acerbo carcere  
 post septimum annum & mensem vndecimum educti, acre bellum, & tum  
 Othoni, & Matthæo deinde, eo pulſo & in exilium acto, varijs ſucceſſibus  
 intulerunt: quæ quoniam ductu Magni Matthæi geſta ſunt, in eius vita ap-  
 tius atque illuſtrius perſcribentur. Iam enim in eum ab eximia virtute &  
 rebus feliciter bello geſtis, præclaris ducibus parem Otho ſenex omnia hu-  
 mana iura contulerat, adeo vt vtrunque magiſtratum vnus occuparet, im-  
 pleretque. Nam & gerebat bellum vt dux atque equitum magiſter, & è tri-  
 bunali prætorio patientiſſimè ius dicebat, vt ipſe omnium lidum diſcepta-  
 tor & iudex ex arbitrio iudicaret, & omnis ſubinde prouocatio tolleretur,  
 res graui ciuium incommodo ad ſerendas lites excogitata. Sed mirum in  
 modum eius nomen atque potentiam adauxit Guliermi inexpectata cala-  
 mitas: qui Turrianiſ Comenſibusque coniunctus, tam Othoni graue bel-  
 lum intulerat, atque id cum vehementiore ſtudio reparaturus eſſe videba-  
 tur, quod & Guido Caſtellionus Turrianiſ adhaſerat, vir inter primores  
 conſilio, clientelis, atque opibus inſignis: erat iſ Guidonis Turriani qui è  
 Baradello effugerat auunculus. Igitur Guliermus quum nefario ſcelere  
 Derthonenſem epiſcopum necaſſet, in manus Alexandrinorum ex inlidijſ  
 captus deuenit, apud quos ferrata in cauea, atrocibus corporis atque animi  
 tormentis excruciatuſ interiit. Gratiſ igitur Otho dñs immortalibus agens  
 quod ſe votorum omnium compotem feciſſent, vt iuſtam ab omni labore  
 vacationem naſtus, apud Claræ Valliſ cornobium religioſa quiete ſueba-  
 tur, apertè conſiſus præcellenti prudentiæ virtutiſque Matthæi Magni:  
 huic enim ipſe à tenera ætate ſeuere & diligenter educarat, inſtituerat-  
 que hiſ moribus, quibus in omni bellica vel ciuili aſtione ad certam laudē  
 ſemper illuſtriſ tanto imperio dignuſ eſſe videretur. Magnitudine quippe  
 animi, patientiæ, humanitate, religioneſque & domeſtico ſplendore cunctoſ  
 anteibat. Nemo ei corporiſ aut ingentiſ vigore par erat, altitudine verò con-  
 ſiſti, ſacundia, & oriſ atque habitus dignitate antiquiſ heroib긯 æquaba-  
 tur. Nec eo quiſquam prole ſelicioſ fuit. In quinque enim ei긯 fili긯 O-  
 tho ipſe peracri iudicio, miram certamque indolem ad propagandum im-  
 perium quali diuinans prouidebat: & iam ex hiſ Galeaci긯 & Marcus cui  
 Balatroniſ cognomen fuit, ad militarem ætatem peruenerant, & in Iohan-  
 ne atque Luchino optimorum principum indoles elucebat. Poſtremuſ Mat-  
 thæiſ liberoru긯 Stephanuſ fuit cæteriſ prole quàm vita ſelicioſ, quum ad-  
 huc fili긯, nepoteſque, & qui nouiſſimè imperarunt pronepoteſ recta ſerie  
 reſpiciant. Eo modo quum ad Claram Vallem amoeniſſimiſ in hortis O-  
 tho tuendæ valetudini operam daret, frequentique comitatuſ inſignium  
 philoſophoru긯, & ſacratu긯 viroru긯 oblectaretur, ſæpe de diuiniſ huma-  
 niſque rebus in iucundiſſimè diſputans, ſenio potiuſ quàm morbo conſectuſ  
 è vita diſceſſit, Auguſto meſe ei긯 anni qui fuit à partu Virginis nonage-  
 ſimuſ quintuſ ſupra mille & ducentoſ. Impleuerat ſeptimu긯 & octogeſi-  
 mu긯 annũ, nulliſ paulo moleſtioniſ. morbiſ obnoxioſ, ita vt mihi proculdu-  
 bito omnium Principum longe ſeliciſſimuſ deceſſiſſe videatur. Viſq; cõ enim



paucis cōcesso, fati mūnere vixit, ut summa gloria plenus, quod ambitiosa cupidaque mortalitas maxime optat, posteritati suæ lætissimus interfuisse videatur. Tumultus est in templo maximo ad maiorem aram marmoreo sepulchro, in cuius fronte hæc carmina leguntur.

*Inclutus ille pater patriæ lux, gloria patrum,  
Fulgor iustitiæ, fidei basis, arca sapiæ,  
Largitor veniæ, portus pietatis ægenu,  
Intrepidus pastor, quem moles nulla laborum  
Ardua denicit, populo latura quietem.  
Ille prius princeps, et præful amabilis, in quem  
Alius virtutum splendor conuenerat omnis:  
Quo Mediolanum radiabat lampade tanta,  
Totaque fulgebat regio, nunc pallet ademptor:  
Clara Vicecomitum proles venerabilis Otho  
Oh dolor, oh vulnus, cinis est hoc marmore factus,  
Christe pater vite in te requiescat spiritus in te.  
Annis vnderis, ter senis, terque diebus  
Præfuit ecclesiæ pastor bonus Ambrosiane,  
Mille ducenteno quinto, noniesque deceno,  
Quarto hic Augusti bis liquit gaudia mundi.*

M A T.

35  
MATTHAEVS MAGN.  
SIVE LIBER II.



**N**EMO si Fortunæ ludos spectare lubet, certiore vtriusque  
fortis merito MAGNI cognomen adeptus est, quàm hic  
ipse MATTHAEVS Vicecomes, cuius imagini ad veram o-  
ris effigiem ductæ, insignes etiam excelsi animi dotes bre-  
ui elogio expressas appendimus. Nec titulus, vti reor, vel  
summæ virtutis atque potentiae regibus insolens & gra-  
uis huic ad invidiam cesserit, quum illi superiores Alexander, Pompeius &  
Carolus, tanquam humanæ virtutis modum supergressi inter Heroes refe-  
rantur. Hic verò intra patriæ fines parta laude contentus, id tulerit, quod  
ciues post invidiam morte extinctam, prædara etiam hostium confessione  
detulerunt. Natus est Masino in pago ad Verbanum lacum, eo fortè insi-  
gni die quo Federicus secundus, durus Italiæ Cæsar, à filio Manfredi rege

coniecta in os stragula veste suffocatus interiit. Tradunt autem non infulsi annalium scriptores, armenta eius vici sponte soluta proripientiaque se magno tumultu estabulis domum, in qua Anastasia mater infantem noctu enitebatur, inusitato mugitu edito quasi salutasse, adeo ut expectata tota vicina puerperæ magnus timor incuteretur. Sed id Theobaldus pater pro latissimo ostento accepit, gratulatus vel ob id vxori felicem partum, quod miræ magnitudinis infantem ad ingentis spei fortunam edidisse videretur. Erat Anastasia Vberti Pirouani nobilis atque optimi Mediolanensium Antistitis ex fratre neptis. Hæc puerum rara inter matronas charitate proprijs vberibus aluit, adultumque vsque adeo diligenti & planè virili cura honestissimis moribus instituit, ut Otho nescio quid egregium & verè magnum in pueri indole se conspiciere fateretur. Cæterum Mathæus iam planè vir quanquam impubes, orbatus patre viro fortissimo, ærumnosique exilij Othoni patruo comes, ita corpus pariter atque animum exercuit, ut vtrumque viriliter aduersus rerum omnium contumelias indomitum, inuictumque voluptatibus præstaret, & duris atque asperis gaudere, nec aduersis vnquam frangi, nec secundis efferrī videretur, quod nihil vnquam aut demissum aut inloquens ore gestuque eius excideret, præaltaque semper atque ardua ad imperium & gloriam intentus ageret. Summum adeo decus in clementia & moderatione reponebat, quibus virtutibus Turrianos omnino caruisse, ideoque celeriter excidisse principatu, prædicare erat solitus: oderat enim gladios extra aciem cruentos, quum in neminem Turriani sanguinis, vel nunquam, paternæ cordis oblitus, sæuierit, neminemque ex infensissimis hostibus bello captis occiderit: uti videri licuit, quum omnes ferè aduersarum partium summi duces atque ei capitali odio inimicissimi mira perpetuè victoriæ felicitate in potestatem eius deuenissent. In his fuit Simon Aduocatus, Guliermus Brusarus, Philippus Languscius, Antonius Fisiraga, Albertus Scotus, qui Vercellis, Nouariæ, Ticini, Laudi Pompeiæ, & Placentiæ Gibellini nominis hostes tyrannidem exercebant. Ad hanc quoque generosi & clementis animi laudem, moderati nomen addiderat, quum in omni bellicarum & ciuiliū rerum actione, cupiditatum excessus fugeret, & nusquam timore aut superbia præpeditus, cuncta consilia certis temperantiæ finibus terminaret: & id quidem eo diligentius, quod vel in speciem religiosè pius existimari vellet. Sed ei inter sæua arma nato atque educato nihil potius vnquam, quàm augere factionis opes, aduersarios persequi, & latè imperium proferre, etiam si id non facili sine cædibus atque incendijs patraretur. Plura tamen se testis consilij & occulta largitione, quàm vi & cruenta manu consecisse: & plura denique auro quàm ferro feliciter expugnasse disserebat, ut scilicet prodigis atque ad inanem sumptum facile effulis, & natura pugnacissimis filiorum ingenij viles frænos imponeret. Henricum iam Cæsaris fratrem ab inimicis aduersum se è Germania in Brixianum agrum cum ingentibus copijs euocatum multo auro aggressus auerterat: parique felicitate Philippum Valesium, qui postea Gallici regnum tenuit, pontificis impulsu formidolosum exercitum ad Vercellam adducentem, multis legationum artificijs, magnis denique muneribus peruicerat, ut amicus quàm hostis esse mallet, in Galliamque rediret: quum

Galeacius

Galeacius filius, pugna quam pacis audior viginti peditum & septem galeatorum equitum millibus transiituro hosti obiecit, quin praelij aleam subiret, paternis monitis ægerrimè paruisset. Imperauit Matthæus ab Othonis morte septem annos, nouem in exilio tolerauit: quum malignitate propinquorum & subita nobilitatis conspiratione, atque Alberti Scoti perfidia circumuentus, ut inuidiæ cederet, Medioloano excessisset. Sed eum post patriam frustra armis sæpe repetitam deformis exilij incommoda constantissimè tolerantem, nec vnquam despondentem animum, in spem non dubiam erexit Henrici Cæsaris aduentus. Fatali tum insania Turriani inter se dissidere cœperant, & Guido patrueli Muscæ morte extincto succedens, cori sanguineis & ciuibus vsque adeo superbia intolerandus euaserat, ut Muscæ liberos, ad quos paterni auitique imperij hereditas redibat, custodiæ traderet. His cognitis Matthæus, agresti habitu aususque itineribus Astartam ad Cæsarem contendit, ubi Cassonus Turrianus Mediolanensis Antistes cum Nاپino fratre, atque item principes Guelpharum partium conuenerant. Quis crederet sexagenarium senem venerabili canitie, & male recto frontis honore, ipsoque præsertim arduæ cœruicis habitu conspicuum, sed pedibus iter habentem, tot insidiantium oculos fallere potuisse? Proiecto ad pedes & ex iure & æquo opem imploranti, admiratus faciendam & oris decus Cæsar, spem dedit vt reduceretur, atque id egregia fide præstitit, Philippo Langusco, Antonioque Fistraga qui aderant atroci oculo intuentibus, acerbæque voce eum totius pacis & quietis turbatorem appellantiibus. Sed Matthæus frequenti concursu, liberalique studio veterum amicorum & clientium, qui prodeuntem ornatissimo comitatu deducebant, iam pristinae fortunæ suæ per similes, pacificatore Cæsare cum Turrianis sœdus percussit, his legibus, ut beneficio Cæsaris reducti in patriam antiquæ libertati restitutam æquo iure viuerent, & paternis bonis, ciuili actione partis, vtraque factio potiretur. Nec multo post Henricus Mediolanum venit, ei que obuiam egressus Guido cum insigni ordinum omnium pompa, & ab equo desiliens Cæsarem salutauit, sed vultu non occulta bile perturbato, quod Germani equites Turrianum vexillum signifero vi extortum, solo affixerant, indignati quod aliud insigne quam Romana Aquila præsentem Cæsare præferretur. Cæsar cum humaniter alleuans, & equum conscendere iubens, renidenti ore, Guido inquit, noli contra stimulum calcitrare: atque ita medius inter Matthæum & Guidonem urbem intrauit, Guidone de Principatu planè desperante, quum aspectu tanti hostis qui dextrum Cæsaris latus tegebat, & propinquorum qui aderant rebellionis conterritus, omnem vim expediti consilij penitus amisisset. Cæterum Henrico de more coronato atrox in vrbe tumultus incertum casu an fraude exortus est: quum populus arma caperet, exciti que ad arma Germani, fora, & compita cohortibus & turmis occuparent, & Galeacius cum globo equitum discurrens, & veteres clientes ad arma vocans, Germanos ut nihil timerent hortaretur. Sed ea vis armatæ plebis, quum nec causa nec author tanti motus extaret, repente versa est in Turrianos nihil tale timentes, momètoque temporis eorum domus expugnatæ direptæque sunt. Guido equum nactus ægrè profugit: Cassonus antistes per hortos vix ereptus est: vel qui Turrianæ factionis inter se dissidentes eandem im-

proiissi mali fortunam tulerunt. Iam propè reum patrati facinoris apud iratum Cæsarem rumor Matthæum fecerat, nisi senem quietum pacata fami lia domi epulum parantem prætoriani Cæsaris inuenissent, ipseque digressus ad Cæsarem falso credita multiplici testimonio diluisset. Relegauit tamen eum Cæsar Ticinum, vt de ea re certius cognosceret, & Turrianis per summum populi scelus omni honore omnique laura suppellestile spoliatis, æqui iudicis officium præstare videretur. Sed ea disceptatio hunc habuit exitum, vt Matthæus singulari Cæsaris studio Mediolani præficeretur. Henricum enim vt Romam ire pergeret, Cæsariani nominis studiosi in Etruria, frequentibus literis euocabant: & ipse quantum Guelphis fidendum foret, præclarè intelligens, certo fidelique præsidio factionis opes confirmandas arbitrabatur. Itaque Matthæus summa potestate iterum decem annis imperauit: quo spatio aliquot subactæ vrbes, capti hostium principes, Turrianorumque opes atritæ deletæque sunt. Ipse domi ab inueterata prudentia consilio pollens, & foris filiorum ductu (¶ enim clarissimi duces eua serant) multis prælijs victor ad consummatam gloriæ laudem peruenerat, ita prorsus vt iure Magni pariter atque felicis nomen mereretur. Sed qui longa infracti animi patientia rerum omnium difficultates egregie superarat, inuidiani veræ virtutis comitem superare non potuit. Præcipui enim amicorum gloriæ eius splendore offensi ab eo descuerant, quum Robertus Neapolitanus rex Guelpharum partium suscepta causa in Liguriam venisset, Beltrandusque Vasco Cardinalis, pontificius legatus Matthæum diris persequeretur. In eam nanque vnam curam animos intenderant, vt comminuta Cæsarium autoritate Guelphos tot aduersis prælijs profligatos contra Gibellinos erigerent: Matthæusque in primis tanquam maxime validus aduersarum partium imperator, dominatu pelleretur. Dimicantem superioribus annis in Etruria ad campum Aldinum semel, iterum ad Arbiæ flumen, nouissimè autem ad montem Catinum Guelphicum Gibellinis funesto illis euentu: quo prælio Roberti regis frater fuerat interfectus, & Luchini Matthæi filij paternorum auxiliorum ducis mira indoles enituerat, ipseque demum Robertus à Marco Matthæi filio pro Spinulis atque Aurns exulibus depugnante, Genuæ obsessus & miserè circumuallatus, in multo rerum discrimine multum dignitatis amiserat: quibus de causis acerbissimo consensu bellum atrox Matthæo parabatur. Ipse porro Beltrandus conflatto ingenti exercitu, & receptis ad se Turrianorum proceribus, diuini iuris tela contorquens, Matthæum tanquam impietatis reum æternis inferorum cruciatibus deuouit, & Mediolanensibus eo nomine sacra ademittit, vt populum diro piaculo consternatum in autorem tantæ labis concitaret. Nec legatum ea res sefellit: nam hæc emissæ tela aliquanto grauiore mole quàm promoti ad portas ingentes exercitus, hostibus inciderunt. Clausis itaque templorum foribus experti sacrorum populus duodecim legatos ad Beltrandum decreuit, vt expiationem accuratis precibus impetraret. Sed in eo delectu de industria plures fuere Matthæo insensu, & ante alios ex amicis veteribus effecti noui hostes, atque ideo acerbiores maximque pestilentes, Leodisius Vicecomes patruelis, & Franciscus Garbagnatus, quo authore Matthæus in amicitiam Cæsaris fuerat receptus; & Simon Cribellus, numerosa familia

familia potens, vir atrox & inquietus, propterea alienati, quod minimè paria ingentibus meritis præmia retulissent. Ad hoc superbos animos naturaque pronos ad leuitatem atque perfidiam inuidia alienæ felicitatis inuaserat, ut periniquè ferrent, quod non iam secus atque ex merito sperauissent; ipsis Matthæi filiis dignitate atque opibus æquarentur. Verum Matthæo alioqui moderato tardanteque senectute parum expedire liberali, præcipua cura inerat, liberos eximia virtutis duces amicis & propinquis omnibus anteferre, augere diuitijs, ac bellicis honoribus honestare, quum cæteris propinquis & amicis proximas spes matura liberalitatis relinquendas existima-  
ret. Itaque legati à Beltrando redeuntes, referunt nihil à viro acri, iracundo & validis copijs instructo impetrari potuisse, nisi Matthæus ob conce-  
ptam hæresim aqua & igni interdictus vrbe pelleretur: eo pulso ciuitatem expiatam fore, & creatis Decurionibus, qui æquo iure gubernerent, ad pristinæ libertatis decus deletis factionum odijs, continuo redituram. Nec mora inconditæ plebis fremitus auditur, pacem atque concordiam postulantis, & coniurati ad augendum tumultum idoneos homines subornant, qui specie religionis inducti exclamant, non esse omnibus propter vnum deuorum caput æternas penas apud inferos subeundas. His vocibus Matthæus perpetuisque inimicorum insidijs circumuentus ad consilium summæ prudentiæ, quod ei supremum, & ad salutem expeditum fuit, exemplo decurrit, ut à Galeacio filio qui tum Placentiæ imperabat, licet ab se ex æmulatione Marci fratris alienato opem imploraret: nec differt ille vir inipiger de summo rerum periculo certior factus, quin statim coactis veteranis equitibus ad patrem aduolet. Eius aduentu inimici maximè perterrentur: dubij deprauati-  
que ad antiquam fidem redeunt: confirmantur clientium animi: Duodecim etiam legati occupante metu tecti primo latebris, mox intempesta nocte elapsi vrbe diffugiunt. Nam Galeacius bellici vigoris plenus, nobilique facundia insignis, ut erat propter memoriam editorum toties ludorum, & totius regiæ magnificentiæ populo charus, popularique humanitate percelebris, aduocata passim concione, ciuium prope omnium studia, quæ fortè nutabant, ad se conuerterat: quum præclare doceret vnam eam esse mentem Pontificis atque Roberti regis, ut Guelpho nomini latum stabileq; imperium in Italia oppressis Gibellinis adstruerent: quod facile consequi possent, si Turrianos viros crudeles implacabilique odio omnibus iratos in urbem reducerent. Confirmatis eo modo ciuium animis, accitisque vndique veteranis militibus, sedatioque tumultu, Matthæus duorum & septuaginta annorum senex, ut administrando bello viribus impar, & ut plerumque accidit, in concursu asperrimarum rerum mente perturbatus, sed virtuti filiorum plurimum fidens, principatu sponte se abdicat, Galeacioque militaris imperij vexillum tradit, deducique se ad templum maximum iubet: inu-  
stam enim sibi vir contumeliæ insolens, & egregiè pius hæresis notam ferre non poterat: ita ut ad aram aduocatis sacerdotibus Christianæ fidei symbolum præclara voce recitaret, testareturque iureiurando sibi immerenti sacra eripi, quod nusquam à sacro sancto dogmate discessisset: itidemque Dei maximi vltoris numen inuocabat, postquam iniquissima factiosi legati sententia condemnatus patriâ excedere cogeretur. Sequenti porro die Mogun-

tiacum, quod hodie Modoetia dicitur, ad diui Ioannis Baptistæ templum, ob memoriam Longobardicæ pietatis vanerabile, & à se multis donarijs exornatum contendit, ibique eadem professus in febrem incidit. Accurrunt illico filij quum ad Crescentiacum cœnobium lectica deferretur: id enim templum triginta fere stadjs Mediolano distat. Suprema autem morientis verba ad circumstantes quinque liberos hæc fuere: **STABIT** incolume vobis carissimi atque optimi filij, hoc imperium quod relinquo, si concordibus animis cum virtute tum fortuna vestra vtemini: si vero dissideritis omnis quamlibet eximia vestra virtus frustra erit, & à vobis ad hostes illico Fortuna transfugiet. Nec eius prædictioni tanquam veri vatis euentus defuit, vti mox dicitur. Exinde quum omnibus manarent lachrymæ, integris quidem sensibus, sed collabente ceruice, supremum osculum liberis dedit: moxque inter amplexus eorum expirauit: ei que tot superstites liberi (vti maxime optarat) oculos clausere. Defunctum autem secreto ignobilique in loco tumularunt, celata etiam aliquandiu morte, ne cadauer in aduersa fortè belli fortuna, seu legati contumelijs esset obnoxium. Sed destinata iusti funeris pompa, & toto vel operosi sepulchri honore facile capere potuit, qui publico consensu illud perenne lateque diffusum decus excelsa virtute meruerat.

*Tumulo eius hoc carmen affixum est.*

*Matthæus factis meritò cognomine Magnus,  
Tempore tam belli summus quam tempore pacis,  
Mortuus est, & nullum habuit sublime sepulchrum:  
Claudere nanque illum non marmora sufficiebant.  
Sed nunc propterea tellus est tota sepulchrum,  
Et totum volitat Matthæi fama per orbem.*

G A L E A C I V S



GALEACIVS PRI  
MVS SIVE LIBER III.



ALEACIVS Mattheo Magno genitus, nouum id nomen quod postea manauit ad posteros primus familiae intulit, a matre Burra ioco inditum, quum ea fortè in multo gallorum cantu enixa puerum apertis oculis altè vagientem Gallacium appellasset, idque arridentes ancillae saepe repeterent, nec abnueret pater, tanquam ab aue Martia militari augurio iucunde accepto, idque praesertim insigni euentu Fortuna comprobante, quod ea nocte puerum nasci contigisset, qua felici praelio ad Decimum interfectis aut captis Turrianae familiae proceribus ab Othone parta est ea insignis victoria, quae & principatus initium fuit. Nec verò sine vllis delictis educatus puer augurij fidem fefellit, quum singulari vigilantia, generoso spiritu, atque indomito vigore pugnacis animi, superbum & ferocem gallum æmularetur, & conspi-

cua quædam alludentis naturæ dona, hos mores adornarent, multo quippe rubore suffusa facies, flagrantès oculi, subrispa & fulua cæsarics, & lato in pectore erecta ceruix maximi futuri ducis speciem reddebant. Ipse porro vel planè puer tanta equorum atque armorum cupiditate erat incensus, vt aliquando maturius quàm ætas ferre posset, thoracatus, galeatusque ludicra certamina equestresque ludos inter puberes agitare, querereturque admirante Othone tanquam par obeundis militiæ laboribus, quod adhuc neque patris castra, nec hostium aciem vidisset. Ab hac indole nouum quotidie maturæ virtutis specimen præbens, per omnes bellici muneris ordines pluribus aditis superatisque periculis decucurrit, sic vt indies ab insigni aliquo facinore laude cumularus, patri pariter ac militi charior euaderet. Facile enim accidit impigro iuueni vt multis expeditionibus exerceretur, quod ea tempestate nullum bello vacuum, aut ab hoste propinquo ociofum tempus esset, vigentibus odijs inter factiosas ciuitates, atque ob id rediuiuis Turrianorum studijs, quibus Guelpharum partium duces nitabantur. Cæterum ei ad præalta contendenti quum sæpe egregij militis & strenui equitum præfecti nomen tulisset, summus honos militaris imperij decrat: cui rei Fortuna maturè ianuam aperuit. Quum enim ex prætura Nouariam obtineret, repentina Guelphorum cõiuratione expulsum, summa celeritate coacto exercitu aduersarios prosligauit: confugientesque Mortariam, magna vi expugnato oppido penitus deleuit, tanto terrore hostibus illato, vt Mattheo patre dux acrior atque felicior crederetur. Nec multo post patre Alberti Scoti perfidia patria eiecto, eandem exilij fortunam secutus, in maxima pericula se coniecit, quum senem inuictò animo irrita arma circumferentem, minime deferendum arbitraretur. Sed patre demum fractis opibus animum despondente, in vltiorem Galliam transiuit, fortemque operam aduersus Britannos nauans Carolo Philippi Regis patri, militari baltheo ab eo donatus est, quod est equestris dignitatis inigne maxime decorum, vbi spectato insigni aliquo in acie facinore imperatoris iudicio paratur. Inde autem in Italiam reuersus eo bello quo Pelagura Cardinalis oppugnata Ferraria Arestini Actij opes contuderat, multus inusitata virtutis operibus editis vehementer inclauit. Constat enim vno prælio per multas horas crescentibus vtrinque subsidijs sæpius instaurato, tres equos acerrimè depugnanti fuisse suffoslos: eumque postremo cum vexilliferum adacto per inguen mucrone ab ephippio deturbasset, insiliisse in equum fessore vacuum, atque ita impetu facto, perruptaque aduersa acie ad suos cum suo tum alieno cruore oblitum rediisse: cuncta enim pericula, vt inde claresceret, præsertim extorris atque exul audacissimè contemnebat. Erat etiam Actio summa propinquitate coniunctus, vt vel hinc ostendendæ virtutis studio vehementer accenderetur: nam Beatricem eius sororem in matrimonio habebat, suscepæque ex ea biennio ante filium qui de nomine auunculi Actius, summæ postea virtutis Princeps, appellatus est. Hæc Beatrix præstanti quidem forma, sed nouem annis Galeacio maiore, antea nupserat Nino Pisano Galluræ in Sardinia Regulo, antiqua stirpe, & multis diuitijs claro, ex eoque genitam nubilem puellam Mediolanum adduxerat, vt ludis nuptialibus interesset: qui regio sumptu editi totius Italiæ vrbes

vrbes inultitate magnificentiæ fama compleuerunt. Nam & simulachra certaminum, & caſtellorum expugnationes, quæ armatis cohortibus & turmis inter ſe concurrentibus edebantur, & publici epuli apparatus, & matronarum ſaltationes, quæ ad ſpectacula conuenerant, vehementer omnes mirati ſunt. Mille ſibi per tres claſſes diſcumbentibus conuiuiſ ſingulæ veſtes cū ſericæ aureæque tum lanææ coccinæque, aut acupictæ, dono datæ ſunt. Burra ſoru eas miro ordine perſpicaciue iudicio ſublatis menſis diſtribuentē.

Tot verò nouæ nuptæ collata munera gemmarum atque monilium, celatiq; argenti & purpura: à legatis ſociarum urbium patricijsque ciuib; ut opulentiffimorum regum diuitijs æquarentur. Et hercle vel hinc mirari iuuat, tam malignum, quàm poſtea falſum Danthis poete iudicium, quum ex hoc confugio Viperam Gallura inferiorem putarit. Cæterum Galeacius cōfirmatis Actij opibus Taruiſij præturam obtinuit à Gerardo Caminate eius urbis domino, cui ex Beatrice priuigna nupſerat: geſſit autem eum honorē ſumma cum dignitate, ut nulla in re exulis vultum præferret, proſpicereturque ſe breui ad veteris fortunam imperij rediturum. Nec id vorum diu ſecellit, Henrici Cæſaris aduentu, quo diſſidentium inter ſe Tyrannorum opes vehementi ruina proſtrate ſunt. Aderat Matthæo Galeacius ex paterno conſilio arma expediens, ſelicique virtute ſemper dimicans: nam paternis auſpicijs aduerſæ factionis vires attriuerat, ducesq; belli & Guelphi nominis principes in poſſetate redegerat. Quibus ſublatis ſingulæ Cīſalpinæ Galliæ vrbes ſe ad Magni Matthæi authoritatem contulerant. Ipſe quoque proprio vtens conſilio & ſuis ſubnixus copijs, cum ad augendam ditionem potentiamque per ſe bella gereret, Guelphis formidandus eſſe coeperat, utiq; poſtquam Placentiam Alberto Scoto vetere patris proditore armis eiecto, caproque, ſuæ ditionis fecit. Nec multum inde Iacobo Caualcaboue Cremonenſium Tyranno ad Bardum vicum acie proſtigato atque interfecto, Cremonam valida claſſe & magnis copijs circumuallatam ferro demum & fame ſubegit. Nec minore virtutis fama Marcus frater à patre rei Liguriæ præpoſitus, aduerſus Robertum regem bellum gerebat: & Luchinus bellica laude nulli fratrum inferior, Guelphoq; nomini vehemente inſenſus, præcipuo terrori erat, quod ab eo ad Tanari pontem, Vgo Baucius Roberti regis equitum magiſter commiſſo prælio victus atque interfectus fuiſſet. Quibus de cauſis Guelphi nominis principes admonebantur, ut acciſis in Etruria partium viribus, & tum in Cīſalpina Gallia latè proſtigatis, maiora præſidia compararent, quibus Matthæi potentia obuiam ſretur. Itaque renotatis inter ſe ſœderibus, Pontifex, Robertus, & Florentini peritos rei militaris duces, & validas bellicoſarum gentium copias à Narbonenſi Prouincia, Burgundis ſcilicet, Allobrogibus, Heluetijsque in Italiam adduxerunt, vſque adeo ingenti conatu ſumptuque, ut tranſmiſſa grandi pecunia Henricum Auſtrium designati Cæſaris fratrem è Germania, è Gallia verò Philip-pum Valeſium, qui poſtea rex fuit, aduerſus Vicecomites in Italiam euocarint. Sed Germanos Matthæus multa largitione maturè auertit, Gallos verò Galeacius & Marcus oſtentato exercitu ita terruerunt, ut multa verborum humanitate, multisque item muneribus ſuperati trans Alpes nuſquam diſtrictis gladijs redierint. Descenderat Philippus ingenti curſu

ad Sefichem amnem præter Vercellas iuuenili quodam vigore animi hostem contemnens, nec lociorum auxilia expectans, ita vt in insidias præceps datus esse videretur, nisi Galeacius paternæ grauitatis æmulus, vel in multa spe exploratæ victoriæ à conferenda pugna, inuito etiam fratre parferè cum eo imperium habente temperasset. Nolebat enim validam atque propinquam gentem nulla propè de causa, nulloque odio, sed leui admodum bellicose iuuentutis alacritate ad bellum excitam, ipsūque præsertim regium sanguinem inexpiabili in se odio concitare: vti necesse erat, si conferto prælio totius ferè Galliæ nobilitatem profligari atque interfici contigisset. Impetrato siquidem colloquio, & per inducias ostentatis miro ordine vniuersis copijs, quas vallatis è castris eduxerat, facili Gallorum proceribus demōstrauit, quā stultum foret, pro alieno commodo, propriæ dignitatis & vitæ periculofam aleam subire. Ea quoque res Galeacj fidem facundo ore hæc dissidentis confirmabat, quod veteris beneficij memoriam præferebat, quo à Carolo rege balthei militaris honore fuerat honestatus: tum producebat præter numerosum peditatum, quinque millia vtriusque armaturæ equitū, in quæ sexcentorum fere nobilium cataphractorum ala decoro simul atq; terribili corruscantium armorum cultu stupentes Gallos permouit, vt authore Ebrardo equitum magistro, viro æquè prudenti ac strenuo certam pacem potius quā anceps bellum optarent. Cum hac ala Marcus Galeacj frater, cum specie ipsa excelsi corporis, tum felicitum præliorum fama inclytus, explicatis turmis decurrerat. Gestabant singuli equites in cono calsidis & in lacinia Phrygij operis squamosam viperam, cruenti pueri crura denato ore deuorantem, Vicecomitum familiæ vetus Insigne: qua inusitata specie Gallos, vtpote non intellecto argumento, vehementer commotos fuisse, moxq; magnis muneribus excultos vtili consilio potius quā decoro, Villanus Florentinorum annalium scriptor in Galliā rediisse perscribit. Sed Matthæo patre vita functo grauiora demum pontificis & Roberti Regis arma, conspirantiumque patritiorum vim, ac Germani militis perfidiam summo cum discrimine salutis expertus est. In eo enim vetere decreto foderati hostes permanferant, vt pulsis principatu Matthæi liberis, res Mediolanensis sub inani libertatis nomine Guelpharum partium auspicijs nutuque regeretur. Itaque Leodrius & Garbagnatus atque Cribellus cum suo litore, atque odio perciti, tum honoris maximi atque potentie non dubia spe inflati, in id incumbēbāt, vt ciues deprauarent, atq; diducerent, Pontificiq; legati nomine Germanos diuisa inter eos pecunia optimisque stipendijs propositis, ad defectionem impellerent. Primi omnium Rogerius & Anechinus Vindelici Centuriones, soluto pudore defecerunt, nec ciuitas per se instabilis dubitauit, quin Germanorū exemplum sequeretur. Qua repentina veterarum defectione circumuenti Galeacius & Marcus, quum atrociora timerent, Laudē Pompeiam ad Vistarinos veteres amicos se receperūt. eorum autem discessu, ciuitas creata ex vnaquaq; tribu decurionibus, libertatē arripuit. Cæterum immutatus in vrbe status hunchabuit euentū, vt factiosi ad arma excitati, duce quodā Burro Guelpharū partium vexillū attollerent, admirantibusq; primo, et mox nō temere sibi metuentib. Gibellinis, tumultuose per urbem deferrentur. Guelphū quoque ex Martiana Abduani agri regione, & Brigan-

& Brigantinis montibus Liciniforoque præferrim, Tignaca Parauicino duce homine turbulento, Modoetiam occuparent. Id facinus Mediolanensis reipublicæ decuriones magnopere commouit, quod noui imperij maiestas seditionum temeritate sugillari contemniq̃ videretur. Ipsos porro Gibellinos admonuit, vt armata præsidia compararent. Mittitur ergo Leodrius cum exercitu qui Modoetiam, si dicto audiens esse Tignaca nolit, ad motis machinis expugnet. Nec mora Guelphis maiore pertinacia quàm vi resistentibus, Leodrius diffracto muro atque incitatis ad prædam Germanis opposita munimenta perumpit, multisque cæsis capitur Tignaca, oppidumque diripitur. Hinc iam non obscure animaduersum est, non aliam ob causam Galeacium fratresque eius Mediolano expulsos fuisse, quàm vt Guelpharum partium dominatus induceretur. Nam veteres hostes semperque antea exules Turriani reuocabantur: & legatus hominem natione Burgundum, quod esset è Turriana familia, vrbi præfecerat: nec Germani (quantum mercenarij milites) vel Roberti regis, vel pontificis nomen Cæsaribus insensum pacatis auribus accipiebant: & tum sortè stipendia à legato cardinalis regisque præfectis largissimè promissa, nequaquam liberali manu soluebantur. Quibus de rebus Germani Henrico Grunistenio homine nobili concionante sublati dextris Galeacium continuo reuocandum censent, decernuntque ad eum legatos summæ dignitatis Centuriones, qui condonatæ veniæ fidem accipiant, vt Rogerio & Anechino cæterisque recentis infidæ leuitatis authoribus caueretur. Grunistenius enim virtutem, fidem, munificentiam, atque animi magnitudinem quæ in Galeacio spectabantur, eximijs laudibus extulerat, vsque adeo studiosè, vt se vadem obsidemq̃ præstaret. Marcus quoque opportunè in vrhem noctu regressus, Leodrium inexpectata Guelphorum audacia perturbatum, animaduersoque periculo consilij sui non obscure penitentem cum lachrymis exorarat, vt iure sanguinis ad familiæ salutem pariter ac dignitatem cum Galeacio in gratiam rediret, nec veteres Vicecomitum hostes ipsorum intestino malo lætari pateretur. Itaque postridie Galeacius non secus ac si ex venatione suburbanoque secessu, non ab exilio, domum rediret, læta ciuitate in vrhem est reductus. Eius aduentu Garbagnatus, & Cribellus ad legatum arrepta fuga perfugerunt, Burgundusque Turrianus vrbis præfectus cum Guliermo Ruramonte regio legato pariter euasit. Sed non multo post pontificiæ regiæque copiarum adiunctis Florentinorum auxilijs, & Pagano Turriano Aquileiensis Patriarcha cum gentilibus suis ad id bellum euocato, ad Abdum contendunt, eo consilio vt superato amne rectà Mediolanum contenderent. Imperij militaris nomen penes Gastonem erat legati ex fratre nepotem. Cæterum Raimundus Cardonius Hispanus, Henricusque Flandrius, & Simon Turrianus clarissimi duces, gerendi belli munia susceperant, censebanturq̃ in eorum exercitu quadraginta millia peditum, & decem millia galeatorum equitum, ex omnibus ferè Europæ gentibus mercede collecta. Vbi ad flumen peruentum est paulò supra Tritium vado reperto cum primis equitum agminibus Garbagnatus & Cribellus transiit: tum verò Marcus qui ad id vadum aduolarat, ita primos vrgendo cædendoq̃ perturbauit, vt ambo duces intercepti, atque agniti, scruiente in eos Marco, protinus interficerentur,

ingenti incendio in vico pereuntia deplorantem vtrinque inuadunt, Marco primam aciem perrumpente Flandrius aliquandiu restitit, sed eo strato tota eius acies fusa profligataque est. Nec ab altero cornu Galeacii impetum Turrianæ Florentinæque alæ diu tulerunt: media quoque acies à Gaudentio Marliano (is nobilis & vetus miles & dux impiger pedicatu præerat) à fronte loco mota turbatis ordinibus in fugam versa est: & Cardonius ad primum incursum magno à sagittarijs, & mox ab irruentibus cataphractis detrimento accepto, quod flammæ deflagrantis vici receptum eriperent, & in vtrunque latus victores fratres vehementer inueherentur, & præaltis amnis ex fuga vadum tentantes primis vorticibus abriperet, viuis in potestatem hostium deuenit. præfecti Florentinæ alæ pariter capti. Simon Turrianus, Guidonis, qui Mediolani imperium tenuerat, filius interijt: ex minoribus ducibus promptissimus quisque aut occubuit aut in manus hostium deuenit: vexilla quoque maiora Roberti regis atque pontificis & Florentinorum Turrianorumque relata sunt. Vnus ferè Henricus Flandrius à Germano equite captus temereque dimissus, cum pedes exutus armis totam noctem per sylvas errabundus effugisset, prima luce Modociam peruenit, quò Vergulius extremi supplicij penam timens, quod Andrium Placentia pepulisset, ab initio aduerse pugnæ cum relijs profligati exercitus perfugerat. Ab his ducibus instauratum est bellum, & Modocia per aliquot menses fortiter defensa, sed magnis demum operibus circumvallatam oppugnatamque acriter, Vergulius ea conditione dedit, ut nisi iustis auxilijs à legato missis obsidio solueretur, ipse cum præsidio saluis rebus exiret. Iam enim Flandrius desperatis auxilijs noctu ex oppido profugerat, & Passarinus Turrianus quum opem obsecris asserere maturaret, à Marco ad Tiniosam turrem, equestri prælio fuerat profligatus: à quo etiam paulò antè eadem belli fortuna, Narbonensium equitum manus ad Caracam supra Lambrum, dum ibi negligenter excubaret, oppressa est: sed iactis hostium copijs aut ferro aut pestilentia deletis, victor Galeacius præcellentis iudicio vir, sibi omnino pacem parandam esse constituit, quòd in exhaustis rediuiuisque potentissimorum hostium opibus se imparem cernere, sæpeque dimicando vires experiri atque instabilem fortunam toties lacerare periculosum arbitaretur. Erat in custodia Raimundus Cardonius dux hostium, vir solerti grauique ingenio præditus: hunc idoneum existimans per quem à Pontifice pacem impetraret, carere emisit, vsque adeo egregie simulata fuga, ut duo ex intimis familiaribus insigni nobilitate iuvenes Becalcus Landrianus & Phœbus Contes, elabentem comitati prodi disse custodiam putarentur, singulari quidem cum infamia & summo cum dolore propinquorum, cum Galeacius eos tanquam admisi sceleris reos per præconem exilio multauisset. At Hispanus (vix generosum decebat) sincera fide causam egit, Placentiæ primò apud legatum, & mox Auenionem contēdens apud Pontificem, Landriano & Phœbo arbitris, & peculiari oratione probatisq; mandatis suppliciter pacē petentibus. Nec abnuuit pontifex, quòd eam Cardonius omnino vtilē fore diserebat, videturq; ex cōmodo dignitateq; Pōtificij nominis, si Christiana benignitate clementiaq; inductus, eos in clientelā fideq; reciperet, qui ab eximia virtute Dñs & Fortunæ cordi essent.

& ut bellis omnibus inuicti, non temere ab his qui virium periculū fecissent, insuperabiles crederentur. Petebat autē pontifex ex consilio Roberti regis qui super ea re consultus fuerat, ut postquam Galeacius conuerso studio amicum fidelemque clientem Romani pontificis se fore profiteretur, etiam gerendo bello socius esse eisdemque hostes habere vellet. Sed his vnum Cæsarem beneficiariosque eius excipiens adduci non potuit, ut quicquam polliceretur, quod familie suae antiquissimo studio indignum censeretur posset. Cæterum eo modo confecta pace Cardonius iterum magnis exercitiis à pontifice Robertoque rege praefectus est, postulantibus eum Florentinis, qui à Castruccio vehementer exagitati, veteribus innixi studiis Guelpharū partium nomen magnis opibus tuebantur. Itaque Cardonius ab ostio Rhodani triremibus Telamonem deuectus, Florentiae militaris Imperij sceptrū ac solenne vexillum accepit, & contra Castruccium ad Phocensium paludes castrametatus est: Phœbus autem & Landrianus ab eo humaniter dimissi ad Galeacium contenderunt, quibus protinus pristinae famae decus restituit, quamquam confecti negotij arcana tum minimè nudanda viderentur. Eos enim non obscurè de se benemeritos liberali gratoque animo tota ea simulari perfidia suspitione liberandos existimabat, qui nihil subeunda infamiae nomen veriti, modò iussis fideli obsequio parerent, periculosi officij munus impleuissent. Nec demum Galeacius vel Castruccio sibi priuato publicoque nomine coniunctissimo, vel ipsis Etruriae Gibellinis defuit, quin maturè transmissis auxilijs opem ferret. Actius enim filius per Apuanos Ligures Lucam descendere iussus cum septingentis cataphractis equitibus, magna ex parte Germanis ad Castruccium in castra peruenit, usque adeo opportunè atque feliciter, ut commissa ad Altopassum nobili pugna, Cardonius iterum caperetur, & Florentinorū vexilla cum legatis & ducibus caeso profligatoque toto exercitu in Castrucci potestatem venirent. Cæterum Galeacius qui tantos coniurantium hostium exercitus, totque vario euentu commisisse praelijs, & parca demum memorabili victoria, inuicto animo cuncta superarat, ad extremum iam vndique victor & felix, propinquorum inuidias effugere non potuit. Leodrisius enim & antè aduersus Matthæum, & nuper perfidiosa malignitate infamis, atque ideo semper inquietus, ex interuallo, ut plerunque, accidit, validior ad insantiam redierat, adauctoque sceleris Marcum Galeacij fratrem facile deprauarat, plenum quidem bellica laude, sed ob id multa superbia, multaque occulti liuoris bile redundantem. Hic ingenij captu supra æquum turbidus & ferox, tanquam periculorum omnium socius, & totius victoriae præclarus adiutor fratrem rerum dominum ferre non poterat, vel natu maximum & prudentiae authoritatem potiorē: & quum regnum duos non caperet, quibus modis id assequeretur violentus & vecors agitabat. Præbuit autem occasionem maturando flagitio Ludouici Bauari Cæsaris aduentus, qui euocante Galeacio ut pontificis Robertique regis & Florentinorum adauctae potentiae obuiam iretur, Veronam peruenerat. Itaque Marcus & Leodrisius officij simulatione Cæsari obuiam euntes, Veronae Galeacium multis oneratum calumnijs Maiestatis rerum fecerunt, conniuente ad id scelus Cane Scaligeto, qui ex aliena discordia turbatis rebus obuentura sibi commoda vir astutus atque ambiciosus expecta-



expectabat: verum Ludouico Cæsare, à præcuntibus, iterque monstrantibus Marco & Leodrisio per Camonicos tramites Comum perducto Galeacius affuit cum ornatissimo comitatu dona ferens, nouo nec admodum opulenter instructo Cæsari gratissima. Ibi de fraternis insidijs certius didicit, Franchinumque Ruscam Comensium Tyrannum ab se Scaligeri Canis exemplo diductum sensit. Accusabatur atrociter, quod intemptiue parandæ pacis cupiditate adductus Gibellinarum partium graui damno cum pontifice transegisset, Cardonio præsertim tanto duce iniqua plenaque perfidiæ simulatione hostibus restituto: Mediolani verò sublata libertate, propinquis amicisque veteribus planè contemptis, impotenter superbeque regnaret. His quoque summæ offensionis criminationes addiderant: quibus diluendis Galeacius quum vehementer æstuar, graui admodum voce dixisse fertur, dum me Marcus frater impiè ferit, sese temere confauciat. Id verò deferentibus amicis audiens Marcus acutè respondit: de hoc quid in fatis futurum sit Galeacius viderit, qui ædepol fratrem non habet, quum solus regnet. Sed eam discepcionem Cæsar distulit, Comoque profectus per Modetiam Mediolanum peruenit, quo Galeacius præcellerat, ut quæ ad solennis pompæ ornatum pertinebant, magnificè atque celeriter appararet. Itaque liberali sumptu & planè regio splendore Cæsar exceptus est, & Calendis demum Iunij in templo diui Ambrosij ferreo diademate coronatus, tradente insignia Guidone Tarlato Aretinorum Antistite: is in Italia Gibellinarum partium principem agebat. Interfuit & Canis Scaliger, qui mille equites galeatos, & delectorum peditum aliquot cohortes ad ornandū Cæsaris comitatum adduxerat, ut studium suum erga eum ostentaret. Hic profunda ambitione incensus, oblata ingenti pecunia petebat à Cæsare ut Mediolani augustali iure princeps diceretur. Etenim magno astu apud proceres Germanorum, Galeacium vel nullo certo indicio maiestatis reum, nec adhuc ad dicendam causam ad tribunal Cæsaris vocatum maligno iudicio prædamnabat. Sed Cæsar graui admodum ancipitis consilij suspensus cura, quid sibi decernendum foret non videbat. Ita Scaligero respondit, ut spem ei non præcideret, & præsentibus eius copijs ad parandum facinus vteretur. Interea dabat operam ut Germanici sanguinis vetus miles perpetuis stipendijs & beneficijs Galeacio obstrictus, vel ab ipsa Matthæi Magni Othonisque memoria fidem mutaret, nouumque sibi reiecto superiore sacramentum diceret: equum enim postulare videbatur, quum pro sua Germanicæ gentis dignitate saluteque peteret, ut firmissimo consensu Aquilam Romani imperij signum respicere, idque tueri, & se proficiscentem Romam sequi vellent: futurum enim breui ut & opima stipendia & digna ipsorum fide præmia consequerentur. Nec mora Germanis graui scelere, nisi id præsentia Cæsaris eleuaret, fidem occultè mutantibus concilium solenne processibus indicitur: vocaturque ad id Galeacius cum fratribus Actioque filio. Tum verò Marcus prodit, venenumque dirum domui sibi que demum lethale euomens petit supplex, ut æqui iuris libertatem ciuitati restituat, oppressam & planè extinctam inuitata tyrannide superbi fratris. Idque si æquissimus Cæsar impetrari à miseris pateretur, Mediolanenſes quantam opporteret in stipendium pecuniam prebituros, nec à fide atque amicitia Cæsarium

villo vnquam tempore disceduros. Aderat fortè persoluendi stipendij dies, & eam pecuniam Galeacius exhausto iam plane ærario, cui per tres menses Cæsar auiditate insatiabili grauis & importunus extiterat, non nisi cunctanter expediebat, quam sine graui discrimine tanta oneratus calumnia imperare non poterat, patritijs iam planè Marci & Leodrisij malignitate deprauatis, populoque per se cupido rerum nouarum ad spem libertatis erecto. Cæterum Galeacium obiecta crimina resellentem, ex composito prætorij præfectus, itemque Luchinum Ioannemque fratres Actiumque filium in proximum cubiculum deducit, quasi Cæsar remoto reo liberius loqui vellet. Sed iam ad eum modum captis Cæsar capitale supplicium comminatur, nisi triduo Modoeianam arcem tradi iubeant. Id autem à forti fidelique custode vix multis cum lachrymis impetratum est, quum in tanto coniugij periculo trepida Beatrix vxor Modoeiam peruolasset. missus est qui deditam arcem reciperet, nouumque præsidium imposeret, Guido Tarlatus: bi duoque post Nonis Iulijs Galeacius cum Actio filio Luchinoque & Ioanne fratribus in ea arce duræ custodiæ traditur, non omnino iniqua sorte, vt fabrefacti paulo antè ab se tetri carceris furnum, ita à depressa testudine vocatum primus experiretur, quem aduersarum partium captiuus ad penam parauisset. Verum eam illis calamitatem vehementer auxit custodiæ præfectus è Norico Antius Rizaccus, ingenio ita immitti erga miseros tantæ modo fortunæ principes, vt nec quotidianis muneribus emollicus, quicquam de inhumana feritate remitteret. Mirum id profectò fuit, quum rerum domini tantis muniti præsidijs dolo caperentur, neminem se commouisse: pauci enim ex his qui aderant, id factum senserunt. Etenim quis perpetuum atque acerrimum Cæsariani nominis defensorem, ab ipso Cæsare summis precibus in Italiam euocato, tantisque officijs atque muneribus exculto in eam calamitatem detrudi potuisse credidisset? cum præsertim nulla in Cæsare, vel alienati animi, vel commutati vultus signa præcessissent: nec in damnato verius quàm reo vllus omnino merus ex conflata calumnia, si ingenium æstuantis animi ruborem demeres, conspiceretur. Sed potiundi auri dira cupiditas, quæ in Ludouico profunda infinitaque apparuit, accusante Marco & immodica pollicente, vehementer excirata, & veteris clientelæ, & recentis officij, & hospitalis amicitiz iura facile dissoluit. Sequenti enim die astuto Cæsaris consilio viri insignes viginti quatuor e singulis tribubus regendæ Reipublicæ creati sunt, imaginem antiquæ libertatis: sed imperata subinde est pecunia honorarij subsidij nomine, & ea quidem multo amplior quàm à Galeacio poposcisset. Nec multo post qui summæ rerum publicoque consilio & tutelæ vrbis præfesset, cum delecta manu Germanorum delectus est Guliermus Monfortius. His rebus Mediolani cõstitutis, Cæsar Vrceos Brixiani agri oppidum contendit, vbi consilium indixerat euocatis vndique sociarum vrbium tyrannis. Ibi ad leniendam inuidiam atrocis facti literas protulit, concepti cum pontifice foderis indices, captis, vt dicebat, Galeacij tabelarijs, interceptas, quas tamen plerique commenticias & falsas existimarunt, vt Villanus Florentinorum annalium eius ætatis scriptor, vel ex professo Vicecomitem nomini insensus, scriptum reliquit. Iam Gibellinæ factionis principes inexpectata Galeacij calamitate tanquam comuni malo atque

periculo

periculo consternati, Cæsarem non obscure oderant, ingenio suspicaci, ac sæuo, maximeque rapaci partium nervos atrocissimè conuellentem: verum paucos post dies impetratis à Scaligero & Atestino Passarinoque Mantuano equitum auxilijs Romam iter intendens in Erruriam descendit. Pisani ei portas clausere, nec Cæsaris expilantis socias vrbes, dicto audientes futuri vi debantur, nisi Castruccijs à quo Cæsar amicissimè receptus, pecuniaque adiutus fuerat, nouo adiuncto exercitu, Pisanijs extremas suburbani agri clades denunciasset. Cæterum Cæsar Pisanijs pecunia multatis, ascitoque sibi Castruccio, via Aurelia quæ maritima dicitur, Romam contendit. Nec mora insigni studio Sarra Columnæ, Iacobique Sabelli in Vaticano coronatur, tradente diadema Petro Coruario, quem cornobio educum pontificiaque thiara exornatum, Nicolai Quarti nomine pontificem appellarant, vt in Vrbe Ioannis legitimi pontificis autoritas aboleretur. Ludouicum enim Bauarum Ioannes, Roberto regi fœdere coniunctus, tanquam Gibellinarum partium præcipuus hostis, Pleudocæsarem appellabat, quem & anathemate perculerat. Romanus quoque populus præsentem pontificem colere quam venerari absentem malebat, vel ob id inuisum, quod multis legationibus euocatus, Auenionem sacrosanctæ Vrbi prætulisset. Dum hæc fierent, Castruccio quem antea Lucensium & Pistoriensium Lunensiumque ducem Cæsar appellarat, accumulatis honoribus Senator Vrbis, Comes Lateranus, & Cæsareæ Aquilæ vexillifer effectus est. In eo tum vno Cæsaris spes opesque sitæ erant: quoniam nemo eo vel acumine ingenij, vel consilij grauitate validior fuit: quum etiam cæteris eius ætatis duceb. in omni gerendi belli negotio fortuna felicior haberetur. Is maximis officiorum vinculis familiaris Vicecomitem obligatus nullam prætermittebat occasionem, quin Galeacium Cæsari commendaret, oraretque supplex, ne diutius Guelphos Romani imperij capitales hostes, præstantissimi viri calamitate lætari pateretur. Verum Cæsar ne infontibus iniuriam temerè fecisse videri posset æquo durius respondebat, quanquam Sarra & Sabelli maximæ autoritatis & gratiæ procerum continuæ preces adderentur: & Marcus admissi sceleris poenitentia adductus castigante atque exornante Castruccio à vetere diri odij infania discessisset, peteretque excusis ingenuo pudore lachrymis, vt excutis imperio fratribus saltem cum libertate vita redderetur, quæ in eo carcere breuissima censerì posset, nisi Cæsar clementiæ nomine satis poenarum eos pro vetere superbia, ex beatissimis factos mortalium omnium miserrimos, dedisse existimaret. Dum Romæ tantis deprecatoribus ad misericordiam Cæsar inducitur, Castruccio nunciatum est Florentinos Pistorium urbem paucorum ciuium proditione in potestatem redegis. Quare vehementer perturbatus, nec obscure Cæsari succensus, quod aliquanto grauior hostis Gibellino quam Guelpho nomini præposteris consilij euasisset, abducto suo milite ad recuperandam amissam urbem magnis itineribus Lucam contendit. Eius viri discessu permotus Cæsar, quod pecuniæ inopiz preme retur, nec Romani in ea expedienda prompti essent, & propinque Vrbi ciuitates intestino bello laborarent, Robertique regis exercitus ab Aquila & Latio Romanis finibus immineret, animi sententiam mutauit, perscriptisque literis Antio Rifaço, Medoetiang arcis custodi, Guliermoque Monforti

Mediolanensi Reipublicæ præposito, Vicecomites custodia educi, pristinaeque libertati restitui iussit. Itaque Galeacius cum fratribus filioque quum à Nonis Iulij ad sextum Calendas Apriles in prædura custodia fuisset, incredibili veterum amicorum læticia, Modocetianorumque insigni gratulatione liberatus est, ea conditione, ut discedenti ab Urbe Cæsari, honoris causa Pisum occurrerent. Sed Galeacius curato corpore instructaque ad professionem vetere familia, atque ascitis ex numero veteranorum lectissimis centurionibus equitumque præfectis nihil antiquius habuit, quam ut ad Castrucium, tanquam salutis, partæque libertatis præcipuum authorem, ad agendas gratias, communicandaque consilia in Etruriam contenderet. Is cum Pistorium circumvallatum præaltis aggeribus graui obsidione premebat: ea belli ratione, ut imitatus Cæsarem dictatorem ad Alexiam, recenti intra munitiones exercitu, utrinque vallo fossaque munitus, eruptiones facile sustineret, nec exteriores hostium copiarum quanquam essent amplissimæ, adoriri munitiones auderent: ubi ingentes balistas quæ tum erant pro gneis tormentis, atque item maiores scorpiones in æditi aggerum propugnaculis peritissimè collocarat. Is venientem Galeacium arctissimè complexus, quod cum vnicè adamaret, atque in eo ex tot rebus bellicis fortiter atque feliciter gestis animi magnitudinem admiraretur, omnibus copiis absolucendisque operibus præfecit, donec ipse ad explicandas erarij difficultates Lucam profecturus, confecto ibi negotio, in castra reuerteretur. Eo itaque non multos post dies reuerso, niunitiones mirificè adauctas laudante, ita inter se compararunt, ut Galeacius interiores munitiones aduersus erumpentes circumpositis nocturnis diurnisque stationibus tueretur, ipse exteriores obuertendo ubi terga cum multo maxima copiarum parte defenderet. Nam Florentini duce Philippo Sanguineo Gallo, qui Pistorium ex insidijs ceperat, ac Beltramone Baucio (is erat pontificiorum equitum magister) supra numerosum peditatum, septem millia galeatorum equitum in conspectum obfessæ urbis adduxerant, assiduo tubarum clangore Castrucium ad pugnam prouocantes, quod subire aggeres aut perumpere conari, à peritissimis eius ætatis ducebus defensos, cum ausu stultum, tum euentu luctuosum fore existimabant. Nec multo post Florentini inde copias in Pisânium & Lucensem agrum vertentes discesserunt, ut Castrucius viciorum suorum incendijs permotus, Lucensibus opem ferre cogeretur. Sed degeneris consilij conatum irridente Castruccio, atque identidem ignauiam exprobrante, Pistorienses ita animis coniderunt, ut desperatis omnibus auxilijs se dederent, ea conditione, ut nisi sociorum exercitus intra quintum diem, aut iustam commeatus copiam inferret, aut prælij fortunam experiretur, ipsi continuo vita incolumes saluo etiam præsidio portas aperirent. Dum hæc agerentur vehemens atque lethalis morbus Galeacium inuasit, exustum scilicet Augusti mensis solibus, perpetuisque laboribus diurnæ obsidionis fatigatum: nihil autem de leuio impetu febri remittente, ut commodius opportuna remedia pararentur, ad Pisciam oppidum lectica delatus est. Ibi cum triduo post absumpsit morbus, quum impleset alterum & quinquagesimum ætatis annum. Videri herede potuit infelix ex tanta utique fortuna collapsus, nisi viro ad victorias nato, vel exuli, in ipsa victoria mori contigisset. Funeratus est Lucæ miro studio

Aio in eum supremos honores conferente Castruccio. Tumulum autem hoc epigrammate Poeta eo rudi seculo, non infusus honestavit.

*Hic iacet in parua maiori dignus at urna.*

*Sanguinis Anguigeri Galeaz ei gloria belli*

*Magnanimus, contemptor opum, formaeque decorus.*

*Extulit hunc virtus, mala fors mox fortiter vrsit:*

*Quam rursus vincens, simul et virtute refringens*

*Victor decedit, felix et in astra recedit.*

Nec ipse quidem Castruccio diu victoriae suae gloriaeque superuit: in-  
gruente enim pestilenti autumnno ex hisdem Pistoriensis belli laboribus, ac-  
cerita febre intra vigesimum diem Galeacij fatum est consecutus: vir haud  
dubie antiquis ducibus bellica virtute comparandus, nisi Tyranni nomen  
ex atrocibus factis iniuidiae expositum, vel praecellentis virtutis famam faci-  
le pregrauaret. Excessit e vita tribus annis Galeacio minor, ita ut ad consum-  
mati Imperatoris existimationem, nisi praematura fata vitae cursum praecidis-  
sent, peruenturus esse crederetur. quanquam Macchiaellus Florentinus im-  
probe corrupta historiarum fide in eum praefocem patriae suae hostem im-  
pudentissime iocatus, dum eius vitam commentitiae lasciviaeque contra veri-

tatem ad risum, nauseamque perscriberet, id vnum maligne con-

tenderit, ut Nicolai Tegrini Lucensis sincerissime cun-

cta de Castruccio latine enarrantis, spectata

authoritas interposito mendacio a-

pud posteros eleuaretur.

fretus irruerat, vitatis quidem diuerso itinere Actianis copijs, quæ aduersus aduentantem exierant: tanta porro irrumpentis Vergulij celeritas fuit, vt Actius breue ad fugam spatium nactus, egrè hostium manus euaserit, adiuuante præsertim matre, quæ tam subito quàm salutari consilio, effusus in limine domus aureæ monete sacculis intrantes, dum tam auide colligerent aliquandiu morata fuerat. Erat Vergulius vir bello acer, sed ab ingenio maxime turbido semper inquietus, qui tametsi Gibellinæ factionis erat princeps, commurata voluntate ad legatum perfugerat, quod Galeacius vxoris eius pudicitiam procacius pertentasset. Verùm Actius collectis copijs suis & Ferrariensium Mantuanorumq; opibus adauctus, Sancti Domnini oppidum in potestatem redegit, accurateque bellicis operibus id muniens, aduersus hostes egregie defenso oppido bellum gessit, vsque ad id tempus, quod Galeacius post deuictum captumque Cardonium & deletas eius copias, Mo doetiamque receptam Castruccio opem imploranti auxilia in Ethruriam transmisit. Florentini enim nouas equitum alas ex vltiore Gallia mercede conduxerant, coniunctisque Roberti regis & pontificijs copijs, Cardonium qui nuper dimissus à Galeacio ad pontificem peruenerat, ingentis exercitus Imperatorem effecerant, ita vt Castruccius sibi timere, & opem à socijs Galeacioque in primis & Passarino Manuano Caneque Scaligero implorare cogereetur. Quam ob rem coactis iam auxilijs Actium parantem sibi iter ad Apenninum vt in Ethruriam transcenderet, in Sancti Domnini oppido aliaque alie Florentinorum & legati copię acriter obsederant, vt deiectis spe auxiliorum Castruccius, priusquàm ei succurri posset, à Cardonio circa Focensium paludes opprimeretur. Sed magno cum dedecore obsidentium, illatus est in oppidum commearus, & recentes demum cohortes, & sociorum equites intrarunt. Actiusque eductis signis detrectante certamen hoste, cum octingentis galeatis equitibus per Apuanos Ligures ad Castruccium contendit vsque adeo opportunè, vt quum collatis castris prælium differri vltra non posset, Castruccius eius aduentu magnopere lætaretur, & Cardonius triste omen acciperet, quum fatales sibi Viperas in vexillis fulgentes aspexisset. Tum quoque lætum de ea victoria augurium Actio obuenit, sicuti à Francisco Petrarca his verbis scriptum legimus: Actius Vicecomes, qui postea Mediolani dominium obtinuit, iuuenis nempe victoriosus, antequam à podagris vinceretur iussu patris profectus cum exercitu Apenninum transiit, & victis hostibus apud Altopassum, duce quidem Castruccio, sed egregia opera eius adiuro, ad vincendum Bononienses pari impetu fortunaque se conuertit. In ea expeditione dum fortè equo descendens requisceit, ingens vipera nullo comite aduertente in galeam iuxta positam irrepsit, quam quum mox capiti reponeret, sinuoso quidem & horribili, sed prorsus innocuo lapsu per decoras interriti ducis genas illa descendit. Eam à nemine lædi passus animosus adolescens ad omen geminæ victoriæ traxit, hinc præcipue quod ipse pro signo bellico vipera videretur. Nec multo post commissæ est ea nobilis pugna ad Altopassum, in qua victor Castruccius præ clara virtute Actij adiutus, vniuersas hostium copias deleuit, captis ferme omnibus, ducibus, ipsoque Cardonio Imperatore cum filio in potestate redacto, &

direptis castris: Quibus captiuis & spolijs aliquanto post splendidissimum Romano more triumphum adornauit: qua in pompa ducti ante currum Cardonius Vrſimbacaque Germanus, & Guliermus Narſeius Gallus, & plerique illustres Gotholani & Narbonenses equitum præfecti cum legatis Florentinis, gratissimum Lucensi populo spectaculum præbuerunt. Sed Castrucius statim ab Altopaſſo victoria vtendum ratus, vicitrices copias Florentiæ moenibus admouit, suburbanas delitias in oculis hostium euastans, & pleraque ædificia incendens. In ea expeditione Actius Florentinis emuro spectantibus, ludos equestres in Arni insula edidit, proposito ad præmium velo serico purpurei coloris, vt reddito contumeliæ talione Florentinis illuderet, qui similes decursiones Mediolano obſeſſo ante Comenſem portam sætenter ediderant. Inde verò Actius spoliolum parte magnifice donatus, Ethruriæ finibus excedens in Mutinensi agro Pallarini Mantuani, Atetiniq; Ferrariensis copijs se coniunxit, aduersus Bononiensium exercitum legati auspicijs Mutinæ Regioque imminentem. Nec multò post circa Scultemnam proſtigatis hostium copijs, alteram Ethruscæ penè parem victoriam est consecutus: atque inde ad patrem geminata cum laude Mediolanum contendit. Insecutus est annus, diro Ludouici Bauari Cæsaris aduentu, Vicecomitum familiæ, & toti penè Italiæ infaustus, quo Actius eandem quam pater patruique indignè subierunt, carceris fortunam tulit. Cæterum expiata inuidia, cum patre patruisque libertati restitutus, quanquam immaturo Galeacij patris Interitu, atque importuna Castrucci morte angeretur, accisæque spes propè omnes noua atque inopinata calamitate conspiceret, nihil tamen (vt Magni Matthæi nepotem decebat) sese animo demisit, quin ad fortunam pertinaci virtute subleuandam cuncta experiretur. Summa consilij hæc fuit, vt datæ fidei non deesset, ab vnoquoque Cæsare à quo vulnus acceptum præsentis remedij opem suppliciter peteret, postquam Marcus patruus infanti suo consilio deceptus, perosusque non obscure Cæsarem, non dubie imperij decus, Gibellini que nominis opes vel parua ab hostibus accepta penunia passim euertentem, ad sanitatem redeſſet: eo enim deprecante Cæsar post subirati Castrucci ab Roma discessum, fratres carcere eduxerat, territus vtique aduersarum partium secundis successibus, & non obscuro conscientie pudore vehementer timens, ne socij dientesque deficerent. Itaque Actius cum Ioanne patruo ad Cæsarem Pisas profectus, post multa colloquia, egregie nauante operam Marco, Cæsaris animum inflexit, promissaque pecunia ad summam quindecim myriadum, vt paterni imperij princeps appellaretur, impetrauit. Erat tum Cæsar multis aduersis rebus, & super hæc extrema pecuniæ inopia circumuectus. Roberti tum regis copiarum Bertholdo Vrſino duce Cæsarianos præfectos vrbe Roma expulerant: Ioannis pontificis auctoritas studio Iacobi Columnæ apud populum vigeat: Gibellinorum studia magna ex parte refrixerant, quod Syluestrium Chattum Viterbii partium principem indignè torſisset, vt eius pecunijs, quæ ingentes esse dicebantur, summa cum iniuriâ potiretur. Sed Cæsarem grauis metus inceſſerat, quod Germani Saxones, & Chatti validissima pars exercitus, consternati animis, & stipendia debita flagitantes à Vindelictis & Sueuis seceſſerant, cum quibus antea apud Velitras cruenta seditio-



ne contenderant: & tum fortè renouato odio spretoque Cæsaris imperio Pisanorum & Lucensium agros impunè prædabantur, castrisque demum in Ceruleo monte positis, qui supra Viuium, iam pridem a Castruccio per munitus ad agendam prædam magnas habet opportunitates: eo terroris & fœdæ calamitatis circumiectam regionem adduxerant, ut incolæ incendiorum metu conmeatum, vestem, & castrensia instrumenta conferre cogere-  
 tur. Nam paulo antè in Lucensi Camaioris oppidi incolæ, quod irumpen-  
 tibus aliquandiu restitissent, direpto incendioque oppido crudelissimè truci-  
 darant. Timebat quoque Cæsar, ne ea manus quæ octingentis armatis equi-  
 tibus constabat, vepore quæ nullo pudore descisset, tanquam planè venalis  
 ad Florentinos opima stipendia pollicentes dederet: quibus de causis facillè  
 cum Cæsare transactum est, ut Marcus ad Saxones mitteretur. Is Astianæ  
 pecuniæ dimidiam partem ex præteritis stipendijs a Cæsare debitam pro-  
 mitteret, interim apud eos datæ fidei-obſes foret: altera pars Cæsaris procu-  
 ratoribus Mediolani certis pensionibus numeraretur. Non abnuitt condicio-  
 nem Marcus, ut priori malefici inuidiam nouo officij genere deliniret: au-  
 dedque à Saxonibus tantæ pecuniæ vades receptus est. Addidit quoque Cæ-  
 sar per scriptis obſignatisque codicillis nouum munus, ut magis ac magis Vi-  
 cecomites sibi obstringerentur, quum veteres iniurias accumulatis beneficijs  
 expiandas existimaret. Ioannes enim Actij paruus à pseudopontifice Nico-  
 lao, suffragante Cæsare in senatu Cardinalis creatus est: sed vir ille summæ  
 grauitatis atque prudentiæ gratias agens beneficium quidem agnouit, ne  
 spernere videretur, verum vsu purpuræ galericque honore semper abstinuit,  
 non obscurè in gratiam Ioannis legitimi pontificis, insigni quidem ipsius  
 cum laude commodoque: nam ei episcopatum Nouariensem postea contu-  
 lit: quo permutato demum cum Aycardo Camedoio, Mediolanensis Ar-  
 chiepiscopus effectus est. Actius & Ioannes Pisis profecti diplomata Cæ-  
 saris Modoetiam detulerunt, quod eos Gulienius Monfortius liuoris ple-  
 nus magnis obuiani cunctium ciuium gratulationibus passim exceptos Me-  
 diolano recipere noluisse, sed eius cunctationem præbita pecunia celeriter  
 resoluit: atque ita Monfortius dolore amissæ præfecturæ percitus, in Germa-  
 niam reuersus est. Exinde Actius à veteribus amicis clientibusque & ex pu-  
 blico ciuitatis gratio pecuniam mutuo sumpsit, quæ presenti Cæsaris procu-  
 ratori solueretur. Is erat Conradus cognomento Porcarius rapaci ingenio  
 rogatus miles, atque ob id facile fidei pudoriq; pecuniæ lucrum antepo-  
 nens. Accepta enim quarta fere promissæ totius pecuniæ parte in Germa-  
 niam per fugere, quàm ad Cæsarem reuerti maluit. Eius potiundæ pecuniæ  
 spe deiectus Cæsar, exacerbatique propterea Saxonibus, efferato animo ut  
 vndique corradere pecuniam, graue auri pondus Pisanis imperat: Raimun-  
 dum Cardonum auro se redimentem, prætorque nobiles aliquot Florenti-  
 nos custodia educit: Castrucci uxori pretiosa mundi mulieris ornamenta  
 aufert: Castrucci filios Pisanum dominatu spoliatos Luca extrudit: & Fran-  
 cisco Intelminello accepta ab eo grandi pecunia, vrbis principum adiudi-  
 cat, Pisisque discedens Mediolanum contendit. At Mediolanenses inuicem  
 auitæ Tyrannum se recepturos negant: eo modo exclusus ad Modoetiã iter ver-  
 tit. Id oppidum Actij præsidio tenebatur: quamobrem oppidani fortunis suis

Mediolanensium exemplo non temere imitantes, venienti portas occludunt, nec per arcem aditus in oppidum datur, quod Lambrus amnis intumuerat, & si qui vadum tentarent, profluente mergebantur. Eo modo Cæsar ludibrio habitus, quum infamis avaritiæ pœnas daret, Papiam deflexit, ubi ab Actio collata pecunia facile delinitus est. Nec multo post quum per locos vrbes prædabundo similis vagaretur, nec consilijs suis dignum Cæsaris nomine exitum reperiret, Gibellinis pariter & Guelphis odiosus, in Germaniam rediit. Interea Saxones in monte Ceruleo Marcum audaci ingenio fortia quæstuosaque consilia atque ob id grata militibus explicantem, admiratione virtutis ex obside captiuoque ducem sibi creauerunt. Is ante omnia Henricum & Valeranium Castrucci filios graui ingrati Cæsaris iniuria Luca pulsos, & in proximo exulantes Germanis conciliat, & per eos occupandæ Lucæ consilium init. ab his augustæ arcis custodes, quod erant Germani, veteres Castrucci milites facile oblati præmijs corrumpuntur, vt improuisus in urbem pateret introitus. Nec mora, Marcus ad constitutam diem à Ceruleo monte cum Saxonibus Lucam noctu peruolat: vrbs capitur: Franciscus Intelminellus à Cæsare, ad Principatum euectus, profligato eius præsidio, aduersa porta profugit: contrariæ factionis ciuium domus, in prædam vertuntur, sedatoque mox tumultu per nouas acclamations, Castrucci filijs, paterna sedes restituitur. Tanta reſelicitèr parata ditatisque militibus, Marcus fortuna vtendū ratus, cū Fatio Donoratici Regulo, qui Pisana nobilitatis erat princeps, consilium suscepit restituendæ Pisanis libertatis, & vt inde Cæsariani præsidēs pellerentur. Nec voto defuit euentus: Marcus enim cum valida manu equitum, Luca profectus, Pisis à Fatio recipitur: ingens prælium excitatur, continuoque Ponte vetere, Cæsariani in vltiorem vrbs partem protruduntur: libertatis nomen, armati populi vocibus attollitur. Ipse Tarlatius Aretinus à Cæsare, Pisis præfectus, ubi se à Saxonibus circumuentum, suosque profligatos videt, pontes occupatos expugnare conatus, cum ea præsidij manu quæ supererat, desperatis rebus, vrbe excessit. Tum vero Pisani à Ioanne pontifice, interdicti sacris, expiari promeruerunt, quod à Cæsare ab eo damnato defecissent: traditusque est ab eis consensu publico Nicolaus pseudopontifex, quem discedens Cæsar Fatio commendarat. Is deum pontificijs triremibus, Auenionem deuectus, infelix, & alieno potius quam suo crimine miser, in tetra custodia periit. At Marcus à Pisanis Fatioque vti præclarus author libertatis, magnis muneribus liberaliter donatus, ubi se honesto euentu è manibus Saxonum explicatum videt, maiora sibi aggranda ratus, accepta fide, Florentiam contendit. Offerebat Octouiris qui Reipublicæ præerant Saxonum nomine, Lucam urbem, si octuaginta millia aureorum persoluerent, ea conditione, vt sub fide publica Castrucci liberis, honestus in patria locus relinqueretur. Interim vt bona fide pecunia repræsentari posset, Saxones in Augustam arcem, Florentini militis præsidium acciperent, & ex numero præfectorum insignium obsides darent. Erat eius comparandæ tantæ vrbs facultas, Florentino populo longè gratissima, sed quo minus decretum fieret, factioni ciues Simone Tosa principe vehementer impediebāt, obrectatione eorum laudis inducti qui eam occasione non prætermittendam suadere conabantur, quum supra ærarij difficultates

Marco

Marco tanquam veteri inensoque hosti, atque ipsis præsertim fluxa fide Germanis, tanto amittendæ pecuniæ periculo, minime fidendum disserent: nec tyranni liberis, qui atrocissimi nuper hostes exitissent, parcendum arbitrantur. Sed non deerant ciues, vti publicæ dignitatis augendæ studiosi, amantesque patriæ, qui eam pecuniam ex priuatis opibus in eius vrbis coemptionem liberaliter offerrent, modò ipsis Lucensium vectigalia non iniqua licitatione in triennium addicerentur. Interim à Marco accitiprimores Saxonum Florentiam venerunt, & in his Bambergus Regulus, & Arnaldus castrorum magister, vt coram Octouiris de obsidibus & pecuniæ summa transigeretur. Verùm inuidia & conceptus inter altercantes patritios importunus liuor, populi votum decora proculdubio, atque vitia cupientis, interrupit. Nec multo post Saxones irrisa tum & mox punita Florentinorum cunctatione, vrbem Lucam ipsamque Augustam arcem integrumque in ciuitate dominatum Gerardino Spinulæ Liguri vendiderunt, tanto cum dolore indignantis populi Florentini, vt in Simonem Tosam penè coniectis lapidibus omnes ordines inueherentur. At Marcus iam non obscurè Actio subiratus, quòd ad se redimendum pecuniam nequaquam liberaliter ac diligenter expendisset, ad fatalem veteris odij atque insitæ ambitionis insaniam redierat, vsque adeo, vt se pontificis Robertique regis & Florentinæ reipublicæ clientem futurum iuraret, si ad pelledum Actium auxilijs atque pecunia iuuaretur. Sperabat enim, Saxones qui iam planè à Ludouico Casare defecissent, nomen eius omnibus bellis illustre ad opima stipendia nouamque prædani continuo secuturos. Hoc concepto scelere, sedereque percusso, cum per triginta dies Florentiæ viros nobiles & militiæ claros quotidians epulis liberaliter excepsisset, & vti erat excelso corpore præaltoque animo & facundia insigni, dignus paterno imperio videretur, pro lautis mille aureis liliatis publicè donatus Bononiam contendit: proficiscenti autem additus est comes, prætoris filius, qui ciuis erat Bononiensis: hunc iuuenem Octouiri, ingenio apprime validum delegerant, vt ab eo Marcus ad legatum deduceretur, eoque arbitro cuncta ordine quæ Florentiæ promissa constitutaque fuerant, iterata sacramenti fide confirmaret, itaque magna spe inflatus à legato Bononia discedens Marcus Mediolanum peruenit, exceptusque est ab Actio & fratribus multo cum honore & lætis vtiq; vultibus. Sed dum in rem suam nouandis rebus clientelas exploraret, tentaretque veteres amicos, & turbido atrociq; animo consilia aspera ad inuadendum dominatum agiteret, ab Actio & Luchino Ioanneque nefariæ temeritatis cogitationes faciliè deprehenduntur. iam enim vesano vultu oreque identidem querebatur, quòd se tam diu contra fidem datam apud barbaros fauosque homines reliquissent: & forè tum seipso amarior atque turbidior erat effectus, quo aduaniatam nobilem sceminam & matrimonio Othorini Vicecomitis impudenter abreptam, subita concitatus iracundia apud Rosatum in profunda arcis fossa demerserat, quòd illa lenitate muliebri mentita partum, sibi alieni ventris puerum supposuisset. Sed eam ab eo flagitio ita oderat, vt necatam impotenti amore percitus fera deinde præcipitis vindictæ pœnitentiâ deploraret, indeque nouus perturbatae mentis furor adderetur. Eo modo Actius paruique

ex multis indicijs quid Marcus agitare, molireturque non obscure diuinantes, cum in vnum summo consensu conspirarent, vitandam omnino diræ beetle rabiem, vindicandumque prioris perfidiæ immane facinus statuerunt. Nec mora Marcus in arenæ curia post epulas in cubiculum colloquendi simulatione deductus, a delectis aliquot prætorianis comprehenditur, elisique linteo faucibus strangulatur nullo ex eius nece tumultu exorto, quum proiectum cadaver è fenestra in publicum nemo lugeret, & tanquam sponte præceps datus, sumptuosis honestatus exequijs ad Eustorgium sepulchro maiorum inferretur. Florentini verò prætoris filius vel totius consilij conscius & funesti exitus spectator ab Actio benignè dimissus est. Nec multo post Ioannes Bohemix rex, qui Henrici Cæsaris filius, & Caroli IIII imperatoris pater fuit, cum valido exercitu in Italiam descendit, neque Ludouico Bauaro Cæsari planè hostis, neque Guelpharum partium amicus. Bergomates primi cum receperunt: nec Actius dubitauit, quin amicitia quæ maioribus suis cum Henrico patre præclara fuerat, renouandæ causâ ad Bohemum trans Abduam contenderet, munera deferens vtroque dignissima. Auxit exultationem Bohemo id Actij officium, & Actius ex eo colloquio confirmatæ potentia apud socios pariter atque hostes opinione retulit, eo euentu, vt à Vercellenribus ad ciuitatis imperium vocaretur. Nec multo post Bergomates à Bohemo præsidij iniurijs exagitati, ad Actium defecerunt. Ioannes enim ingenti cursu Brixia, Cremona, Papiâ, Parma, Regio, atque Mutina potius superato Apennino Lucam occupat, Gerardino vrbe eiecto, & Florentinis copijs quæ Beltramone Baucio duce Lucam obsederant longe summotis. Is rerum successus Gibellinos non secus ac Guelphos magnoperè conterruit, eoque vehementius, quod Bohemus cum legato Pontificio in colloquium deuenerat: fama quæ ferebatur Philippum Gallia regem cum Pontifice occulto inito fœdere conspirasse, vt Bohemo duce cuncta subigerent, atque inter se Italiae vrbes partiretur. Erat enim Bohemus Gallica pecunia instructus. Quibus de causis Florentini tanquam à Roberto rege plane deserti, metu noui hostis cum veteribus inimicis coniungi commodo fœdus inire coacti sunt. Itaque Actius, Mastinus Scaliger, Passarinus Manuanus, Obitius Ferrariensis cum Florentino populo fœdera perculserunt, ea pactione, vt coniunctis viribus bellum gereretur, subactæque vrbes Actio Cremona, Parma Scaligero, Regium Mantua, Obitio Mutina redderentur, Luca Florentinis cederet. Nec multo inde quum Bohemi regis exercitus Ferrariam oppugnaret, ingenti prælio edito fusus profligatusque est, Pinnalla Aliprando Actij duce felicissimè operam nauante. Nec fortuna victoriæ cursum diu morata sociorum votis defuit, pulsoque Ponzone Ioannis præfecto, Actius Cremona potius est, Papiamque mox in ditionem recepit, quum in Vrbeculam compulsos hostes, desperatis auxilijs deditionem facere coegisset. Placentiam demum à Francisco Scoto pecunia coemptam recuperauit. Postremo Franchinum Ruscum Comensium Tyrannum multis illatis detrimentis eo adegit, vt accepto Bellizone oppido ad solatium amissi dominatus vltro vrbem dederet. Cæterum paulo ante id tempus quum pedibus æger decumberet, maximum rerum suarum discrimen subiit Leodisij perfidia circumuentus. Is antea Matthæi Magni gloriæ inuidens, quanquam

esset

esset patruelis, primas partes Legationis ad pontificis legatum susceperat, vt sub inani libertatis nomine Matthæus eiusque liberi Mediolano pellerentur, cum Marco demum aduersus Galeacium atrocissimè coniurarat. Nec animus iniquis ambitioneque mutabilis vllis omnino donis atque honoribus collatis euinci mitigarique poterat, vt Actium rerum dominum imperio potiri pateretur. Itaque correptus vetere insania inopinato transfugium abducta Germanorum ala, ad Franchinum Ruscam & mox ad Mastinum Scaligerum Veronam contendit, conductisque Rhætorum Heluetiorumq; cohortibus, & Germanis equitibus, magnaue manu exulum passim collecta ad Abduam profectus est, nec transitu prohiberi poterat, quanquam diuersa vada amnis Aliprandus Pinalla tueretur. Ea improuisa externæ gentis irruptione agricolarum fœda & planè miserabilis fuga facta est per totum ferè Insuorum agrum, quòd tum præaltæ niues herbidi soli campos integerent, nec pecoribus armentisque in loca tutiora refugientibus deserto pabulo, pascendi facultas daretur. Porro Actius quanquam pedibus æger nihil de celeritate diligentiaque remittit, quin ex omnibus locis milites cogat, munitoraque oppida subituario præsidio confirmet, donec auxilia conueniant. Aliquot enim diebus antequam hostes Abduam transirent, quid Leodrisius Veronæ moliretur, per exploratores cognouerat: ita vt auxilia opportuna implorata transfugaque à propinquis sociisque principibus singulis horis expectarentur. Igitur coactis in vnum e Liguria, Ferraria atque Placentia magnis auxilijs, Luchinus patruus dux vetus & multis prælijs felix Mediolano totius nobilitatis equitatum & delectam ex promptissimis ciuium legionem educit, ad hostesque progreditur. Confederat Leodrisius ad Neruianum vicum duodecimo ab vrbe lapide: nec mora conspectum hostis inuendæ pugnæ signum dat, ordinesque componit. Verum irruente Luchino prima Leodrisij acies sternitur, sed ex aduerso Rhæti Germanique more suo conglobati, secundum impetum excipiunt, Luchinique equitatum primis caesis intemperanter prouectum vehementer urgent: multi vtrinque cadunt, cruentum & atrox vndique prælium editur. Cæterum Actianis agrè sustinentibus & iam planè profligatis, Luchinus dum reparare perculsam aciem ingenti animo contendit, interfecto equo Heluetiorum securibus sternitur atque capitur. Tum vero Barbari clamorem attollunt, & legionem Insuorum armis animisque imparem adoriuntur, tantæque vi Placentinas cohortes propellunt, vt Donatio Malucino viro fortissimo, Lancilottoque Anguisola ducibus interfectis vniuersa acies ad fugam respiceret, Leodrisioque parva victoria videretur, nisi Diuus Ambrosius Mediolanensium tutelare numen, in nube equestri effigie a multis conspectus opè planè perditis rebus attulisset. Superuenit enim Hæctor Panicus cū ala cacaphactorum Allobrogum à Ludouico Sabaudio Actij focero transfuga. Hæc Rhætos intempestiuè exultantes, & cædi prædæq; solutis ordinibus incumbentes ita prostruunt, atque cæcidit, vt instaurata pugna & fortissimo quoq; ex nouo euentu defumante vires atq; animos Leodrisiani terga darent, Luchinusq; ad arborem deligatus Heluetijs custodib; eriperetur, & Leodrisius effugiens in manus hostiū incideret. Eo die interfecta sunt supra quatuor millia hominū, sed minus lætā Luchino victoriam fecit Ioannes Fliscus Fuscæ vxoris frater, Ligurum præfectus in prima acie occisus. Externus

## EPITAPHIUM ACTII

qui eo rudi seculo Azo dicebatur.

*Hoc in Sarcophago tegitur vir nobilis Azo,  
Anquiger, imperio placidus, non levis & asper.  
Vrbem qui muris cinxit, regnumque recepit,  
Punivit fraudes, ingentes struxit & ades,  
Dignus longa vita, in fatiis si foret ita,  
Vt virtus multos posset durare per annos.*

L V C H I N V S  
SIVE LIBER V.





**A**CTIO immatura morte sublato, quod sine virile prole deceſſiſſet, duo patruſ Luchinus atque Ioannes Inſubrum omnium conſenſu ſucceſſerunt. Sed Ioannes equitate liberali moruſ, vti ſacratum Antiſtitem decebat, diuini iuriſ poteſtate contentuſ fuit, quo fratri, bellica laude illuſtri, & in adminiſtranda Repu- blica ingenio graui conſtantique prædito, integra exercendi imperij cura re- linqueretur. Iſ initio ſtatim ſuſcepti principatuſ, quod confirmandæ poten- tentiæ, parandæque ſummæ gratiæ apud ciueſ, pluſimum conferebat, à Be- nedicto duodecimo per legatuſ impetrauit, vt interdicta ſacriſ ciuitaſ, tum verè ſupplex, clementia & benignitate æquiſſimi ſacrorum principis, expia- retur. Recepit quoque pari pontificiſ indulgentiâ, veteres theſauroſ, qui è templo Modocetiæ, turbulentis ſuperiorum bellorum temporibuſ, Auenio- nem aſportati fuèrant. Cæterum quum ad arma vocaretur, per legatuſ ferè ſemper bella geſſit, tamenſi antea longè acerrimuſ bellator fuiſſet, vtpote qui in omnibuſ ferè iuſtiſ præliſ honeſta vulnera ſuſceperit: in illa enim nobili- li cruentaque ad montem Catinum pugna, qua Vguccio Fagiolanuſ victor, vires Guelpharum partiuſ vehementer contudit, paterna auxilia ductanti inueſtoque in medioſ hoſteſ, ſiniſtrum cruſ, valida cuſpide, traiectum eſt. Ad Alexandriam verò, quum in Tanari ponte, cum Vgone Baucio Rober- ti regiſ, equitum magiſtro, conſiſſeret, ita Baucium inuaſit atque proſtra- uit, vt multo ſuo atque interfecti hoſtium duciſ cruore ſedatuſ, opimo ſpo- lio & præclara victoria potiretur. Ad Tricellam quoque, oppoſituſ ingentiſ externarum gentiuſ copiſ, quæ Pontificiſ & Roberti regiſ auſpiciſ ſub Gaſtone Aquirano, Raimundoque Cardonio ad Mediolanum obſiden- dum ire maturabant, maxime pugnaciſ & periti duciſ laudem tuſiſſe fer- tur, quum terribili longoque certamine edito, reparataque ſæpe acie, honeſta in facie vulnera ſuſcepiſſet. Poſtremo ad Neruanum acriter dimicanſ, Heluetiſ ſecuriſ, perfracta galea, ſuſſuſſoque equo, proſtratuſ captuſque eſt, & manante per naſeſ multo ſanguine, ad iuglandiſ arborem tam diu ne- xuſ, & ſemiſanimiſ iacuit, donec recentiſ Allobrogum alæ ſuperuentu, cæſiſ Heluetiſ atque Germaniſ, & Leodriſio hoſtium duce capto è vinculiſ tri- peretur. Sed qui tot belliſ, ſumma pericula euāſerat, ex principatuſ demum oborta ſtatim inuidia amicorum & propinquorum, ſeu aſ manuſ vix effu- git. Coniurauere enim in eiſ necem Franciſcuſ Puſterla ex ordine patri- tio auitiſ diutiſ potenſ, & ante alioſ duo Aliprandi fratreſ, Martinuſ at- que Pinalla, qui Aſtianiſ copiſ præfuerant, neglectique à Luchino ad alioſ ſcilicet, vti melioſeſ, tranſlatiſ honoribuſ, amicioſeſ liberalioſemque domi- num quæreſbant, coniectiſ vtiſque oculiſ in Galeaciuſ & Barnabam ex Ste- phani eiſ fratris filiſ qui decoraſ iuuentuſ & iam planè matura militari in- dole floſcentiſ, intempeſtiua atque nefaria ambitione, quæ ſemper domui Vicecomituſ fataliſ fuit, ad imperiuſ aſpirare dicebantur. Sed dum Ali- prandi fratreſ, pertentatiſ amicorum intimiſ, conſurrationi viſeſ addere con- tendunt, à Ramengo Caſato inita conſilia produntur. Nec mora, Martinuſ atque Pinalla, capti diuſque torti in carcere, fame necantur, cæteriſ in furca, latronum more, ſtrangulatiſ. De Puſterla autem, qui pro fugienſ, ex Ethru-



ria retractus fuerat in foro supplicium est desumptum, eo quidem atrocius atque miserius, quod duobus filijs adolescentibus in conspectu parem poenam subeuntibus, sceleratus pater paulo ante inter ciues, maxime felix, supremæ calamitatis, suæ domus interfuit. Nec mulo post Margarita vxor, quod non conscia modo concepti eius immanis consilij, sed ad id maturè patrandum, peracerba concitatrix fuisset, perpetui tantum carceris poena damnatur, quod Othorino Vicecomite genita Luchinum arctissima propinquitare conningebat. Cæterum ex damnatorum quæstione compertum est, Galeacium & Barnabam non ignaros initæ coniurationis, paratosque ad excipiendum principatus fortunam, tanti facinoris euentum expectauisse. Sed Luchinus ne supra Marci fratris necem familiæ detus, vel maxime nocentum iuuenum cruore macularet, deprecante Ioanne Antistite, exilijs poenam non excessis, ita tamen vt eos perfidie impietatisque ignominia notatos, ad Oceanum in extremos Belgas & Batauos relegaret. Exinde Luchinū natura subristem, planeque seuerum, solito amariorem ac duriorē factum, scriptores tradunt, vsque adeo, vt nec in ioco, pallidam semper obducens frontem, ridere sit visus, quod ad animi egritudinem, articulorum quoque dolores accessissent. Sed non inanis rumor de vxoris impudicitia, per urbem excitatus, moerorem vsque adeo cumulauit, vt in affecto tot malis sene, nondū maturo fato viam aperires. Nupserat ei Isabella cognomento Fusca ē Plisconum gente, apud Ligures apprimè nobili, duobusque præsertim Pontificibus, Innocentio atque Hadriano, purpuratisque supra triginta Senatoribus longè clarissima, vnde illa fastum, atque inde luxuriam, parum verecundò gestu oreque præferebat. Hæc, nobiles Insubrum matronas forma, lepore, munditijs atque vna præsertim veri fecunditate, qua Luchinus felix videri potuit, antebat. primo enim partu Luchinum nouellum, secundo Vrsinam, tertio gemellos mares, eximie indolis Borsium & Forestinum rara quidem felicitate pepererat, nisi tantam prolem ex incesto concubitu concepisset. Galeacium enim formæ dignitate cunctos mortales superantem lasciuæ adamatum ab ea constat, vti aliquot post annos defuncto iam viro in extremo vitæ actū, piè ingenuæque confessa est, vt animum eo piaculo liberaret, vel cum certo, infaustæ prolis, exilio tannique subinde imperij hereditas ad legitimos successores verteretur. Cæterum suoapte ingenio procax, & leuis mulier, exulante Galeacio, & viro ex podagra decumbente, quum spectare Venetias cum situ stupendas, tum celebri festo die Ascensionis Christi, naualibus ludis & priuarum publicarumque opum ostentatione mirabiles concupisset, importunè vxori Luchino cuncta concedente, haud difficulter impetrauit, vt ornatissima classe, per Padum deueheretur, delectis iri comitatu forminarum nobilissimis, quibus & ambiguus inesset pudor, nec viri earum tuendæ pudicitie cura tangerentur. Verum luxuriosissimæ nauigationis exitus fuit, vt cum insigni probro, prostratæ pudicitie apud V. golinum Gonzagam, Dandulumque, Veneti senatus principem, redierit, pari infamia deflagrantibus nonnullis illustribus sceminis ex comitatu, quum à pudicis pariter atque in eodem crimine maculosis lenitate muliebri permutas delationes singularum adulteria proderentur. Hoc tanto, inexpectabilis infamie, vulnere percussus, princeps, ita flagitij iniuriam tulit, vt non

obscura parati ad vindictam animi signa, contractæ frontis querela, demor-  
sisque sæpe vnguibus ostenderet. Itaque Fusca expedito ingenio, non impu-  
dica modo, sed etiam truculenta mulier, pœna metum celeriter antevertit,  
ægrumque adhuc coniugem, veneno lento atque tabifico præoccupat, nul-  
lo tum sceleris extante vestigio, quum planè maturatus ægri senis obitus, ad  
nouum insurgentis morbi impetum facile referretur. Vixit annos sexaginta  
duos, imperauit nouem. Tumulatus est in æde diui Gothardi iuxta  
Actium, regio sumptu, celebratis exequiis. Luxere elatum veris lachrymis  
cuncti ciuium ordines: nam summa æquitate ius dicere, obliuisci factio-  
num, tueri ab iniuria infimos: & (quod maximè populare videbatur) singu-  
lari providentia, annonam curare erat solitus, bella quoque, quod opulentæ  
tranquillitatis intererat, extra fines semper gessit, eo animi decreto vt & sua  
strenuè defenderet, & socios constantissimè tueretur. Parmam imperio adie-  
cit, sexaginta millibus aureis coemptam ab Obitorio Atestino, ægrè eam vr-  
bem aduersus Gonzagas atque Scaligeros defendente. Pisani porro ea con-  
ditione pacem dedit, vt honorarij tributj nomine, binos equos, militem  
vnum, alterum asturconem album, quo domina veheretur: itemque binos  
ad aucupium falcones peregrinos quotannis penderent. Nouissimè Ligu-  
res, fluxa fide, antiqua fœdera violantes, magnis copijs inuaserat. Brutio filio  
duce, Genuam, gentis caput obsessurus, nisi exitum ei properantia fata vetuis-  
sent. Magnificentia monumenta nulla ferè reliquit Actiana domo con-  
tentus, quum antea in Ticinensi regione, præaltas ædes, contra Diui Geor-  
gij templum, Palatij nomine, vocatas, habitasset. Foris autem validam ar-  
cem in ædificato monte ædificatam, cui à vetere delubro, Capellæ nomen est,  
Bergomatibus imposuit. Delectatus est tuendæ valetudinis causa, suburba  
no secessu, non tam amœno quàm salubri, ad septimum lapidem Comensi  
via sinistrorsum, vbi tenuis est Pagus, qui sanus aer, verissimo nomine nun-  
cupatur. Liberos reliquit Brutium ex concubina, qui quum Laudi Pom-  
peia, præferoci ingenio, aliquandiu tyrannidem exercuisset, coniurante ciui-  
tate, expulsus, obscuro in pago in Euganeis inops & meritò miser interiit.  
Borsius autem & Forestinus, detecto Fuscæ matris incestu tanquam ex dam-  
nato nati concubitu, hic tetro in carcere, ille verò fuga elapsus, exilio perie-  
runt. Eandem exilij fortunam tulit Nouellus, qui nequaquam animo de  
generi, militiæ assuetus, propinquorum suorum hostibus semper adhæsit.

*Eius autem tumulo hoc rude carmen inscriptum est.*

*Iustitiæ cultor, scelerraniquè acerrimus ultor  
Pauperibus carus, nunquam dum vixit auarus,  
Egregijs factis, & cladibus ante peractis  
Insignem bello laudem meruit, nisi fraudem  
Sors mala struxisset, crudeliter & periisset.*

I O A N.

# IOAN ARCHIEPIS

COPVS. SIVE LIBER VI.



**P**OST clarum Luchinum, totius Imperij summa ad IOAN-  
NEM Archiepiscopum germanum fratrem, absolutæ virtutis  
principem rediit: nam in omni, eximia prudentiæ, & perfe-  
ctæ pietatis, officio, moderatæque, regendi imperij, disciplinæ  
Othoni maiori, patruo par fuit, quum & ipso censu generosæ  
stirpis Matthæum patrem, & magnitudine constantis animi referret: nec  
Galeacio fratri, de nobilitate liberalis Ingenij, vel decore formæ, vel studio  
promerendæ gratiæ quicquid concedere censeretur. & Actiū perhumana illa,  
nulquā tamē nisi graui, ad faciles aditus atq; sermones comitate, atq; magnifi-  
centia operū facile superaret, præclaræq; clemētis laude, paucissimis regū con-  
cessa, quæ Luchino vti nimis duro militariq; quanquā viro alioqui summo, de-  
su it, omniū opinione potiretur. Is inito statim principatu, nihil antiquius du

xis,quàm Galeacium & Barnabam ab exilio reuocare. Rediere illi,Belgarum more,brachato habitu,sicuti videre est in incolumi adhuc pictura, in templo diui Ioannis ad Concham: Cosmæ & Damiano,diuis turelaribus votum soluentes,præferentesque,eximium bellicæ virtutis specimen,quum Belgicis atque Britannicis bellis,paria non obscura laude,militassent. Nec multo post Ioannes propagandæ soboli,firmandoque imperio validas finitimorum principum propinquitates,præstanti iudicio,quæsiuit:sic vt Blancam Sabaudiam,Aymonis'Allobrogum reguli,filiam,Galeacius vxorem duceret,& Beatrix,Mastini Scaligeri,filia à fastu superbisque moribus,Reginæ cognomen adepta,Barnabæ matrimonio iungeretur,binasque deinceps nuptias sumptuosius ludorum equestrium spectaculis celebraret. Cæterum Ioannes,Ligustici belli causam,securus,Murtham,Genuensium ducem,adeo armis terruit,vt abdicato principatu,sefe ciuitatemque ad eius auctoritatem contulerit,& præsidium prætoremque à Ioanne delectum acceperit. Sed non multo post defuncto Murtha, populus vii semper factiosus & mutandis consilijs repentinus & leuis,Valentem ducem creauit. Ea contumelia permotus Ioannes,arma parat,& bellum indicit,quo periculo Ligures terri, vel ob id maximè quoddam magnis classibus cum Venetis & Catalanis contententes circa Sardiniam infelicitè confixerant,supplices & opem implorantes,ad pristinam fidem rediere. Valens quoque,suscepto temerè principatu,se abdicare cogitur. Recipiturque Genuæ,Gulielmus Palamici-nus,qui Reipublicæ præsit cum præsidio equitum & peditum. Nec mora,Genuenses nouam classem exornant,Ioanne in eam,delectos milites,pecuniam & commeatum abundè conferente, addenteque duodecim triremes suo sumptu,suoque milite egregiè instructas. Eam classem Pegasus,Auria præfectus,quum Viperæ insignia in vexillis præferret,ad Sphragiam insulam,quæ Sapientiæ nomen habet,contra Methonem,cum Venetis feliciter conflixit, deuictaque hostium classe,Nicolaus Pisanus qui Sardoo in mari cladem Liguribus intulerat, cum quinque milibus Venetorum militum caprus, Genuam in triumphum ductus est. Genuenses autem,singulari ope Ioannis,se victoria potitos,grato animo,confitentes, nouo decreto deditæ ciuitatis iura,quæ Ioannis morte fieiebantur,ad Galeacium pariter & Barnabam transtulerunt,ita vt totius Liguriæ vrbes à Cornio,Lunensi promontorio ad Herculis Monæci portum,imperio Vicecomitū,subderentur. Per id quoque tempus,Bononiam in potestatem redegit. Populus enim,vir nobilitate opibusque insignis,qui patriæ libertatem inuaserat,pontificijs oppugnatus armis,à Ioanne,matura ope,implorata,validisq; Insu-brū auxilijs,egregiè defensus,eo demū descendit,vt acceptis Crepacorio,Nonantulaque castellis,ac multo insuper auro,patriam vendere,quàm suscepti principatus nomē tueri mallet.Bononia paria Ioannes finitimis terrori esse cepit,vsq; adeo,vt Florētini antiquæ iniuriæ,& Veneti recentis,acceptæ cladis,memores,pontificijs copijs vires adderent,initoq; fœdere cū pontifice,confestim impetrarent,vt di-rum illud,religionis telum,interdicēdis sacris in Ioannem vibraretur.Sed O-legiano duce,Bononiæ imposito,felicibus armis,vrbem defendit,nec multo post per Guliermū Grisantem,Pontificis legatum,qui postea Urbani Quinti nomine,desumpto,Pontifex factus est,qui is Mediolanum venisset trans-actum

factum est, ut tanquam beneficiario iure concessam à Pontifice urbem redderet, & quotannis sexaginta pondo, auri tributi nomine, solueretur. In Florentinos demum intestino malo laborantes, tanquam in veteres & recentes hostes arma vertit concitantibus Vbaldinis, Vbertisque & Pactis exulibus, qui aucti viribus Tarlatorum & Casaliorum, Arceti Cartonaëque principum, à Ioanne Antistite tanquam Gibellinæ factionis principe patro noque certissimo, opem, assiduis precibus, implorabant. Olegianus, qui ex eadem Vicecomitum ortus familia, ipsius Ioannis Antistitis filius putabatur, ab Olegianoque, is ad Verbanum lacum, pagus est, cognomen ferebat, è Bononia profectus, Apenninum superat, ac Sambucum vicum in Pistoriensibus Alpibus capit, peruagatusque montanum agrum ad oppugnandam Scarperiam, ad duodecimum ab vrbe Florentia, lapidem, descendit. Erant in exercitu supra ingentem peditum numerum, decem millia galeatorum equitum: exules quoque ab Arni valle, armatis agrestibus, opportunè in suburbanum agrum irrupentes, insensis saeuisque animis, tecta obuia, crudeli incendio, deformabant: quare mæsta & trepida ciuitas, vti viribus imparâ socijsque deserta, vel non æquam pacem appetebat. Nec Ioannes à pace adhorrebat, modo socijs Gibellinarum pactum, honesta conditione caueretur. Itaque proclamatis inducijs, indictus est locus Sergiano in oppido, Lunensis agri, quo conuenientibus totius Ethruræ Vmbriæq; legatis querelæ omnis neglecti aut prætermissi iuris, duobus disceptatoribus, Guliermo Pallauicino pro Ioanne, & Carolo Strozza pro Florentinis deferrentur. Ferunt supra sexaginta vrbium, illustriumque Regulorum legationes coiuisse, pacemque, moderatis legibus singulis, datam, summa quidem cum laude Ioannis, qui clementi ingenio, detrimenta belli, innoxii atque immerentibus illata populis perosus, susceptum bellum optima pace, quam cruenta victoria finire inualuerit. Nec obiter prætermittendum videtur magnanimi Præfulis factum inter multa memorabile, quo pontificium summæ seu ritatis imperium, facitissimo obsequij genere, magnificet, simul & elusit. Paulò enim ante id tempus, quum à pontifice expetentibus Florentinis, Auenionem sub anathematis pœna, citaretur, lætissima fronte respondit, se eo vti, fidelem dictoque parentem seruum decreet, instructa maturè profectione, venturum, ut præfenti obsequio prouolutus, ad pedes sacrosanctum pontificem veneretur. Cæterum legatos præmisit, qui per omnes vrbis regiones amplissimas domos, persoluta eius anni pensione conducerent, ingentemque, omnis generis, commearum copiam compararent, qua numerosus comitatus aleretur. Porro quæstor multa onustus pecunia, adeo in id profusè operam intendit, ut & mirum in modum annonæ in foro cresceret, & peregrini negociolique homines ex omni Europa, Auenionem, ad pontificiam aulam, confluentes nullum omnino tectum aut hospitium, Insucri omnia occupante, vacuum reperirent, & propalam populus & inquilini de annonæ caritate quererentur. Quibus vocibus permotus pontifex Mediolanenses legatos, cuncta prodigè coementes vocat: causam quaerit cur tantum commearum ac culumet, totq; passim amplissimarum ædium hospitium, inani sumptu ad querelam publicè conducant? Legati, ita parare se iussos à Ioanne præfule, respondent, qui septem millia armatorum equitum, totidemque peditum, præsidij

& comitatus causa sit adducturus. Intellexit illico pontifex, quo rerum suarum periculo, Ioannes tantis instructus viribus, foret expectandus, leniterque subridens tanti itineris laborem, præfuli tanquam occupato & præclare pontificij nominis studioso benignè se remittere dixit. Legati autem quum dimitterentur, honestissimis viris, virtutis nomine aut parum ditibus conductas domos, gratuito concesserunt, ita ut comitatum quoque omnem, aut sacratissimæ Cœnobij auge plebe miseris & egentibus largirètur, tanta cum laude, ut nemo esset qui Ioannis causam non studiosissimè tueretur. Sed non multo post, crescente potentia, ut plerunque sit, invidia virtutis & felicitatis comes, pariter crevit: formidabilis enim vel amicis veteribusque socijs apparebat, usque adeo, ut consternati metu Atestini, Gonzagæ, Scaligerique principes, foras inter se percuterent, coactoque numero exercitu, castra sosis aggeribusque vallata, prope Mutinam adorirentur, sustinentemque impetum præsidio fortiter repulsi in Cremonensem agrum, cuncta vastantes irrumperent. Hæc castra muniti instar oppidi Ioannes aduersus Regienses construxerat, videbaturque inde non Regium modo, sed etiam Mutinam inuasurus, ut à Bononia Placentiam suæ ditionis, continuum iter pararet. Hæc agitantem & septimum regnantem annū, Augusto mense concepta febris & lentis demum accessibus producta in Septembrè, climacterico ætatis anno leniter extinxit. Conditus est marmoreo tumulo iuxta Othonæ ante sacrarium templi maximi, ubi hæc carmina rubro lapidi incisa leguntur: quæ ex eius rudis seculi memoria ad iucundam ingeniorū estimationem, præterire nolimus.

*Quam fastus, quam pompa levis, quam gloria mundi  
Sis brevis, & fragilis humana potentia quam sit,  
Collige ab exemplo, qui transis, perlege, differ,  
In speculo speculare meq. lachrymabile carmen  
Qui sum, qui fuerim licet, qui marmore claudor.  
Sanguine clarus eram, Vicecomes, stirpe, Ioannes.  
Præsul eram, pastorque fui, baculumque gerebam,  
Nomine, nullus opes possidebat latius orbe,  
Imperio tituloque meo mihi Mediolani.  
Vrbs subiecta fuit; Laudemse solum, Placentia grata,  
Aurea Parma, bona Bononia, pulchra Cremona,  
Bergoma magna satis lapidosus, montibus aliis,  
Brixia magnipoten, Bobiensis terra, tribusque  
Eximjs dotata bonis Derthona vocata,  
Cum arum tellus, nouaque Alexandria pinguis,  
Et Vercellarum tellus, atque Nouaria, & Alba,  
At quoque cum castris Pedemontis iussa subibant.  
Ianuamque ab antiquo quondam iam condita Iano  
Dicitur, & vasti narratur Ianus mundi,  
Et Saonensis Rex, & loca plurima quæ nunc  
Difficile est narrare mihi, mea iussa subibant,  
Tristitia tota meum metuebant languida nomen,  
Per me obfessa fuit populo Florentia plena,*

*Bellaque*

*Bellique sustinuit tellus Perusina superba  
Et Pise, & Senæ timidum reuerenter honorem  
Præstabant: me metuebat Marchia tota.  
Italia partes omnes timere Ioanni.  
Nunc me petra tenet, saxoque includor in isto  
Et lacerant vermes, laniant mihi denique corpus,  
Quid mihi diuitiæ, quid & alta palatia profunt?  
Cum mihi sufficiat quod paruo marmore claudor.*

# M A T T H A E V S

## SECVNDVS, SIVE

### LIBER VII.



**M**X testamento Ioannis, vniuersum Imperium exquisita ratione trifariam diuisum, tribus Stephani liberis celsis, ea conditio ne, vt Mediolanum & Genua communis essent ditionis, ab vnoque tantum prætore regerentur, quem pari iudicio delegissent. Reliquæ porro vrbes nobilioræque oppida à grauissimis Iureconsultis, amicisque communibus fideliter æstimata, digestæque in tres portiones, sortem ex vrna sequerentur. Matthæo Bononia obuenit, quæ ex solenni transfectione quatuor vrbes tanquam sua membra secum trahebat, Laudem scilicet Pompeiam, Placentiam, Parmam, & Bobium in Apennini vallibus situm: item Lucum & Massam Togatæ Galliæ, Pontemque tremulum supra Macram amnem Apuanorum, Ligurum caput, & Sancti Domnini oppidum, quod in Aemilia via à Tarro amne, septem millibus passuum distat. Sed Matthæus nequaquam diu Bononia positus est, Olegiano eius vrbis imperium occupante. Is enim sub id tempus quo Ioannes Archiepiscopus, suprema tentatus valetudine decumbebat, cum rebellantibus patritijs, atque arma capientibus in foro prospere conflixerat, coniurationisque principes captos secuti percusserrat: in quibus nonnulli ex Blanchis, Gozadinis, Bentiuolisque, & Sabadinis fuerant. Post id factum, quum ædificatam à Ioanne Anustite veterem arcem egregiè permunisset, intuasit eum libido arripiendi imperij, cuius ipse præcipuus defensor extitisset. Itaque fortuna nefarijs ceptis aspirante prætorem, militareque præsidium Matthæi, insigni composita fraude vrbe expulit, Bononienfesque armis territos, in nomen suum iurare coegit. Erat Matthæus ingenio ciuili potius, quam militari, nec ideo ad vitdicandam iniuriam parato, utpote qui nihil ex magno ædificasset, si speciem corporis demeres, præter nomen referret: ignobili enim ocio delectatus, nequaquam bellica laude ducebatur, eique summæ curæ fammæque voluptati erant accipitres, atque ea omnis venatio quæ vel scuminas admittens prorsus sine sudore exerceretur: has autem diurnas exercitationes, nocturnæ libidines excipiebant, quibus adeo intemperanter corpus atque animum efforminalierat, vt inter duas sæpe concubinas eneruatis



viribus cubicans, instillaret (vt Coriſus in hiftorijs author eſt) muliebribus locis vnguenta peregrina, quibus intermortuæ veneris ſegnitiem prodigioſa titillatione ſuſcitaret. Per hunc modum, fractis lateribus, quum ad Seronum oppidum, vbi munitam pinnis domum ædificarat, medio itinere inter Mediolanum & Comum feciſſet, diuturna febricula tabefactus, interijt anno ſecundo poſt Ioannis patruſ mortem. Valentina matre multis cum lachrymis à fratribus veneno ſublatus, vſque adeo conſtanter aſſeuerante, vt Galeacio & Barnabæ diras imprecaretur. Matthæum enim ex ſermone quodam, inuidiæ pleno, apud fratres exitiale odium paſſe referebat, quod Creſcentiaco in vico, vbi auum obijtſe retulimus, quum fortè in cœna Galeacius & Barnabas tanti imperij à maioribus conditi amplitudinem atque opulentiam laudarent, omniumque pulcherrimum fortunæ munus principatum eſſe ſaceretur, Matthæus incautè ſubiunxiſſet, id quidem ſine controverſia verum eſſe incomparabileque videri, modo Principatus ſocio conſortique careret: adeo vt non obſcurè Ioannem patruum perſtrinxiſſe videretur, qui ſecus ac magnus auus feciſſet, non vnum, Galeacij primi, atque Actij exemplo: ſed tres ſimul iniquo iure, diuiſi imperij hæredes, ſcripſiſſet. Id dictum ſub amaro ſale ſcomatiſque nomine prolatum, vſque adeo in pectus fratrum altè deſcendit, vt ſequenti cœna, ſuillos lumbos, cuius obſonij Matthæus erat appetentiſſimus, toxico illitos appoſuerint. Duas habuit filias abſque villa virili prole, ex Liliola Gonzaga, Phillippi, Mantuæ principis, filia, ſuſceptas, Catharinam ſcilicet & Vrſinam: hanc Balthafari Puſterula, patriſtio valde opulento, illam verò Vgolino Gonzagæ bellica virtute illuſtri nuptui dedit. Tumulatus eſt ad Euſtorgij templum, iuſtiſ exequijs à Seroſo Mediolanum vſque, perductis, ſed ſepulchri marmorei, honore tituloque Epitaphij caruit tanquam fratribus inuiſus, & nihil laudis à literatis promeritus, quos in ea turpi ſupinæ vitæ deſidia contempſiſſet.

G A L E A

# GALEACIVS

SECVNDVS SIVE  
LIBER VIII.



**GALEACIO** Secundo, cuncta propè, quæ expeti mortalibus possunt, cum naturæ, tum fortunæ, rarissima dona contigerunt. corporis enim dignitate & decore formæ, lectissimos iuvenes supergressus, tum maxime seipso celsior & pulchrior eundebat, quum nouo more, comam, aurei coloris, promitteret, complicatamque sepe in tricas, & nonnunquam diffluentibus cincinnis per humeros, expansam, reticulato pileolo, aut florea corona castigaret: id enim eum decebat alioqui lacteo colore atque ænea barba conspicuum, vti videre est ex multis eius imaginibus, vnaque præsertim equestri thoracata, quæ Ticini in arce, ad sinistram porticum spectatur. Balthei militaris dignita-

tem Hierosolymis promeruit, quum religionis causa Christi se pulchrum iniurus in Iudæam nauigasset. Belgico item bello, non secus atque Otho familie princeps, superiore seculo in Syria Viperam, perpetuum gentis insigne, ipse quoque prostrato nobili Belga, nouum gestamen insigni aquæ & ignis argumento, tanquam opimum ipsolum retulit. Ex ipsa enim dypei pictura, ardentibus bini torres pendens totidem aquariis situlis, contrarie potestatis facultatem exprimebant, vsque adeo specioso emblemate, vt id ad posteros ipsosque Sfortianos in Vicecomitum familiam adoptatos, manarit. A Carolo autem Quarto Cæsare, qui Mediolanum aduenerat, solemnibus codicillis ritè confectis in Cisalpinæ Galliæ atque Liguriæ imperio, Vicarius est appellatus, pari dignitatis beneficio fratri Barnabæ communicato, interque sacra solemnia Cæsar Ambrosiano in templo, vtriusque filios, quanquam planè pueros, militari baltheo cinxit, Ioannem scilicet Galeacium, qui demum totius imperij hæres, potentia formidabili, supra cæteros Italiciæ principes euectus est, cum ex nomine nequaquam temerè indito, duos summæ virtutis atque prudentiæ patruos referret, & Marcum Barnabæ, qui male auspiciatum infelicitis patruum nomen sortitus, ad frugem non peruenit. Cæsare, ita multa pecunia, magnisque muneribus iam donato, in Germaniam redeunte, multo certior quàm antea nominis autoritas amborum creuit, quæ demum perpetuo beneuolentiæ studio, & fraterna charitate a deo stabilita est, vt concordibus animis vsque ad vitæ exitum, quanquam diuiso imperio, regnarent, mutuisque opibus bella gesserint, communem eum ducentes hostem, qui in ipsorum alterum arma moliretur. Ea enim æquitate defuncti Matthæi fratris hæreditatem inter se diuiserant, vt urbem Mediolanum ab ortu Solis ad occasum per regiones, ducta linea, partirentur, & in urbem singulas arces ambo conderent, Galeacius ad Iouiam portam, quæ Comum ducit, Barnabas ad Romanam, quod huic Conchana domus, illi Aetiana curia, sicuti Matthæo antea Antistitis Ioannis ædes, forti obuenerint. Cesserat Barnabæ Bononia, quæ quum vehementibus armis repeteretur, Olegianusque pontificis adiutus copiis strenuè resisteret, diuturni grauisimique belli causam præbuit. Nam plerique principes & cum his Florentini Pisani que, quibus odio atque timori, consentientium fratrum opes erant, Conradum Landum, Germanorum ducem & Marcoaldum cum Bohemis à Carolo Cæsare Pisis impositum, præbita in triplex stipendium ingenti pecunia, aduersus Vicecomites concitabant. Ea tempestate validæ externarum gentium manus, vt tum aiebant, fortunæ auspicijs militantes, per Italiam prædabundo agmine vagabantur, hisque, omnium regionum exules, spe prædæ, se commistebant. Itaque Landus & Marcoaldus mira celeritate confectis itineribus, in agrum Insubrum peruolarunt. eorum aduentus, cuncta, ferro atque igne vastantium, magnam trepidationem Mediolanensibus incussit. pertulere eas clades tantisper Galeacius & Barnabas, donec accitæ vndique copiæ in vna castra egerentur: nec multo post instructo exercitu contra hostes, progressi ad Casæ auratæ pagum, signis collatis conflixerunt, eo quidem euentu, vt Marcoaldo capto, Landus ipse post faucibus ferme toro eius exercitu cæso captoque effugeret, in quo sex millia equitum, quatuor peditum fuisse narratur. Secundum eam victoriam Barnabas ad oppugnan-

oppugnandam Bononiam profectus validiores quam putarat hostes inueniens, multis acceptis illatisque detrimentis, longo & difficili bello implicatur: nam Florentini, Pisani & principes Ferrarientis, Mantuanus, & Veronensis, communicatis consilijs cum Egidio Pontificis legato, foedus renouarant, ea mente, ut defensa Bononia duorum prae potentium fratrum, vires non paterentur nimio plus crescere. parte alia Ioannes Marchio Montisferrati a foederatis incitatus, Galeatio graue bellum inferret, cum capta ex insidijs Alba Pompeia, & Ticino vrbe prodeuntibus Guelphis occupata, Anglorum validam manum in Italiam exciret. Ea gens, ex Britannia insula, in continentem Galliae transuecta, confectis Belgicis bellis in Prouinciam sese effuderat, stipendia & praedam passim querens. Sed ea fuit Galeacij felicitas, ut ab Anglis Albam reciperet, & Ticinum varijs praelijs fameque perditum in potestatem redigeret, capto Bussulario, cucullato sacerdote, qui nefarijs concionibus Ticinensem populum circumducens, misere vrbs crudelis Tyrannus euaserat. His rebus prosperis gestis Galeacius coactis undique copijs Barnabae, vires attenuatas, duobus aduersis praelijs facile restituit. Quibus auctus vir acer & indomitus tanto impetu Bononiensem agrum populatus est, ut Olegianus desperatis rebus, urbem temere occupatam, Egidio legato tradere cogeretur, Firmum Piceni agri urbem, perfidiosis pactio nis praemium accipiens. Sed quum Barnabas iratus Egidio non secus atque Olegiano, nihil de belli apparatu remittendum arbitraretur, foederatae ciuitates ingentes copias Vgolino Gonzaga Imperatore in agrum Insulbrum miserunt, rati Barnabam fraterno periculo adductum Bononiensi agro detrahi, & trans Padum reuocari posse. Sed Barnabas Vgolinum traiecit Pado, & Nouaria capta, magnam perturbationem Galeacij rebus afferentem, paribus belli arribus auertit, infesto enim exercitu Mantuanorum fines ingressus perruptoque Serrallio, quae est munitio ab amne Pado ad Mutinam, perpetuis aggeribus suburbanum agrum complectens, Mantuano duce praesidioque nudatos adeo perculit, ut Vgolinus vel in ipso felici speratae ingentis victoriae cursu, de Imperio saluteque ciuium suorum magnopere sollicitus, pacem petere cogeretur, cognationemque nouo foedere confirmaret. Eo modo pace parata, & Barnaba nihilo secius, pertinaci studio Bononiae principatum tanquam sibi fraude ereptum, validis armis repente, Galeacius externas affinitates, decoras quidem regio fastu, sed sibi & posteris damnosas & ferè exitiales quaesivit, Isabella scilicet Caroli, Galliae regis sorore, Ioanni Galeacio filio expetita, Leonatoque Clarentio Brianniae regis filio, in generum adscito. huic enim ex nuptijs Violanthis quum ducenta milia aureorum numum, dotis nomine recepisset, Mons etiam Regalis atque Alba Pompeia vrbes cesserunt. Isabella autem quae Mediolanum venerat vsque adeo sacro grauis fuit, ut ducentis millibus aureorum constiterit, quamquam Virtutis oppidi ditio, honestissimaeque appellationis titulus, no uo sponso, nomine dotis accessisset. Leonati porro aduentu tantae opes admirabili liberalitate profusae sunt, cum & nuptiale epulum daret, & equestres ederet ludos, & Britannos ex generi comitatu supra ducentos eximijis donis adornaret, ut opulentissimorum regum splendorem superasse censetur. In conuiuio enim in quo Franciscus Petrarca inter principes conui-

uas discubuit, singulos ferculorum missus, qui supra triginta fuere, totidem inusitate magnificentie munera sequebantur: ea omnia Ioannes Galeacius delectæ iuuentutis princeps, ad mensam perducens, Leonato obtulit. Fuere in vno tantum missu, septuaginta equi insignes, argenteis & sericis ephippijs strati: in alijs verò vasa argentea, hierofalcones, venatici canes, equestria arma, nobiles lorice, solidoque ferro, splendidi thoraces, galeæque item & cassides præaltis conis exornatæ, indumenta margaritis picta, balthei militares: postremo præstantes aliquot gemmæ, aureis emblematis insertæ, & aureæ purpureæque telæ ad viriles vestes vis ingens. Is porro conuiuij apparatus fuit, vt relaxat æ mensa dapes, decem milibus hominum abunde sufficerent. Sed non multo post Leonatus quum nouæ nuptæ operam daret, intempestiuusq; conuiuijs ad patris moris disciplinam, alieni cœli ignarus, intemperantius vteretur, ad Albam morbo consumptus interijt. Violantes denum Othoni marchioni Montisferrati, nuptui data est, sed nihilo felicio ribus auspicijs, quum Otho in montibus Parmensiuna ab agresti agasone confossus, ignobili fato perierit. Cæterum Galeacius diu aetate seuisimis articulo doloribus iactatus, quum filius, præalta indole, militaris imperij munia capessens, Asta recepta, Vercellisque defensis, Subalpinum bellum felicissimè confecisset, in supremum incidit morbum, Nonisq; Sextilibus defunctus est, anno a partu Virginis septuagesimo octauo supra millesimum & trecentesium, vitæ quinquagesimo nono, imperij autem vigesimo secundo. Delectatus est in toto vitæ cursu, quum ex bellicis occupationibus subcissa oia furaretur, nobilioribus literis, historijsque præferti, habuitque in honore, præstantibus disciplinarum omnium & nobilium artium studijs insignes, ex hisque præcipue Franciscum Petrarcham, amœna ingenij fertilitate, florentem, cuius hortatu bibliothecam condiderat, quum munere beneficioque Caroli Cæsaris Ticini celebre Gymnasium instituisset. In puniendis reis etiam si natura planè lenis & exorabilis videretur, ita clementiam cum seueritate miscebat, vt præscriptas leges non temerè præteriret. Magno autem incorruptæ iustitiæ exemplo fuit Picardonus Vassallus è Vercellis, in furca latronum more strangulatus. Hunc Belgici exilij comitem, proptereaq; ex humili fortuna ad præfecturam grarij prouectum, indeque seui prædonis more, nullo metu pudorè immensas opes congerentem, reperundarum & pecularum reum populus fecerat, iudicesq; damnant, ita vt princeps nihil omnino ex damnati bonis neque in fiscum, neque in erarium se reduci turum testaretur, libereque responderet, libi lege agendum videri, atque eo quidem seuerius, quod supra furti noxam, grauioris flagitij nomen ferret, quando mortalium ingratisimius fuisset. Nimia quoque & penè crudeli seueritate in prætorem, ad vicum Iriæ animaduertit, quod præscriptos ex indice quosdam exules fastidiosos atque sicarios persequi, captosque statim laqueo necare iussus, propinquorum precibus penam tamdiu suspenderat, donec Ticini princeps adiretur. Ex ea enim cundatione Galeacius quod iure actum credebat, amicis supplicantibus facile damnatorum vitam quidem concessit: sed mox prætor tanquam officij oblitus, fontibus seruatis, atque ante carceres inspectantibus, securi ictus est. Sumptuoso autem ædificandi studio, magnificisque operibus Romanæ potentie

tiae monumenta luculenter imitatus, Mediolani arcem Portæ Iouis mira ce-  
leritate construxit, quum antea e regione templi maximi, anteriorem cu-  
riam vastis porticibus atque cornaculis & media latissima aræ ad equestres  
ludos admirandam Actianis ædibus adiunxisset. Pontem vero lapideum  
Ticino, amni Papiæ imposuit, mirabilis structuræ, cum perpetuæ contigna-  
tionis tectum aduersus soles, & pluuias sustinentibus ab utroque podio sil-  
icæis columnis superinduceret, & utraque pontis capita singulis propugna-  
culis muniret: arx demum in supercilio decliuis vrbs ad boream extructa,  
condecorataque eximijis picturis ita spectantium oculos ad admirationem  
conuertit, vt Petrarcha nihil adulatus Galeacium, eo incomparabili ædificio  
quum cæteris operibus maximos Europæ reges anteciret, seipsum superasse  
perscripserit. spacium enim quadratæ formæ ducentorum ferè stadiorum  
perpetuo muro circumplexus opportunum ad omne genus venationis, ad-  
diderat, fundis nonnunquam antiquis possessoribus iniquo precio adem-  
ptis, vsque adeo impotenter, vt Bartholus e Xysta familia, quum paterno a-  
gro pelleretur, iniuriam frustra deprecatus, equitanti Galeacio ventrem cul-  
tello perfoderit, leui quidem inflicto vulnere, quod magno casu in ipsam  
balthei fibulam cuspis incidisset. Cæterum in fronte arcis, supra portam ad  
viridaria perducentem, hoc vel rude carmen in marmorea tabula legebatur,  
antequam tormentis Gallicis ea muri pars cum inscriptione perfracta con-  
cideret: extabant & lata insignia gentilitiæ viperæ, insculpta scuto, vti mo-  
ris est superstante galea cum frondoso cono ad similitudinem eius qua in  
prælijs vti erat solitus. Id autem eo libentius ne periret apposuiamus, quod  
Galeacius temporario ligneoque tumulo conditus, dum ad nobile sepul-  
chrum ferro marmora parentur, Epitaphio caruit.

*Hac Galea Galeaz castrum defendit & urbem,  
Et ferus oppositos violenter comprimit hostes,  
Inque fugam vertit timidam, mucrone potenti,  
Trahanuque suos vt fratres, frater amicos  
Et sibi subiectos cultu pietatis, & omnes  
Defendit populos, sibi quos Diuina potestas  
Credidit, & longam dabit his per tempora pacem  
Præ cunctisq; piæ mens est seruare Papiam.*

# BARNABAS

## SIVE LIBER IX.



**B**ARNABAS materni sui nomen tulit, eo quidem euenit, ut ab Auria, gente naualibus victorijs inclyta, atque innarz virtutis nomine maximè superba, feroces atque indomitos spiritus accepisse diceretur. Imperiosus enim, immitis & asper euaserat, planè maiores Aurias æmulatus, Brancham Paganum, Lambam, & Lucianum, qui iuxta rei naualis disciplinam, naturalis conditione præduram atque atrocem, cruentis exercitati prælijs crudeles apparuissent. Sed qui tantoperè seuerus existimari poterat, infracto quodam corporis atque animi vigore, vti semper armatus atque auidè pugnav, vnaque ea quæ cuncta vitia præclarè contegit, & studia militum parat, insigni liberalitate, cæteris eius ætatis ducibus præcellebat. In toto vitæ cursu,

quum



quum bella continenter gereret, nunquam conquieuit quod bella ex bellis  
 sererentur, neque pax stabilis, neque induciæ diu vigerent, inter suspectan-  
 tes, atque hostilia ex obliquo molientes. Id enim vnum q̄ non iniquæ am-  
 bitionis, verum maximè odiosæ pertinaciæ consilium fuit, vt Bononiam, O-  
 legiani perfidia sibi ereptam interceptamq; demum fraude Egidij legati in  
 potestatem redigeret. Qua si semel potiretur, Florentini, Lucenses, Pisani,  
 & vicini principes nequaquam diu se tutos fore prouidebant. Factum est  
 ex ea contentione, vt cum Pontifice coniurarent, consunctisque maximis  
 viribus pellendos excindendosque Vicecomites arbitrantur, propterea  
 conducti sunt communi gre in Italiam Angli & Britones ex Armorico O-  
 ccano, Hispanique, Albornoio duce, & Hungari demum ex Pannonia, Si-  
 mone præfecto & postremo iterum accitus in Italiam Carolus IIII Impe-  
 rator. Sed bellum varia fortuna, vtrunque gestum cum finem habuit, vt Bar-  
 nabas non longè à Bononia ad Raphaelis templum profligatus victusque,  
 iterum ad Gualtallam, detrimenta accepta nouis victorij ingenti animo re-  
 sarciret. Nauali enim certamine in Pado infra Vitellianam, hostes superar-  
 rat, constructaque insigni munitione ad Burgum fortem, ita locuti aduer-  
 sus præsentem Cæsarem defenderat, vt perruptis demum Padanis aggeri-  
 bus, totum penè profluentem in Mantuanos agros effunderet. Quibus de-  
 trimentis illatis, omnibusque iam planè selsis, & pecunia exhaustis, necessa-  
 ria pax, sed non planè stabilis, cum pontifice ceterisque federatis facta est,  
 non abnuente Carolo, qui Arionisto Bajorio Vindeliciæ Regulo Barna-  
 bæ propinquo interprete: quum belli tedio in Germaniam vocaretur, ac-  
 ceptæ pecunia & confirmata vetere cum Vicecomitibus amicitia non mul-  
 to post domum redijt, sic vt ab ea pace Barnabas, tota spe recuperandæ Bo-  
 noniæ decidisse videretur. Verum eo minore cum dolore, quod ad solati-  
 um irriti conatus Regium Lepidi à Feltrino Gonzaga præfenti pecunia  
 coemptum in potestatem redegiſſet. Incredibile dictu est quantum vtrique  
 fratrum appetita oppugnataque Bononia constitit, quæ nouem bella ex  
 hisdem causis redijt, cum summo amittendi imperij periculo paucis an-  
 nis adduxerat. Ferunt enim in bellicos sumptus supra trecentas myriadas  
 signati auri expensas, ita vt mirum videri possit tantas pecunias ex vrbibus  
 imperio subiectis imperari atque exigi potuisse, quum ambos fratres pari  
 atque insatiabili mutux æmulationis libidine ad insaniam ædificantes, mul-  
 to maiorem pecuniam in calcem & lateres contulisse videamus. Inter no-  
 bilia opera Barnabæ, præstantissimum fuit Tritianæ arcis pons admirabilis  
 fornicis structura amni Abduæ impositus, vsque adeo in altum exurgens, vt  
 tribus superædificatis transitorij adinibus, infimo currus cum machinis &  
 impedimentis, medio equites, summo peditatum vno tēpore transmitteret.  
 Construxit quoq; arcem ad Romanā portam, quæ Conchanæ domui iunge-  
 batur, ponte pensib, supra tecta priuatarū ædium perducto, instar longissime  
 porticus, cuius adhuc aliquot intercisa mēbra, supra Crassorum domos spe-  
 ctantur. Brixie arcem condidit, quæ ex molli diuo vrbi imminet. In subur-  
 banis autem Modoetiam maiorū opus luculenter imitatus, ad Lambri am-  
 nis ripas Melenniano in vico domum per amplam, munitæ arcis per similem  
 cum latericio ponte construxit, & quod egregiæ pietatis opus adhuc extat.

laxos carceres Mediolani instituit, in quo egestatis ultimæ debitoribus & extra capitalem poenam damnatis alimenta gratuita præbentur. Sed vel immensas grati diuitias vni dotales sumptus exhaurire faciliè potuerunt, quum numerosam prolem nobilissimis Europæ principum domibus infereret. Viridem enim Leopoldo Austrio Norici regulo, Thadeam Stephano, Magdalenam Federico, Bajoarijs Vindeliciæ principibus, Valentinam Federico, Cypri regi, collocauit, quum Agnetem Francisco Gonzagæ, Catharinam Ioanni Galeacio fratris filio, Antoniam & Anglesiam Conrado & Federico Wirtembergensibus Sueviæ regulis nuptui dedisset, Lucia subinde Ede-mundo Britannia regis filio tradita, vt in remoto etiam Oceano sobolem propagaret. Ex filiabus autem nequaquam ex Regina vxore susceptis, generos sibi adsciuuit bellica virtute clarissimos, quum Ioanni Aucutho Britanno Donninia, Lucia Lando Germano ad Brigantium lacum illustri traderetur. Quarum omnium dotès cum luculento mundi muliebris apparatu, vicies centena milia aureorum excessisse constat, nec tot sumptus tamque immodici Barnabam deterrebant, vt quicquam de splendore vitæ remitteret, quin filios diuersis magnis in domibus, cum frequenti & liberaliter ornata familia alendos arbitraretur. Erant legitimæ proles Marcus, Ludouicus, Rudolphus, Carolus & Mastinus, quibus imperij vrbes atque oppida per æquas partes diuiserat, quum totidem ex damnato coitu susceptis, latifundia & domos honestosque redditus donationis iure tribuisset. Erant ij Ambrosius, Eustorgius, Palamedes, Lancelotus, & Sacramorus, cuius stirpis se esse fatentur ij Vicecomites, qui præcipuam nobilitatem à Mattheo Magno repetunt, quum legitima soboles, in Philippo principe defecissent: ex his autem Ambrosius tanta militaris ingenij indole supra cæteros omnes emicuit, vt eo duce Britannisq; militibus præfecto, Barnabas cum Romano Pontifice, Ioannaq; Apuliæ Regina, Florentinisque item atque Liguribus vario euentu bella gesserit. Sed ambrosius in Bergomatum montibus, quum auidè rebelles persequeretur, præceps datus in insidias, ab agrestibus est interfectus, tanto patris dolore, vt montani vindicante irato patre supremæ cladis poenam subierint. Cæterum hæc diuisi imperij sortitio, cum habuit euentum, vt vnusquisque eorum dolore nimis angustæ ditionis Ioanni, Galeacio patruei multo opulentioris imperij fortunam inuideret, & de eo cuncti sæpe contemptum & criminose loquerentur. Regina siquidem mater ambitiosa superbaque mulier, iuuenes suopte ingenio elatos & supra censum sumptuosos quotidianis sermonibus impulerat, vt immoderata percuperent, audendoque, & moliendo aliquod insigne facinus, ad præalta, vel generosos deceret, aspirare condiscerent, sicut non obscure indicare videretur, sublato patruele, hoste verius quàm propinquo, ipsos confestim ex opulenta hereditate potentes & planè beatos euasuros. Cæterum non multo post Regina fato functa Barnabas cum liberis eadem spectare cepit, vtpote qui tot filios arario suo graues prætenui atque ob id infirma ditionis conditione regnatos prospiceret. Sed dum scelestæ consilia miscebat, & diri odij cogitationes extendit, Ioanni Galeacio cuncta produntur. Is graui callidoque ingenio, audita explorataque dissimulat, & aduersus insidias sese domi & toris præmunis, intimi officij ministeria coarctat:

abdi-

abdicatoque luxu mensam certis dapibus astrinxit; custodiam verò corporis ex fide veteranis adauget, nec arcis limine pedem effert, nili explorato, præeuntibus scilicet armatorum turmis, & prætoria cohorte circumfula: ante omnia porro adstruendum ex longinquo dolum suburbana templa supplere abundus sæpe inuisens, conceptæ religionis & demissi pauentisque animi signa præbet. Quibus artibus vsque adeo in contemptum venit, ut nihil virile, vel ab astuto patruo sene cogitare putaretur, & patrueles nonnunquam dictarent, aliquanto cum opimo sacerdotio, quàm tanto imperio digniorem videri. Itaque communicato cum paucis consilio, edicens se Mariæ virginis templum, quod est in monte supra Varesium oppidum multis miraculis atque donarijs venerabile, soluendi voti causa profecturum, è Ticino Mediolanum contendit. Nec differt Barnabas, quin venienti honoris causa occurrat, quanquam improviso aduentu perturbatus, pudore metum vincente paululum cunctaretur. Nec multo post Vercelleni porta prodeuntem dato signo armati equites inermem & mula vectum comprehendunt, & in proximam portæ Iouis arcem, cum Marco atque Rodulpho filijs deducunt. At Ioannes Galeacius continenter armata agmina in urbem introducit, domosque capti fratris tanquam hostis ad excitandam plebem, opportuno astu diripiendas populo præbet. Fit maximus in vrbe tumultus, punctoque temporis memorabili fortunæ ludibrio tantæ opes evertuntur: nec quisquam omnino repertus est qui opem ferret: quum amici pariter atque hostes in opulentissimæ gazæ acervos auide grassarentur, & maledictis Barnabam uti crudelem Tyrannum incescerent: nec in ea licentia publicanos & quæstores uti populo inuisos villæ vel in sterquilinis latebræ diu tegunt: arx quoque ipsa attonitis custodibus paucas post horas deditur, & qua septem plaustra elaborato argento, & preciosa suppellectile onusta, signatæque item aureæ monete septingenta miliaeducta fuisse referuntur. Nec tanta calamitas prodigio caruit: domus enim Palatina septimo die ante eadem adeo vehementer de cælo tacta est, ut intimi cubiculi peristromata desligerent, & Viperæ marmoreæ fastigio superstantes fulmine frangerentur: vates quoque domesticus cognomento Medicina, ut nonas Maias eo anno trium syderum coitu infastas caueret, multo antè prædixerat, & tum in fata sua properantem, retentare fuerat conatus: occulta enim vis fati tum maxime urgebat, quum misero mentis arbitrium eriperet. Euaserat paulo ante Barnabas ad inexpiabile odium populi seipso acerbior & feruor, durum & atrox eius ingentiura senectæ nihil molliente: quippe qui inopia rapax, infamis auaritiæ nomen immani crudelitate cumularet. Nam præter perpetua inelenter imperatæ atque exactæ pecuniæ detrimenta illata populis, noua etiam atque atrocissima lege promulgata, inquiri comprehendique eos iusserat, qui quinquennio antè contra vetus edictum apros occidissent, aut ex his vel in aliena mensa comedisissent, vsque adeo inexorabili damnatione, ut supra centum ex miseris agricolis laqueo suspenderentur, reliqui vniuersa substantia multati exilio solum verterent: diuiserat enim per pagos venationibus opportunos multa milia venaticorum canum grauissimo incolarum sumptu alenda curandaque, cum vicatim per fanulias distribuerentur, & præfecti venatorio apparatui multis cum ministris passim

81  
 IOANNES GA-  
 LEACIVS, SIVE  
 LIBER X.



**T**NIOANNE Galeacio à primis statim pueritiæ incitijs, vsq;  
 adeo mira grauitatis atque prudentiæ species enituit, cum in  
 eo supra caput eius ætatis solertiæ iudicii memoriamque  
 vigerent, vt eum plerique ex ratione physica citissimè moritu-  
 rum crederent, neque vnquam tantas præcocius eius ingenij  
 flores ad optimæ frugis maturitatem peruenturas arbitrarentur. Ferunt enim  
 sicuti in Petrarchæ vita legimus, Galeacium patrem, quum ex consuetudine  
 consiliū aduocasset, multiq; insignes rogati viri in intimū conclave admisi  
 confedissent, à puero tum fortè intentis oculis procerū ora atq; habitū cõtem-  
 plante per locū quesuisse, quis nam sibi ex eo numero sapientior videretur;

tum verò puerum qui tum erat quinquennis suspensio vultu consideratis singulis demum accessisse ad Petrarcham, quem nunquam antea viderat, & blandè arrepta toga eum orasse, vt se ad patris sellam sessum perducere pateretur, statimque magnum cum admiratione omnibus risum obortum, quod puer perspicaci iudicio omnium longè clarissimum ea tempestate poetam delegisset. Nec eum per omnes ætatis gradus summa cura à lectissimis præceptoribus atque nutritijs educatum, quin in eundem iudicij morumque tenorem incumberet, natura destituit à pueritia enim ad integram ætatem prouectum in tanta actionum varietate tale semper ingenij specimen edebat, vt eius opinionem naturæ præsidio firmatam corroboratamque multa historiarum lectione, atque vsu rerum nemo falleret, atque omnia vel planè fortuita præsentiens consilio Fortunam regere videretur. Nec id hercle mirum erat, quum inueterata consuetudine multum ipse solus deambulando meditari, cum peritissimis in omni negotio deliberare, exempla rerum ex analibus repetere, instituta maiorum, quæ euentus belli comprobasset, diligenter imitari esset solitus. Nullæ enim eum voluptates venationis aut aucupij, non alexæ ludus, non illecebræ muliebres, non fannionum aut scyrrarum fabulæ à negocijs auocabant: exercebat corpus modicè ad rationem tuendæ valetudinis, animum remittebat eruditorum colloquijs & frequentii lectione, secretisque item commentationibus ad iustitiam pietatemque reuocatis. Conduxerat liberalibus stipendijs omnium disciplinarum professores, qui in Gymnasio Ticinensi à patre condito, iuuentutem docerent. Bibliothecam porro erecto iuxta delubro in quo diuorum & martyrum reliquæ pretiosis distinctæ loculis seruabantur, rarissimis codicibus refererat. Ex ordine proficentium celeberrimi tum fuere, qui monumenta ingenij posteris reliquerunt, in iure ciuili Baldus, & duo Raphaelles, Fulgosius atque Comensis, & Segnorolus Amadeus. In philosophia Vgo Senensis, & Blasius Pelacanis à Parma, cuius etiam extant in Astronomicis, disciplinaque optices subtilissimæ quæstiones. Tres quoque medici, Marsilius à Sancta sophia, Syllanus Niger, & Antonius Vacca, quorum commentarij in Scolis hodie præleguntur. In tradendis autem Græcæ linguæ præceptis eminebat Emauuel Chrysoloras Bizantijs. Sed supra doctores omnium disciplinarum erat conspicuus Petrus Philargus Cretensis, sacrarum literarum interpres, qui postea Pontifex euasit, & Alexander V. est appellatus. Ex hoc præsertim lectissimo genere hominum, & ex his qui vsu rerum & prudentia valerent consiliarios vberimis honestatos stipendijs asciuerat, vt non planè mirum videri posset, postquam ipse illustri iudicio polleret, si in consilio exactissimè deliberata discussaque, ex voto plerumque felix euentus sequeretur. Cuncta sub eo officia quæ tanti imperij administrationem respicerent admirabili ordine constabant: nihil enim in toto humanarum rerum negotio, domi & foris ipso ordine esse præstantius dislerere erat solitus: quo vno & ipsa in primis res militaris, & actio ciuilis omnis, & domestica disciplina, veluti certissima compage regerentur. Imperia autem iussaque in maximis minimisque rebus de scripto exhibant, & rerum omnium sumptuariæ rationes amplissimis codicibus mandabantur: ex quibus mini strorum fidem & diligentiam exigebat, & per censores quidem spectatè probitatis

probitatis, qui singula pro meritis ad poenam & præmium reuocarent. Erant autem in eius aula infiniti propè librarij amanuenses, atque notarii, qui per singula officia rationum præfectis operam nauarent, tanta curare religionemque, ut non modo totius imperij vrbiūque stati redditus, & custodiarum sumptus, sed si quid in publicis ludorum spectacula impenderetur, & quot scula sigillatim in solennibus conuijs venirent, & quid claris hospitibus donaretur, ad exemplum atque ad memoriam scriberentur. Vidimus in archiuorum eius armarijs, admirandos codices in membranjs, qui in singulos annos ducum & præfectorum veteranorumque militum nomina, singulorumque stipendia, & alarum ac turmarum indices continebant, descriptaque item exempla literarum, quæ in grauissimis gerendi belli & conficiendæ pacis negocijs aut ipse ad principes scripsisset, aut ab illis accepisset: ut si quis istam historiam condere velit, non aliunde vberiore certioreque materiam desideret: quando ex his bellorum causæ, consilia, & rerum gestarum euentus facillimè deprehenduntur. Apud patrem patrumque Barnabam Germanorum & Britannorum aduentu rudimentum militiæ posuit: nec multo post quum vigesimum tertium etatis annum impleisset, à patre commentitio nomine emancipatus est, in patrimonij partem Nouaria, Vercellis, Asta, Alexandriaque ei traditis, ut inde Othoni Montisferrati Regulo semper hosti, nec vnquam quieto, dissimulante patre arma inferret. Sed dum in eo bello versaretur, prodeuntibus Guelphis Vercellas amisit. Allobrogum enim Regulus, quanquam ei esset auunculus, & Flisci Ligures periculi sui admoniti, Othonis sibi finitimi iniurias defendebant: acciuerantque auxilia Pontificiarum copiarum, arcemque Ioannis Galeacij præsidio custoditam circumvallarant, vsq; adeo validis circumpositis stationibus, ut Ioannes Galeacius non semel obfesso præsidio, opem ferre conatus, quod hostes castra castris contulissent, planè circumuentus obsideretur: tandemque præsidium urgente fame, & desperato comite ex conditione arcem dederet. Sed aliquanto infelicius Britannorum aduentu arma tractauit: nam à Ioanne Auchuto Britannorū clarissimo duce qui ab amicitia Barnabæ discedens, Pontifici & Florentinis adhæserat, in Brixiano agro acie victus profligatusque est vsque adeo graui accepto detrimento, ut eius duces ferme omnes cum vexillis caperentur, & ipse celeri fuga è manibus hostium ægrè sese eriperet. Ab his infaustis susceptæ militiæ inijs, cum satis superq; cum virtutis, tum fortunæ suæ periculum fecisse videretur, mortuo patre per legatos bella gerere constituit, quod vnicus patris hæres extra infecti Martis discrimina sibi omnino parcendum, alienaque virtute, quæ pecuniæ mercede pararetur, sub eundam præliorum aleam existimabat: rebaturque uti natura cautus exacteque prudens, & uti mox apparuit, consilio quam manu validior, se domi quam foris feliciorē euasurum, pollicentibus præsertim ex genitura Mathematicis maximas opes, adauctum imperium, hostium calamitates, summamque gloriam si armorum pericula deuitaret. Neque fatidici vates, aut ipse naturæ genius humanæ voluntatis arbiter, fidem secellerunt. Paucis annis admirabiles adeptus victorias, ita inimicos perdidit, cæcidit hostes, imperij fines protulit, ut aridentis fortunæ fiducia subnixus, totius Italiæ regnū affectaret: Iam enim cum Ladislaus Cæsar nouo honoris titulo honesta-

rat, quā ex solennibus codicillis primū Mediolani Ducem sceptro, pileoq; eius dignitatis insignibus per legatos transmissis appellasset. Formidandæ ambitionis principis erant opes, & quod lōgē omnium amplissimæ, & quod vitra summā prudentiā veterano milite, strenuisq; & præclarē fortunatū ducibus niterentur. Scaligeris Veronam atq; Vicētiā ademerat, Carrariensibus verò Patavium, Francisco Seniore in Modoctianum carcerē coniecto: præterea Taruissum, Feltriū, Bellunū, montanaq; oppida cum Tridento in potestatē redegerat. Perusini & Alsifates ad eum à Pontifice defecerant. Senenses tædio incertæ libertatis ad eius auctoritatem finitimos Pisanos secuti se contulerant: quum nec Lucenses imperium eius abnuerent. propterea Florentini non obscuro percussu metu, potentissimi hominis vim suspectantes, ei vndique circummissis per omnem Europam legationibus, graue bellum concitabant, Roberto præsertim Cæsare in Italiam excito, & Gallis duce Armeniacis alpes perductis. Sed eos externarum gentium conatus ita sustinuit, vs Gallos virtute Iacobi Vermij ad Alexandriam ingenti pugna superatos, interfecto duce deleuerit, Cæsaremque à Brixianis alpihus se dimittere ausum, opposito Facinio Cane, primas Germanorum alas profligante, in Germaniam retruferit. Exinde ad vindicandas iniurias pergens, Franciscum Gonzagam Mantuæ obfessum, deriuatis Pado atque Athesi per emissarios, & penè summa vrbe, pacis condiciones accipere coegit. Nouissimè ad Casalecium iuxta Bononiam, Pontificis, Florentinorum & Bononiensium ingentem exercitū, Bernardone Aquitano fortissimo duce capto, collata acie profligauit, ab eaque statim victoria vrbe Bononia potius est, pro qua ab excessu Ioannis Antistitis per quinquaginta serè annos fuerat dimicatum. Nec multo post victricibus copijs in Ethruriam per Apenninum tantum terrorem Florentinis intulit, vt demissi animo ciues, nequaquam in domesticis præsidijs, sed in vna tantum impotentis atque irati hostis morte salutem reponerent. Nec eorum votis fortuna defuit: in arce enim Melenniani, Romana via supra Lambrum pestilenti febre correptus excessit è vita, pridie nonas Septembris, anno à partu Virginis supra millesimum quadringentesimo secundo, quum etatis annum quinquagesimum quintum attingeret, imperasset autem annis viginti quatuor. Duos ex Catharina Barnabæ filia impuberes filios Ioannem & Philippum reliquit. Cum autem ex Isabella Caroli Galliarū regis filia, priore vxore nullam prolem suscepisset, ad instaurandam cum Gallo rege propinquitatem, Valentinam ex eadem Catharina priusmo partu genitam, Ludouico Aurelianorum principi Regis filio nuptui dederat. Quo coniugio, Asta Colonia dotis nomine Valentinx obuenit, ad liberos verò eius hereditatis titulo Mediolanensis imperij iura transierunt, quod Valentinx fratres sine legitima prole decessissent, sinistro quidem omīne, insignique detrimento Italiæ Galliarūque, quod in repetenda ea hereditate, diuturnum & atrox bellum sit exortum, cuius adhuc nullum omnino certum finem videmus. Arsit per aliquos dies ante eam mortem comes ingens, lurida & funebri oblongaq; cauda, versus eam cæli plagam, quæ in Corum ventum obuerritur. Nec eo cælesti prodigio indignus videri potuit, quum nemo principum in Italia à Gothicis vsque temporibus repetita memoria, imperij magnitudine & vitæ splendore eo clarior atque potentio



tior extiterit. quod si victorias inter fortunæ munera numeremus, nemo certe ei vel innatæ grauitatis atque prudeutiæ opinione, vel ipsa oris accorporis dignitate, vel exornandæ virtutis studio, ad censum veræ gloriæ comparandus est: quanquā tanti nominis famam prægrauasse videatur patruus Barnabas exutus regno, in Tritianoque demum carcere necatus, atque illa immensa proferendi imperij cupiditas. Sed hanc quisque non iniquus, neque immoderatus tyrannus, Caisæ Cæsaris exemplo facile excusauerit, si re gnandi causa iusurandum violandum esse existimet, & ipse Ioannes Galeacius in exercenda seuitia, tempestiuus Barnabam, pares atque immeritas struentem insidias, recte præoccupasse censeatur. Contraxit tamen inuidiam eius animo grauem vti seuē rapax & immicis, atque perpetuus vrbium suarum expilator, quum à subiectis imperio concepta odia detegi exerceri que nequirent, quæ demum in morte eius per singulas vrbes eruperunt. Neque enim perpetuo imperatæ pecuniæ onere fessis, satis digna tolerandæ iniuriæ causa videbatur, accersita sæpe vltro gerendi belli necessitas, quod nunquam ex bello pacem expeteret, sed ex pace semper alia atque alia bella quæ rerentur. Nec mirum, quum ferendis bellis viginti millia equitum & totidem peditum perpetuo alenda suscepisset, nec vllis omnino sumptibus parcendum arbitraretur, modo fortissimū quemque ex omni militari ordine inuitatum, vberioribus stipendijs, ob idque facile detractum hosti sibi adficeret. Profitari enim erat solitus, nihil esse ea mercatura nobilius, qua viri insignes pararentur. Obiecit autem & ei probrosas libidines in historijs Antoninus Florentinorū Antistes, inepto & improbo maledicendi genere, in hostem patriæ insolenter inuectus. Nullum autem eius edificium paulo luculentius extat, quum maiores eius vsque ad insaniam domi & foris curias, arces, prætoria sumptuosissimè condidissent. Singulari tamen pietatis & magnificentiæ studio, Carthusiæ templum construxit ad quartum lapidem à Ticinensi paterna arce, vbi ferarum septa terminantur, additis in alimenta sacerdotum latifundijs. In eo templo humari voluit, spectaturque post aram maximam celati operis admirabile sepulchrum, subscriptis ad historias rerum gestarum, quæ marmoreis imaginibus decentissimè figurantur, his carminibus non omnino indignis, vt alibi quàm Carthusiæ perlegantur.

*Cum ducis Anguigeri varijs diuisa sepulchris  
Membra cubent: sic iussit enim. nam viscera seruat  
Antoni tuas sancta domus celebrata Viennæ,  
Cor Ticinensis Michael, Carthusia corpus:  
Hic quoque ad æternum populi patriæque dolorem  
Vexilla, & Clypei, & lachrymosæ insignia pompæ  
Exequialis honos, monumentum flebile pendet.  
Instat & hoc tumuli semper memorabile nostris  
Impositum signum est oculis, lege principis ergo.  
Hic etiam titulos nomenque genusque supremi  
Cuius ab Angleria primus quos protulit olim  
Natus ab Ascanio Troiani sanguinis Anglus,*

Comitibus, si prisca petas primordia clari  
 Nominis, atque domus Vicecomitis extat origo  
 Talibus exortum proavis ducere Ioannem  
 Hunc Galeaz, quo non fama vulgatus illum  
 Nomen in orbe fuit, sacris ingentibus Heros.  
 Ille quidem Anguigeram super aurea sidera gentem  
 Exulit, & sese virtute æquavit Olympo  
 Dux Ligurum, patriaque pater, Comesque Papia,  
 Virtut: ni que fuit, quantum splendebat in illo  
 Imperiosa oculis vis maiestatis, & alte  
 Frontis bonos, tantum specie mortalibus ibat  
 Altior, ut dominum sola esse doceret imago,  
 Quantum lux animi specioso in corpore fulsit,  
 Cognita per varium testantur plurima casum  
 Consilia alta Ducis cuius pietasque fidesque  
 Sacraque iustitia, & clementia sanguinis expers  
 Inuocum fecere animam: Nec dulcior alter  
 Eloquio, nec magnificis præstantior alter,  
 Nec fuit in totis Europa finibus unquam  
 Aptior imperijs princeps, nec sanctior alter  
 Religionis fuit, nec pacis amantior illo.  
 Hanc propter sepe auspicijs iusta arma secundis  
 Induit, & claros superato ex hoste triumphos  
 Cepit, & Ultrices qua nulla est gloria maior,  
 Nullaque compositæ maior constantia mentis,  
 Ipse sui victor de pectore depulsi iras  
 Permisitque pius villis ad sana reuerti  
 Consilia, & medijs pacem quesivit in armis  
 Ipse graues populis cruda de sede Tyrannos  
 Deiecit, fregit tumidos, strauitque superbos.  
 Hic erat vnde quies magnorum certa laborum  
 Italie speranda foret, Duce læta sub isto  
 Illa sibi antiquos iam promittebat honores:  
 Namque videbatur cælo demissus ad vnum  
 Natus, ut indeptis componeret aurea terris  
 Secula & afflicto tandem daret o ciamundo.  
 At deus Ausonia dederat quod sydus agenti  
 Transiit ad superos, sine illo ornare beatos  
 Angelicis ve Choros voluit, seu lumine tali  
 Indignam est ratus Italiam, mundumque nocentem  
 Consilij ratio alta latens & causa superstat.  
 Sed nos ô miseris quorum ille pessimus heros  
 Desistit optata nunquam vigilare saluti,  
 Flete Ducem Ligures, talem lachrymate parentem  
 Vosque vrbes vidua, Princeps quas ille sub altis  
 Felices sceptrisque suis cum pace fovebat.

*Aeternas oculis lachrymas effundite vestris,  
 Ante alias Mediolanā patriā inclita magnū  
 Principis atque caput tantæ diuisionis: et olim  
 Longobardorum domus augustissima Regum,  
 Magnanimoque Duci nuper gratissima sedes  
 Papiæ illustri titulis quas fecerat vrbes:  
 Et vicina sequens matris vestigia Laude  
 Vrbs Pompeiani de laude vocata triumphi:  
 Brixia ciuili nec enervata duello:  
 Funde pares lachrymas quibus alta Verona, sororque  
 Ingenys ornata bonis Vicentia, duris  
 Cognita temporibus: paruaque in montibus vrbes  
 Bellunum, Feltrumque adeant: et pulchra seraci  
 Planitie Cremona sedens, memoreque laborum  
 Vercellæ antiqui tellus agitata procellis:  
 Et cum Derthona secunda Novaria pingui,  
 Pifcosiumve Comum, Populoque animosa superbo  
 Bergoma, et occiduas quas nunquam victor adiuit  
 Nomen Alexandri retinens vrbs fertilis oris  
 Quæque tot egregios in prælia mittit alumnos  
 Parma potens animos, et optima Placentia campis,  
 Et Bonium, et vicina malis vrbs ducta priusquam  
 Sub ducis imperium, et iuga non metuenda veniret.  
 Te quoque Lucensis regio, licet obruta Luna  
 Mœnia sint, reliquis plorantibus vrbibus addas,  
 Quas inter magno est lacerata Bononia fletu  
 Et gemitu, et lachrymis proprium confessa laborem,  
 Quæ sibi syderios subito mors improba vultus  
 Principis eripuit, nec passa diutius illam  
 Atqueestate frui, dulcis dulcedine sceptri.  
 Ite simul, sic fata iubent, sociare querelas  
 Vrbs Pisa, quondam Tyrreni Roma profundi,  
 Massaque Gorfetum, manu vebat inclita secum,  
 Et cum vicino turrata Perusia ploret  
 Assisio, et maxillæ saliant ad sidera voces:  
 Romanum gemat Imperium, Romanaque plangat  
 Ecclesia, hi lachryment oculi duo lumina terræ  
 Raptus uterque pugil, Latys quo maior in oris  
 Non erat: ex Italæ Germanos depulsi hostes  
 Finibus, et Gallos bello confixit acerbo.  
 Ante Quirinalem posset quàm cernere Romam  
 Mille quatercentum atque duos cum duceret annos  
 Sol, hunc atra dies Septembris tertia ademit.*

# IOANNES MARIA SIVE LI- BER XI.



**N**ORIENS Ioannes Galeacius ad testamentū antea ritē conditum additis codicillis, Ioannē Mariam maximae partis imperij, nouiq; tituli heredē instituit, ea cōditione, vt Philippus Papiā urbem obtineret, Nouaria, Alexandria, Asta, Vercellis atque Derthona adiunctis, Papiæ Comes appellaretur. Gabrieli autem ex Agnere Mantegatia spurio, qui erat legitimis gratie superior, Pisas, Cremamq; legauit: atque ita Ioannes Maria delumpto Ducis nomine, susceptisque paternae dignitatis ornamentis ad imperium euectus est, funestis utique auspicijs; nam illico ciuile bellum exarsit Gibellinis & Guelphis inter se recordi

vecordi impetu concurrentibus. Et siquidem diræ factiones contempto adole-  
 scente principe, vetera ciuium odia refricant, quæ superiorum principū  
 virtute sublata videbantur. Is longè grauissimus & summè lugubris tumultus  
 non vrbibus modò atque oppidis, sed pagis agrestibusque familijs, eodem  
 infantiæ morbo correptis, vastitatem attulit: quum cædibus incendijs-  
 que grassari, cognatis & affinibus vltimam vim asserre, sacra denique non se-  
 cus ac prophana violare fas putarent, virtutisque & gloriæ loco ducerent, si  
 ad ostendendum insigne factionis studium maximè crudeles euassissent. Sed  
 dum Mediolani per singulas regiones cruentos euentus alternante fortuna  
 certaretur, eadem pestilentis mali lues, reliquas imperij ciuitates celeriter in-  
 uasit, insigni perfidia præfectorum & ducum, qui orientes tumultus quum  
 facile opprimere possent, turbidis rebus magnoperè gauderent. ñ enim mo-  
 do his, modo illis fauentes, altera partium expulsa, altera verò attritis fessa  
 viribus, subnixi validis præsidijs, vrbium dominatus arripere è medio cogi-  
 tarant. Per hunc modum nullo pudore violati militaris sacramenti, Pandul-  
 phus Malatesta Brixiam & Bergomum occupauit, cuius factum infame sce-  
 lestumque subsequuti Gabrinus Fundulius Cremonæ, Facinius Canis Pa-  
 piæ atque Alexandriæ, Ioannes Vineatus Laudi Pompeiæ: Cremæ Benzo-  
 nes, Placentiæ Arcelli, Othobonus Tertius Parmæ, Franchinus Rusca Co-  
 mi, Brusati, & Tornielli quondam exules Vercellis atque Nouariæ domina-  
 tum inuaserunt. Qua fœda, & repentina ducum atque vrbium defectione  
 consternatus princeps, docente & hortante matre, consilium suscepit decre-  
 ando gubernatore, qui militari cum imperio vrbem regeret, & salutem di-  
 gnitatemque principis præsentibus armis tueretur. Veteres enim consiliarij  
 amicique quos pater in tutelam adolescentis reliquerat, diuerso aestu turbu-  
 lentæ tempestatis iactati, aut securi colla præbuerant, aut exauctorati, aduer-  
 sarijs locum occupantibus metu mortis diffugerant. Itaq; Mediolanum ac-  
 cerisit Carolus Malatesta. is introductis copijs factiosorum audaciam coer-  
 cet, præclarum restituendi imperij & parandæ quietis studium ostendit, fra-  
 trisque filiam principi in matrimonium collocat. Sed non multò post, quòd  
 Guelpharum partium nomen præferret, vrgentibus patritijs Mediolano ex-  
 cedere cogitur. Euocatus subinde est in eius locū Facinius Canis bello dux  
 impiger, sed impense rapax & vehementer factiosus. Verùm is multis expé-  
 ditionibus prosperè confectis, quum parum equus & reipublicæ utilis foret,  
 quòd Gibellinarum partium se defensorem & ducem profiteretur, Guelpho-  
 rum insidijs petitus, atque vrbe vsque adeo violenter exactus est, vt cum cir-  
 cumfusus in eum coniuratis, ne caperetur per auersam Aëtianæ curiæ portu-  
 lam adacto equo in fugam se proriperet, confusa vehementer fronte in val-  
 uarum angustijs, relicto coccineo capitis integumento, continenti cursu Ro-  
 satum vsque percurreret. Tum verò Guelphi Antonio Turriano cohortan-  
 te, qui apud principem quanquam nomine familiæ odiosus esse deberet, ta-  
 men plurimum gratia valebat, Ioannem Mariam perpulserunt, vt in Faci-  
 nij locum, cum eadem imperij potestate Bucicaldum Gallum acciret. Is tum  
 à rege Galliæ deditis vltro Liguribus præpositus Genuæ præsidem agebat,  
 vir corpore pariter & ingenio vastus. Itaque stipatus Gallis equitibus, quum  
 Mediolanum venisset, ante omnia infido consilio, vt arce potiretur custo-

dis animum oblata pecunia tentauit. Id facinus malignè susceptum, quanta  
 minimè ex sententia processisset, cuncta ad superbum abitrium reuocanda  
 ratus, cdictis propositis & percussa sub nomine suo moneta, ita impotentis  
 animi libidinem nudauit, vt non Ioanni Mariæ modò, sed vtriusque etiam  
 factionis ciuibus in suspicionem affectati principatus venerit. Sed dum Me  
 diolani hac inani spe immodicos spiritus alit, atque odium sibi ingens pa  
 rat, illudente Fortuna votis eius Gallica praesidia occiso à Spinulis Serrato  
 ne praefecto, Genua pelluntur, Theodorusque Montisferrati Marchio, stre  
 nue operam nauante Facinio, Genuæ Princeps acclamatur. quo nuntio per  
 territus, nec ab re sibi timens, priusquam tanti accepti incommodi fama vul  
 garetur, simulata expeditione in Ticinenses, copias Mediolano eduxit. quem  
 Facinius euadentem ad Nouium oppidum adortus, adeo opportunè com  
 missa pugna profligauit, vt Bucicaldus amissis copijs Genuæ & Medidiola  
 ni praefectura vno tempore exutus, per asperos Alpium tramites in vltério  
 rem Galliam perfugerit. Hic est ille Bucicaldus, qui Gabrielem Ioannis Ga  
 leacii filium, auaro truculentoque iudicio Genuæ securi percussit, vt præ  
 grandi ea pecunia potiretur, quæ illi obuenerat, quum Pisas Florentino se  
 natui vendidisset. Per id tempus Ioannes matrem amisit, tantis curis, vt erat  
 corpore imbecillo, facile succumbentem: cuius peruerso consilio non mul  
 to antè, vt propinquas vrbes facilius tueretur, aut occupantis Tyrannus  
 eriperet, ceteras quæ remotæ ditionis erant, Bonifacio pontifici tradendas  
 censuerat, scilicet vt eo insigni munere inane promeretur amicitia, & tu  
 telare scdus afflictis & planè perditis rebus impetraret. Per hunc modum  
 Bononia tantis impensis atque laboribus parata: itemque Alsissium atque  
 Perusia Vmbriæ vrbes Mediolanensi imperio adiectæ, quum ex calamitate  
 leuitateque Ioannis, Fortuna eodem pertinaci vestigio nixa, alienæ felicitati  
 aspiraret, in ditionem Pontificij imperij concesserunt. Pari quoque ignauia  
 aut desperatione Senensibus obruncato Corregio praefecto deficientebus,  
 libertatem cruentis admodum seditionibus implicatam reliquit. Ceterum  
 nihilo secius Mediolani certabatur, recrudescentibus ciuium odijs, per mu  
 tuas cædes, quòd neque victi vindictæ cupiditate pacem vellent, neque vi  
 ctiores victis inducias tanquam successu damnosas dandas putarent: quibus  
 rerum difficultatibus adductus princeps, quod vnum omnino remedium in  
 tanta ciuitatis perturbatione tranquillitatem afferre posse videbatur, Faci  
 nio datis obsidibus, sese reconciliat, eumque iterum accersit, & bellicarum ci  
 uiliumque rerum moderatorem cum suprema potestate creat. eius aduentu  
 Guelphi qui sub Bucicaldo insolentes euaserant, arma posuerunt: quiescenti  
 busque demum Gibellinis atque vrbe pacata, Facinius Bergomatibus bellū  
 inferre iussus trans Abduam ducto exercitu, rebellatis vrbis agros omni belli  
 clade vastauit. Sed cū Bergomates consumptis hostili igne suburbanis tectis  
 ne extrema paterentur, se dedere decreuissent, Facinium articularis morbi, re  
 numq; dolores vsq; a deo grauiter inuaserunt, vt abscedere irritò incepto, Pa  
 piamq; deferri cogere tur. Is morbus qui Facinio supremus fuit nouadis rebus  
 occasione præbuisse fertur: summæ nanq; audaciæ turbulenti ciues in necem  
 principis cōiurarunt. in quæis eminēbāt Baucij fratres Andreas et Paulus ex in  
 timis familiaribus, duo Pusterlæ pernobiles, et Franciscus Mainus, Bertonus  
 Mant-

Mantegatus, & Acontius Triuultius. Hos tanquam duces ex utroque factio-  
nis ordine alij supra triginta sequebantur: neque fuit quisquam tanto numero  
qui in summa spe amplissimi præmij fidem prodendo fallere voluerit, quum in  
vitæ periculum ex suspecta confciorum multitudine subiret: oderant enim  
eum omnes tanquam inuoluntate immanitatis Tyrannum, quod in tanta per-  
nouem annos grummosi imperij rerum omnium asperitate, infanæ seruitutis  
morbum concepisset, vsque adeo horrendum, vt iracundia in rabiem versa,  
damnatos aut sibi inuisos voracissimis canibus laniandos obijceret, eoque a-  
trocis spectaculo magnopere lætaretur, haberetque in delictis Squarciam Gi-  
ramum alioqui honesta ortum familiam, inhumanæ fœuitiæ ministrum, qui  
ad eam carnificinam ingentes molossos humana carne alendos suscepisset.  
Dijs itaque atque hominibus tale monstrum abominantibus postridie Idus  
Maias sacrorum causa in templum diui Gothardi descendente Baucij fra-  
tres, reliqua coniuratorum manu incumbente duobus vulneribus consece-  
runt discissa vsque ad oculos fronte, & dextro crure ad suram detruncato.  
Exanimem & aliquandiu ab omnibus desertum pauci ex infimo familiæ or-  
dine in templum maximum detulere. Ibi cum fœdis vulneribus & multo  
cruore deformatus non sine ludibrio spectaretur, infimæ sortis meretrix tē-  
pestiuæ pietatis officium vsurpans, totum cadauer multa recenti rosa conte-  
xit. Inde postea à Philippo successore opulentam dotem, vt honestè nube-  
ret ingenuæ charitatis nomine habere promeruit. Eodem die Giramus sce-  
lestus carnifex concursu populi latebra extractus, quum viuus vnco traheretur  
proianua damnatæ & mox ad solum equatæ domus, horribili meri-  
toque supplicio affectus est. Ipse quoque Facinius copiarum Imperator, quum  
ei insuperabilis morbus vitæ finem afferret, nunciata cæde principis duces  
militesque suos obrestatus, vt percussores persequerentur, Philippoque ad  
principatum hæreditatis iure contendenti sortem atque fidelem operam  
præstarent: paucas post horas expirauit, magno quidem coniuratorum com-  
modo, qui nemine principis cædem vindicante, Hastorem Bar-  
nabæ ex cocubina filium bello strenuum paternosque  
spiritus gerentem magnis acclamationibus  
ad principatum extulerant,



# PHILIPPVS

## SIVE LIBER XII.



**I**OHANNES Maria interfecto, atque eodem die expirante Facinio, Philippus qui captiuo per similes incertusque salutis in arce Papiæ supremum vrgentis Fortunæ impetum expectabat, inopinato Facinij dudum hostis munere subleuatus, animum erexit ad non dubiam spem recuperandi principatus, cohortantibus Facinianis ducibus, qui quum in supremam morientis imperatoris sui voluntatem, per coniunctas dexteras fidem datam fallere nefas putarent, vii viri militares etiam gerendo bello materiam quærebant. Deerat pecunia exercendæ virtutis neruus, sed ea subitario prouentu à Beatrice Tenda vxore Facinij celeriter impetratur propositis cum nouo principe nuptijs, quas ipse Facinius in extremo vitæ actû suasisse ferebatur.

cas

eas abnuū Philippus tanquam gēte fortunaque impares. Itaque leuis mulier  
 īte īpeſtiū libidinis, & maioris imperij auidā, vix deterſis lachrymis inau-  
 ſpicati coniugij thorum ſubie, quaterque centena millia aureorum nummū  
 dotis nomine dinumerat. Nec mora inſtrūto exercitu Philippus Mediola-  
 num contendit, obſidebat arcem Haſtor circumuallatā magnis opēribus:  
 ſed ductū Franciſci Carmagnolæ Caſtelliniquē Beccariæ, Philippi milites  
 munitiones perrumpunt, Haſtoremque ad Comenſem portā accerrimē re-  
 ſiſtentem proſtigant. Tum vērō Philippus urbem ingreſſus per præcones  
 in compitis pronuntiare iubet, ſe nemini exceptis fratris percuſſoribus ho-  
 ſtem futurum. ſtatim acclamatus princeps ſingulari totius populi ſtudio in  
 curiam Actianam deducitur. In eo tumultu Paulus Baucius, & Franciſcus  
 Mainus principes coniurationis & cædis intercepti, tēterrimo ſupplicio ad-  
 miſſi ſceleris pœnas dederunt. Exinde Philippi duces ad oppugnandam  
 Modoetiam, quo ſe receperat Haſtor proſecti ſunt. nec multis inde diebus  
 id oppidum in potēſtatem deuenit, & Haſtor qui in arcem reſugerat, quoniam  
 ad puteum ſederet, tormenti in incertum emiſſi lapide coxam iſtus inte-  
 rijt. Exincto graui æmulo, & propter ſtudia Guelpharum partium ma-  
 gnopere metuendo, Philippus auctis opibus Tyrannos adortus incredibilē  
 felicitate aliquot vrbes paterni imperij recuperauit, Pandulpho in primis Ma-  
 laſtea Bergamo Brixiaque depulſo, Ioanne Vignato Laudenſium Tyran-  
 no capto & latronum more in furca ſuſpenſo: Arcellis Placentiæ necatis,  
 aut in exilium pulſis: & Franchino Ruſca, qui Comum occuparat, certa præ-  
 miij conditione ea vrbe eiecto. Verum incredibili læticia Philippum affe-  
 cit Gabrinus Fundulius Cremonenſium Tyrannus felici aſtu captus. Is  
 cum medio in foro Mediolani conſpecta ſupplicij machina ceruices ſecuri  
 ſubdere cogeretur, hortarenturque eum de more cucullati ſacerdotes, vt ex  
 diſciplina Chriſtiana composito animo vitæ exitum ferret, patratumque  
 ſcelerum ſperata inde à Deo Maximo venia ritē pœnitere vellet, contortis a-  
 trocibus oculis, Deſinite inquit mihi indignē perfidioſeque prodito mole-  
 ſti eſſe: nam tantum abeſt vt me iure belli ſactorum pœniteat, vt maximē et-  
 tiam doleam, quod Papam ſimul atque Cæſarem ad immortalem clariffimā  
 facinoris ſamam, ē mea turre minimē præcipitarim. Paucos enim ante an-  
 nos Balthaſarem Coſſam, Ioannis xxiij nomine pontificem, & Sigifmundū  
 imperatorem hoſpitiū exceptos, ſtudioque peramœni atq; admirabilis pro-  
 ſpectus in ſumam celeberrimæ turris coronam inuitatos inceſſente atro-  
 cem animum dira libidine in ſubiectum forum prouoluere cogitaret, neque  
 aliud omnino vel grauiffimē rei reſpectus duo totius orbis lumina ſeruauit,  
 quā in nefario Tyranno non ignobilis obortus pudor, ne hoſpitalis menſæ  
 religionem, cui ipſe honoris cauſa conuiua adhibitus eo die fuerat, non crude-  
 lis quidem ſed ingrati animi piaculo ſœdaſſe videretur. Cæterum Philippus  
 & fraternam cædem & Tyrannos probē vltus, ſreſque mirifica virtute cla-  
 riſſimorum ducum Carmagnolæ & Nicolai Picinini, ad recuperandas remo-  
 tiores paterni imperij vrbes animum adiecit: Veronam enim Veneti, Piſas  
 Florētini, & Bononiam pōtifex Romanus ademerant. Sed ab eo conſilio nō  
 iniquo iure ſuſcepta bella geſtaq; demū per triginta et ſeptē annos aliquanto  
 maiore virtute quā fortuna totius Italię vrbes grauiffimis cladib; affecerūt,

cumque postremo belli euentum Philippus tulit, vt conspirantium inter se liberarum ciuitatum consilio atque opibus impar, Bergomum & Brixiam amitteret, & Genuæ dominatu pelleretur, quum ipse domifederet paternoque exemplo, sed nequaquam parifortunæ conditione gerenda bella per legatos arbitraretur. Verum in hac perpetua & semper ancipiti difficillimarum rerum agitatione, maxime constantiæ & generosi consilij laudem tulisse videri potuit, quum sepius terrestri aut nauali acie victor, sed sepius victus, eisdem semper spiritus indomitæ virtutis gesserit. Intentus enim & erectus ad tuendum nominis decus, quum sæpe fortunæ aleam subiret, nullo sumptu nulloque periculo deterri poterat, quanquam natura esset pertimidis vsque adeo, vt vel mediocri tonitru audito formidine quæretur, & subterraneas latebras amenti similis quæriraret: secreto cubiculo maxime gaudebat, & in id paucissimos admittere, arcere saluentes, negocia tractare per interpretem, & denique reformidare cætus hominum solebat: hebetata enim oculorum acie quod ad euntium facies non plane discerneret, assiduo nomenclatore & monitore dissimulanter utebatur, ne omnino captus oculis à minus familiaribus putaretur. oblectabat autem ocium historiarum lectione, quarum Antonius Panhormita literarum nomine præcipuo in honore habitus, aliquandiu fuit anagnostes. Verum incolumi adhuc oculorum lumine, libentissimè adolefcentium pila ludentiū, aut luctantium certamina obducto ad fenestram speculari despectabat, vt ludentes eum spectare nescirent, cum tamen adesse crederetur. Inde enim eorum formæ decus, explicatos artus animique vigorem inspicere, & quos ex eius exercitationis indole maxime probasset, ad mensæ cubiculique ministeria deligere erat solitus. Sed eam voluptatem Candidus December illius ætatis scriptor iniquo felle turgidus, cum omisis laudibus quæ in Philippo celebrandæ fuerant, vitia notaret, ad suspicionem libidinis reuocauit. Erat Philippus inflæxu præsertim ætatis ingenio, suspicaci, feruido, mobili, sæpeque sæuo, quum teneræ eius aures delatorum aculeis figeretur. Nec deerant ex intimis amicorum factiosi, alienæque laudis obrectatores, qui recte sentientem sepius depraurent: inter quos Oldradus Lamponianus ab adolefcentia cubiculis assuetus gratia autoritateque tantum valuit, vt Carmagnolam summum ducem magno Philippi incommodo, alienare, atque extrudere potuerit. Adijt & graue salutis periculum ipse Franciscus Sfortia iam ascitus gener, falsis scilicet criminibus oneratus, cum vno innocentie præsidio à multis beneuolis egerrimè defenderetur. Verum Philippus ingrati sæulque animi infamia se se turpiter sordasse visus est, cum Beatricem vxorem adulteri cum Orumbello Citharædo admissi ream, nec in tormentis quicquam contra pudicitie decus confitentem securi percussit, impari vt ferunt coniugij pertæsus, cuius tamen non dubijs opibus ad imperium peruenisset, vt demum Amadei Sabaudij filiam euentu sterilem duceret, non sine dote modo confectis nuptijs, verum vt soceri societatem promereretur, vltro traditis Vercellis. Id quoque famam eius vehementer premit, quod alioqui in amore odioque instabilis, tum maxime firmus atque inexorabilis euaderet, quum veteres iniurias nouis beneficijs nequaquam pensandas arbitraretur, vt in Castellino Beccaria mox apparuit, non ob aliam causam in carcere necato, quam quod recentis operæ fideliter strenueque præstitæ obliuisceretur.

veteris perfidiæ quæ is Papiam Facinio prodiderat meminisset. Sed vno memorabili inusitatæ virtutis præconio Philippus vitiorum labes præclare aut deterfit, aut operuit, quum Alfonso regem nauali prælio ad Pontiam superatum & captum, incredibili benignitate magnitudineque animi non custodia modo liberarit, sed ex cultum eximij muneribus & prægrandi pecunia instructum ad repetendam Neapolim dimiserit. Rarissimo quidem & incomparabili generosæ demeriti exemplo, si vi decerpendæ gloriose laudis prouentu superiorum atque eorum qui postea toto orbe regnarunt principum animos nobili censura metiamur. Superavit etiam maiores suos domestici splendoris munificentia cum clarissimos hospites acciperet, in quibus fuit Martinus Columna Pontifex maximus, cui marmoream statuam posuit, & Sigismundus imperator ingentibus donis cum vniuerso comitatu liberaliter expletus. Excessit vitæ nondum sexagenarius ex atroci febre, & in multam bilem soluta repente aluo, pridie Idus Augusti, anno à partu Virginis quadragésimo octauo supra Milleimum & quadringentesimum, cum circumuentus Venetis armis, & Mediolani ferè obsessus, Franciscum Sfortiam generum diu antea pro hoste habitum, opportuneque in gratiam receptum, è Toga Gallia euocandum curasset, vt grauissimis hostibus summx virtutis atque felicitatis imperator opponeretur. Ferunt eum iusto odio contra Venetos æstuantem diu agitalle animo, an Alfonso regem genero præferret, iureque hæredem relinqueret: vt eo inclyti opulentissimi que nominis propugnator, ambitiosæ & præpotētis Venetæ gentis audacia frangeretur, sed amore Blance filix quæ iam Galeacium Sfortiam ad spem imperij in agro Piceno pepererat, generum eundemque solenni adoptione filium prætulisse, præcipuis supremi decreti suasoribus Andrea Birago & Petro Pusterla: cum diuerso studio Brocardus Persicus & Franciscus Landrianus pro Alfonso contendentes, victique suffragijs, absententia popularis inuidiæ plena discessissent, multis ciuium indignantibus, quod pro homine longè omnium humanissimo, atque fortissimo, qui iam adoptione filius, Blanceque vnice Philippo genitæ maritus, atque obiter Vicecomitum stirpi insertus esset, externi sanguinis ignotæque linguæ, suspecti denique ingenij vir stultissimo paucorum consilio ad patriæ dominatum vocaretur: quo consilio, breui colonis Hispanis urbem Mediolanum totamque Insubrum regionem, ad non dubiæ calamitatis euentum esset repleturus. Fama tamen in vulgus manauit exaratum fuisse codicillum, quo priori testamento subderetur, sed expirante Philippo priusquam testibus adscriptis obsignaretur, fuisse discerptum, quod vsque adeo grauiter Alfonso tanquam malignè exclusus tulit, vt ea suppressi codicilli iura Alfonso nepos ætate nostra respiciens, vt sibi totique Italiæ clades pararet, intemperanter aspirarit. Caruit marmoreo sepulchro Philippus, quum in arca lignea aureo contexta panno conderetur: eam in sublimi fornacis inter columnas sustententibus tignis supra aram maximam suspicimus, sed in infimo pariete affixum tale carmen legimus,

*Clementissimus atque liberalis  
Insubrum dominus, Philippus hic est  
Vixit regibus vnico duobus  
Qui bello, manicaque compedesque*

*Leuari iubet, in suasque abire  
Donatos opibus Lucullianis  
Sedes, & sua regna liberatos  
Tetro carcere. Discite hinc Tyranni,  
Sunt hæc munera Principum, superbos  
Debellare, pios & esse victis.*

## ARGVMENTVM DEVOLV- TÆ HÆREDITATIS AD AVRELIA,

NORVM PRINCIPVM DO-

*mon breuissima narratione ex hi-  
storijs explicatum.*



**P**HILIPPO vita functo, quod in eo Vicecomitum principum vetusta progenies à Matthæo Magno ducta defecisset, Mediolanenses sese in libertatem vendicarunt. Nam Barnabæ principis legitima virilis proles, ex tot liberis atque nepotibus præter quosdam spurios, tota perierat. Neque Ioannes Maria à coniuratis prope sublatuſ est Malateſta, neque Philippus ex Beatrice Tenda, nec demum ex Maria Sabaudia planè ſterili, inauſpiciſ vxoribus liberos ſuſceperant. Relinquebatur Blanca, quam Philippus ex Agnete Maina nobili concubina ſuſceptam Franciſco Sfortiæ conſeſſa in dotem Cremona collocarat. Verum hæc quod ſpuria nomen præferret, quanquã aſcitiſ iure legitimam pater feciſſet, paterni imperij hæreditate indigna putabatur. Ita vt tota ea dicto iure poſſeſſio Valentinam Philippi ſororem omnino reſpiceret. Hanc Ioannes Galeaciſ pater Ludouico Caroli Quinti Gallia regis filio nuptui dedit Aſta vrbe dotis nomine, conſeſſa: ad id quoq; ſuperaddita conditione, vt ſi fratres nouæ nuptæ ſine liberis decederent, ipſius demum Valentinæ filij legitimi que ſucceſſores Inſubrum principatu potirentur. Sed tabulis eo modo conſeſſis Romani Cæſaris autoritas deerat, cuius muneris eſſet appellare principes, Regna dono dare, in clientelam Regulos aſciſcere, et translationis hæreditatibus aſſentiri. Itaque vt Valentinæ, eiſque liberis ritè cauereſ, quod nulluſ tum ex interregno certuſ Cæſar extaret, altercantibus in comitio Germaniæ proceribus ad Romanuſ pontificem eſt decuruſ. Is præclare aſſenſu ſuo Cæſaris vices impleuit, quod ſupremæ poteſtatiſ iure ritè præſtari poſſe videretur, à ſummo ſcilicet ſacroruſ principe, præcipuoque humani atque diuini iuriſ interprete & conditore legum: quandoquidẽ Cæſar ipſe qui antequo Romani pontificiſ beneficio in media Germania ſeptemviriſ ſuffragio crearetur: inungenduſ demum ab eo appellanduſque Auguſtuſ, & denique aureo diademate coronanduſ foret. Cæteruſ confirmatiſ eo modo dotaliſ tabuliſ nonnulli ex ordine Iuriſconſultoruſ Cæſareo nomini impenſe fauenteſ reperti ſunt, qui diſſentire viderentur, vt pontificiſ authoritate ſpoliarent, interpoſita ſcilicet ſubtiliore quadam legiſ interpretatione, quod nulluſ omnino iuſ pontifici eſſe videretur in transferendiſ adiudicandiſque regnorum ſeudiſ, tametiſ per ampluſ foret, in hiſ linuſ controuerſiſ, quæ à præſenti

presenti iudicio festinatæ decisionis remedia flagitarent. Verum hæc aliquanto cauillosius quàm probum iuris professorem deceret, inducta, vel hoc vno vitidæ rationis exemplo falsissima Aureliani censere, quum & Delphinatus perampla veterum Allobrogum ditio, & Arelatensis Prouinciæ regnum auctoritate Pontificia non dubio tum, sed certo iure translata atque adiudicata fuisse constet. Itaque Valentiniæ Ludouicū coniugem, insidijs Ioannis Burgundix ducis apud Lutetiam immaniter interfectum, suo fato subsecutam filijs susceptis Galliæ Cisalpinæ principatum certissimo hæreditatis iure reliquisse. Quoniam alios prioribus iure consultis nihilo doctiores, sed pudentiores tamen, quod causam prioris quæstionis, de Pontificia facultate, tanquàm reiectam falsim & explosam deserant, adinuento diuerticulo obliqui tramitis in causæ caput deferri, vt in dubium reuocare non dubitent, an Valentiniæ pater legitimi veriq; Cæsaris munere Mediolanensis ditionis princeps & dux fuerit appellatus: quasi Ladislaus insigni studio maximè patris suffragantium Germaniæ procerum Cæsar salutatus, & acclamatus id liquidissima potestate præstare nequiverit, quoniam à Roberto Baioario pseudo Cæsare seditionis armis ex infelici emulatione peteretur. Id igitur cum faciliè tanquam inane commentitij iuris argumentum ab omnibus refellatur, Valentiniæ sua iura probè defensa relinqui. Peperit autè Valentina tres mares, Carolum scilicet, qui Aurelianorum principatu Ludouico patri successit, & Ioannem Angolis morum regulum, qui huius Francisci primi Galliæ regis bellica laude, & optimorum studiorum amore valde in clyti paternus auus fuit, & Philippum Vir tutis oppidi Comitem, in quem ditionis titulum, Ioannes Galeacius ducta Isabella Caroli sorore, nomine dotis vocatus antea fuerat. Tribus quoque fratribus accessit soror, quæ, quod minimè prætereundum videtur, Fusio in Aquitania nobilissimo regulo nupta, Gastonem inuinitate virtutis adolescentem protulit. illum inquam antè imperatorem quàm militem terrificum belli fulmen in ipsa partæ victoriæ gloria Rauennæ extinctum. Cæterum ex Carolo qui Britannico bello captus multis annis Londini in custodia fuerat, Mariæque Cleuensi Menapiorum principis filia natus est Ludouicus rex Galliæ eius nominis Duodecimus. Is Carolus audita Philippi auunculi morte occasione minimè defuit, quin transmissio in Italiam cum iustis copijs Raynaldo duce hæreditatem vindicaret, verum à Raynaldo strenuo hercle duce, sed valde præpropere, Fortuna nequaquam stetit. Alexandria enim fermè tota vltra Tanarum capta, quum oppidum Castellaccium oppugnaret, eo euentu cum Bartholomeo Coleone, Astoreque Fauentino Mediolanensis Reipublicæ duce, prælio decertauit, vt profligatis eius copijs, fortiter, sed postremò frustra repugnans caperetur. Eo tempore Veneti inualidum adhuc incertæ libertatis statum inuaserant, ita vt singulæ imperij ciuitates, quum Mediolanensibus cuibus parere, subesseque indignarentur, novos sibi dominos quærerent. Placentini & Laudenses sese vtro Veneris dederunt: Papienses & Derthonenses Franciscum Sfortiam receperunt: Nouarienses Vercellis proximi ad Sabaudium inclinabant. Sed Franciscus Sfortia Mediolanensium auspicijs Venetos ad ortus expugnata Placentia, Laudeque recepta, ita eorum vires memorabili prælio ad Caruagium contudit, vt Veneti maximi periculi metu, & felicitate tanti ducis perterriti, cum Sfortia pacisci cogerentur, ea tum

insidiosè oblata conditione, vt si in Mediolanenses arma conuerteret ad parandum ex focii testamento Principatum, ipsi in id bellum validas copias, prægrandemq; pecuniam conferrent. Itaq; Sfortia deterſo pudore, in hanc spem à fortuna subleuatus, cum alienati animi causas prætenderet, illico direm tamicitiam, armaque intulit. Nec multo post votis eius vehementer aspirante victoria, Veneti ab eo pari impudentia ad Mediolanenses defecerunt. Sed Mediolanensibus turbidè & cruentè rempublicam administrantibus, inuicti du eis virtuti fortuna comes fuit. Nam breui Mediolanenses armis fameque perdomiti, frustra adiuuantibus Venetis Sfortia se dederunt. Idem fecere reliquæ ciuitates. pacatisque demum rebus, Franciscus, vt imperium armis paratum Cæsaris autoritate stabiliret, per legatos postulauit à Cæsare, vt quod adoptionis iure consecutus esset, Augustali diplomate confirmaretur. Verum quod id multo maiore pecunia quam putarat, coemundum foret, Cæsaris munus generosè contempsit. Vir enim magnitudine virtuteque animi nemini secundus, ineptum, & ab grati tenuitate prorsus alienum existimabat, cum dignitatis titulum ex venali membrana ceraque Cæsaris præferre, quem spectata bello virtus, & inuicta arma detulissent. Galeacius quoq; eius successor paternum secutus exemplum, in ea re comparanda ne mediocrem quidè sumptum faciendum putauit, ita vt primus Sfortianæ gentis Ludouicus, id Cæsaris diploma à Maximiliano quatercentum millibus aureis nummis impetratum, ambiciosè quæſerit, excludo Galeacii fratris filio: quoniam ipse Franciscus patre dominante, hæreditateq; potito natus esset, secus ac fratri Galeacio, apud Firmum Piceni agri nato educatoque in priuata patris fortuna contigisset, qua natalitij iuris prærogatiua, ex historijs Cornelij Taciti repetita, fratre eiusq; liberos & nepotes antecedere videretur. Ea diplomata impetrata sunt, quæ Carolus Octauus Gallia rex ad repetendum ex antiquo iure Anegeuentis hæreditatis Neapolitanum regnum superatis alpiibus Papiam venit, vt Ioannem Galeacium inuiseret biduo post moriturum. Quo non sine suspitione veneni vita functo, Ludouicus patruus desumptis insignibus Mediolani Dux & princeps acclamatur. In eo autem diplomate, tanta scilicet pecunia coempto, diserte appositum fuerat, vt ipse liberique eius & successores legitimè procreati Mediolani Duces appellarentur. Subiungit quoque Corius historiæ scriptor, huic diplomati ad vnguem transcripto insertoq; historiæ volumini, codicillos appositos fuisse, aliqua, vt credi par est, superaddita pecunia, quo benignus ac apprime liberalis Cæsar ad nothos & spurios, si legitima proles interisset, eadem principatus iura transferebat. Sed horum solemne exemplar non comparuit, suppressum vtiq; si exitit, quod non affirmauerim, à Ludouico, demum à Maximiliano Franciscoque liberis: at mox extincto Francisco in manus Cæsarianorum à Maximiliano Stampa arcis custode ex scrinijs Sfortianis traditum, quanquam is, vt nonnulli Sfortiano nomini fauentes prædicat, exempli copiam Ioanni Paulo Ludouici ex concubina filio, benignè, sed occultè fecisse dicatur. Cæterum non toto vertente anno quum rex Carolus ex incruenta celerique victoria eiectis Aragonijs formidandus euahisset, propterea que non inani metu ad arma consternati principes à Carolo discessissent, Ludouicus Aurdianus ab Asta sua vrbe promotis regijs copijs Nouariam occupauit, vt inde fretus occasione noui belli, cernendæ hæredita-



tis iter aperiret. Iamq; Insubres trepidante Sfortia, ad defectionem animos inclinabant. Sed is conatus ad recte exploratam facilemque victoriam secundo euentu caruit. Quum Ludouicus ingenti federatorum hostium exercitu post Tarrensem pugnam oppugnatus, & obseſſus Nouaria excedere cogeretur, Carolo rege cunctatius atque tepidius quam oporteret opem ferente. Verum triennio post Carolo sine liberis vita functo Gallie regnum consequutus, inito cum Venetis federe, Sfortiam vehementi impetu expulſit, reuerſumque de mum ex Germania ad Nouariam viuum corripit. Eo modo sine vulnere Insubrum principatu potitus, quanquam nihil ſibi yſſo tempore timendum putaret, uti erat extimie prudens, & vtramque fortunam probe expertus, quod hæreditate legitima, & iuſtis armis vendicatum arbitraretur, autoritate Cæſaris corroborandum exſtimauit. Igitur cum Maximiliano Cæſare, qui ex Tridentinis alpiſus ad Benaci lacus ſines peruenerat, numerata pecunia tranſactum eſt, procurante eius negotij tabulas Georgio Ambroſio Rotomagenſi Cardinale in hanc formulã, Vt Ludouicus eiusq; gener ex Claudia filia, Franciſcus Angoliſmorum regulus, liberique demum eius poſteri ſucceſſores beneficiario iure, Mediolani duces appellarentur. Verum Germani Cæſaris conſiliarij in ipſo concepti diplomatis contextu, particulam trium verborum inferebant, quæ conſeſſionem ſine præiudicio alieni iuris factam oſtenderet, quod Cæſar pudore incolumi prioris diplomatis ſeptennio ante Ludouico Sfortiæ, eiusque liberis conſeſſi penitus obliuiſci non poſſet. Aderat tum Georgio Cardinali Gioſfredus Carlius Senatus Mediolanenſis Præſes iuris intelligentia clarus. Is ad auertendas ſerendæ litis occaſiones egregie cautus eam trium verborum ſententiam nequaquam ex uſu regie petitionis eſſe diſſerebat, quod non exiuncta omnino, ſed rediuiua Sfortianorum iura non obſcurè denunciaret. Sed Georgius vt quoquo modo tranſigeretur, cõſtantibus in id Cæſaris conſiliarijs, ea verba generoſè contempſit, quum diceret ipſo Ludouico Sfortia patre in Locenſem carceris caueam coniecto, filios impuberes, qui apud Belgas in hoſpitali diuerſorio inopem vitam traducerent, potentiſſimo regi ſerò litem moturos. Neque Gioſfredus in præſentienda lite falſus omnino vates fuit, quando ea demum ambigui acideo funeſti iuris particula non Italiam modò ſed Europam omnem inuecto exitiali bello maximè conturbauit. Siquidem Ludouico Duodecimo poſt ſubactos Lugures, Venetosque terreſtri imperio penitus exutos, ad conuellendam Iulij Pontificis autoritatem Concilium Piſis indicente, non aliunde Iulius pontifex quàm ex his tribus verbis tuendæ dignitatis occaſionè arripuit, vt Maximilianus Sfortia in paternum principatum reduceretur. Sicuſ & Leonem Pontificem octo poſt annos, eandem belli cauſam ſecutum, vt Parmam Placentiamque reciperet, Mediolano Gallos depulſiſſe meminimus. Non deſuere tamen ſummæ grauitatis iuriſconſulti, qui ea verba tanquam obſcurè diſſimulanterque prolata & deſcripta in ſolemnes codicillos non perinde valere iudicarent, ac ſi diſſertè expreſſeque ad declarandam ſinceri ſenſus ſententiam appoſita fuiſſent, præſertim in grauiſſimis, vt aiunt, feudorum conſeſſionibus, in quibus aperte & plane ſcienter ad non dubiam æqui iuris intelligentiam cauſe oporteat. Sed huiuſmodi controuerſias vel eruditiffimi legum intérpretes nunquam tempeſtiuè deſiniunt, quum magnæ lites non in foro, ſed pro caſtris Marte ius

Dice dirimantur. Dedit itaque Franciscus rex, non grauātē multis obtestationibus Clementis & totius Italiae precibus, quod non aliter grauisimo bello finis imponi posset, vt tantisper de fure suo decederet, & Sfortiam regnare pateretur, quem à Caesarianis Maiestatis reum factum, ac impotentibus circumuentum armis paulo antè transmissis auxilijs adiuuaret, ipso praesertim Carolo Caesare magna tum æquitate moderati animi Franciscum Sfortiam Bononiae in gratiam Augustique Imperij clientelam recipientē. Sed Sfortia eo Caesaris beneficio & Francisci regis indulgentia diu vtī non potuit: repentina enim & inexpectata populis morte sublatus est, vt nouas fatalis belli causas aperiret, quo iterum Europa vastaretur. Igitur rex Franciscus Sfortiana stirpe penitus extincta, tota eius ambigui iuris suspicione liberatus, à Caesare qui tū ex Africa nobili parta victoria reuersus, Neapolim Romamque peruenerat, postulauit vt Mediolanensis principatus redderetur, qui sibi & liberis praeclearo hereditatis iure, & Maximiliani demum Caesaris legitima concessione in non dubiam ditionem obueniret. Verum Caesar qui regijs legatis aliquam propinquā sed nondum maturā liberalitatis spem dedisse videbatur, vbi Roma fuit, opinione Gallorum durior est inuentus, vsque adeo auerso obfirmatoque animo, vt cum legati regij inanibus promissis se circumducere, & Franciscum suo legitimo iure fraudari quererentur, Carolus ad Pontificem senatumque omnem & legatos principum orationem haberet, luculentam hercū sed equo amariorem, quum pro tuenda dignitate, auerrendaque inuidia veteris odij memoriam refricasset. Cæterum exitus orationis fuit, vt negaret quicquam se facturum ex voto regis, nisi Subalpina oppida cum Taurino Gallicis armis Carolo Sabaudio nuper adempta redderentur. Agnouere tum plures id esse Caesariani animi decretum, vt quamdiu arma valerent, ab Italia Gallos arceret. Ipseque opportuno atque opulento Infubrum principatu potiretur. Atque ita non multo post auctus viribus, terra marique Narbonensem provinciam vno simul tempore Belgicis armis Galliae inferioris fines inuasit, scilicet vt Franciscus domestico oppressus bello Subalpinæ regionis praesidia deducere, Italicarumque rerum penitus obliuisci cogeretur. Sed Gallis vtrinque fortiter suos fines defendentibus ex eo bello quod tum frustra susceptum fuit, alia atque alia summæ calamitatis secuta sunt bella, quum violatis inducijs, & desperata concordia, post afflictas nostras opes, Barbaro hosti aditus ad occupandam Pannoniam sit patefactus. Nec hercū sperandum videtur, vt ille fatalis nostra socordia factus ingens hoc anno, qui est ab excessu Francisci Sfortie huius diri belli duodecimus, omnino conquiescat, quin reliquas Pannoniæ Noriciq; vrbes nouis illatis cladibus perturbet, nisi Caesar ad victorias de Barbaris natus, pio generosoq; animo recēter icti ad Suefionū urbem foederis condiciones respiciat, patremque tuum orbatum praestantissimo filio, deiectumque obiter spe pacis benignè consoletur, adinuenta scilicet tolerabili aliquā equi iuris conditione, vt Christianus orbis pace tandem,

vel serā ipsius maximē immortalī beneficio perfruat, & veræ demum summæque laudis & gloriæ trophæa, Barbari co in solo defigantur.

FINIS.

VITA

## VITA SFORTIAE CLARIS

SIMI DVCIS A PAVLO

IOVIO CONSCRIPTA, AD GVL-

donem Ascanium Sfortiam à San-

ctaflora Cardinalem gratij-

que præfectum.



QVVM honorem senatoriæ dignitatis, quem tibi planè adolefcenti maternus avus Paulus III Pontifex Maximus insigni iudicio, sed maturius fortasse quàm speraras mandavit: cum virtutis indole, tum claritate familiaris adeo egregiè sustentens, ut maiore fortuna dignus esse videare: pergratum omnino futurum existimaui, si tibi ardenti animo virtutem complectenti, faces novæ adderentur, ductæ scilicet à maiorum tuorum exemplis, Sfortiæque præsertim abavi tui, qui summa cum laude amplissimis rebus gestis familiæ vestræ immortale cognomen dedit. Eius enim viri bello memorabilis diæta, facta que solerti indagati one ex varijs, ineptis que sæpe rerum scriptoribus excerpta in enchiridion descripsi, ut ad imaginem tanto frontis honore conspicuam, quam domi pietam assidue contemplaris, excelsi quoque animi similitudo ad veram effigiem stilo expressa non indecenter accederet. Itaque enitere Guido Ascani, virtuteque plurimū & literarum studio contende, ut paterni maternique generis famam & æques & superes. Nec id tibi omnino difficile videatur.

pulchrum enim erit, & valde decorum sacro viro,

inter tanta maiorū lumina pietatis, & litera-

rum fulgore procul ab invidia

fulsisse. Vale.

## CAPITVM ELENCHVS.

De natiuitate eius	Cap. 1	De calamitate Iacobi regis	46
De fama natalium	2	De Sergiano magni frugale bostrucido	47
De horoscopo & genitura & nomine eius	3	De Nicolas Vrsino fuda morte	48
De diuinatione Astrologorum	4	De Paulo Vrsino Braccij insidijs interfecto	49
De educatione & rudimento eius	5	De Armalery pñditoris supplicio	50
De prima militia eius	6	De infelicitate Braccianarū partium & Sfor-	
De altitudine animi & cupiditate gloria	7	zianarum prospero successu	51
De Ioanne Aucusto Britanno duce	8	De vulnere ad viterbium accepto	52
De Brulia Biondo & Alberico magnis ducib.	9	De periculo eius in expugnatione Capitonis	53
De Alberico cataphractorum equitum inuen-		De vitiis & discrimine in quo Roma versatus est	54
tore	10	De insidijs ad Calorē armis strenue vitatu	55
De cognomento ex re quæso	11	De insidijs ad Saranum astu superatis	56
De primis commisionibus eius	12	De periculo ad Caietani paruo casu facile su-	
De profectu ab se dilectis à promptitudine vi-		perato	57
rium	13	De moderata liberalitate eius & abstinentia,	
De amicitia cum Braccio inita	14	contemptuque pecunia	58
De causis amicitia cum Braccio abrupta	15	De duabus eius concubinis	59
De causis inimicitiarum cum Tartalia	16	De uxore eius Antonia Salimbenia	60
De prima equitum praefectura	17	De secunda uxore Castella Alopa	61
De insignibus gentilitijs à Roberto Casare dono		De tertia uxore Maria Mariana	62
acceptis	18	De liberis eius ex Lucia Trexania	63
De honoratiore militia eius	19	De affinitatibus summa prudētia contrahis	64
De cade Othonis tertij	20	De clementia & severitate erga suos	65
De diuersitate fama ex Othonis cade	21	De Martino Pasolino conseruato	66
Quibus principibus operam nauari	22	De clementia erga Bisium	67
De Ludouico I & amore Regina Ioanna	23	De iniuriato panarum genere	68
Quoties prosperè infelicitateque pugnarit	24	De Gratiani supplicio	69
De Angelo Pergulano profugato	25	De mansuetudine erga Brandolinū comitē	70
De Ladislao rege ad Lyrim superato	26	De inuidia ex nece Tartalia parā	71
De praelio ad Aquilam feliciter commissio	27	De natura ingenij	72
De Tartalia ad Tuscanellam deuicto	28	De disciplina domestica & militari	73
De pugna ad Seberis pñē egregie depugnata	29	De cultu eius & conuictu	74
De Roma libertati restituta & Piccinino acie ca-		De pietate eius erga superos	75
pto	30	De pietate erga patriam	76
De Alfonso rege acie profugato	31	De pietate erga propinquos	77
De infelicitate praelij ad Viterbium	32	De praeceptis Franciscopoli datis	78
De clade ad Cryptam acceptam	33	De prudentia ex alieni iudicij quæsitā	79
De infelici pugna ad Capuam	34	De candore ingenij & memoria eius	80
Quoties praelio & insidijs sit captus	35	De studio literarum Etruscarum	81
De praelio ad Casalecium factio	36	De generositate animi erga inimicos	82
Quomodo ex insidijs sit captus	37	De fortitudine eius in dolore tolerando	83
Quomodo ad Beneuentum sit captus	38	De urbanitate eius	84
Quomodo Iacobi ex principe rex sit appellatus		De facie dictio	85
& Sortia seruatus	39	De falsissimo dilectio	86
Quibus conditionib. Sortia necem effugerit	40	De statura corporis eius	87
De supplicio Casari & Sortia felicitate	41	De agilitate membrorum eius	88
De Regina Capio rege liberata	42	De infelicitate mortis eius	89
De iniurijs eius decorum iudicio vindicatis	43	De Braccij iudicio & laude erga defunctum,	
De cade Alopi	44	& cade ipsius	90
De nece Iulij Casari, Peretti & Ceccolini	45	De prodigijs quæ mortem eius significarunt	91

## V I T A M A G N I

S F O R T I A E.

*De Natiuitate eius**Caput I.*

**N**ATVS est SFORTIA Cotignola, antiquo Togata Gallie opido, iuxta viam Aemiliam, agri Fauentini, patre Ioanne, ex Atendula familia, honesta potius quam nobili, sed maxime opulenta, & quæ numerosa, & militari suauitate floreret. Mater e fuit Elisa, virilis animi mulier, ex Petracina factiosa gente: Ea erat seruidis admodum, asperisque moribus, sed pudicitia & fecunditate mirabili: Peperit enim alterum & viginti liberos, quos veluti ad arma natos ita educauit, vt facile cõptiora indumenta, exquisitasque epulas, & mollia strata contemnerent: vterentur autem robusto quodam corporis atque animi vigore ad tuendum familie decus, & id sapius armis, quando grauisimas

simultates cum Pasolinis æquè potentibus exercebant, quum Martinus Pasolinus eius familiæ princeps puellam nobilem Bartholæ Sfortiæ fratri ex chirographo desponsatam, quod in eius dotem per amplam hæreditas veniret, arroganter interceptisset. Ob id sæpius iusta propè acie dimicatum est, magnæque cædes editæ, in quibus Bartholus vulneratus est, & Martini filius: itemque duo propinqui eius ceciderunt. Sed res eum habuit euentum, ut Martinus orbatus filio expoliatusque omnibus amicis atque fortunis, oppido pellere-tur. Per id tempus videre erat in Attendula domo conclauiam, atque cubiculam non auleis sed scutis atque thoracibus exornata, atque item lectos ingenti amplitudine sine loricibus, in quibus loricate affinium cohortes promiscuè cubitarent, adeoque vigilantes & intenti omnes erant, ut nullo cum honore mensari, sed plerumque stantes, & sine vlllo ordine cibum caperent, quæ exiguo sumptu, & nulla arte agafones, vel armigeri pueri tumultuariè parauiissent.

*De fama Natalium Cap. I I*

Non defuere qui dicerent, sed in gratiam Braccianæ factionis, ut Sfortia-nis demum principibus nouitas generis obiectaretur: Sfortiam paterno in agro ita operis præfuisse, ut & sua manu faciundo operi vomeres, & ligones strenuè tractaret, quod vel ob id inuidiosè consuetum videtur, quoniam tredecim annorum puer in Boldrini castra concessisset, neque inde redierit, nisi equestris ordinis miles. Sed iucundo prorsus mendacio fabulæ fidem fecit perennis fama, quæ manauit ad posteros. Ferunt enim, quum agrum soderet, duro labore fatigatum, ab ea indignitate operis suspexisse in cælum, & de tota vitæ fortuna vota suscepisse, ea sorte præcaltam Deos, ut voto bene vesterent, cuius brasilleque protinus ligonem in præcaltam quercum, ut credi par est, antiquitus Marti consecratam, eo animi decreto, ut si decideret, eum æquissime ad perpetuum laborem esset resumpturus: at si ramis hæsis-set castra continuo sequeretur. Verum Marti ligonem Fortuna appendit, ut fatis viam aperiret. Gloriabatur hac fabula Franciscus pronepos, quod vel ob id familia nomen nequaquam antiquæ nobilitatis, sed spectatæ vir-tutis auspicio niteretur: adeo, ut quum mihi humaniter arcem ab excellen-ti munitione structuraque toto terrarum orbe longè clarissimam, armamen-tarijs patefactis ostendi iussisset, conuersus læto ore, & hanc inquit, Paule lo- ui, quam miraris, & hoc imperium quo potimur, ab illo ligone habemus, quum felici nostra sorte in arborem à proauo contortus, fatalique ramuscu-lo suspensus minimè decidisset. Vnde & illud Pontani in defunctos intem-peranter genuinum dentem exercentis, quum dixit: Dux ab aratro Sfortia, Quasi non in summa gloria sit, aut certe dispudeat Caij Marij exemplo exa-ratore imperatore euasisse.

*De horoscopo, & genitura, & nomine eius Cap. I I I*

Editus est vteromarris die Martis, quinto Calendas Iunij, sub auroram, an-no a partu Virginis millesimo trecentesimo & sexagesimo nono: sub id fe-rè tempus, quo Carolus Quartus Imperator avaritia infamis Italiam reliquit.

Lustrico

Lustrico autem die, quo ritè sacro fonte ablutis nomen imponitur, puero Iacobi & Mutij nomen indiderunt. Sed aliquanto post oblitterato primo nomine, tantummodo Mutius est appellatus, donec ingenij virumque indomito quodam vigore S F O R T I Æ cognomen tulit; Mutij verò nomen, & hodiè quoque in nepote Ludouici Sfortiæ principis repetitum videmus: quem Paulus eius filius, sed ex damnato coitu susceptus è tantà sobole vntum atque legitimum reliquit.

*De diuinatione Astrologorum Cap. I I I I*

In genitura eius Mathematici præcellentem syderum posituram & sedes, aspectusque mirabiles conspicati, ei magnum imperium, immortalem gloriam felicemque sobolem prædixerunt: idque demum subiungere, eum nequaquam exacta ætate, & morte quidem repentina periturum.

*De educatione & rudimento eius Cap. V*

Ab ea, vt diximus, domestica educatione vulnorum & periculo rum contemptor factus, quum tredecim annos natus miram indolem ad militiam afferret, clam arrepto domi equo, & inuito quidem patre euolauit ad Boldrini Panicaliæ castra, qui Pontificiæ militiæ sceptrā tenebat: Eo nemo ducum felicius fuit: Nam dum viueret, acie semper victor, etiam post mortem sepius victorijs, triumphisque militum suorum interfuit. Si siquidem ducis sui cadauer exsiccatum conditumque aromatibus in feretro circumferebant, quum neminem qui succederet militari imperio dignum putarent. Tendebatur ei prætorium, non secus ac viuus, & circumpositis vexillis, belli tessera petebatur, ita vt mortui consilijs quadam sorte exceptis, ad res gerendas feliciter vterentur. Adhæsit primùm Spoletano equiti, cui ab iracundia, Scoruccio cognomen fuit. Apud hunc quatuor annos permansit, adeo pertinaci corporis ac animi contentione semper vsus, vt ex armigero puero ferocium equorum domitor, & mox laceronis nomine strenuus miles, cuncta officij munia Scörüccio charus adimpleret.

*De militia eius Cap. V I*

Posito apud Boldrinum tyrocinio, domum redijt intestino reuocatus bello: sed ibi demum pace parata, militiam repetiuit, oppignorato fundo, vt armis & equis instructior domo emitteretur, propinquis vno patre excepto, sumptum improbantibus: ad quos iuuenis conuersus, desinite, inquit, muscare: militari enim quæstu aut cuncta rependam, aut idem mea hæreditas, si ita erit in fatis, vt acie occisus cadam, cumulatè perfoluet. Itaque primò cataphractus eques (hi eo tempore quaternos equos trahebant) & non multo post turmar, & demum alæ præfectus sub Alberico, Brolia & Aucutho secunda fama militauit, adeo vt vberiore semper stipendio, & maiore præfectura dignus haberetur.



Excitabatur die noctuque ad magnorum ducum nomen, qui tum bellica virtute prouecti ad ingentes opes, ac imperia peruenerant, adeo ut in corona quum aliquid bello præclare gestum nuntiaretur, commoto veluti animo suspiraret: utpote qui honesta emulatione inductus, felicitati eorum haud mediocriter inuideret.

*De Ioanne Aucutho Britanno duce Cap. V I I I.*

Erat ante alios in oculis Ioannes Aucuthus vir Britannus, qui ab extremis Oceani finibus, traducta in Italiam Anglorum manu darus euaserat: quum rebellantem à Gregorio Pontifice Togatam Galliam expugnatis aliquot urbibus, pacauisset: tulissetque in præmium nauatæ operæ quinque oppida, & in his Catignolam ipsius patriam; adeoque mox inclaruisset, ut Bernaboui Vicecomiti Italiæ principum longè potentissimo gener ascisceretur, & cum Florentini demum ingentis exercitus ducem crearent. Vnde illi, ut de Republica benè merito, imaginem colosseam equestrem, supra sepulchrū in templo maximo posuerunt.

*De Broia, Biordo, & Alberico magnis ducibus Cap. I X.*

Militari etiam virtuti apprimè nixus Broia vir Allobrox Afisiatum in Umbris tyrannus euaserat: quum Florentinorū, & Romani pontificis dux fuisset. Biordus quoque, qui in Gallia aduersus Britannos magna mercede, & multo maiore cum laude militarat, apud Perusinos principatū fuerat consecutus. Sed vnus præ cæteris Albericus Balbianus illustri fulgore gloriæ clarissimus & ipsum, & Attendulos omnes ad obeundam militiam accendebat. Hic enim vnus, quod externæ gentes mercenarijs armis Italiam quærent, multæque passim immanis rabie baccharentur, indignitate permotus, Italorum animos qui tum per sôcordiam, amisamque libertatem vetere belli gloria decidissent, in spem recuperandi nominis erexerat. Fuere sub eius imperio ingentes alæ cataphractorū equitum, qui auspicijs diui Georgij militantes sacramento adacti, nunquam se terga duros externo hosti coniurabant. Ab his demum non vno in loco Britones profligati, cæsi Galli, pulsi deuictique Germani, Hispani fusi, Allobroges, Anglique deleti, apud Italos non omnino extinctum antiquæ virtutis decus tulta confessione docuerūt.

*De Alberico cataphractorum equitum inuentore Cap. X.*

Hic est ille Albericus, qui equitem cataphractum ea specie, quam videmus, formauit, & instituit, adinuenito hoc conclusæ duplicisque galæ genere quo nunc maximè utimur, & Gothico nomine Helmertum vocitamus: Imposuit & regumenta equis quæ Bardæ vocantur, relictus ē corio, ut Clibanarios equites à Persis ad Gothos, priusquam ad Italos reiectis loriciis ad ductos imitaretur. His enim nihil validius, si tormenta ænea ad exitum humani generis, corruptelamque veræ militiæ reperta, consensu publico tollentur;

rentur: quando iam egregiæ virtutis decus nequaquam ad fortem spectatamque duris in præliis dextram, & inuictum corporis ac animi robur, sed ad foruitos volantium pilarum ictus, cæca semper sorte, & in his temeraria sæpe fortuna reuocetur.

*De cognomento ex re quæsito. Cap. X I.*

Quum in Alberici castris esset ferè imberbis, animoque ferox, & manu promptus, sæpe turbas iurgique misceret, nec quenquam ante se pugnam capessere pateretur: in eo peracutus imperator animi, atque oris habitum notauit, prædixitque eum, nisi immaturè caderet, & paululum feruidi ingenij impetum prudentia temperaret, absoluti ducis nomen habiturum. Nec multo post suborta altercatione inter commilitones in partienda præda immortale cognomen adeptus est: quum eam minus equaliter diuidi immodicè quereretur. Siquidem tota lite ad ducis arbitrium delata, iudicataque, ad Alberici subirato & minaci vultu conuersus: Mihi, inquit, imperator, hoc tuo iudicio rata pars prædæ periniquè surripitur, ita vt in posterum similè iniuriam equo animo non sim laturus. Ad ea Albericus renidenti, & contracto ore respondit: An & mihi quoque vt alijs soles, adolescens, vim asferre voles? Desume ergo tibi Sfortiæ nomen: atque ita abolito Mutij nomine, vt ab omnibus vocaretur edixit: quæ vox Latine exprimit violentum.

*De primis commilitonibus eius Cap. X I I.*

Eduxit autem patria peregregiæ iuuentutis manum ad auctam mox concursu insignium equitum, quum bellicosissimus quisque spe laudis, & lucri cupiditate ad eum deferretur. In his fuere ex numero propinquorum Bartholus & Franciscus germani fratres: Sed in Francisco mira indoles effloresbat, cui ab insita ingenio eius audacia Boccaleto cognomen fuit: Præterea Bostius, Laurentius, Michaletus, & demum Foschinus Attenduli cum Sanctioparente Petracino auunculi filio, & alijs plerisque, qui è finitimis vrbibus amicitia, & partium necessitudine coniuncti, crescentis in eonominis famam vehementer obseruabant. Hos omnes ferè in historijs celebres videmus. Verum illustris admodum euasit Michaletus, qui accumulatis ab humili gradu bellicis honoribus, Venetorum demum imperator effectus, ad exactæ ætatis terminos peruenit.

*De præfectis ab se dilectis à promptitudine virum Cap. X I I I.*

E turmarum, cohortiumque præfectis eos maximè adamauit, fraternoque amicitie iure sibi obstrinxit, qui manu præcipue valerent. diuisa enim inter Ducem, & militem esse militie munera dicitabat, vt victoria pararetur: quum in illo ante omnia rationem, atque prudentiam, in his autem expeditam vim, per acrem impetum, & indomitum robur omnino requireret. Propterea eos maximè deuitare damnareque erat solitus, qui in coronis sollicitè nimis, atque subuliter de belli ratione, exituque rerum differendo, quid sta-

tuendum, quidue tentandum foret, imperatori consulere atque præscribere viderentur. Cæterum ipsi perlibenter aspera quæque & periculosa munia detrectarent, soloque & inani sapientiæ nomine contenti foribus viris veræ laudis materiam relinquerent: qui imperantibus alacriter parère, vehementerque pugnare, nec vulnera, & mortem timere didicissent. Ex hoc ordine primores ardentissimi dilexit Martinum Faentinum, qui aliquot post annos à Pandulpho Malatesta Ariminensi tyranno necatus est, quum inhiarèt eius pecuniæ, & crescenti infantis viri gloriæ vir crudelis inuideret: Præterea Eustorgium Vicecomitem, Ludouicum Columnam, Tomam à Typherno, & Scorpionem, atque Tarantulam à Luco Flaminia, Zenonemque item Cribellum, & Parinum Derthonensem, & Gentilem Montaranum, Angelumque Lauellum, cui ob hæsitantiam linguæ, tumultumque oris Tartaliæ cognomen fuit.

*De amicitia cum Braccio imita. Cap. X I I I I*

Cum vno autem Braccio Montonenſi, ætate, fortuna, virtuteque feruæ æquali, arctissima familiaritate coniunctus adeo fraternæ & liberaliter amicitiam excoluit, vt aliquot annis inter se duo longè omnium in Italia maximi futuri duces, consilia, arma, equos, pecuniam, & tabernacula iti communem vsum conferrent, iisdemque vexillis, & laciniarum coloribus vterentur. Militaria enim sagula singulis equitibus ab humero dextro in obliquum semur, coccineo colore: è contraria verò parte, per transversum albo, & cœlesti alternatim undulato distinguebantur. Verum vt aliquod expropinquo discrimen foret, per acutos Sfortia fluctus, obtusiores verò Braccius eleganter exprellerant. Quorum insignium argumentis atque coloribus hodie quoque vtriusque factionis studiosos vti videmus, quum centum quinquaginta & quatuor anni numerentur, ex quo ea ipsi authores & principes gestare cœperint.

*De causis amicitia cum Braccio abrupta. Cap. X V.*

Sed eam demum amicitiam tampridem obtrectatione gloriæ, & virtutis æmulatione comminutam, Sfortia grauissimis offensis iniurijs, post triginta annos adaperto tandem animo, & libero ore penitus abruptit: quum ipso Sfortia ad Beneuentum in carcerem coniecto, Braccius nihil amici calamitate permotus, violata repente amicitia, ea oppida quæ sunt in Tuscis inter Cæsiam viam & Aureliam Sfortianæ ditionis, Tartaliæ inuadenda, occupandaque tribuisset: idque eo infestius à Braccio factum fuisse videbatur, quoniam ab initio ipsius fidei commendata fuerant, & subinde Tartalia grauiorem iniuriam occupatis oppidis addiderat: quum Sfortianas turmas in hybernis oppressisset, fortissimo quoque decurionum, & equitum in vinculis retento. Braccius etiam in Vmbria felici rerum successu elatus, vasta cupiditate animum intenderat, vt vrbis Romæ imperio potiretur. Tribus siquidem ea tempestate Pontificibus immuni cardinalium ambitione, atque superbia creatis, Christiana religio lacerabatur: Romaque terrarum quondam

quondam domina, fame, pestilentia, ac incendijs deformata, obfessa latronibus, ac orbara Pontifice, factioforum libidini seruebat. Ad id audendum patrandumque facinus, idoneus & opportunus erat Tartalia, cum sub signis eius mille equites, & bis totidem pedites militarent. Fœdere itaque icto, vt mutuis auxilijs atque opibus fines proferrent, & sese aduersus vim hostium tuerentur, Tartalia facile cuncta vsque ad Senensium fines in potestatem redegit, præter Aquenses & Porfenianos, qui Sfortianorum præsidio tenebantur. Braccius verò positus ad Anienem castris, suisque tumultuario prælio Romanorum copijs, vrbe potius est. Per eos quoque dies Braccius Michaletum, qui capto Sfortia, ad eum amicitia iure cum trecentis equitibus confugerat, omni pudore dissoluto missum fecit, nec persoluto quidem stipendio. Quam demum contumeliam indignatus Braccio Picininus, magno, nobilique animo refarciuit, quum ex domestico abaco argentum omne, vt res alienum cum milite dissolueretur, ad Michaletum detulisset. Per huncmodum inter se diducti accensique odio Sfortia & Braccius, Italica militie principes effecti, magnosque exercitus ductantes, de nomine sectas condiderunt. Quibus demum liberarum ciuitatum, Regum atque Pontificum opes vehementer attritæ, conuulsæque sunt: quum veluti ex condicto, pudenda eius seculi conditione, ad alenda bella sæpe altercantes, & semper aduersi, modo his, modo illis, mercenaria arma inferrent, aut sustinerent.

*De causis inimicitiarum cum Tartalia Cap. XV I*

Gravi etiam de causa multis ante annis cum Tartalia amicitiam diremerat: quum ad Casalecium, malignitate aut metu deferente locum Tartalia, se ab hostium cuneis ex obliquo irrumpentibus cum turma protritum & captum quæreretur. Ea res, vti multorum oculis liquidissime spectata, euulgataque vtrunque in castris dilus non potuit. Ob id in Tartaliæ pectus alacritate descendat, adeo vt occultum vigeret odium, & eo quidem lethalius, quod illa eadem familiaritatis imago officijs quibusdam & alloquijs sustentabatur.

*De prima equitum præfectura Cap. XV I I*

Suo primum ductu apud Broliam viginti quinque equitibus præfuit: qui numerus equitum eo tempore turmam implebat. Apud Albertum autem Ferrariæ principem instæ alæ vexillum sustulit, coniuncto sibi Laurentio: in ea fuere equites ducenti. At confecto ibi bello reuersus ad Broliam haud multum ibi permansit accitus à Raspancibus, qui tum Perusiæ popularem statum in duxerant: Oppugnabatur eorum libertatem Ioannes Galeacius Vice comes: illi ex aduerso contractis auxilijs, vno maxime Sfortia duce, seipsos acerrime tuebantur. Sed ciuitas viribus impar opulentissimo hosti tandem celsit. Eo bello Sfortia vigilantis, intrepidæ, maximeque pugnacis ducis famam consecutus, vtrunque virtutis & fidei præmium tulit. Donatus enim est publicè ad ornamentum abaci, cælato argento, & ab hostium duce, duplicato stipendio Ioannis Galeacij militie adscriptus. Inijctum arctiorem

amicitiā societatemque cum Parino certa lege communicatis turmis, vtequali auspicio regerentur. Sed profecti ad Insubres, quum non vno in loco equali sorte, sed dispari cum laude militassent, obsecuriusque indies fieret Parini nomen, Sfortia scilicet fortibus factis duorum famam vendicante, liuore atque perfidia Parini exauthoratus, dimissusque est: quum falso accusaretur apud suspicacem Principem tanquam occultus, & capitalis Gibellinarum partium hostis, & genere Guelphus, cui factionis se maximè aduersum Galeacius, quod ita sibi conducere, factis & dictis profiteretur. Eo modo proditus, sed cum multo verborum honore à Galeacio dimissus, ad Florentinos se contulit, qui tum Gallorum reges, & Germanos Cæsares aduersus Galeacium concitabant.

*De insignibus gentilitijs à Roberto Cæsare donato  
acceptis Cap. X V I I I.*

Sub id tempus Sfortiam iam pridem eximiae virtutis opinione percelebrem, Robertus Cæsar Augustus Romanorum imperator illustrem fecit. Descenderat is in Italiam Florentinorum pecunijs euocatus ad bellum, vt Galeacius Mediolano pelleretur. Sed demum duobus tumultuarijs prælijs ad Brixiam pulsus, repressusq; cum Patauium reparandis, copijs diuertisset, obuiau honoris & præsidijs causa Sfortiam habuit, qui tum statius in castris ad Montagnanā Patauino principi, Venetorum oppresso armis opem tulerat, præpositus Florentinorum auxilijs, quæ socio amicoque principi iure forderis mittebantur. Excepit Cæsarem perornato compositoque more militiæ toto equitatu, circumductis & in duplices alas digestis ordinibus, ita, vt Cæsar ea specie cataphractorum equitum, qui cristati, bardatique omnes procurrerant, mirum in modum oblectaretur, erigeretque animum renouando bello, si is maximè copijs, & Sfortia duce iuuaretur. Commouit & in admirationem Robertum simul, proceresque Germanos Sfortiæ equus tanta arte concitatus, circumactusque in gyros, rursusque tum plenis, tum suspensis saltibus reflexus, vt sessore Sfortia nemo peritior, aut habilior reperiri posse videretur. Qua vna arte Germani grauiiores, segnioresque habentes equos dudum ad Brixiam se victos fuisse memabant. Visebatur in Sfortiæ vexillis citonium pomum vetus Attendulæ gentis insigne, ductum scilicet ab oppidi nomine, vti principem familiam decuit. Ad id aspiciens Cæsar, & ad Sfortiam se conuertens: dignum, inquit, virtute tua leonem dabo, qui citonium læua sustineat, & minaci dextra tueatur, ne quis attrectet, atque corripiat. Atque ita tabulis lata membrana confectis, Leonem fuluum erecta ceruice, alteri pedi innixum dono dedit, concessitque vt Attenduli omnes eo argumento vterentur, essentque in clientela Baioariæ principum, quorum essent à prisca origine gentilitium insigne. Nam Robertus ipse, Norici regulus, à Baioaria familia suffragijs Germaniæ procerum de more ad imperiū accesserat.

*De honoratiore militia eius Cap. X I X.*

Regressus in Ethruriam Florentinis aliquot annos militauit, Bononiensi primum

primum bello, quo vel ab aduerso pugnae euentu, quum in hostium potestatem venisset & fama clarior, & stipendio auctior euasit. Pisano autem bello id magni ducis specimen dedit, vt Nerij Caponij manu, de Angelo Pergulano hostium duce profligato, lauream acciperet, atque item liliatum vexillum, decretoque demum publico annua pecunia donatui nomine donaretur. Sed Pisani in seruitutem redactis, cum Florentini quiete atque ocio fruerentur, ad Nicolaum Atestinum Ferrariae principem contendit. Is cum ab Othone Tertio Parmensium tyranno acerrime premebatur. Galeacio enim Vicescomite morte sublato, duces, dilacerato eius imperio, singuli singulas vrbes occuparunt, Parma Regiumque Lepidi cum multis oppidis Othoni cessere. Is veteranis instructus copijs, in quibus supra quatuor equitum milia fuerant, Mutinae atque Ferrariae imminerebat, populabaturque effuse agrum, & cuncta bellico terrore complebat. Ceterum superuentu Sfortiae, eius impetus fortiter est repressus, bis conferta pugna, semel pro Mutinae portis, quum Sfortia in eum ad suburbana vsque castra insolentissimè prouectum duabus portis feliciter erupisset: ac iterum non longe à Roberia, vbi Othoniani locopulsi, ponteque deiectioni, multis suorum amissis terga verterunt. Necmulto post, ad Regiolam ancipiti euentu ex itinere dimicatum, cum Sfortianos à Guastalla maioris pecoris agentes praedam, Otho ferociter adortus ancipiti periculo conflixisset. Suffosso enim equo circumuentum & captum, tanta vi veterani equites vt opem ferrent, signa intulerunt, vt erepto duce ipso ex Sfortianis ad triginta equites cum Michaleto caperentur. Hos Otho contra morem militiae, compedibus oneratos, duro in carcere quatuor menses detinuit, adeoque inhumaniter cruciauit, vt media hyeme nudos gelida aqua perfunderet. Sed perrupto demum carcere feliciter effugerunt, vt eam iniuriam Othonis caede vindicarent.

*De caede Othonis Tertij Cap. X X.*

Otho vbi conatibus suis sustinente, urgenteque Sfortia, acerrimè resisti videt, pacem, vt falleret se appetere simulauit, sperans Nicolaum praegravante stipendio Sfortianas copias esse dimissurum, vt demum ex occasione incautum, exutumque armis repentinus inuaderet. Postulabat igitur Otho vt Nicolaus in colloquium deuenire minimè grauaretur, vt coram de pace liquidissimè agi posset. Id bis abnuerat Nicolaus ab insidioso astutoque homine dolum veritus, sed tandem assensit, vt eius perfidiam preoccuparet. Res eo modo composita est, vt ambo inermes, binis stipati equitibus, parique spacio à suorum agminibus prouecti ad primum à Roberia lapidem militari in via conuenirent. Aderant Othoni Guido Taurellus, & Antonaaccius Aquilanus clari duces: Nicolaum verò Sfortia & Michaletus medium tenebant. Ceterum vix dum coepta sermonibus, Sfortia praesto & feroci equo in Othonem repente concitato eum per loricam, quam lacinia testam frustra induerat, sub costis gladio transfodit, prostratum confecit Michaletus: Taurellus & Aquilanus, quum signo dato vndique ex insidijs procurreretur, capti: comitatus verò eorum in fugam praecipiens, magna ex parte armis & equis exutus est. Exemplo Sfortia promoris castris Parmam contendit, re-

ceptusq; à ciuibus, qui liberatori, & tyrannicide insigni studio fauendum existimabant, Othonis filium in arce obsedit. Is erat Nicolaus cognomento Guerrerius, quæ vox Bellicosum sonat. Ea dedita pari demum euentu, & Regium, & sancti Domnini oppidum, cum triginta amplius castellis in ditionem Atestini deueniunt, ita vt fortuna puncto temporis Othonis imperio pariter ac vitæ finem attulerit. His rebus biennio confectis, Sfortia quâ Nicolao discederet, Monticulo Parmensis agri oppido donatus est: atq; item vexillo, in quo adamas turbinatus aureo inclusus annulo depictus erat: quo insigni postea, & ipsû & posteros eius perpetuò vsus fuisse cõspicimus,

*De diuersitate famæ ex Othonis cade Cap. X X I.*

Fuere eâ tempestate qui clarissimi facti nomen accumulata cum laude celebrarent. Porro alij contrâ interpretarentur, vtpote qui sacrosancam colloquij fidem singulari perfidia violatam, iusque gentium seruo in posteros exemplo temeratum, atque sublatum dictitarent, adeo vt Sfortiæ militari iudicio, magna quidem inuidia, sed Nicolao multo maxima constaretur. Quamobrem Sfortia vbi se acrius perstringi didicic, publico in loco, ita vt a multis insignibus viris exaudiretur, in hunc modum est prolocutus: Desinant, inquit, ex occulto verbis criminari, quicquid de Othone transactum est: quandoquidem ego eum iure occisum, si quis improbet singulari certamine sim ostensurus. Annon ego etiam ingratus & nequam exultari potuerim, si principi, qui me ipsum copiasque meas alit, parère, operamque præstare recusassem? an eo præsertim homine tollendo qui perfidia & sæua tyrannide infamis, contra fas & æquum, sceleratis armis aliena appetebat: cum & ego quoque immani lace situs iniuria eum priuato nomine, & iure quidem optimo, vel ad aram fuerim occisurus.

*Quibus principibus operam nauarit. \* Cap. X X I I.*

Quatuor demum pontificibus maximis, & totidem regibus, aut dux sumus, aut æquali cum imperio operam nauauit: Gregorio X I I primùm, ac Alexandro V. cum Ludouicum II. Andegauensem in paternum regnum reduceret: ac demum Ioanni X X I I, à quo insigni liberalitate, vt merita stipendia soluerentur, Cotignolam patriam dono accepit. Quo munere nihil vberius, aut omnino iucundius in toto vitæ cursu sibi euenisse fatebatur, quod honestissimo dominatu parto, ciuium suorum princeps esset effectus. Asseruit demum in libertatem Romanos Braccio Vrbe depulso, legarumque Vselanum in arce diu obsessum dignitati restituit, Stephanucio Cardinale in carcerem coniecto, qui ordinis & patriæ dignitatis oblitus, auersusque Pontifici, Braccij partes sequebatur. Martinus enim in concilio apud Constantiam, Ioanne in ordine Senatorium redacto, omnium suffragijs pontifex renunciatus in Italiam venerat. Nec multo post, Sfortia, vt decuit pontificiæ dignitatis assertorem, vrbe Roma Iordano Columnæ tradita (is à fratre pontifice præmissus fuerat) sacrosancæ militiæ Vexillifer creatus est, vt eo honore qui in Italia supremus habetur, supra ceteros duces emineret,



A Ludouico Secundo insignem tantum beneuolentiam gratiamque pro-  
meruit, cum ille Ladislao ad Fregellas memorabili acie superato, victoria uti  
nesciisset, interrupto scilicet secundarum rerum cursu pessimis Pauli Vrsi-  
ni artibus. Transiuit demum magnis frequentibusque iniurijs, ab eodem  
Paulo Vrbe extrusus ad Ladislaum. Ab hoc rege qui totius Italiae imperiū  
ingenti animo affectabat, quatuor oppidis in Samnio donatus est: cum &  
antea Franciscum filium vrbis Tricarici Comitem seisset, qui tredecim an-  
norum puer, ut paternae fidei obses foret, ē Ferraria Neapolim aduenerat.  
Ladislaio autem immatura morte surrepto, sorori eius Ioannae Reginae adhuc  
sitiā statutusque est vario euentu magnis fortunae fluctibus, quum modo inli-  
gni gratia floreret, modo graui pressus inuidia mereretur. Incredibile  
quidem dictū est, quantos astus receperit Reginae animus, cum infanis amo-  
ribus perditissimē deferuīret. Nam Alopo, Vrbanus Aurilia, atque eo prae-  
textu legationis in Germaniam ablegato, Caracciolus successerant. His admi-  
scebatur Sfortia procacibus reginae oculis ad amorem pellectus. Eo ceteris  
grauior riuālis, quod omnes simul ingentis animi virtute, copiarumque in-  
tuitis opibus anteciret. Inter tantos rerum motus, quibus modo aduersa, mo-  
do secunda, & semper instabilis fortuna Sfortia exercuit, obuenerē ei largien-  
te Regina Beneuentum, Manfredonia, Barolum: itemq; Tranium vrbes, &  
supra X X oppida, partim in Apulis, & Samnio, partim in Bruttia atq; Luca-  
nis. Sed diductus demum a Regina, quum Sergiani dolis ac insidijs peteretur,  
Ludouico Tertio Secundi filio se coniunxit, ita iubente Martino Pōtifice, qui  
Ioannam Regis maiestatis nomen perpetuis stupris dedecorantem, regno ex-  
turbandam suscepit. Sed amantum ira, bella, suspiciones, eum rebus exitum  
dederunt, ut Sfortia rursus in gratiam, pristinumque militiae honorem reci-  
peretur. Quo etiam tempore cum Braccio veterem amicitiam repetiuit, quū  
duo longe clarissimi duces, manentibus inducijs, in colloquium Saccoma-  
nia insylua deuenissent. Desiuit demum ab adoptante matre Regina ingra-  
tus filius Rex Alfonsus, adeo ut capto Caraiciolo in arce Capuana reginam  
oppugnaret. Qua indignitate permotus Sfortia obsessa celeriter opem tulit,  
memorabilique pugna rege profligato, Catalanos in arcem Nouam compu-  
lit: neque postea vnquam ab officio amicitiae discēssum.

*Quoties prosperē infelicitēque pugnarit Cap. X X I I I I*

Septies iusta acie feliciter pugnauit, ter tantum alteram fortunam exper-  
tus, & ea quidem conditione, ut aduersis aliquanto clarior quam secundis ha-  
beretur. Nemo enim eo constantius hostilem impetum ferre, pertinacius re-  
sistere, nobilius pedem referre, & denique fortius ducis simul ac militis offi-  
cia implere didicerat: utpote qui nunquam propinquo & serienti hosti ter-  
ga ostenderet, nunquam nisi omnium postremus, & ora ferociter obuertens,  
& acriter repugnans se reciperet.

*De Angelo Perquilano profligato Cap. X X V.*

Pisani graui bello, & prædura obsidione fermè oppressis, quum Angelus Pergulanus incomparabili victoria de Heluetijs parta admodum clarius, qui opem ferret Aurelia via per Senensium orant aduentare nunciaretur, vnus Sfortia obuiam eundi reprimendique hostis munus alacriter suscepit: quanquam Bertoldus Vrsinus, ad quem belli summa respiciebat, neincipiti prælio pugnandum foret, remonurus à muris castra id consilium daret, & minus ab ipso quoque Tartalia probaretur. Concedente igitur Nerio Caponio legato, qui promptum in eo animi vigorem admirabatur, magnis ac inusitatis die noctuque confectis itineribus, syluisque etiam ac impendis fluminibus magno labore superatis improuisus ad hostes contendit. Quo repentino incurfu, cum signa è syluis educerentur, tantum terrorem imparatis intulit, vt Pergulanus bis frustra compositio agmine, bis pugna strenuè instaurata, fufus fugatusque sit, signis ac impedimentis omnibus amissis, & vix quarta parte equitum ex vehementi cursu seruata. Ad eam quoque victoriam memorabile facinus adiunxit, quum detracta hostibus saga equites suos induere, prælatisque Pergulani vexillis ad proximi oppidi portam procedere felici dolo præcepisset. Id erat Castellionum ab Aprili piscoso lacu Piscarium appellatum, in ora maris faxeo tumultu impositum. Nec mora, oppidani eo terrore decepti, hostes pro socijs gratulanter exceperunt. Atque ita irrupente occupatam à primis portam toto exercitu, oppidum captum direptumque est. Ob eam rem à Pergulano male gestam, desperatis rebus, Pisani Florentinis deditionem fecerunt. Sfortiæ autem, dum vita maneret, Senatus, vt de Republica benemerito, millenos quorannis aureos liliatos donatiui nomine decreuit.

*De Ladislao Rege ad Lyrim superato Cap. XXXVI*

Eo bello quo Ludouicus II Andegauensis, adiuuante Gregorio Pontifice, ipso Sfortia, ac item Paulo Vrsino ducibus, in Apuliæ regnum reducebatur, mirum in modum cum prudentiæ militaris, tum inusitatae virtutis laude nominis famam adauxit. Ladislao enim rege, vt fines tueretur, ex Cassinatibus campis alacriter prouecto, quum ob id suspenso admodum Ludouico duces cunctarentur, Sfortia pernobili in medium prolata sententia transiit: omnino Lyrim amnem, atque è vestigio hostes inuadendos censuit: quod cunctari, & sedere arma inferentibus ineptum & exitiale videretur. Itaque Lyri supra Fregellas vado superato, collatis signis est dimicatum: & eo quidem euentu, vt profligato Rege, & prostratis eius copijs, castrisque etiam & signis, ac ducibus captis, victoria inter memorabiles pararetur. Eo die Sfortia cunctis moderatus, instruxit aciem, & primum agmen in hostes induxit: ita, vt ferè omnium primus fortissimum quenque se sequi iubens inclinata adpressaque lateri hasta, purpureis insignibus conspicuus, Nicolaum Campobassæ Comitem, qui auratis armis refulgens, & præaltè cristatus eminebat, ingenti ictu prosterneret, & caperet: ipseque demum vadiane fortuna, vt sit, crescentibus vtrinque auxilijs, in omni ferè pugnae loco, atque periculo, & præclarus adhortator, & bellator acerrimus conspiceretur. Vñus est ea die incomparabili equo spadice alternos pedes vsque ad genua,

ad gestus calcato, cui ab agilitate Catto nomen erat. Primam igitur victoriam lauream Ludouicus Sfortiae detulit inuidente Paulo Vrsino. Quod non multis inde annis Ladislaus ambobus regibus in castris ad Tudertum militantibus, praclaro testimonio confirmauit, cum praesenti Paulo Sfortiam inter rogans, dixisset: Annon & hoc oppidum expugnabis, qui ad Lyrin illo Catto equo tuo vbique pugnas, & vehemens, me ipsum copiasque meas profligasti? Quae verba in Pauli animum iam antea caeco liuore corruptum, profundè admodum descenderunt. Sfortiam enim, vir superbus, neque superiorem sibi, neque parem existimari volebat.

*De praelio ad Aquilam feliciter commisso Cap. XXVII*

Quum Regina delictis amoribusque vacaret, & Alopis regio planè fastidiorum potiretur, capto demum Sfortia, plerique regni procures ab ea deserant. Sed ante alios Alopum, Reginamque terrebant Antonaccius regulus, vir bello clarus, qui Aquilam validissimam urbem occuparet. Is terror Sfortiae saluti fuit. Custodia etenim eductus, instructo valido exercitu Aquilam contendit. Cum castra ad urbem proferrentur, Antonaccius viribus ac ingenio ferox minime dubitauit, quin copias omnes militares, atque item Aquilanorum iuuentutem, & ingentem armatarum agrestium manum educeret, & magna loci fiducia, & populari quadam alacritate, infestis signis in Sfortiam deferretur. Ferunt Sfortiam temeritate, ac insolentia hostium permotum risisse paululum, monuisseque praefectos ut conseruum maximeque densatum cataphractorum agmen irruentibus obijcerent, nihil autem loco moueretur, donec ipse quid fieri vellet, tuba signum dedisset. Erat in dextra accliuus locus, ibi cohortes locat, ad laeuam planiore in loco, leuem armaturam equestrem lunata ala sese ostentare iubet: ipse subductus è medio agmine delectis aliquot turmis magno itineris flexu, in tergo nihil tale putantibus sese ostendit, ita ut nouissimos hostium exeuntes porta, partim intra urbem compelleret, partim ab urbe exclusos, & ad suorum extremum agmen confugientes persequeretur. Tum verò signo tuba dato & pediatas ab accliu loco repente in latus hostium decurrens, & leuis armatura è diuerso expansis alis concitata in medios impetum fecere: cataphractus quoque equitatus a fronte irruentium impetum egregie excepit atque sustinuit: ac eodem ferè puncto temporis Sfortia cecidit terga. Quibus malis vndique circumuenti Aquilani in medio caesi, & ad vnum ferè omnes cum ducibus atque vexillis capti, temeritatis poenas dederunt. Qua calamitate permoti, qui in urbe resisterant, portas victoribus aperuere, orantes Sfortiam, ut victos pariter & deditos conseruaret. Nec mora captiuos omnes vna voce liberauit: Antonacciumque in primis, & decuriones urbis cornu adhibuit. Tanta re patrata, confecto quoque bello sine suorum vulnere, hortatus est Aquilanos, ut Reginae nomen in posterum fidelius colerent, & ad impetrandam erroris veniam ipsius authoritate, ac officio vicerunt, se libentissimè intercessurum pro his, quos incolumes conseruasset, quem iure belli diripere atque interficere posset. Id vero fortunae fuit humanis rebus illudentis Aquilanos paulo ante superbia elatos, ingen-

tiq̃ue mox fractos calamitate, & demum subito atque insperato gaudio exultantes conspexisse. Quo Aquilanorum exemplo adducti, Iulius Cæsar Capuanus, qui Capuam occuparat, & Carolus Martianus, & Christophorus Cæietanus, restituti urbibus ac oppidis, veluti desperantes, consilioque depulsi, Sfortia vade, si demq; suam Reginæ nomine præstante, ad officiū redierunt.

*De Tartalia ad Tuscanellam deuicta Cap. XXXVII.*

Tartaliam inimico simul ac hostili animo persecutus, ad Tuscanellam improuisa acie profligauit, ulturus iniurias, quas superiore anno dum in custodia seruaretur acceperat. Noctu enim à diuersa Viterbij porta, ut speculatores falleret, cum expeditis copijs profectus, pedites caua in valle occultauit, ut ex insidijs, quum signum pugnae datum foret, extemplo proflitterent: turmas vero quatuor cum Sanctoparente obliquo itinere locatas statuit, ipse cum robore equitatus intra syluam constitit: uti præceperat, præmissi leuis armaturæ equites, prædatorum specie, armenta pascencia corripere, fugatis agrestibus corperunt. Tartalia ad clamorem excitatur, familiam armat, prædam abigentium tergis inhaerere iubet, crescente tumultu oritur prælium. Auctis numero hostibus, Tartaliani equites ad tubæ cantum sub signis porta effunduntur: nec se continet Tartalia, quin ad ferendam opem cum globo cataphractorum erumpat. Tum verò erupere è syluis vndique Sfortiani, pugnatumque est, ac si aliàs vnquam longè fortissimè. Sed premente Sfortia acrius sternenteque signa, Tartaliani intra portam sunt compulsi magno accepto detrimento, maioreque ducis periculo, qui inuectus per pontem irumpentibus simul Sfortianis casu quodam seruatus est: quum Hugonem Sfortianæ turmae præfectum, vehementi offensione ab cathenapontis in fossam deturbatum, reliqui impedito atque occupato ponte subsequi nequiuissent. Nam Tartalia saucius, & multo perculsus metu extemplo cataraclam demitti iussit, ita, ut alienæ salutis oblitus, tertiam ferè suorum partem exedderet. In his Donatus Lauellus Tartaliæ frater fuit. Captus est & in oppido Pellinus Cotignola dux turmae fortissimus, qui cognitum Tartaliam, magnisque ictibus ferreæ clauæ perculsum, ut caperet, fuerat insequutus. Eo prælio Franciscus Sfortiæ filius sextumdecimum natus annum, quod antea ei pater minimè concesserat, in aduersos hostes alacriter hastam perripit, sub indeque cingulo militari & calcaribus aureis, præclaro etiam hostium testimonio exornari promeruit.

*De pugna ad Sebethi pontem egregiè depugnata Cap. XXXIX.*

Memorabili autem ea acie, qua iuxta Neapolim ad Sebethi amnis potem pluribus horis est dimicatum, mirificæ virtutis laudem tulit, præclaro maxime Alphonsi regis præconio confirmatam, qui tum hostis & spectator è trirème cuncta oculis obseruabat. Reducebat tum Sfortia Ludouicum tertium Andegauensem in auita paternaque iura Neapolitani regni authorem Martino Pontifice: quum Reginam seuerè aliquandiu, & frustra demum castigatam armis omnino persequendam censuisset, quod nihil famæ suæ parceret, nec villo dedecoris metu, aut respectu Christianæ pietatis permoueretur:

inoueretur: utpote quæ iam pridem contra fas, & regium decus, amatoris Sergiani intolerandæ libidini nobilissimi regni nomen, & diuina, ac humana omnia subiecisset. Ob id impotens sui mulier, libidine simul atque superbia exardens, Alonsum in Corsica bellum gerentem euocarat, adoptaræque in filium, ut Hispanicis opibus vim Galli hostis propulsaret. Itaque multis ante diebus oppugnata, & ex insidijs per aquæductum, & obsole tam portam semicapta Neapoli, & Ludouicus in Sfortiana castra ad Auersam peruenit, & Alonfi onerariæ & rostratæ naues ad Oui arcem appulerunt. Quamobrem Sfortia, & nauandæ operæ, & ostentandæ virtutis cupidus, ad Sebethum usque castra promouit. Inde sex stadijs ad vrbis portas, præmissis leuis armaturæ equitibus, non modo stipendijs addictos, Vrsu Vrsinum, & Iacobum Caudolam, & Bernardum Cartheium duces, verum & equites Catalanos, quos Alonfus aduexerat, & Neapolitanos, tum maximè equitatu studentes ad prælium exciuit. Commissa est pugna paribus animis, sed Alonfo triremes ad litus admovente, & lapideas pilas tormentis in opposita hostium latera sapius emittente, ter repressa est Sfortiæ virtus. Sed deterfa tormenti ictu ab casside crista, eo ardore pugnam restituit, & signa intulit, ut pulsi loco hostes terga darent, & dissipato agmine cum multa equorum ac hominum strage intra portam compellerentur. Tum verò Sfortia victor, ut Ludouico simul ac Alonfo designatis regibus ardorem studijque suum ostentaret, in præalta ad portam munitione Augauensium signa præfixit, tutatus ea per semihoræ spacium ne à quoquā prius quàm se reciperet, impune tollerentur. Eo prælio id certè memoria dignum accidit, ut virtutis amore Alonfus in eum vnum tormenta naualia dirigi vetaret. Sfortia verò pariter ediceret, ne currulibus tormentis in litore constitutis triremis Regia peteretur. Nam Squarcia Monopolitanus inter Sfortianos bellator accerrimus, cum suffosso equo captus, & ad Regiam iri rememscapha perductus, petente rege, pugnantem Sfortiam digito commonstrasset, ille pernobilis, & planè regia humanitate, parcendum cum duci eximio tum bellatori fortissimo protinus edixerat.

*\* De Roma libertati restituta, & Picinino acie capto Cap. XXX.*

Missa à regina cum validissimis copijs, ut urbem Romam impotenti Braccij dominatu liberaret, ad promerenda eo insigni beneficio gratiam apud Martinum Põtificem inter Appiam & Latinam portam castra locauit. Inde cum Braccium, vel missa per præconem cruenta ad eum chirotheca, ut iusto prælio certaretur frustra prouocasset, supra Ostiam demùm Tyberi ponte constrato exercitum traduxit, tanta animi magnitudine, victoriæque fiducia, ut dubitantibus sciscitantibusque præfectis, an vllum haberet amicum, à quo comineat esset periturus, comprehenso gladij capulo responderit: His viris & fortibus omnia feliciter expediet: atque ita pontem rescindi iusserit. Ad eius rei famam, adeo mente commotum fuisse Braccium ferunt, ut diffusus populo Romano, nec conclamatis quidem valis, multisq; relictis impedimentis per Miluifum pontem se proriperet, atque inde rescissa pontis parte, ne hostis insequi posset, in Vmbriæ fines citato agmine deferretur. Sed compositis iam

vrbanis rebus Picininus à Braccio circa Preneste cum parte exercitus relictus, cum infesta populatione circa Vrbem Romanorū armenta diriperet, & Romanos primo, ac ipsum denique Sfortiam vt opem ferret, ad prælium exiuit. Pugnatum est vario euentu, & vtrinque semper acerrimè, præter aquæ ductū cum Picininus prædam tueri, & Sfortiani Romanique iam longe abactam recuperare, summa contentione decertarent. Ad extremum adnidente, cohortanteque Sfortia, Bracciani profligantur, omnisque item præda recipitur, capiturque ipse dux hostium Picininus ad augendam Romanorum Sfortiæque lætitiā. Is tandiu in Capitolio valde humaniter ac liberaliter custoditus, nō prius est emissus, quā impetrante Braccio Sfortiani milites, ducesque à Tarralia in insulas Vulsinij lacus relegati, facta permutatione ad Sfortiam incolumes perueniunt.

*De Alfonso rege acie profugato, Cap. XXXI.*

Longè autem nobilissimè secundissimeque cum Alfonso rege conflixit, quum ille ingrato animo, atque impijs armis Reginam matrem oppugnaret. Procurante enim Martino, nec abnuente Ludouico ad Caietam pacelacta, et restitutis demum Acerris, Sfortia Reginæ, Regisque militiæ fuerat adscriptus, ea conditione, vt præoccupanti exigenti que operam nauaret. Eo tempore Alphonsus regnandi audius, neque probra famose maris, neque portentosam Sergiani potentiam ferre poterat. Itaque felici astu, simulata egritudine, illectum ob id Sergianum, ac officij causa vt decumbenti assideret, in arcem nouā venientem cum vniuersa familia comprehendit, correptisque repente armis, cum delecta ad id Catalanorum manu, vt reginam opprimeret, ad Capuanam arcem aduolauit. Sed magno casu renunciantē Sergiani casum puero, qui facili inter crura custodum portæ elapsus accurerat, Regina seruata est. Iam enim armatus rex prioribus equi pedibus pontem attigerat, quum à Damiano centurione, reiecto perfrænum equo, ianua est prohibitus. Nec mora accitis vndique copijs circumfideri, oppugnari que missilibus, atque tormentis coepit: peruasere tamen cum literis Reginæ ad Sfortiam nuncij, maturam opem perditis rebus implorantes. Itaque Sfortia à Mirabello insigni celeritate Neapolim promotis ad arcem copijs profectus, per idoncos homines orauit Regem, vt tam foedo incepto abstereret, nec à formina eadem & matre oppressa (quod à virtute regij animi alienum videretur) gloriam appetere vellet. Se enim officij lege præoccupatum Reginæ salutis deesse non posse, sed daturum enixè operam, vt Regina eum ex equo regnare pateretur, tollerenturque dissensionis cause: quod factu facile foret, quando quidem Sergianus in ipsius manu esset, à quo Reginæ animus ad omnē consilij casum expositus dependere ret. Ad ea Alphonsus elatè respondit: Se Sfortia armato disceptatore atque arbitro vti nolle. Nec multo post magnis accitis vndique copijs, regio spiritu egressus vrbe, collatis signis cum Sfortia dimicauit. Eo prælio vera virtute, & vario sæpe euentu, quum multis horis pugnaretur, ad extremum Sfortia felici consilio horrosum macerias in latere hostium disiecit, ancipitij acie circumuentos hostes fudit, tanta vi in transuersos inuectus, vt penè rex ipse interducus caperetur. In ea equorum ac hominum strage, Sfortia primum reginæ ac signiferum

signiferum sua manu confodit, captaque sunt equitum ad duo milia, & in his nobiles Catalani centum viginti, illustresque viri Raimundus Perilius, Ioannes Moncata, Bernardus Contellia, & Lupus Corellia. Eodem victoriæ impetu in arcem Alfonso est compulsum, ita ut à Neapolitanis Sfortianisq; Catalanorum omnium domus in prædā verterentur.

*De infelicitate prælij ad Viterbium Cap. XXXII.*

Infelici porro euentu ad Viterbium cum Braccio pugnauit, sed desertus, & proditus à Gilberto, & Nicolao Vrsino, qui cum Braccio paucis ante diebus occulto sordere icto, ubi occasionem fortuna præbuisset, se Sfortiam in adie deserturos promiserat: cuius sceleris indices tabulas Nicolai subscriptas manu, Braccius in colloquio ad Saccomaniam syluam Sfortiæ postea ostendit. Dimicatu est in Cassia via non longè à Busetanis aquis, cum Tartalia transuectis per Vulturnum lacu copijs suis Braccio se coniunxisset, qui ab Arispampano, & à Balneo regio (id Feroniæ lucus fuit) ad montem Faliscum peruenerat. Pugnauiere summi duces summis incensi odijs, summisq; vel ob id annixi viribus, à meridie ad occasum solis: cum nemo (teste demum victore Braccio) è tantis copijs (quandoquidè ab octo millibus equitum pugnaretur) ipso Sfortia aut maiore arte, aut vehementiore impetu, aut diuturniore constantia dimicasset. Caterùm Sfortiam frustra reuocantē suos ut in præliū redirent, lethale vulnus ceruice acceptū tardauit, amissis subinde mille & septingentis equitibus. In his capti sunt quadraginta octo præfecti centuriones, virtute vero maximè illustres Foscinus sororis filius, Acastabriga, Mannusque Bariles; quos Braccius in Vescentinam Martanamque insulas custodiendos misit.

*De clade ad Cryptam accepta Cap. XXXIII.*

Vitrus iniurias à Sergiano sibi illatas, qui diu venena, & sicas frustra per tentarat, struxeratq; dudum insidias ad Sarni pontem, armato exercitu Neapolim intrauit, in clamantibus Sfortianis Regiæ nomen, Sergianum verò ad necem deposcentibus, qui impotenti superbia malignitateque diuina ac humana iura conturbaret. Fauebat Sfortiæ nobilitas omnis, cuius concursu auctore Francisco Morimino, porta intranti patefacta fuerat. At Sergianus tanto metu consternatus, quod viribus esset impar, ad dolos se conuertit: emittiturq; arce Franciscus Vrsinus autoritate insigni, qui Sfortiam adeat, nomineque Regiæ oret, ut ab armis discedat: fore enim ut exquisitis conditionibus ea controuersia ad ociū deducatur. Noni debere eum cum priuatas iniurias vlisci properaret, publicarū rerum salutem in periculum deuocare, læsa præsertim & fugillata Regiæ maiestate, quæ eundem cum Sergiano conturbationis atque molestiæ casum subire cogeretur. Ad ea Sfortia respondit: se, uti antea Regiæ nomen in omni fortuna spectata fide coluisset, ita & tum eius causa iniurias omnes & contumelias animo depositurum, modo ipsa se traduci & circumagi fallacissimis Sergiani artibus minimè pareretur. Ita cōmneante sæpius Vrsino, & res compositas simulante & prædicante, ut cogens instruendisq; copijs spaciū daretur: ad id Sfortia postulante regina



adducitur, vt copias eductas vrbe in suburbana Corregia transferret. Ea sunt contra arcem nouam, & ad subiecti litoris plagam, hortorum amcenitate per-  
celebre extenduntur. Per hunc modum tanto armorum impetu spe pacis ad  
ocium compresso, cum Sfortia nihil omnino timendum putaret, spaciaretur,  
que inermis in litore, Vrsinus magna armatorum coacta manu improuisus  
erupit, incompósitos adoritur, funditque tanta celeritate, vt Sfortia feminer-  
mis inopinati periculi casum excipere cogeretur. Sfortiani toto eo litore fu-  
gati ad Cryptam perfolsi, à Cocceio Paulilippi montis peruenere. Ibi aliquā  
diu Sfortia globo facto pugnam sustinuit, ipseque demum per Cryptam sub  
secutus Casale principis euasit, amissis quingentis equitibus. Sed demum re-  
fecto exercitu ab Aunilia familia Aceris receptus, tanta vi demum ad oppu-  
gnandam Neapolim est reuersus, vt Sergianus filios obsides dare, sarcire de-  
trimentum ad Cryptam receptum, remissaq; potentia parem ferre cogeretur.

*De infelici pugna ad Capuam Cap. XXXIII*

A Braccio quoque tumultuaria pugna superatus ad San. Mariæ Burgum,  
quo in loco veterem Capuam fuisse constat, sexcentos amplius equites amisit:  
adeo vt à Braccianis, Acastabriga, atq; Iannucio captis, Tartalia primum, &  
ipse demum Sfortia ad Auerfam vsque pellerentur. Occultarat enim Brac-  
cius aliquot turmas prædens in sylua, quæ ad Scilicetum Glanij pontem, A-  
tellanamque viam pertinebat: quarum eruptione, quum in transversos impe-  
tum fecissent, primæ pugnantium alæ à reliquis interclusæ, profligatæq; sunt.  
Cæterum Braccius vbi Capuam est reuersus, de Iannucio viro fortissimo sup-  
plicium sumpsit, quod paucis ante annis ab ipsius castris exacto stipendio, sed  
nequaquam impetrata missione, discessisset.

*Quoties prælio & insidijs sit captus Cap. XXXV*

Semel omnino manu hostium, bis inimicorum fraude captus est. Cæte-  
rum adeo felici sorte, vt è calamitate scipso semper maior, & clarior euaserit.  
Siquidem præter honores & opes quas obiter ab innocentia prædaraque vir-  
tute affluenter est consecutus, etiam illi (quæ in summa totius vitæ iucundissi-  
mum videtur) opportunè atque feliciter euenit, vt inimici eius serè omnes ad  
mirabili Decorum immortalium iudicio pleſcerentur.

*De prælio ad Casalecium facto Cap. XXXVI*

Eo insigni prælio, quo ad Bononiam iuxta Rheni pontem Bernardonus  
vir Gallus, Pontificis Florentinorumque & Bononiensium imperator supe-  
ratus, captusque est ab Alberico, & Vermio Ioannis Galeacij ducibus: Sfor-  
tia & ipse in potestate hostium deuenit. In eum enim constantissimè dimican-  
tem, & deserente locum Tartalia, à latere præsidio nudatum, Facinius Canis  
dux acerrimus, cum densata ala cataphractorum equitum irrupit, adeo ve-  
hementi improuisoque impetu vt multis prostratis, & ipse Sfortia equo per  
armos hasta perfolso deturbaretur, superincidentibusque victis simul atque  
victoribus planè oppressus summum vitæ periculum adiret. Vbi verò Albe-  
rici

rici beneficio castris hostium se explicuit, ingenti animo gregarios milites qui exuti armis & equis more militiæ dimittebantur, cohortatus est ut benesperearent, & se duce Florentiam venirent. Fore enim ut accepta incommoda Senatus liberalitate & cura sarcirentur. Ita ipse pedes Apenninum transgressus portæ urbis applicans, ut erat puluerulentus recta in curiam contendit, trecentos amplius viros fortes adducens: Patres conscripti, inquit, nos vestri milites, ut opportuit pro dignitate vestra, & militari laude impigrè pugnavimus: fortuna autem quod voluit & potuit insolenter effecit. Cæterum si digni sumus qui vestra benignitate armis & equis instruamur, dabimus enim operam, ut vos iudicii vestri minimè poeniteat, & nos vberiore stipendio digni videamur. Placuit Senatui in eo publico omnium dolore, generosi in fractuque animi vigor: ex temploque Sfortia accepta largè pecunia, & reffectis turmis duplicatam numero equitum præfecturam obtinuit.

*Quomodo ex insidijs sit captus Cap. XXXVII.*

Malignitate porro, & parum virili insidiarū genere Pandulphi Alopī circumuentus, & in Arce noua Neapoli custodiæ traditus per quatuor menses nihil mitius expectauit, quàm ut carnifice conficeretur. Id enim vnum ab improbis ac imbellib., quibus ex ignobili metu inhumana crudelitas inesse solet, omnino timendum arbitrabatur: quandoquidem illi naturæ vitio viros fortes & illustres, infontesque præsertim non capere, aut fortè captos non temerè vnquam dimittere, veluti exacerbatis iniuria eorum animis consuefcent. Erat Alopus natalibus clarus, sed decore formæ & morum illecebris maximè insignis, quibus Reginam fracto pudore insanientem ad amorem pellexerat. Ea enim ut iampridem vidua, sublato scilicet marito qui erat ex Austria domo, Norici regulus, ac demum orbata fratre Rege Ladislao, apertius atque liberius, uti libido extimularet, amoribus vacabat: adeo ut Alopum rarior præfectura ornatum veluti consortem imperij, & rerum omnium arbitrum, Neapolitani Græcorum more in adulationem promptissimi, regijs honoribus percolerent. Is diffusum summo gratiæ loco, qui tum maximè lubricus videretur, quum ad fastigium propius accedit, Sfortiam tanquam riualem suspectare cœperat, Regina scilicet, ubi à grauissimarum rerum consultationibus discederetur, familiarius ac blandius cum Sfortia inicos miscente. Tanta enim erat in eo viro staturæ dignitas, & frontis honos, & in sermone alacritas militaris, ut Reginæ animum ingenitæ libidini semper obtemperantem, facillè occupare posse videretur: ut inde qui & gloria suâ, & militiæ opibus tantus erat, validissimo gratiæ nexu confirmatus, ut summi ducis & denique Regis nomen vsurparet. Itaque liuore atque perfidia Pandulphi, Sfortia nouo calumnix genere oneratur, subornatis qui dicerent, non incerta fama circumferri, Sfortiam ante omnes delectum esse, cui Regina nuberet, maturisque iam nuptijs fore, ut Rex intra paucos dies appellaretur. Per hunc modum nihil tale suspectans Sfortia, ex cornaculo in cubiculum ductus, atque in de custodiæ traditus est. Sed in eum nihil durius & atrocius statuerente Regina, nec obliuente tamen impotenti amatoris cœpto, planè accidit, ut nemo è tantis copijs, totque præfectis, uti sperarat Alopus, à Sfortia deficeret: sed in v.

num Sfortiani omnes, Laurentio duce, ad urbem Clusium cogerentur, per uasuri infestis armis usque Neapolim, ut ducis iniurias vindicarent. Per opportunè quoque sub id tempus allatum est, Iulium Cæsarem è familia Capuana, Capuam, unde erat oriundus, occupasse: Christophorum item Gaetanum defecisse à Regina, & Iacobum Caudolam (qui dux bello datus) Aquilanos ad defectionem impulsisse. Qua rerum necessitate adductus Alopus, quum nemo esset qui ipso Sfortia melius, atque præsentius Reginam tutari, rebellantesque compescere, & persequi armis posset, Sfortia cum multo verborum honore custodia educitur: datisque obsidibus, & accepta ingenti pecunia, gerendi belli cura ei protinus demandatur, ea conditione, ut Cattellam Alopi fororem matrimonio sibi adiungeret, qua affinitate cum Alopo syn-cera fide in gratiam redisse testaretur. Obsidum princeps fuit Franciscus filius, qui postea virtute animi, & felicitate rerum gestarum omnes eius ætatis duces antecessit.

*Quomodo ad Beneuentum sit captus Cap. XXXVIII*

Paribus quoque insidijs, sed multo acerbiorè periculo, & calamitate maxime diuturna, iterum in carcerem est coniectus. Nupserat Regina Iacobo Martiæ Comiti, viro è Narbonensi Gallia regijs natalibus orto, nulla honestiore de causa, quam ut impudicitie probra accepti coniugis imagine regerentur: ceterum ea conditione, ut is regio nomine penitus abstineret, & Tarentinus tantum princeps appellaretur. Miserat Regina qui cum è Manfredonia Neapolim venientem exciperent, ipsum ante alios Sfortiam: qui Magistrj equitum honore longè amplissimo cæteros anteibat, & cum eo Perettum Allobrogem regie aulae præfectum, Troiæ comitem: utque item Iulium Cæsarem Capuanum cum Fabritio fratre, & Cecholinum Perusinum alas equitum ducentem, homines gloriæ, ac amplitudini Sfortiæ plurimum inuidentes. Hos diserte etiam atque etiam Regina monuerat, præceperatque: ut Iacobum non alio, quam principis nomine salutarent. Verum ubi in conspectum est deuentum, solus Sfortia cæteris omnibus magno astu, & repentina perfidia in adulationem procumbentibus, reginæ mandatis paruit: neque vel præsentis exemplo adduci potuit, ut eo scelere Reginam offenderet, ac officij pariter & libertatis oblitus impudenter assentaretur. Ita uti coniurarant veteres Sforticæ hostes, Iacobum adeunt, in Sfortiam falsis vera miscitis peracerbe & grauiter inuehuntur: adduntque magnis pollicitationibus, si animum regio nomine dignum coëptis asserre velit, se omnes strenuè operanti nauaturos, uti ei cortisimo procerum studio, & secundissima populi voluntate, nec demum succedente Regina, regie dignitatis corona deferretur. Sed ante omnia Reginam duobus importentibus morchis atque latronibus omnino liberandam videri, qui regnum pro libidine lacerandum, euasandumque subacta pessimis artibus. Regina, arroganter occupassent. Hos esse & Alopum & Sfortiam: sed illum postea Neapoli faciliè tolli posse, si præsentem Sfortiam celeriter oppressissent. In hunc modum inita conspiratione, per assuetos cædibus satellites, quorum Sclauettus ex Illyrico princeps erat, cum in itinere confodere statuerunt, cum in vado Caloris amnis incautus, & à suis disiunctus faciliè confici posse videretur. Sed percussoribus demum ad patranda tantum viri eadem animus

defuit, quum insidentem militari equo, cui à sefforis fiducia Sperantio nomē erat, quadratoq; suorum agmine, & minaci vultu amnem transgressum formidassent. Certis enim coniecturis, vir acutus, cū ab se quādam imperari agminaue componi animaduertat, notaratq; pallentia ora in quibusdam, qui atrociam & periculosa suspensis animis agitare videbantur. Sed nihil adeo facuum aduersum se parari posse, vir adaperitus & generosus, ad animum admittebat, adeo vt in arcem Beneuentanam ad Iacobum ascendere non dubitaret. Ibi ex composito, quum Iulius Cæsar spurcissimo ore maledictis agendo perfidiæ crimen obiectaret, contraq; ipse succensus ira, calumniæ indignitate permotus, eum tanquam improbè mentientem in singulare certamen, militari prouocatione deuocaret spectante Iacobo, res eò deducta est, vt Perettus & Cecholinus simulatione officij altercantes dirimerent, comprehensosque in diuersa cubicula diducent. Sed Iulius statim est dimissus, Sfortiæ autem manica ferreæ statim iniectæ. Nec mora magno concursu factò Sfortiæ domus diripitur, equites vertuntur in prædam, captique tres liberi eius, & propinqui sermè omnes custodiæ traduntur, vno excepto Sanctoparente, qui initio tumultus talia spectans, atque opportunè diuinans feliciter effugit.

*Quomodo Iacobus ex principe Rex sit appellatus, & Sfortia seruatus. Cap. XXXIX.*

Capto Sfortia, Iacobus Neapolim venit, prodenteq; Nouam arcem Auerfano Centurione, cui à contrario euentu Seruatori nomen erat, ea pōitur: Paulum Vrsinum liberat, interfectoq; Pandulpho, Alopo, nuptiales mensas eius sanguine conspergit. Nec multo post Reginam coniugalis quidem thori consortem facit, sed erepta totius imperij potestate, multis oneratam probis, et seuerè castigatam, ne diffugiat à Gallis custodiri iubet: regios titulos ipse usurpat, & Gallis honores, præfecturas & magistratus dilargitur. Interim Sfortia deuectus in Insulæ Megaris arcem, cui ab Ouo nomen est acerbissimis tormentis cruciandus Bernardo barbaro homini traditur, vt expressis tesseris quæstione, ea oppida reciperent, quæ Sfortianorum imperio tenebantur: nec suprema tamen vis, vt ante decreuerat, vitæ eius affertur. Tot enim acerrimos duces propinquos eius, tantasq; copias veteranorum militum amore, & studio incredibili, multisq; beneficijs, & diuturna consuetudine Sfortiano nominè addictas formidabant: vt pote qui eius rei periculum superiore anno improspere factum fuisse meminerant. Porro Sfortiani milites fuga ad Petraxæ oppidum in Samnio coeunt. Michaeletus & Laurentius Attenduli, & Sancto parens infecta populatione in suburbanas vsque villas portasque Neapolim deferuntur. Ob id Iacobus copias conscribere cogitur, quibus Iulius Cæsar, & Cecholinus hostem reprimant, & Tricaricum urbem expugnent, quam Ladislaus Francisco Sfortiæ filio, prædara pueri indole adductus dono dederat. Erant in præsidio Michaeletus ipse, & Michelinus Rabinianus, cui Margarita Sfortiæ soror, Foschini, & Marci Attendulorum mater, defuncto prior marito denuperat. Ii de Sfortiæ salute solliciti, opportuè de inducijs, compositioneque agere cōperant, factaque potestate impunè commeandi è castris hostium, summæ nobilitatis homines Tricaricum venerant, Antonellus Pudericus, Ruffus Caietanus, & Angelus Vellianus Nouæ arcis præfectus.

In hos Margarita fraternæ virtutis æmula, arrepto venabulo loricata impetum fecit, comminataque acerbissimum mortis genus, ni fratrem incolumem sibi redderent, legitimo iure captos comprehendit. Quando ab ipsa, quæ Tricarici imperio & ditione potiretur, nequaquam autem à Michaleto, Michelinoque, quibus malum in ea vrbe ius esset, fides petenda fuisset. Id virile facinus haud dubiam Sfortiæ necem auertit: exemplo enim à legatorum propinquis concursu ad Regem facto, facile impetratum est, vt Sfortiæ parceretur.

*Quibus conditionibus Sfortia necem effugerit Cap. XL.*

His autem conditionibus inter Sfortianos & Regios res compositiæ sunt, vt tradito Tricarico, & remissis legatis, Sfortiæ liberi, & propinqui omnes, ac milites dimitterentur, præter Franciscum, qui ad solatium præteritæ calamitatis in liberiore iam humanioreque custodia cum patre relinquebatur. Laurentius autem & Sanctoparens, mille equitum stipendia sub Rege mererent: Michaleto quoque vt liberet, cum Leone, Ioanne, Alexandroque Sfortiæ liberis in Hetruriam proficisceretur, iureiurandoque rex promitteret, nihil se postea Sfortiæ nociturum. Margaritæ item potestas esset, vbi vel Neapolitano in regno confidere: idemque liceret Catellæ Sfortiæ vxori, quæ in tanto rerum tumultu ad sacratas virgines in templum diuæ Claræ cum Lisia priuigna confugisset. Michaleto quoque concessum est, vt quoties vellet, Sfortiam inuideret, alloquereturque sine arbitris. Isque demum approbante, adhortanteque Sfortia, ad Braccium, veluti ad veterem amicum, tuentemque Sfortiæ oppida in Hetruscis cum sexcentis equitibus contendit.

*De supplicio Caesaris, & Sfortiæ felicitate Cap. XL I.*

Pacatoregno à Sfortianorum incursionibus, Iacobus nihilo sedus Reginā in custodia continebat, abutebaturque imperio adeo insolenter, vt solis Gallis cuncta deferret. Italicos vero homines vsque ad fastidium omnino reijceret atque contemneret: & denique illustrium amicorum obliuisceretur, qui cum summo scelere atque periculo ei regium nomen asseruissent. Hac indignitate permotus Iulius Cæsar ingenio superbo, atque præcipiti, vlciscendæ cum publica tum priuatae contumeliæ consilium desumpsit. Repulsam enim tertulerat, quum in locum Alopi supplicio affecti, aut captiui Sfortiæ, aut denique Peretti paulo antè defuncti, suffici cupiuiisset, præoccupantibus cuncta Gallis qui amplissimos honores sibi deberi existimabant. Hi sunt ordine, Magister equitum, regiae aulae præfectus, atque item præfectus grarij, qui hodie nouitio vocabulo Connestabilis, Sénéscalus, & Camerlingus appellantur. Igitur Iulius Cæsar lethali bile percitus, reginam secreto adit, ipsius iniuriam, & communes omnium miseras deslet, quibus se præbuisse initium facetur: sed accepta fide serio promittit, tam forti animo, quàm antea incauto his rebus omnibus finem allaturum, modo ipsa dignum regio sanguine, & præsentis fortuna consilium sincera fide ad animum transmittat. Consolurum enim sua manu pseudoregem pollicetur, vt Reginam simul & patriam à barbarorum tyrannide liberet. Tum vero Regina gratias agens excussis lachrymis, & præbita dextra fidem dedit, se immortalis beneficio obstrictam fore, si id quod egregio voto

voto conciperet, & à Dijs immortalibus, & à Fortuna probaretur: ceterum in id facinus animum pararet, & ad se triduo reuenteretur, vt cuncta aptius vt opus foret, constitui, atque instrui possent. At scæua mulier, nec oblita recentis iniuriæ, quò autore Iulio Cæsare, & necatum Alopum, cuius memoriam occultis fleibus assidue percolebat, & Sfortiam tutorem regni, defensoremq; regie dignitatis, tormentis excruciatum, ipsamq; regio fastigio deiectam, in custodia barbaris traditam obliuisci non poterat; animum ad vindictam atque perfidiam reuoluit, denulitq; cuncta ordine ad maritum vt incorrupti amoris, & propensissimæ voluntatis fidem animo eius inferreret, & geminata demum prodicione vtrunque disparibus insidijs aggrediretur. Iacobus ea nouitate periculi exterritus, nec planè mulieris indicio fidem præbens vbi compositis insidijs in Reginæ cubiculo Iulium Cæsarem eadem de patrandæ cæde promittentem, conopeo tectus audiit, proslentibus armatis extemplo Cæsar est comprehensus, & in foro quum securi percuteretur, demum dignas instabili & turbido ingenio penas persoluit. Per hunc modum Iacobus adeo insigni vxoris officio deuictus, familiarius atque frequentius reginam adibat, permittebatq; vt solito liberius, & sine custodibus tota arce vagaretur.

*De Regina capto Rege liberata Cap. XLII*

Cæso Iulio Cæsare, & ob id facinus Regina in coniugalem thorum, comæ munesque epulas recepta, Iacobus nequaquam omnem animo suspicionem deterfisse videbatur, quò spaciante Reginæ arcis limine pedè efferre, aut nauicula deuchi non liceret. Itaq; duo Neapolitani, altitudine animi insignes, cripiente, afferendæque in libertatē Reginæ, ac expellendi Regis negotiū susceperunt, Othinus Carracciolus, qui inter optimates autoritate & opibus præcellebat, & Anechinus Moriminus popularium princeps. Discesserat opportunè per eos dies Lordinus Gallus equitum Magister, cū copijs in Aquilanum agrū profectus, & festus dies publico epulo, & chorearum ludis in theatro celebrabatur. Ad id honoris causa Gallorum Proceres inuitati, & quum nouæ nuptæ omnes, matronæq; nobilitate & forma lectissimæ, ad eam celebritatem ducerentur, haud difficulter, sed magnis tamen precibus à Rege impetratum est, vt Regina iucundissimis huiusmodi voluptarijsq; spectaculis interesset. At postquā inclinante in vespem die saltationi finis est impositus, Reginam ciuibus agentem gratias, & simulanter in arcem Nouam redire parantem, à dextra sinistraque Othinus & Anechinus comprehendunt, sti patiq; valida iuuenum manu, eam in Capuanam arcē perducunt. Extemplo Reginæ nomen inelamatur, inuaduntur Galli, totaq; vrbe fugati, in arcē compelluntur. Rex ad inopinati periculi discrimen metu cōsternatus, portas clau diiubet. Neapolitani ex aduerso circumvallare arcem, egressus obstruere, & latè obsidere Regem pergunt. Quibus rebus non modo dignitati, sed & salutē vehementer timens, nudatusq; omni militum præsidio, & consilij penitus inops, hac conditionib. in dedicationē est receptus, vt in posterū regijs titulis abstineret. Tarētinus princeps appellaretur: Gallos verò omnes, præter quadraginta in Galliā remitteres, et Sfortia statim custodia emitteretur, reddereturq;

ci vi erepta oppida renouatoque veteri honore, Magister equitum crearetur.

*De iniurijs eius Deorum iudicio vindicatis Cap. XLIII.*

Haud dubiè concessu & munere Deorum, ea quæ longè omnium honestissima, maximaque videtur, per omnem ætatem voluptate potitus est, vt insignes iniurias suas ab his plerunque, qui erant inimicissimi, vindicatas conspiceret. Facile enim accidebat, vt hominem multo candore, fide, probitate, que ingenij præditum, & nunquam per circuitus atq; fallacias, sed militari ad aperta que via ad verum decus properantem, ij maxime ex insidijs peterent, qui imbelles, malis artibus, & perfidiosa simulatione in aula principum valerent, aut bellica virtute valde inferiores, in recessibus animi cæco liuore torquerentur. Sequentibus enim naturæ virium, merita poena non defuit, quæ, nocentes, vel pede claudo maturè consequitur.

*De cede Alopì Cap. XLIIII.*

Pandulphum Alopum, cui Ioanna Regina eius amore perditâ, gratij præfecturam, ingentes opes, & totius regni procuracionem detulerat: adeoque ei profligato pudore erat obnoxia, vt iam imbelli impudicoque iuvene, ipsum Sfortiam virum fortissimum, insonnentque carcere includi pateretur, securi percussum, triduoque insepultum Neapolitani in foro spectarunt, quum Iacobus rex qui tum & Sfortiam in custodia seruabat, ipsum Alopum in Reginæ stratis occultatum, deprehensumque cepisset.

*De nece Iulij Cæsaris, Peretti, & Cecholini Cap. XLV.*

Iulio Cæsari Capuano; Peretto Troiæ comiti, & Cecholino Perusino par vitæ exitus fuit. Hi enim virtuti atque amplitudini Sfortiæ inuidentes, nihil tale suspicantem Beneuenti comprehenderant, quum etiam eum biduo antè submissis percussoribus interficere cogitassent. Horum igitur malignitate atq; perfidia captus Sfortia, & crudelitate regis in quæstione tortus, priusquam è carcere mitteretur, audiit Iulium Cæsarem ab ipso rege, digno perfidia eius supplicio publicè necatum: Perettum verò idem expectantem acerbissimo intestini dolore, incertum an veneno sublatum. Nec multo post Braccius in Assiatum campis, memorabili pugna superatos Carolum Malatestam & Cecholinum viuos cepit: recuperata ex ea victoriâ vrbe Perugia, Carolum tanquam hostem ingenti pecunia redimi permisit: Cecholinum autem vti inimicum, & aduersarum partium acerrimum ducem in carcere necauit.

*De calamitate Iacobi regis Cap. XLVI.*

Ipse quoque Iacobus, qui reginam vxorem in captiue morem Gallorum custodia seperat, in faustoque Iulij Cæsaris & Cecholini studio rex fuerat appellatus, vix vndecim mensibus regnauit: nobilissimorum enim ciuium conspiratione in potestatem Reginæ reductus, eum superbiæ & crudelitatis exitum tulit, vt rationis poenam subiret. Sed demum impetrante Martino Pontifice, cum liberiore custodia seruaretur, nauigio repente consensu  
Tarentum



Tarentum profugit, sed eo fortunæ euentu, vt inde oppugnatus à scemina Maria Baucia Ladislai regis vxore scdissimè pelleretur. Scnsit & demum vel Italia pulsus infestos deos, rabidissimis ventis in Cephaleniam insulam raptus, & longo tandem, varioq; errore delatus in Galliam. Desperatis namque rebus, vt ignominiam & calamitatem religionis voto contegeret, sacra- ti habitus cucullam sumpsit: atque ita vir scruitia & fastu intolerandus inter sacerdotes in obscuro vitam finiuit.

*De Sergiano magno Senescalco trucidato Cap. XLVII.*

Fuit etiam perpetuo infestus Sfortiæ Sergianus Caracciolus, qui à Regi- na in delictis habitus ad id gratiæ potentiæque fastigium peruenerat, vt Al- fonso regi in filium adoptato, auctoritate acopibus equaretur. Hunc à rege captum, qui Reginæ matris nomen tantis impudiciæ probris liberare contendebat, Sfortia redemerat: ita vt in eius gratiam, cupiente præsertim æpetenteque Regina illustres duodecim Catalanos, quos profligato rege ce- perat, graui admodum permutatione dimiserit. Sed tanto etiam obstrictus beneficio, in posterum nihil ab ingenio suo discessit, quin pessimis artibus hostilia, & maxime atrocia in Sfortiam moliretur. Hunc ad extremum viri illustres, qui tale monstrum ferre non poterant, vt Reginæ pudori consule- rent, pernoctantem in arce Capuana, euocatumque cubiculo trucidarunt. Iacuit & semiuivum cadauer in via publica tanto fortunæ ludibrio, vt regi- na nullam vocem emitteret: propinqui tanti viri cædem vindicandam non susciperent: Magistratus autem id facinus miro silentio transmitteret.

*De Nicolai Vrsini facta morte Cap. XLVIII.*

Nicolaus etiam Vrsinus Bertholdi filius, à quo Viterbiensi acie Sfortiam desertum, proditumque memorauimus, vti Braccius ipse aliquot post an- nos ad Gaianellum in colloquio syncerè testatus est, eius facinoris pœnas i- gnobili morte perfoluit. Quum enim apud Soanam oppidum Senensis agri- tuæ ditionis impotenter agrestium foeminarum pudicitiam expugnare per- geret, concursu vnius famuliæ quæ in tyrantium coniurarat venabulo, & i- rati quidem aratoris manu crudelissimè confossus interiit.

*De Paulo Vrsino Braccij insidijs interfecto Cap. XLIX.*

Cum Paulo etiam Vrsino insigni duce, dilacerata vetere amicitia, simul- tates adeo vehementer exercuit, vt ex militari prouocatione vsque ad singula re certamen iram atque odium efferrent. Sed id facinus auertit Ioannes Pon- tifix, Balthasar olim Cossâ, quem tum primum è Bononiâ Romam petentē Sfortia eius militiæ ascriptus deduxerat, ostentatq; in ea pompa per mediâ urbem ornatissimas alas, & veteranas aliquot cohortes, inuidente Paulo, qui clientelis, & Vrsini factionis viribus pollens, neminem potentia & dignitate parem pati, & prorsus Romæ solus regnare cupiebat. Erat enim bello acer, verû ambitiosus, impotens, cruentus, et ab ingenij mobilitate, crebris, fœdisq;

transfugijs infamis. Itaque quum Sfortiam extimulatum varijs iniurijs ab amicicia Pontificis diuellere, Vrbeq; detrudere pergeret, quod eo expulso, nemo esset reliquus qui licentiam audaciamque ipsius frangere posse videretur, id aperte molitus est, vt Sfortia de salute sollicitus, vi ac iniurijs compulsus Vrbe excederet, & in Algido castra metaretur, nec vt rediret adduci potuit, quanquam Pontifex nullo ad eum S. Angeli Cardinale vetere eius amico, communi nomine pro Paulo fidem interponeret. Respondit enim se eius hominis temeritati salutem minimè cōmissurum, qui antea in conspectu Gregorij Pontificis manusua Mostardam clarissimum ducem confodere non dubitasset, & ab eius inusitati facinoris impunitate animū minoribus postea cædibus efferratum ad terrendos homines ostentaret. Inde Sfortia Ladislao Regi se coniunxit, ad quem non multo post & ipse Paulus est profectus prodita vrbe Roma, quam paulo antè cum insigni laudè defenderat. Sed eum demum Vmbrico bello prodicionis accusatum, & Neapoli ad supplicium in custodia seruatum, Ladislaus immatura morte sublatu, periculo exoluic. Sed vt meritas & fatales pœnas subiret, fortuna demum eo pacto illum carcere eduxit, vt Braccio obijceret, qui dum Sfortia in cathenis teneretur, eū ad collem Floridum extra portam oppidi spaciante nactus, Tartalia, & Ludouico Columna operam nauantibus, interfecit. Eo cædis nuncio erectum in spem libertatis Sfortiam sublata voce dixisse ferunt: Ergo & mihi infanti dij immortales maturè cathenas soluent, qui vtiq; quisq; iudices impio ac omnium deterrimo dignum vitæ exitum celeriter attulerunt.

*De Armerij proditoris supplicio Cap. L.*

Armerium quoque Asculanum, cui vt equitum turmam, & cohortes pedum simul duceret, contra vetus institutum indulserat, vnum omnino è tantis copijs & beueficij oblitum, & summa cum perfidia alienatum sensit. Hic enim, duce Neapoli custodiæ tradito, urbem Orbitum naturali munitione inexpugnabilem, quū fidem cum fortuna mutasset, Braccio venalem proposuit, & prodidit. Nec diu Armerius auro illo flagitiosè quæsito potitus est. Hostilia enim molitū, accumulataq; perfidia, nouæ prodicionis consilia, fallaci ingenio versantē, Vitellius Patriarcha Cornetanus laqueo necari iussit.

*De infelicitate Braccianarum partium, & Sfortianarum prospero successu Cap. L I*

Hac quoque Deorum immortalium censura, id etiam in cumulo felicitatis accessit, quod nihil, vel eo vita functo iustæ ultionis videretur esse prætermisum: quandoquidem Franciscus filius ita patris virtutem, & opes, & studia militum excepit, vt non multo post Braccium, atque item continenter eius partium duces, non vno in prælio prosterneret. Non multis enim in diebus, cum Nicolai Picinini opes, tum filiorum eius conatus virtutis emulatione certantium, magnitudine & felicitate rerum gestarum vique adeo fregit, atque deleuit, vt nemo Braccianæ sobolis hæres, qui dignitatem originis & senescentis famæ nomen sustineret, facile reperiretur.

Devulnere

Viterbiensis in pugna grauisimum ex obliquo vulnus ceruicæ excepit: cum ei Brandolinus Comes vehementi incursu, diloricata casside in iugulum vsque hastæ cuspidem adegisset: neque prius, vel multo manante sanguine, reduci pugna potuit, quàm à Sancto parète irato simul et reclamante, correptis equi habentis retrò verteretur: adeo enim ira doloreque incensus erat, vt vindictæ cupiditate insana quadâ temeritate cum paucis sæpius in medios hostes procurrere, peruadereque vsque ad media signa non dubitaret.

*De periculo eius in expugnatione Capitonis Cap. L I I I .*

Eadem penè animi perucacia cum viturum iniurias, Braccium Martini auspiciens in Umbria persequeretur, in expugnatione Capitonis oppidi extremum vitæ periculum adiit. Defendebatur accerrimè oppidum a Braccianis, adeo vt Sfortiani quater redintegrata pugna, & irritò semper conatu multis acceptis vulneribus segnius murum subirent. Id dedecus se præsentè admitti, elato indignanteq; animo, minimè ferens, comprehensam sua manu scalam mœnibus admouit, & subiit. Nec desuere hostes qui in cum ascendente fortè exemplo milites, ingenia trabium pondera, molaesque lapides prouoluerent, ita vt comminutis scalis, terribili strage in præceps dati, rota fossa sternerentur. Decidit Sfortia è summo ferè muro deturbatus, adeo vt multis fomentis, vix post horæ spacium ad vitam sit reuocatus. Eo tamen casu, nequaquam internissa pugna, recruduit, inusitatoque ardore Sfortianorum militum corona muri occupata, oppidum est directum, & Bracciani duces capti, ipso prope spectante Braccio, qui laturus opè cum magnis copiis aduentabat. Inter ca prius fuisse clarissimi postea duces Comes ipse Brädolinus, cuius manu Sfortiâ ad Viterbium vulneratū fuisse meminimus, & Gattamelata Narniensis, cuius hodie ænea equestris statua Patavij à senatu Veneto posita conspicitur.

*De vitæ discrimine in quo Roma versatus est Cap. L I I I I .*

Versatus quoque est in longè maximo vitæ discrimine, cum mediâ in urbe Roma continuato per tres dies cruento certamine, pugnaretur aduersus Vrsinos, contra vrgentibus Columnis atque Sabellis, quibus Sfortia dux aderat. non longè enim à Mineruæ templo, qua itur ad Aemilianum arcum è fenestra ingenti saxo brachio est ictus, adeo vehemènti dolore, conuulsisque neruis, obortaque oculis caligine, vt exanimatus ab equo prorueret, & à suis pariter ac hostibus sedè proculcaretur: sed vir nequaquam dolore victus, in genu sese fortiter erexit, læuæque proximi equitis lora stapedis comprehendit. Is erat Laurentius eques Romanus, cognomento Surdus, qui claua ferrea obuio percutiens, vt opem ferret, proturbatis disiectisque hostibus, ad Sfortiam ferocem equum adegerat, cohortans & monens, vt galeæ bucculam eleuaret, raptarique se equi viribus pateretur: atq; ita correptus per bucculam innixusque stapedis loro eggrè pertrahente Surdo, in pacatum locum peruenit, magno prorsus miraculo seruatus: quandoquidè qua draginta amplius diebus cum brachij, cum dextræ manus sensu vsuq; caruerit,

*De insidijs ad Calorem anni mensis vitatis Cap. L V .*

*Ter* ex insidijs in summo vitæ discrimine versatus est: primò ad Calorem amnem apud Beneuentum, pridie quàm à Jacobo rege & à coniuratis custodiæ traderetur. Profluentis enim vadum tentanti, disiunctoque à suis, ad id delecti equites, districtis repente gladijs, & adactis equis vim afferre decreuerant. Sed ille, quanquam nihil tale suspicaretur, quum sine consilio suo quædam turbatus, quàm pro pacati, & nihil hostile timentis agminis consuetudine, imperari & circumagi videret, tanto animi vigore sub vexillo agmen composuit, & galeatus ferocem equum, quo in prælijs vti erat solitus conscendit, vt coniurati subito pauore concepto, quominus tela expedirent, vel vna terribilis, & parati eius facie terrentur.

*De insidijs ad Sarnum astu superato Cap. L V I.*

Sergianus Caracciolus deformi postea vitæ exitu memorabilis, quum anxie rituales timeret, ob idque Vrbani Aurilii Reginæ genio respondentem, specie honoris legatum Constantiam ad concilium ablegasset, Sfortiam & ipsum eodem astu tollere conatus est. hoc demum à regina impetrato, vt aduersus Sanseuerinæ familiæ proceres in Brutios mitteretur. Discesserant enim Sanseuerini à veteri officio, nec planè tamen rebellant. Ob id putarat Sergianus Sfortiam aut minus feliciter reginæ operam nauaturum, aut Sanseuerinos inexpiabili iniuria affectos contractæ affinitatis, ac amicitinæ iura turbaturos. Sed Sfortia autoritate ingenti potius, quàm belli metu, sanatis Sanseuerinorum mentibus, ita celeriter negotium confecit, vt ei Sergianus regredienti non vno in loco insidias pararet. In Picentinis enim occupati calles, suppressi cōmeatus, & circa Salernum excitæ agrestes, qui præcis itinibus Sfortianas turmas aggredierentur: præpositusque demum ad Scaffatam ponti Sarni amnis Campanus centurio, vt transeuntem inuaderet atque conficeret. Verum id rescivit Sfortia, copiisque ad Anchariam vi cum subsistere iussis, obsoleta lacinia indutus, armatusque tragula, & galeatus, stabulario similis percussores fefellit. Quum enim in equi clunibus de more, mantica cum strigili gestaretur, & cribrum ab ephippio dependeret, quis eum tanti nominis imperatorem putasset?

*De periculo ad Caietam paruo casu facile superato Cap. L V I I.*

Paruo etiam temporis momento, & magno quidem parentis fortunæ beneficio, Alphonsi regis insidias præuertit. Venerat ad Reginam Sfortia, quum illa, graui tum ad Neapolim Autumno, Caietam cum Sergio secessisset, atque vnà rex Alphonsus in Formiano litore inter fontes, & Citriorum sylvas, vitandis istis causis versaretur, vt cum ambobus post redditas Acceras, de stipendijs, ac oppidorum possessione disputaret, inuasit repente Regis animum sæua libido Sfortiæ tollendi. Is enim vnus erat qui virtute animi, & bellicis viribus terribilis, offuturus esse videretur, si ambitioso animo spes suas proferre, & aperte regnum inuadere vellet. Sed Sfortia magno, & planè regio comitatu, multisque fortibus alarum præfectis semper superatus, nequa quàm sine anticipi periculo comprehendi posse videbatur. Excogitauit itaque  
dolum

dolum Rex peracutus, trirememque conscendit inuitato Sfortia, vt honoris causa secum legato pontificio obuiam venire minimè grauaretur. Is erat Fonseca Cardinalis, qui ad eū à Martino mittebatur. Nec dubitauit Sfortia, quin pariter conscenderet, nihil de Catalanorum perfidia suspicatus, vtpote qui ad aperta ingenii animi fiducia, nihil sibi infanti timendū arbitraretur. Parata iam erant compedes, & laqueus more gentis, sacculusque quo inuolutus profundo mergeretur quum id promontorium, in quo mirabile Planci sepulchrum latè conspicitur, transuectis celerius opinione omnium, è Speluncano litore Legati tremis apparuit. Tum verò Alphonsus qui tum in recessum extremæ puppis sceleris ministros euocarat, animum à nefario consilio ad pristinam comitatem reuocauit: ne aduentantis sacri viri lætitiā, & publici officij cæremōnias, tanti facinoris atrocitate conturbaret. Ita Sfortia deorum immortalium munere conseruatus ad suos redijt, quum eum Sfortiani omnes, tanquam fato functum verisimilis lachrymis eluxissent.

*De moderata liberalitate eius & abstinentia, contemptuque pecunie Cap. L V I I I*

In exercenda verò liberalitate, qua vna maximè virtutè, vcl ingentia vicia occultari faciliè possunt, mediocritatem tenuit, varia admodum fama, quum in erogando distribuendoque meditata, & prouisa largitione vteretur, quasi ducem ad gloriam, & ad magna imperia semper aspirantem pensitata ratione vti non doceret: quū militi præsertim improuisa, & festinata potior videretur. Sed ille opes semper contempsit adeo liberali iudicio, vt à signatæ pecuniæ nota oculos semper auerteret, vituperatis qui diro eius conspectu, & venenata libidine gauderent. Sumptuarias rationes, censu oppidorum, & stipendijs æquabat: ne, vt ipse dicebat, temere decoqueret. Creditores raro contempsit, nunquā elusi: quoniam opum & diuitiarum opinionē, fide potius & incorrupta existimatione, quàm præsentī pecunia constare iudicabat. Ne mo enim ea tempestate, quum oporteret, opulentior ac instructior fuit: quandoquidem insigni studio mensariorum omnium oneratus etiam grauib impendijs iuuaretur. Vt cum accidit ad Viterbium amissis supra mille equitibus, ad pecuniæ inopiam redactis: quum è foro Romano amici atque beneuoli certatim sub vna tantum syngrapha aureorum nummum triginta milia contulissent. Irridebat plerosque & in hoc Braccium etiam ipsum, qui aliquando aliena rapere, prædarique, quam es alienum dissoluere mallet, vt ab extemporanea, & dissipata liberalitate militum animos sibi deuinciret. Præcipua enim cura eis semper fuit, paganos & agricolas ab avaritia militum defendere, hospites tueri, licentiam militarem in hybernīs, & in agmine, indicta graui ac inexorabili pœna cohibere, ac demum deditis consensuque quàm expugnatis, atque deletis vrbibus, lætari. Adeo vt eum Braccius in colloquio ad Saccomaniam syluam, quod vtrique supremum fuit, post multa de bellicis artibus grauisimè disputata percunctaretur: Cur nam tantoper seueritatis ac abstinentiæ laudem quærendam putaret, quando id prorsus à toto militaris consilij proposito alienum esse videretur: quod promereri studia militum, vel cum iniuria generis humani oportere censeret, si ad ingen-

tia imperia & opes vti ipsi ab humili fortunæ loco prosperè decreuissent, foret cuolandum. Ad ea Sfortiam respondisse ferunt, nihil esse gratius dijs immortalibus, equitate atque iustitia, qua vna maximè, quæ sita bello opes, potius demum armis, cum insigni gloria firmarentur.

*De duabus eius concubinīs Cap. L I X.*

Quum Perusinis, apud quos Biordus, & Cecholinus fratres interfecto Pandulpho Baleono nobilitatis principe, popularium statum induxerant, stipendia mereret, in hybernaq; concessisset ad Martianum oppidum, virginem admodum nobilè adamauit, Luciam Trezaniam, adeo vt amatorijs obsequijs, & spe nuptiarum plectam, iustæ vxoris loco haberet & coleret. Ab huius felici admodum fecunditate auctus est fortunata sobole maximorum ducum & principum. Sed eam aliquot post annos, vti iam planè impar, tantis scilicet opibus partis ab illustri virtute famam consecutus, Laïdouico Folianeo in matrimonium opulenta dote præbita collocauit: quū paulo antè maximas spes parandi imperij ingenti animo versantem, vt vxorè opportunè duceret, temporum necessitas impulisset. Ex ea demum natus est Conradus, qui Francisco Sfortiæ vterino fratri, pluribus in bellis fortem, fidelemq; operam nauauit. Subsequentibus vero annis adamauit & Tamiram venustate admirabilè, oriundam è Calle Vmbriæ oppido iuxta viam Flaminiam: quæ ad aquas Pendas in Hetruria suauissimæ oris filiam nomine Honestinam suscepit.

*De vxore eius Antonia Salimbenia. Cap. L X.*

Ita verò nuptias appetiuit, vt nequaquam sponte vxoriorum iugum subire videretur: quando liberis pro ea in qua tum erat fortuna abundè auctis, nihil magis cuperet, quàm certis & legitimo iure quæsitis sedibus, vaga & merce naria arma ad tutos receptus alicubi cōfirmare. Ob id Antoniam Salimbeniā apud Senenses antiquissimæ stirpis vxorem duxit. Ei maritus fuerat Franciscus Casalius Cortonæ Regulus, paulo antè coniuratione ciuium interfectus, vnde illi ex mundo muliebri preciosa suppellex, & dotalia quatuor castella obuenerunt, Mons Iouis cum Monte Nigro, atque item Ripa, & Balneo Clusinis aquis propinquo. Addidit & Clusium vetustissimæ claritatis urbem Cocchus Salimbenius Antoniaæ frater iam pridem Sena patria eiectus, vigente ibi popularium factione. Quum enim nouæ affinitatis præsidio res suas, dignitateq; tueri, & confirmare percuperet, vnū præcipuè Sfortiam inter multos sororis procos, vt bellica virtute insignem, opulentis, & imbellibus anteponendū censuerat. Quo consilio transfudit & Clusij ditionē in ipsum Sfortiam tabulis ritè confectis, vt Senensibus antiquo iure eam urbem & agrū repentibus armatus, & acer defensor opponeretur. Ex hac Antonia vnici legitime prolis, ex nobili materno genere puer susceptus est: quem Sfortia Bosium appellari iussit, vt patruelis sui Bosij Attenduli fortissimi equitum præfecti, quem ad Spoletum amiserat, in domo sua memoriam renouaret. Hic porro Bosius virtute animi, & rebus bellicis Francisco fratri penè par, priusquam ille regnum apud Insubres aridente fortuna, virtute & armis compararet, vxorem duxit Criseydem Alodbrandescam Sanctæ Floræ comitis filiam nativum

natalium claritudine, & dotis opulentia illustrem: utpote quæ septem oppida non longè à Porfeno, de nomine Porfena Hetruscorum Rege condito in hæreditatem traheret, & genus eius Dantis Poetæ testimonio, in prælatam Hetrusci, regijque sanguinis originem referretur. Itaque quod in abauo nomen fuit, iure optimo in eius memoriam in patre tuo Bosio repetitum vidimus. Tu verò quod in proauo fuerat GVIDONIS nomen suscepisti, quod ille ab auo matris Sanctæ floræ comite, patri ac vtitatatione deduxerat. Auo autem tuo Federicus Feltrius Vrbinas dux prælio inuictus, supra affinitatem in sacri fontis cæremoniam vocatus, nomen suum indidit. Additum quoque tibi est Ascanij nomen fatali quodam augurio, ut in te demum amplissimi, & longè optimi senatoris Cardinalis nomen & decus, veluti rediuiua domus dignitate resfloreret: Et eo quidem nobilius, quoniam ille stirpe eadem, sed nequaquam legitimo ortu cæpta, nomen deducebat: quum natalis tui ab incorrupta maiorum serie, impolluta stemmata fateantur.

*De secunda vxore Catella Alopa Cap. L. X. I.*

Accessisse autem ad secundas nuptias diræ necessitate coactum constat, quum à Pandulpho Alopo gratij præfecto, inuidia virtutis eius, & obreccatione crescentis apud Reginam gratiæ, in carcerem esset coniectus. Neque enim aliter, vel placare Alopum, qui cuncta vnus totius regni munia vsurparat, aut denique Reginæ voluntatem à vindictæ suspitione redimere potuit, quam Catella Alopi sorore in matrimonium ducta. Si quidem Alopus præcællenti formæ eruditus mundicijs, & latere demum infracto, deuictam penitus, & in seruitutem (animo scilicet muliebri, impotentiamore facile subacta) redactam, nutibus regebat. Ea affinitas maturatis nuptijs apparatissime celebrata, Sfortiam haud dubiè à parato iam capitali supplicio seruatum, in libertatem eduxit, leuauitque item Alopi animum ingenti metu: quum meritis illatæ iniuriæ poenas, à viro fortissimo, & tot militum gladijs instructo formidaret. Cæterum Catella nihil omnino à fratre præter venustatem ad maritum attulit, dote scilicet à Regina liberalissime collata. Dotali siquidem iure quinque castella in Samnio in Sfortiæ diuisionem venerunt. Pèperit Catella non toto vresente triennio tres liberos, præmissa puella, quam nomine suo Regina Ioannam vocauit: mares item duos, Leonardum scilicet: Id nomen in eius Diui honorem inditum fuisse constat, quoniam per quietem Diuum Leonardum ea specie qua depingi in templis solet, sibi opem ferentem vidisset, quum & clatros ferreos fenestræ carceris disrumpere, & compedes soluere præsentis numine videretur. Impleuit autem somnij fidem, & numinis oraculum rei euentus. Nam eodem die lætam somnis noctem sequuto, & Rex Iacobus imperium cum libertate amisit, & Sfortia ad aperto carcere, ingenti omnium læticia iterum Magister equitum est renuntiatus. Sed Leonardo vix infantiam egresso vitam morbus eripuit. Et immatura quoque mortè surreptus est alter, cui Sfortia Bartholo nomen indiderat, in memoriam scilicet Bartholi fratris & fortissimi commilitonis, quem lue absumptum apud Perusiam iam pridem amiserat.

*De tertia vxore Maria Martiana Cap. L. X. I. I.*

Postremo quinquagesimum gratis annum agens vltimas sibi nuptias am-



bitiosè admodum quæsiuit assiduus artibus, ac ingentibus armorum officiis, petita, ductaque Maria Martiana Sueffani Reguli filia, quæ in Campania, & ad Fucinum lacum multis oppidis imperabat. Nupserat hæc antea Ludonico II Andegauensi, eoque ante nuptias celebratas vita functo, ad Celani comitem secunda thori vota præstulerat. Hic in Marfis & Furconensibus multorum castrorum ditione præpotens, quum è vita excederet, uxorem testamento magnarum opum dominam reliquerat. Quamobrem & ipso Sfortia demum importuna vi facti surrepto, quartum sibi coniugem facile inuenit Franciscum Ursinum Manappelli comitem, quibus, & diuersa quidem fortuna apud Neapolim cum Sfortia collatis signis dimicarat. Natus est ex Maria Carolus, id nomen imponente regina in honore scilicet Caroli Regis eius patris, qui magnis rebus in Italia gestis, Pacificatoris cognomen adeptus, in Pannonia demum coniuratione procerum inter epulas trucidatus est. Cæterum Caroli nomen haud multum in puero permansit: nam atrabile diu vexante, attenuatisque inde viribus, uti obeundis militiæ muneribus impar, pietatè voto professus, sacratà cucullam desumpsit: atque ita abdicato priore nomine Gabriel est appellatus. Hunc postea Franciscus frater Galliæ Cisalpinæ imperio potitus, cœnobio eduxit, ut insigni dignitate ad familiæ decus ornaretur. Idque facile à Pio Pontifice impetratū est. Nec multo post Mediolanensis archiepiscopus est effectus.

*De liberis eius ex Lucia Trezania Cap. L X I I I*

Primo partu ex Lucia Trezania puerum suscepit, qui de patris nomine Francus est appellatus. In hunc ab admirabili quodam syderum concursu, cuncta humanæ felicitatis ornamenta, virtus & fortuna contulerunt. Natus est in diui Miniati Hetruriæ oppido, iuxta Arnum Pisana via, Anno à partu Virginis vno & quadringentesimo supra millesimum, decimo Cal. Augusti, quum Sol occideret. Militabat tum Sfortia alterum & tricesimum ætatis annum agens, Florentinis, qui Pisanis bellum intulerant. Secundo autem partu Elisam, in qua maternæ auitæ nomen repetitum videmus. At tertio partu alterna fecunditate puer est editus, cui ab insignibus Roberti Cæsaris munere Patavino bello acceptis, Leonis nomen impolitum est. Peperit & mox Antoniam venusta re insigni. Cæterum Leo ab ineunte ætate Francisco fratri omnibus ferè bellis assiduus comes, eam in re bellica spectatis operibus laudem tulit, ut non magno intervallo, ad fraternæ virtutis nomen accederet. Leoni biennio post successit Ioannes nomen paterni aui deferens, ingenio, viribus, et fortuna fratribus dissimilis. Sed eum secutus est natus quartus, à Pontifice eius nomine Quinto, Alexander appellatus. Is tanto studio, tantaque vi præstantis animi arma tractauit, ut non modo Francisco fratri indomiti corporis, et pugnacis ingenij vigorem, verum & felicitate rerum gestarum equaretur. Condidit enim sibi filijsque item atque nepotibus principatum apud Pisauenses, ut in Togata Gallia non secus ac in Cisalpina Franciscus frater, Sfortianæ domus stirpem insereret.

*De affinitatibus summa prudentia contractis Cap. L X I I I I*

Leonato ex Sanseuerina familia nobilissimo atque fortissimo iuueni Elisam nuptui dedit, ut generum armorum studio illustrem potentemque clientelis & opibus

& opibus apud Pſcentinos & Brutios, certo veluti præſidio rebus ſuis adiuto rem, deſenſoremque pararet contra potentiam inimicorum, Sergianiꝑ præſertim, à quo ſe cunctis, & machinis oppugnari, petique inſidijs haud obſcure intelligebat. Ex Eliſa natus eſt Robertus ipſe Sanſeuerinus præclarus imperator, & maximis eius temporis ducibus præferendus, niſi in extremo vitæ actu à Germanis ad Atheſim prælio ſuſus, ac interfectus ſuperiorum victoriarum nomen obſcuraffeſſet. Dedit & in matrimonium Marino Caracciolo Sergiani germano fratri Claram Attendulam, Foſchini & Marci ſororem (ea erat ipſius ex ſore Margarita neptis) procurante cohortanteque Regina, vt erumpentia, & iam coalita alternis offenſionibus odia tollerentur. Deſponſauit demum Antoniam Ardicioni Cararienſis comitis filio, cuius ditio nis erat vrbs Aſculum in Apulia, vt patrem eius eximie authoritatis ducem, magnas tum copias ductantem, in reginæ partes pertraheret: In eo etiam Braccij hoſtis ſpem fruſtratus, Cararienſem multis pollicitationibus ſibi adiungere properantis, Polyxenam quoque Ruſſam in Brutijs, dotali ſure tres vrbes, & viginti amplius caſtella in nuptias trahentem, vt Franciſco filio collocaretur à Regina feliciter impetrauit: ſed infauſto demum ſucceſſu, cum ab amica præferoci ſceleſtaque muliere, & Polyxenam & eius filiolam dudum inſelici vtero editam, admiſto dapibus veneno ſublataſſet audiffeſſet. Curauit quoque vt Polyxena Sanſeuerina Micchaeto Attendulo, & Ioannella Ieſualdia Dominico Boſio iungerentur: quando eæ mulieres in Hirpinis inueterata imperij conſuetudine ingentes opes tuendis Sfortianorum coeptis allaturæ viderentur. Nec alia quoque de cauſa Tartaliæ filiam Ioanni filio deſponſatam, intra Penates nurum recepit, quàm vt Braccio Montonio, vetus ſibi hoſtis, & acerrimus bellator detraheretur: vepote qui plerunque diceret, nihil commo dius ac vtilius videri, quàm tribus propoſitis hoſtibus cum primo pacem pacifici, cum altero autem inducias parare, vt in tertium maxime expedita, & grauiora arma verterentur.

*De clementia & ſeueritate erga ſuos Cap. L X V.*

Tanta autem varietate clementiam ſimul, & ſeueritatem exercuit, vt delicta familiarium, & militum, nunc puniendo atrociter, modo facile ignoſcendo, neque huius, neque illius virtutis conſtantem famam aſſequeretur. Scla uetto Dalmatæ inſigni equitum præfecto, qui in gratiam Iulij Cæſaris, ſe primum è percuſſoribus in tranſitum Caloris amnis Sfortiæ latus mucrone petiturum pollicitus fuerat, adeo generoſè pepercit, vt captum ad Caſam Marrij, & iure belli armis & equis diſpoliarum non modo (id improbantibus amicis) incolumem, verum omnibus impedimentis, ne quid omnino deſideraret, magna cura conſcriptis, & reſtitutis, cumulatè inſtructum dimiſerit: perblanda & nobili contentus interrogatione, quum ad eum dixiſſet: Quis nam furor inhumani crudeliſque animi, Scla uette, alioqui vir fortisſime, te impulit, vt nulla laceſſitus iniuria adeo prolixè promitteres, te gladium ex cæde mea cruentum ad Iacobum regem omnino relaturum? Sed immanis vir ad id tum oculis in terram deſixis, non multo poſt apud Philipppum Inſubrum principem, perfidiæ militaris crimine conuictus, in furca pendit.

Eadem animi magnitudine vsus est erga Martinum Pasolinum aduersæ factionis principem, cum quo multis vtrinque cædibus editis aliquot annos Attenduli intestino bello contenderant. Eum enim vndique pulsum, infestâque Attendulorum arma fugientem, desperatis rebus ad Sfortiæ pedes procubuisse, salutem, veniam, pacemque exemplo impetrasse constas: Et eo quidem maiorem laude, quod tum planè iuuenis, & vindictæ libidine vehementer exardens, ea odia, infesto semper animo, & cruentis manibus exerceret.

*De clementia erga Bisium Cap. L X V I I.*

Bisio quoque è Cotignola peditum præfecto præter omnium opinionem, inexpressibilem iniuriam, & grauissimi delicti poenam remisit. Nam quum Sfortia spectantibus ex propinquo duobus Regibus, penè intra Carmelitanâ portam ad Neapolim victricia signa, perturbatis iam fugatisque hostibus intulisset, vnus Bisi socordia perfidiaque obstitit, quo minus cumulata victoria potiretur. Iussus enim duabus veteranis cohortibus intra hortorum macerias in insidijs confidere, & ad signum datum prorumpere, vt studio pugnae prouectos hostes intercluderet, neque designatum in locum peruenit, neque prius apparuit, quàm post trium horarum pugnam receptui signum tuba datum audiuit. Ob id Sfortiam irato animo, ea mediocri victoria minimè contentum exclamasse rauco ore plurimum ferunt, itidem sæpe repetentem: Bisi, scelestè defector, redde mihi hostium duces captos, atque intercepta eorum vexilla, quæ incredibilis, ignauia pariter, atque perfidia tua dudum nobis è manibus eripuit. Cæterum eum ex conscientia animi, metu consternatum, & crimen in neptis verborum ambagibus excusantem, ea lege castris excedere iussit, vt perpetua ignominia notato, acerbissimi supplicij poena, si in conspectum castrorum vnquam veniret, indicretur. Ea est gneo tormento includi, & succenso demum sulphureo pulucre per aera discriptis artubus diffundi.

*De insusitato pæmarum genere Cap. L X V I I I.*

Equitem Patauinum è turma Scorpionis à Luco, qui Bononiensi medico in castris artem profitenti, coccineam togam è tabernaculo, dum altè ille steteret noctu rapuerat, eadem indutum toga, sed vinctis manibus per forum, & stationes, & contubernia militum traduxit: adeo, vt ridente, & exsibilante toto exercitu, ne reliquo ignominia dolori superesset, seipsum pugione transoderet. Domitiorum quoque equorum, magistrisque stabuli vicarium, patria Campanos, qui equis militaribus hordeum subtrahere, idque diuendere cœperat, deprehenso, alligari per pedes equorum caudis, incitatoque cursu per prata, & sacra raptari ad necem iussit. Equitem etiam è Ferraria nobilem, qui contra edictum vel sæpe admonitus, scortum adolescentis armigeri habitu, circumtonsæ casarie habebat in castris, pudentia ludibrii poena affecti quum muliebri veste indutum, per castra armato in equo circumduci, ostentarique iussisset.

*De Gratianj*

Quum Ioanna Regina Alphonsi regis repentinis armis circumuenta, obfessaque in arce Capuana, cohortante demum, deducenteque Sfortia Auerfam se recepisset: Gratianum Faentinum custodiæ arcis proposuit, commendante eius virtutem ac fidem Sfortia, qui illum magnis beneficijs ac præfectoris ornatum ab humili militiæ loco ad primos honores extulerat. Is beneficiorum oblitus, ut militare decus auaritiæ simul atque perfidiæ scelere fœderet, corruptentibus eum multo auro Catalanis, se proditurum arcem pepigit. Verum à Sancto parente interceptis literis, & detecta perfidia, non dubitans Sfortia, quin seuerissimè in eum ageret, qui sacramenti religionem, & priuatæ fidem amicitia: nefaria proditione violasset. Atque ita eum apud Scilicetum Glanij amnis pontem Auerfana via præalta in arbore suspensum, agitantum vento, & volucris carpendum reliquit.

*De mansuetudine erga Brandolinum comitem Cap. L X X.*

Non defuit in eo, qui in suos supra æquum seuerior habebatur, humanitatis & candoris eximij laus erga hostes, Brandolinum comitem, cuius manu Viterbiensi in prælio fauciatus, & penè interfectus fuerat, expugnato Capitone oppido, captum, quum in eo tumultu inimicum pariter, ac hostem facile, & quidem procul ab inuidia tollere posset, adeo humaniter apud se habuit, ut ex conscientia magnopere sibi metuentem, effusè laudaret in conuiuio, atque omni penitus metu liberaret. In hoc etiam gloriatus, quod in tanta fortunæ iniquitate, neque à gregario, vel ignauo milite, sed à nobilissimo, atque fortissimo duce vulnus accepisset. Erat Brandolinus Braccianæ factioni vehementer addictus: similemque animum Tibertus filius, aduersus Sfortianos semper exercuit, ne à pæterna disciplina discederet: vnde illi demum fatale exitium. Francisco enim Mediolani ad principatum tanta felicitate prouecto, quum Braccianas opes vndique fractas, deletasque conspiceret, sese turbido ingenio à vetere inuidia, odioque ad perfidiam vertit. Atque ita deprehensus, & custodiæ traditus, ut imminenti supplicio se eriperet, præacuto ferrææ lucernæ manubrio sibi iuguli venam perfodit, & interijt.

*De inuidia ex nece Tartalia: partita Cap. L X X I.*

Onerauit autem eum inuidia maxime ingenti, supplicium de Tartalia sumptum: quanquam ille meritis conceptæ perfidiæ poenæ luisset, quod nequam syncera fide ad amicitiam affinitatemque vocatum, circumuenisse dicitur, occulta scilicet in id tempus, & mox detecta naturæ malignitate, ut subdito bellicæ virtutis emulo, eodemque fortissimo duce, veteres iniurias vindicaret. Sed id Martini Pontificis iussu factum fuisse scriptores fatentur: Ipseque in primis Campanus in historijs alioqui Sfortiæ insensus passim, & contra Braccij gloriæ impudentissimè semper fauens, cuncta reticendo, aure eleuando verbis, quæ Sfortia consilio, manuque feliciter gessisset. Reducebat in regnū Martinus Ludouicus III. Andegauensem, Sfortiæ ductu, ut Ioannam omnib.

impudicitiae flagitijs coopertam expelleret. Illa verò Alphonsum ab Hispania adoptatum in filium euocar: bellumque gerebatur asperissimum Sfortia tanta belli molem egrè sustinente, quum Braccius dux ea grate clarissimus, magnis pręmijs atque stipendijs conductus, Reginae partibus adhæsisset. Sed equatae demum sunt vires Tartaliae aduentu, quem superiore anno ab amicitia Braccij diductum, Martinus cum mille & quingentis equitibus ad Sfortiam auxilio miserat. Eo autem anno Tartaliam his artibus operam nauauit, vt contra naturam ingenij cunctator, & segnior factus, Sfortiam vetere gloria spoliari, profligarique, quàm Braccium omnino vinci malle videretur. Ad Sarnum enim separatim sibi castra fecerat, collegæ præsto nunquam adfuerat, cessarat ab excursionibus, quibus Campani Neapolitanique ab Aversa, vti Sfortia præceperat, facile posse vexari, præmiique acrius infesta populatione viderentur. Auxerat & eam suspicionem Braccius per eos dies inusitato militiæ more, Sfortianos milites bello captos ad triremes Catalanorum rede-gare, Tartalianos verò benignè remittere solitus. Commeabant & frequentes nuncij, præconesque à Tartalia ad Braccium, adeo vti iam nemo esset qui repetitam cum Braccio amicitiam, & ob id Tartaliam ex occasione ad hostes transiturum non putaret. His ad Pontificem perscriptis, venit ab vrbe Roma Colaüs Squarcia Romanus iureconsultus, vt ex indicij in reum iure ageret. Hic Tartaliā inopinato Sfortie aduentu oppressū captumq; quæstioni subiecit: et de cōfesso, post tertium diem Aversano in foro capitale supplicium sumpsit.

*De natura ingenij Cap. LXXII*

Ex disciplina, totoque vitæ ordine, & successum rerum manu, quàm consilio potior censerī potest, quum incauta facilitate vel contumacia subagressi, in ea consilia plerunque adigeretur, vnde nullus pateret felix exitus, propter simulatas multorum voluntates, & necesse esset à fatali virtute, vel diuina opes subsidia comparare. Maximas enim iniurias quum æquo animo sapius ferret, leuem demum contumeliam tolerare non poterat: ita vt iracundiam plerunque exerceret imparatus: cum mori præstare diceret, quàm iniuriæ indignitate minimè commoueri. Vexauere itaque hominem occulto astu; & in maxima vitæ pericula coniecere Paulus Vrsinus, Alopus demum, & Sergianus: sed dii immortales eius viri virtute ac innocentia adducti, itane quissimorum hominum insidijs obusam iere, vt vltro eas demum iniurias vindicasse viderentur. Nunquam transfugit, nunquam discessit ab officio nisi magnis de causis: ita vt nunquam improuiso factus hostis arma conuerteret, nisi renuntiata prius amicitia, remissisq; vexillis: vt eo facto dissensionis causam in alterum reijceret, & se ad tuendam dignitatem bellum nequaquam insidijs & dolis, sed vera virtute gesturum testaretur.

*De disciplina domestica & militari Cap. LXXIII*

Quum ad multa conuiuendum esse censeret, nec exactissimus delictorum vltor esse vellet, ita institutum domi erat, vt contemptores diuinum, ac hominum, limine penitus arcerentur: fures nocturnos, & interdum exposita soci modo carptum inuolantes, maneret in pœna, nemo impune specularetur. Abhorrebat

rebat verò plurimū ab insanis & morionib., qui atrabile laborarent, quod accipiti ioco risum pariter & luctū mouere possent: Suo scilicet periculo admodum nitus, quod ad Collem Senensis agri oppidum insanus quidam, dum ioco militari intemperanter lacessertur, & ob id irriterentem saxo petere vellet, ipsi Sfortie tegumentum capitis summo cum vice disrimine decussisset. Omnia autem vice tempore in castris aleam perosus, uti Duci pariter ac militi maxime pestilentem, ita ocy tempora transigebat, ut in usum militie ad palestram cunctos ordines exerceret. Tum enim mos erat multa arte luctari, ingentis ponderis saxum iactare, ferreum vestem iaculari, teretem palum in terga conuersis manibus euibrare, saltuque & cursu plurimum contendere. Quibus in ludis ipse multum lacertosus & industrius facile validissimum quenque superabat. Pluuijs nocturnisque temporibus, quod nequaquam Latinas literas attigisset, vernaculis conscriptæ versibus Heroum, & Gallie procerum historie pariter & fabulæ legebantur: vnde illi exempla peterent, qui se duce virtutis famam clarissimis factis extendere decreuissent.

*De cultu eius & coniectu Cap. LXXIIII*

Erat in cultu vestituque moderatus potius quam elegans, vel sumptuosus. Oderat vestis munditias: sagulorum autem, & armorum nitorem ita exigebat, ut maculam & ruginem contumelia, & nonnunquam verbere vindicaret. Equiti ex hybernis eruginosa gestanti arma, in conspectu hostium seuerè imperauit, ut ad aperta calside in aciem prodiret: scilicet, ut cum periculo nosceretur, si parum gnaviter dimicasset. Cæterum in pompa & cum lustrarentur exercitus saga serica, argento, atque auro bracteata conspiciabantur: aurata item & egregiè perpicillæ Bardæ, quibus equi Persico more tegebantur. Is verò eques sibilu notabatur, qui decoras in calside cristas nequaquam ostentasset. Mensarum verò honos non in delicatis, & exquisitis dapibus, sed hilari simplicitate perenni copia, comutateq; et frequentia conuiuariū censebatur.

*De pietate eius erga superos Cap. LXXV.*

Deum optimum, Diuosque omnes sincere potius, quam religiose coluit, utpote qui à rationibus bellicis procul esse existimaret, ineptis cæremonijs, & simulatis precationibus Deos fatigare, quum necesse foret bella gerenti cuncta rapinis, credibus, ac incendijs permiscere: neque vel infanda scelera posse puniri, corrupta iam militari disciplina. Qua in re ducem belli, præfatumque à seueritate vrbani prætoris plurimum differre oporteret. Sed palam earum rerum agnoscebat culpam, & veniam secretò præcabatur: quotidianæ sacra audire, aut si instante negotio impediretur, postmodum ea repetere, & quotannis pio penitentiq; animo expiare sese, maximeque sacramenti hostiam rite suscipere solitus. Id verò demum probi, & verecundi duci esse prædicabat, honestiorem belli causam sequi, inuiolata templa præstare, in captiuis pudiciam iuvari: nunquam abuti sanguine militum, aut hostium cæde lætari.

Edidit & insigne pietatis exemplum erga patriam Cotignolam: quum fortuito incendio absumptam, priuata liberalitate instaurandam suscepisset, singulos ciues cohortando, vt edificare luculentius vellent: quando ipse lateres, materiam, calcem, se gratuito collaturum profiteretur. Factumq; subinde est, vt celeriter restitutus, adornatisq; domibus, & directis regionū vijs, priuatim, & publicè magnificētissimo principi gratiæ ingentes agerentur, quod opportuna liberalitate, & priuatæ commoditati, & elegantiae publicæ consuluisse,

*De pietate erga propinquos Cap. LXXXVII.*

Pietatem quoque cum incredibili charitate erga propinquos, & rarissimo quidem exemplo ostendit. Bartholum etenim, & Franciscum fratres, euastante Perusinum agrum lue pestifera, apud Martianum exitiali correptos morbo, adeo constanter inuisit, vt vel deprecantibus amicis ab his diuelli nequie rit: quin deferatis & morientibus venas tangeret, fomentaq; præberet. Quibus demum celeriter expirantibus, sepulchrum extruxit, addiditq; aram, & sacerdotem, qui certis diebus inter sacra eorum manibus parentarent. Pari quoque officio, amoreq; Bosium patruelem complexus, ad Spoletum ex castrensi per hiemem fatigatione neruis conuulsam diligentissimè fouit, elatumque in signi pompa fratrum sepulchro intulit.

*De præceptis Francisco filio datis Cap. LXXXVIII.*

Sub hac disciplina educatum Franciscum filium, cum ab se Sfortia in Bruzios ad dotaliū urbium præfecturā dimitteret, ei attribuit eximiae virtutis duces, & milites qui bello, paceque ætatem eius regerent: diu iuuenem cohortatus, vt pietatem, & iustitiam coleret: nobilique animi decreto existimaret, virtute potius quam malis artibus ad opes, & gloriam contendendum. Illud etiam grauissimis præceptis adiecit, vt etiam atque etiam caueret, ne amici, aut imperio subiecti vxorem vnquam impudicis oculis intueretur. Neminem vulnere, aut duro verberare puniret, aut si id casu, aut ira præcipiti accidisset, exemplo lenitum, donatumque digno munere longius ablegaret. Postremo nunquam indomiti oris equum ascenderet: nunquam eo vteretur, qui ab vngula molliore facile soleam excutere consueisset: quod se ab equo alioqui longè optimo, sed in frænum contumaci, cui Draconī ob id nomen erat, cum suborto ex insidijs Bracciano hoste, irrita habenarum contentione abreptum se, & in Aueriæ fossam præcipitatum memoraret. In Vmbria autem tumultuaria in pugna, quum ex equo, cui a colore auis, Picæ nomen erat, depugnaret, eo inter colluctationes omnibus soleis discalcato vix ipse pedibus eo relicto è manibus hostium effugisset. Quibus præceptis maximè vsus Franciscus, quod nemini ferè contigerat, omnibus consilijs felix, & præhys victor euasis, vt spem de præclara indole patris iudicio concepit, fataque & vota hominum impleret.

De prudentia



*De prudentia ex alienis iudicijs quesita. Cap. L X X I X.*

Eum verò prudentiæ, iudicijsque militaris tenorem vsque ad vitæ exitum constantissimè tenuit, vt non temerè quicquam in reibellicæ negotio decerneret, nisi accito vel infimo quoque centurione & milite veterano, vt exquisitis separatim omnium sententijs, quod patrandum foret, multorum iudicio probaretur. Sed id tanta dissimulatione expetebat, vt semper alienis exordijs, & fabulis animi propositum celaret, atque aptè demum ad id quod vellet instituto nouo sermone defereretur: quoniam eo pacto nunquā prolato interiore animi decreto, auctoritatem suam egregiè retineret: nec ob id persuasione prudentiæ animi minorum ducum inflarentur: quando si alia semper de causa vocatos, & fortuito demum sermone in grauiorem consultationem incidisse humanitate ducis faciliè existimarent. Verum illos confecto negotio iucundè potius quàm grauius in corona laudabat, qui feliciter in disputatione diuinassent: id quidem iucundiore gratia, quòd liberaliter, & nullo fastu gloriam communicare videretur.

*De candore ingenij & memoria eius. Cap. L X X X.*

Ingenio enim natura fuit candido, ad apertoque potius quàm latebroso & callido. Vnde quum dolis, occultisque aulæ artibus parum valeret, faciliè in insidias præceps daretur: sed statim inde alleuatus fatali quadam virtute resurgeret. Stata autem ætate, propter occultas hominum voluntates, atque orahæcitijs: itemque ad eludendos speculatores cohibere linguam, iram frænare, ac opportunè, apteque varia persona vti didicerat. Ita tamen, vt si quid simulatius faceret, aut diceret, à familiaribus, atque domesticis faciliè nosceretur. Natura siquidem eos oderat qui animo ancipiti essent, multosque recessus, & varios anfractus haberent, dissentiente præsertim fronte, in qua præclarè apud generosos ac probos, & fides, & pudor habitarent. In eo etiam supraque credi par est, admirabilis rerum, ac nominum memoria uiguit, tanta felicitate, vt quum nullis commentarijs inniteretur, non modò militum suorum, verum & equorum nomina à multis annis repeteret. Nec in persoluedo stipendio vlla in re vnquam falleretur.

*De studio literarum Hetruscarum. Cap. L X X X I.*

Literas Latinas nequaquam attigerat, sed admirabatur, secutus Hetruscas, atque vernaculas, quæ ex vsu militari commodiores viderentur. His necessitate quadam totum id ocium, quod ex negotio superesset, vehementer addixerat, vt historias calleret: quas è Græcis Latinisque scriptoribus traductas lectitare erat solitus, inuitatis liberalitate ad id munus suscipiendum literatis, in quibus fuit Porcellij Poetæ pater, ob tralatos Cæsarem, & Salustium, honesta domo cum hortis donatus. Quòd autem literas nesciret, perurbane sese excusabat: quandoquidem vna atque eadem manu librum simul, & gladium tenere minimè didicisset. Neque etiam sua manu epistolas, nisi tumultuarijs ridendisq; literis vnquam perscripsit: adeo, vt ipso distante ab amanuensis exaratas, quodam symbolo potius, quam descripto nomine subnotaret,

& mitteret. Vfus est in literario, scriptorioque munere Theologis cuculatis: Quo genere hominum ad longè, lateque speculari dum, nihil aptius, atque securius afferebat: quandoquidem prætextu religionis omnibus rerum diuinarum, ac humanarum negocijs libera vbique, & semper impunita simulatione miscerentur.

*De generositate animi erga inimicos Cap. LXXXII*

Ladislao rege magnis viribus Tudertum oppugnante, quum Braccius repentina & graui eruptione Paulum Vrsinum veterem inimicum suum adortus, ita copias eius cecidisset, ut statione, & totis denique castris ipso duce pulso, & fugiente pellerentur, non dubitauit Sfortia, quin circumuento & penè capto opem ferre maturaret, cum sibi in sua castrorum parte designatum locum tueri, ac inimici cladem ociosè spectare, optimo militiæ iure licuisset. Descendit enim ab accliu loco instructis turmis atque cohortibus tardauitque impetum insequentis atque victoris hostis: adeo ut longo ac acerrimo certamine edito, Bracciani intra portam compulsi, non mediocri accepta clade, terga dare cogerentur, vociferante, atque iridente Braccio, quòd Sfortia communem inimicum, quem interficere deberet, clementiæ, & stultæ lenitatis nomine conseruasset. At Paulo inter metum, & pudorem Sfortiæ gratias agenti, ille alta voce, ut omnes exaudirent, respondit: Non est, Paule, quòd parem referre gratiam cogites, quoniam hodie cum signis & copijs meo insigni beneficio sis conseruatus: quando id, quod strenue & per opportunè factum videtur, id totum Regiæ & publicæ omnium dignitati sit datum: nescilicet in oculis regis ac meis inexpressibile dedecus admitteretur. Tu verò nihilo secius insectari, & persequi venenatis etiam telis me ipsum perges: Ego certè inmeritis acceptas abste iniurias probe, & strenuè vlciscar, quum te mihi fortuna, quæ nunc socium facit, aliquando hostem obtulerit. Id factum, dictumque Ladislaus magnopere commendauit, Sfortiæque dono dedit equum phaleratum, atque item laciniam ex purpura, auroque insignem, argenteis squamosam bracteis, qua ille uti in prælijs soleret, ut palam in Sfortia raræ virtutis simul, & clementiæ decus testaretur.

*De fortitudine eius in dolore tolerando Cap. LXXXIII*

Miram quoque animi fortitudinem, & patientiam in tolerando omni dolore in aduersis semper ostendit. Neque enim frangi, aut demitti animo, vel lœue lachrymarum vestigio sedari, virile putabat: ut tum accidit, quum vno simul tempore multarum concursu calamitatum penè obrutus, nulla omnino vel subtristis, vel perturbati animi signa prætulisset. Ipso enim in edito colle supra Campanam portam Romano opere vallatis castris Neapolim circumfidente atque oppugnante, priusquam Ludouicus III classe in eam orâ aduheretur, Franciscus filius grauiore veruto maioris scorpionis per duplicem ferreum thoracem penetrante lethali vulneratus, ac item Foschini ex sorore nepos simili telo ictus penè desperata ope iacebant. Ipse quoque Leonatus gener, tantæ indolis dux ex prouocatione ad ostendam eque-

stris

stis disciplinæ peritiâ virtutemq; cum Caraffello Caraffa nobilissimo equite, nulla intercedente similitate congressus, recepta per calsidem hastæ cuspidē, lugente toto exercitu ceciderat. Quem mœrorem mirum in modum adauxit funestus ex Brutijs nuncius, qui Polyxenam stirum, ac item eius filiolum ex Francisco nepem, veneficijs amictæ acerbissima morte sublatas attulerant. Suborta & tum Sergiani arte, doloque exitialis fama totis disseminata castris insolitum pauorem, & magnam consternationem inuexerat. Ferebatur enim Ludouicus intermisso ad Malsiliam nauali apparatu aduentum suum atque eius conflati belli maritimam expeditionem ad prima veris signa distulisse: ita ut milites iam planè desperatis auxilijs, & aduentantē Alfonso, quamam belli arte incepto obsistere, sequē incolumi exercitu in pacata loca recipere possent, insigni conceptâ formidine cogitarent. Sed his tantis priuati luctus, & publici mœroris incommodis conflatus ea magnitudine animi ac patientia compressit dolorem, ut neque in tabernaculum se abderet, neque vlllo vel tacito gemitu, vel exili suspirio æquabile illud frontis decus immutaret. Eo enim oculorum vigore, eoque eloquentiæ spiritum militum animos erigere, sustentareque exultationem erat solitus, ut tum maximè, quum à fortuna victus esset, eum proculdubio vicisse crederes.

*De vrbinitate eius Cap. LXXXIII.*

Non caruit vrbinitate in dictis: plerunque falsus, & aptè, sciteque remordens, si quis prouocando laceraret. Ut tum accidit, quum à Sergiano magno Senescalcho ad exprobandam generis nouitatem ligonis fabula obiecta retur. In hoc, inquit Sfortia, uti video, stirpis origine pares sumus, quum Adamus mortalium primus terram & ipse foderit. Sed ego certè quod iure diffiteri non potes, illo meo ligone multo nobilior euasi, quam tu tuo pene, & penna. Quo scommate lepidè admodum hominē transfixit: quum in eo tanta cum inuidia dignitatem stupro quæsitam, & patrem eius ad Prætoris tribunal, ignobilem scribam, adulteraroque testamento, falsi damnatum scitissimè notasset.

*De facete dicto Cap. LXXXV.*

Quum transfuga Nolanus eques ingenio infami, ut sibi gratiâ cum Sfortia compararet, Tartaliâ omnibus maledictis in conuinitio Sfortiæ famam lacertasse detulisset: de eaque re ut fides sibi haberetur iureiurando sæpius affirmaret: Non opus est, inquit, fodes, ut multum in persuadendo mecum labores, quum Tartalia nunquam verbum de quoquam sit elocutus, quin maledixerit: & tum multo quidem atrocius, atque liberius, quum locuti ad id maximè opportunum nactus, ut dicis, totum maledicentiæ impetum effudisse credendum sit. Peracutè delatorem auertens simul, & sua vitia Tartaliæ obiectans, titubantiam scilicet oris, unde cognomen acceperat, & temulentiam, quum esset omnium, & quidē naturâ potius quam ætate, bibacissimus:

*De falsissimo dicto Cap. LXXXVI.*

Quum insidijs armisque Pauli Vrbini exterritus excessisset vrbe Roma, &

in Algido castra posuisset, ad eum à Pontifice Cardinalis Sancti Angeli Legatus venit, ut fidem interponeret, confirmaretque hominem, in Urbemque reduceret: Inter multos autem sermones Cardinalis quum dixisset, an Sfortia Vrsum timebis, quum sis sub Columna tutissimus? Extemplo respondit: An non tibi Pater, omnino insanus videbor, si dum frustra à surdo marmore opem imploro, bellua ingens, dente ac vnguibus ferox, ac humano saepe gressu incedens, mihi minime sit formidanda? Non illepidè remota, & parum expedita Columniorum auxilia designans, & Pauli Vrsini ingenium, praesentesque vires aptissimè depingens.

*De statura corporis eius Cap. LXXXVII.*

Statura fuit corporis erecta excellensque supra mediocrem, macro habitu potius, quam succoso, praeualidis artubus à firmissimo quodam nervorum nexu: sed cruribus ad suram maximè torosis, & parum teretibus: Manu autem ampla, & praelonga, digitorumque compage adeo firma, ut distractam in diuersum utraque manu soleam ferream facile disrumperet, & praelongam equestrem hastam à calce sublatam attolleret. Inerat autem lato pectori, patulisque humeris militare decus: adeoque restricto, & decenter castigato suis ventre, ut angustissimè cingeretur: quandoquidem in medio ad zonam duobus primis ab utraque manu expansis, lunatisque digitis facile comprehendi, atque praecingi posset. Erat facie subagresti, parumque hilari, uti à plumbeo quodam pallore subfusca, quum & oculi colore caesi minaci specie intra cauos orbes multum recederent, et supercilia maximè pilosa prominere viderentur. Sed nasus à medio elatus, nec aduncus tamen: labra decentia, & candidissimi dentes, illud os probum effungebant. Tonso autè capillo, & derafa barba semper incelsit: quod ita conclusa calside vrentibus expediret. Coccineo capitis tegumèto semper insignis, quod duobus gradibus in praetaltam, striatamque pyramidem exurgebat. Tanta autem specie ad exprimendū militare decus in hoc homine dissimilium rerū partes ratione atque ordine respondebant, ut à rudibus, rusticanisque, qui eum nunquam vidissent, pari inter multos cultu, & saepe sine comitatu uti omnium princeps ac imperator nosceretur.

*De agilitate membrorum eius Cap. LXXXVIII.*

Ea erat agilitate, ut nullo adiutante, ac impellente quum sinistrum pedem hemicyclo ferreo, quem stapedem vocant, induisset, vel omnibus contestis armis, & galeatus in ephippij sellam eleganter insiliret, progrediereturque saepe ad multa passuum millia cataphractus duratis scilicet membris ad omnes vel iniqui laboris exercitationes, frigusque praesertim. Neque enim in tota vita peregrinis pellibus est usus, quibus aduersus algoris iniuriam vestes fulcirentur. Torquebatur autè facile siti, quum in magnis aestatis feruoribus equitare pugnareque opporteret, adeo ut se armatum, siti potius quam ferro confici diceret: atque id mortis genus maximè vereretur. Qua de causa armigerum puerum instituerat, qui lagenas aquae, vini que & alia ex saccharo sitis subsidia valido equo praeferret, nec à se vnquam vel in extremis pugnae periculis diuelleretur. Caeterum adeo robusta ac indomita corporis temperatura semper fuit,

fuit, vt facillè morborum iniuria excitatione discuteret, & si quæ febres inciderent, eas incredibili patientia ad ciendum sudorem lodice coopertus, & lenedia præsertim, repudiatis pharmacis felicissimè superaret.

D E I N F E L I C I T A T E M O R T I S  
E I V S C A P V T.  
L X X X I X.

Anno demum ætatis quinquagesimo quinto, quum iam in eo virtutes omnes, quæ summum ducem decerent penè perfectam maturitatem cepisse viderentur, fortuna insolens & victoriarum & vitæ cursum pariter abruptit. Braccio enim fatali pertinacia Aquilam vrbe obsidente, & Alphonso deum Rege, qui opem afflictis rebus suis ab eo frustra postularat, in Hispaniâ reuerso Sfortia maximorum in Italia principum imperator effectus, ex Apulia mouit, vt Martini Pontificis, reginæque & Philippi Vicecomitis auspicijs Aquilam obsidione liberaret, atq; inde demum spe gerendarum ingentium rerum in Hetruriam proficisceretur. Erant in eius exercitu septem millia equitum, & valida peditum manus. Itaque Anxano vrbe, & Buccanico, Milionicoque deiectis Braccij præsidijs, Orthonam peruenit. Ibi duodecim diebus ad quietem militi concessis, cum insigni religione Natale Dei Christi celebrasset, ad Aeternum amnem est profectus: Is hodie à Piscario oppido nomen habet. Perueniat in Maruccinos Braccius dimidia parte exercitus ad obsidendam Aquilam relicta, vt Sfortiam transitu prohiberet. Defixis enim in ripa frequentibus, & præcutis arborum ramis, hisque deligato magnis funibus nauigio, impositaque sagittariorum manu certioris vadilocus tuebatur. Præsidio quoque duarum cohortium, & quadringentorum equitum lapidei pontis propugnacula ad oppidum Piscariam firmata erant. In ea transitus difficultate, Sfortia in dextram ad ostij fauces, quibus in mare vadofum amnis effunditur, signa deflecti iubet. Ibi vado pertentato, Michaelus, Sanctoparens, & Franciscus Sfortiæ filius armati, galeatique cum sexcentis equitibus amnem tranarunt, subsequente mox Sfortia. Franciscus cum Braccianis, qui à Piscaria ad prohibendos ripa hostes aduolarant, prosperè conflixit, ita vt multis cæsis, captisque reliquos intra oppidi portam compelleret. Eo spectaculo nihil Sfortiæ animo, atque oculis iucundius fuit. Ex admiratione etenim virtutis in filio incredibilem ceperat voluptatem, quod summam spem ex maturâ indole antea conceperat, feliciter adimplere videretur. Interea perflante Coro, allidentisque maris aduersis fluctibus, intumescere flumen cepit: adeo vt cunctantium dubitantiumque equitum turma in aduersa ripa viserentur, neq; vlla significatione adduci poterant, vt præaltum amnem intrarent. Tum vero Sfortia, vrgente facto, in amnem rursus equum adegit, vt exemplo timentes inuicaret. Ibi dum artigero puero periclitanti, protensa dextra, opem ferret, cænofo subsidente vado eius equus quanquam insignis, posterioribus cruribus defecit: atque ita grauanti bus armis est submersus. Bis sustulisse ferrur armatam dextram neque tamen quisquam opem tulit, quum hora fatalis aduenisset.

Ferunt Braccium, qui è Theate ad primum transcuntis hostis nuncium ma-  
tura profectione, præmissisque impedimentis iter suscepit, ut magnis ite-  
neribus antecedens, Aquilam contenderet, alio atque alio renunciente  
Sfortia interitum, nulla omnino conceptæ lætitiæ signa prætulisse, sed con-  
tracta fronte, defixisque oculis, fortissimi viri casum humaniter indoluisse: a-  
deo ut defunctum, postquam invidia decesserat, tum primum exquisitis, ve-  
rissimisque laudibus prosequeretur. Neque enim vel tanto præsentis belli pe-  
riculo liberatus, alacriorem vultum militibus ostendit, utpote qui fatalis arca-  
ni confcius ab Astrologis didicerat, Sfortiam violèta correptum morte, ante-  
cessurum quidem, sed paulo post & ipsum, pari veluti forte eandem exitus for-  
tunam subiturum. Erat Braccius Sfortia natu maior octo mensibus tantum,  
& nouem diebus, ita, ut tum Mathematicorum disciplinæ ex vtriusque in-  
signis viri casu magna fides adstrueretur. Vix enim quintum superuixit men-  
sem, quum ad Aquilam per tredecim menses frustra oppugnatam, obsessam-  
que memorabili tandem prælio, Sfortiani militis gladio superatus, ac inter-  
fectus, & syderum, & multorum vatum fidem impleuisset.

*De prodigijs quæ mortem eius significarunt Cap. L X X X X I*

Pridie quàm ab Orthona discederet, cum sacris de more confectis ab om-  
nibus ordinibus salutareretur, in corona præsectorum omnium somnium e-  
narravit, quod ei sub auroram altè quiescenti contigerat. Somniasse enim se  
profunda aquarum mole oppressum in extremo vitæ periculo versari, pro-  
spexisseque virum giganteæ speciei Diuo Christophoro per similem, à quo vel  
magna, ac iterata voce frustra opem implorasset. Quo infausto omine, adeo  
exterriti sunt Franciscus filius, Michaletus, Sanctoparens, Acastabriga, Mar-  
nusque Bariles, qui postea eius rei fidem, & latè samam fecerunt, ut deprecen-  
tes institutum iter, enixeque orantes, tridui quietem impetrare nequiverint:  
quum ille propositi sui tenax, spem omnem præuertendi hostis, parandæque  
victoriæ in vna celeritate positam docuisset. Signiferorum quoque Princeps,  
qui quadratum vexillum supremi militaris impetj deferebat, egressus Ortho-  
næ porta coincidente equo adeo vehementer vexillum solo asfixit, ut sordatis  
cæno insignibus hasta frangeretur. Sed nec id eum infata strenuè vadentem  
retardauit. Quandoquidem ad vitæ exitum semper improvidi morta-  
les, tum maximè ostenta contemnant, quum fata vrgent, diramque  
illam, a omni prouidentia maiorem Necessitatem in-  
cautis pariter, ac reluctantibus imponunt,

F I N I S.

E X

EX HOC INDICE PROFITUR  
 auctor per quos profecerit.

Ex *Blondio Decadibus*. Poggio, qui Florentini populi res gestas *Hetruscos sermone conscripsit*.  
*Historijs* *1571* *Se. andi Pontificis*, Pontano, Iacobo *Braccilio*, qui *Alfonsi Regis Bellum Latinè conscripsit*.  
*Leodivio Grabello*, qui *Sfortie & Francisci filij historiam Latinè conscripsit*: *Dodaco Bosio*, *M. Antonio Sabellico*,  
*Pandolpho Collenario*, qui *Neapolitanorum Regum historiam Hetruscè conscripsit*. *Leonardo Arentino*, qui *varias Latinè historias conscripsit*. *Campano Episcopo Aprutino*, qui *de rebus gestis Braccij Latinè conscripsit*.  
*Augustino Iustiniano Nibinsij Episcopo*, qui *Genuesium historiam conscripsit*. *Baptista Campo Gregorio*, qui *exempla Latinè conscripsit*. *Anotationibus Benedicthi Nursini Medici*, *Georgio Merula*, qui *Picconum historiam, & Sfortiorum initia conscripsit*. *Rinaldo Seranellino Pisano*, qui *patriam historiam Hetruscè conscripsit*. *Ioanne Sonneto*, qui *Francisci Sfortie historiam Latinè conscripsit*. *Bernardo Corio*, qui *ingentem historiarum codicem vernaculè conscripsit*. *Palmerio*, qui *Annales conscripsit*. *Eremitano Bergamo*, qui *Chronicorum supplementum adiecit*.  
*Cosido Vigilienense*, qui *ad Philippi Picconum vitam commentarias adiecit*. *Antony Penformite Rasponij*.  
*Duraclibus Mimati Tabellionis*, *Collectaneis Beduicj Trugj*, *Annales multarum civitatum*, *Archiduci Romanis*, *Martini præsertim temporibus*, *Fide veteranorum militum Sfortiana demut*, *Toma tradita per manus*, *apud Neapolitanos præsertim cunctis*, *Planina de rui Pontificum*.

PAVLVS IOVIVS NOVO-  
 COMENSIS, EPICOPVS

NVCERINVS, HIPPOLYTO

Atestino Cardinali amplissimo.

S. P. D.



ALFONSI Patris tui vitam multis variæ Fortunæ exemplis utilitatem cum voluptate legentibus adlaturâ nuper absolui. Huic operi tum maxime incumbendam, quum tu in tanto comitiorum cœtu, agitis & fœsis publicis rebus tranquillitate affertres, creato Iulio Pontifice, quem nemo nisi optimus, & de Reipublicâ salute sollicitus exoptabat, & quæ nec inicipi, aut sum me æ authoritatis, & gratiæ candidati, renunciatum esse magnopere quererentur. Satis fecisti itaque officio admirabili patientia quum labanti Urbis & Senatus dignitati opportunè insigni tuo suffragio atque industria succurristi, ut Henrico regi omnia quæ postulanti (cui plurimû te debere profiteris) & Cæsari Christianæ pacis studioso gratissimû, idè quæ à virtute tua expectatum munus exolueris. Ego verò mi Mæcenas. ita rerum fidei semper innixus, tuis meisq; votis satis fecisse videor, ut id totum à te iam pridem efflagitatum quod perscripsi, nō aliunde quàm ab historiarum veritate laudem quærat, cuius nos spectatos testes fuisse profiteamur, tanquam Alfonso (vti planè scis) familiaritate maxime cōiuncti. Eloquentiæ autem accuratius elaboratâ splendida ornamenta Alfonso virtute dignissima aliqui fortasse requirerent occupati legendis Romanæ facundiæ floribus. Nos autē hæc mediocriter assecuti, satis superque habebimus, si cuncta suo narrata ordine iustis amplissimi viri laudibus respondeant, & tibi vni officiosè & alacriter editus, atque dicatus hic ingenuus labor omnino placuerit. Vale. Ex musæo nostro ad Larium, Nonis Maijs. M. D. L.



PAULI IOVII  
Iunioris.

Lux erat & caelo spargebat clara sereno  
Nimbus fugatis lumina  
Phœbus, & innocuo spirabant flamine venti  
Nullo frementes a quore,  
Quam sic AVSONIA exorsa est sua fata recensenti,  
Mirentur illa ut posteri.  
Hæres vix ò indigenæ, mea pignora, quorum  
Iussis libenter pareo,  
Audite, & placide, precor, hæc admitte menti  
Quæ leta vobis profero.  
Nondum spes Italas penitus delere benigna  
Parant Deorum numina,  
Quum nostris laigo donarint munere terras  
Ferrariensem Principem,  
Quo nec Sol, curru qua circum æthera, rebus  
Præstantiorem bellicis,  
Nec miris Fortuna cadens, aut aspera regno  
Prudentiorem viderit.  
Non equidem, non me miseram, viſſamque fatebar  
Vno hoc mihi superſtite,  
Huius enim fecere manus, ne ſuaditus omnis  
Noſtra interiret gloria.  
Imo ego ni in memè bellum, & maleſana furorem  
Exerciſſem civicum,  
Viſſem iuſſis iterum parere Latinis  
Orbis Britannos ultimos  
Illius auſpicio, Scythiæque interrita monſtrum  
Formidoſum ſpernerem.  
Quare perpetuo ALFONſVM mea pignora cantu  
Ad aſtra mecum tollite.  
Vultis ne? an quoque vos fraterni inceſſu honoris  
Liuor ſilentes tam diu?  
Hæc ait, & nato ſpolijs ſublime tropæum  
Seruata mater erigens  
Hiſtoriam parat, & titulos, & marmora, & ara  
Diuumque templis dedicat.  
Scilicet ut gelidis ardorem mentibus addens  
Priſca Italorum robora  
Excitet ad laudem veræ virtutis, ut inde  
Lucunda tollant præmia.

VITA

## VITA ALFONSI

ATESTINI FERRARIAE

DVCIS, A PAVLO

*Ionio conscripta.*

\* \*



TESTINORVM Ferrariæ principum familiam ab Ateste a  
 quisimo Venetiæ oppido nomen accepisse constat: ideoq; nti  
 nium quæ in Italia certum & diurnum principatū tenuerom  
 vetustissima existimatur. Ex progenie siquidem Troia ni in  
 tenoris, qui Patauium atque Ateste condiderit, fuisse prodi  
 tur: quanquam alij ex Germania, & nonnulli etiam e Gallia oriundam ma  
 lint. Nobis certè liquet cum vetustate, tum Fortuna nunquam interruptæ

successionis, cæteras omnes in Italia superare. Nam paucissimum illustrium familiarum decus aut interijisse, aut amisso principatu defecisse videmus. Montisferrati enim familia imperatorij sanguinis a stirpe interijt, quæ omnium nobilissima censebatur. Turriani bello pulsi, & Vicecomites demum Philippo mortuo Mediolani principatum amiserunt. Scaligeros & Carrarienses obliuio deleuit. Aragoniorum regnum Neapoli ad pronepotes non peruenit. Sfortiani paucis annis ad vnum fato functi externis Regnum reliquerunt. Gonzagæ Mantuani Palsarino interfecto vix ducentos Imperij sui annos enumerant. Sanseuerini qui in Brutijs & Picentibus latè dominantur, spe prolis propè destituti, nequaquam altius quàm à Guiscardo Tancredo nobilitatem suam repetunt. Malefstarum soboles amisso principatu à virtute amplitudineque maiorum degenerauit. Malefspinæ antiquitus clari, diuisa & valde extenuata stirpe, infirmis opibus antiquum decus ægerime tenetur. Liberarum verò ciuitatum familie, in primisque Romani sanguinis, nequaquam à principatu atque opibus, sed à maiorum suorum virtute nobilitatem suam repetunt. Itaque vni omnium Aetelini qui Estenses imperitè vocantur (vt liquidò constat) perpetua atque incorrupta stirpis serie, quod summæ felicitatis sui incolumen principatum, verum mutato dignitatis titulo, ad hanc vsque ætatem protulerunt: quum Marchiones aliquandiu, & demum Cæsaris atque Pontificis autoritate Ferrariæ Duces appellati sint. Cæterum hic Alfonsus, cuius in Museo nostro depicta spectatur effigies, quintuldecimus Ferrariensium Principum, Ducum verò tertius fuit. Sed quum in præalto stemmate multi honesta laude illustres regnarint, mihi longe clarissimi fuisse existimantur duo A C T I 1, superior quidem indytx Mathildis coniugio nobilitatus, qui Henrico secundo Cæsare auunculo clara, & studio pietatis, & eximia liberalitate erga Romanos Pontifices æternam nominis famam promeruit: alter verò Ferrariensium Principum primus rebus bellicis apprime celebratus, qui Actiolinum à Romano execrabilem tyrannum, hostemque Pontificij nominis perpetuum, cæso eius exercitu fugientem manu cepit. Et secundum eos (quanquam diuersa laude) multorum annorum interuallo B O R S I V S, qui ab illustri ingenio præstantissimisque moribus publico præconio Pacificatoris nomē tulit, & Patrię decus appellatus est: quo titulo monetam auream Ferrarię signatam videmus. Fuit is vir humanitate naturæ sine fuco & fallacijs, grauitate consilij, splendore hospitalis disciplinæ, & Regia liberalitate cunctis suæ ætatis Principibus antecedendus. Lenitate verò atque eleganti vitæ iucunditate, vsque adeo dulcis & popularis fuit, vt subnixus præcellenti studio, atque amore ciuium, ipse notus Hercule legitimo fratre dominatu excluso ablegatoq: Neapolim, Imperium vsurparet: sed equissimo animi decreto vixit perpetuò cæcibus, ne prolem legitimo iure Imperij gemulam cum summa Herculis iniuria fusciperet. Itaq: Hercules iam ætate adultum, dignamq: acerrimo Duce indolem præferentem, benigne atque rectissime ad se acciuit in non dubiam spem totius principatus, qui vrbe Mutina donaretur. Nec multò post obeunte Borzio Ferrarię princeps est appellatus. Fuit Hercules huius ALFONSI pater, domi & foris multa vi atq: prudentia militari valde indyctus: incumbendum enim grauisima

grauissima arma egregie sustinuit: Gallicoque bello quo Italia summum amittendæ libertatis discrimen adducta est, Ludouicum Sfortiam generum suum procurata pace cum Rege Carolo, liberauit. Fato suo concedens Hercules quinque liberos ex Helionora vxore Ferdinandi Regis filia reliquit, quum parca pace Principum magnis amicitijs ac affinitatibus muniuisset. Inita siquidem propinquitæ cum Sfortiana domo, Galeach filiam, eius qui à coniuratis in templo occisus fuit, Alfonso natu maximo in vxorem collocarat. Franciscum verò Gonzagam Mantuanum principem in generum asciuerae: & quum Sfortiana nurus post nuptias decessisset, Lucretiam Borgiam ex petra propinquitæ Alexandri summi pontificis, Alfonso in matrimonium dederat, magno quidem opulente dotis emolumento ad confirmandas res suas, quæ beneficiario iure Pontificiam Maiestatem respiciebant. Vnde & ei quoque ad familiæ ornamentum purpurei galeri honos accessit, Hippolyto filio eadem Pontificis liberalitate collatus. Alfonso Regnantepatre Hercule, post adultæ pubertatis annos, quum armis potius quam literis oblectaretur, spectandi studio in vltiorem Galliam est profectus, veneratusque Regem ab eo commendatione patris iam pridem in clientelam Gallie Regum recepti, torquem aureum honoris causâ promeruit, eius scilicet nobilissimi ordinis procerum, qui pro insigni Michaelis angeli academonem calcantis, aureum argumentum collo gestant. Hi inter se solenni cæremonia fidem confirmant, ac in omni Fortuna mutuo inuolabilique studio sese aduersus iniurias tuentur, Rexque ipse eius sacrati collegij se principem proficetur. Petijt quoque pari studio Belgarum vrbes frequentissimis emporijs & nundinis, textiliumque aulæorum nobili opificio celebratas, atque inde in Britanniam traiecit, vt perspectis earum gentium moribus atque opibus, noua dignitate quam à Rege Gallo tulerat, & multa externarum rerum notitia auctus, in patriam rediret. De functo demum patre inter populi acclamationes imperij nomen atque insignia suscepit: initioque statim principatus oborta in populum sæua fame malignitate exultæ segetis, singularis erga patriam pietatis specimen præbuit, aduectitio frumento per tribus atque familias liberaliter diuiso, & egentibus infimæ plebis officio atque admirabili charitate non semel inuisis & subleuatis. Nam recrudescente indies malo, quod toti sæcæ Italiæ eo anno commune fuit, egrorum corpora tabe lurida miserè deformata, enectæque passim cadebant. Et quum publicæ hospirales domus egros non caperent, pestilentia quæ vastaret urbem in proximo spectabatur. Quibus malis atque periculis insigni cura benignitate & munificentia, ab Alfonso obuiam est itum tanta ciuium gratia, vt Borso huiusmodi beneficijs populariter commendato, equaretur: eoque studiosius, quod dudum paternæ vestigalia minuisse, armarijsque paternæ Gazæ patefactis ornamentorum omnis generis pretiosam suppellectilem amicis benigne diuisisset. Ceterum quum in pace liberis operam daret, & per eas maximè voluprates, quæ eruditi ingenij solertiâ respicerent, etatem traderet, ab aliquibus remissioris potius virg, quam nobilioris exercitationis cupidus putabatur: quippe qui nō semper ad retractiorem mentem nobiles conuiuas, sed præstantes variarum artium artifices iucunda comitate perurbanos, quum animū remittere vellet,

admitteret, sepeque ad conterendum ocium in officinam se abderet, iucundissimo labori adeo intentus, & tornatiles tibias, & alui lusorij latrunculos, miræque elegantie pixides, & figulini interdum operis vascula manu argutissima fabricaret: quod studium postea magno vsui decorique futurum ad fabrilem constandi æris industriam indefessus extendit, successu operum vique adeo felici, vt summæ authoritatis opifices superaret, & præcellenti temperatura inusitatæ magnitudinis tormenta eius ingenio funderentur. Nusquam enim conuictu vestituve aut sermone erat affectatus, familiarique vitæ libertate ita gaudebat, vt maiestatem in Principe accuratè compositio in a nem duceret, & solido arque adaperto ingenij robore procul à mendacio simulationumque aruficij æqui bonique principis personam in omni actione tuendam arbitraretur. Quibus moribus, quod in magnis rebus obcundis, quæ principatus curam requirerent minus efficax putaretur, aduersum se Ferdinandi germani fratris malignitatem excitauit, adeo vt ille scelestâ ambitione præceps, & turbidæ superbiæ vir concepta perfidia principatum ei nil tale merito vel suspicanti prorsus inuideret, conspiraretque in eius necem cum Iulio fratre ex concubina genito. Hic superba procacique petulantia Hippolyti Cardinalis animum grauiter offenderat, acerbiorẽque quo eius offensionis poenam ab irato fratre penè orbatus luminibus reulerat. Ab hac atroci iniuria incitatus assentando & cohortando Ferdinandum impellebat, vt veneno aut ferro in principem grassaretur, cuius sceleris parandi Albertinus Buschetus cum Gerardo Roberto genero conscius & concitator fuerat, quod homo ambitiosus atque nefarius à Ferdinando (si ille imperio potiretur) cum grarij, tum summæ rerum præfecturam sibi obuenturam sperabat. Sed tantæ insanix facinus retardabat diuersus conspirantium sensus, quum Iulius vnum maximè peteret Cardinalem, Ferdinandus autem nullo in eum incensus odio tanquam sacrati viri cædem obominatus, Alfonso suo commodo tollendum putaret, nec ambos simul assequi confidereque facili liceret, vti raro conuenientes, & ciuium semper atque satellitum corona stipatos, nec vsquam simul epulantes, quando hic tempestiuus cum hylari suo comitatu, ille verò morosus protractis sacerdotali fastu in multâ noctem conuiujs vterentur. Eo itaque moræ spatio, mira solertia Cardinalis cuncta diligenter explorantis, nihil tale tintentem Alfonso, & per iocum se vinciri patientem à Iano Cantore coniuratorum socio, è media nece eripuit, patefactaque coniuratione de Albertino & eius genero supplicium in foro desumptum est. Iulius qui Mantuam perfugerat extemplo traditus est. Dedit & Ianum Cantorem Iulius Pontifex atrocitate sceleris permotus, vt post varios cruciatus suæ immanitatis pœnas daret. Ferdinandus autem & Iulius non extremi supplicij, sed perpetui carceris pœnam indulgentia & lenitate Alfonso pertulerunt. Ab eo periculo Alfonso vehementer expectrectus animum & cogitationes ad grauiora consilia conuertit. Nam paulo post, quum Genuenses populari tumultu exorto, pulsaque nobilitate, & eiectis magistratibus à Gallis defecissent, & mox creato duce Paulo Nonio infimæ classis opifice, intempestiuè libertatis vexillum sustulissent, Ludouicus Rex in Italiam venit, bellumque magna vi Genuensibus illaturus Alfonso euocauit, vt bello interesset. Non desuit am-

alissimo

cissimo regi iusta petenti Alфонsus, armaque induens ad nauandam operam in eius castra profectus est, quanquam ea professione Iulij Pontificis animum non obscure laesurus esse videretur. Nam Iulius natione Ligur, genti suae in libertatem se vendicanti, naturae instinctu fauere cogebarur, egeratque per idoneos homines suppeditata pecunia, ut Pisanorum militum manus diuturno assucta bello, cum aliquot maioribus tormentis Genuam mari perueniret. Sed Ludouicus in Pulciferam vallem perducto exercitu, Ligurum agmina quae montium vertex erecta munitione defensura putabantur, per Heluetios & Vascones non magno labore praecipites deiecit. Quo rei male gestae euentu perculsa ciuitas, per legatos honestissimi ordinis suppliciter veniam & pacem a victore impetravit, quum Alфонsus vel iratum Regem commendatione clementiae magnopere mitigasset, sic ut Rex natura implacabilis & superbus in duo tantum capita animaduerteter. Paulus siquidem Nonius ex fuga retractus inauspicati honoris, & Demetrius Iustinianus per assiduas conciones plebis concitator, nimiae atque praecipitis eloquentiae, abscessis ceruicibus poenas dederunt. Conspiratione demum totius Europae Regum in Venetos acre bellum exarsit, quum quisque occupata iam pridem ab illis, tanquam sua repeteret concitante Iulio Pontifice, qui Fauentiam, & Ariminum, Ceruiamque item & Rauennam indignè atque insolenter Pontificiae ditioni ereptas non ferebat. Repetebat autem Alфонsus eidem adscriptus scederi peninsulam Rodiginam, quam Venetus eo bello, quod cum Hercule patre gestum est, occuparat. Iulius itaque Pontifex in Venetos arma moturus, Alфонsum cum sua virtute, tum opportunitate regionis gerendo bello maxime idoneum ratus, Pontificij exercitus Vexilliterum creat, ei que honoris insignia Ferrariam mittit. Accersuntur ab Heluetijs lectissimae cohortes, quae secundo deuectae Pado Feltrio Vrbinati iungentur. Isin Apennino, valleque Anemonis Fauentini agri fines inuaserat, & Breseghellae oppido Veneto nomine fauentes expulerat. Spinumque item oppidum tormentis expugnat. Eodem quoque tempore Carolus Ambosius Mediolano a Rege praefectus, cum valida Gallorum manu trans Abduam Triuicum, Naldo Vitellioque Veneti praesidij Ducibus captis occupauit. Nec multo post Ludouicus Rex a Gallia Mediolanum venit ornatissimo equitatu, Heluetiaeque legione & Vasconum cohortibus instructus, traiectoque amne Abdua ad Cassanum gemino ponte Ripaltam expugnauit, quum Liuianus prohibendi transitus occasionem amisset, occupato scilicet praedae suo milite, qui fortiter Triuicum receperat, Himbaldo & Frontalia indictis Gallorum Ducibus captis. Processere inde Galli & Veneti ad Pandinum vicum, dimicarumque est pridie Idus Maias anno nono post millesimum & quingentesimum praelio Venetis maxime cruento, quum Petilianus Venetus Imperator aduersus feruidam vim Gallorum pugnae casum sedulo deuittaret, & collega Liuianus Dux eo die praeproperus castra mouens, impedito obliquoque itinere copias suas ingruenti Regi temere obiecisset. Peditatus enim Italicus, ut nullis inueteratus stipendijs subitarioque delectu conscriptus, nec Heluetiae phalangis, nec Gallici equitatus impetu diuturno. Quo fuso caesoque perturbati in fugam se dederunt: atque ita Ludouicus capto Liuiano memorabili victoria potitus est. Cessare ei continuo praesidijs destituti

Cremonenses, Bergomates, Brixiani. Nec multo post Cæsar Venetis inusitata clade obrutis, facileque animos despondentibus Veronam, Vicentiam & Patavium in fidem recepit. Ad eam autem cruenti prælii famam excitus Alfonsus, suæ occasione non defuit, quin infesta manu in peninsulam Rodigi nam transgredereetur: eaque oppida quæ paternæ erant ditionis egregia incolarum voluntate reciperet, & in his Ateste maiorum suorum natale solum, Montagnanam, & Montemilicem. Pontificij quoque Duces quos Alfonsus commeatu maioribusque tormentis, & multo sulphureo pulvere studiose & liberaliter adiuuaret, Ariminum, Fauentiam & Ceruiam, moxque Raennam recipere, fato quodam Venetorum consilij, atque opibus in præceps datis. Nam & Apuliæ vrbes pigriori Venetis datæ ab Aragonijs Regibus in ditionem Ferdinandi Hispaniæ Regis concesserunt. Erubuit demum Fortuna, quum iniquæ effrenatæque suæ libidinis perniteret, quod perillustre atque vnicum Italici nominis decus externis gentibus prodidisset, atque ita blando ore sese conuertit, ut quæ vnus horæ momento Venetis erepta fuerant, aliquanto post bona fide redditura videretur, initio à Patavinis orso, qui exiguo Cæsaris præsidio muniti, insigni astu Andrea Gritti occupata vrbe, caelisque Germanis ad antiquam fidem redierunt. Paucos vero post dies Maximilianus Cæsar tanto permotus incommodo cum Germanorum legionibus ad oppugnandum Patavium descendit. Alfluere ei continuo auxilia Gallorum Palicia duce, atque etiam Hispanorum cohortes, Petro Geuarræ præfecto, parique officio Alfonsus Hippolytum fratrem Cardinalem cum suis copijs, ac ingentium tormentorum apparatu ad castra Cæsaris misit. Multis namque de causis turbulento eo tempore Alfonsus Ferraria sibi exequum non putabat: & Hippolytus suo propterea ingenio, vel in ipsa purpura armorum studijs in Pannonia ab incunte ætate insuefactus probare operam suam præfenti Cæsari cupiebat. Cœpta est oppugnatio longè omnium acerrima, sed Petiliani indefessi constantissimi que Imperatoris virtute, & Gritti, Morique legatorum diligentia eum habuit euentum, ut Cæsar vel ad magnam spatium prostratis mœnibus irritò conatu abscederet, protinusque in Germaniam reuenteretur, quum vrbs egregiè defensa, pulsque semel cum multa strage Hispanis qui audacius subierant, non nisi maximè cruciato & dubio ausu inuadenda videretur. Eo autem bello Cæsar officia Alfonsi generosè remuneratus est: nam illi per bullatos codicillos ea oppida, quæ erepta maioribus fuerant, ipseque nuper receperat, Augustali authoritate possidenda concessit. Redeunte in Germaniam Cæsare, Veneti vsque adeo viribus atque animis confirmati sunt, ut copijs Patavio eductis, & Vicentiam nullo negotio recepta, in Veronensem agrum se effunderent, recepturi haud dubiè eam vrbe, nisi firmissimo Gallorum & Germanorum præsidio in fide Cæsaris contineretur. eodemque tempore ornatissima classe aduerso Pado producta, Alfonso terra, & flumine graue bellum inferrent: ut opportunum iniuriæ & antiqua oppida repetentem vliscerentur. Imperabat classis, in qua erant supra viginti rostratæ triremes, & minorum nauigiorum magna multitudo, Angelus Triuifanus. Is quum ad Pulisellam ascendisset, propugnaculum in hostili ripa vtrinque crexit, & transuersa classe amnem veluti perpetuo ponte iunxit, ut omnes copias in suburbanum agrum emitteret, magno Ferrariensium metu



metu periculoque. Nam aliquot Illyriorum cohortes sub signis è classe descenderant, infestaque populatione amœnissimarum villarum recta incendentes ferro & flammis Barbarorum more grassabantur. At Alfonso qui ante de apparatu classis, consilioque hostium per exploratores certior factus, à Pontifice & à Gallis Cæsarianisque maturam opem aduersus communes hostes implorat, Ferraria copias eduxit: nam auctus erat Vasconum cohortibus aduentu Melini Alegria filij, & Ramazotto in Bononiensi agro è montanis factiosis bellicosisque clientibus validam manum adduxerat, quibus accedebant vrbang cohortes, vetusque omnis equitatus, cui nobilitas propè omnis equis et armis instructa sese miscuerat. Itaque positus in conspectu hostium castris, defensiones atque irruptiones Illyriorum strenue sunt repressæ, eaque munitio oppugnari cœpta. Exinde editum est acre certamen, quum Veneti ab altiore propugnaculi aggere, crebris sagittis & glandibus, maioribusque tormentis rem gererent. Sed ea dimicatio repente suscepta, cum habuit exitum, vt multis illatis acceptisque vulneribus & Ramazotto sagitta vulnerato, Vasconibusque repulsis, Illyrij trumpere auderent, & egre intra munitiones propellerentur. Eo die Hercules Cantelmus nobilissimi sanguinis adolescentens effræni equo in medios abreptus hostes, insigni Dalmatarum sæuitia cecidit, quum iam deditum contra morem militiæ barbara crudelitate trucidassent. Ludouico item Mirandulæ, qui cum insigni ala equitum in conspectum classis se dederat, pila falcone emissa galeatum caput abripuit, sic vt truncus armati corporis aliquandiu persultante equo iactaretur. Nec multò post Hippolytus Cardinalis qui omnis laboris atque periculi comes Alfonso fratri operam nauabat, inusitatum facinus ad parandam de hoste victoriam felici ingenio excogitauit: perpetuum itaque Padi aggerem locis idoneis adlibramentum profuentis aquæ ea ratione terebrauit, vt fenestellas perforato totò aggere passim aperiret, per quas maiora tormenta sedulo collocata in aduersam classem inuitabili cum clade hostium disploderentur. Arripit dolo fortuna, punctoque temporis nihil tale timente Veneto tanta vis ingentium pilarum contorta est, vt maiora minoraque nauigia cum innuberabili nautarum & militum multitudine mergerentur, Padus cruentas vndas traheret, Venetique miserrimo casu circumuenti oppressique in fugam verterentur: & Triuisanus præfectus classis ægrè sese explicaret, vixque integra prætoria secundo amne elaberetur. Tum verò Cardinalis inchoatæ victoriæ præclarus author, milites est cohortatus, vt munitionem à trepidis defensoribus plañe desertam conscenderent, & quassatæ classis spolijs potirentur. Hi nullam sibi moram attulerunt, quin certatim in propugnaculum euolarent, transgressique in classem, magnam Illyriorum multitudinem trucidarent, vt incendiorum detrimenta, & Cantelmi indignam cædem viciscerentur. Captæ sunt triremes quindecim, biremium verò, minorumque nauigiorum magnus numerus: & ingens multitudo omnis generis tormentorum cum toto nauali apparatu in potestatem Arestinorum deuenit. Relata sunt vexilla supra quadraginta, quæ cum rostris triremium & antennis, in templo maximo suspensa sunt: vt eius victoriæ decus atque triumphum posteris testarentur. Triremes autem captiæ aduerso Pado per alterum diuisi amnis cornu Ferrariam perductæ sunt, & in naualibus collocatæ. Sed eas demum aliquot post annos

confecta pace Alfonso Senatui Veneto expectanti generosa liberalitate restituit. Eare feliciter patrata, & Padano bello planè confecto, Alfonso incredibilem cepit voluptatem, nec ex parte communem ciuitatis letitiam magis minuit, quàm Melini viri fortissimi improvisa cædes. Is enim peracri concitatorque ingenio, quum fortè ex leni præda exorta essetrix, atque inde accensis animis cruenta seditio inter Vascones, & Ramazotti cohortes, in socios serocius sublatro vexillo deferretur, à montanis agrestibus qui vim illatam obstinatè repellabant, obtruncatus est. Eum Alfonso honore eximij funeris dignum existimauit, cum propter eius bello spectatam eximiam fortitudinem, tum propter Alegriz patris nobilitatem, cum illustri rerum gestarum fama coniunctam, quando nemo inter Gallos duces ab longo vsu militie, belli peritior & clarior haberetur. Ea clades in Pado accepta, Venetorum animos tanto dum nauali apparatu elatos, vt inexpectata magnopere percudit. Nam ab Istri colittore, Liburniaque triremium classem reuocare, terrestresque copias in se stis Gallorum Germanorumque & Ferrariensium armis opponere cogebantur. Alternabat autem res Venetas modò prosperis modò aduersis successibus Fortuna nondum planè proclinata in Venetos. Nam ad insulam Scaligeram agri Veronensis vicum, Veneti per Epirotas, Græcosque equites, Lucio Maluetio Duce, nocturna expeditione Franciscum Gonzagam Mantuanū Principem viuum ceperant, oppressa cum eo Gallorum ala Boniueito præfecto. Sacramorus quoque Vicecomes & Carolus Balconus, ad sancti Martini vicum cum multis Cæsarianis equitibus, eadem vi & diligentia leuis armaturæ equitum capri, & Venetijs in carcerem coniecti fuerant: sic vt crebris per eam hyemem incommodis hosti illatis, naualis cladis detrimentum bona ex parte sarcire viderentur. Sed ingens Venetos angebat cura persoluendi stipendij, quod Gallus Rex iam ex voto suo legeque fœderis, Crema, Bergomo, Brixia, Cremonaque potitus, pro Cæsare aduersus ipsos, nihil de acerbissimo odio, belloque remittebat: sollicitabarque itidem oblata pecunia Pannoniæ Regem, vt Liburniæ, Dalmatiæque arma inferret, scilicet vt vrbes quæ olim Hungarici imperij fuissent, distracto vndique diuersis bellis Veneto, opportunè adimerentur. Verum Senatus supra hos auidè acatrociter incumbentes hostes, longe grauius inopiam inopia terrebatur. Exhausto enim publicè Marciano thesauro, ad priuatas opes graue onus cogendæ pecuniæ recidebat. Nani his viginti ferè mensibus ex quo arma cepissent, supra ducentas miriades præfecti gratio recitatis sumptuum rationibus expenderant. Itaque Leonardus Lauredanus Princeps exacte prudentiæ vir, salubri consilio opportunè suscepto ad Senatum retulit, an placandus esset Pontifex, petendaque obiter ab eo pax foret, vt ab eodem authore præcipuo calamitatum, & venia & salus & amicitia fœdus impetraretur. quod non aliter coniuratorum Principum globus disijci, atque infringi posset, postquam Pontifex sacrosanctæ personæ in publico negotio nunquam oblitus, post receptas vrbes veluti exaniata odij ac iracundiæ suæ libidine, iam planè vt peritus rerum provideret, quoniam Gallica & Germanica arma tenderent. Quid enim aliud externos reges petere, quàm vt seruituræ Italiæ imperium impotentibus animis conceptum arripiant: eo nempe rerum exitu, vt Pontifex quum Venetis nocere vuleret, conuulsa inauspicato & diro motu Italici nominis existimatione, terram pa-

triam, terrarum orbis quondam dominam, externis barbarisque gentibus incolendam, cum inexpiabili odio, & publica omnium execratione tradidisse censeatur. Hæc sententia miro assensu à Senatu comprobata, Per Hieronymum Donatum summæ eruditionis atque prudentiæ patritium, Pontifex tam pio quam generoso animo supplicibus veniam dedit, in gratiamque recepit, eo tenore fœderis, ut sex legati splendidissimi ordinis Romæ in vestibulo templi maximi supplices expiarentur, iuribus amissarum urbium renunciarent, marisque imperij titulo in posterum abstinerent. Veneti enim quum maxime classibus valerent, prædonibusque littora repurgarent, se maris dominos superbo atque inuidioso nomine appellarent: ea quidem consuetudine, ut nauigia quæ toto mari occurrerent, Venetis trirēmibus honoris causa, cum denunciatione hostilis incursum vela submittere cogerentur. Longius fortasse à proposito ordine vitæ Alfonso, dum initæ pacis inter Iulium & Venetos causæ referuntur, abductus videri possem, nisi ea pax inexpectata, idcoque coniuratis Principibus molesta & grauis ingentis mali, & diuturnæ violentiæ procellam in Alfonso excitasset, quæ pars Italiæ urbibus ac ædificijs florentior quassata penitus & obruta penè corruerit. Eo enim factò Iulius aduersus Cameracensis fœderis leges esse videbatur. Sed cōquerente exposulanteque Ludouico Gallorū rege, ut iure fœderatis bello Veneto vsque ad exitum communibus studijs ac viribus incumberetur, prædicabat abunde satis factum fœderatis, quando Ludouicus suas vrbes non solum modò recepisset: sed tum etiam Veronam alièni imperij Gallico præsidio tueretur. Hispaniæ autem Rex, Apulis, Salentinisque portubus esset potitus, sicut ipse Togatam Galliam Pontificiæ ditiosis restituisset. Cæsari quoque ab initio belli paria esse omnia quæ concupisset, nec referre ad fœderis fidem seruandam, si Patavium sine suorum sanguine in potestatem redactum, & demum incuria præsidij amissum renouato bello repetendum videatur. Aeterna enim esse non debere fœderum vincula, quando ijs qui communi victoria vti nescierint, aut ignauia, aut malè fortis erratum, omneque acceptum detrimentum, proprio sumptu, proprioque periculo & labore sarcindum videatur. Propterea sui esse muneris sacrosanctiq; officij cunctos ad amplectendam pacem cohortari, & Venetos qui pacem suppliciter petissent, & occupatas reddidissent vrbes, tanquam rite expiatis & receptos in fidem, incolumes præstare. Cæterum Gallos immodicè nimisque licenter facere, qui tot illatis cladibus, & tot urbibus receptis, nondum contenti essent, & deformata rapinis ac incendijs tota Venetia, etiam ipsam Venerorū urbem, vnicum propè totius terrarum orbis miraculum, Italiæque præsertim ornamentum, quam natura circumfuso mari ab omni barbarica rabie defendat, incendere atque deleri immani feritate percuperent. Verum Galli nihilo secius contempta scilicet atque irrita maiestate Pontificis, multo acrius, quam antea aduersus Venetos bellum gerebant. Nam Carolus Ambosius Mediolano præfectus, et dux exercitus, ad oppidum Allentiacum, quod est cum ponte Athesi impositum, profectus: ut maiorem vim adhiberet, Alfonso iure fœderis euocauit, postulans ut eo maiora tormenta ab vrbe Ferraria conueheret. Nec Alfonso quin vti debebat Ambosio pareret, suisque instructus copijs proficeretur, villam sibi moram attulit. Eius itaque aduentu productis tormentis, tanta vi oppidum est quassatum, ut Carolus Marinus, & Paulus Contare-

nus, qui erant in praesidio ex terrore animos despondentes deserta exteriora et muni-  
ri corona, in arcem confugerent, quod duobus praesertim inusitatae magnitudi-  
nis & violentiae tormentis, neque murus crassitudine denum pedum, neque  
villa omnino municio ex gleba & cespice extructa, magnisq; & transuersis con-  
fibulata trabibus diu resisterent, cum transuerberata disiectaq; paucis ictibus  
sternerentur. Horum tormentorum alterum ipse Alfonsus egregius machina-  
tor & artifex sua manu fabricatum, propter ineuitabilem impetum, magnū  
& terrificum Cacodæmonem inscriptis metallo literis appellarat, quum alte-  
rum à terribili strepitu & reboatu Terremotum vocasset. Itaque dedentibus  
sefe patritijs Venetis, quos diximus, oppidū cum arce captum est, & cum mul-  
torum caede direptum. Simili quoq; Fortuna Galli, sed cruentiore vtrinq; suc-  
cessu Montisilicis oppidū expugnarunt, interfecto cū praefecto militum prefi-  
dio. Aliaq; demum propinqua oppida quae ditionis Aetstinatorum fuerant, in  
potestate redacta sunt, sic ut Alfonsus, quae antiquae suae ditionis essent, ab ini-  
tio recepta, moxq; abeunte Caesare ad vetus Venetorum imperium redissent,  
Gallorum beneficiorum reciperet. Hac Alfonsi profectio, atque his Veneto illatis  
detrimentis Iulius Pontifex magnopere commotus est, quod cum tanquam  
suum beneficiarium, & Vexilliferum honore obstrictum à Gallis discedere,  
nec vsquam Venetis arma inferre volebat, cum eius controuersiae quae Rodi-  
ginae peninsulae possessionem respiceret, se arbitrum fore profiteretur, spera-  
retque Venetos magno Alfonsi commodo ab equitate honestae conditionis  
non esse discessuros. Verum Alfonsus tametsi planè intelligebat, Iulium Pon-  
tificem virum ad iracundiam pronum, & tum consilia ingentis audaciae & pe-  
riculosi euentus aduersus Gallos coquentem, minimè irritandum esse, tamen  
suae fidei atque existimationis & iustae securitatis esse iudicabat, non discedere  
à publico foedere atq; amicitia Gallorum, in quorum clientelam iam pridem,  
& ipse, & Hercules pater essent recepti. Graue quoque, & cum insigni iniuria  
valde incommodum alienumque prorsus à consilijs ab initio belli rectè susce-  
ptis existimabat, ex noua libidine Pontificis interpellari victoriam, eamq; in-  
tercipi, quum ipse iam esset in limine, & in secundo quidem cursu recuperan-  
dae peninsulae, propter quam impotenter à Venetis occupatā communi om-  
nium Principum foederi esset adscriptus: idq; eò indignantius ferendum vide-  
batur, quod reliqui omnes foederati ipso vno excluso, amissa olim, & tum ex le-  
ge icti foederis repetita, cumulatè recepissent. Offendi quoq; insigni praeiudi-  
cio damnoq; Caesarem videbat, de quo esset benemeritus, & ingratis fugillari-  
eius maiestatem, à qua maiores Aetstini Mutinae urbis munus beneficiarj iu-  
ris nomine retulissent. Tum enim Galli Caesarianis cōiuncti copijs pro Caesare  
bellum gerebant, quamquam Iulius vehementissimis noui consilij artibus Ca-  
sarem ab amicitia Gallorum diuellere conaretur. Illum siquidem dicebat nihil  
plus cōtinuare in Venetos bello quærere, quam ut Gallos veteres suos hostes  
emulosq; Imperij tanquam iniquissima ratione è Gallia in Germaniam trans-  
lati, & propterea Germanici nominis inimicos, Venetae ditionis, ac eodem  
mox cursu Neapolitani Regni, & totius deniq; Italiae dominos efficeret. Iam  
enim eos Veronae potiri, quam ita defendant, ut sibi oppignorata iacent, do-  
nec de stipendijs caueat Caesar, qui pecuniae egens, tædio diuturni belli, cuius  
exitum commodo suo sperare non posset, eam urbem alieni utique Imperij  
factam,

factam, & prorsus venalem occupatoribus esset addicturus. Hæc descendebant in pectus Cæsaris nunquam opportunè in negotio satagentis, sed nihil commoueri videbatur, quominus in uetere sententiâ fœdereque peristeret, nec abalienato à Gallis animo pacis conditiones auribus admitteret, quas ei Pontifex pro Venetis non omnino iniquas offerebat: postquam Cæsare amisso iam pridem desperatoque Patauio, deserta Vicentia itemque Verona iam dubiæ potestatis alieno præsidio densentæ, quicquid inde ei obueniret disceptatore Pontifice in lucro foret, quum inde tot sumptibus quibus esset enteruatus, finem impositurus esse crederetur. At Ludouicus ut Cæsarem natura suspiciosum, incertisque rumoribus sæpe credentem, ac multo sibi ære alieno obstrictum in amicitia contineret, omni studio operam dabat, ne usquam Cæsarianis deesset, auctisque semper auxilijs quàm acerbissimè Veneto noceretur. Hæc Gallorum perseverantia Alfonso abundè confirmatus, & sua nauali victoria multisque secundis in peninsula successibus adductus, magis ac magis accendebatur, ut constantiæ suæ erga Gallos opinionè fidei & diligenti obsequio tueretur. Quid enim stultius videri poterat, quàm discedere ab eorum amicitia, qui armis, auctoritate, atque opibus hostes anteirent? Quid ineptius quàm res suas incolumes, & integras cum attritis & toties profligatis Veneto rebus commiscere? à quibus demum expectandæ forent honestæ pacis conditiones, Pontifice vade atque arbitro, qui suo prope seruido ingenio mobilis, & senio morboque confectus, ea quæ ex præsentis usu facile promitteret, præstare non posset, quando arma se moturum aduersus potentiores & inuictos inconsultè minaretur, & eos quidè qui diuini iuris arma & Pontificias impreces subnixi veris armorum præsidijs essent contempturi. His de causis Alfonso Cameracensis fœderis lege, & antiqua necessitudine quæ sibi dum Galliarum regibus intercederet, & ereptæ quondam, nec adhuc uti sperasset receptæ peninsulae iniuria, apud Pontificem se excusat, profitemurque Pontificij nominis maiestatem in honore habiturum semper, & quod fas esse duceret, ab auctoritate Ludouici regis eobello minimè discessem. Ergo Iulius ira percitus excutiamus, inquit, ei inueteratæ factionis morbum, ut vel inuitus tanquam insanus iustis remedijs sanetur. Primum omnium Alfonso palàm hostem iudicat, grauissimæque atque acerbissimæ in Senatu de eo prolocutus, sacra etiam arma expedit, quibus cum diris deuouet, & sacris interdicat, quod Venetos sibi Pontificioque imperio solenni fœdere consociatos armis persequeretur: quod Plebem, & Centum oppida Bononiensi antistiti, in cuius ditione antiquitus fuissent, non restitueret: quod contra leges inter Pontifices & Aetstinos principes ex concessione beneficiarj iuris ritè latas & constitutas, falsis legendi facultatem usurparet ad Comaciū, quod est oppidum inter Padusæ salinis opportunum, magno quidem Pontificij vectigalis detrimento: quod denique Ferrariensem populum liberali Pontificum munere Aetstinis in fidem traditum, excogitatis nouis portorij, & iniquè auctis vectigalibus, equo acerbis oneraret. Quibus rebus Pontificia maiestas equitatis, & pietatis studio acerbè oppressos subleuare solita magnopere legeretur. Hæcerant in prætextu, sed præcipuum odium in Gallos emicabat, quorum consilia nudari cuperet, ut nouo bello non iniqui iuris & iustæ causæ nomen in eos ab impotentibus armis formidabiles quæretur. Nemini enim dubium erat, si Galli AL-

fonsum Pontificis subditum tueri vellent, quin à Pontifice in eos continuo ar-  
 ina verterentur, sicuti mox euenit. Igitur Alfonso obiecta tanquam inania re-  
 fellere, lenireque Pontificem frustra conatus, constanti consilio arma parat,  
 militem auger numerum, opportuna loca nouis præsidijs confirmat. Gallo-  
 rum præfectos quid cauendum, parandumque sit confestim edocet, eorum si-  
 dem implorat, & ab his præsidij nomine cohortes aliquot, & delectam equi-  
 tum alam accersit. Obstructas siquidem obrestationibus precibusque suis lu-  
 lii aures inuenerat, quum animus eius ferox & paratus ad arma nulla Regij le-  
 gati amicorumq; senatorum intercessione placaretur. Ecquid enim iniquum  
 & nefarium esset Venetos infestis armis prosequi, à quibus sibi debita promiss-  
 saque exscdere, tanquam patri Herculi impotenter aempta tota peninsulæ  
 regio occuparetur, et de his acerbissimis hostibus vindictam peteret, à quibus  
 & tum & alias barbarico more cuncta euastibus etiam propinqua Ferrariæ  
 moenibus ædificia ferro & incendijs absumpta fuissent? Aquisitum autem iu-  
 re oppida Centum & Plebem quis dubitet non retineri? quæ sibi dotali iure  
 Alexander Pontifex attribuisset, pro quibus antistiti Bononiensi peramplæ  
 possessiones peculiari coemptæ pecunia ad campos Nacros vlsitato more per-  
 mutationis essent adiudicatæ. De Comaclensibus autem salinis quibus non  
 planè esset interdictum, diserte & cumulatè ita satisfaciebat, vt sestaturum iu-  
 dicio collegij Quæstorum Pontificij arantj polliceretur. Nec multo post Lu-  
 lius coactis vndique copijs Franciscum Rouerum fratris filium (huic in Fel-  
 triam familiam adoptato Vrbinatium Principatus obuenerat) bellum Al-  
 fonso inferre iubet, ipseque Roma profectus Bononiam contendit, vt præfens  
 bellum administraret. Ante omnia Venetos ex Patauini agri finibus Trans-  
 padanam regionem infesta populatione percurrere, Atentinorumque rebus  
 maximè nocere Imperat. A mari quoque in idem consilium duobus Padi o-  
 stris Volane atque Primario, Ioannes Morus Patritius cum aliquot armatis  
 nauigijs, tribusque triremibus ad Argentam vsque subit, margines Ferrarien-  
 sis agri passim descensionè facta inuadit atque peruaolat. Sed Venetis classia-  
 rijs Alfonso disposito passim præsidio ita occurrebat, vt maturè pulsi cessiq;  
 maleficijs finem imponere, & ad Clodiam fossam cum detrimento reuerti co-  
 gerentur. Per eos quoque dies pari rerum successu Leonardus Alecius Salen-  
 tinus, Rhodiæ militiæ eques, multis fortibus actis militiæ datus, ob idq; à Ve-  
 neto Senatu equestri leui armaturæ præpositus, quum in villam cui Belloaeri  
 nomen est, diuertisset, explorante cuncta Alfonso, & Gallos in eam occasio-  
 nem patrandæ rei perdocente, subita Gallorum equitum excursionè impro-  
 viso oppressus, atque interfectus est, dum constanter in villâ à ditu supremo  
 virtutis conatu frustra edito acerrimè repugnaret. Relatum Venetias eius ca-  
 daucr insigni funere, & temporaria equestri statua Senatus honestauit, quum  
 ei encamp pro lignea quietiore Republicâ decreuisset. Parte vero alia Iullus,  
 proditiōe quorundam ciuium, cuius author Gerardus Rango ferebatur, Muti-  
 nam & mox Regium Alfonso ademit, durissimæque hyemis contempta gla-  
 cie nihilque inuitatis nauium frigoribus deterritus, ad oppidum Mirandula  
 oppugnandum contendit, vt eiectum inde Gallorum ope, atque iniuria  
 Franciscum Picum, cum sua, tum patriui Ioannis nobilium studiorum gloria  
 insignem reduceret. Erat insita vis ardens in domito ingenio Pontificis ad ge-  
 rendum

rendum bellum, ut ea expeditione Gallorum animi nudarentur. Apparebat enim Gallos Mirandulanis aduersus se opem laturos: nam Triuultij filia, quæ vxor fuerat Ludouici Pici, paulo antè, ut diximus, ad Polifellam tormento interfecti, oppido potiebatur. Præerat autem præsidio Alexander Triuultius viduæ propinquus, & Galeoti infantis aui materni nomine tutor. Erat in proximo ad sextum lapidem Concordiæ oppidum Mirandulanæ ditionis. Id Iulius euocatis citra Padum Venetorū auxiliariis copijs, qui Vitellij Tiphernates Ioannes, atque Cepinius eximie spei iuuenes præerant, tormentis expugnari iubet, ab eoque ei prospero successu Mirandulæ muro tormenta admo-  
uet, magno quidem salutis suæ periculo, quum ferreus globus maiore tormento turre emissus, in eius tabernaculum terrefactis familiaribus incidisset. Id in mane factum tanquam indignè sacrorum Principi ad horribilem necem illata vis foret, vel si incertum emissa pila crederetur, sua sponte concitatam bilem Iulio ita commouit, ut in vindictam exardens, pro lato omni tormentorum apparatu, murus non corona modo & defensoribus nudaretur, sed hiatus latos ad irrumpendum militi ostenderet: eo quidem maiore facultate, quod tum altissima fossa, propter incredibilem aeris rigorem, concreta glacie tanquam solido ponte inuadentes admissura videretur. Id improuissimum incommodum Alexandro deditiois necessitatem expressit, atque ita euocato ad colloquium Marco Antonio Columna, in certam spem clementiæ oppidum saluis ciuibus dedit. Capta Mirandula Iulius animos aduersus Alphonsum sustulit, partemque copiarum in eius agros effudit: nam ab eo sollicitari Gallos audiebat, ut sibi duabus vrbibus exuto maturam opem ferrent. Nec multo post Carolus Ambosius, iusti Alphonfi obtestationibus permotus, coacto exercitu aduersum Pontificem Galli Regis clientem opes conuellentem Aemylia via descendere constituit. Interea Iulium Bononiam reuersum, affectumque senio, & rediuiuis veteribus morbis obnoxium, ex castrensi labore, rigoreque cæli febris inualit, eo planè sæuior, quod vir omnis iniuriæ & moræ impatiens incensus ad gerendum bellum, Gallorum copias aduentare cognouerat, Bononiensumque studijs non multum confideret, quæ placis imperiæ mobilitate, peruersaque libidine in Bentiuolos conuersa dicebatur. Feltrius cum Pontificio exercitu Mutinæ constiterat, apud quem prædari duces erant Marcus Antonius Columna, & Paulus Baleonus. Sed Galli Gallum amnem, qui hodie Segia dicitur, superantes recto itinere vsque ad Mutinæ portam signa protulerunt, pulsa graui impetu cataphractorum, atque prostrata levis armaturæ hostium ala, quæ speculatum obuiam egressa fuerat. Galli ad lætum profligati hostis euentu subistere, quod si fusorum tergis institissent, proculdubio totus Feltrij exercitus, uti ad eum terrorem tumultumque inconditè porta eductus, nec planè instructus, profligari, atque vrbs recipi potuisset. Cæterum Ambosius eodem impetu terrorem ex propinquo Pontifici admouendum ratus, superato Tanaro qui Scultena olim fuit, ad pontem Labini amnis antiqua Triumuirali conspiratione clari, sese effudit, sicve per Rheni pontem ad Bononiæ portas peruolurus crederetur, concitantibus præsertim Bentiuolis exulibus, qui reduci in patriam hisdem quibus exacti essent armis postulabant, & duce Hermete ad portam excurrentes valuis tragulam infixierant, alligato ei libello, quo populum ad veterem



libertatem vocabant. Sic enim factiosa plebs sub Tyrannis immodicæ licentiæ assuetæ, cruentam, & bonis civibus execrabilem servitutem appellabat. At Julius quanquam corpore æger inuictus tamen animo in id discrimen summæ prudentiæ consilium expedit: aduocat adlectulum Principum omnium legatos: de insolentia, superbiæq; Gallorum prolixè conqueritur, salutemq; suam & dignitatem Pontificij nominis obtestatione vehementissima eis commendat, orans vt Ambrosio nisi ab iniuria armisque abstinat, & retrò vertat agmen, bellum Regum suorum nomine denuncient, testenturque eos violati Pontificis iniurias acerrimo indicto bello vindicaturos. Acquisitimo enim iure à Pontifice oppugnari Alfonso, qui beneficiario nomine Romanis Pontificibus obnoxius atq; subiectus, eorum imperia contemnat, oppida vsurpet, nec à salinis magno Pontificij ærarij detrimento abstineat. Proinde Ambrosius etiam atque etiam caueret, ne dum Pontificem temere oppugnatum venerit vt ab Alfonso bellum auertat, illud vndique in Gallos concitet. Eo enim esse animo Europæ Principes, vt sacrosanctum Pontificem ab impiorum iniurijs defendant: impios siquidem esse qui nefaria arma in sacrorum Principem ferant. In ea denunciatione belli aduersus Ambrosium maximè vehemens & infestus erat Christophorus Eboracensis Cardinalis Britannus, Henrici Regis legatus. Huic disertissimi viri aderant Albertus Pius Cæsar, & Hieronymus Vichius Ferdinandi Hispaniæ Regis legati: hic Regij decoris & commodi sui spe excitus, ille vtrò propter priuatas similitudines Alfonso plurimum insensus. Mutinam enim paulo ante astuto salubrique consilio Iulius, ne eam parum æquo iure, aut impudenter occupasse videretur, quod Cæsarianæ liberalitatis titulum, quem iureconfulti feudum vocant, certa atque inueterata consuetudine præferret, Germano homini, cui Vitefrustro nomen fuit, nomine Cæsaris tuendam et possidendam attribuerat, vt dedinata inuidia Cæsar ipse pecuniæ egens, & Augustalis sui iuris diues, noui atque inexpectati lucri spe inductus, in belli causam, cum insigni Gallorum ac Alfonso dolore, & incommodo traheretur. Ferdinandum quoq; Regem in sua commoda callidè semper erectum, Iulius à Gallo magna ex parte diuellerat, quum ab eo præsidij auxilijque nomine Fabritium Columnam magistrum equitum, cum trecentorum cataphractorum ala impetrasset. Eo nanque officij merito Rex magnopere cupiebat Neapolitano in Regno iure legitimæ possessionis autoritate Pontificia confirmari, quod se facturum Pontifex auxiliorum & noui fœderis spe polliceri erat solitus. Dum Galli appropinquarent, et Pontifex graui anxius cura de Bononiensium fide non obscurè dubitare, opportunè missa à Venetis ornatissima leuis armaturæ equitum ala omnium animos confirmauit. Erant ij Illyrici generis, cultu, armis, religionēque Semitricæ, scutati equites, quos Padi transitu neq; Galli neque Alfonso prohibere potuerat, quum aduentus sui famam celeritate præuertissent. Itaque prodeuntibus legatis magnaue vociferatione Ambrosio noui belli metum incutientibus, Galli procures cum duce in concilium coeunt, retroducendumque censent, ne in expiabili facinore rem maximè dubiam & periculosam temere ingressi, contra se vniuersos Europæ Reges concitarent, quibus satis iusta belli causa videretur, si sacrorum Principem protegendum specie religionis suscepissent. Mirumque tum videri posuit, quod serox hostis, qui armis sustineri non poterat, paucis vrbs reiectus, commutata

commutata repente voluntate à proposito itinere consilioque recesserit. Exin de Ambrosius apud Galliarum Regem nequaquam bellicosi ducis famam tulit, ab emulisque vehementer laceratus est, quod luxui amatorisque vanitatibus, & theatralibus ludis Mediolani occupatus, neque Mirandulanis implorantibus opem tulisset, neque Alfonso, uti debebat, Mutinam recuperasset. Quo ignominiae dolore affectus, non multo post apud Corregium oppidum è vita decessit. At Iulius praesenti discedentium Gallorum metu liberatus, insensuque Alfonso magis ac magis, à quo in perniciem suam sollicitatos atque inuitatos Gallos planè intelligebat, magnam copiarum partem in Ferrariensium fines immisit. Præerat copiis Guido Vainus, & Meleager Foroliuensis, atque Verdegius Hispanus, qui ex sua gente cohortes Bononiæ conscripserat. Toti verò belli summæ & consilij præpositus erat Antonius Orpheus Calenulæ Antistes, ab Alidosio Cardinale Bononiæ Legato missus. Hic tum maxime Pontificis gratia pollebat. Itaque duces hostiles agros latè populati, ad Fossam Zeniolam sparsis (quod nulla certa manus hostium occurreret) prædabundisque agminibus perueniunt. Eam fossam lato profundoque alueo, equitè pariter ac peditè insuperabilem multi amnes efficiunt, qui ex Apennini vallibus delapsi, et campestribus locis stagnantes, corruati que demum incolarum indutria aut in Padum, aut in proximas Padusae euoluuntur. Pontificij vno late fossæ munimento contenti, quod aliunde nihil hostile timerent, non longè a Fossa inter rusticanas casas positis castris confedere, ex Orphei prolegati disciplina hilariter epulantes. Hic enim vir imperitus belli, sacerdotali ocio, ac intempestiuis voluptatibus deditus, ita duces ad conuiuia, remittendumque laborem inuitabat, ut illi non ægrè obsequerentur, tanquam ex quæ tuminci derant Carneualium dierum seræ, non tantum securam in pace, sed dubio & suspecto etiam belli tempore celebrandæ forent. Mirus enim erant apud omnes ab inani iactantia hostium contemptus, sic ut obliti disciplinæ militaris, nec vltimo munimento castra vallarent, nec de more obirent vigilias, nec demum quæ de impigro hoste suspicari possent, euentura crederent. Hac tanta incuria vanitateque epulantium hostium explorata Alfonso, qui intento animo ut hostem inuaderet, vlcisceretur iniurias, prædamque repeteret, loci & temporis occasiones captabat, repente cogit educitque milites, quibus Vasconum cohortes duas & aliquot turmas Gallorum equitum adiungit. Federicus Gonzagam Bozolum secretò quid fieri velit edocet, eique imperat ut nauigia & linteas quæ in Santerno amne erant (is antiquitus Vatreus fuit) in fossam Zeniolam procul ab hostium castris traducat: quibus nocturno magnoque silentio cōuectis, & contrabulatis pons efficitur, cunctis impigrè & certatim in iungen do struendoque eo operam singularem latitia Alfonso nauantibus. Sed fabros in metiendo ponte fossæ latitudo eorum estimatione maior ita deceperat, ut pontem vno nauigio breuiorem, mancumque Alfonso reperiret, aduersam nanque fossæ ripam explicata & extenta funibus nauigiorum series minime pertingebat, magno cum dolore Alfonso architecto succensentis. Paratus enim ad traduccendas copias, inuadendosque hostes, paræ rei momento interpellari atque eripi sibi victoriam querebatur. Verum uti erat valido expeditoque ingenio, procedens in extremum pontis caput, superiecta crassiore tabula hostilè ripam pertingi posse animaduertit, ut singulis non omnino difficultis,

quamquam periculosus transitus præberetur. Nec mora exemptam è constra-  
to ponte tabulam vix sex pede latiore coaptat, cunctisque in eo pericul<sup>o</sup>  
de eius salute sollicitis atque pauentibus, protectus armis omnium primus e-  
quum in hostilē ripam adigit. Eum Bozulus subsequitur, inde Malsinius Fur-  
nius cum turma prætorianorum equitum, & alij contempto periculo successer-  
e ea felicitate, vt deciderit nemo, & amplificato demum duobus adiectis asse-  
ribus ponticulo ad quatuor millia armatorum equitum & peditum in hosti-  
lem ripam transierint. Nec prius quàm clara iam luce Pontificij duces ad ca-  
pienda arma ingruentium hostium strepitu excitati sunt, quum eorum signa  
conspiceretur, & præmissi Furniani equites semisopitos vigilēs perturbassent.  
Irrumpente itaque quadrato equitum agmine Alfonso castra trepidatione,  
fuga, & cædibus complet. Guido, & Meleager ad primum clamorem frænatis  
& cõscentis equis satis impigrè antecursoribus hostium occurrunt. Sed cre-  
scentibus Alfonso subsidij, effusisque habenis irrumpentibus pulsī, per mediā  
pauentium, & arma capieritum suorum turbam in turpem fugam conijcun-  
tur. Ipse Orpheus vix discusso somno in perniciem equum assuis illatum peri-  
culum effugit. Reliqui omnes consternati metu, vt plerunq̃ inopinatō de-  
prehensus accidit, spem salutis præcipiti in fuga posuerunt. Restitere aliquan-  
diu intrepidè Hispani, qui castrorum frontem obtinentes sese conglobarant.  
Sed postquam in eos densata peditum acies pedem intulit, & in sinistram co-  
rum latus Alfonso cum cataphractis inuectus est, terribi improuiso grauique  
nouī hostis superuentu, non adhuc planè ordinari consertique, ad primum e-  
questrem imperum dissipantur, & larè trucidantur, cadente ante alios Verde  
gio duce, qui hortabundus vbi plurimum periculi erat, copstantissimè dimi-  
cabat. Bostrato amissisque vexillis reliqui omnes terga verterunt, fugientium  
equitum vestigia cursu consequi frustra conati. Nam persequente equitatu  
cum expeditis peditibus, magna ex parte interfecti sunt, quum pauci caperen-  
tur. Siquidem eo die circiter tria millia hominum interfecta referuntur, sa-  
uientibus maximè in stratos, & à milite vulneratos agrestibus, qui recentes in-  
iurias direpti agri vindicare properabant. Castra autem apparatu militari &  
multo commicatu impedimentisque præsertim prolegati, & sarcinis ducum  
opulenta, Alfonso victor militi ad prædam concessit, retentis sibi æneis fal-  
conibus tribus, & vexillis insignioribus, vt maiore sua Ferrariensiumque læti-  
tia in urbem reuersurus profligati hostis spolia præferret, & ea quæ à peruastra  
te hoste detrimenta accepisset, se cumulare atque feliciter vltum fuisse testare-  
tur. Per hunc modum cum sua virtute, tum Gallorum præsidij egregiè se  
tuente Alfonso, rex Gallus & Pontifex exacerbatis inter se odijs, satis super-  
que animos denudarant. Nam superiore Autumno Iulius Gallos Alfon-  
sum pertinacissimè defendentes vno tempore à tribus partibus ad distrahen-  
das eorum vires oppugnat, quum per Veneros maioribus iam auctos vi-  
ribus, externorum copias totius Venericæ agros acerbissimè populates ad  
Leoniciū vicum inuadi iussisset, & parata classe apud Ostiam, cui præ-  
erat Grillus Contarenus circumductis à supero mari per Messanæ fretum Ve-  
netis triremibus, Ligures ad spem antiquæ libertatis sollicitarat, vt inuisam  
Gallorum gentem, & à recenti victoria superbè dominantem, Genua pellere  
conarentur. Octavianum namque Fregosium exulem cum virtutis suæ, cum  
antiquæ

antiquæ nobilitatis nomine ciuibus charum, ideoque expetendum, cuius pater in ciuitate principatû tenuerat, recipi posse a factiosis ciuibus, si se offerret, sperabat. Ad hunc enim reducendum M. Antonius Columna cum terrestribus copiis à Lunensium ora per asperas cautes, vt clasis cursum adæquaret, fuerat præmissus. Per eos quoque dies ex conditio Heluetij pecunia exciti concitatiq; in Gallos, Comensem & Mediolanensem agrum hostiliter inuaseraunt. Sed in his lultij conatibus consilijsque magno animo susceptis Fortuna a Gallis mirifice stetit. Nam primum omnium Gallorum Germanorumq; & Ferdinã di regis copiar, quæ in varias diductæ manus Venetorum agrum rapinis ac incendijs impune deformarant, in vnum expediti agminis corpus ad speciem iusti exercitus coierant, frustra q; circumfusam & lacerantem hostium leuem armaturam propellentes, densato ordine Veronam incolumes se receperant, ductu Andree à Capua Thermulani principis: qui ab eo forti feliciq; receptu, raro alijs concessam peritiæ militaris gloriam tulerat, quû Gritus legatus, Luciusq; Maluetius viri alioqui pugnaces, turo potius quam decoro consilio, acensis peditum animis, & rem prælio decernere cupientibus obstitissent, ita vt Venetus quos in itinere adoriri debuerat, pudore amissæ occasionis abeuntes persecutus non prius vestigijs abstineret, quâ compulsis intra urbem Veronam hostibus, temere tormenta admouerit, inani spe existimans Veronenses pro se aduersus externæ gentis præsidium arma capturos. Sed eares ab Renio Cerrite temerè tentata eum habuit exitum, vt amissis Citulo Perusino, & Lactantio Bergomate longè fortissimis cohortium præfectis, Veneti signa retrouertere coacti sint. Pari quoq; successu Heluetios, qui prædas agentes, nec abstinētes ab incendijs descenderant, Galsto Foissieus Ludouici regis sorore genitus, vix tum pubescens, cum qua tuor milibus equitum obuiam profectus Comen sivia in patriam represcit. Ad similem quoq; inanis hostilium consilij euentum Preianes Giallice clasis præfectus, triremibus atque onerarijs Genuensipor tu eductis, Grillo opportunè occurrig; eaq; exorta est ad eius conspectum in classe Veneta conturbatio, vt nec tentato quidem certamine, eminus tantum tormentis rem gerentibus, Venetæ triremes velis & remis retro cursum tenuerint, & M. Antonius qui equites ad Recum vsque septimo ab vrbe lapsi de adduxerat, desperato clasis præsidio, magnum à montanis Liguribus in prædam versis detrimentum acceperit. His Pontificij belli conatibus perfoctios vndique prosperè admodum repulsis atque elusis, Alfonso tametsi ancipiti suburbaniq; belli metu & sollicitudine leuatus erat, nihil tamen se ocio ab intenta belli cura remittit, cunctas voluptates repudiat, ac ingenti studio muniendæ vrbis consilium suscipit, murum profert, latissime follas adauget, terrenaque ex gleba, & cespite lata atque excelsa propugnacula instar arcium ædificat, in quibus statui & dirigingenus magnitudinis tormenta posent, quorum vi eminens ab inuasiōe mœnium hostes deterreri facileq; depelli posse viderentur. Sic enim existimabat, sublato magna ex parte periculo, & milites mercenarios in officio militarium munerum minore cum stipendio, & ciues fideli obsequio per se deditos in vetere studio posse contineri. Quippe qui nihil quo amor in se & obseruantia apud ciues parari posset, multa humanitate & liberali comitate prætermittebat: ratus se satis tutum aduersus infesta arma proculdubio futurum, si his præclaris & populo,

gratissimis operibus inuidiam speratae pacis & diuturni belli publico incommodo exorta mitigaret & extingueret. Caeterum Ludouicus hostilium consiliorum fredo exitu, & Fortuna sua elatus, qua semper hostium suorum spiritus contudisset, incendi Concilij consilium quod diu concoxerat, inauspica to suscipit. Ex publica enim Iulij morum censura, tanquam probrofi hominis auctoritatem infirmare atque conuellere nitebatur. Id enim telum quum a Regibus suarum opum ac armorum vi subnixis, in Pontifices euibratur, maxime dirum atque mortiferum euadit, recentissimis Constantiensis, & Bastiliensis conciliorum exemplis, quibus aliquot Pontifices notati ignominia, & dignitate pulsi, a summo rerum fastigio corruissent. Paulo enim ante aliquot Senatores Ludouici auctoritatem sequuti a Pontifice discesserant, impetrantesque a Florentinis vt consilium Pisis tanquam opportunissima in vrbe indiceretur, vbi actiones suas citato ad id Iulio summa a nimirum acerbitate iam inchoarant. Sed quum sacerdotes qui coierant, vim vsque adeo inclementer incitari Pontificis metuentes, Gallicum praesidium deposcerent, ob idque Lotrechius cum ala equitum a duenisset, Florentinos praecipitis obsequij sui extemplo penituit, ne Pisani praesentium Gallorum fauore exciti, sicuti alias Caroli octauj aduentu ad repetendam libertatem arma corripere, atque ita Lotrechius non sine vitae periculo, & Cardinales populari tumultu vrbe sic expulsi sunt, vt Mediolanum conuolarent, eaque in vrbe amplissima instituta concilij actiones celebrare pergerent. Sed Alfonso vel multis precibus a Galis ac obestrationib. fatigatus adducere non potuit, vt in concilium ad consturbationem diuinarum ac humanarum rerum excitatum, fratrem Hippolytum Cardinalem impelleret. Sui enim & Christianae aequitatis esse statuebat, propulsare quidem iniurias, sed nullas inferre Pontifici, inuidiosae praesertim cause periculis circumuento. Neque difficile fuit, fratrem, ne causae intmiseretur dehortari, virum quippe suae dignitatis & constantiae memorem, & in omni actione iudicio longe grauissimum. ille siquidem extra belli ac armorum contentionem, vbi religionis anceps discrimen emineret, Pontifici minime nocendum veterique sacramento obligatam fidem sincere praestandam arbitrabatur, ne galeri dignitatem beneficio Romani Pontificis partam ad familiae decus intemptiuo vix dum inchoatae synodi prauiudicio euerteret. Sub id vero tempus quo indicendi concilij causa inter dissidentes ex aduerso iureconsultos iactabatur, quod ab alio quam a Pontifice indici nefas foret, Ludouicus ad aperto peracri odio in Pontificem Triuulium cum imperio copiarum Ambrosio defuncto suffecit, iussitque vt Mirandulam recuperare, vicisci iniurias, & Bononiam occupare, Bentiuolisque reddere maturaret. Sub eam autem Triuulij aduentantis famam pontifex impar viribus, nec obscurae quorundam Bononiensium perfidiam timens, relicta eius vrbis cura Alidosio legato, Rauennam fecerit, vt inde per Flamminiam Romam reuerteretur. In Mutinensi agro Feltrius confirmatus Verletorum auxilijs contra adueniantes Gallos, ad Gabellum amnem castra posuerat. Sed Triuultius vetus imperator aduersus adolefcentem ducem, tanta armorum vi incubuit, vt quum locorum opportunitates prepereret, & quotidie graui motu castra castris cogeret, semperque acie instructa instando praelio certaturus videretur, Pontificij viribus & disciplina inferiores, vrgens hostis impetum vitare, & retrocedere cogentur.

rentur. Neque prius eos premendi, et persequendi à Triuultio finis factus est, quam se Bononiæ mœnibus castris cum tumultu positis applicarint. Nec mora Triuultius tumultuariè castrametantes inuasit, vniuersaq; eorum copias, & Venetorum auxilia sine suorum vulnere, quod miræ felicitatis fuit, captis, & direptis profligauit, profugiente Feltrio, querenteque se prodictum malignitate atque peridia Alidosij legati, quod nihil earum rerum quæ gerendo bello opus forent, postulanti suppeditasset, Bentiuolorumque clientium fideli portarum custodias attribuisset. Ariosti nanque & Ranucij ciues cohortibus præpositi ex auditu castrorum strepitu, perspectaque Feltrij & Baleoni fuga, nullam sibi moram attulerunt, quin extemplo portas panderent, Bentiuolosque fratres tanquam veteres dominos studiosè reciperent. Legatus vir varijs sceleribus cunctis exosus, & imbellis, occupante metu profugit, suppellectilemque & pecuniam prædæ Gallis reliquit. Nec Iulius Vitellius custodiæ arcis præpositus, nullo antè prouiso commeatu diu restitit, quin Bononienſibus arcem dederet, populo à fundamentis excindendam, quod liberæ ciuitatis ceruicibus imposita videretur. Feltrius emenso Aemylia viæ spatio, quum suos iter fugæ simile habentes ala Gallorum duce Duratio persequeretur, Hieronimumque Pactium fortiter resistentem ad Claternam occidisset, Rauennâ delatus est, vbi sequenti die ex eodem fugæ cursu Alidosium Cardinalem sine purpuræ insignibus sibi occurrentem sua manu confodit, amissi vtrique exercitus dolore, & recentibus iniurijs exacerbatus. Id facinus maximè atrox & apud Pontificem patrum in expiabili videri potuit, nisi homo impurus, varijs auaritiæ & crudelitatis flagitijs coopertus, indignusq; Senatorio ordine, non seras improbitatis suæ ultore magno numine poenas dedisse crederetur. Ea nunciata cædes, Iulium per se animo ægrum ex infelicitate bellicarum rerum magnopere perturbauit: extemploque Rauenna profectus, toto aulae comitatu conturbato Romam iter intendit. At Triuultius incomparabili potius victoria, apprimè graui, prudentique consilio, ne regi maiorem vehementioremq; quàm deceret primum, & ex professo summè Christianum, inuidiam pararet, victoriæ suæ modum imposuit, vetuitque edicto Gallos abeuntem hostem vterius persequi, quod recepta Bononia, eaq; Bentiuolis reddita, satisfecisse officio rebatur: eademque militaris consilij moderatione Pōtifici nunciati iussit, vt quò vellet composito agmine extra metum iter facere pergeret: se enim operam daturum vt nusquam à Gallo milite iniuriam acciperet. Sed non eadem animorum æquitate Bentiuoli victoria utebantur, quum statuas æneam Iulio liberatori in fastigio templi maximi positam, concitata plebe detraxissent, conspurcatamque fœdissimum in modum perfragissent, atque in tormenta conflarent. His rebus à Triuultio feliciter gestis, Alfonso mirum in modum letatus est, quod Bononiam Pontificij belli sedem, viris atque diuitijs opulentam, non modo detractam hosti, sed Bentiuolis necessarijs suis restitutam conspiceret, magnoque commodo securitatis suæ in reliquum tempus quærendæ potius pacis, quàm instaurandi belli fastas Iulio præbita videretur. Cæterum Iulius quem secus ac multo maxima pars hominum putabat, neque fusi exercitus, neque amissæ Bononiæ, neque à Feltrio admissi sceleris incommoda perturbarent, eadem infracti ardentisque animi magnitudine qua bellū susceperat, generoso conatu in vtranque sortis

aleam finire constituit. Primum omnium Cardinales qui concilium indixerant, tanquam impietatis & perfidie reos Senatu mouet, hostesque Pontificis nominis decernit. Ex aduerso autem legitimo iurē sacrosanctam synodum ad ea consulenda & peragenda quæ Reipublicæ Christianæ decus respicerent, in Laterano sequenti anno futuram pronunciat, et Pisani Concilij inauspicatum nomen abolet, Galliæque Regem tanquam diri schismatis autorem sacris interdicat: ac eum veteri suo Christianissimi cognōmento indignum declarat. Secundum hæc acta, cuncti propē Christiani nominis reges gentesque aduersus Gallos, ereptæ Bononiæ ac impotentis audaciæ inuidia deflagrantes, propositis edictis, & varijs legationibus concitantur: Immodicē quidem ante alios Henricus Britannus qui suo pte natura infensus Gallis, nouam bellicę laudis gloriam quærebat, quæ ei parata videbatur, si pro tuenda Romani Pontificis dignitate, Galliæ bellum inferret. Ferdinandus quoque Hispaniæ rex, tamen si à Cameracensi fœdere nequaquam apertē discesserat, quod non obscure prouecta longius atque audacius Gallorum arma formidabat, Romano Pontifici multis de causis deesse non poterat, ob idque præsertim quod à Romanis Pontificibus prædaro religionis merito Catholicus fuisset appellatus. Hic itaque Petrum Nauarrum, ad Tripolim atque Bugeam rebus feliciter gestis darum, Africanas legiones in Sicillam, atque inde in Italiam transportare iubet. Ille verò magnis adornatis classibus Aquitaniam inuadit, & in Belgicam orā primo quoque tempore se traiecturum proficitur. Cæsar verò qui ab initio conceptæ inchoatęque synodi anceps & dubius perstiterat, tamen si ei pseudo-cardinales summi Pontificatus honorē promitterent, multis de causis ita Gallorum societate diductus est, vt regia præsidia quæ Veronæ hybernabant ab se dimitteret, obortoque spe recuperandæ Burgundiæ Heluetijs atque Pontifici iungeretur. His cognitis rebus Ludouicus suarū opū plane conficius, vir acer et indomiti spiritus Ioannem Nauarrę, & Iacobum Scotiæ reges veteres amicos et cliētes Gallię regū, hunc aduersus Britannos, illum à Cantabria Hispanis opponit. Singulari autem diligentia Galliæ equitatum qui erat amplissimus supplet, & pedites à Germanis instar duarum legionum mercede conductas in Italiam accersit, quod Heluetijs tanquam à Gallo impudenter ac indignē spreti, post fortem fidemque operam multis bellis nauatam, ab antiquitia Gallorum discessissent. Regibus hoc modo in apparatus maximi belli erectis, Alfonso ab vllō militari opere nequaquam cessandum ratus, aduersus omnem vim hostium quæ opportuna erant præsidia comparauit. Nam insignis cataphractorum ala ex delectis equo merere stipendia solitis, effecta est: & nouæ leuis armaturæ equitum turmæ veteribus & prætorianis sunt adiectæ. Promptissimus quoque, & sibi notus miles, liberali stipendio conductus est, quo supplemento vrbanas copias abundē confirmabat. Cogendæ verò pecuniæ studium ea moderatione agitabat, vt priuatos potius minueret sumptus augeretque rerum venalium vectigal, quam eam viritim ciuibz imperaret, ideoque non auri summam, oppignoratis maiorum suorum insignibus gemmis, Lucretiæque item vxoris vnionibus, mutuam à forneratoribus acciperet. Parcendum enim gratio existimabat, sic abiectis ab aci ornamentis, vt in vsum menfarum figulinis lancibus vteretur, quæ eo honestiora erant, quod Principis manu atque artificio subrefacta spectabantur. In hoc enim frugi vitæ famæ,

potius



potius quam inanem, reconditi, inexhaustique thesauri iactantiam querebat. Præclare siquidē iudicio omnium credebatur, ei vel diuturno in bello pecuniam ex vetere gazā minimē defuturam: qua publica existimatione in omni bellico sumptu fidem vnquam differētis aut improbi debitoris tuebatur. Ad hæc summa contentione paganorum agrestium, & ciuium, qui imperatas edicto operas conferebant, instituti antea aggrēs proferebantur, cauabaturque profundissimæ fossæ, & in officinis collato per tribus ad certum prætium metallo, omnis generis tormenta Principe ipso perdocente, agenteque fundebantur. Mirabili quoque eius ingenio, versatilis ex aque impetu machina instituta erat, ad conficiendam exiguo tempore ingentem tormentarij pulueris copiam: ab ea nanque demissi elatiquē alternatim ferrei plures pistilli in genas pilas decedentes, carbonēs & sulphura cum sale nitro contudebat, tanto compendio, ut plurium operarum laborem vniustantum regentis pueri cura superaret. Noua insuper horrea instituit, ad recondendas omnis generis fruges in vsum tolerandæ famis, si paulo grauius & diuturnius bellum incideret. Magnam quoque vim salsamentorum, tum carniū tum maximē piscium in officinas contulit, quæ nautico more in ediam subleuaret. Eam partim ex Padusis, partim ex Illyrici, Dalmatiæque insulis, in quibus multa piscium captura esse consuevit, pretio parari conuehiq; curauerat. Per id autem tempus Alfonso neq; à Venetis aliunde occupatis multum est laceratus, neque ipse eorum fines vexauit, utpote qui ad maius bellum egregiē sustinendum cuncta sibi maturē paranda atque instruenda prouidebat. Quum in hac ingruentis belli cura atque apparatu versaretur, Nauarrum didicit cum Hispanorū legionibus ex Apulia per Picenum viamq; Flaminiam in Togatam Galliam peruenisse, Raymundum quoque Cardonium, & Fabritium Columinam subsequi cum equitatu longē omnium qui vnquam Neapolitano regnōeducti sint, maximo atque ornatisimo. Ad has copias accedere Pontificis cohortes, & vtriusque armaturæ equitum turmas, quæ magnō sumptu in agro Romano, atque Umbria conscriptæ fuerant. Eodem etiam tempore Heluetios duplicatis stipendijs Pontifex per Mattharum Sedunensem Cardinalem sollicitatos, in agrum Mediolanensem descendere, Gallisque ad Mediolanum a cernimū bellum inferre iusserat. Interim Alfonsus, ut Hispanis transeuntibus ea quæ posset ex transuerso Æmilie viæ itinere detrimenta inferret, Bastiæ non longē ab Argēta præsidium imposuit, custodiamque eius loci Vestidello pagano Insubri, viro fortissimo tribuit, qui nocturnis diurnisque eruptionibus commeatu interciperet, nec quicquam tutum euagantibus declinantibusque à via hostibus relinqui pateretur. Ea munitio in castelli speciem muro atque aggre circumdata, decurrenteque ad murum Padi fluminis parte quæ Zenoliam fossam effecit, vsque adeo opportunē apteque constituta erat, ut nisi iusti exercitus vi & labore expugnari posse videretur. Itaque Nauarrus aliquot suorum militum in commodis excitatus ad tuendam nominis sui famam terrendosque hostes ad Bastiam deferret, ad motisque tormentis murum atque aggrēs vehementissimē quatensuo etiam peculiari artificio, quo nomen cuncta expugnantis superioribus bellis fuerat consequutus, cuniculos agit, & subdito ac incenso sulphureo puluere totius munitiones frontem ab imo in summam coronam terribili cum fragore excindit, paratq; ab ea parte aditum & ascensum militi,

Nec mora Hispani irrumpunt. His magna vi Aeterni aliquandiu propugnando obſiſtunt, & in aditu hoſtium pugnaciſſimos trucidant, ſed creſcente audacia multarum ſimul cohortium vno impetu irruentium vim neque animi egregie fortes, neque dextræ ſuſtinere valent. Contruditur intra aream caſtelli Vtdidellus, fortiterque reſiſtendo, multis ab ſe hoſtium vulneratis, & ſuis vndique cadentibus, quod vulneribus ſeſſus arma vix ſuſtineret, accepta fide deditionem facit. Sed vel turante Nauarro defendi non potuit, quin in conſpectu cū reliqua eius cohorte trucidaretur. Eo enim atrocius contra militiæ morem deſeuerant, quod Franciſcus Montaneſius præſectorum longè fortiſſimus in ingreſſu concidiſſet. Huius Montaneſij nobile facinus non ab re erit enarrare, vt eius exemplo milites ad ſpem laudis accendantur. Is ſuperiore anno quum apud Senas in coronis proloquendo Hiſpanorum virtutē ſupra omnes gentes cum iactantia verborum extolleret, nec quenquam mortalium Hiſpano habilis & ferocius gladio vti identidem prædicaret: non tulit iniquè atque ſuperbè dictum iuuenis Romanus ex tribu Parrhonia cui Iuliano nomen erat: dixitq; ſe ſingulari certamine & paribus armis, ſi Hiſpanis congrēdi velles, oſtenſurum neminem externæ gentis Italo milite meliorem. Hunc generoſe & moderatè reſpondentem Itali Hiſpanique qui aderant, approbaverunt: nec ipſe conditionē detrectauit, quā Montaneſius ferebat, vt ſibi quiſque ſocium, & conſortem pugnæ deligeret, & intorta pro ſcutō ſiniſtris manibus lacinia, Hiſpanitis gladijs pro gentis quiſque ſuæ gloria decertaret. Gometium à Corduba norum ſibi & ſpectatæ virtutis gladiatorem Montaneſius aſſumpſit: Nec Iuliano deſuit Tiracoxa Tiphernas comiter inuitatus. Conſtituta autem die ad ediſci ſpectaculi famam, tota penè Etruria in urbem Senas confluxit, prætorianaque area exterior (hæc inſignis theatri ſpeciem præbet) à decurionibus pro arena conceſſa eſt. Tantis vero animis, tantisque verrique adhortationibus, quum publicum decus in priuatis dextris temerè poſitum videretur, reſ geſta eſt, vt Hiſpani veterum gladiatorum more depugnantēs priui faſciſcerent, & decem & ſeptem patentibus plagis ſuſceptis, quum ex aduſo nouem tantum Itali retuliſſent, ſe planè victos, contumelioſeq; loquutos fa terentur. Id certamen non celebratum modò eſt omnis ſexus feſtiua acclamatione, ſed eruditè etiam decantatum à poetis, quorū Etruria ſeraciſſima ſemper fuit. Non deſuit tamē Mōtaneſio ſua laus, vel ob id præcipuè quod diſciplinæ memor, nihilq; ſeruida ira ſubactis, non ſuæ modò, ſed Gometij ſodalitætiæ ſaluti, expedire & fortiter proſpexiſſet: qua laude celebratus cohortis præſecturam promeruit: ſummorū proſectorū ordinum decus inde relaturus, quū tranſuerſis vulneribus deformatam faciem egregio virtutis teſtimonio præferret: niſi in ingnobili conatu ei Fortuna deuiſſet. Nauarrus per hunc modū expugnata Baſtia, eundem mirabilium operum ſuorum terrorem hoſtibus aſſerens, Bononiam contendit, & caſtris ſub colle poſitis tormenta promouit, quum ad Baſtiam præſectos eximie virtutis Saxum Italum, & Forundam Hiſpanum, qui præſidio locum tuerentur, reliquiſſet. Hi diſcedente Nauarro, murum late diſruptum, nutantemq; aggerem opere militari reſecerant, confirmarantque ſe omnibus his rebus atque præſidijs, quæ ſuppeditari è caſtris, vicinarumque urbium copijs aduerſus vim Alfonſi comparari poſſent. Eum namque amiſſam munitionis arcem, eadem vi qua amiſſa fuerat, repetiturum

tiæurum existimabant. Neque is opinio nem hostium diu fessellit: paucissimorum enim dierum spatio coactis copijs eductisque maioribus tormentis, ad Bastiam priusquam sentiretur profectus est. Tanta autem vi maiorum tormentorum murus percuti, quassarique aggeres cepti sunt, quum intercedere latissima decurrentis Padis fossa pedalis diametri pilæ ab villa parte non cessarent, ut Hispani coronam deferere cogerentur, & sese ad hiatus patefacti iterum muri cateruatim cōglobarent, ac irrupturo hosti armata corpora opponerent: quod vineas extruendi refarciendique hiatus facultatem, temporis exiguitas, & incidentium pilarum metus eriperet. Prodierat in conspectum hostis Alfonso suos hortabundus, eique ad latus erat promptus ad omne militie munus Cetellionus Gallorum nobilis præfectus, quum forte decussa vi tormenti arcis pinna, perrupti lapidis fragmen acri percussu in caput Alfonsi decidit: quo ictu penè exanimis solo prostratus est. Tantum vero absuit ut milites conspecto cadentis principis periculo animi impetum remitterent, ut ira & dolore vehementius incitati, longè acerrimos propugnatorum irruendo propellerent, in Bastiamque cæde latissima hostium edita perumperent. Nec fuit quisquam qui vel supplici & prouidenti ad terram arma hosti parceret, quum quisque principi suo quem sublatum pro mortuo viderant, & cæso paulo ante contra fidem Vestidello, hostili sanguine parentandum existimaret. Forundam & Saxum frustra vitam deprecantes eadem ultoris iratique militis rabies absumpsit. Sed magno casu accidisse videtur, ut Alfonso, qui victoriaræ spectaculo ad Cetellioni pedestratus frui nequiverit, eius immodiæ & promiscuæ cædi, inuidiam quæ Gallo vindictæ auido ferè tota incubuit, extra notam effugerit. Caterum Alfonso Argentam delatus, cum ei galea detraheretur, quæ caput vehementer colliderat, tale discrimen vitæ adit, ut vix post tres dies ad se ipsum memoria incolumi rediret. Interea quum Hispani ingenti conatu cuniculis atque tormentis Bononiensibus excidium molirentur, Hiuoque Alegria Gallici præsidij præfectus agrè niurum defenderet, Gasto Foilleius opportunam laborantibus opem tulit. Is dudum Heluetios ad Mediolanum vsque hostiliter irrumpentes aliquot minutis prælijs per equites fatigarat, nec minore felicitate quam superiore anno domum redire coegerat. Eo itaque graui metuliberatis Insubribus nullam sibi moram attulit, quin media hyeme Bononiam rectâ contenderet, raptato secum exercitu per lutulenta itinera, tanta festinatione, tantæque imperij seueritate, ut pedites tormentorum qua magistri per inextricabiles à præalto cœno vias obstantiaque flumina equestrium agminum cursum equare cogerentur. Qua usus celeritate, & miro studio militum, penè prius à Rhæni ponte urbem est inuectus, quam à suis & ab hostibus sentiretur. Eius autem aduentus vix postero die sorte quadam ab intercepto Epirota equite hosti cognitus effecit, ut is con festim reductis tormentis rectâ per Amyliæ viæ stratum iter ad Claternæ vicum se reciperet. Apparebat enim Gallum pugnae auidum nihil de sua celeritate remissurum, quin instructis ordinibus ad Claternam deferretur. Erat Gastomina ingenio expeditusque viribus ferox, ideoque paratus ad audendum insigne facinus: sed Alegria dux vetus feruidi adolescentis consilium aliò auertit, utpote qui summx infanz iudicaret, hostem bello acrem, & veteranis legionibus cōfirmatum, & munitis & vallatis in castris adoriri. Gasto itaque

mutato cōsilio, quod Brixiani per eos dies oppressa Gallorum ala ad antiquā Veneti senatus fidem rediissent, superato Pado per Mantuanum agrum Brixiam iter intendit, haud dubie ulturus eorum leuitatem atque perfidiam, quā inusitata celeritate profectionis suae famam anteiret. Nec properanti Fortuna defuit, quum Paulum Baleonum ex itinere ad Athesim improvisa vtrinque pugna edita profligarit. Hic enim cum iusta manu copiarum à Venetis ad expugnandam Brixiae arcem mittebatur, nihil tum minus timens quàm ut Gasto sibi obijceretur, quem Heluetiorum irruptione occupatum, nouoque bello apud Insubres distractum esse crediderat. Eo modo victor Gasto Brixiam peruenit, receptusque per arcem, & continuo erumpens, magna praesidij Veneti & ciuium cæde facta, urbem miserabilem in modum diripuit, captoque Andrea Gritto legato, Aloysium Aduocatum defectionis auctorem securi percussit. Inde septem tantum diebus ad requiem colligendamque praedam militi concessis, pari celeritate qua venerat ad Hispanos est reuersus. Summa eius consilij erat, ut cum his non iniquo loco congregaretur, utpote qui de victoria optimè sperandum putaret si astutum hostem apertos in compos procul ab insidijs elicere posset. Id verò facile accidere posse confidebat, si tormenta Rauennæ mœnibus admoueret. Hoc maxime probabat Alfonso, qui valido copiarum suarum agmine, magnoque insignium tormentorum apparatu instructus ad Gallica castra se contulerat. Existimabant enim Marcum Antonium Columnam Rauennæ praesidio s'impositum, non diu summam vim tormentorum, quin se dederet, egrè speratis auxilijs esse toleraturum. Quod si Raymundus atque Fabritius opem imploranti, uti promiserant, deesse nollent, & progredi auderent, non defuturam facultatem, quā diu antea operassent, & tum auide deposcerent, conferendæ manus parenti in campo, vbi grauis armaturæ equitatus, & volitantia citatis curribus tormenta, qua parte virium ipsi plurimum valerent, magno vsui ad victoriam futura censerentur. Nec mora ad motis muralibus tormentis, duplici in loco, hinc à Gastone, & illinc ab Alfonso quasiatus est murus, tanta vi derasis coronæ pinnis deiectisque propugnatoribus, ut Vascones murum subirentur. Hanc enim ut pedestres operam prestarent, Gasto propositis premijs, delectuque firmiterum per alas habito facile impetrarat. Sed ea alacritas temeritati proxima eum habuit successum, ut densata certatim subeuntium agmina tormentis ab hoste in obliquum latus directis, cum latis in fossa cadaueribus sternerentur. Nam ab Antonianis ex prominente propugnaculo aprè collibrata ingens colubrina saepius emissæ est. In eo audaci conatu Spinæus praefectus tormentorum ineert, & Cetellionus Colineus illustris familia, multisque bellis dux indyus mortifera ictus glande praelio excessit. Hunc morientem Alfonso multis sibi nauatæ operæ officijs coniunctum luxit, quem Gasto quoque importuno tempore sibi ereptum magnis laudibus graui totius exercitus cum dolore prosequutus est. Hoc tanto tormentorum fragore continenti que reboatu exaudito, hostium duces suæ dignitatis esse statuentes, vbi antea prolixè promiserant laboranti Antonio opē ferre, ex templo progredi aduersus hostem decernunt, propiusque Rauennæ castra mouent. Nec Gasto exoptatæ atque exploratæ occasione deest, administrantemque Alfonso tormenta raptim reducta,

reducta, & castra extra urbis conspectum, ne cum anticipati hoste res foret, promota sunt. Iam enim Pontificij Hispaniq; duces appropinquare, & ab antecurforibus Gallis eorum vexilla conspici nunciabantur: quū Gasto fatali suo immoderate fortitudinis ardore concitatus in hostes signa conuertere iussit. Certum est ad periclitandas vires leuibus prælijs continenter per integrum diem, quibus se multa quæ sibi vsui forent, collustrando oculis solertissimè notauit, sic vt flumen vado transire, & signa conferre non dubicaret. Itaque sacro die quo Christus ab inferis resurrexit, pugna omnium longè cruentissima, victoribusq; pariter & victis funesta inter memorabiles eius seculi commissa est. Alfonso cum Normanniæ Sinischalco primæ aciei præfuit. Hæc cum extendere tur sinistrum cornu efficiebat. Mediam autē Gasto sic tenuit, vt Alegria moderante consistenteq; ad signa, ipse expeditus ad imperanda quæ opus forent circumferretur, & suæ lingua & armis, bellandiq; artibus diuerfos hortandus instrueret. In postrema autem fuit e varij duces. Hoc ordine Gasto, Hispanis nihil prohibentibus quin Galli pedites vado, Germani verò carris flumen sine perturbatione transirent, exercitiū traduxit. Id flumen antiquis Vitini dictum, Rauenates Aquadulam hodie vocant, quod recepto Roncho amne in Padum euoluitur. Prælium itaq; tormentis vtrinq; cum terribili tonitru statim emisit iniri cœptum est, ea quidem alterna sorte, vt Gallicæ pilæ hostium equitatum horrenda ac inuitabili clade illata prosternerent, Gallorum autē peditatus ab hostilium tormentorū iteratis sæpe ictibus graue scedumque visu detrimentū acciperet, quum ingentes globi ferrei confertas legiones atq; intergras alas equinum miserabiliter profulcarent, disiectisq; per aera galeatis capitibus, ac cæteris equorum & hominum ferro contextis artubus, certam perniciem integris ordinibus afferrent. Tum enim Alfonso re multū ante prouisa, atque opportunè administrata, lato versus mare flexu capto, peculiaria sua tormenta edoctis aurigis & libratoribus, in terga lateraq; hostium direxerat, tantoq; studio & properantia pilas contorqueri iubebat, vt non in hostes modo, sed etiam in socios hostibus permixtos nonnunquā iacerentur. Ob idque quum à quibusdam admoneretur, vt tormenta suspendere, & loco mutare vellet, ne quum enixius ac ardentius hostē feriendū duceret, socijs etiam vel iniuitis promiscuam cladem afferret. his tanquam intemptiue interpellantibus, seuero ardentiq; ore respondebat, bono non ineptoq; duci expedire, vt dubio paucorum periculo certa de hoste victoria peteretur, proinde de fortuitis suorum casibus tantopere solliciti esse desinerent, vnamq; tantū victoriā aspicerent, quæ laui momento, si cessarent, corrumpi atq; interpellari facile posset. Ferunt nō nulli, Alfonso, vt ei odium apud externos confarent, hæc quoque verba subiecisse: dirige igitur mei libratores libere atque celeriter quando in, vtrumque ex professo Italici nominis hostem nullo errore pilas adiges. Quæ verba in externos generosa atq; Italica libertate prolata, non semel ei inuidiā excitauit, quum Molardus, & Mongironus Vasconum peditem summi duces iam permixti hostibus, & aliquot ex equitatu signiferi iam manus cum hoste conferentes ab eius tormentis aut strati esse, aut graue incommodum accepisse dicerentur. Sed hæc falso ei affixa ab inimicis fuisse crediderim, quandoquidem mihi de hac re seriò percunctanti, torum id fauè dictum ingenua fronte pernegasse visus sit. Cæterum Alfonso post emissā diu tormenta, cum casaphractorum familiarium globo in perturbatam hostium aciem

inuectus, in Fabricium Columnnam incidit, qui stratis & dissipatis alarijs suis circumuentus & vulneratus vndique gladijs & securibus pertundebatur: quo conspecto (erat enim uti magister equitum auro & purpura conspicuus) accedens, Romane, inquit, ne te cedi permitte, agnitaq; praelij Fortuna te mihi dede. Ad quod Fabricius: quoniam es tu qui me agnoscere videris, & ut me dedam adhortaris? Tum ille, Alfonsus Aeternus te compellat, nihilque timerelubet. Audita voce Fabricius, vel inuitus, inquit, generoso libenter me dedo, modo Gallis antiquis hostibus meis non dedar. In id sublata manu Alfonsus fidem dedit, creptumque e media caede Ferrariam perducendum curauit. Hec dedicationis verba ab utroque eorum non abredidicimus: nam postea list magna de Fabricio exorta est, Gallis cum auctore Palicia depofcentibus, tanquam ille propter eius dignitatem Regij iuris & arbitrij captiuus foret. Sed Alfonsus in praestanda fide egregie constans, eas parum aequae petitionis obtestationes contempsit & penitus elusit. Interim Nauarrus qui suos pedires, prona humi corpora sternere iussos, ut praeteruolantes pilas euitarent, sero confulgere iusserat, & totius ferè equitatus scædum interitum spectarat, inito acri certamine captus est. Quo casu prima eius legio, hinc à Germanis, & illinc ab equitatu concisa protritaque ferme tota interiit. Secunda tamen infracto animo egregie conseruatis ordinibus quanquam amissis ferè omnibus praefectis & centurionibus, repugnando constantissime se recepit. Iam horribilis equorum atque hominum strages ex omni parte erat edicta, captusque fuerat ante alios Ioannes Medices Cardinalis legatus, & Piscarius vniuersae leui armaturae equitum praepositus, deletis magna ex parte alarijs suis, inter cadauera semianimis repertus se dederat, quum eandem Fortunam tulisset amisso oculo Padulius e gente Cardonia mediae aciei praepositus. Vexilla quoque Pontificis regisque Hispani strata erant, & Raymundus Imperator cum Antonio Leua, & Restanno Cantelmo desperatis rebus cladem effugerat, & Caruaia postremaciei dux, retro conuersus signis intactis Cesennam ferebatur, quum Gasto plane victor immodica delendi hostis cupiditate impulsus in recipientes se peraggerem Hispanos pedites impetum fecit, ibique aliquot sua manu eddens, ac intemperanter persequens, ab noua manu hostium quae fugiens legioni se coniungere properabat, circumuectus atque interfectus est. Miserrabili certè casu, quum summae indolis & Fortunae Imperator à gregarijs paucis & fugientibus occideretur. Nemo enim, vel nomen proficenti, & se Hispaniae Reginae fratrem ad impetrandam vitam sepe dicenti parcendum putauit, aut e suis maturam opem tulit. Lotrechius tamen iuxta eum, qui postea praedatus extitit Imperator, post multa accepta vulnera seruari meruit pietate Aloisij Hispani centurionis, cui Gordo, hoc est praxingui, cognomen fuit. Ad occisi autem Gastonis famam excita est apud victores Gallos inusitatae vindictae libido: nam in vulneratos & captiuos passim vitam suppliciter petentes, atrocissime seuitum est, his scedis cadibus praecipue intentis, qui praefectos commilitones amicos amiserant, & tanti Imperatoris atrociter interfecti manibus hostium corpora immolanda esse censebant. Considerati sunt Germanorum praefecti ferme omnes, & ante alios maxime celebres Iacobus Emper, & Iuncher Fabius, itemque Lincius pusilli quidem corporis, sed ingentis animi Dux, & Philippus Germanobelga qui dudum Brixiae defuncto supra modum

modum efferus & immanis euaserat. E Gallico verò pediatatus præter ipsos Molardum & Mongironum, veteris militiæ insignes ceciderant, Agramontius Aquitanus, & Bouetus Brito, Bardasaniusq; Ferrerius Allobrox, cum signiferis omnium propè cohortium. At Alfonsus ubi certius de Imperatoris morte cognouit, tormentis hostium in potestatem redactis, communicatoq; consilio cum Cardinale Sanfeuerino, & reliquis ducibus, receptui cani iussit, eoq; maturius, quòd Alegria, ad quem Imperium virtutis nomine ac ætatis honore pertinebat, magno casu cecidisset, dum Viuetroo filio ab hostibus exaggrè in amnem turbato pereuntiq; seram opem ferre conaretur. Exinde Alfonsus victoriæ partæ conditiones inspexit, captiuisque recognitis, & saucijs omnibus promiscuè insignem adhibuit curam, vt nihil desiderarent. Cætorum autem insignium procerum cadauera toto campo legi deueluq; Ferrariam præcepit, vt inde exenterata, & multo condita aromate in Galliam ad gentilia maiorum sepulchra aueherentur. Sed hæc postea quàm Rauennates aduerso suorum prælio percussis, excedenteq; præsidio se dedentes, contra ipsorum spem ab iratis Gallis cæsi direptique fuere. Tanta autem iracundia atque auaritia in miseros est defecitum, vt Vascones, atque Germani, neque vlli grati, neque vllis templorum donarijs parcerent, quanquam in eo tumultu Alfonsus ante alios vrbi miserè pereuntis, quātum auctoritate valebat, piam opem ferre properaret. Is quum recenseri copias iussisset, supra dimidiam Gallorum militum partem cecidisse reperiebat, præter innumerabilem calonum & lixarum turbam. A capitijs autè ex numero insignium procerum nomina supra viginti rebebantur, inter quos fuere Romani sanguinis Ioannes Contes, & Ianus Capocius, duocq; Bononienses germani fratres c; Pepula familia Cornelius atq; Romeus, & Raphael Pactius nobilis Florentinus. Ex Hispanico quoque exercitu occubere Ioannes Cardonius Auclini Regulus, Hieronymus Glores, Didacus Quignonius, & Alberadus, itemq; Petrus Cunius, et Casanova, opulentis Rhodiæ militiæ sacerdotijs insignes, & Corbellanus qui primum in exercitu summi imperij vexillum deferēbat. Petrus etiam Pacæus Gibber, qui sub magno Consaluo prædara olim cum laude militarat. Ex Africanis verò legionibus quum longè promptissimi quiq; interfecti essent, inter eos Punicis bellis clari numerabantur Zamudius, & Samanecus, & secundum hos facile priores Iaymes Diecius, Ioannes Nauarrus, et Didacus cognomēto Paneaqua, cum eoq; Clauesius, & Arcteta Cantabrorum pugnacissimi. Ab hac tanta victoria Alfonsus insigni prudentia, equo sibi tempore & aduersarijs periniquo pacem ab irato Pontifice petendam iudicauit, ratus eam honestis conditionibus, & dari, et accipi posse, quòd molliorem pronioremq; ad id Iulium se inuenturum speraret, vel ob id maxime quòd supra amissi exercitus detrimentum, multo metu grauiq; periculo circumuentus esse videretur. Nam ab eo ad Gallos defecerant Romani proceres, Pompeius Columna & Robertus Vrsinus, et cum his Petrus Marganius turbulente iuuentutis princeps, vsque adeo immani sceleris toque consilio, vt accepta a Gallis stipendiij nomine multa pecunia sacrosanctum Pontificè Vaticano, atque vrbe Roma exturbare, Regnum, que Neapolitanum inuadere cogitarent. Itaque Alfonsus per Fabricium Columnam quem in libera custodia Ferrariæ habebat, solerter egit, vt non iniqua conditione sibi parceretur. Erat enim ad id munus implendum Columna



facile idoneus, uti veterē amicitia, & affinitatis necessitudinem Iulio coniunctus. Sed eam rem per sequestrēs pācis aliquot Senatores aliquandiu actitatā, nouæ victoriæ nuncius interrupit. Heluetij namque rursus per Mattheum Sedunensem Cardinalem excitati, coniunctiq; Venetis copijs, per Tridentinas alpes in Italiam descenderant, depulsisque Athesi, Ollio, Abduaque amnibus Gallorum copijs, Paliciam nusquam congredivimus aulam vrbe Ticino cum non parua cæde expulerant, fugientemq; demum ultra Padum Italia excedere coegerant. Quibus secundis rebus Pontifex abunde confirmatus atque exhilaratus, eo mitiore aure Alfonsi preces audiit, quod authoritate Prosperi Columnæ Pompeius restituta pecunia ad officium redisset, & Vrsius atque Marcanus pudore, multisq; amicorum obtestationibus adducti; muneribus ab incepto destitissent. Alfonsus igitur præclarum probitatis atque prudentiæ suæ specimen daturus, fidem dante pollicenteq; Fabritio Romam venit. Eum verò supplicem, & graviter pro sua causa perorantem Pontifex sic admisit, ut non dubia lenitatis & clementiæ signa vultu & alloquijs præbere videretur. Sed eum raro oblatum exercendæ clementiæ ad extremam laudem fructum vir alioqui generosus decerpere nesciit, deprauante eum Alberto Pio Carpense summæ authoritatis consiliario, qui priuatæ litis ac iniuriæ memor, & publici commodi facile oblitus, capitales inimicitias ab antiqua de Carpo oppido contentione indomitus cum Alfonso exercebat, sic ut in arcano Pontificis consilio Alfonsum tanquam impiè rebellem pace & venia indignum diceret, eumq; vel neglecta Fabritij fide omnino comprehendendum suaderet. Sed id facinus supra decus sacrosanctę personæ sordē conceptum diu tegi non potuit, quin per Ludovicum Aragonium Senatorem Alfonsi propinquum ad Columnios ethanaret. Quo graui nuncio ex imminente contumelia vehementer perturbati Fabritius & M. Antonius promptissimorum clientium maximum sibi fidem compararunt, noctuq; Alfonsum vrbe Roma, vi territis expugnatisq; custodibus Lateranæ portæ (hæc Alsinaria quondam fuit) incolumem ad Marinum suæ ditionis oppidum deduxerunt. Eum postea passim diuertentem per Latina oppida, & ex tuto latitantem Prosper Columna susceperat. Is Raimundo copias reparanti collega erat datus, ductabatq; exercitum in Galliam Cisalpinam aduersus Venetos. ab hac profectiois occasione peropportunè euenit, ut Prosper qui Fabritij patrius fides, & familiæ decus religiose tuendum rebarur, Alfonsum modo gregarij equitis, modo lixæ, aut venatoris, cucullatiq; nonnunquam sacerdotis habitu in tutum perduceret, frustra eum deponente quæritantq; Iulio, qui ad eum agnoscendum perquirendumq; plerosq; miserat exploratores, principe eorum Antonio Saxetano, cuius ille aspectum & diligentē fidem semper elusit, emensq; feliciter itinere paucis cognitus Ferrariæ peruenit. Nec Iulius vel natura iracundus ab eius impotentis facti contumelia, quanquam vehementer angere & fremere videretur, quicquā in Columnios proceres quo seuerius decreuit, aut Alfonsum quē sibi ad pedes in spem veniæ proiectū viderat, nobili quodā pudore exorto, quod generosè parcere subiecto nesciisset, armis ulterius vexauit. Vir siquidem de coris appetens, quo famā latē extenderet, abunde cum nomini suo, tum Pontifici dignitati satisfactum existimabat, quod Gallos reducto in paternum Regnum Maximiliano Sfortia ultra alpes pepulisset, in eosq; domi Britannica arma concitasset,

conceitasset, ac eiectionis iterum Bentiuolis Bononiam secessisset: quo etiam rerū cursu Hispani Ioannem Nauarræ Regem Gallicas secutum partes, totius Cantabrizæ Imperio deiecerant: ac obiter multo maxime letaretur, quod de Florentinis concilij Pisis indicti iniuriam egregie vindicatam videretur, quum eius auspicijs Hispani, qui duce Cardonio reparatis copijs in Ethruriam descenderant, Ioannem Medicem in patriam paternumque ciuitatis principatum Soderino eiectione reduxissent. Ipse enim Medices Cardinalis cum in Gallia captiuus traheretur insigni beneficio Rainaldi Zatrij Ticinensis Patrij ad Padum traiectionem, vi repente facta in custodes Gallos ereptus, Bononiam peruenerat, & ad cumulandam totius victoriæ felicitatem, Ligures exactis vrbe Genua Gallicis sese in veterem libertatem opportunè vendicant. Quibus rebus gestis Iulius libertate Italiæ titulum ita prætulit, vt eum falsim inscribi nullo adulationum pudore pateretur. Sed tamen libera vox Grimaniprobi Senatoris à Iulio audita est, titulum tanquam inanem irridentis, quando magna atque opulenta Italiæ pars, demonstrato Neapolitano Regno, Hispanicum iugum perferret, ad quod Pontifex quassato Scipione quo innixus pauimentum infrenando pertundebat, respondit breui futurum, vt Neapolitani non iratis superis externum iugum excuterent. Heluetiorum enim præstanti studio, inuictioque eorum legionum robore fretus, Alonsum Federici Regis filium, contra ius gentium Tarenti captum, & custoditum in Hispania, deponere, restituereque in paternum Regnum, non iniqua Ferdinandi Regis conditione cogitabat. Hæc ingenti animo, verum ægro corpore cogitantem diuturnus fluentis alui morbus intercept, eiq; Cardinalis Medices insigni conuertentis sese Fortunæ ludo, iuniorum suffragijs, Leonis decimi nomine desumpto, suffectus est. Ad eum creati Pontificis nuncius Alonsus magnopere lætatus est, quod pro acerrimo, eoque semper inuictio & indomito Pontifice, alium clementis animi micisq; naturæ renunciatum videbat, à quo veterem gratiam & honorem quo fuerat spoliatus, adipisci posse speraret: quando ille ortus familia non modo nobili, verum cunctis etiam eximie virtutis numeris per totum ferè terrarum orbem celebrata, Leonis nomen vsque adeo illustri iudicio desumpsisset, vt præclare profiteri videretur, nihil ab se nisi maxime æquum piumq; & generosæ clementiæ laude dignissimum ab omnibus ordinibus expectari debere, vt ipse qui iniuriarum omnium & veterum offensionum obliuisci vellet & quod publicæ tranquillitatis interesset, pro turbulento rerum statu, secus ac Alexander & Iulius ferreæ tempestatis Pontifices, læti tandem oculi, aureæque pacis seculum condere cogitaret. In hanc spem Alonsus benignè vocatus ad præstandum sui muneris officium (erat enim antiqua dignitate vexillifer) in Urbem venit. Nam ingenti apparatu nouus Pōtifex ad xi. diem Aprilis se triplicis coronæ thiaræ in Laterano templo sumpturū edixerat, vt is dies qui ex clade prælii Rauennatis sibi valde ater extiterat, eo circumacti anni curriculo commutata Fortuna, in candidum atq; letissimum verteretur. In ea autē pompa quæ à Vaticano in Exquilias perducebatur, Alonsus de more paludatus Pōtifex Imperij vexillū gestauit, applaudentibus ei Vrbanis tribubus, quum quissq; summū ducem ex recentiq; victoria clarissimū, os illud probum & verè militare preferentē internoscere cuperet. Pontifex quoq; eodē ipso albo equo vehi voluit, in quo Rauennæ caprus fuerat. Ceterum secundum id editū solennis

pompæ spectaculum, quò ornatus & augustius seniorum recordatione in  
 Vrbe nemo viderat, Alfonsus non leuem pro gratia offensionē retulit, quan-  
 quam ingentibus promissis, benignisque officiis oneratus summo in honore  
 apud Pontificē, Senatoriumque ordinem haberetur. Iulium enim paulò  
 antè quàm vita excederet, adhortante suadenteque Alberto Pio, astantes ad  
 lectulum Cardinales magnis precibus obsecrassè reperiebat, vt vrbe Muti-  
 nam deprompta ex arario pecunia per succellorem à Cæsare coemendam cu-  
 rarent, quoniam Cæsarem tenui semper arario inueterata benignitate pro-  
 misuè largiri solitum, vel non multo auro de eà vrbe facilè transacturum pu-  
 taret. Pertinebat enim ad amplitudinem Pontificij imperij, & dignitatem  
 cum opulentia coniunctam, parari expeditum iter, & nusquam insinuatis a-  
 lienæ ditionis finibus intereissum, ab Vrbe per Flaminiam atque Æmiliam ad  
 Padum. Hoc autem quærebat Albertus cum Reipublice studio, tum capita-  
 lis in Alfonsum odi causa: vir namque suo pte ingenio peracutus & grauis, mi-  
 ram in defesso vigore facundiam ad impellendos quò vellent animos afferebat,  
 vt non immerito inter paucos sapientes virtutis & doctrinæ nomine censeri  
 posset, si Ferrariensis odi causam amoueres, quæ proculdubio, & publicam  
 Vrbi calamitatem, & priuatam sibi perniciem non fero rerum exitu pepere-  
 rit. His tum honestis prouectus artibus, vt anteà Iulio, ita Leoni expetitus ad-  
 hæserat. Nec mora, quòd ipse Cæsaris in Vrbe legati munus impleret, facilè  
 prolata pecunia distrahendæ vrbi assensus à Cæsare est impetratus, abnuente  
 quidem tergiversanteque Videfrusto, qui magni quæstus præfecturam ea  
 venditione sibi eripi ssegererebat. Sed cum dolo aptè composito Rangonijs pa-  
 tritijs extra arcis pontem simulatione grauioris alloqui euocatum pellectum-  
 que comprehenderunt. Atque ita Videfrustus se proditum frustra querens,  
 & arcem & vrbe Pontificijs reliquit. Qua in re Alfonsus, quum eadem pec-  
 unia, quæ non erat multa, & Cæsarem & Videfrustum aggredi statuisse, ma-  
 iores omnino ad recuperandam vrbe difficultates subortas prouidebat, nul-  
 lam præsertim sibi fidelis operæ spem præbentibus Rangonijs, qui primæ de-  
 sectionis nequaquam obliui, metu pœnæ nihil pro se commutata voluntate  
 tentaturi viderentur. Verum Alfonsus vbi Ferrariam est reuersus, erexit rur-  
 sus animum in spem recuperandæ ditionis. Didicerat enim Ferdinandum re-  
 gem occultè cum Ludouico pacem mutuis commodis seruituram, ea condi-  
 tione pepigisse, vt Hispanus de retinendo confirmandoque Cantabriz regno  
 sollicitus, Gallis permitteret, vt Mediolanum armis repeterent, hisque Hispa-  
 norum copias, quæ numerant ad Trebiam amnem, eo bello nusquam obsta-  
 turas promitteret. Nemini siquidem dubium erat, quin Sfortia solis innixus,  
 atque his valdè ambigujs Helueticorum auxilijs, ad primum Gallorum impe-  
 tum Mediolano pelleretur, quo demum pulso Galli eodem tenore victoriam  
 Placentiam, Parmamque reciperent, qua vicinitate amicissimæ Regis paratis  
 veluti opibus subleuari posset, vt Rhegienses & Mutinenses ad vetus Atesti-  
 ni Imperij studium reducerentur. Sed eam opinionem aduersus Gallici belli  
 exitus inopinatè fefellit. Nam Triuultius atque Tramulius summi Gallorum  
 duces, qui cum magnis copijs alpes transierant, in vrbeque Nouaria Sfortiam  
 obsederant, improuisa Helueticorum eruptione castris exuti profligati-  
 que sunt. Hoc inexpectato nuncio Alfonsus eò grauius affectus est, quòd Leo  
 Pontifex

Pontifex pecunia in stipendium Sfortiæ præbita, Placentiam & Parmam lu-  
bentissimis ciuibus recepisset. Has enim vrbes Sfortia ab se moriente Iulio oc-  
cupatas, repentino terrore Gallico & Venetis armis circumuentus, desertus-  
que ab Hispanis, Pontifici certa transactione reddiderat, scilicet vt ab eo præ-  
senti pecunia suuaretur: qua celeriter impetrata se saluum & incolumen, mox-  
que etiam victorem euasisse confessus est. Nam Veneti ad Nouariensis pugnae  
famam relicta Cremona finibus statim excessere: & Adurni, qui pulsus Fre-  
gosijs Genuæ dominatum vti Gallorum clientes inuaseraut, vrbe exacti sunt:  
quod omnibus terribile esset Heluetiæ virtutis nomen. Eo siquidem tempo-  
re se defensores Pontifici libertatis, Sfortiani domus patronos, & Gallorum  
hostes proferri erant soliti. Nec deerat Rex Britannus qui Galliam vehemen-  
ti bello quaereret, quum in proximam Morinorum continentem cum ingen-  
tibus copijs traiecturus esset, sic vt Alfonso non temere de Ludouici regis pe-  
riculo timere cogeretur, in cuius potentia amicitiaque & conseruandi & recupe-  
randi Principatus summam spem reposuisset. Verum hos, & qui postea in  
Gallia succedere aduersi belli euentus, Alfonso singularis grauitate consilij ta-  
ta pertulit, vt nihil sua veterè spe deijceretur. Natura enim longanimis & in-  
fractus patientia gaudebat, & quas tempus afferre posset moliendarum rerū  
occasiones, inueterata prudentia, multaue firmitate iudicij nusquam a se di-  
scedens, & intentus expectabat. Nec multis inde mensibus Ludouicus amissis  
duabus Belgicis vrbebus, & Scotorum rege belli socio à Britannis interfecto,  
pulsisque ad Ghingatam totius ferè Galliae equitibus, ab Henrico victore pa-  
cem ea conditione impetrauit, vt Maria Henrici soror in matrimoniū ducere-  
tur. Verum eius in ita pacis & instituti ad Italicum bellū apparatus lætitiā a-  
pud Alfonso minime diuturnam Ludouici mors ab his quæ sita nuptijs ma-  
gnopere perturbauit, quod noui belli quo rursus Italia peteretur, spem om-  
nem morte regis intercidi, & certam propè victoriam interpellari existima-  
bat, suscepto præsertim in regnum Francisco genero planè iuuenē, nec dum pu-  
bescente, quem vel soceri disciplinæ & virtutis æmulum, noui diadematis, &  
tantæ acclamationis Fortunam circumspectantem, & etas prona ad voluptates  
mollioraque consilia, & æqualium amicorum adulationes à cogitatione gra-  
uissimi belli faciliè diuellerent. Verum cuncta secus acrebatur maxime læta  
& secunda mox euenerunt. Nam Franciscus mirifica voluntate hisdē pro-  
pè quibus focer ad parandum decus sensibus innixus, ardentissimè bellum su-  
scipit, transgressusque alpes Heluetios Maximiliani Sfortiæ causam acerrimè  
defendentes ingenti periculofoque pælio iuxta Mediolanum debellauit, quo  
victoriæ prouentu Parmam obiter atque Placentiā vti maxime cupiebat Fran-  
ciscus concedente Leone veteri suo infubrum Imperio adiecit. Pontifex enim  
Etruscis rebus magnopere timebat, quum rex iuuenis, partē victoriæ gloria e-  
latus, confirmatusque Venetorum & Ligurum societate, si Padum trañceret,  
non Etruriam modò, sed Romam atque Neapolim inuasurus crederetur, in-  
citus præsertim adhortationibus Liuiani, qui tum Venetis exercitus Impe-  
rator Regi aderat. Hoc quoque probabat & suadebat Alfonso, vtpote qui  
eodem victoriæ cursu à Gallis cuncta perrupturis secundum Parmam atque  
Placentiam, Rhegium & Mutinam recipi insigni suo contimodo posse spera-  
ret. Non destitit tamen quin per regem ageret cum Leone in Bononiensi col-

loquo, ut aliqua omnino tolerabili conditione, certa præsertim oblata pecunia, suas vrbes redimere niteretur. Qua in re duriores æquo Pontificem expectus conquiescere domi statuit, seduloque explorare ex euenturum occasiones, quibus inuitatus noua inire consilia suasque vrbes repetere ex tuto posset. Eo autem bello quod biennio post admodum vehemens in Vmbria exarsit, Francisco Maria Feltrio Vrbium vnde Pontificis armis eiectus fuerat repente, Alfonsus Feltrium arcta propinquitate sibi coniunctum ea moderatione adiuit, ut Pontificem nequaquam grauiter offenderet, quum Feltrius in Ferrariensi agro copias coegisset. Sequutum demum est illud tempus quo post mortem Ferdinandi regis, & aliquanto post Maximiliani Cæsaris, ingens libido Gallorum animis incesit inuadendi Neapolitani regni, quod Venetos & Ligures copijs & classibus sibi affuturos scirent, neminemque sperantem victoriam moraturum arbitrarētur, si Pontificem in societatem pertraherent, a quo beneficiarj iuris nomen ac autoritatem, & pacati itineris per Romanos fines fidem acciperent. Duobus enim summæ virtutis & nominis defunctis auis regibus successisse Carolum nepotem adolescentem, quem ægrè Hispaniæ atque Germaniæ vires expediturum credebant, quibus terra, marique Neapolitani regni possessionem tueretur. His initis consilijs Galli indignum amicitia Alfonso facinus non sine læsæ fidei aut lauitatis infamia addere cogitarunt, misso ad Leonem ex ordine scribarum Ioanne, cui Sanctomarcello nomen fuit, qui ingentis præmij pollicitatione Pontificem ad ineundum fœdus impelleret. Promittebant enim se deserturos Alfonsum, neque vlla in re adiuturos, si Ferraria tanquam Pontificij iuris ciuitas Mediceis armis peteretur, sic ut chiographo hanc pactionem confirmare non dubitarent. Qua Gallorum stipulatione Alfonsus mediocrerum suarum periculum adijisse visus est. Nam ferebant Leonem postquam Urbini, & magnæ partis Vmbriæ dominatu erat positus, aucta crescenteq; proferendi Imperij cupiditate, Ferrariam quoque Laurentio fratris filio destinasse. Cæterum Leo qui irruptiones Gallicas cum Italiæ, tum domi suæ certam perniciem attulisse memineras, in diuersum consilia vertit, & Sanctomarcellus in Galliam re infecta est reuersus. Hæc cum Alfonsus Romæ ætata, & chiographo confirmata rescisset, id totum singulari prudentia dissimulauit, deditq; operam per idoneos proceres, legatosque suos, ut veteris clientelæ suæ gratiam cum rege confirmaret: quod adeo benignè rex præstitit, ut generoso cum pudore eius rei suspensiones diluere, excusareque legati temeritatem prolixè niteretur. Fuere qui existimarent in eo negotio egregia simulatione vtrinque verba data: Leoni quidem ut ad percutiendum tædus alliceretur: Gallis porro, ut Pontifex propinquorum suorum animis spe distineret, quod immoderata percuperent, quæ sine labe religionis, & graui sui nominis infamia concedi non possent. Sub id tempus Alfonsus Hippolytum fratrem Cardinalem amisit, graui Aetlinæ domus incommodo, quod sacerdotiorum honores, & opimi redditus Alfonso liberis tanquam hæreditate destinati, improuisa eius morte deperirent: & vir efficaci ingenio validus & acer, peritusq; rerum bellicarum atque ciuiliū, nondum recuperata ditione properante fatis esset ereptus. Fuerat aliquandiu Romæ apud Leonem in aula frequens, ut Pontificem parum amicè de re Aetlina sententem præsens coleret, officijsque molliret, dum senatorio suo munere fungeretur.

fungeretur. Reuerſus autem Ferrariam poſt aliquot meſes in febrem incidit, initio lentam, ſucceſſu vero atrocem atque mortiferam, ut cum credebatur accerſitam immodico eſu ſcillarum cancrini generis, & plenioribus ſubauſteri vini in ſuprema cœna poculis, ſic ut paucis diebus vite ætate integra, & corporis habitu firmiſſimus, tota facie & ſpiritu collaberetur. Pauci ciuium præter vnum Alſonſum veris lachrymis elatum luxerunt, cum plerique cum odiſent tanquam ſæuū, impotentem, ſuperbumque dominum, & ſæpe fraterni imperij munia uſurpantem. Quibus moribus eo grauior ciuibz & familiaribus apparere erat ſolitus, quando in Principe Alſonſo clementiæ, moderatiōnis, ac humanitatis præclaræ laudes ſpectarentur, uſque adeo confirmata populari opinione, ut niſi Cardinalis recondita ira ferox & implacabilis obſtitifſet, omnino fratribz captiuis vel immane facinus auſis, conceſſa libertate parſurus eſſe crederetur. Per legatos autem à Pontifice impetrare non potuit, ut vrbis Ferrariæ epiſcopatus hlio ſuo concederetur, excipiente illum Ioanne Saluiato, qui Leonis ſorore erat genitus, itemque Nicolao Scombergo viro Germano Antiſtite Capuæ renunciatō, qui à ſecretioribus conſilijs Iulio Medici Cardinali operam nauabat. Defuncti vero ſuppelleſtilem, totumque opulentæ domus apparatus Gazæ regiæ parem, Alſonſus penſili ponte conſtructo ex fraterna epiſcopali domo in aduerſum prætorium illico transferri iuſſit, ne tantæ opes ad inuidiam populi oculis notarentur. Nec de ea re Pontifex ſuo iure ſacerdotum ſpolia in fiſcum referre ſolitus, quicquam petendum exiſtimauit, ne conceptum odium quod poſtea erupit in Aſtentinam domum, altius atque detectius enudaret. Altero autem anno poſt mortem Hippolyti Cardinalis exortum eſt bellum inter Franciſcum Regem, & Carolum Cæſarem apud Belgicas Eburonum vrbes, quo nullum vehementius ac diuturnius hæc ætate vidimus, renouatis ſcilicet veteribus odijs, & nouis peropportunitas excitatis: propterea quod nuper apud Germaniæ proceres de creando Cæſare Imperatore comitia habentes, Franciſcus Rex peracrem ſemulū & competitorē oſtenderat, ut imperatoriæ dignitatis honos à Carolo Magno olim illuſtratus, ereptusque demum à Germanis, æquitate quadam Gallicæ nobilitati redderetur. Verū hæc duorum candidatorum contentio eum habuit exitum, ut ſuffragatores Gallico coempti auro, victiſque pudore patriæ datam fallendo fidem, Carolum tanquam Germanici ſanguinis enixiſſimè ſubleuarent, & Rex Gallus ſua opinione deceptus repulſam ferret. Ab his offenſionibus vtrinque facile ad arma deſcenſum eſt, tanta auiditate, ut Germani Robertum Sedanum in Eburonibus Gallicas ſequutum partes, bello perſequerentur, & Galli vltra Pyreneos montes ad recuperandum Cantabriæ regnum in Hiſpaniam uſque in teſtino deſagrantem bello promouere auderēt. Itaque detectis odijs, & cœpto bello, vterque Leonem Pontificem in ſocietatem noui fœderis aſſicere contendebat. Sed Leo duabus præcipue de cauſis Cæſari adhæſit, quarum præcipua fuit, quod malignitate Lotrechij Gallicis copijs inſtructum fuiſſe Feltrium, conſtatūque ſibi inde periculoſum bellum in Vmbria rebatur. Altera vero quod in ſpem veniret, bello eo recuperandæ Placentiæ, Parmæque: quas vrbes cum magna gloria à Iulio partas, ipſe demum probroſa ſuorum ſocordia, & ſua infami pactiōe turpiter amiſiſſet. Huius autem concepti belli conſilium uſque adeo aſtute Leo ſuppreſſit, ut

In speciem diuersi animi, ad fallendos Gallos conducere Heluetiorum quatuordecim cohortes, quæ Hispanis ex Apulia Piceni fines ingressuris opponi viderentur, sic ut non grauati modo, verum etiam benigne Lotrechius per totum Infubrum agrum Heluetijs tanquam amicæ genti socijsque Pontificis iter præberet, in Padoque nauigia parari iuberet quibus Rauennam deueherentur. Horum aduentus Alfonso non temere sollicitudinem metumque attulit, utpote qui graui iudicio externæ genti per suos fines descendenti parum fidendum esse existimabat, quando nihil iam exploratum & certius haberet de voluntate Pontificis, cuius tum consilia cæcis simulationum latebris tegebantur. Itaque præsidia idoneis in locis disposuit, duplicatisque circa urbem custodijs quantam potuit militum manum sedulo coëgit, ne imprudenti imparatoque aliquod detrimentum inferretur, quanquam Pontificij qui Heluetiorum agmina deducebant, præclare prædicarent, ipsos nemini nocituros, & sine maleficio pacatè transituros. Cæterum Heluetij per Rauennatē agrum & Flaminia oppidanūsq. explicatis signis aliquandiu ducti, retro demum vnde venerant in patriam remissi sunt, Alfonso plurimum admirante, quod Leo nulla re tētata, per solutis frustra stipendijs, cohortes magna ex parte dimississet. Sed cū postea certius didicit, eis uti propterea noluisse, quod eorum dux summæ authoritatis Goldus ē Tigurnio pago, Gallicæ factioni apprimè fauere diceretur. Hinc Galli atque Alfonso præsertim de Leonis consilijs insuspicionem venerunt, quam mox auxere Mediolanenses exules, qui Hieronymo Morono, & Astorē Vicecomite ducibus iam detectis quorundam coniurationibus Rhegium confugientes, a Pontificis præsidibus amicè recepti fuerant. Horum opprimendorum cupiditate incensus Lescutus Lotrechij frater Parmensium fines temere transiit, & cum ingenti ala equitum ad Rhegij portas improuisus aduolauit. Verum custodes conspecto Gallorum aduentu portas celeriter occluserunt. Ita Lescutus quum demuro quid armatus peteret interrogaretur, cum præside Guicciardino ut sibi colloqui liceret postulauit, atque ita solus & pedes in vestibulum interioris portæ receptus est. Ibi quum iraseruidus ab irrita sua spe, & ferociter minabundus, ut sibi illico dederentur exules identidem peteret, idque impetrare non posset, eo animo emissus est, ut graue periculum vitæ aut libertatis adierit, & nonnulli ex eius equitatu, qui circumeundo moenia alicuius ad apertæ portæ ingressum quæritabant, è muro tormentis isti sternerentur: in quibus cum nobili signifero Alexander Triuultius dux egregius interfectus est. Hoc inusitato ac insolenti Lescuti facto pax haud dubie violata est, præbuitque id exoptatam occasionem Leoni, ut disimulata consilia æquo iure detegeret, atque arma (ut occultè instituerat) protinus expediret. Tum quoque peropportune Guicciardino, Guidoneque Rangono in inuidiam Alfonso fama excitata est, ipsum Lescutum tanquam ab Alfonso admonitum incitatumque fuisse, ut vna repentina expeditione & ille exules odia & arma in Gallos vndiq. excitantes opprimeret, & ipse Gallorum beneficio sua vrbe poneretur. Sed ego postea ab ipso Alfonso acceptā tantam sibi calumniam a Rangonijs inimicis suis atq. rebellibus fuisse impostam. Neque enim ipsum a deo imprudentem & præcipitem extitisse dicebat, ut in re dubijuentus tanti discriminis præiudicio integræ adhuc pacis fœdus suo impulsu turbari, belloque initium præberi videret. Nec multo post Pontifex arma proferte



proferre & bellum inchoare maturauit, ob id celerius, quoniam Mediolani quosdam patritios nouis studentes rebus infidelitatisque reos, Lescutus cum magna inuidia teterritis supplicijs effecerat, & reliquæ ciuitates erumpente in Gallos odio defecturæ viderentur. Itaque Prosper Columna in locum defuncti Cardonij suffectus Bononiam peruenit, vbi cohortes Italice scribebantur. Hunc subsecutus est Piscarius cum veteri Hispanorum legione & secundum cum Antonius Leua cum equestribus copijs. Creatus quoque est Pontificij exercitus Imperator Federicus Gonzaga Mantuanus Princeps: descenditque e Germania Franciscus Castellatus cum quinque vexillis peditū Germanorum: nouæ etiam Heluetiorum cohortes ex ea factione quæ à Gallis dissentiret, Pontificis pecunia conductæ accitæque sunt. At Alfonsus in eo graui armorum motu veteres alas equitum suppleuit, concripit nouas cohortes, vt in vtrunque belli successum paratus foret, ad tenendas, si Galli superiores euaderent, Rhegiensium & Mutinensium voluntates: aut si quid durius illis accideret, suos fines expeditis præsidijs tueretur. Interim Pontificij oppugnata & semicapta vrbe Parma citra Nicæam amnem se receperunt, quod Lotrechius Heluetijs & ipse legionibus confirmatus, adiunctoque sibi cum Venetis copijs Andrea Gritto, Pado traiectose prælio dimicaturum ostendisset. Verum non multo post Pontificij duces increpante segnitiem Leone, vrgenteque Iulio Medice Cardinale qui Legatus in castra venerat, superato Pado in Cremonensem agrum transierunt: intra paucos dies, Ollio Abduæque amnis superratis, Lotrechium nusquam prælio decertare ausum Mediolano pepulerunt. Quo tempore Alfonsus quibus potuit officijs Gallos adiunxit, & per equites circa Gabelum amnem excurrentes Pontificis tabellarium interceptit. Ex literæ quanquam arbitrarijs conscripæ notis, Soro tamen Veneto scriba interpretante intellectæ, & ad Lotrechium in castra perlatae sunt. Cuius facti contumelia Leonis animum ita pupugit, vt Alfonsi finibus arma protinus inferri iuberet. Remanserant ad turelam duarum vrbiū, quibus tanquam sibi iniq̃ ereptis Alfonsus imminebat, Vitellius Tiphernas cum duabus vtriusque armaturæ equitū talis, & Calzemitus Heluetius cum tribus suæ gentis peditū vexillis. Eæ copię ad Bondenum vsque vicum irruptionem hostiliter fecerunt. Alfonsus paulo antè de professione itinereque hostium per exploratores certior factus, copias suas eduxerat, pontemq̃ ex lintribus in ea parte Padis statuerat, quæ Ferrariam decurrit: nam altera pars amnis penitusulæ rostro intercisâ maiore aquarum mole defluit ad Francolinum, & Pulicellam Venetæ clasis clade celebratam. Hanc autem Padi partem obscuræ aquæ lacum vocant, quod alludit ad id quod de Bondinco Plinius refert. Eam enim vocem Gallica lingua profundum significare dicit, quod idem ferè est quod obscurū: sic vt Plinius Bondincum, id hodie esse putem, quod vulgo Bondenum appellatur. Iuxta citerioris ripæ marginem turricula erat cum parua munitione quæ casulas circumdabat, vbi portorium & vestigal à præternauigantibus exigebatur. Hunc locum Cabriana præfectus egregie fortis cum præsidio cohortis obtinebat. Non longè autem ab eo constiterat Hector, Romanus cum ampliore militum manu, reliquæ copię erant apud Alfonsum. Iam aliquantum itineris festinata descensione emensi erant Vitellius et Calzemitus, quum Furnius cum leuis armaturæ equitibus exploratum missus, citato cursu Cabrianæ nun

clat non longè abesse hostes. Ille repentina re perturbatur, eo vehementius quòd antea munitioni diffusus, frustra ab Hectore postulasset, vt sibi auxilio eo hortè mitteret. Sese tamen non deserit, detestatusque apud suos conceptæ fugæ consilium hostem expectare constituit, identidem ab Hectore opem implorans, & quo in periculo versetur edocens. Sed Hector superbè malignèque pernegauit ei opus esse alio præsidio, quum eum de aduentu hostium rumore omnino incertum esse insolenter dictaret. Ita destitutus spe auxilij Cabriana superuentu hostium oppressus, vel strenuè repugnans cum suis interficitur. Tum verò Furniani equites dilabuntur, totaque Hectoris manus ducis sui ignauiam secuta, vix conspecto hoste terga vertit. Quod detrimento suorum cognito Alfonso necessario consilio ponte repente solui, & in suam ripam integra nauium serie reduci iussit. Quare opportunè atq; celeriter administrata, hostium impetus haud dubiè retardatus elususque est: quum eodem cursu quo turrim intersecto præsidio occupant, si pontem nacli essent, transitori animum, & ad Ferrarię vsque incenia nulla certa & valida manu obistente peruasuri crederentur. Hector ignominia notatus suspectusque perfidiae, quòd ignauissimè se gerens accepti incommodi causam præbuisset, ab Alfonso irato dimissus est. Perductus enim fuerat in cum honestissimæ militæ locum opinione virtutis, quòd vnus è tredecim bellatoribus fuisset, qui in Apulia pro dignitate Italici nominis cum totidem Gallis feliciter depugnassent. Sed tum vbi præsentī virtute opus fuit, aut hebes ingenio, aut alicunde pecunia corruptus, opinionī minime responderat. Audiui ego postea Antonium Pucium Antistitem Pistoriensē, qui his copijs legatī nomine præerat, de Vitellio & Calzemito apertè conquerentem, quòd secus ac ipse volebat post primam hostium cædem, legendis spolijs cunctantius substitissent, præbuissetq; ea mora spacium Alfonso reducendi potis, quo occupato Ferrarienses in maximū timorem adduci possē existimabat. Cæterum ab hac re gesta Pucius Placentiam cum his copijs est reuocatus, quòd Placentini in fidem pontificis vltro concessissent, & Parmenses Placentinorum exemplo Robertum Sanseuerinum qui Gallicas tuebatur partes eiecissent, Pontificijque Imperij insignia, quæ à Gallis derasa fuerant, ingenti alacritate reposuissent. Verum eo modo profligatis Gallorum rebus Leo Pontifex in ipso vix dum perceptæ victoriæ gaudio præpropere morte est ereptus: cuius opportuno excessu Alfonso ita in præsens lætatus est, vt mox de successore magnopere esset sollicitus, pecuniam tamen argenteam percuti iussit cum imagine Leonis hianti ore agno imminentis, cuius titulus erat, Agnus ex ore Leonis ereptus. Hanc tamen monetæ formam, quod eius argumentum inuidiæ expositum videretur, celeriter aboluit. Leoniautem turbulentissimis comitijs Hadrianus Batauus, qui tum præerat Hispaniæ, suffectus est. Is enim eximie probitatis nomen præferebat. Adhunc illico Alfonso officij & procurationis rerum suarum causa, Ludouicum Catum præcellentem iuriconsultum misit, qui iniquissimè iure sibi ereptas paterni Imperij vrbes quereretur, imperitumque Italicarum rerum de statu belli & pacis, ciuitatumque liberarum & Principum consilijs perdoceret. Is non multo post equi iuris & summæ moderationis responsum retulit, eumq; à Tarracone Romam ad nauigantem comitatus est. Qua spēs componendæ rei adductus Alfonso, qui Rhegium per eisdem ferè ciues per quos antea amisisset per interregnum ceperat, venienti ad vrbe Pontifici Herculem

culem ē liberis natu maximū obuiam misit, qui patris nomine se ad eius auctoritatem conferret, & volens, lubensque totius controuersie statum ad Pontificis arbitriū se delaturū profiteretur. Nec multū inde honestis conditionib. pax inter Pontificem & Alphonsum constituta est. Sub id verò tempus quo Hadrianus in Hispania publicis præfectus rebus ad nauigandum classem comparabat, et à Triumuiris Senatorij ordinis in Vrbe Respublica gerebatur, Alphonsum sese cum Iulio Medice Cardinali, qui tum legatus Bononiæ præerat, in mutuum vsum deterfis odijs conciliauit, missosq; ad eum Antonio Constabile operam dedit, vt veteres offensiones nouo amicitiae vinculo deleterentur: atq; ex eius auctoritate, quæ tum erat ex Etrusci Imperij opibus longè maxima, ad parandam pacem aditus præberetur. Hisdem quoque diebus Franciscus Maria Feltrius, qui Leone mortuo, veteris imperij sui dominatum receperat, res suas cum Pontifice ad omnia lenissimo simul & æquissimo composuit. Cæterum Hadrianus vix toto vertente anno, quum aduersus Gallos pro Cæsare cum Italiae Principibus foedus iniisset, & mores sacerdotum aulaeque licentiam correcturus esse crederetur, lenta febre extinctus est, quum pecunie inops in ætarium profus inane, Urbemq; pestilentia laborantem, et Tyrannos Pontificij imperij vrbes impotenter occupantes, Rhodumq; à Turcis obsessam & expugnata, iniqua nominis sui sorte planè miser incidisset. Inde autē Iulius Medices, quum iuniorum prerogatiua multis rationibus corroborata contra seniores valuisset, Clementis septimij nomine desumpto, Pontifex est renunciatus, cui Alphonsum per legatos cum summi honoris apicem ex animo gratulatus est, eo euentu vltarim cum & Gallis & sibi hostem futurum, prouideret. Paulo ante id tēpus Lucretia Borgia Alphonſi vxor integra adhuc ætate defuncta est, quum ea iam pridem per sanctè castigato vetere luxu, abdicatisque delictijs Christianæ disciplinæ severitatem induisset. Ex ea Alphonsum masculam proptolem felici sœcunditate suscepit. Herculem scilicet primo partu, quem hoc die auito nomine paterni imperij successorem videmus: secūdo Hippolytum patrui nomē & dignitatem consequutū, quem multis indyge virtutis nomini bus in sacra purpura conspicuū vinceramur. Postremo tertium in honorē Gallicæ Regis Franciscum appellatū, qui apud Carolum Cæsare insignis gratiæ locum armorū studio partum egregiè tuetur. Cæterum Lucretia nequaquā muliebri animo inanem simulate religionis laudē quærens, verū solidi nec interituri vnquam meriti fructū expectans, ex priuatis suis opibus cœnobii cum ornatissimo templo constructū sacratīs virginibus ex ordine primæ nobilitatis dedicauit. Sequutum demū est id tēpus, quo inauspicatis Clementis cōsilijs totius Italię opes cum perturbatione diuinarū, humanarumq; rerum vehemēter cōmōte conuulsæque sunt: initio à Cæsarianis ducibus orto, qui Franciscum Sfortiam fœderatorū Principum consensu restitutum, perfidie reum fecerant, periculososq; morbo conflictatum exutumq; omnibus serē vrbibus in arcē Mediolani obfederant. Neque enim Borbonius, Lanioius atque Piscarius, & Antonius Leua Cæsaris duces post Ticinensem pugnam, et deuictum captumque Regem Gallum ego animo patiebantur, Sfortiam opulentissimo Insubrum imperio potiri, quod Cæsarianorum militum virtute partum Carolo Cæsari deberi videretur. Eam externorum insolentiumq; ducum atrocem audaciam in perniciem seruituræ mox Italiæ euasuram prouidebant, quum Pontifex ipse tum Venetus Senatus, & Franciscus Rex, qui dudum perfoluto auro, &

duobus liberis obsidibus in Hispaniam misis, sese redemerat. Itaque Pontifex quum diu frustra apud Cæsarem pro Sfortia deprecator fuisset, & Cæsar constanter suorum consilijs inniteretur, arma expedire coactus est. Belli enim & causæ Sfortianæ discēptator, tanquam sacrorum princeps esse volebat, ut Italiam seruitutis metu liberaret. Verum Fortuna contra ius, & equum facilem pertinax, tum præclare ostendit, nihil in legibus fœderum firmi esse præsidij, ubi vis & arma valere ceperint, inaneque haberi religionis nomen apud eos, qui res humanas parum curæ esse Dijs immortalibus credunt. Easiquidem suscepta consilia vsque adeo iniquum & calamitosum exitum tulere, ut copię à fœderatis coactæ, quum Cæsarianos obsidentes Sfortiam obsessuræ, oppugnaturæque Mediolanum aduolassent, irritò incepto cum ignominia pellerentur, vlciscendæque eius iniuriæ causa Vgo Moncada subnixus Colunniæ familiæ opibus (hæc enim tota Principe Pompeio à Pontifice deſecerat) è Neapoli Romam inuaderet, direptoque Vaticano, & Clemente in arcem compulso fidei & pacis obsides exigeret. Tum verò videre licuit, nihil sanctum, aut venerabile militibus esse, quum augustissimo toto terrarum orbe diui Petri templum, directis altaribus atque donarijs violarent. Exinde recruduit bellum, sed demum resedit, quum Lanioius Prorex oblata pace Cæsaris nomine è Neapoli in Urbem venisset. Verum conscriptis, uti apparuit, ad fallendum fœderibus, eadem Fortuna quæ Urbis exitum struebat, fidem fœderis ita interceptit, ut non multo post temporis spacio Borbonius aduentu Germanicarum legionum auctus, & fœdera à Lanioio percussa, tanquam inania eludens, rectà ad opprimendum Pontificem Romam intenderet. Initio huius belli Alfonso per legatum Iacobum Aluarotum singularis industriæ hominem de compositione rerum suarum apud Pontificem opportunè & diligenter egit. Existimabat enim cum solito æquiores & molliorem inuenturum, quòd lumentis arma contra Cæsarem magno vsuiſe futuram esse intelligebat, si in commune totius Italiæ Principum fœdus honesta Pontificis indulgentia traheretur. Verum Clementem alioqui à multo rerum vsu cautum, & belli pericula sedulo metientem, eadem maligni Fati iniqua fors ex arce consilij deiecit. Iam enim composita res erat, non indignis vtrinque conditionibus, cum eius negotij rem prope transactam duo infasti consultores importuna interpellatione conturbarent. Hi erant Iacobus Saluiatus consiliorum omnium particeps, & Marius Peruscius fisco præpositus. Hic conficiendæ rei certum sibi præsentis pecuniæ pretium Alfonso indignum impudenter expetebat: ille verò priuato suo commodo potius quàm publico studere videbatur, quòd salinarum vestigialia sibi publicano à Leone addicta ea transactionis stipulatione deteriora fieri prouidebat. Per hunc modum abrupta spe concordie Alfonso ab hac contumelia indignatundus Cæsarianis tanquam Clementis hostibus sibi adhærendum iudicauit. Nemo enim eo aptius ac expeditius, cum diuersæ tempestates nauiganti occurrerent, vela flectere, excipere auras armamentaque mutare didicerat. Fuere nonnulli ex familiaribus Pontificis, qui libero ore spretri Alfonsoi repudiataque eius amicitia factum, tanquam intempestiui, & maxime incommodum prædamnerent. Quid enim enixius contendit expetique a Pontifice poterat, in ipso præsertim limine tanti imminentis belli, quam ut quos posset Cæsari socios detraheret, ut sibi

ut sibi afciscerentur, quando vni tantum summæ victoriæ neglectis offendiculis, à non insulso studendum esse videretur. Eo autem liberius ac honestius Alfonso ut cum Cæsarianis sentiret adductus est, quod deploratas pene res Gallicas, & se non obscuro accepti beneficii nomine Carolo Cæsari obstrictum faceretur. Superiore siquidem anno post abductum in Hispaniam Regem, Clemens cum Cæsare certa pactione fœdus renouarat, quo ipse ingentem pecunie vim proferret ad persoluenda Hispano militi stipendia, qui ab tanta victoria æquo insolentior atque procacior factus, non mensium modo, sed aliquot etiam annorum merita stipendia postulabat, ac nisi confestim pecunia numeraretur, Mediolanensis imperij urbium agros hostili acerbitate vastaturus minabatur. Venim Clemens natura auri tenax, non prius pecuniam deprompsit quam Lanoius, aquod quem rerum omnium summa erat auctoritas, Cæsaris nomine diserte promitteret, se Rhegio Hispanorum copias adiuuaturum, atque eam urbem Pontificiæ ditioni redditurum. Sed postea Clemens à Lanoio addita contumelia deceptus est: nam præterquam quod promissio minimè stetit, quoniam id fœdus Cæsar tanquam alienum à suis rationibus ratum habere noluerat, non restituta etiam pecunia Hispanos in Placentinunt agrum effudit, impudenti licentia hostilem propè cladem Placentinorum & Parmensium vicis & prædijs afferentes, sic ut Rhegium eo decreto Cæsaris nihil temerè stipulantis, non modo inopinatè seruatum Alfonso, verum etiam perspecta propensione Cæsaris præclare confirmatum fuerit. Descendentibus itaque per Mantuanum agrum Germanorum legionibus, ut coniunctæ Hispanis Romam contenderent, Alfonso ea quæ opus erant, vsque adeo amicè benigneque officia præstabat, ut ad eas omni penitus tormentorum apparatu carentes, duo minora curulia tormenta aduerso Pado submitteret. Hæc enim magno in lintre inter salis sacculos & storeas occultata fuerant, miroque mox vsui Germanis exitere. Nam quum iuxta Mincij ostium quo influit in Padum, Germani per aggeres agminatim iter facerent, eosque Ioannes Medices frequentibus prælijs transuersos pariter & auersos per expeditas sclopetariorum cohortes, & leuis armaturæ equitatum multis oculis vulneratis, que continenter impeteret, ipse vnus Medices acris perurgens, pila in incertum ab his tormentis emissa genu ictus, interfectusque est, fatali Italiæ malo potius quam Medicæ familiæ detrimento: quando mox ab huius mirificæ infaustæque virtutis ducis interitu publicæ spes & opes magna ex parte collapsæ sint: Etruscum verò decus & Imperium Cosmus filius singulari hodie cū gloria atque auctoritate tueatur. Erat enim tum constans apud omnes opinio neminem nostrorum ducum Ioanne sortius, & certius Romani nominis dignitatem aduersus externos hostes fuisse defensurum. Nec multo post Georgius Franispergus Germanorū Dux, ab inusitata rabie feritatis aureum laqueū quem sinu deferabat, sacrorum Principi, et totidē singulis Senatoribus purpureos sericos, ut se carnificē necaretur, temulento ore cominatus, in morbum, quæ Paralysim vocant, sic incidit, ut diuino iudicio totis captus artubus eius immanis voti dānaretur. Hunc Alfonso curandū medicis Ferrariam deuchi iussit, contulicq; ei liberaliter cuncta hospitalis amicitix officia, qua benignitate tanquā intempestiua inuidiosaq; in hominem præsertim inipium, Clemens non mediocriter est offensus, propterea quod Franispergus iam pridē odio Roma-

ne amplitudinis ad Lutheranā deficiens, has quoque diri supplicij minas effudit  
 set. Vbi verò ad primā aduerti Veris initia Germani Hispanis sibi adiunctis Du  
 ce Borbonio in Bononiensem agrum se demisere, et positis apud Castellum di  
 ui Ioannis castris comēatus inopia parmerentur, Alfonso insigni studio om  
 nibus eorū iuuare perseverauit. Barbarorū enim more carmentis capris &  
 absumptis, reconditisque frugibus turbulenta militū licentia direptis, villarum  
 incendia vsque ad urbem prorulerant. Neque Feltrius cum Venetis copiis, aut  
 Michael Salassus cum Gallicis, aut Guido Rangonus cum Pontificijs, vel tan  
 tarum cladum indignitate permoti, consilia expedire, & arma conferre aude  
 bant, satis ad salutem summæque victoriæ prouentum bellum geri existiman  
 tes, si circum emissio equitatu comēatus impedirent, quibus sublati & ere  
 ptis hostes fame compulsi necessario iter retro conuersuros putabant. Cete  
 rum Alfonso his difficultatibus opportunē occurrit, quum magnam moliti  
 tritici copiam, atque item peramplam vim cum recentis panis, tum nautico mo  
 re biscocci, ut in multos duraret dies, quotidie suppeditaret. Presenti quoque  
 pecunia mutuo præbita Borbonium militari seditione afflictum, & iratis mi  
 litibus in summæ contignationis latebras mortis metu confugientem subleua  
 uit, sedataque seditione progressuro tormenta obtulit. Sed Borbonius, qui v  
 na celeritate hostes decipere, Pontificemque imparatum, & frustra à Lanoio  
 recentis foderis fidem implorantem, opprimere posse sperabat, ea tormenta  
 ad Apennini radices reliquit, ut expeditius Aretinis iugis in Etruriā transiret.  
 Eo festinato cursu Feltrium & reliquos hostiū duces, qui dextrorsum vsitatis  
 itineribus ut Florentiæ præsidio forent, transierant, ita antecessit, ut illi nul  
 quam quiescentem, & interdiu noctuque per lutulenta itinera milites prædæ  
 avidos raptantem assequi nequiverint. Itaque improvisò Urbem male muni  
 tam & iusto carentem præsidio aggressus, dum scalam sua manu muro appo  
 neret, crassiore glande per summum semur adacta, aliquanto prius quam mi  
 lites irrumperent, dubia adhuc victoria est interfectus: insigni hercle Dei ma  
 gni providentia, quando eum auso tanto facinore potiri letarique noluerit, & to  
 tius eius impietatis atque perfidiæ præclarus vindex extiterit. Sed milites ex  
 pirante Borbonio in Urbem irrumperentes vsque adeo immaniter victoriæ usi  
 sunt, ut direptis profanatisque templis, ac crudeli cæde ciuium edita, & imbel  
 libus excruciatas, obfesso captoque Pontifice, veterum Gothorum scruitiam  
 magno intervallo superarint. In hoc tanto strepitu cadentis Urbis, & capsi  
 Pontificis calamitate, Alfonso occasione suæ non defuit, quanquam spiritus re  
 ligionis admissum scelus, & publicam cladem magnopere doleret, crebroque  
 præpostera Clementis consilia detestaretur, quod imperitè atque infelicitè  
 se contemptum abrupta concordia spe fuisse diceret. Itaque Alfonso ex  
 ploratis Mutinensium voluntatibus, quæ erant erga Atestinum nomen pro  
 pensissima, coacta equitum & peditum manu Ferraria profectus Mutinam  
 sine tormentis iter intendit: nam antea tenue ibi esse præsidium, Ludoui  
 cumque Rangonus infirmi consilij hominem, & capti Pontificis calami  
 tate vehementer perterritum esse didicerat. Quibus de causis Rangonus  
 vim aduentantis Alfonsi minimè sustinendam ratus, desperata defensione  
 ciues suos, ut sibi consulerent, admonuit, & nemine ad arma se commouen  
 te vrbe excessit, atque eo modo post sextum decimum annum Alfonso à  
 Mutinensibus

Mutinenſibus receptus eſt, & lætis populi acclamationibus Princeps ſalutatus. Is autem ſumma gravitate conſilij, omnibus qui antea defectionis authores fuiſſent integra fide pepercit, in gratiamque recepit: quod eo libentius factum videtur, quoniam ſeniores, qui depravatis & pertinacibus animis infideliores habebantur, tot annorum ſpacio magna ex parte periiſſent. Ediſtum quoque propoſuit iuſtæ clementiæ, quo cuncti exules, patriſque in primis Rangoni, re omnium incolumi, ſaluoque veteris amicitie iure ad penates vocabantur. Nihil enim ſibi ad laudem & ſecuritatem efficacius & ſplendidius exiſtimabat, quàm iniuriarum penitus obliuiſci, beneficioque & lenitate ſubiectorum animos ædificare, ut vrbs multis affecta malis, quæ eſſet impetrij vetuſtiſſima, lætæ pacis & ſecuritatis commodo inſtaurata reſtoreſceret. Hic amiſſæ Mutinæ nunciuſ Clementem magnopere perturbavit: ſedis demum vario cōcurſu calamitatum fractus longe graviſſimum ſubiit dolorem, quum Florentinos ad veterem erectos libertatem deſeciſſe cognoviſſet, atque obiter expulſiſſe Mediceos adoleſcentes Hippolytum & Alexandrum, qui in ſpem inueterati dominatus educabantur. Ea defeſtio cauſam Alſonſo præbuit, ut ruruſ Gallis veteribus amicis & ſocijs iungeretur: nam quum iam multos meſes Clementem deditum & planè captum Cæſariani peruaſata Vrbe in arce molis Hadriani cuſtodirēt, Franciſcus & Henricus Reges publicam iniuriam inuſitati eius, impijq; facinoris vindicare, & ſacroſanctum Pontificem e manibus ſceleſtiſſimorum militum eripere maximè decorum atque honeſtiſſimum exiſtimarunt, quod hic ſe Pontificiæ dignitatis illuſtri titulo ſub Julio Pontifice parto deſenſorem profiteretur, ille verò antiquum Chriſtianæ pietatis cognomen tum præferret. Itaque Lotrechius qui vnus ſerè veterum Ducum in Gallia ſupererat, cum validiſſimis copijs in Italiam eſt miſſus: cuius impetum Cæſariani præſidia quæ Boſchum oppidum, & Alexandriam, Ticinumque vrbes obtinebant, minimè tulerunt. Quibus expugnatibus Gallus ita Mediolani imminebat, ut Antonio Leua multis rerum difficultatibus circumuento, metuenteque, ampliſſima vrbe quæ Regni eſt caput omnino potiturus eſſe crederetur, niſi peruerſo & ſibi demum ſatali conſilio actus, dum Sfortiæ recuperati principatus Fortunam inuideret, propriæ victoriæ ſuæ deſuiſſet. Signa enim per Flaminiam Neapolim vertit, quo itinere cum Florentinis foedus ea conditione percuſſum eſt, ut Gallus eorum libertatem ſe deſenſurum polliceretur, quum ei legionem deſectorum militum Horatio Baleone duce iure noui ſœderis adiungerent. Alſonſus quoque qui multis de cauſis in rem ſuam turbulento eo tempore ſatagebat, Gallo deſſe nō potuit, ſummæ præſertim ſpei, & ſummæ æquitatis bellum gerenti, eique inſignem alam equitum Cantelmo præſecto attribuit. Cæterum Lotrechius Clemente iam poſt ſeptimum meſem ex certa pecuniæ pactione arce elapſo, eius belli exitum tulit, ut ipſe Cæſarianis in vrbem Neapolim ſtrenuè compulſis, & diu obſeſis, ingruente per autumnum peſtilentia, cum vniuerſo propè exercitu cunctiſque cum Gallis tum Italis ducibus ſtatiuis in caſtris perierit. Nec ei Clementis quam præclaro Romanæ vrbis liberatori, multis rerum difficultatibus laboranti oppreſſoq; ut opem ferret abduci potuit. Qua vna Pontificis authoritate, pecunia & copijs, Galli opportunè ſubleuari, & deleri communes hoſtes facile potuerint. Prouidebat enim ſe penitus excluſum vetere



dominatu patriæque Florentia, neque eam posse Gallicis repeti armis, postquam Florentini cum Lotrechis societatem spei suæ alienam & penitus aduersam inire maturassent. Erat itaque vni huic voto incumbenti, vt restitui posset, Cæsari parcerendum, acceptæque iniuriæ penitus obliuiscendum, vt ab eo maturam opem exigeret, à quo vel cum inexpiabili dolore vultus accepisset. Atque ita renouata amicitia percussioque nouo scedere, Cæsarem ab Hispania in Italiam accersiu. His autem legibus fœdus inter ipsos ictum confirmatumque est, vt Cæsar à Pontifice, Cardinaliumque è senatu solenni atque vfitata ceremoniâ Imperatorio diademate coronaretur: ipse vero Pontificem suis copijs, & cõmuni sumptu Florentiam reduceret, ac Florentinis tanquam maiestatis reis, quod contra se auxilia Neapolim misissent, antiqua iura libertatis eriperet, Alexandrumque Medicem, quem generum ex fœderis tabulis sibi asciuerat, Augustali authoritate principem imponeret. Igitur Clemens Roma profectus Bononiam venit, quò Cæsar classe Genuam appulsus cum illustri comitatu descendebat. Adfuit etiam Cæsari cum veteri exercitu Antonius Leua, Augustæ dignitatis & securitatis causa ad eam celebritatem euocatus. Transeuntem autem Cæsarem Alfonso Regij, & Mutinæ hospitio, vti debebat, splendidissimè & studiosissimè suscepit. Erat in magna expectatione hominum is congressus duorum maximorum Principum, qui modò inter se hostes conflato bello acerbissimâ odia exercuissent: nam in publico omniumque oculis, ædificato ante maximum templum ornatisimo subfello, erat futurus. Sed resedere statim iræ reuocatis ad religionem animis, deterseque sunt similitudines, quum ex animo conciliati nouam amicitiam mutuo commodo & pari vtilitate metirentur, ita vt mutuus oculorû obtutus, certo vtrinque tranquillæ mentis indicio, veterum malorum causas, & nouorum impendentium suspitiones post secretiora colloquia facile delectent. Actitatum subinde est, seuerè initis grauissimorum consiliorum rationibus, de componendo Italiæ statu, parandaque publicâ pace. Nam tum Solymanus cum innumerabilibus copijs è Pannonia in Noricos fines penetrarat, frustra quod sine tormentis prouolasset, tentata Vienna, excitatisque passim incendijs, & abducto in seruitutem magno Germanorum numero ea mente discesserat, vt se reuersurum atque omnia ferro & igne absumpturum minaretur. Hæc cladium pericula à tanto hoste nunquam temerè denunciata, publici consensus, & firmissimæ pacis remédia flagitabant, quæ parari non poterant, nisi Cæsar Franciscû Sfortiam quorundam liuore tanquam caluminis prædæque expositum, maiestatis reum factum, benignè ignoscendo, & Pontifici, & Venetis deprecatoribus condonaret, & Alfonso repetita concordia à Clemente in gratiam recepturct. Nec mora, ambo euocati sub fide publica Bononiam venere, non multoque post Sfortia Cæsare ad æquitatem & clementiæ laudem generosè compolito paternum imperium octingentis millibus aureorum nummum impetrauit. Alfonso autem quum Pontifex sibi omnibus aduersæ Fortunæ malis obruto Mutinam ademptam fuisse quereretur, Cæsarem totius controuersiadisceptatorem appellauit, atque constituit. Nec conditionem renuit Clemens: verum sibi cauendum ratus, hoc seorsum à Cæsare postulabat, vt si productis & inspectis vtrinque iurium documentis, Pontifici causa cadendum fore prænosceret, ex sua tunc indulgentia pudoreque sententiam non diceret, sed cõpromissi

promissi diem exire sineret, ne iura Pontificij Imperij eo prolatae sententiae pre iudicio eripi viderentur. In hunc modum utroque adstipulante, quum Cæsar totius finiendæ litis arbitrium accepisset, Mutinæ decedentibus Atestinis magistratibus cum Hispanorum præsidio Petrum Zabacum imposuit, Alfonso quidem magnopere anxio suspensoque, sed nihil de Cæsaris equitate atque prudentia dubitante, quod rebus suis Cæsaris rationes inclusas esse intelligebat, quando maiores ipsius Atestini Principes beneficiario iure Mutinam a Cæsaribus accepissent: neque Cæsar sibi sapiens, & sui iuri apprimè tenax id Augustalis iuris nomen temerè aboliturus crederetur, Alfonso demum coronatum natali suo Cæsarem, & in Germaniam contendentem quod tanti spectaculi celebritati interesse nequiuisset, ad Mantuam est assecutus, ubi honoris & officij causa maiores liberos Herculem & Hippolytum in clientelam obtulit. Sub id verò tempus quo Cæsar per Tridentinas alpes & Rheni ripas ad natale solum in Belgas descendit, & Florentini compulsi in urbem a Cæsarianis & Pontificijs iam multos menses obsidebantur, Franciscusq; Rex confecta pace, ac liberis obsidibus receptis, Galliam tantis affectam detrimentis quiete atque ocio ad veterem opulentiam reuocabat, sponsalia singulari hilaritate celebrata sunt, quibus Ludouici Regis filia Herculi Alfonso ex liberis natu maximo in matrimonium dabatur, Moriens enim Ludouicus ex Anna uxore, quæ Francisci ceterioris Britanniae Reguli filia & vnica hæres fuit, duas tantum filias reliquerat, Claudiam, & Renatam. Claudia Francisco Regi nupsit, Renata autem salubri consilio extra Galliae fines, in Italiaque præsertim longè splendidissimè collocanda censebatur, ne si alicui Galliae procerum potentissimo iungeretur, quod dimidiam maternæ hereditatis partem secum traheret, lis oriri posset, cum aliena liberis Francisci Regis ex Claudia susceptis, tum Galliae regno maximè damnosa timebant enim ne inde intestini bellis semina prouenirent. Profecto ad Belgas Cæsare, Regniq; sui publicas & priuatas res conuentibus habitis componente, iam penè totum recepti arbitrij tempus effluerat, quo Ferrariensis controuersiae negotium explicari conficique debebat, propterea vtriusque partis legati adhibitis iureconsultis causam diligenter instruxerant. Ea verò tum Cæsaris mens erat, ut sibi Augustali Imperij personam sustinenti, nihil temerè iudicando, decedendoque de iure suo, quo auctoritas lædi posset, omnino detraheret, alieni autem iuris pondus sedulo expendens, quæ præclare doceretur legitimis possessoribus adiudicaret, ut mox euenit. Nam efflagitante Pontificis legato ut in causa pronunciaret, Cæsar oblitus promissi, quum sibi non liqueret impune dicere, & arbitrij terminum elabi sinere facile posset, conceptæ iustitiæ vim priuato pudori prætulit, & his legibus sententiam tulit, ut Ferraria Pontificij Imperij auctoritatem libertatemque perpetuò respiceret, & Alfonso posteriq; eius se Romani Pontificis beneficiarios fide atque obsequio profiterentur, certumque auri pondus tributi nomine penderent. Mutina verò tanquam Imperatorij iuris, atque obiter veteris concessionis beneficium iam pridem esset consecuta, Alfonso Atestinæque domui redderetur. Ab eo autem graui auri pondus Clementi solueretur, si eius sententiæ beneficio uti vellet. Hoc promulgato Cæsaris iudicio Alfonso mirum in modum est lætatus, quanquam per Caselium iuris consultum legatum suum, qui in aula diligenter ambiendo, obestandoque

singulos adibat consiliarios, quorum authoritati Cæsar inniteretur, perma-  
 gnas pecuniæ largitiones factas didicisset. Id verò Clemens vsque adeo grau-  
 ter ac indignanter tulit, vt nihil sibi molestius accidere potuisse armarulentis  
 sermonibus fateretur. Se enim deceptum a Cæsare dicebat, qui secretionibus  
 promissis fidem prolixè datam acceptamque minimè præstidisset. Nec mul-  
 tō post eius iniuriæ inflictum animo vulnus apertissimè denudauit, quum au-  
 rum, quod centum millium aureorum nummum summam superabat, allatum  
 Romam, & ex decreto Cæsaris ad pedes prolatum, seuerè admodum repudias-  
 set, frustra offerente obestanteque Aluaroto legato. Negabat enim Pontifex  
 se eam Cæsarianæ sententiæ conditionem ratam habiturum, quæ Romani  
 Pontificis nomen sugillare censebatur. Atque ita Aluarotus nihil ad stipu-  
 lante admittenteque Pontifice, expositum aurum collegit & retulit. Clemens  
 autem ab altiore sella descendens, quæ in eo curiæ loco vbi mane Senatus ha-  
 bebatur erat posita, renidenti ore ad me conuersus, qui eius actionis vocatus  
 testis aderam, An tu Ioui, inquit, in historiis me avarum & pecuniæ cupidū  
 perscribes? quum hunc tantum auræ monetæ cumulum lubens & volens re-  
 pudiam, vt hinc ineptus & infans fortasse existimer, quod præsentī lucro &  
 commodo Pontificiæ seueritatis existimationem anteponam? Alioquoque  
 ingenti Cæsaris beneficio Alfonso cumulare est auctus: nam Carpum oppi-  
 dum de quo diuturna lite cum Alberto Pio contenderat, ei cecidit, legitimæq;  
 possessionis iura per amplis Cæsaris codicillis est consecutus, quoniam Alber-  
 tus Gallicis addictus paribus, propterea que maiestatis reus factus de iure to-  
 tius feudi decidisset. Ex hac benignitate centum millia aureorum nummum  
 honorarij muneris nomine ab Alfonso per soluta sunt, vt in grariū Cæsaris per-  
 uenirēt. Nouum autem oppidulum, quod Carpeni ditioni erat attributum,  
 de cuius possessione eum Alberti clientibus & copijs aliquandiu vario succes-  
 su dimicatum fuerat, Alfonso manu captum solo equauit, ne sibi pro tenui ca-  
 stello sapius sumenda arma forent, cuius redditus tutelæ sumptum nunquam  
 adæquaret. Rediit denum in Italiam Cæsar, Bononiæque iterum Pontificem  
 conuenit: atque inde adito Mediolano repetitaque Genua in Hispaniam est  
 reuersus, alienatum planè ab se Pontificem non obscurè diuinans, quod eum  
 Mutinensis sententiæ contumeliam in præsens dissimulanti ore deuoratum  
 perturbato stomacho cōcoquere non posse didicisset. Quæ Pontificis aliena-  
 tio in Alfonso ita recidebat, vt Clemens renouato odio, quod armis apertè  
 non poterat, insidijs ei perniciem moliri non desineret. Nam sequentibus an-  
 nis detectæ sunt coniurationes duæ, altera Hieronymi Pij, altera Bartholomei  
 Constabilis, quarum consen suisse non obscura fama serebatur Vbertus Gam-  
 bara, & Bernardinus cognomento Barba, qui Bononiæ magistratum gere-  
 bant, neque enim verisimile videri poterat, honesti alioquin nominis Antisti-  
 tes, Gambaramque præsertim summo Brixiæ loco natum nefario flagitio sese  
 commaculare voluisse, vt infamē operam gratuito præstarent: quandoquidē  
 ad honorem Senatoriæ dignitatis Clemente facillè promittente, vehementer  
 aspirare crederentur. Cæterum Hieronymus (is militari præsidio Rhegi præ-  
 erat) non modò se eam urbem Pontificijs traditurum, sed Alfonso, ad quem  
 nihil tale timentem sibi aditus omnibus horis patebat, scelestam manu confos-  
 sum pollicebatur. Huius verò immanis animi decretum solo infantiæ morbo  
 confirmatum,

confirmatum, quando nulla alia atrocis odij extaret causa, nouarum rerum spes, atque inde nouus opulentiæ prouentus aluerat, eo quidem malignius & improbius, quod tum Marcus germanus frater legationis honore apud Regē in Gallia fungeretur. Huius compositæ coniurationis quum nonnulli temere sermones à consensu emanassent, horum vestigia non inanibus coniecturis subodoratus est Robertus Boschetus, à quo detestante atrocitatem sceleris indicium repente delatum est, quanquam is paterni supplicij memoriam retineret: Albertino enim erat genitus, quem ex duorum fratrum scelesti in Alfonso conspiratione concidisse docuimus. Itaque Hieronymus apud Rhegium appositè & dissimulante captus, perductusque Ferrariam in quæstione non diu perstitit, quin cuncta cogitati instructique sceleris suo ordine proferret, atque inde de conuictio confessoque capitale supplicium fumeretur. Constabilis verò diu pensitatum facinus & male tectum Hieronymus Pepulus Bononiensis Patritius deprehendit, opportuneque detulit, magno Alfonso beneficio, in inuidiam (ut credi par est) Vberti Gambaræ Bononiensis prædis, qui eum excitatæ seditionis nomine tanquam ingenio turbidum relegarat in oppidū Centum Ferrariæ propinquum. Ipse porro Constabilis erat tenuissimæ auctoritatis, extremeque egestatis iuriconsultus, etate utrique senex, et planè vecors, qui neque opes habebat, neque sui studiosos, ut id efficeret, quod improbo animo patrabat. Is dum humilem moribus coniunctam atque ita coherentem conduxerat, ut si murum perfoderet, per id foramen, quos vellet hostes noctu admissurus in urbem facillè videretur. Compositæ fraudis atque perfidiæ is erat ordo, ut delectamilitum manus magnis lintribus frumentariæ negociationis simulatione secundo Pado demitteretur ad Thedaldi arcem, pontemque occuparet, atque inde urbem edito clamore inuaderet, hinc arrepta occasione, quod Alfonso tum aberat ad Aponenses aquas valetudinis causa profectus, & liberi eius voluptario ini secellu ad Belloguardum villam, auita magnificentia percelebrem, ociosè rusticarentur. Itaque patefacta Constabilis malignitate, præfecto rerum capitalium negotium est datum, ut summæ perfidiæ senem comprehenderet, totiusque conceptæ proditionis seriè exquisitis tormentis eruta in eum lege ageret. Nec multo post capite punitus intempestius seu ex indigno nobili familiæ nomine, abscessis cervicibus in foro iacuit, Deo maximo gratias habentibus Atestinis, qui se propitio numine seruatos, & incolumes fatebantur. Sub id tempus Clemens Malsitiam enauigauit, ut cum Rege præfens colloqueretur, & Catherinæ iunioris Laurentij filie nuptias celebraret. Eam enim Henrico Aureliano natu secundo Regis filio desponderat. Eo congressu communicatis consilijs, ac aduersæ utrique Fortunæ casibus deploratis agitalle credebantur, quoniam pacto immodicæ formidabili Cæsaris potentie obuiam iretur. Sed ea consilia repente eadem quæ semper à Cæsare steterat Fortuna mirabiliter elusit. Nam Clemens reuectus in Urbem non multo post in morbum incidit, maxime diuturnum exituque lethalem, sic ut repetitis irritisque semper remedijs veneno tentatus crederetur. Atque ita ad sextum Calendas Octobris, qui robore corporis aduersus omnem morbi contumeliam indomitus putabatur, spiritu adhuc ferrox e vita migravit. Quoniam Alfonso incredibili voluptate affectum feruit, geminato etiam mox insigni gaudio, quod Farnesium Pauli tertij nomine delumpto primis comi-

tialibus diebus ei suffectum adierat, hominem omnibus sensibus Borgiæ familiaræ coniunctissimum, utpote qui Alexandri Pontificis memoriam gratissimo animo percoleret, à quo initium dignitatis accepisset. Rebatur enim cum neque sibi neque liberis ex Lucretia Borgia susceptis vnquam defuturum. Neque ipsum opinio fefellit: nam initio statim Pontificatus minimè dubitauit quin latam à Cæsare sententiam ratam haberet, totumque id auri pondus, quod Clemens publicæ dignitatis causa abstinentissimè atque sanctissimè reiecerat, propenso flagrantique studio reciperet, & Hyppolitum filium Archiepiscopum Mediolanensem, ei collato honore purpuræ in Senatum legeret. Verum Alfonso vix dum Paulo Pontificatum gratulatus, usque adeo grauem incidit in morbum, ut non diu, vel acerbissimi hostis morte, vel inexpectata amicissimi hominis felicitate letari potuerit. Trigesimo enim et quinto die post Clementis mortem extinctus elatusque est, quum octauum & quinquagesimum ætatis vix impleisset annum. Ferunt eum nimio melopeponum esu per autumnalem inæperiem labefactato vetriculo accersisse febrē, cuius vim occultè grassantis vel temperatura firmissimus sustinere non potuit. Præcessere mortem eius prodigia quædam à curiosis obseruata. Conflagrauit in primis atrocissimum incendio prætoria tot Principum domus, tanto ciuium & concurrentium ad restinguendos ignes pauore & strepitu, ut tota ciuitas rapacissimis atque impotentibus flammis cessura crederetur. Verum in summo inopinatoque periculo Princeps egregiè ante omnes fortis & impavidus, medias res salubri cōsilio euerfis tectis proscindi iussit, periculosam operam strenuè quidem, sed non impune nauantibus, qui Principis edicto ab emissis vndique præconibus & multo campani æris sonitu ad ferendam opem vocabantur. Patrefacta itaque est dolabris atque securibus multo cum labore, & miserabili quorundam in exitu media fere pars ædium, usque ad interioris porticus arcem, ubi erant ad theatralem usum edendis comœdorum ludis perampla conclauias, ut furentes flammæ, proxima quæque quamocissimè corripientes, inanibus aperti cœli spatijs occurrerent. Sed non vno in loco rediuiuum edaci impetu resurgebat malum, eo quidem liberius & terribilius, & quod hybernæ prælongæque noctis densissimæ tenebræ, in tumultuosa concursatione pauorem augentes, cum ita prorsus humana subsidia retardarent. Hoc inusitati crudelisque spectaculi ostentum, nequaquam ad triste omen Alfonso vertit, quoniam is igneus splendor certæ lætitiæ euentum prænunciaret. Nec ea opinione deceptus est: nam Renata nurus non multo post exoptatum marem peperit, eo pleniore omnium gaudio, quod plerique Renatam Annæ matris scutura similem euasuram crederent, quæ iterata partu forminei sexus geminam prolem edidisset. Hoc tranquillo vitæ exitu Alfonso tanquam votorum omnium compos, ideoque beatus ex hac luce in cœlum migrasse credi potest, quando per omnem gratiam assiduo curarum æstu agitur, totque inimicitijs & coniurationibus ac durissimis bellorum difficultatibus circumuentus semper grummosus, & non nunquam in summa rerum desperatione miser apparuerit: quæ omnia conuertente sedemum Fortuna magnis commodis expiata sunt. Tres enim Pontifices, qui Atestino nomini insensissimi hostes fuerant, immiurato Fato atque opportuno tempore extinctos vidit: amissas vrbes recepit, & quod semper exoptarat, Albertum Pium inimicorum longè grauiusimum, cum à Cæsare damna-

tum,

tum, tum à Gallis in supremo pacis fœdere prætermiffum, indeque urgente animi dolore apud Parisios exultantem mortuum esse audivit, ſcilicet ut eius ditionis factus hæres cumulata lætitiâ frueretur. Proſpexit quoque Alſonſus, quod exactæ felicitatis exiſtimari poterat, nominis ſui ſobolè multiplici cum ex ſua tum filij Herculis prole ad poſteros longiſſimè propagari. Nam præter quinque liberos ex Borgia vxore ſuſceptos, etiam duos mares ex Laura concubina ſuſtulerat. Hanc enim abrupto cælibatu, qui ſibi ad dandam liberis operam equè pronò et valido noxiuſ erat & moleſtus, à non inuito patre plebeio opifice virginem acceperat, vel ob id præcipue, quod neque decorum, neque tutum, neq; ſibi iudicabat honeſtas ciuium familias ſtupris ac adulterijs dedecorare. Verùm eam demum probis pudiciſque moribus, & ſtatè formæ dignitate ad genium reſpondentem, et à felici ſecunditate commendatam legitime vxoris loco habuit, & geminos ex ea filios de nomine ſuo Alſonſos appellauit. Fuit Alſonſus aſpectu & natura ſubauſterus, ſed in familiari cõuictu valde iucundus & facilis: mendacium in primis, furumque & ſeditioſorum ſeuerus hoſtis, cum in reliquis criminibus puniendis exorabilem ſe lenemque præberet. Vna tantum in re nimis ſeuerus & quibuſdam immodicè terribilis videri poterat, quòd ſuburbanos agricolas proprias ipſius Principis venationis & aucupij voluptates intercipere auſos propoſito edicto ſe laqueo puniturum minaretur: eo tamèn humanitatis temperamento, ut eius edicti ſeueritate in ſpecie tantum vinceretur, cum atrocis maleficij quorũdam damnatos, falſo appoſito titulo ad deterrendos ruſticanos homines in furea ſuſpendi iuberet, appenſis ſcilicet ad collum faſianis, ut in eo prædæ furto deprehenſi vulgò crederentur. Sed qui in omni ciuili militarique negotio mira prudentia grauitateq; iudicij plurimùm valebat, à quibuſdam non obſcura ſubagreſtia quæſtus ſugillatione notabatur, quòd falſamentorum & pomorum omnis generis atque olerum monopolia per inſtitores ſuos exercere diceretur. Nanti opimæ piſcationis circa Paduſas viſitata, & fructus ex ampliſſimis ipſius hortis collecti expoſitione venales, non toti modò aulæ, verum etiam vrbanę multitudini expetitam moderatè pretij copiam ſuppeditabant. Aggreſſe nanque vniuerſos intra pomerium per dediuia planaue, uti locus polceret, frugiferis arboribus, et inſlexis vineis, digeſtiſque areolis perpetua viriditate veſtitiuerat, quæ omnia diligenti cultura & perenni irrigatione, ad id lata & nauigabili ſoſſa ex Pado perducta, ad miram vberitatem omnium terra naſcentium, & per amœnæ deambulationis voluptatē inſtituta, clari hoſpites mirarentur. Verùm imperiti homines temerè probra Principibus affigere ſoliti, neſciebant certiſſimos atque ſanctiſſimos redditus ex vnâ maxime induſtria & paſſimonia, quæ neminem læderet, facile prouenire, utpote qui Principem prodigum & inconfulte liberalitatis mallent, quàm tentacemiuſti & æqui, patrięque amantiſſimum, & minimè largiorem. His autem in rebus Alſonſo ſummæ fidei, ſummæque æquitatis & diligentię miniſter & moderator aderat Alſonſus Trottus, qui graniſciſcię & totius familiaris negotij rationibus erat præpoſitus. Ab hoc Princeps admovebatur quantam pecuniæ vim tot bella, torque impetratæ pacis ſumptus, & tot admirandorum operum, quibus patriam feciſſet in expugnabilem, diuturnæ impenſæ conſumpſiſſent, quantum denique abſumeret quotidianus liberorum luxus, qui ipſo ad tranquillum remiſſi animi ocium, & familiarem con-

uictus disciplinam sponte subducto, vniuersum familiae decus aulaeque frequenter erudito atque perpetuo mensarum splendore tuerentur: sic ut cum nisi à malignis & improbis auarum appellari posse iudicem: quando creditorem existimari malle, quam debitorem profiteretur: ideoque militi sua semper stipendia incorrupta fide ad diem persoluerit, & nunquam optimarum artium professoribus, qui in Gymnasio iuuenturem docerent, constituta praeiaretardarit. Sic enim sibi cum securitatis, tum dignitatis suae rationem constare existimabat, quarum alteram fide militum parari, alteram autem per clara florentis gymnasijs existimatione sustentari, nunquam honestae laudis oblitus, arbitrabatur. His de causis cum esset natura edificator assiduus, ab eo insatiabili studio, quod agrarium exhaurire posset, se temperabat. Nam ciuili elegantia potius quam principali magnificentia aedes condiderat in insula Padi contra urbem quam Beluederiam appellabat, ubi erant opaca viridaria, atque Indici percoris, nouarumque volucrum peregrini generis septa. In aduersa quoque parte urbis alteram construxerat domum picturis & salientibus aquis peramoenam, quam Montanam ideo vocabat, quod excelsis & nemorosis aggeribus subesset. Neque enim his mediocribus aedificijs, quae erant ad temporariam voluptatem difficillimis ardentis belli temporibus urbano in secessu constituta, proprium decus querebat, sed ingentibus bellicarum munitionum operibus, & admirandis propugnaculis, mirificoque tormentorum apparatu, quibus cum sibi tum cuius summe securitatis aduersus hostes existimationem peperisset. Quae omnia eo maiore cum admiratione incredibili sumptu coepta perfectaeque spectabantur, quod nunquam ciuibz nominatim, aut publice pecuniam imperasset, nec milites per occasionem dilati stipendij in agros sui imperij, ut agricolarum copijs alerentur, vnquam emisisset. Curaba tenim enixè, ut ciuium & villicorum fortunae inter belli detrimenta essent incolumes, quod his maxime praesidijs, publica salus & decus urbis cum insigni omnium erga se studio subsistere & reflorescere censerentur. Caeterum Alfonsus aduersus partim omnis & totius disciplinae suae obrectatores sine iactantia differendo hoc graui edito proloquio sepius praedicabat, Principis inane esse nomen, & id contemptui atque iniuriae semper expositum videri, nisi eius gratio praegrandem signatae pecuniae vim ante pericula congestam contineri seruarique omnis generis homines existimaret. Id porro non in vltima eius laude poluerim, quod lectissimos homines praecellentium studiorum atque artium gloria florentes praecipuo in honore semper habuerit. Hercules enim patris exemplo, tanquam bellicarum rerum grauissimis agitationibz occupatus, literarum studia deruissè potius quam contempsisse existimari volebat: sic ut nonnunquam eo infestitiae nomine grauius offenderetur, & ore ingenuo certa poenitentiae signa daret: quod pertinaci valetudine tentatus, & ob id variarum oblectationum leuamen quaerens, minus necessarii, quanquam iucundis fabrilium rerum operificijs ingenium occupasset. Inter eos autem quos reuereri, & serio diligere erat solitus, praecleara tum nominis fama eminebant, praeter ipsos Matthaum Castellium & Ludouicum Catum iuris scientia claros, Nicolaus Leonicens summæ eruditionis & innocentiae senex philosophus, & secundum eum Manardus huius doctrinae sectator: sed qui diuiti medico quam argenti philosopho propior esse mallet: amoenioribus autem literis liberaliter instructus Philosophus



stophilus epistolarum magister, & Cælius Calcagninus multæ vigiliæ multæque lectionis honestam famam varijs scriptis adeptus; atque item Andreas Maro ex temporanea facultate, quum Latinos versus effunderet, porta incomparabilis. Cæterum hos omnes auctoritate Etruscorum carminum, & arctissima Principis familiaritate Ludouicus Ariostus anteibat: cuius in satyris urbanâ grauitatem: in comædijs nouum leporem & salem, in heroicis verò miram granditatem non infulsi homines admirantur. Hi ferè omnes hodie fato suo functi, ab ingeniorum monumentis (ut credi par est) diu in celebri fama hominū viuunt, & cum his proculdubio Alfonso ipse egregio suo merito lueulentissimè celebratus. Præclaro enim gentium omnium consensu, boni studiosique mortales, qui in hac vita multis fortunæ lusuibus exposita inclitis augustæ virtutis operibus maximè diuturnam laudem petunt, hunc vnum veluti summum ex tota laboriosæ vitæ agitatione fructum spectant, ut nominis sui memoria ad posteros nobili perennique literarum præsidio, postquam cætera omnia tempus edax celeriter absumpsit, quàm longissimè proferatur.

## PAVLVS IOVIVS E-

PISCOPVS NVCKERINVS CON-

SALVO FERDINANDO

Cordubæ Principi Sueffano.

S. D.



**L**UDOVICVS pater tuus, generoso illustriq; ingenio vir, cum ab Hispania à Carolo Cesare legatus Romam missus apud Hadrianum, Clementemq; Pontifices in eo grauissimi officij munere versaretur, vsque adeo splendore vitæ munificentiaque liberalis animi, & denique (quod ad promerendam gratiam plurimum intererat) urbana comitate præcelluit, ut vel à morosis & maximè parcis Principibus, quæ in tem Cæsaris forent, inusitata dona feliciter impetraret, eum verò omnium ordinum ex aula selectissimus quisque vehementer adamaret, ipsaq; præcipue Romana nobilitas studiose percoleret. Is me tumis præclara luce Vaticani condenda nostrorum temporum historia acriter intentum, ex optimisq; literarum studijs, si huic ingenio labori nostro non dubia vita proponitur, non facile interituram laudem & gloriam sperantem, humilissimè rogauit & impulsit, ut peculiare volumen de vita et rebus gestis MAGNI CONSALVIEIUS JOCERI, auique tui, Latine conscribendum susciperem, quod suppressa eius viri laus, à quibusdam annales angustè scribentibus, & ab ineptis quoque poetis defraudata videretur. Itaque benenotentissimo homini honesta petenti, cohortante præsertim Eluira matre tua virilis animi femina, alacriter sum obsecutus, ita ut continuis lucubrationibus

id volumen ad vmbilicum ferè, nec præcipiti quidem, sed accurata quadum celeritate perueniret. Verum crescente & iam propè consummato opere, exortum repente bellum instituitas vigilias interrupit, & pater tuus iussu Caesaris Vrbe excedere coactus est, qui dum apud Columnios procures Atarui cohortes conscriberet, in supremum incidit morbum. Id cum rescisset Clemens: ei æger, ut in eo tumultu facile accidit, ab agrestibus medicis miserè iacebat, et, amicissimo ei homini extra belli causam Pontificæ humanitatis officium omne præstandum ratus, me ante alios delegit, qui ad eum inuisendum contenderem: quoniam intima familiaritate coniunctum, professione quæ medicum, et veterem Columniæ domus clientem proculdubio ægotantis animo atque oculis gratissimum fore intelligebat. Itaque id deposcente Pontifice, amici quæ probantibus, quod salutis cura parandi belli studio potior esse censeretur, nec indeò publicæ similitudinis nomen privatæ pietatis officium excluderet, in Urbem lætica delatus est. Verum morbus ex continuaci febre vitalia carpens, neque insignium medicorum diligentia, neque ullis omnino vel exquisitis remedijs potuit mitigari, cum integris sensibus expirantem hora fatalis eriperet. Nec defuere qui eum mortifera potione sublatum temerè prædicarent, quod sacrosancto Pontifici, Urbique se in seita arma, nisi lacefferetur, allaturum esse, uti verè piùm decuit, constantissimè pernegasset. Sed nullum omnino huiusmodi sceleris vestigium nobis apparuit. Inde tam en paucis admodum diebus, conceptum antea immane facinus Vgo Moncada, Columniæque Pompeius directo Vaticano, obseffoque in arce Pontifice, perpetrarunt. Vnde postea tanquam à lugubri initio longè omnium clarissima atque miserrime Urbis funestissima clades emanauit. In ea autem publica calamitate inchoatum (ut diximus) volumen, conturbatis scilicet atque diruptis omnium fortunis, magna ex parte perierat, & proculdubio interiisset totum, nisi post viginti annos Franciscus Mendocius Cardinalis, doctrina atque virtutis nomine mihi plurimum excolendus, imperfectum, & planè sepultum, tanquam ab inferis tuo præclaro monitu reuocasset. Quo fit, ut eius mixta pietati plurimum debeant, cum ipsa parens Hispania patria, & Cordubæ ætatis domus, tum & ipsi præcipuè MAGNI CONSALVI felices manes, qui purissimo in æthere & infama hominum perpetua gloria perfruuntur. Tu verò Princeps amplissimè hoc vnum Iouio debebis, quod ei pro trophæo monumentum erexerit, onni quidem ære calatoque marmore perennius, quod non

Granuatæ tantum, vbi temporario in loculo satis angusto longè maximi viri ossa cubant, sed toto terrarum orbe religiosa cum venera  
tione omnis posteritas admiretur. Vale. Roma

Idib. Septembris, anno M. D. XLVII

# PAVLI IOVII NOVO COMENSIS EPISCOPI

NUGERINI, DE VITA ET RE-

BVS GESTIS CONSALVI FER-

DINANDI CORDVBÆ cogno-

mento MAGNI Libri III.



ELLEM vt afflictæ peneque subactæ Italiæ fato esset datum,  
quod certè haud mediocri solatio ijs maximè luctuosis temporibus  
foret, vt eum virum qui omnium longè optimus atque inui-  
ctissimus nostræ tempestatis extiterit, in ea nasci contigisset. Nā  
postquam veterem belli gloriā dignitatemque omnem insanis  
dissensionibus nostris amisimus, acerbissimus certè dolor deploratæ liberta-

tis, vel hac vna percepta voluptate leuaretur. Externi nanque hominis vitam,  
 ante alios literarum memoriæ commendandam existimaui, postquam diutius  
 no in mmentis operis labore fatigatus, aliquam honesta cum voluptate requiē  
 fueram quæsiturus: sed vel ea potissimum ratione, vt clarissima perfectæ vir-  
 tutis exempla quæ in Historijs attingisse non decuit, imitanda posteris trade-  
 rentur. Quamquam nec Italiam fortibus viris atque omni ciuili bellicaque lau-  
 de dignissimis adeo effecit arbitramur, vt in ea veterum ducum qui cæter-  
 ros quondam omnium ætatum ægentium haud dubiè veræ virtutis gloria su-  
 perarunt, sobolem penitus interisile putemus. Nam si ingentes Bellorum cla-  
 des, quæ non modò Italiæ, sed toti vel incognito antea orbi terrarum, omnium  
 propèrerum funestam mutationem attulerunt, memoria repetamus, multos  
 profecto hæc turbulentissima tempora tulisse fatebimur, qui insignibus maxi-  
 marum virtutum ornamentis, vel clarissimos antiquorum triumphos equali-  
 se videantur. Quod si Romana res stetisset incolumis, veterisque militiæ dis-  
 ciplina ad hunc vsque diem incorrupta peruenisset, nec interea dire factiones  
 quas Barbarus hostis inuexit, mentem cunctis eripuissent, nulla profecto colla-  
 ta huic nostræ vel nullū vel ducū ferocior ætas extitisset. Etenim vigentis Rei-  
 publicæ, atq; ipsorum Augustorū inexhaustæ opes, felixq; ille et salutaris Italiæ  
 consensus, quo cuncta sunt domita mediocribus sæpe viris, qui vel sorte magi-  
 stratum inissent, admirabiles victorias triumphosque pepererunt. At nostræ  
 tempestatis imperatoribus aliā rerū faciem insensissimū seculi fortuna prorsus  
 ostendit, quib. sæpenumero suum militem in officio continuisse aliquantū  
 difficilius fuit, quā hostes periculosis ambigui Martis operibus deuicisse: a-  
 deo enim militarem disciplinam vel tenuitate opum Italiæ importuna Regu-  
 lorum multitudine laborantis, vel diuturno exitialis negligentie morbo affe-  
 ctam prostratamque conspiciamus, vt iam ea ab externis gentibus quibus illam  
 maiores nostri cum multa gloria tradiderunt imitatione parum decora, post-  
 quam fatali desidia concidimus, repetenda videatur. Nam si quo militum ob-  
 sequio, qua centurionum præfectorum religione, quæ imperatorum seueri-  
 tate constiterit, animo reputare velimus, paucos certè verorum militum no-  
 mine dignos esse censebimus. Inueterato nanque fatiscens huius seculi vitio,  
 si quis sunt ingenui, vel à mediocri Fortuna non ignobiles, qui vires atque ani-  
 mos militiæ idoneos afferre videantur, ij ante omnia pedibus stipendia incre-  
 re, quod multo gloriosius maioribus fuit, longè turpissimum ducunt, quo fit  
 vt ex pèssimo seruilique genere hominum legiones conscribantur, temerario  
 potius impetu, quā certa ratione pugnaturs, aut ignauia turpique flagi-  
 tio proditura ducem, in cuius manu atque consilio gerendi belli summa  
 constiterit. Nec id mirum videtur, quum milites linguarum ac morum va-  
 rietate dissimiles, non vnum omnes militandi finem respiciant, nec sensibus  
 inter se coniungit, nec à ducibus regi possint, nisi vim imperij, quod reue-  
 rentia, quam seueritate validius semper fuit, atrocibus exemplis præsentibusq;  
 supplicijs, sordata sæpe nominis maiestate experiantur. Quis enim vel  
 diuinæ virtutis imperatorem bellicam ratione gubernauerit, quum milites  
 accepto stipendio sæpe transfugiant, opus militare detrectent, in agmine præ-  
 deantur, in castris nec vini, nec obsonij quidē recentis desiderij patienter ferat,  
 atq; in acie dēnum canente classico, instanteq; hoste stipendium flagitare nō  
 erube-

erubescant? Porro quæ leuissima sæpe de causa consternatis, quis contumaci-  
bus, quis seditiosis desertoribusque pepererit? Quis hæc vnquam militum et  
rata, prænuncia calamitatis, & cladis ingenio prudentiaque correxerit? Per  
has ergo labantis disciplinæ difficultates, nostræ tempestatis ducibus grummo  
so quodam labore fuit eluctandum, ita vt nulli sit dubium, quin innatæ eorum  
virtuti summum proculdubio bellicæ laudis fastigium contendenti, ex plu-  
rimum offecerint. Floruere quidem multi æquales, quorum res gestas perpe-  
tuo historiarum cursu latè perscripsimus, cum Itali, cum externi duces impera-  
toria laude conspicui: sed qui diuersis omnino virtutibus ad amplissimos eius  
nominis titulos peruenerint, & ante alios Triuultius, Petilianus, Franciscus  
Gonzaga, Paulus Vitellius, Liuianus, Gasto Foisseus, Nauarrus, Prosper Co-  
lumna, & qui in modò immatura morte præreptus est Ferdinandus Daualus.  
Quis enim Triuultio à pueritia vsque ad summam senectutem omnibus mili-  
tiæ muneribus gloriose perfunctio, aut plures, aut meliores artes in admini-  
strandis conficiendisq; bellis secum tulit? qui quum floreret omni genere vir-  
tutis, ea tamen incomparabili laude clarissimus fuit, quòd sæpe sine suorum  
vulnere magnas hostium copias profligauit. Quis Petiliani cunctatoris atque  
statarij ducis constantiam, iudicium ac vigilantiam æquauerit? Quis autem  
Gonzaga Mantuano auctoritate, splendore, militum studio, equorum atque  
armorum apparatu, alacritate, ardoreque pugnacis animi superior fuit? Quo  
non genere laudum Vitellius dignus esse censèbitur? qui flagrantissimo bel-  
lici decoris studio ductus, tanta ingenij grauitate, tanta arte, ex domestica ma-  
ximè disciplina, quæ mirifica eius familiæ semper fuit, tantaque demum vi mi-  
litaris spiritus arma tractauit, vt nisi in medio cursu cecidisset, solus ipse libera-  
tem Italiæ defensusus esse videretur. Liuiani autem acuti, vehementis exerci-  
tatione hominis promptam, & paratam in consulendo agendoq; industriam  
nonne omnis pelleritis impensè laudabit? Porro quænam ætas Foisseium  
adolefcentem non admirabitur? qui penè prius imperator quàm miles, prius  
victor clarissimus quàm receptus imperator multo plures nobilioresq; victo-  
rias paucissimis diebus incredibili celeritate est adeptus, quàm quisquam ferè  
dux vetus toto longissimæ vitæ cursu compararit. Nauarrus quoque, qui om-  
nibus verè virtutis subsidijs fretus sine vlla maiorum commendatione aduer-  
sis pariter atque secundis rebus inclaruit, maximi profectò ducis famam conse-  
cutus esse videretur, nisi eum impotens fortuna in has supremi carceris mise-  
rias præcipitasset. In Prospero Columna singularis altitudo, moderatiquæ a-  
nimi eximia solidaque prudentia, incredibilis auctoritas, ac religiosa potius  
quàm seuera disciplina cum perpetuo quodam tenore lauioris vitæ plurimū  
enituerunt. Verum vel ob id sempiterna laude fruatur, quòd vt Romani san-  
guinis imperatorem decuit, tanquam terræ patriæ amantissimus, dira belli in-  
commoda tam pio instituto, quàm seuro in externos præsertim milites impe-  
rio semper auerterit. Sed Daualū eiusdem belli imperijq; & gloriæ successorē, quem  
quoniam satis decoro merita gloriæ præconio dignum existimabimus? quem  
sicuti inusitatus mirificarum virtutum concursus omnibus bellis admirabilē  
fecit, ita eum tot opimæ incomparabilesque victoriæ, vno eius diuino consi-  
lio, vnaque prope eius fortissima fatalique dextera comparatæ, supra sum-  
mos rarissimarum laudum honores extulerunt. Cæterum eorum quos modò

præstantissimos fuisse memorauimus, nemo omnes simul militarium virtutum numeros ad bellum attulisse iudicabitur, quum alijs in gerendis rebus expeditus vigor, alijs matura consilia, alijs sinceræ fidei nitidior fama, plerisque verò fortuna ipsa, quæ iam sibi ex professo rei bellicæ gubernacula vendicauit, omnino defuerint: ita vt planè perfectum imperatorem, quem frustra oculis & cogitatione requirimus, neque nos vidisse, neque vnquam in posterum visuros esse fateamur. Quòd si miscere in vnum singulas omnium virtutes, absolutumq; ducem detractis ingentibus vitijs effingere animo, & spectandum comparandumque cæteris proponere velimus, ei cerre **MAGNVS CONSALVVS** cum felici meritoq; cognomine, tum virtute ingentis animi, lineamentisque excelsi corporis, longe omnium nostræ ætatis proximus ad illum accesserit. **NATVS** est Cordubæ, Bætica vrbe peruetusta, & quod summum dignitatis locum respicit, præcellentium ingeniorum altrice clarissima, vel si à Romani imperij tempestate, qua nobilissimi vates Lucanus, & duo Senecæ inde prodierunt, fidem repetamus, vel si recentiore Punicarum rerum memoriam sequamur, quum post eiectionem Gothos, & Vandalos Hispania scire omnis Maurorum armis cesserit, & Cordubæ Gymnasia disciplinarum omnium inuectis literis Arabicis insigni professorum fecunditate floruerint. Maiotes Consalvi æquè nobiles à præalta stirpe, ac strenui bellatores fuisse produntur. Aquilarij siquidem appellati sunt, quòd vt credi par est, Aquilam Romanæ legionis illustre signum, spectatæ virtutis prerogatiuæ deferre consueissent. Ita vt præclari eius officij dignitas, quum in generosa progenie viri fortissimi tanto munere implendo pares nunquam desissent, in familiæ nomen transisse existimetur: vnde & ipsum quod incolerent antiquæ ditionis oppidum appellatione traxerit. luuat enim in militari familia prætulisse Martium decus omnibus Gothorum profapijs, quādo sicuti hodie audimus, quòd magnoperè dispudcat, non aliunde quā à Gothorum sanguine, generis claritas in Hispania petatur. Sed hoc de Romanæ legionis Aquila pro certo non affirmauimus, quanquam magno veritatis argumento sit, quòd Aquilarij antequam Cordubæ nomen susciperent, Aquilam in antiquis eorum gentilitijs insignibus gestarint. Licet tamen scriptoribus vel à fabulis Heroum nobilissimi cuiusque sanguinis origines cum bonæ gentium venia reperere. Quo fit vt nostro iure quosdam poetæ historiarumq; scriptores demiremur, quòd cum rectissime nec vlla quidem mutata litera Consaluum suo certissimo nomine Aquilarium vocare possent, modò Agidarium, modò Agellarium ineptè appellare maluerunt, secuti vt reor corruptam vocem Aghularij oppidi, vnde more gentis, sicut in Hispania Galliaque videre est, aditione possessio, neque oppidorum in familijs nouum cognomen obuenire perspicimus. Verum Consalvus, vt a Ludouico eius genitro accepimus, se Corduba familia ducto stemmate ortum enarrabat, quanquam id vrbs familiæque nomen in familiaribus epistolis omitteret, vt à cæteris gentilibus ex oppidi nuncupatione discernetur. Egregij namque vltioris Hispaniæ proceres, cum ab eis vrbs Corduba diuturna obsidione fatigata, demum capta esset, pro decoro spolio capte vrbs appellationem prætulerunt, recepto vti que nouo tanquam nobiliore Cordubæ cognomento vetus familiæ nomen abdicantes. Quanquam familiæ Cordubæ ab vno præalto stipite in multos diffusa ramos, alia atque alia ad

aliâ ad discernendas cognationum propinquitates cognomenta, vel ab oppidorum possessione vel à matribus sæpissimè ducta recipiat. Cæterum Petrus Consalvi pater ab adolescentia Punicis exercitatus armis priusquam Granata oppugnaretur, quòd gravitate consilij, & militari fortitudine inter summos principes emineret, bellicæ laudis plenus nequaquam senex, apud Tolctum lateris morbo consumptus est, reliquitque ex vxore Eluira Erreria nobilissimæ sanguinis & formæ incomparabilis femina Alfonso & Consaluum filios adhuc impuberes, magnæ deînum fortunæ gloriæque multis in prælijs ostentatos. Vigebant enim in vrbe Corduba duæ factiones, & vtrique ex Corduba familia, quarum altera Capræ Comitis dicebatur, altera ab Aquilarijs nomen ducebat. Huius acerrimus dux & defensor Petrus extiterat, ita vt eo mortuo Aquilarij in contentionibus & prælijs nullum omnino alium ducem quàm fratres orbatos patre, vel adhuc impuberes mallent, eosque in aciem sæpe producerent, quòd nunquam his ducibus ab hoste vinci posse arbitrarentur. Granatensi autem bello quod ipsissimam planè adultis & tanquam inter ciuilia arma natis & educatis, prospera virtutis fama florentibus incidit, ab Antichera oppido Granatæ propinquo multa detrimenta Mauris intulerunt. Verùm Alfonso triennio maior Hispanica legefermè integram paternæ ditionis hæreditatem adeptus est, ita vt Consaluo res domi angusta, & ea tantum quæ in virtute fortunæque posita forent, speranda relinquerentur. Sic enim nobilis stirpis iuuentutē (cum in vnaquaq; familia naru ex liberis maximo, tota substantia paternæ facultatis obueniat) egestatis malo impelli ad nouas spes atq; ad bellicū laborē vnde præmia proueniāt, antiqui patres arbitrati sūt: quòd generosos adolescentes ab ignobili pinguiq; ocio, ad expectendū procul a delinjs verum militiæ decus excitari constet. Itaq; Consaluuus adhuc imberbis munificentia Alfonso fratris liberaliter instructus, ad Alfonso puerum Regem mittitur, deducente Didaco Chartamo honesto prudentiq; equite. Is præceptoris atque nutritij officio & munere, adolescentem, & ardentem ingenij captu, & toto firmisissimi corporis habitu, ad virile decus aspirantem elegantissimis moribus erudiebat. Commendarunt adolescentem Regi ex paternis amicis virili summe dignitatis atq; potestatis Alfonso Carillius Archiepiscopus Toleranus, et Ioannes Paccus magnus Compostellani ordinis equitum magister. Sed non multo post Alfonso in ipso regni limine morbo surreptus interiit. Nec multis in de mensibus coætaneo rege dominoque orbatum, Isabella ad se pari conditione Segobiam accersiu. Hæc erat Ioannis Castellæ Regis filia, pueri Alfonso atque Henrici regis soror & hæres, Aragonio Ferdinando nupta, quæ vterioris Hispaniæ regna dotali iure, citerioribus regnis adiunxit, quum generosi prudentisq; animi magnitudine, tum pudicitia & pietatis laude antiquis Heroidibus comparanda. In eius aula Consaluuus quum spectacula & equestres ludi, vel concurrentium iuuenum hastatorum, vel arundines more Mauriliaco iaculantium ederentur, vsque adeo supra æquales summiæ nobilitatis adolescentes sese exulit, vt acclamatione spectantis populi iuuentutis Princeps appellaretur. Superabat enim cunctos eximjs viribus, decora facie, proceritate corporis, & supra hæc admirabili facundia, quæ (quum ceteræ virtutes aspirant) animis ac ingenijs hominū impotentissimè dominatur. Ad hæc accesserat illa auræ popularis captatrix,



profusa & nusquam astuta liberalitas. Largitor enim animus nullum omnino modum sumptibus imponebat, quum nobilitate equorum, armorum ornatu, in omniq; genere principalis elegantiae, & perpetuo hospitalis mensae splendore, maximorum regulorum filios anteire contenderet. Erant ij sumptus nō modō supra eius censum, qui erat pertenuis, sed supra rationem humanae spei, quae nouum prouentum afferre posse videretur, adeo vt quum purpuream vestem Scythicarum sibilinarum pellibus suffultam, quae duobus aureorum milibus constiterat, nec solenni quidem festo die induisset, muslaret Charamus, Alfonso verō frater per literas seuerē quidem admoneret, sed fraternē simul hortaretur, vt insanis sumptibus indulgere desineret, ne ventente anno cum ignominia nominis, aemulorumq;uerisu ambobus esset decoquendum. Ad ea Consaluuus his fermē verbis rescripsit: Non eripies mihi perfectō Alfonso frater, quam Dñi dederunt animi magnitudinem hoc inani futurae egestatis timore iniecto: nam praedare compertum habeo, neque te amantissimo fratri vnquam ex substantia tua defuturum, neque Deum ipsum, qui haud dubia providencia ad honestum decus vadentibus semper adesse consuevit, a fide ex arcano syderū data desciturum. Ominabatur enim sibi iam opes ingentes, quib. totius beneficentiae & liberae vitae vota esset expleturus. Eo modo nobilissimorum atque insignium morum commendatione totius aulae specimen praeferentem, militiae quae auidum, exorto cum Lusitanis bello, Isabella ad Alfonso Cardonem misit. Is tum regijs in castris ad Tronillum positus erat imperator: impetrauit autem Consaluuus, vt fraternae aulae quae ex centum & viginti armatis equitibus constabat, Legatus iret: atque ita apud Cardonem primum militiae rudimentum posuit, vsque adeo prospero successu, vt quum ad Alboheram insigni p̃elio esset dimicatum, & victor Cardones aduocata condicione, gratias militibus ageret: vnum ante omnes Consaluū ex his qui fortissimē dimicassent, cum multo verborum honore laudaret, vt pote quem ipse in medio pugnae ardore armis cristisque conspicuum, acerrimē pugnantem conspexisset. Nec multo post quum Rex Ferdinandus Isabellaque vxor acerbē bellum aduersus Mauros suscepissent, summamq; vim, & longē maximum terrorem Granatę vrbi ex propinquo admouendum arbitrantur, expugnata iam Alhama, contra Taiaram castra posuerunt. Id erat magnae opportunitatis & validae munitionis oppidum, ita vt Consaluo id magnopere expetenti, aggrediendae expugnandaeque Taiarae munus imponerent. Nec dubitauit iuuenis impiger, quin muro succederet plurium scilicet ostiorum valuis pluteorum more ante se erectis, quod extruendae munitioni locus asper & frequentibus petris verrucosus glebam et cespitem denegaret. Hos autem pluteos multo subere, cuius materiae copiam hortorum aluearia suppeditabant, ita protexit, vt milites egregiē tecti, aduersus sagittas telaq; omnis generis in oppugnatione versarentur: ipse verō Consaluuus ante omnes pericula intrepide subiret, acceq; certamē omnibus in locis nusquam fatigatus instauraret, adeo vt Mauri nouitate pluteorum, & virtute confidentiaque Consalui magnopere territi, colloquium peterent, interuincioq; Consaluo deditione paciscerentur. Taiara eo modo in potestate redacta, quū Consaluuus acerrimi militis laudē tulisset, industriae quoq; & felicitis eloquentiae in trahendo in condiciones suas Barbarorum duce, nomen adeptus est: atque inde castra ad Hiloram sunt traducta.

Id est

Id est oppidum egregie munitionis Granatæ intra centum stadia propinquū, ideoque Mauris ad conuersiones commearus valde opportunum, quoniam eo tanquam statione speculaque tutissima ad quotidianas expeditiones vterentur. Rex qui ad Tasiaram Consalui promptitudinem & nouæ subitarięque munitionis industriam vehementer fuerat admiratus, vni ei expugnandæ Hiloræ negotium imposuit, tantaque vi tormentis mœnia qualata sunt, vt murus nonnullis in locis sterneretur, Maurique varijs fessis prælijs, & magna ex parte à Sclopetarijs vulnerati animos desponderent, & Halatar præsidij præfectus saluti consulendum rarus, Consaluum ad colloquium euocarer, atque eo totius pactionis arbitro fidenter vteretur: itaq; non abnuente rege his quas Consalvus dixit legis oppidū magno postea incommodo Mauris futurum, in potestatem est redactum. Id vero Ferdinandus excellenti iudicio possidendum defendendumque virtutis causa Consaluo attribuit, ei que tum primum alæ centum viginti equitum præfectura, vtianrea Alfonso fratri obtigerat, ad insignis meriti nomen data est. Regina porro studiosissime Consaluo fauente, vtis optimè instructus ad gerendum acre bellum magis accenderetur, magnam telorum & tormentorum communearusque omnis generis copiam, et delectos subinde pedites & equites præsidij causa impetrauit, idque assignata pecunia ex certo vectigali, vt militibus ad certam diem stipendia præberentur. Ab hac Hilora auspicatus haud dubiè Magni cognomentum, vt magnopere cupiebat in domiti corporis, atque ingentis animi vim ad celebritatem nominis ostendit, quod ante omnes hosti proximus quotidianis prælijs exerceretur, & in oculis Granatensium circumiecta oppida perpetuis detrimentis afficeret, vsque adeo vt cum Alarcone Mucini oppidi præfecto consociatis præsidijs, ad Granatæ portam vsque, quam Biharaubim vocat, deferretur, disiectis quem molis frumentarijs, atque earum custodiibus inibi truncatis, ipsas portæ valuas incenderet, Rege ipso ad id facinus excito, & ciuitate ad tumultum metu consternata, quod non casu aut militari audacia, sed dolo & relictis perfidiosè prodentium insidijs, Consaluum tantam rem aggredi ausum fuisse suspiciarentur. Eo enim tempore dissentientes inter se duo Reges Granatæ regnabant. Nam Bulahacæ Rege mortuo, Baudelès eius frater regium nomen dimidia parte regni ad suistudium auctoritatemque traducta, haud cunctanter vsurparat. Erat enim re Alzagal, sicut & nomine, quæ vox Punice audacia & ex pediri hominis vim exprimit. Alter autem erat eodem nomine Bulahacis filius patre viuo à possessiæ vrbis ditione, rex Gaudix appellatus. Hunc Hispani Ciquitum, hoc est paruulum, quod ætate staturaque patruo minor esset, appellabant. Is Albaizina arce se tenebat: ille autè Alambra potiebatur. Vrbs enim Granata quæ ex antiquè Illiberis ruina creuit, mali Punici ex maturitate petru pro cortice sese aperientis formâ refert. Nam duæ aduerso exurgunt Regiæ appositæ in collibus aliquanto maiore amœnitatis quàm munitionis studio à delicatis Regibus edificatæ. Odoratis enim Citriorum arborū viridarijs, & petrenium fontium scaturigine, vermiculatisque passim pauimentis admirabiles existimantur: ita vt imagine quadâ sicuti in naui hæc vrbs proram, illa verò puppim obtinere videantur. Mediâ nanq; vallis domorū frequentia celebris vrbe differtminat. Porro populus regionatum in cōtraria studia cōtentionis primo

de iure imperij peracerbas, mox & armâ atque intestinum bellum attulerat, ea consuetudine vt regionum compita ad prohibendos incurfus magnis trahibus atque repagulis obserata, armatorum statione firmarentur. Auari namque seditiosi que homines, & supra quam credibile sit natura suspicaces, atque ideo fluxa fide, regum discordias dum enixe alerent, opimæ prædæ loco habebant, ita vt vtrumque propter Regni æmulatione ab æquo & bono desciscientes ac deprauatos, atque ob id suorum quisque perfidiam timentes, ad cædes atque rapinas incitarent. Quibus de rebus tumultuosa ciuitate, diducta que in factiones, inferior opibus rex iuuenis egrè dominatum retinebat, præualente seniore, qui maiore astu constantia que regere ac temperare suorum animos solitus, eo cunctis artibus ferebatur, vt vnus tantum in Bethica rex foret, qui par exter nobello rem Punicam ab Hispanorum iniuria defendere tutari que regni caput, & Bethicæ fines integris viribus posset. Augebant quoque metum apud iuuenē Regem importuni auarique milites, qui stipendia labefactatis vectigalibus agrè prouenientia, flagitiosis vocibus postulabant: atque ideo non obscuro minarum genere ad Alzagalem studiosum multitudinis liberalem que, vt ad legitimum Regem se transituros discitabant, adeo vt indignatus contumeliam, et perfidiam timens, accersendos in auxilium Hispanos potius quam patruo parendum esse decerneret. Huius iracundiæ consternationis que regis à speculatoribus & captiuis certior factus Consalvus peridoneos homines Regem perpulit, vt ipse acceptis obsidibus in urbem accerteretur, contra que inimicum Regem & patrum Hispanorum auxilijs vteretur. Atque ita rebus occultè compositis, quum fratres obsides Rex dedisset, Consalvus cum Martino Alarcone sibi amicissimo atque fortissimo viro (hic enim asperis in rebus fidus ei atque acer adiutor extiterat) Granatam intrauit, valida scilicet sagittariorum et sclopettariorum manu duarum alarum equitibus adiuncta, qua inter angustas regiones & inæquales urbis anfractibus barbari ex occulto peterentur, attulitque secum pecuniam quam stipendij nomine Mauris militibus diuideret, & supra eam sericæ quoque & laneæ vestis opportuna dona, aulæ principibus Regis monitu largienda, vt scilicet dubios & nutantes in fide contineret. His fretus auxilijs Rex iuuenis commissa sepe pugna in medijs plateis & regionibus magna Alzagali patruo detrimenta intulit, oppressitque omni ex parte factionis suæ tumultus. Nam ex liberalitate Consalvi Hispanorumque societate populus in vniuersum ex morore diuturno se in lætitiā repente conuerterat, tanquam externo bello subleuatus erectusque ad non dubiam spem summæ commoditatis & lucri, quod ex eo Consalvi fœdere per multa emolumenta mercatoribus obuenerent: quoniam Mauri qui in partibus iuuenis Regis essent, vendendis & coemendis vndique mercimonijs tutissima facultas daretur, vsque adeo stabili Hispanorum fide, vt inuiolati benigneque apud Hilorā, & passim cæteris in oppidis receptis ad Cordubam & Hispalim vsque penetrarent: quum in vnos tantum Alzagalis imperio subiectos Christianorum sacra arma verterentur. Dum hæc Granatæ agitar et Consalvus in id omnem ingenij curam intendit, vt Alzagalem extra urbem eliceret, prouectumque longius ab urbe, interclusumque opprimeret. Erat in proximo Alhēdinum magnæ opportunitatis castellum quod Alzagalis præsidio tenebatur, vt hoc oppugnatum irent, proximios præsidiorum præfectos

Consalvus

Consalvus admonuit, diemque constituit gerendæ rei scilicet, ut Rex Maurus laborantibus suis opem ferre, in aciemque prodire cogeretur. Verum fortuna cepti consilij successum ita direxit, ut quum ex conditio Alfonso Pennauela à Loxa oppido, & Sancius Lopes ab Alhama ad Alhendinum cuncta vastantes excurrissent, id Alzagal ex fuga suorum cognosceret, ne in oculis luctuosa calamitas acciperetur, contineri nequiverit, quin auxilium suis laturus erumperet. Iamque in suburbanum Almoraug (ut aiunt) campum peruenerat, quum principes Sacerdotum, quos Alphaches appellat, & apud Reges precipuo in honore sunt: quod vaticinandi disciplinâ callere existimatur, ab Alzagale nec itet intenderet graui obrestatione ac precibus impetrarunt, scilicet ne ab interno hoste interclusus vrbe, ab Hispanis egeretur. Nec eius rei oborta suspicio ex sacro monitu inanis videri potuit. Nam suppressa statim profectione, quum Consalvus & Alarcon propere sub signis erupissent, nec Alzagal ultra Almorauâ procederet, tumultuaria pugna conferta est, tanto ardore incumbentibus Hispanis, ut Alzagal perturbato agmine multis ex familiaribus amicorumque intimis in eo tumultu desideratis intra portam sit compellus, summo quidem timore concepto, quod prædicentibus Alphachis, breue campis pacium ad receptum nactus summi periculi casum euasisset. Nec multo post Consalvus, Alarcone ad Modinum remisso Hilorum regressus, nihil vnquam consilij vel laboris intermisit, quo Mauris hostibus quammaximè noceret, ante omnia cum Barbaris variusque factionis, qui vel Granatæ vel in castellorum præsidij essent, sepe donis exornatos sine precio dimittendo. Ante alios autem exquisitis artibus aggressus Halataram, qui antea Hiloræ præfectus fuerat, & cum præsidio oppidum nomine Mundaiar tenebat, egit, ut id castellum sibi traderetur. Quo recepto Hispanoque milite firmato, magnus Granatenlibus terror illatus est. Quod Mundaiar Alhendini præsidio vicinum frequentes contentiones & grauia incommoda urgente Consaluo afferre posse videretur. Eo periculo adductus Mamphot vir egregie bello fortis, qui Alhendino præerat, Nihilam (hæc paucis stadiis abest a Mundaiar) cum parte copiarum contendit, ut Hispanorum eruptiones ex opportuno loco intercisis itineribus expedita manu cohiberet. Sed celeritate Consalui euenit, ut ab eo Mamphot priusquam se communiret, imparatus opprimeretur, & viuus in eius potestate perueniret. Is non multis post diebus quum Hiloræ humanissime custodiretur, vti nimis cupidus libertatis ad eam conditionem deuenit, ut Alhendinum sine precio dimissus traderet, eo quidē minore cum pudore quam Halatar, quod pro libertate id facinus patrasse videretur. Horum quoque exemplum secutus Abemelech, quod dere Punica dissidentibus regibus desperabat, breuique affuturum, id prædicente Consaluo, cum ingentibus copijs Ferdinandum regem arbitrabatur, saluis rebus Mahalam suæ fidei commissam tradidit. Quo nuncio tantus Granatæ cum luctu metrorum exortus est, ut intercurrentibus atque obrestantibus Alphachis, ambo reges rei publicæ causa, & religionis studio inter se positos ad tempus odijs, certo sordere iungerentur, & iunior Baudeles oblitus fratrum oblidum ad oppugnandū Alhendinum priusquam Hispanorum munitiones perfici possent, ire pergeret, expugnatoque præsidio, summa id celeritate reciperet: continuo etiam Mahalam ubi Consalvus constiterat oblecturus, pro certo existimans eo oppresso captoque oblidem fratres

qui penes Alarcónem in arce Porcunna erāt, facili recepturū. Sed Baudelem ab eo itinere repentinus nuncius auertit, afferens Hispanos ad Salobrennā obfessos: & quoniam eis aqua deficeret, ex siti de oppidi defensione desperantes, si ipse aduēteret nullam deditioni moram allaturos. Verum Baudelē obfessis supplicia comminante, & Hispanos extrema pati potius quā dedecus admittere paratis, quum frustra tempus tereretur, Tendilius atq; Cifonsius cum valido equitatu, multisque cohortibus superueniunt, subsequente eos ex propinquo quum reliquis copijs ipso Ferdinando: quorum aduentu cognito perfectoque Baudelēs inuitatis tramitibus per Serram quam Niuosā vocant, ad Granaram se proripuit, tanta perturbatione, vt amissis impedimentis multi non ignobiles ex postremo eius agmine cederentur. Hæc molientem Baudelē, & magna vi cuncta aspera tentantem, fortuna ingrati perfidiosi que hominis vltix, in insidias præcipitauit. Ad Lucennam enim quum excurrisset commissio tumultuario certamine fusus captusque est a Didaco Corduba Capræ comite gentili, & Consalut consanguineo. Is fuit paternus auus Ludouici Cordubæ, ipsius Consalut generi, qui Romæ legatione functus interijt, Baudelēs quum se præfectum non Regem esse mentiretur, a Mauro equite captiuo, qui ad eius pedes obseculabūsus, cum vultu se prouolu erat, proditus est; atque ita cum Comes ad Regem Ferdinandum deduxit, promeruitque ad insignem pulcherrimi facti memoriam, vt in gentilijs insignibus imago cathenati Regis, & vexilla barbarica ad XIII, quæ ex prælio relata fuerant, perpetuo deferrentur. Nec multis post diebus Montem Frigidum Castellum oppugnante Rege, Consalutis muralis coronæ decus promeruit: nam quum frustra redintegratis aliquot prælijs fessi milites languidius murum subirent, vulneratorumque & cadentium ex alto exanimata corpora ad pedes iacerent, ipse intrepidus alios ad promerendam laudem accendens, scalam muro appolitā conscendit securo pedestri oblongo in terga reiecto, & murali galea caput munitus, quo deiecta saxa & tela contemneret, comprehensaque muri pinna & confosso propugnatore per coronam deiectis Mauris deferretur. Sed hæc ferè innumera, & prorsus strenuis imitanda, quæ Bethico bello ab ipso vel milite, vel vnus tantum alæ equitum præfecto gesta sunt, tanquam celebrata Hispanorum annalibus omiserim, vel ob id quod alienis auspicijs eagesit, quando Rex ipse Ferdinandus præfens, & vxore quidem castrensiū laborum virilis animi comite, id bellum administraret, aut quum ipse abesset, Inicus ante alios Mendocius Tendiliæ comes vir grauiissimus in castris cum imperio relinqueretur. Ab hoc duce omnibus cum ciuilibus tum bellicæ laudis numeris absoluto, non minus quā ab ipso antea Alfonso Cadene primo solertissimoque Magistro exactæ militiæ documenta, præceptaque, quibus postea suo cognomine Magnus euasit, accepisse fatebatur, vsque adeo gratè studiosèq; vt eum non secus ac parentem singulari cum veneratione percoleret. Cæterum Consalutis qui ab initio belli (vt incensum spe laudis decebat) aduersus omnes diuturni laboris asperitates in domitis nunquam castris abscesserat, quum ad finem laborum esset peruentum, perfecti belli supremum decus tulit. Quando vni ei insperato ardentis Fortune munere contigit, vt paratæ sed ægrè obuienti victoriæ limen aperiret. Proculerat Rex Ferdinandus castra in conspectum Granatæ vrbs, eaq; adeo egregiè et sumptuose muro circumducto muniatur,

vt in

ut in nouæ vrbis formant cum summo hostium terrore confurgerent, eorumque ambitus religioso sanctæ fidei Ciuitatis nomine vocarentur. Constat enim Mauris nulla alia iam re quàm insana animorum obstinatione sese sustentibus nunquam inde abscellurum Regem, nisi patrato ultimo belli opere, decem annorum labores deletæ Granatæ ruinis expiaret. Cuncta enim iam Mauri antiquæ ditionis oppida & vrbes, vi Hispanorum deiectis trucidatisque præsidij amiserant: ita ut exigua tantum suburbani agri parte, eaque quotidianis incursionibus euastata, varijs præduræ obsidionis circumuenti malis potirentur. Non refederant odia inter Reges Mauros, apparebatque Baudelæ iunioris nequaquam ex animo, sed pudore religionis & optimarum obestationibus ab Hispanorum amicitia discessisse, consensisseque cum patruo nequaquam sincera fide, quum vtrinque noua occasio ad struendas insidias, & ad facinus maturandæ mutæ necis, non obscure expectaretur. Dum eo modo ciuitas diuisa in veteres factiones firmi consilij expers, & multarum rerum inops, tanquam in diuerso æstu extremis periculi fluctibus factaretur, Baudelæ iuuenis merita supplicia timens, neque sibi iterum clementiæ locum apud Regem futurum existimans, oblata deditione Ferdinandi animum, an eo munere promereri veniam posset, experiri constituit: meminerat enim se paucis antè annis, quum ad Lucennam à Regulis Cordubæ familiæ prelo superatus & captus fuisset, insigni cum laude Regiæ clementiæ, & liberalitatis à Ferdinando dimissum, in tutelamque aduersus patrum receptum, scilicet vè demum ingrato animo acceptæ salutis & libertatis obliuisceretur, rursusque cum patruo communi hoste in amicitiam rediret. Hæc quum essent in Rege anxio nocturnæ diurnæque cogitationes, neminem qui fidelius tantæ rei consilium explicaret, Consaluo potior rem ratus, ad eum ex fidissimis Mauris hominem idoneum misit, qui magnis precibus oraret, ut sub fide secreto urbem intrare, et secum de grauissimè negotij deliberatione colloqui vellet, fore vè eius officij benignè præstiti eum nunquam poeniteret, magnamque ex eo sermone voluptatem animi referret. Consalvus totum id, quæ de re colloquium futurum diuinabat, ad Regem defert. Is magnæ spei occasionem probat, sed ut sibi cauere velit prolixè admonet, neu se fidei Punicæ temerè committat. Tum verò Consalvus, ne dubites, magnanime Rex, inquit, timor enim in hoste summus in trepidum me facit, & hercè salus mea Deo magno pro quo pugnamus cordi esse debet, & mirifica virtus tua, et hæc ipsa castra quorum fremitum Barbari trepidantes in vrbe exaudiunt, honesta & decora ausum proculdubio defendēt. Nec mora, Consalvus remisso nuncio ad constitutam intempestæ noctis horam, ut aduentus eius tegeretur, in urbem est receptus, amplissima componendæ pacis mandata Baudelæ afferens: quorum summa erat, ut si Granatæ vrbe excedere, eamque bona fide tradere, quàm supremi periculi casum experiri mallet, fore ut Ferdinandus & fractæ fidei, & totius præteritæ immanitatis ac pertinaciæ veniam condonaret, eumque beneficiario iure ad Almeriam in Bethica regnare suis legibus pateretur: itemque res incolumes Mauris suas præstaret nec qui in Bethica remanere, quàm in Africam transmigrare malent, sacra sua deferre cogerentur. Si qui porro Mahometicam sectam vltro conuersis animis exuerent, & Christiano baptismo lauarentur, ea vitæ conditione in tutelâ clementissimi atque optimi Regis futurus, ut nusquam liberius

aut beatius securā vitam possent traducere. Hæc tanta facundia Consalvus explicabat, ut vel fortissimis terrorem incuteret, quum acerbissimæ cladis discrimen oblatæ pacis abnuentibus conditionem imminere prædicaret, testaretur, quæ iurasse Hispanos milites uti exacerbatos longo militiæ labore, & non du-  
 hia spe opulentissimæ prædæ excitatos, nisi Granata capta excisquæ nunquam ad vxores & liberos esseredituros. In has supremæ factionis leges proclina-  
 tum Baudelis animum vna ea ne statim iureiurando confirmaret cura retine-  
 bat, ne patrum immani flagitio præterire, hostibusque tradere videretur. Etenim generosus pudor vel in aduersa Fortuna Regis pectoribus insidet, ut omnem periculi timorem plerumque dedecoris metus exuperet. Quamobrem Consalvus minimè cunctandum ratus, ut continuo transigeretur, Baudelē tanquam aqua pro se nec indecora Ferdinando postulantem, eo animo esse iussit, ut cuncta quæ ad salutē dignitatēque patrii regis eiusque factionis Maurorum omnium commoda pertinerent, ex Ferdinandi liberalitate expectanda existimaret: Nec promisso fides defuit. Redeunte enim Consaluo ex sententia Baudelis solennes concepti fœderis tabulæ subscribente rege, impressæque ad ceram regia gemma consecræ sunt. Sed Alzagal natura ingenioque serus & peruicax, integro conditionis beneficio uti noluit, ac priusquam Baudelēs ad Almeriam non diu regnaturus Granatæ excederet, impetratis nauigijs in Africam transfretauit apertè abominatus leuitatem atque perfidiam Baudelis tanquam Regiæ stirpi & Punico nomini pestilentem, quum quando ipse ab eo nefariè proditus esset, antiquæ eius existimationis iacturā, vel tota Regni possessione pluris existimandam apud Mauros prædicaret. Per hunc modum Ferdinandus honestissima vitæ conditione cunctis Granatæ ciuibus, qui seruandæ fidei sacramentum dicerent per præcones atque interpretes benignè proposita, acclamante populo ut diu felix esset, urbem triumphans intrauit quarto nonas Ianuarias, anni à partu Virginis Nonagesimi secundum supra mille & quadringentos, quum septingenti sèrmè anni essent, ex quo Miramolinus Maurorum, qui ad Atlantem mœtem vergunt, bellicosissimus princeps, Hispaniæ sèrè omnis domitor, id regnum in Bæthica condiderat. Non caruit ea victoria memorabili ostento: nam non multo ante quàm Granata dederetur, ex nocturni luminis candelabro flamma emicans, & ventilata auræ flatibus, vela sensim lambens, Regiæ tabernaculum ita corripuit, ut regia magni ambitus tentoria, priusquam allatis hydrys succurri posset, incenderentur, concrematoque toto penitus lectorum instrumento, Regina sèrè nuda in apertum se proriperet, nec ei quicquam ex muliebri secretiore cultu, lintæ suppellectilis quo se contegeret omnino relinqueretur: Rege quidem exterrito, sed mox extra metum posito, paratæ victoriæ ex elucente flamma omen accipiente. Tum Consalvus parandæ ab Regina gratiæ occasionem agnoscens, Mauricam vxorem in proximo Hiloræ castello confidentem admonuit, ut Regina toto tunicarum & lodicum necessario ornatu exuta, quicquid ipse haberet ex mundo maritali, & domestico multarum ancillarum acupingentium labore, lintæ vestis copiam largiretur. Non defuere in opulenta domo apud generosam forminam (si dici fas est) ipso coniuge liberalissimo splendidiorē, quæ supra spem Consalui votumque Regiæ inmensæ atque expeditæ liberalitatis munus implerent. Dono enim celeritè oportu neque transmissa



transmissa sunt tot & tanta muliebris usus ornamenta, ut regie opulentie æquari posse censerentur. In his erant præciosi operis textilibusque materię conopæa reticulatis commissuris insutoque passim auro & purpura vndiq; limbos depingente, nuptialibus Regum thoris dignissima. Sed interularum tunicarum & iodicum sudariorumque omnis generis scitissimè ac pictorum operosas amœnitates vsque adeo Regina lætis oculis mirata est, ut quum sumptu subtilissimæ preciosæque artis inæstimabile iudicaret, vnâ maximè diligentie & celeritatis admiratione teneretur, ut ea dona tanquam in eum incendij casum multis antè annis opportunè prouisa atque elaborata crederentur. Superueniente autem Consaluo Regina cum eo his erga eum verbis blandè iocata est, repentinum eius incendij casum sibi magno commodo celsisse, quod ab in censo tentorio suo importunus ignis in ipsius Consalui domum rapaci violentia peruasisset. Ea liberalitas inexpectato munere Reginæ animum ita obstrinxit, ut ea omnibus sermonibus vnum Consaluum virtutis atque elegantie nomine cunctis præferre effulseque laudare non dubitaret, vsque adeo ut nonnulli Consaluum à Regina tenerius adamari crederent, quanquàm ea esset certissimæ atque impenetrabilis pudicitie, & ipse Consalvus iocos omnes insigni veracundia terminaret. Ceterum Ferdināus rebus Granatæ compositis, vrbeque cum Alambra arce Indici Mendocij Tendilij prudentie fideiq; commissa, Consaluum felicis industrie merito, amplissima domo, & certo reditu, qui ex ferelic bombis vestigalib. exigitur liberalissimè donauit. Post Bæthicum autè bellum Consalvus modica quiete curando corpori apud Hilorā desumpta, Regē mediterraneas Hispaniæ vrbes adeuntem vxore comite secutus est. tanta autè præcellentium morum temperie in aula illustris atque omnibus gratus versabatur, ut quanquam plerique Hispaniæ Reguli eum cum ætatis honore atque opibus, tum speciosis rerum gestarum titulis anteire viderent, ipse tamén recentis spectatæ virtutis gloriā conspicuus, & regis, & Isabellæ in primis Reginæ gratia polletet. Erat enim exquisitis aulicæ vitæ artibus abundè instructus, grauibuscque pariter ac iocundis moribus militares virtutes respererat: ita ut cum in tranquilla pacē molliora idcandi tempora inciderent, vel in medijs sceminarum coronis omnes eius sermonis vrbanitate ducerentur. Deduxerat Isabella regina ad proximum Cantabrię portum Ioannam filiam, huius qui modò rerum imperio potitur Caroli Cæsaris matrem, ut inde ad Philippum maritum in Belgicam oram nauibus adueheretur. Ea cum materna charitate ab adamatæ filiæ complexu diuelli non posset, vnaque ad classem lembo transueta esset, in regressu intumuit Oceanus, adeo ut lembus adigi in terram commodè non posset. Postulabantur a nautis totoque litore subsidia ad excipendam Reginam parabantur: cum Consalvus eam ignobilium ministrorum manibus atrectari indignum ratus, ut erat in sago purpura auroque contexto, in mare pectore tenus se haud cunctanter immisit, complexusque Reginam atque in humerum attollens in litus acclamantibus cunctis eam reportauit. Quo inexpectato officij genere tam opportunè quàm alacriter Reginæ animum elegantibus obsequijs gaudetē mirificè delectauit, adeo ut illa virili ingenio grauisimorum consiliorum munia capeffens, & cum rege coniuge æquo imperans, vtrum ante alios Consaluum ad omnia fortiter ac splendide peragenda diuino munere natum prædicaret, & Rex æque grauis, ac pru-

dens animo gratissimo vel in maximarum rerum deliberatione Regina plectrunque obsequeretur, ut qui ab ea ulterioris Hispaniae regnum acceperat. Ita euenit, ut cum parua classis, in Siciliamque dux bello impiger mittendus foret, ipse Consalvus tot indyctis Hispaniae proceribus commendante Regina praeferreretur: eo enim tempore Carolus Galliae rex VIII euocante Ludouico Sfortia, qui Mediolanense imperium oppresso fratris filio occuparat, totam Italiae longitudinem inuictis armis percurrens in Alfonso regem ferebatur: qua ingentis cursus felicitate perterriti Italiae principes, utpote qui formidolosa arma victoris immodicique iuuenis magnopere suspectarent, animos conuertebant, sedusque inter se pro communi salute perculserant, auctore Alexandro Pontifice. Is subito Gallorum aduentu occupata vrbe Roma, in arcem confugiens, iniquasque amicitiae leges accipere coactus, Caesarem filium cardinale oblidem dederat, ut praesenti periculo sese explicaret. Itaque Carolus incredibili celeritate Latina via progressus cuncta sibi armis aperuit, Aragonis Regibus Neapoli depulsis arceque expugnata, cuncta sine vulnere usque ad Siciliae fretum in potestatem redegit, ita ut Messanam quoque traiecturus esse crederetur, quod eius insulae imperium antiquo hereditatis iure ad Galliae reges spectaret. Quibus de causis Ferdinandus Hispaniae rex Siciliam firmo praesidio praemunendam ratus, vnum ante alios Consaluum ut inter maiores ipsos Regulos appetendi eius honoris aemulationem praecideret, classi copijsque praefecit, edicens ut Carthagine noua primis tempestatibus oram solueret. Nam tamen Ferdinandus paulo ante Perpennianum urbem in montibus Pyrenaeis a Gallo rege benignè concedente acceperat, ea conditione ut Aragonis Neapolitanis Regibus nullam terra maris opem ferret, percussus tamen cum publico, tum suo maxime periculo ad id sedus accesserat, quod Pontifex & Maximilianus Caesar Venetusque Senatus, & Ludouicus Sfortia libertatem Italiae defensorum perculserant. Itaque per Antonium Foscum legatum Carolo regi denunciarat, se amicitia incolumi non passurum vni Pontifex sacrorum princeps vlla iniuria laederetur. Alfonso quoque qui attonito similis regnum Ferdinando filio relinquens in Siciliam nauigarat, ubi didicit commutatas esse principum voluntates, atque arma parari aduersus Gallos, postulabat opem a Ferdinando rege, monebatque sedulo ut Siciliae rebus cauere, quod ab insula Gallis victoribus repetenda Siciliae cupiditate Carolus obscurante Fortuna incitatus, cursum non esset remissurus, donec tota Sicilia potiretur. Opportune itaque Consalvus cum quinque milibus peditum, & sexcentis equitibus Hispanico more armatis, Messanam applicuit, sub id ferme tempus quo Carolus praesidijs per singulas Regni praefecturas distributis cum lectissima parte exercitus in Neapoli Romam profectus, fugiente Pontifice, in Galliam iter intendit. In eorum commutatione rex Ferdinandus pari desperatione Alfonso patrem subsecutus, ab Aenaria in Siciliam traiecerat: substiteratque Messanæ, & cum Federico patruo amicisque ducibus regiae calamitatis Fortunam secutus, de renouando bello repetendaque Neapoli consultabat: veneratque eo Mazara rex Alfonso, ut fratrem filiumque & vnum maxime Consaluum inuideret, et si quando abdicato Regio cultu circumtonsi sacerdotis speciei preferens, humanis curis et voluptatibus renuicasse videbatur, filium tamē & militari consilio, & quanta sibi ex ea extremi casus acerbitate supererat pecunia iuuat,

nia luit. Nec mora conscriptæ sunt aliquot cohortes, nauante in id operam Vgone Cardonio Siculo cuius erat eximia authoritas apud Siculos, et insigne studium erga Regem: & eo quidem præclarius, quod sortem Alfonso Daua lo inter regios duces gratia virtuteque præcipuo collocarat. Itaque explicatis consilijs, & multo comœatu repleta classe, cohortibusque miro ordine in naues distributis, Consalus cohortante, omnesque moras præcidente, è Messanæ portu Rhegium focundo freti æstu traſciunt. Nec dubitauere Rhegini territis Gallis in conspectu tantæ classis, quin arma caperent, & exoptatum regē singulari alacritate reciperent: Galli firmè omnes in arcem cōfugerunt. Hanc Consalus oppugnare adortus, cum prolatis tormentis vndiq; vim inferret, eo Gallos adegit, vt inducias peterent, per quas de deditione tranquillius ageretur. Sed astutē & dissimulanter id petebant, vt eo temporis spacio interiorē munitionem exuerent, & socij qui in proximis Brutiarum vrbium præsidjs erant, de suo periculo admonerentur. Sed Consalus intellecto dolo quum inducias fustulisset, eo magis quod Galli contra edictum paulo antè quosdam Hispanos incautè obuersatos ante arcem minorum tormentorum glandibus, et quidem lethali ter vulnerassent, totum expugnandæ arcis apparatus protulit, accensisq; militibus spe prædæ, atque his magno animorum ardore irruentibus arce est potius, multis Gallorum cælis, reliquis ad vnum qui in tutiorem arcis angulum refugerant, concessa vita in deditionem acceptis. Recepro Rhegio, & Gallis se in munitione oppida recipientibus, Bruti magna ex parte ad Aragoniam fidem redierunt. Iude rex profectus ad Sanctæ Agatæ oppidum posuit castra. Nec oppidani conspecto rege portas aperire cunctati sunt. Galli per eos dies qui vt in nullo metu vicatim in æstiuis agebant, ad improuisi hostis famam aduentumque opinione celeriore, ad signa Obegninī prouinciarū præfecti varijs itineribus dissipatoque agmine coibant Brutiorum prædæ expositi: nam agrestes aruitati notos saltus angustiasque viarum insederant, & Hispanorum aliquot turmas Consalus speculandi causâ prædatū emiserat, à quibus ala Gallorum, quæ Semenariam se recipiebat in caua valle circumuenta interceptaque est, Brutijs infesto clamore edito maiorem periculo metum Gallorum ita augentibus, vt planè sine vulnere ad vnum omnes caperentur. Ab eo successu Consalus cum vniuerso equitatu, Rege cum pedestribus copijs subsequente ad Semenariæ portam prouectus, oppidanos monuit vt Ferdinandum summæ humanitatis atq; virtutis regem, quem & antea regnante patre benignum liberalēque dominum experti essent, Gallis externis ferisq; hominibus anteferre vellent: ipsum adesse instructo exercitu ea spe, vt existimaret Semenarienses nequaquam veteris studij erga Aragonium nomen oblitos, continuo adaperitis portis ad fidem redituros. Iam enim appropinquantis exercitus tympana exaudiri, & vexilla conspici cœperant, & à Consaluo Galli equites ostentabantur, qui in supplementum præsidij quod erat infirmum euntis ex itinere oppressi fuerant. Quibus de rebus Semenarienses, quod auerso animo paucos Gallos facile contemnerent, & Aragonia factio clamore edito præualcret, emissis per aduersam portam Gallis Regem exceperunt. Cogebat tum vndique copias ad Terram nouam quam Terinam antiquam urbem fuisse quibusdam videtur, Eberardus Stuardus cognomēto Obegninus, natione Scotus, Is vir egregie fortis & impiger à Carolo Rege

Brutijs præfectus, cognita Rheginorum defectione, Persium Alegriz fratrem cum Heluetijs cohortibus, & valido equitatu à Lucania acciuerat, deductisque ex proxima regione præsidijs, exercitum robore quàm numero firmiorem effecerat: quibus adactus copijs nullam profectioni moram attulit, et priusquam hostes de Persius aduentu certiorem fierent, ad Semenariam profectus est: eo consilio, ut cum Ferdinando quamprimum confligeret, vel si ille Semenariæ moribus teneretur, neque apertò campo se committere vel dimicare auderet veluti victor expressa hostibus ignauia reuenteretur. quò ad populos in officio continendos plurimum conducere iudicabat, præsertim quum ex Campania Apuliaque & Pelignis conuentura ad se auxilia intra paucos dies existimaret. At Ferdinandus qui nondum quidem de Persius aduentu cognouerat, sed tantum de Obegnini copijs (ex pertenuis erant) à speculatoribus certior erat factus, oppido copias educere, & aduentanti hosti obuiam ire non dubitauit. Quoniam quicquid nouæ existimationis & gratia audendo, & Fortunam egregia virtute experiendo paulo antè collegisset, vna scdæ obsidionis & conclusionis infamia, conceptique timoris dedecore, si oppido se contineret, amissurus esse videbatur. Consalius cuius animo ea vis exactæ prudentiæ inerat, qua postea cæteros ferè omnes nostræ ætatis duces superauit, monere iuuenem recuperandi regni pariter & parandæ laudis audium cœpit, atque obtestari, ne prius oppido exiret, quàm certius de hostium consilio ac viribus cognosceret: ea satis decora esse consilia, quæ dubijs rebus securitatem promitterent: illa verò longè turpissima atque miserrima, quæ à temeritate, dum inanem animi vigorem ostentamus, omnes summæ rei conceptæque demum victoriæ rationes conturbare consueuissent. Ergo inquit Ferdinandus eadem qua regnum amisimus ignauia, nobis erit recuperandum? nec quàm sedendo abstinendoque à prælijs in Aemilia & Campania aduersam sensimus Fortunam, eam nunc in tam prosperis cœptis agendo audendoque experiemur: quasi initia bellorum maximum in reliquos successus momentum non habeant, & quæ audacter cœperis, nisi ea perficere fortiter pergas, scdum atque infelicem exitum non fortiantur? Aderit audentibus Fortuna, Consalve, quæ hæcenus pro Gallis stetit, quum iam cœptis arrideat nostris, nec quos vltro ad victoriam vocat, vnquam deferet, nisi ipsam ignobilicunctatione deferamus. Videamus aliquando Gallorum ora, quos sola, et ea quidem inanis fama terribiles fecit, & strenuè nostras atque alienas vires collato pede experiamur. Pediatu et equitatu hominumque studijs, ipso denique fortunæ fauore superiores sumus, neque de vestra virtute erit dubitandum. Quis enim vestrum fuerit qui si singulari certamine erit depugnandum, suum sibi Gallum vel Germanum hostem alacer non deposcat, atque egregiè non obruncet? Ego certè quem primum in acie armis insignem conspexero, primus eum ante alios intenta hasta princeps inuadam, fortique ausu exemplum vobis præbebo, ut eodem ardore irrupentes celerem de temulento hoste victoriam paribus animis referatis. Erant in consilio plerique viri illustres, qui postea ad summam rei bellicæ laudem peruenierunt. Andreas è nobili Capuana familia Altauilla, Vgo Cardonius, Theodorus Triuultius: præterea ex Hispanis Emanuel Benauidius, Petrus Pacæus, Alberadus & Pennalosa, qui quum prælio decertare magnoperè cuperent, Consaluum orabant, ut militum virtuti disfidere nollet,

nollet, strenuamque se operam nauaturos pollicendo, Ferdinandum ut signa portis effertur iuberet hortabantur. Semenaria edito loco posita est, pertinentque perpetui colles ab eo oppido ad modicam vallem, quæ humili vado flumē emittit. ab ea patentes campi initium habent, in quos Galli à Terranova procefferant. Ferdinandus per colles agmen duxit, & confectis tribus passuum millibus ad amnem peruenit, collocatisque ad læuam peditibus citiorem in ripa, & toto equitatu in dextram ad alæ similitudinem exporrecto si hostes amnem transirent expectabat. Ex aduerso Obegninus atque Persius Heluetios in vnam densatos phalangem hostium peditibus opponunt, Brutiorum cohortes in tergo subsidiarias collocant, partiunturque inter se equites. Erant tamen cataphracti paulo minus quadringenti, & more Gallico levis armaturæ bis toridem, quadratoque agmine transgressi amnem in hostes feruntur. Id conspicati equites Hispani concitatis equis alacriter procurrerunt, & quum armis viribusque impares, cataphractorum consertam aciem loco pellere nequirent, clamore edito flectere equos, & ad suos per gyrum Hispanico pugnae genere redire ceperunt. Eares & peditibus Aragoniis animum fregit, quum suos ab hoste pulsos refugere putarent, & Gallos ad incumbendum incitauit. Ita Obegninus à dextra, & Persius à læua ex subsidijs cum ala sua in pedestrem aciem acerrimè inuecti, eam totam penè priusquam Heluetij à fronte hastas inclinarent, perturbarunt, & compluribus eorum stratis penitus dissiparunt. Ferdinandus frustra suos ut in pugnam redirent cohortatus cum familiaribus cataphractis strenuè in hostes incurrit, in aduersoque insignis Galli pectore lanceam perfregit. Sed quum hostium multitudine obrueretur, in fugam se coniecit. Fugientem cristis auratisque armis conspicuum multi sunt persequuti, sed nemine eius cursum equantelapsu equi in arctas concisæ viæ angustias precipitatur. Nec multum inde Galli aberant, quum desuper equo resupinato stapedi ac lunatis ephippij cornibus implicito, summoque in viæ periculo laboranti Ioannes Andrea Altauillæ, frater eius scilicet, qui postea militiæ clarissimus multa decora nobili familiæ suæ intulit, auxilio superuenit, & memorabili charitate equum obiulit, quo ipse pernicioso ad salutem utebatur. In eum Ferdinandus uti erat desultoriæ artis peritiâ mirè agilis, quanquam grauius contextus armis esset, insiliens è manibus Gallorum euolauit. Ipse autem Altauilla in pedes destitutus, paulo post ab hostibus interfectus est. Obegninus magnâ parte peditum cæsa, non longè ab eo loco consedit amissa occasione cõficiendi belli, ita ut victoria uti nesciuisse ab omnibus diceretur, quod nec tot illustres viros, in quibus etiam erat Ludouicus Aragonius cardinalis fuisset persecutus, nec ad Semenariam victorem exercitum prorinus adduxisset. Quo spacio & illi cum rege varijs itineribus incolumes ad classem perueniunt, & Consalvus qui acerrimè depugnans non vno in loco restituta acie haud dubiè multos seruauit, oppidum igressus, impedimenta et preciosiores omnem apparatus aportauit, Rhegiumque nequicquam postea persequentibus Gallis serecepit. Eo prælio re infelicitè gesta secus atque alijs accidit, Consalvus eximie prudentiæ laudem tulit, quod suis alienisque viribus rectè æstimatis nihil temerè audendum esse iudicasset. Apparuit namque Hispanos equites cum Gallis cataphractis, Hispanosque & Siculos pedites cum Heluetijs, vel genere armorum vel ordinum constantia nequaquam esse compa-

randos. At Ferdināndus tanto accepto incomōdo, quanquā à summa spe ad extremam rerum desperationē puncto temporis erat redactus, nihil tamen sese animo demittere, eisdem propē, ac si vicisset spiritus gerere, queri tantum in se sua opinione deceptū, ac nihil de fortuna dubitare, quē iam plurib. ostentis marum nū regnū patriamq; reditū despōdisset. Inerate eius animo fiducia quēdā facto potius quā vllis humanis innixarationibus, ita vt cuncta quę amicorū animis obuersabātur pericula despiceret, ac si non modo ciues sibi fautores, sed & Deos quoq; ipsos terra mariq; presenti numine adfuturos arbitraret. Nec spes eum, quanquā temerē concepta, rem extreme difficultatis atq; dementiē aggredi ausum sefellit: superato namque freto, & collectis Messanæ circiter septuaginta nauibus, in quēis aliquanto pauciores quā nautæ milites erant, secundissimis vsus ventis Neapolim peruectus est, penē priusquam certior fama de prælio ad Semenariam factō in vr̄bem perueniret. Excepere eum ciues incredibili studio, multisque demum rebus prosperē gestis Gallos vr̄be arcibusque expulsi, vtī diffusus in Historijs perscripsimus. Dum verō ea à rege gererentur, Consalius qui tota cæstare ē Rhegio extremi Brutiorum anguli oppido aduersus Gallos Obegninumque recenti victoriā elatum strenuē defenderat, euocatus à rege in castra ad Atellam in Hirpinos venit. In id oppidum Galli duces multis acceptis detrimentis compulsi obsēsiq; ab Aragonijs ægra spe supremi consilij sui euentum expectabant. Nam Ferdinandus superiore aestate ad Semenariam prælio superatus, nihilo secius ac si victor euasisset inuictos spiritus gerens consensa classe cum reliquijs fusi exercitus felici ausu Neapolim ad nauigarat, vr̄beque receptus, Gallos in arce circumuallatos ad deditiōnem fame compulerat: quanquam Persius ab Obegnino obsēsis auxilio missus, fusi in itinere Aragonijs, ad Ebulum Picentiorum geminata victoriā ferrox, in conspectum arcis deuenisset. Datis enim obsidibus ex lege induciarum nihil sese commouere obsēsi in arce poterant, nec Persius Ecciez suburbanī montis munitiones à Prospero Columna venienti obiectas, perrumpere ausus fuerat. Itaque irritō conatu per Paulisippi montis Cryptam agmen avertit, & retro vnde venerat, in Lucaniam reuersus est. Ab eo secundo rerum exitu Gilbertus Borbonius cognomento Mompenserius, ad quem militaris imperij summa authoritas pertinebat, Neapolitana arce cum reliquis copijs emissus, bellum priore vehementius adiuuante Salernitano regulo in Apulia reparauit: accessit ei Virginius Vrsinus cum Paulo Vitellio, Pauloque Vrsino et Liuiano tria milia vtriusque armaturę equitum adducens. Hic indignatus quōd duo Columnij duces Prosper atque Fabritius contrarię factionis apud Ferdinandum in honore essent, oppidaque sua in Maris occupassent, Gallicas partes sequebatur, ex agroque Romano profectus in Apuliam ad Mompenserium Persiumque peruenerat. Ita coniunctis tribus clarissimis ducibus, & magno coacto exercitu cum Aragonijs vtrinque spes alternante fortuna magnis conatibus certabatur. Nani & rex ipse recentibus sœderatorum Venetorumq; præsertim auxilijs confirmatus, egregie vim hostium sustinebat, aduentu ante alios Francisci Gonzagæ Mantuani, qui Tarrensi prælio pugnacissimi ducis laudem consecutus, post receptam Nouariam, & Gallos Italiae iectos, Venetj exercitus imperator euaserat. Cum eo fuere mirificę Græcorum alæ, quę per patentes Apulię campos aduersus cataphractus Gallorum prouolando

prouolando atque eludendo æquiore conditione certare videbantur. Fuere sæpius in conspectu aciebus instructis Galli atque Aragoni, nunquam tamen vniuerso prælio certatum est, quod adeo è re Gallorum erat, vt eos exploratæ victoriæ occasionem ad Frengetum oppidum amisisse omnibus appareret, idque malignitate Persui, quod Mompenserium atque Virginium imminuentis calamitatis, ignominiaque consortes, quàm victoriæ socios habere maluisset. Is peruicaci superboque ingenio apud Heluetios egerat, vt non prius pugnam inire decernerent, quàm ipsis debita stipendia soluerentur. Ita exuti veteris existimatione Galli duces, instante vestigijs rege, & Græcis terga cadentibus in Atellam compulsi sunt. Igitur rex in spem potiundæ victoriæ adductus, statuebat totis viribus obsidere atque oppugnare hostes, qui temerè sese in id oppidum coniecissent, vnde elabi sine insigni detrimento non possent, modò vndique circumpositis castris perpetua veluti corona cingerentur. Sed ad eam rem efficiendam augendus nouis copijs exercitus erat, vt si paratis castris ad diuerfos viarum exitus opponi ex tuto hostibus posset, quibus ex valido genere veterum militum non contentiendæ vires erant, quibusque duces diuersarum gentium strenui præesse censebantur. Hæc erat causa cur Consalius è Brutijs accersendus videretur: conanque coniuncto in quò tanta vis industriæ militaris vigeret, bellum maturè atque feliciter confici posse iudicabant. Missus est ad Consaluum Beruardus Brutius vir togatus consilij & fidei nomine auctoritateque apud regem pollens. Is mandata detulit, docuitque occasionem summiæ laudis, summi que prouentus ad victoriam à generoso fortique duce non esse prætermittendam. Hiemaratum apud Neocastrum, & ad samath receptæ Neapolis Rhegio egressus varijs expeditionib. Brutorum vrbes pulsas Gallis in potestatem redegerat, & in his Scylaceum, Crotonem, Sibarim ad Ionium mare spectantes, ipsamque Seménariam, pro qua infelicitè à rege fuerat dimicatum, Terramque nouam & pleraque alia castella opulenta, idque tanto successu, vt in oramagna Græciæ et secundum litora Tyrheni maris certatim Aragoni regis vexilla figerentur. Obegninus enim qui dimidiato exercitu infirmus in prouincia remaserat, munitis locis se tenebat, quod Persius Neapolim ire pergens, vt in arce obsessis opem ferret, robora Galliarum copiarum, Heluetias cohortes, & veteranum equitatum secum abduxisset, quorum postea insigni virtute nobilem ad Ebulum victoriam fuerat consecutus. His de rebus Consalius consilij anceps sedulo expendebat an exre esset, & ad summam totius belli conduceret, in ea populorum inclinatione Obegninum persequi, vlcisci obiter infestos Andegauensium partium proceres, eorum spolijs ditare milites, an omnino honestius foret atque prædarius, petenti opem regi non cunctanter obtemperare, atque interesse victoriæ, & crescenti virtuti suæ, rebus amplioribus gerendis viam aperire. Hæc quum in excelsi viri deliberatione sententia vicisset, copijs instructis procedit in Consentinum agrum suburbanosque vicos inuadit & diripit, adortusque Consentiam urbem, quæ in Brutijs summam obtinet claritatem, frustra Gallis ab arce repugnantibus manu capit. Inde profectus eos omnes populos qui Crætis amnis in Ionium sinuoso cursu decurrentis vallem incolunt, in fidem recipit, atque item Castrum francum, quod ex antiquè vrbs Pandosia, Alexandri Epirotæ mortis nobilis ruina creuisse ea coniectura creditur, quod illac flumen



Acheros præterlabitur, hodie Campanianus ab indigenis appellatus. Promotis deinde castris ad Castrum uillarum in signe oppidum, ab Aragoniæ factionis exploratoribus didicit, ad Muranum magnam Andegauensium agrestium multitudinem occupatis nemorosis salubus insidere, ut transituos Hispanos, quod vnicum & angustum iter esset, ex insidijs adorirentur. Itaque speculatus sylvarum suum miro ordine inexpectatus insidiantes triparitò inuadit, inclusosque velut indagine, nec militum vim aut clamorem ferentes, magna ex parte cedit, eo successu, ut ipse nunquam se optimius venatum asseueraret. Sequenti die trepidi Muranenses deditionem fecerunt. Ab ea agrestium strage patefactis itineribus ad Laynum oppidum Lao flumini impositum, quod Lucanos à Brutijs determinat, contendit. Ibi Sansuerinæ familie Reguli andegauensis nominis partes sequuti cum aliquot Gallorum turmis, et cohortibus clientium suorum castra habebant, aliquanto negligentius quàm militaris disciplina postularet, quod de Consalui aduentu nihil admodum suspectarent. Itaque Consalvus noctu incautos & propè sopitos aggressus, oppidum sine ullo propè suorum vulnere cepit, tanta felicitate, ut interfecto Americo Sansuerino principe, qui ad tumultum semiarmis adcurrerat, supra viginti nobiles eius familiæ cum oppidanis Gallisque omnibus, caperet, & Hispanos suos multa præda diraret. Nec multo post eodè impetu Brutios agrestes, qui confragosi itineris valibus infederant, adortus, circumuentos cecidit: ita ut ad aduentantis famam, refugientibus vndique præmetu hostibus expeditum late iter pateret. Appropinquantes regijs castris compositisque more militis pedum acque equitum agminibus ordines explicantem, rex ipse Mantuanusque, & Borgia Pontificis legatus obuiam progressi, summo cum honore singularique letitia susceperunt. Consalvus conspecto procul Atella oppido, situm collum in theatri speciem inferiorem planitiem cingentium oculis contemplatus, idoneo in loco castra fecit, aridusque nauandæ Regi operæ præsidium Gallorum adoriri constituit, ut quid valeret auderetque Hispanus miles, edito statim insigni facinore, inspectantibus gentium propè omnium ducibus ostenderet. Erat id præsidium in statione extra oppidum ad frumētarias molas, ad quas exiguus amnis è proximis delabens iugis, excurrensque in Ausidum & molendi trici, & aquandi, magnam obfessis præterebat opportunitatem. Itaque Hispanorum cohortes seu tatas aduersus Vasconum sagittarios, & post eas hastatos decurrere inuaderet, quæ hostes iubet, simul equitatum in duas partes diuidit, eo quidem ordine, ut altera in qua aliquot erant cataphracti sese inter oppidum et molas insinuaret, erumpentibusque Gallis ad ferendam opem opponeretur: altera porro pro uolans & late sese extendens ex omni parte hostes circumueniret. Itaque virique concurrunt, attollitur clamor, cruentum certamen editur. Heluetij vix consistunt: Vascones necdum iteratis sagittis in fugam vertuntur: Hispani leuis armaturæ circumfusi, dissipatos & in oppidum refuggientes trucidant. A diuersa parte in quos diximus cataphracti erumpentia Gallorum auxilia constantissimè sustinent: quo temporis puncto Consalvus euerfis ligneis machinis molas perfringit, continuoque suos reuocat, priusquam Galli duces maiora præsidia ad ferendam opem expedirent. Tantare eo ipso die quo venerat strenuè patrata, Consalvus præclaram promptitudinis atque prudentiæ singularis apud omnes laudem tulit, simul & Hispanis, quorum virtus adhuc erat incognita, bellici

bellici vigoris eximium decus peperit. Sed & triduo post Ripæ candidę oppidum Venuſinæ viæ impoſitum admiſti Italii Hiſpani fortiter expugnarunt. At Galli aduētū Conſalui fractis animis de rerum exitu deſperantes, & aquatione prohibiti, ob quam ſæpius infelici contentione pro ſumine dimicarant, & duo etiam Pauli Vrſini et Vitelli eruptione facta Venuſiam euadere conati, in itinere fuſi, & retro in oppidum compulſi fuerant, de deditione agere cœperunt. Perſuiusque demum cum rege collocutus, ita tranſegit, vt Galli omnes in Galliam ſine iniuria tranſportarentur, regno excedentes tormenta et equos regio ſtigmate notatos relinquerent. Sed gentem vini et pomorum omnis generis, per eos præſertim æſtatis ſeruores auidiſſimam, hiſque alieno ſub cœlo intemperanter veſcentem, magna ex parte ad Scabias atque Puteolos peſtilens Autumnus abſumpſit. Periere inter alios ipſe imperator Gilbertus Mompenerius, & Lenoncurtiſ cognomento Bayliuſ Vitriuſ, Heluetiorumque & Germanorum duces quatuor. Virginiuſ Vrſinuſ contra fidem cuſtodiri tradituſ, poſt aliquot meſes in carcere Neapoli interiit. Sed & eadem Autumnuſ intemperie rex ipſe Ferdinanduſ correptuſ febre ad Veſeuum, ne deguſtata quidem victorię lætitiâ viâ diſceſſit, Federico patruo regni hereditatem relinquens. Hic Conſaluſ arctiſſimè complexuſ orauit, vt in Brutiuſ conſiſtendo bello expeditionē ſuſciperet, nec Conſaluſ impoſitum ſibi munuſ à nouo rege detractauit, reſuſcitatuſque in Brutiuſ, adauctuſ nouiſ copiis, tria Andegauenſium partium oppida in poteſtatem redegit, verſuſuſ arma in Obegninuſ, qui diſceſſuſ ipſiuſ in nudatas præſidijs vrbes ferebat. Sed Obegniniuſ de infelicitate Atellanæ obſidionis edoctuſ, cognitoque Conſalui reditu, quem maxime ſibi metuendū intelligebat, Atellaniſ tæderiſ beneficiuſ vt, quā irritu conatubis iam damnata fatiſ arma reſumere maluit, atque ita deductiſ præſidijs vacuam prouinciā reliquit. Nec multo poſt Conſaluſ à Federico rege ad perdomandoſ Oliuetanoſ accituſ eſt. Ii enim in ſinibuſ Aquinatiū & Marſorum, mira pertinacia in fide Gallica permanebant, armæque ipſiſ inferentem Rodoricuſ Daualuſ Monteriſiuſ, Alſonſiſ Piſcarij germanuſ fratrem, eximie ſpei ducem ad Inſulam Vicuſ interfecerant. Verū audito Conſalui nomine, quod in eiſ humanitate authoritateque apud regem veniam ſibi repoſitam exiſtimabant, neque verò vim tanti duciſ expectandam cenſerent, ad Aragoniam fidem factâ deditione redierunt. Itareceptiſ pacatiſque Oliuetaniſ, quū Neapolim ad regem rediret, ſequereturque eum deditoruſ frequenſ legatio, vt eiſ commēdatione apud iratuſ regem pertinacię veniam impetrarent, magniſ interim precibuſ ab Alexandro Pontifice Romam vocatur. Eo enim tempore Menalduſ Guerra Cantaber, pirata immanis, ex arce portuque Oſtientiſ Tyberinaſ ſubuectioneſ ita interciperbat, vt populuſ Romanuſ multarum reruſ vini que præſertim inopia premeretur, quod negociatoreſ Siculi, Brutijque et aduenæ Hiſpani ac Ligureſ crudelitatem Barbari timenſeſ alio curſum dirigerent: nam vt quodque nauigiuſ quiſ Oſtiam adgeſſet, niſi nauæ ſeſe diripiendos capiendosque continuo de miſiſ veliſ ſublatisque remiſ ad ripam arcu ſubiectam conſiſterent, coniectiſ ex propinquo tormentiſ demergebatur. Nec adeo multum abſtinerat quin pontificiſ triremeſ incautè ad amniſ fauceſ prouectâſ interciperet, aut certe demergeret. Neque ea truculenti prædoniſ ſeritiſ vlla conditione et propoſita

leniri, aut alia vi subigi poterat, nisi in insanum arroganterque pertinacem, & diras imprecationesque sacrosancti Pontificis impie contemnentem iustum bellum inferretur. Nemo autem qui maturè atque feliciter perdomare immane monstrum, atque urbem extremæ inediæ periculo liberare posset, Consaluo efficacior & promptior futurus videbatur. Obtemperauit Pontifici Consaluuus, cohortante præsertim Federico rege, continuoque cum suis familiaribus copijs Romam contendit, paucosque post dies loco idoneo ad Ostiam castrametatus est, postquam Menaldus per superbiam atque obstinationem, neque à maleficijs temperabat, nec de integro moras pacis conditiones ullas admittebat. Triduoque tantum in apparatu consumpto speculatus omnes aditus incredibili iudicio Centurionibus conuocatis prædixit, locum per quem esset irrupturus: prolatis enim ab vna parte tormentis, ut quatiendo murum hostes ei periculo intentos distineret, ab altera scalas parari iussit, quibus auerso nec opinante hoste moenia superaret. Subiére ab utroque loco Hispani alacriter, sed ad constrati muri ruinas aliquanto cunctatius, uti erat præceptum: ad motis autem scalis ad destinatam partem tanta celeritate coronam morium cœperunt, ut paucis defensoribus deiectis, & multo clamore edito, maiorem Gallorum manum, quæ perfracti muri hiatus tuebatur, auerteret, & vndique caesis captisque Gallis Ostia cum arce caperetur. Menaldus perditis rebus confusa animi ferocia vitam tantum petens, sese cum ignominia vincendum tradidit, ut mox ludibrio cunctis futurus in triumphum duceretur. Ingressus est triduo post Urbem Consaluuus Ostiensi porta, ouanti similis, inter acclamationes urbanæ multitudinis, tanto beneficio accepto planè pares, eaque ouatio iusti triumphi gloria nobilior existimata est, quod hæc ipsa victoria ineffabili populi Romani commodo parata, apud omnes ciuium inquilinorumque ordines maximas gratulationis insignemque lætitiā & plausum iucundissimum excitaret. Vehebatur in equo strigoso vinctus Menaldus, cana barba ad horrorem prolixa, inculta, quæ & trucibus oculis metuendus, fractos quidem, sed non planè domitos spiritus, tristiore amaroque intuitu passim ostendens, quum per mediam Urbem gratissimi spectaculi pompa inter tympana & tubarum cantus sequentibus cohortium alarumque vexillis in Vaticanum duceretur. Pontifex autem in amplissimo ornatisimoque conclauis sub umbella in solio sedens venientem Consaluum, assurgente senatu, & genua ad sacros pedes flectentem, oblato oris osculo excepit, accurataque oratione laudauit, gratias agens, quod Urbem inuicta regum omnium copia maximis incommodis liberasset. Ad ea breui & grauiter modesto sermone respondens Consaluuus, nihil demum petere quam ut de more Christianæ clementiæ, supplici & ad pedes proiecto, veniamque petenti Menaldo parceretur, Ostiensesque acerbissimis detrimentis afflicti, sublati vestigalibus, decem annorum immunitate fruerentur. Quæ omnia Pontifex sanè benignè Consalui precibus tribuit, Menaldusque in Galliam abire permissus est. Nec multo post Consaluuus eximijs muneribus a Pontifice, Romanoque populo honestatus, Neapolim ad Federicum rediit: sed ex itinere quum Latina via Romanis finibus excessisset, Gulielmæ ardis oppidum inter Venafrum & Fregellas, quod Gallorum nomen pertinaciter coleret, neque clade Gallorum permoueretur, autoritate sua in potestatem

statem redegit: tantam enim & virtutis & clementiæ opinionem præferbat, ut plura suadendo deterrendoque, quàm vi & armis dimicando conficeret, ut iam nemo rebellantium esset, qui in certam spem æquæ conditionis se dedere, quàm ad non dubium ineuitabilis excidij euentum inuicti ducis vim experiri mallet. Quum verò Neapolim esset reuersus, tanto cum honore latinitaque rege obuiam prodeunte, & Neapolitanis vias exornantibus, arcem intrauit, ut serè dignus MAGNI cognomine ab omnibus censeretur. Nec multis post diebus à rege duabus urbibus septemque oppidis virtutis nomine donatus, in Siciliam nauigauit, quòd ibi conquerentibus Siculis multa à Ioanne Nuccia præfecto, avarè peruerseque administrari, nec ex fide commodoque regis frumentariæ negociationis vestigalia locari, exigique cognouerit, eius aduentus sanè toti Siciliæ expectatissimus fuit. Nec multo post quum Siculis omnibus conuentum Panhormi edixisset, paucis diebus autoritate & moderatione ingenti & præclara iudiciorum æquitate, Nuccia seuerè admonito, ut benignius imperare condisceret, cuncta composuit. Rebus Siculis ex Ferdinandi sententiâ constitutis, à Federico Rege iterum in Italiam euocatus, ad eum ultra Syllarim amnem, quum Dianum nobile oppidum oppugnaret, in castra venit. Dianenses enim Antonelli Salernitani Reguli & Sanfeuerinæ domus clientes, Andegauensibus partibus fauebant, vni prope omnium nihil fracta spe, quod Gallicas classes ad renouandum bellum ad ea litora venturas rebantur. Itaque consili loci munitione ingentique copia parati antea comiteus magnæ sibi gloriæ futurum putabant, si cæteris victori Regi manus dantibus, soli prope omnium in fide permanissent. Conatus est Consalvus per colloquia Dianenses Regi conciliare, sed apud peruicaces animos insaniens multitudinis omnia frustra fuerunt, quum summæ humanitatis condiciones se etiam vade patronoque offerret. Ita res ad vim bellumque conuersa est, Consalvique monitu à duabus partibus tormenta muralia subiecta sunt, vineisque oppugnantes protegentibus, oppugnatio in aliquot dies protensa est. Quæ laborum diuturnitas magis ac magis spe prædæ atque vindictæ milites accendebat, quum contra obsessi cædis atque supplicij metu, quanquam scsis corporibus in suprema pertinacia ægrè animos sustinerent, propugnatores accerrimi redderentur. Sed eum oppugnationis exitum Consalui humanitas Dianensibus dedit, ut vi perdomiti captique, ac supremos cruciatus merito expectantes, eo deprecate misericordiam ab irato rege impetrarent. Postquam vero Federicus Neapolim est reuersus, Consaluo redditæ sunt literæ, quibus eum rex Ferdinandus, ut de rebus gestis quàm exactissimè doceretur, in Hispaniam reuocabat. Igitur cum delecta parte copiarum, atque his maximè præfectis equitum & centurionibus, qui digna laude præmioque facinora tot bellis ediderant, consensa classe in Hispaniam enauigauit. Incredibile dictu est, quanto cum honore eum Rex Isabellaque Regina susceperint, confitente rege aliquanto plus gloriæ Hispanico nomini fuisse partum, consanguineis & gentilibus suis in auxilium regnum restitutis, quàm ipse nuper capta Illiberi, & Mauris Grana-tæ regno pulsus peperisset. Eam verò commendationem & laudem non adulatione, sed ex animi iudicio profectam re ipsa præclare testificatus est, magnis in eum beneficijs opima & planè regia liberalitate collatis, sed quum

ne sic quidem opibus & patrimonij Fortuna maioribus Hispaniæ regulis æquaretur, quod Alfonso fratri natu maiori tota paternæ ditionis hereditas Hispanica lege obuenisset, vno certe spectatæ virtutis præconio ferè omnes anteibat. Necdum exacto biennio quum requiem à tantis laboribus, atque ocium in terra patria quæsisse videretur, Fortuna illa eadem quæ antea nequamquam instabilis, sed fida virtutis comes extulerat, nouam belli materiam nouosque triumphos non inerti vtiq; sed generose semper ad parandum decus erecto protinus ostendit. Per id enim concessæ quietis tempus tumultuantes Mauri Granatini, qui Baudelæ regem bello victum, amissosque Bæthicæ regno Hispania decedentem sequi noluerant, & in fidem certis legibus recepti fuerant, consternati ad arina speciem noui grauisiimique belli præbuerunt, quod sese ad Christiana sacra vi adigimînime paterentur, iamque ab his repente rebellantibus regiæ stirpis iuuenem ex proxima Mauritania in spem regni accersiri apparebat, qui maximis Barbarorum auctus auxilijs continuo traiecturus esse videretur. Ad eum tumultum excitus rex Ferdinandus quantas pro salute dignitatæque Hispaniæ copias efficere possent omnibus regulis imperauit: breuique erectis omnibus, & impigre rem nauantibus, copiæ perditum ac equitum penè innumerabiles conuenerunt. His autem militari cum imperio Consaluum præfecit, graui herclè iudicio, ne summæ dignitatis atque potentie regulos, si ex eorum ordine quis præferretur, cæteris veluti despectis offenderet, quum nemo existimatione sibi æqualem effecti vellet, libenterque extra emulationem inferiori opibus pareret, qui virtutis opinione peritiae rei militaris & locorum vtiq; notitia, in quæ egregiæ fortitudinis monumenta reliquisset, confessione omnium singulos anteiret. Per hunc modum accepto imperio cum exercitum per turmas cohortesque diligenter inspiceret, & milites tyrones à veteranis segregandos dimittendosque domum arbitraretur, Alfonso fratri alam traducenti, vt citò agmen cogeret & pertransiret, imperauit, adeo graui seueræque voce, vt fratris oblitus et suæ tantum persone memor esse videretur, eumque maximæ potentie reguli exactissime parentes, magnopere laudarent, & Mauri vnum eum inter duces maximè timendum arbitrarerentur. Necmulto post Mauri transmarinorum auxiliorum spe decepti, territiq; tantis expeditis productisque hostium copijs animos desponderunt, quum Consalvus totiam colloquijs cum duobus eorum regibus notus, & semper pacis benignus arbiter æquisimam pacem ostentaret, ita vt sine sanguine summæ difficultatis negocium adiuuante procuranteque Mendocio Tendilio Granatinæ arcis præfecto, ignoscenteque Rege Ferdinando tota Bæthica pacaretur. Tulit autem Consalvus humanitatis ciuiliisque industrie laudem castrensi gloriæ parem, quod vna tantum eloquentia fretus, tantam rem sine sanguine decoram atque vtilem regio nomini perfecisset. Eo quoque tempore Ludouicus Galliz rex, qui Carolo repentina morte sublato successerat, itemque Pontifex Alexander & Veneti, Florentiniq; aduersus Ludouicum Sfortiam Federicumq; regem diro toti Italiæ fœdere coniurauerunt, ijs conditionib; vt Ludouico regi Mediolanū, Venetis Cremona cederet, Cæsari vero Borgiæ Pontificis filio, qui Candiano fratre immaniter interfecto, sacri se pilei honore abdicarat, in Galliæ, Carlotam Alabrecti Cantabrigie regis filiam uxore duxerat, auxilia præberentur, quib; Flaminia Familiazq; & Umbrie vrex,

bes, trucidata aut eiecta omni antiquorum principum stirpe, inuaderet, regnū verò Neapolitanum reges ipsi Ferdinandus & Ludouicus inter se partirentur: tanta autē calliditate Ferdinandi nomē in scdere suppressum est, vt Federicus à nemine in ipso summi periculi metu, maiore opem quā à Ferdinando consanguineo, veterēq; suo defensore certus expectaret. Hac atroci Principū conspiratione Sfortia circumuentus, cum à Maximiliano Cæsare per se pecuniā semper indigente, & cum ab Heluetijs Rhætisque arma inferentibus lacesito frustra opem expectaret, ad Baiazetem Turcarum imperatorem legatos misit, qui docerent in vnum id consilium ea coniuratione parari arma, vt postquam ex sententia confecti in Italiam essent, communia arma terra marique in Græciā transferrentur. Intellexit occasione atque periculi momentum Barbarus, extemploque mare Ionium magnis classibus compleuit, Schenderbasamque Illyrici præfectum, qui omni belli clade Venetos fines popularetur ad intimum vsque sinum Euganei litoris cum expedito equitatu, ita vt Venetæ vrbis turres conspiceret, penetrare iussit. Sed adeo grauiter Galliæ arma ab alpihus in Sfortiam incubuerunt, prementibus etiam à tergo Venetis, vt miserē desertus ab omnibus, & planē proditus à suis, amisso Mediolano in Germaniam effugere sit coactus, idque paucis ante diebus quā Turcæ obiecta præalta flumina, Liquentiam, Natisonem & Tiliauentum, Anaxumq; tranantes acerbissima calamitate, nihil tale timentibus agricolis illata, in Taruisinum agrum peruenirent. Aliud quoque Venetus detrimentum cum summo dedecore ad Protrum inter Sporades insulas ad Peloponnesi oram accepit, quod Grimanus classe validior cum Othomannica classe congressurus, aliquot triremes nauesque ingentes duas incendio absumptas exploratæque demum victoriæ occasionem turpiter amisisset. Sed non toto vertente anno cum Ludouicus Sfortia Heluetijs auxilijs, & Burgundionum equitatu instructus, Mediolanū pulsus Gallis recepsisset, oppugnata etiam captaq; Nouaria, is demum belli exitus fuit, vt summa perfidia Gallorum duci Tramulio proderetur. Ascanium quoque fratrem eius cardinalem Veneti in Placentinum agrum fugientem ceperunt, Gallisque deposcentibus tradiderunt. Baiazetem verò per Isthmum cum ingentibus copijs Peloponnesum ingressus Methonem expugnauit. Iuncum, quod Nestoris pylus olim fuit, et Crisseum vltra Acritem, hodie Galli caput appellatum, Coronemque in potestatem redegit, quum paulo ante & Naupactum in Aetolio sinu, & Dyrrahachium in Epiro Venetis ademisset. His secundis Turcarum successibus Veneti perterriti ab omnibus Christianæ Reipublicæ regibus opem implorabant: primusque omnium Ferdinandus eorum precibus benigne liberaliterq; respondit, vt pote qui suprà recentis gloriæ nomen nouū decus cumulare contenderet, quum nuper eximia virtute, & pietate insigni Mauros reges Bethicæ regno expulisset, quamquam altioris consilij causa suberat, vt scilicet diuisi ex fœdere cum rege Gallo Neapolitani regni dimidiā partem paratis copijs occuparet. Itaq; Malacæ amplā classem exornauit: maxime enim decorū fore videbatur, si Reipublicæ laboranti religionis causa expeditam opē attulisset, Siculis prospiceret rebus, priuatissiq; simul consilijs, quæ tū detegenda nō videbantur, in tēpore deferuieret. Itaq; Cōsaluus publico omnium iudicio & fauore delectus est, qui in Siciliā militari cunctis imperio transiret, atq; inde aduersus Turcas cōtendēs, cū Venetæ classe iungē

retur. Eoq; modo militibus ad classem Malacę conuenire iussis Alfonſi fratris opibus liberalitateq; adiutus, ę Malaca Meſſiam, atq; inde Zacynthum ſecondis tempeſtatibus nauigauit. Recenſebantur in ea claſſe quatuor inſignes Ligurię naues omni bellico apparatu exornatę, quarum maxima nomine Camilla, Prętoria fuit. Pręterea minores onerarię trigintaquinę, celoces militariter inſtructę ſeptem, triremes octo, quatuor biremes. In his fuit circiter octo millia delectorum pedum, equites mille ducenti, in quibus pleriq; ſummę nobilitatis iuuenes Conſalui nomen ſecuti, & ante alios corporis atq; animi magnitudinē præcellens Didacus Mendocius Toletani Cardinalis filius, conſpiciebantur. Ceſſerat Turcis paulo antę Cephalęnia, quam poſtea Melchior Triuiſanus, Grimão ob rem malę geſtam à Senatu damnato, relegatę in Oſſarum Abſturdum inſulam, ſuccedēs, fruſtra oppugnarat. Hęc maximam ad maritimas negociationes habebat opportunitatē, verebanturq; Veneti, ne Barbari hoſtes pari audacia, euentuq; proxima Zacyntho potirentur. Tenebat tum maris imperium Benedictus Piſaurius militari conſtantia virtuteq; animi inter Venetos maximē inſignis, conſtitit atq; cum vniuerſa claſſe ad Zacynthum. Is ſummo cum honore ingentiq; omnium alacritate appellentem Conſaluum ſuſcepit, & cum eo communicatis conſilijs Cephalęnorum urbem oppugnare cōſtituit. Othomannica tum claſſis ad Helleſpontum inclināte Autumno ſe receperat, quum ad Baiazetem in Hiſpania, Gallia atq; Italia aduerſum ſeparari claſſes fama perueniſſet. Ipſe Methone capta, & Nauplio in Argolico ſinu exitinere fruſtra tentato in Thraciam redierat. Cephalęnia inter Zacynthum et Ambracium ſinū Ionio in mari ſita eſt, gemino portu vbertate agri, & dulcis aquę fontiu copia nobilis. Ea magnā in negociatione maritima opportunitatem habitura videbatur, præſertim amiſſa Methone, quę tutiſſimam ſtationem nauigantibus in Syriam antea præbuiſſet. Igitur omnibus quę ad oppugnationem opus erant vndique comparatis, Conſaluus priuſquam eō traſſeretur, legatos ad Turcas Pucium Trierarchum & Soſiſum inſignem pedum præfectum tranſmiſit, qui docerent opulentiſſimę regis Hiſpanię veteranas copias longa exercitatus militia, quę ipſorum ſectę Mauros deuiciſſent, auxilio Venetis adueniſſe, propterea ſi inſulam arcemq; dederent, incolumes abituros omnes, ſi in Hiſpanorum vim experiri, & tormentorum iētus expectare vellent, nullum poſtea venię ſalutiq; locum inuenturos. Ad ea Giſdares natione Epirota præſidij præfectus, alacri vultu, gratias inquit vobis agimus viri Chriſtiani, quod nobis aut viuus, aut egregiē deſunctis eximiam conſtantię gloriam apud Baiazetem parituri eſtis: nos nullis hominū minis perterremur, quum omnibus media in fronte vitę exitum Fortuna præſcripſerit. Itaq; duci veſtro renunciare ſingulis militibus meis ſeptenos eſſe arcus, & ſagittarum ſeptena millia, quibus interitum noſtrū egregiē vliſcemur, ſi fato aut virtuti veſtrę ſuccumbemus. His dictis arcum validum cum pharetra inaurata, muneri Conſaluo ſerēdum dedit, colloquiumq; diremit. At Conſaluus atq; Piſaurius idoneum naſti ventum à Zacyntho ambobus Cephalęnię portubus inferuntur, expoſitisq; in terram copijs, hinc Veneti, illinc Hiſpani caſtra ponunt, & omnem tormentorū apparatū admouent. Habebat Piſaurius genę tormēta ingētis magnitudinis, quę Baſiliſci nomine vocabant. Horū tanta vis erat, vt pilę ferreę octonum pedum murū tranſuerberarent, et quęcunque



quæcunque intus muris adhærebant horribili fragore diruerent. Contra Turcæ supra quam cuiquam credibile sit, intrepidè consistere, foras suorum strage non commoueri, munimenta interiore in parte ex congestitia gleba materiæque construere, tormentis incessanter uti, tantam denique sagittarum vim emittere, ut his, totis castris tentoria complerentur: eoq; res erat atrocior, quod sagittæ veneno illitæ, vel ictu minimo mortæ faucibus militib. afferebant: sicuti Seruanti Velasco summe nobilitatis atq; virtutis iuueni accidit, qui priusquàm à Venetis medicis certiora ad id remedia peterentur, leui ex plaga celeriter extinctus est. Arx erat saxeo tumulo imposita, propterea aditus in eam per accliuem rupeni, & ruentium murorum stragem difficilior præbebatur, subibant tamen Hispani impigrè, & cruenta omnibus horis contentione præliabantur. Nec Turcæ sibi deerant: missilem namque ignem, sagittas, saxa in confertos iaciebant, aliquos scalis subeuntes, demissis vncis ferreis quos lupos vocant, ab imo thoracæ baltheisque correptos, in murum extrahere nitentur. Quibus vncis ante alios cum summo vitæ discrimine pependit Didacus Garcias Paredius, qui postea multis bellis eximia fortitudinis laudem adeptus est. Erumpebant per obscuram noctem sæpe Turcæ, quod tempus tenebrarum bene scio ab omni tormentorum periculo vacuum esse videbatur, tantamque sagittarum multitudinem totis castris superfundebant, ut sæpe Consalui prætorix cum summo cubantis discrimine figerentur. Quibus malis cum nulla propè ratione occurrì posset, Consalius remedium admodum salubre ingenio fretus excogitauit: opere enim militari munitionem angulari fastigio contra portam oppidi obuersam, & lateribus vndique septam ædificauit, & in ea ad conspectum portæ atque aditus, quæ Turcis erat erumpendum dispositis collibratisque tormentis communiuit, ita ut Turcæ prius tormentorum pilis certo prospectu directis sternerentur, quàm ad sagittandi soliti spaciū peruenirent. Ea res Barbarorū audaciam fregit: namque Pignerus vir fortis, cui tuendæ munitionis cura fuerat demandata, intentis semper ad id excubijs his eos de more erumpentes adeo feliciter excepit, ut repentina pilarum procella non exiguus eorum numerus fuerit interfectus. Ex aduerso Turcæ cuniculum perferunt per quem noctu erumperent, & ad Consalui tabernaculum deferrentur: sed ipsæ Dijs præclarè tanti viri salutem tuentibus, tantum discrimen somnio monitus vitauit. Ita contrario effecto cuniculo, ut cum nece teterrima Barbarorum coniecto in illum incensoque sulphureo puluere obuiam iretur. Interim commeatus penuria Hispanos haud mediocriter affligerat, partim quorundam mercatorum incuria, & tarditate ad alendam tantam militum & nauatarum multitudinem auarè commeatus expedientium, partim nauigandi difficultate: nam hiberni dies erant, & mare sæuis Aquilonibus agitato quotidianas ex Corcyra & Zacyntho subuectiones retardabat, vsque adeo ut plerique incognitis herbis atque fruticibus vesci cogerentur, unde tormina viscerum incurrerent: recondita tamen erat vtriusque in castris & classibus aliqua frumenti copia: itaque paruas trufatiles molas, quæ in vnaquaque trireme nexorum remigum manibus voluerent, Consalius instituit, et quum cribra deessent, lintea ad excernendos fursures, vela rara scortorum capitibus detraxit, furnosque subitanos & clibanos paruos in litore ad percoquendos panes extruxit: quum reliqui cacabis contusum triticum quanquàm ventribus inimicum cumq;

larido percoquerent. Quibus rebus non modo leuata est fames, sed vtraque castra noua spe victoriæ sunt completa. Nam per eos dies Petrus Nauarrus, qui postea ad summum imperij militarishonorem euectus est, mirabilium operum inuentor muri partem excinderat, suffolsis in subiecta arci rupe cuniculis, atque his tormentario puluere ad excitandam flammam repletis, qua repente ignis violentia, obstrusis scilicet vndique spiraculis cuncta celeri momento rumpébantur. Iamque voces indignantium militum audire erat, quod in expugnatione ignobilis oppidi aduersus inermes sagittarios tot dies absumpssent. Itaque Consalvus singulari ardore militum fretus, communicatis cum Pisaurio consilijs, qui alteram oppidi partem oppugnandam suscepérat, vniuersas simul vires admouere constituit, magnis in cōcione propositis præmijs ijs qui primi in oppidum perripssent. Ergo omnibus rebus ad supremum eius oppugnationis certamen diligēter ac industriē comparatis, tuba signum proponitur, cuncta vno tempore maiora minoraque tormenta emittuntur, tanto fragore edito, vt tota insula subito veluti quodam terræ motu concussa penitus mergi, & fluctibus absorberi crederetur. Non muri, non erectæ intus munitiones, non Barbarorum constantia Hispanorum cohortes morantur, certatim inferuntur signa, céduntur in vestigio stationis fortissimi Turcæ, oppidum ex templo capitur. Octuaginta circiter Turcæ viui in potestatem deueniunt, ex his maxime qui superiores dieum vulneribus, debilitati primas partes defendendi muri sibi defumere nequiuérant. Ceteri omnes circiter trecenti in summa mortis cōtentione propugnantes cum præfecto Gildare ceciderunt. Itavt qui modo Turcarum arma, & rude militiæ genus despiciébant, illorum vim, si cum magnis eorum copijs certādum foret, maxime timendam esse iudicarent. Cephalænia capta Consalvus multis de causalis in Siciliam sibi omnino redeundum existimauit, quanquam Veneti de expugnanda Leucade deliberarent: namque regijs ex literis paulo antè didicerat Gallorum duces qui Mediolani essent, pluribus conductis Heluetiorum cohortibus, & valida classe Genue comparata, ad prima Veris signa terra marique Federico regi bellum illaturos. Itaque tantas quantas maxime debuit Pisaurius discedenti Venetis enatus nomine gratias egit, in præmiumque nauatæ operæ dono dedit vasa ex auro argenteoque: cæclata, coccineos item laneos pannos, et sericos purpureos, & plures ex his auro intertextos, equos verò Thracios decem, & auri argentiq; signati circiter decem millia aureorum nummum, quæ ferè omnia exercitui in vniuersum regia liberalitate, & sigillatim militum amicorumque fortissimis diuisit, quum vix quatuor ingentes scyphos ad exornandum in pace abacum, rariquam testes virtutis suæ & Venetæ munificentiae retinendos censuisset, quum eximia animi magnitudine lauream de capta Cephalænia labore partam omnibus illis muneribus antefereat. Sed Fortuna prædulce illud præclaræ laudis decus, domestici luctus amaritie perfudit. Sub id enim tempus Alфонsus frater familiæ princeps, & summæ autoritatis dux ad Syliuam Vermegiam a Mauris est interfectus, quum ea gens certa pacis conditione post Granatense bellum in Turdulorum montibus relicta, quod ab Antistite Toletano Christiana sacra suscipere cogere, correptis armis rebellasset. Itaque Alфонsus adoriri eos, et bello persequi iussus, quum audacius pugnando progredieretur, & ingruente iam nocte Mauri ex insidijs vndique in eum confurgerent.

confulgerent, confullo equo cecidit. nec Gironius Vroniæ comes eius expeditionis collega circumueſto opem ferre auſus eſt, licet & Petrus Alſonſi filius iuxta patrem grauiffimis vulneribus acceptis in eodem periculo verſaretur. Sed Franciſcus Aluarius à Corduba idem fortiffimus & fidiffimus diens ſummotis magna vi Barbaris tranſfixa coxa iacentem, erexit, equoque impoſitum egregia cum laude ſeruauit. Sed vt eo vnde diſceſſiffimus reuertatur, poſtquàm Conſaluum claſſe non modò incolumi, ſed victrici Meſſanam applicuiſſe nunciatum eſt, legationes ei vndique ex omnibus Siciliæ vrſibus, cum donis victoriam gratulatum venerunt. Verùm eius reditus Federico regi longè gratiffimus fuit, quòd imminentis Gallici belli cura anxius, omnem reliquam ſpem in Hiſpanis Conſaluique virtute ex veterè amicitia collocaſſet. Veneti enim & Florentini in ſocietate Gallorum erant: Pontifex Alexander aduerſus Federicum eum Gallo coniurarat. Quibus de cauſis Federicus legatos ad eum ſæpius in Siciliam miſit, ac ſimul frequentibus literis edocebat, quanti terra mariq; Gallorum apparatus ad inuadendam Siciliam fieret, ſi ipſe tantæ molis inſtantis belli impar deſtitutusque ab omnibus antiquis ſocijs Neapoliregnoque excedere cogeretur. Conſaluus qui Ferdinandum Ludouicumque reges occultè animos conſociaſſet, Neapolitanumque regnum inter ſe ex æquo diuiſiſſe cognouerat, Federicum ſpe auxiliorum aliquandiu ſuſtentauit, quanquam id quidem inuitus faceret, namquè ingenuis antea actæ vitæ moribus, atque ipſo (quo maximè erat laudatus) inuiolato ſynceri animi candore, penitus indignum arbitrabatur, optimum regem deſe benemeritum, mutuiſque beneficijs ſibi in amore coniunctiſſimum fallacibus promiſiſis traducere, vt ille mox deceptus atque eluſus, natura ſæuis, ac ſuperioris belli clade exacerbatus hoſtibus proderetur. Sed Ferdinandus regis iuſſis erat ſeruiendum, ne dū priuato decori ſtuderet, Regi ſuo fidem fallere videretur, cuius animum quibuſdam offenſionibus alienatum, Federicus aduerſum ſe concitaſſet. Agitaſſe enim cum Ludouico de pace perpetuaque concordia ferebatur, quam annua pecunia certisq; tributis redimere contendebat. Eam remperiniquè tuliſſe viſus eſt Ferdinandus, quum id regnum inimicæ gentis tributarium fieri nollet, quod eius patruus Alſonſus maior, ſingulari virtute, belloque difficili ac ſæpe ancipiti victoria queſuiſſet, quodque ipſe paulò antè Hiſpaniæ Siciliæque opibus aduerſus eoſdem Gallos defenderat. Nec multo poſt quum Galli duces magnis inſtructi copijs è Ciſalpina Gallia in Campaniam delati, per inducias capta Capua crudeliterque direpta, Aragonias copias deleuiſſent, Federicus deſperatis rebus cum vxore & liberis in Iſclam Anarizæ inſulæ arcem conſugit, iratusque Hiſpano regi à quo nefaria ſimulatione ſe proditum querebatur, cum Namurtio atque Obegnino Gallorum ducibus tradita arce Neapolitana tranſegit, vt ſibi tuto liceret in Galliam nauigare, expeririſque Ludouici regis clementiam, quem ſupplex eſſet aditurus. Per hunc modum Federici rebus veluti repentino turbine proſtratis, vt antea conſtitutum ex occulto ſordere fuerat, è Meſſana Rhegium tranſgreſſus, breui omnes Brutiorum vrbes in poteſtatem redegit. Hiſ enim legibus Reges ſordus inter ſe percuſſerant, vt in diuiſione regni tota Campania & Samnium, populique Marſorum & Pelignorum cum ipſa Neapoli Gallorum ditionis eſſent: Brutius autem ager & Lucania, Apuliaque omnis, cum Salentinis ad Hiſpanos pertinerent. Antè

alia autem Consalvus generoso præstantique iudicio priusquam Federico Regi arma inferret, legatum Neapolim ad eum misit cum mandatis, ut vrbes atque oppida in Vestinis ad Garganum montem, quibus superiore bello ob egregie nauatam operam ab eo donatus fuerat, per solennes tabulas resignaret, ne qui hostis exiussu Ferdinandi regis sui futurus erat, tanquam abolita veteris accepti beneficii memoria ingratus videretur. Sed Federicus verecundiam & magnitudinem animi in Consaluo miratus, se agnoscere vel in hoste virtutem respondit, proinde nequaquam poenitere veteris sue erga eum liberalitatis, atque ita renouata donatione cum amplissimis codicillis legatum remisit, congestis utique miris laudibus in Consaluum, qui se regio imperio coactum arma inferre, liberali testificatione ingrati animi notam diluisset. Post id factum Sanseuerinæ familiæ regulis, Bernardinoque præsertim Besenniano oppida ditionemque restituit, quos triennio ante Federicus veluti sibi insensos, & Gallicis rebus pertinacissimè studentes expulerat. Putabat enim Consalvus eam liberalitate voluntates eorum esse redimendas, ut aliquando Andegauensium partium obliuiscerentur, quibus Brutios propè omnes superiore bello semper fauisse perspexerat. Columnios quoque Romanos proceres altiore consilio sibi ascituit, ac eos multo cum honore humanitateque singulis alarum præfecturis honestauit. Fabricius enim cum Capuæ captus fuisset, Gallorum manibus pecunia seredemerat. Prosper vero Federicum seu iam iniquæ Fortunæ tempestate iactatum reliquerat, sæpe eius consilium euentu calamitosum, & infelix non obscure detestatus, quum ille Hispani regis odio & vana spe Gallicæ benignitatis inductus, ad Ludouicum supplex atque miserabilis in Galliam nauigaret. Erat & in Sicilia Ioannes Columna Cardinalis Proseperifrater, qui quum Alexander Pontifex Vrbinos proceres in clientelam recepisset, liberalique stipendio conductos, Cæsaris filij militiæ adscripsisset, & Columnios Vrbe atque oppidis paternis eiecisset, & ipse Vrbe profugerat. Enimvero Consalvus, uti erat summa ingentis altitudine, summoque ingenio præditus iam non obscura diuinatione prouidebat, Gallos cum natura preferuidos, tum ex victorijs nullo negotio partis insolentes & immodicos, nequaquam statutis imperij finibus contentos fore, & propterea exarsurum aliquando bellum, quo in decus suum pulsus hostibus, nobilissimum regnum Ferdinando Hispaniæ regi eiusque posteris vendicaret. Ad eas res quas & spe & magnitudine animi spectabat præmoliendas, plurimum pertinere arbitrabatur, Columnios summæ nobilitatis, spectatæque virtutis militares viros, sibi Hispanique regis nomini quamprimum adiungere: quos non modo Pontifici Gallorum socio, ipsisque maxime Gallis insensos esse, verum secum veteres Italicos milites Aragoniosque omnes, & magnum assinium clientiumque suorum numerum in partes tracturos intelligebat. Federicus regno & Italia excedens Ferdinandum filium adolescentem natu maximum, quem ineptè Calabriæ ducem vocabant, Tarenti reliquerat, ut urbem totius regni munitissimam atque opportunissimam præsidio tueretur. Cum Ferdinando erant Iohannes Geuarræ Potentianus regulus, & Leonardus Alecius à Rhodia militia vir bellica virtute insignis. Manfredonia quoque ad Garganum montem, ubi vetus Sipontus fuit, Federici præsidio tenebatur, reliquæ vrbes arcesque in Gallorum aut Hispanorum potestatem concesserant. Itaque Consalvus coactis in vnum co-

pijs, & acceptis à Namurtio qui Gallis omnibus præerat, Vasconum sagittariorum cohortibus duabus, & totidem equitum alis ad Tarentum castra posuit. Eo quoque venere Prosper ac Fabricius, bellumque geri coëptum. Nam Aragonij plerumque erumpebant, et in subiectis vrbi campis equestribus prælijs admisso peditum cum Hispanis contendebant. Sed Consalius cum urbem vi ac tormentis expugnare se posse desperaret, premendam acri obsidione, ac fame domandam iudicauit. Nam tamen si munitiones in castelli altitudinem contra portam erexerat, indeque tormentis oppugnaret, tamen erat loci natura, vt Aragonij egregiè sese defendentes, tormentis contra propugnacula collocatis ea vi hostium minimè terrentur. Est eius vrbs admirabilis situs vtpote quæ vndique mari alluitur: absciderat enim eam à continenti Alfonso iunior, cui Straboni cognomentum fuit, quum Turcæ Hydrunte capta inter alias Salentinorum vrbes Tarento propter summam eius portus opportunitatem imminerent, vrbsque nunc eo loco est constituta, quo antiquitus Tarentina arx amplissima fuit, tam longa quàm inani Annibalis obsidione nobilitata: vbi verò vetus Tarentum fuit, nunc ingentes sunt ruinae, passimque admiranda delectæ vrbs vestigia apparent. Igitur Tarentum vrbs noua est, totaque in eam insulam traducta, et circumfluo mari cincta, duobus ligneis pontibus ab ortu & occasu tantum aditur. In capitibus interioribus eorum pontium duæ sunt egregij operis arces ædificate, quæ ab vtraque continenti intercurrentibus duobus euripis, difficilem habent oppugnationem. Ab aperto autem mari nequaquam adigi possunt naues: nam id vrbs latus perpetuis scopulis à natura permunitum est. His difficultatibus deterritus Consalius, exquisita operum ratione aggeres fossasque iuste magnitudinis sub vrbe ad tormenti iactum circumduxit, duosque à pontibus egressus adiectis castellis cespitate, tormentisque impositis præsepit, atque ibi hyemare constituit. Hispanorum autem classes & Siculorum ab aperto mari cuncta latè obtinebant, ambosque aditus eius insule quæ portum efficit perpetuis custodijs obseruabant, ne per eos aut exitus aut ingressus in portum & ad urbem ullis nauigijs præberetur. Fuit ea obsidio omnium quæ in Italia audite sint maximè diuturna, sed quæ admodum & segnis. Nam Aragonij sicuti urbem per se ex agri proximi fertilitate commoditateque facillimæ nauigationis rerum omnium copia abundantem, importato etiam ac aduecticio commeatu refererant, ita quietos hostes lacessere & periclitari vires quæ admodum erant exiguæ, summæ temeritatis esse censebant. Dum Tarentum obsideret Consalius, dabat operam vt in omnibus cum bellicis tum priuatis rerum actionibus, aliquo semper illustri virtutum exemplo ab Italis, ipsisque præcipuè Gallis admirabilis haberetur. Inter alias quæ ei non minus à natura quàm ab arte eximie dotes inerant, liberalitate qua maximè militum animi capiuntur, admodum insignis fuit. Nemo enim eo aut exquisitius aut opportunius, aut denique hilarius vnquam erga suos non modo, sed & hostes ipsos magnificentie splendorem exercebat. Peruenerat à Lesbos insula cum fortè ad proxima Calabriae litora sciuissimis eiectionis tempestatibus Philippus Rauastenus Belga, Gallicæ classis præfectus, nauibus partim naufragio amissis, partim vi ventorum dissipatis: ipsa verò prætoriana nauis adeo quassata, vt cum violenter ad Cytheream insulam scopulis illisa, magnis rimarum hiatus aquam vndique admisisset, ipse seminudus cum nobilioribus

euaferit. Ad eum itaque Confalvus nausæ confectum, tum recensis periculâ imagine, reique malè gestæ dolore consternatum, omnique castrensi & domestico exutum apparatu, continuo dona misit, quæ & præsentis rerum fortunæ maximè congruebant, & (si multitudinem preciumque spectares) regiam liberalitatem superare videbantur. In his præter omnis generis commæatus vim ingentem, fuere senicæ vestes preciosis sibellinarum ceruariatumq; luporum pellibus suffultæ. Itemq; lecti serici, stragulæ, tapetas, & vasa argentea in mensarum vsum, nobilesque aliquot equi phalerati: tantusque earum rerum numerus fuit, ut ad eius quoque comites serè omnes ea liberalitas perueniret: qui bus muneribus adeo sibi Gallorum animos obligauit, ut tantum virum cum omni laude, tum eo ipso quod regebat, regno dignum prædicarent. Aderant cum Rauestenio plerique Gallicæ nobilitatis iuuenes, & ante alios Ioannes Siuardus Albanicæ regulus in Scotia regicæ stirpis adolescens, quem postea indyti notuâ ducem in Italia vidimus. Iamque ipse Rauastenius minus iniquo animo fortunæ acerbicatem ferebat, quum nulla in re se Confaluo parem esse fateretur. Paulo enim antè æmulatione gloriæ ductus inuicantibus Venetis in Lesbum insulam nauigarat aduersus Turcas, ut Confalui deus Cephalenæ feliciter partum expugnata Mythilene, tanquam nobiliore vrbe insulæque superaret. Sed ea oppugnatio alacrioribus aliquanto, quàm fortioribus Gallorum animis tentata, secundum admodum habuit exitum: nam ab vrbe, cuius mœnia tormentis latè prostrauerant, propugnantibus ingenti animo Turcis repulso, insulæque excedentes atrox ac vehemens tempestas in Ægei mari adeo dissipauit, atque iactauit, ut nulla ex his quæ superfuere nauibus aliarum cursum tenere potuerit. Cæterum non deerant Hispani milites, qui quum Gallis ea dona plurimum inuiderent, in contubernijs, & coronis aperis discitarent, Confaluum regia manu opes in alienos profundem, militum suorum egestati prospicere debuisse, utpote quibus multorum mensium stipendia deberentur. Adeoque ea vis iniquioris inuidiæ indignabundos militum animos inuasit, ut vno consensu subita alienatione cōsternatus exercitus, capitis armis, instructaque propemodum acie, aduersus ducem stipendia flagitaret: iamque cōprocellerat furor, ut hastas contra inermem inclinarent, neque vlla res eum in tanto discrimine magis tutata est, quàm mira oris constantia verborumque maiestas. Siquidem militi gregario atrocibus oculis cuspidem intentanti læua hastæ supposita arridens dixit: Atolle miles incaute, attolle cuspidem, ne me per ludum transfodias: idque tam familiari vultu ac si miles ille alioqui peracerberet dentibus infrendens iocari videretur. Violatus tamen est contumeliosissimo verborum genere: nam excusanti stipendiorum dilationem, & se in extrema pecuniæ inopia constitutum esse iuranti, Hirschia Cantaber centurio superbè respondens, Si pecuniam, inquit, non habes, filias tuas prostitue. Quod verbum, quanquam nullum conceptæ indignationis signum ab irato in præsens exciuerit, adeo tamè altè in pectus descendit, ut quum seditio sedata certis pecuniæ sponsonibus fuisset, nocte quæ insecuta est Hirschiam correptum laqueo strangulari, senestræque suspensum exercitui spectandum proponi iusserit. Ea seueritate Confalvus pristinam imperij auctoritatem, quæ recenti militum consternatione penè amissa conuulsæ fuerat, non modo recepit, verum & in posterum seditionum ac perulantium ani-

mos, ne se dicto factoue lædere auderent, eius repentini supplicij atrocitate deterruit. Crebræ tamen voces ab totis cohortibus edebantur, vt extemplo, aut debita sibi stipèdia persolueret, aut vniuersi soluti sacramenti religione dimitterentur. Aliam enim sibi milites Fortunam liberalioremque militiam cupidissimis animis spectabant: namq; eo fortè tempore Cæsar Borgia Alexandri Pontificis filius, quum omnium Vmbriæ togatæque Galliæ, & Thusciz regularum imperijs & ditionibus inhiaret, magno stipendio, ingentique præda ex opulentijs vrbeb; ostentata, veteres milites maximeque Hispanos ad se vocabat: ita vt iam vniuersi per partes sensim dilapsuri, ac signa deserturi viderentur. Verum ei Fortuna, quæ ipsum in arduis rebus nunquam destituit, alie nato propè exercitu, & nullum ex Hispania Siciliaque aurum expectanti, opportuno præsentique numine adfulsit, siquidem ex mercimonijs admodum preciosis Ligusticæ nauis, quæ Asiam petens fortè in Tarentinum sinum venerat repentè ditatus est, quum eam nihil tale expectantem, atque à triremib; Liscani Hispani circumuentam, iure quodam, quo ferrum ad Turcas deferret per Pucium Triarchum in prædam vertisset, earum mercium precium centum milium aureorum nummum superasse ferebatur. Coactus nimirum est contra naturam suam Consalvus impotenter agere, non quidem auaritia inductus, sed extrema impulsus necessitate: vt scilicet milites in officio contineret: quorum virtuti consilijs maxima quæque atque ardua feliciter se consecutum sperabat, si eorum ingenia aliquot iam de causis deprauata, vehementerque incitata exoluto stipendio pacarentur. Solebat ille dicere quum humana iura violaret, Imperatori equa vel iniqua ratione omnino esse vincendum, vt parâ demum victoria detrimenta illata miseris, cumulatâ liberalitate sarcirentur. Iam aliquot menses in ea lenta obsidione consumperat, quum multis sensim coniecturis factus est certior, Gallos haud quaquam ea regni diuisione contentos, occultè hostilia moliri, literisque transmissis sollicitare Geuarram Ferdinandi Aragonij adolescentis nutricium, & Leonardum præsidij præfectum, vt Gallis potius quàm Hispano regi, qui ipsius patrem regem prodidisset Tarentum dederent. Auxerat quoque suspicionem Alegria Gallorum ducum longè promptissimus, qui paulo antè per speciem religionis postularat, vt sibi aditus pateret ad S. Cataldi templum, cuius numen tanquam tutelare à Tarentinis religiosè colitur, scilicet vt votum pro salute susceptum oblati donarijs præfens exolueret. Per idem quoque tempus Galli Manfredoniæ præfessunt vt ipsis potius quàm Hispanis arcem vrbeque dederet magnis pollicitationibus inuitarant. Sed Consalvus Gallorum conatus in præoccupanda Manfredonia miris artibus superauit, & cum Geuarra egit, ac Leonardo, qui natura Gallis infensi erant, vt ad dedicationem maturandam, a dolescentem æquis propositis conditionibus hortarentur. Iam ipse admirabili stupendaque ratione Annibalis Pœni exemplo circiter viginti nauigia plaustris imposita ab aperto pelago in internum atque conclusum mare translexerat. Est id latum miliaria circiter quatuor instar ingentis stagni, in circuitu verò decem & octo millia passuum amplexitur, semperque vel sæuis incidentibus tempestatibus tranquillam & tutam nauibus stationem copiosissimamq; piscationem præbet. Ab ea parte Tarentum minimè munitum erat, sed domus populariū frōtibus inter se coniunctæ pro muro erant, nihil vnquam hostile ab ea parte ex-



pectantibus Tarentinis. Nauibus itaque ingenti militum plausu, multisque tympanorum & tubarum cantibus in portum deductis, et toto mari vagantibus, magnus Aragonijs terror illatus est: quanquam ea res specie ipsa quam visu & facultate oppugnationis terribilior erat. Nec multo post veluti desperatis rebus Leonardus atque Geuarra Ferdinando adolescenti persuasere, ut se incolumem melioribus fortunæ casibus seruare vellet. Quia si consensescere obfessa in vrbe perseveraret, certa ei vitæ pericula instarent: infensos enim ipsi imminere longè maximos reges, cæteros verò principes eorum esse sœderatos, à quibus auxilia opperiri & opinione stultum, & exitu miserum videretur. Tarentinos porro adeo cumulatæ diuturnæ obsidionis tædiis & in commodis afflictos esse, ut iam acerbiora quæque exoptent, modo obsidione belloque liberati tot ærumnis atque laboribus finem inueniant: si urbem arcemque dederet, à Cōsaluo facilè impetraturum, ut sibi in quas velit terras cum regia suppellectile & domestico comitatu liberè proficisci liceat. Igitur Ferdinandus his abductus consilijs Geuarram emittit: induciæ sex dierum statuunt, comitantibusque in vrbe Aloisio Errera, & Petro Pæco Consalui præfectis, de Tarenti deditione transigitur: cuius quidem præpropterea deditionis Leonardus & Geuarra Tarentinorumque primores inuidia deflagraverunt. At Ferdinandus summo cum honore, singularique humanitate à Consaluo susceptus, quum ex conditionibus regno excedere, et paterna sequi consilia maturaret, è Bytuntō oppido non multo post Tarentum retrahitur, frustra querens & gemens quod à suis fallacissimè inductus, et sub fide regia nefariè proditus custodiæ traideretur. Nec multis inde mensibus (quod vehementer mororem eius auxi) in Hispaniam deuectus est, ubi in libera honestaque custodia paternæ simul fortunæ, & iniquæ suæ sortis casum æquo animo ferre condiscebat. Verebatur enim Consalius, ne adolescens Federici patris consilia innixus ad Gallos transiret, Aragoniorumque animos in spem recuperandi regni erigere, & ab Hispanis curaret auertere. Iubenti enim regi, & ab se minus honesta postulanti Consalius vel cum laude suæ dignitatis parendum iudicabat: quod tamen si sacramento adactus quæ promiserat non præstaret, id totum tamen ad imperantis regis arbitrium referretur: qui uti absens, ignarusque earum rerum ex iure consulorum responsis nulla Consalui sponcione obligari posse censeretur. Interea oborta est contentio de finibus regionum inter Gallos & Hispanos togatorum primo hominum & iureconsultorum, moxque insolentia & libidine militari ad cruentam altercationem deducta, quum utrinque à Consaluo atque Narmurtio publica monumenta descriptarumque regionum tabulæ ex Geographorum atque annalium fide ad iudicii coniecturam proferrentur: quando iam à multis seculis immutante vetustate urbium & regionum antiqua nomina perierint, aut perperam translata, corruptaque semibarbaris vocibus, tenebras scribentibus, legentibusque offundunt. Constabat enim Neapolitanum regnum, quod pari propæstimatione reges Gallus & Hispanus inter se diuisissent, in quatuor præfecturas, ita partientibus antiquis regibus abisse. In Campaniam scilicet, quæ magna ex parte Leboria terra dicitur, extenditque sese nouo regni limite à Fundano saltu ultra Sarnum & Sylarim Picentinorum extremos amnes usque ad Laum, Lucaniam à Brutijs diuidentem: cuius prouinciæ, caput est regia ipsa Neapolis ubertatè rerum omnium incredibili, prospectuque

maris

maris periuendo, & quod animis vel tristibus perpetua horrore viriditate semper arridet. Post Campaniam incipit Aprutina regio olim Præcutina: hæc ab Apennino per Samnium ad Adriaticæ maris oram protenditur, cuius caput est noua vrbs Aquila, ex antiquis Amiterni Forconæque ruinis ædificata. Reliquas porro duas, à læua Apuli Salentinique obtinent, à Gargano scilicet monte ad Iapygium extremum desinentis Italiæ promontorium. Quarta autem regio Brutjs attribuitur, quibus hodie perperam Calabriæ nomen est inditum, quum contra Calabrij sint, qui circa Brundisium Apuliam ad mare Superum incolunt. Brutiorum caput est Cofentia. Ita Brutij sub falso Calabriæ nomine à Sylari ad fretum vsq; Siculum extenduntur, comprehensa quidem ad Ionium magnæ Græciæ ora, eaque parte Lucaniæ simul intercepta, quæ inter Laum, hodie Lainum, et Sylarim Tyrrheni maris litus attingit. Brutij itaq; & Apuli Hispanis, Campania omnis cum Aprutina regione Gallis obuenerat. Intererant autem duæ exiguæ & nouæ quidem appellationis regiones, Capitanata scilicet & Bsilicata, abscissæ procul dubio ab Apulia atq; Lucania quum vetusti reges noua semper diuisione gauderēt, vt benemeritis procubus, quorum numerus æquo amplior offerretur, donatiui nomine præfecturas largirentur. Capitanatam complectuntur amnes duo Frontos scilicet, qui hodie Fortoris nomen induit, et Auſidus in siticulosa Apulia nobilis. Basilicatam autem Hirpinorum & Lucaniæ fines includunt. Igitur Tripalda quod est oppidum in Hirpinis parato, sed nondum coepto bello limen aperuit, quum Galli ea occupata superuentu Hispanorum, qui eam æquum suæ ditionis repetebāt, commisso cruento certamine infelicitè dimicassent. Ab hoc enim quam leuis pugnae prospero euentu, totius obuerturæ victoriæ non dubium omen acceperunt.

FINIS PRIMI LIBRI

## DE VITA ET REBUS

GESTIS CONSALVI FERDI-

NANDI CORDVBÆ CO-

GNOMENTO MAGNI

LIBER II



QUUM hæc in Hirpinis gesta essent, Galli ulturi iniuriam, tanquam turbata pace, sese in Hispanos è proximis præsidijs effuderūt, certatumque est per multas cædes de possessione oppidorum, quæ ambigui iuris esse viderentur. Sed Consalius quod dispersis per hyberna copijs suis valido paratoque hosti esset inferior, iure & legibus, quam armis disceptare malebat, testabaturque legatis ad Namur tum nulsis, id scædus quod inter reges idum esset, se nulla ex parte violaturū, nisi ad summam iniuriam sibi vis inferretur, ne temerè sumptis armis in expe-

etatū ambobus regibus bellum excitaret, quod demum nisi luctuoso rerum  
 exitu finire non posset, seris vtique remedijs ad repetendam pacem, cum fortu-  
 na semel alterutraq; partis causam vel leui rerum inclinatione fouendam suscep-  
 sisset. Ad ea Namurtius respondebat, nihil se omnino ex his regionibus appe-  
 tere, quæ diserte in fœderis tabulis Hispano Regi adscriberentur, arbitrari au-  
 tem quæ prætermittæ videri possent, Capitanatam scilicet & Basilicam ad se  
 potius æquissimo iure pertinere, quàm ad eos qui feraciores frumentariasque  
 prouincias ex rudi vel astuta diuisione consecuti, Gallis demum præclaro hæ-  
 reditatis iure, in eo regno potioribus Pelignorū & Præcutorum steriles  
 atque asperos montes reliquissent. Quum eo modo intentis vtrinq; armis  
 de interpretando fœdere, æquitateque diuisi regni disputaretur, Consalius  
 atque Namurtius in colloquium deueniunt, apud templum D. Antonio di-  
 catum. Id erat religionis causa percelebre inter Atellam & Melphim. Consti-  
 tute igitur ambo duces consecrato in loco ad aram maximam, vbi solennia sa-  
 cra peracta sunt, dictisque sententijs in vtramque partem aliquandiu de ratio-  
 ne finium explanationeque fœderis contendere. Sed id disceptationis exitus  
 fuit, vt oppida, de quorum possessione dubio iure certaretur, interim commu-  
 nis imperij forent, erectis scilicet amborum Regum vexillis, donec è Gallia pa-  
 riter & Hispania exploratis Regum voluntatib. quid illi in perscribendo fœ-  
 dere sensissent, intelligique vellent, interpretatione legitima referretur. Nec  
 multo post milites, quibus à certa spe prædæ bellum maximè vtile, & concor-  
 dia semper inanis & sterilis fuit, ipsique duces ingenio astuto ambiziosoque  
 bellicæ laudis atque potentij percupidī, malè auspicas inducias sustulerunt,  
 adeo turbatè, vt Consalius non temerè sibi timens, quod Gallicis præsidijs vn-  
 dique circumuentus videretur, ab Atella auis atque nocturnis itineribus ad  
 fallendas suspectæ gentis insidias profectus, per Bytuntum atque Andriam  
 Barolum contenderet, bellumque pararet. Reges enim artificij simulationis  
 impliciti pari libidine id totum & integrum quod ex belli Fortuna parari pos-  
 set vehementer affectantes, adeo perplexè & obscurè respondebant, vt se tan-  
 quam ignaros earum regionum nequaquam ad exactè diuisionis rationem in-  
 concipiendo fœdere conditiones expendisse faterentur, proptereaque inte-  
 gram tractandæ asserendæque concordie facultatem ad ducum arbitrium cal-  
 lida dissimulatione reijcerent, quib. tamen ex arcano præscripsissent, sicuti po-  
 stea cognitum est, vt nihil ex cōtrouersia diffinirent: sed vni tantum cōmodo,  
 vel extra ius & æquum inniterentur, ac eam quæ magno certoque vsui foret  
 gerendi belli occasionem arriperent. Eo modo cum vtrinq; ab astutis ingenijs  
 belli causa iactaretur, nec (vti credi volebant) æquitatis atque iustitiæ simulatio  
 diuturna esse posset, nudatis vtriq; animis bellum erupit, grauiore quidem  
 impetu Gallorum, qui paratiores non ea modo quæ ambigui iuris videri pos-  
 sent, sed iam planè Hispanis adiudicata Apuliæ oppida vrbesque inuadebant,  
 egregiè quidè resistētib. Hispanorum præsidijs, atq; his sepe erumpentib. ita  
 vt quotidiana prælia miscerent: Incolarum verò opes vtriq; militi prædæ essent,  
 & Apuliæ pastionis vectigalia fugatis pastorib. et direpto pecore euertētib.  
 In apricos enim atq; tepentes Apuliæ campos, ex algidis Apennini valli-  
 bus deducta ingēs maioris atq; minoris pecoris multitudo, quotañis hyberna-  
 bat, magnoq; id regib. erat emolumēto, quod inde supra centū millia aureorū  
 nummūm

nummum portorii nomine penderentur. Consalvus quum de gerendi belli sede consultaret, & nonnulli proceres Lucaniam alendo militi trahendoque bello aptiorem, firmioremque putarent, cohortante Prospero Apuliam & Barolum urbem cæteris omnibus prætulit, ibique maritima vsus opportunitate, commeatus & auxilia certius atque commodius expectare constituit: scilicet ut initio vehemens Gallorum impetus mora ipsa et perutili cunctatione frangeretur. Urbs Barolum ab Heraclio Imperatore ædificata fuisse fertur, idque facile indicat ænea pedestris eius statua, quæ in foro erecta conspicitur. Porrum habet iacta mole manu factum, sed iustæ classis minimè capacem, nec Corro Aquiloneque perflantibus omnino tutum, triremibus tamen pacis, mercatorisque nauigijs opportunum. Ex aduerso Namurtius quum aduocatis in concilium ducibus de administrandi belli ratione sententias exquireret, quod in vnum minimè consentirent, nihil quod ad victoriam conducere videretur, suspensa deliberatione decernebat. Erat in partibus Gallorum Andreas Mathæus Aquauia Præcudinæ Hadriæ regulus, ingenio optimis literis excolto, exercitatioque militiæ inter alios Andegauensis factionis proceres facile primus: cuncti enim ferè eius sectæ ab Hispanis ad Gallos defecerant. Is nihil potius ac omnino vtilius atque securius, ad non dubiam spem incruentæ propè victoriæ demonstrabat, quàm ad motis continuo viribus vniuersis, Barium oppugnare, in potestatemque redigere, proximam scilicet amicitieque hosti urbem, nobileque totius Hadriatici maris emporium, vnde maxima terra marique Consaluo detrimenta inferri possent. Subessetque inde facultas Byunti copiose vrbis potiundæ, expugnandique in ora luuenatijs, quod olim luuentus Egnatia fuit. Obtinebat autem Barium Isabella Aragonij Alfonsi regis filia, hostili animo in Gallos mulier, quod euerso Sfortianæ domus principatu ipsius filium ex Ioanne Galeacio Sfortia genitum in Galliam abduxissent, vti ibi adolescentulus sacris cucullatorum initiatus, captiuoq; similis, extra paterni imperij spem, sacratis in claustris consensescere cogeretur. Hæc vti generosam decebat, gerentemque paternos spiritus, ferre non poterat Gallos rerum dominos, qui duo, paternæ simul & conjugalis fortunæ suæ imperia deleuissent, propterea mirificè fauebat Hispanis, a quibus ipsa genus duceret, ipsique præsertim Consaluo, a quo vti sepe Barium adeunte inuisenteque, studiofissimè coleretur. Erat id Aquauia consilium in rem aptissimum: sed in fatis erat, ut Galli tota Italia pellerentur. Ex aduerso enim duo veteres acerrimique duces inter se sensibus affinitateque coniuncti Alegria atque Palicia id consilium oppugnandæ formine tanquam ignobile fortibusque viris turpissimum improbantes, vniuersas vires Barolo potius admouendas censebant, vbi dux hostium & belli caput, & quicquid floris esset in Hispanicis copijs: præterea Columnij tanti nominis duces Gallico nomini infensi, opprimi posse viderentur, quando Barolitana mœnia per se vetusto ædificandi more debilia, nulloque intus aggere confirmata, nec primos quidem tormentorū ictus ferre possent. Futurum enim esse, si egregio nobilique impetu quo Gallicum decus semper creuit, seq; super cæteras gentes feliciter exulit, audendum arbitrarentur, ut vrbe capta deletisq; hostibus, bello vix dum cæpto finem imponerent: aut certe Consaluum priusquam nouis erectis munitionibus se permuniret, et maiorib; augeret copijs, ad iniquas omnino pactiones cōpellerent, omniq; penitus

vetere existimatione spoliarent. Ad ea Namurtius, hæc inquit veluti speciosa, maximeque decora auribus quidem, sed nemo sanus tanquam ardua atque aspera factu ad animum admiserit. Neque enim adduci possum, ut acerrimum credam hostem, et pro salute & gloria propugnantem, tormentis nostris continuo cellurum, aut deditiois nomine quicquam admissurum quod indignū pristina sua dignitate videri possit. Quo fit ut obsidere Barolum quā oppugnare satius existimem, quod hostis commeatus inopia laboret, quod pecunia indigeat, & quod maximum ad vniuersi belli victoriam momentum affert, Brutij vltro desciscences vexilla Gallica singulis in urbibus extollant. In hanc igitur sententiam continuo iere Ludouicus Arsius, & Castellio cognomine Formantes, ipseque Clandeius Heluetiæ legioni præpositus. Obegninus enim, cuius post Namurtium in castris summa erat authoritas, cum tertia fere exercitus parte ex Apulia profectus, in Brutios contenderat: apud quos iam pridem nomen eius erat percelebre, quod superiore bello ex præfectura, moderatè & leniter illis semigræcis gentibus imperasset, & bellica demum virtute inclytus ipso Consaluo cum rege ad Semenariam memorabili pugna superato, opinione omnium cæteris Gallis ducibus anteferebatur. Quibus de causis multas amicitias, multasque in illis regionibus haberet clientelas, ex veteresd licet Andegauensium partium studio: & tum peropportune Sansuecrini principes audita regum discordia ab Hispanis desciuissent. In his erant Bernardinus Besennianus, Robertusque Salernitanus, & Honoratus Myleti Comes: quorum maximæ atque expeditæ opes erant ad conflandum bellum, si eo pergere Obegninus, vti erat multorum literis ac nuncijs accersitus, & exoptata diu Gallica signa proclatis ad defectionem populis ostentare maturaret. Nec properantem opinio de Brutiorum studio non temerè concepta vsquam fellit: nullum enim oppidum fuit, cum ipsa vrbe Cosentia, quæ aduentanti minimè portas aperiret, ipseque eo successu depulsis vndique Hispanorum præsidjs, et magistratibus, propè sine vulnere victor vsque ad Messanæ fretum deferretur. Interea Namurtius medij atque ideo parum salubris consilij rationem sequutus, diuisis per circumiecta oppida copijs, ex lōginquo obsideri hostes, qui Baroli constiterāt, subuectos commeatus intercipere, excursions hostium cohibere, infirmiora eorum præsidia tentare, atque expugnare constituit, sic ut plures dies vtrinque milites susceptis ex occasione diurnis nocturnisque expeditionibus exercerentur, leuia tantum prælia fierent, ostentandæque virtutis causa, quæ sitis frustra congressibus Galli dictarent, strenuos quidem pedites Hispanos videri, equites verò secus, utpote qui eludendo, & in gyrum flectendo equos, robustas Gallorum hastas formidare, concursionesque vitare ignobili fuga consuessent. Non tulere elatis animis verborum contumeliam nonnulli Hispani equites, ita ut responderent, si pari numero, & paribus armis quibus cataphracti vterentur, pro gloria decertare velent, se patentem in campum prodituros, ut quinam maximè strenui bellatores forent, Galli an Hispani, nobili spectaculo edito, verum ex collata virtute specimen præberetur. Non abnuere conditionem Galli, dieque constituta, Venerus Transi præfectus, vti ex professo nemini socius, & vrisque pari studio amicus atque hospes locum certamini, Veneto tutum præsidio, ad urbis mœnia concessit. Ea autem prouocatione Consaluus magnoperè lætatus est, quod

quod studio parandæ laudis milites accendi, ex acuique eorum virtutem egregia contentione perspiceret. Undecim ex condicto prodire Galli, quibus totidem opposuit, ex vna forte ductos, quum supra centum equitis ambizioso concursu nomina dedissent. Concurrere utrinque tanta vi, ut nunquam ardentioribus animis, vehementioribusque viribus certatum sit. Plures hastarum impetu deturbati, aut suffolsis equis destituti in pedes, tanta pertinacia decertarunt, ut quum sex horis continuè depugnassent, omnes serè cum suo, tum alieno cruore sordati, nec fatigati quidem sub tanto armorum pondere in occasum Solis certamen extraxerint, certa iam ad Hispanos vergente victoria: nisi eam quatuor Galli memorabili casu penitus elussissent. Septem enim equorum cadaueribus, mura constantia, felicique virtute, tanquam ex castrensi munitione repugnarunt, frustra Hispanis equos adigere conantibus, quum eorum equi, aspectu olfactuque stratorum equorum absteriti, sessorum ipsos in diuersum à lumine victoriæ transportarent. Ex Gallis longè fortissimè dimicarunt Torseius Palicianæ alæ legatus: & Mondraco, qui demum Mediolanensis arcis custodiæ præpositus prodigioso ictu fulminis conflagrante turre, cum tota penè cohorte interijt. Ex Hispanis autem summam laudem tulere Didacus Garcias Paredius, qui perfracta lancea, excussoque è manu sortè gladio lapidibus iactis, quibus pugnæ spacium continuata serie tanquam corona descriptum erat, perunacissimè rem gessit. Et Didacus Vera, aliquanto post ad Algerium in Africa, amissi exercitus infelicitate clarus. Spectatores, & Iudices ex tribunali in certam victoriam fuisse pronunciarunt, ea quidem testificatione, ut apud Hispanos expediti roboris omen, apud Gallos autem inexpectatæ constantiæ laus mansisse censeretur. Non videtur præternittendum falsæ & peracutè dictum Consalvi. Equitibus enim ex eo certamine reuersis, quum Alarco (is pugnæ spectator assuerat) vnius maximè Garcie Paredij virtutem miris laudibus attolleret, quod hasta, ense, clauaque alio casu amissis, subitum ex ea necessitate consilium arripiens, collectis accubitratis in hostes lapidibus longè omnium pertinacissimè dimicasset. Non est inquit, cur tantopere mireris Alarco, quod Garcias alio qui vir egregiè strenuus, suis speculioribus ex natura ingenij fretus armis, ante omnes optumè & vehementissimè rem gesserit: ita ut astantibus extemplo risus sit obortus. Notabatur enim argutè faceteque in Garcia vehemens atrabilis morbus, quæ sæpe ex interuallis vsque ad insaniam correptus, pugno ferire obuios, saxaque in turbam iaculari insanientium more consueisset. Exinde Galli Hispanique æmulatione virtutis accensi, multo quàm antea ardentius atque audacius bellum gerebant. Vsq; adeo ut de gloria potius quàm de regno certare viderentur. Quamobrem necesse erat singulis propè diebus multos capi ac interfici, quod plerumquè dispositis insidijs, & non nunquam apertis in campis ex occurfu iusta penè acie dimicarent. In redimendis autem permutatandisque captiuis, crebræ contentiones, quæ diæque verinque ducum & militum animos exagitabant. quum equo sæpe grauius præcium captiuis imponeretur, neque villos vnquam pares oblata permutatione, militaris auaritia reperiret. Quibus contentionibus obuiam eundem ratus Consalvus cum Namurtio egit per scriptis legibus, ut gregario pediti menstrui stipendiij, & trimestris equiti præcio libertas constaret: cohortum autem præfecti atque ligniferi semestris stipendiij summa mulctarentur;

annuum porrò legatus alæ persolueret: Cæteri ductores ex ordine nobilium, si caperentur, ex summi ducis arbitrio precium penderent. Edixit autem seuereque singulos duces admonuit, ut benignè ac liberaliter captiuos custodirent. Hoc enim ad famæ decus requirebat, ut Hispani non virtute tantum Gallos, sed humanitare & munificentiâ superare niterentur. Per eos enim dies Baiardus Gallus Hispanum equitem, ex nobili Sotomaiore familia ad singulare certamen prouocarat, quum se Gallus ab Hispano graui affectum contumelia quereretur, quod durius ac illiberalius quàm deceret, fuisse custoditus. Cognita nanque causa Consalvus seuerè hominem increpauit, iussitque certaminis alcam subire, ut animi subagrestis ignominiam Marte iudice dilueret: aut victus, quod gentis familiæ decus improbo facto defecderet, meritis turpi vitæ exitu pœnas daret. In eo itaque certamine fortuna ius dixit, eo euentu ut Hispanum Gallus non obscuro pudore confusum, neque se promptissimè ad inferendos ictus explicantem, gladij mucrone per summam iuguli lorica coniecto, celeritè confecerit, Hispanis iure cadentem omni contumeliarum genere onerantibus: utpote qui patriæ nomen turpi antea facto, & mox ignobili morte dedecorasset. Hic est ille Baiardus, qui postea tanquam longè pugnacissimus opinione omnium existimatus, a Francisco Gallorum rege promeruit, ut ante alios deligeretur, à quo ipse ad Mediolanum acie victor profligatis Heluetijs, equestris ordinis insignia susciperet, spectatæ quidem virtutis merito vel summis regibus maxime decora: quandoquidem nobili in prælio partus honos, vel regi imperatorique, præter id totum, quod in his accuratè suspicimus maiestatis decus, nouæ propriæque laudis dignitatem accumulet. Cæterum Namurtius peramplò subnixus equitatu aliquanto effusus quàm Hispani per Apuliam euagabatur, tanta quidem licentiâ audaciaque, ut pastorebus ediceret, omne pecus in herbidos Cerignolæ campos pascendi causa deducendum, quando ipse eius tractus pastiones ab iniuria hostium dispositis præsidij esset defensus. Ea res uti erat præconis voce pronunciata, & a speculatoribus delata ad Hispanos, multos eorum ex proximis præsidij ad prædam exciuit: ière autem eo agminis ordine, ut tertia pars expeditis armis instructa, pecora simul & pastores inuaderet, reliquæ porrò duæ partes in insidijs consisterent, & effusum in prædatores Gallorum præsidium aggredirentur. Nec dolo composito euentus defuit. Galli enim, ubi primos hostium inuadentes turbantesque pecoris greges, et pastores in fugam coniectos conspexere, in eos extemplo impetum lecerunt, tantaque vi eos refugere simulantes persecuti sunt, ut in insidias inciderent, & plerique eorum caderent, ac multo plures caperentur. Sed id ex voto maxime lætum facinus, Fortuna dolis libenter illudens, è manibus Hispanorum celeriter eripuit: cum valida Gallorum manus, quæ Canusio ad incertam spem prædæ fortè exierat, hostibus fessis, & in abigendo pecore occupatis occurrisset. Improviso enim superuentu hostium Hispani nequicquam expedire arma, componereque ordines & repugnare conati, præda omni captiuisque relictis, in fugam se dederunt. In ea commutatione fortunæ, tenente campo equitatu, nonnulli Hispani cæsi vulneratique sunt. Venere autem in potestatem Didacus Vera vnus (ut diximus) ex vndecim pugnantibus, & Theodorus Boccalus Græcæ nobilitatis Spartanus ciuis, qui leuis armaturæ equitibus præerat, & Aloisius cognomento Gordus, quod



quod Hispanicè præpinguem significat, cohortis Celtiberorum præfectus. Is est qui postea Rauennare in prælio Odettum Lotrechium inelyti nominis Gallorum ducem, multis acceptis vulneribus cruentum prostratumque, ne à commilitonibus, qui iuxta eum ipsum Gastonem hostium imperatorem confoderant, interficeretur, corpore suo protexit atque seruauit. Hac ex insperato bene gesta, Galli coactis in vnum copijs, ad Baroli vsque portas sese effuderunt. Sed ostentata tantum acie retrò inde ad Cerignolam repentè signa conuertuntur. Cerignola antiquitus Gerionis castellum fuit, Pœni Annibalis id temerè oppugnantis irritò conatu pernobile. Ab hoc oppido Galli cum murum subsissent, Acunia equitum præfecto, & Zaratè sclopettariorum duce sese à cerrimè defendentib. cum detrimento ita repulsi sunt, vt non multo post nouis adaucti copijs conuectoque tormentorum muralium iusto apparatu ad oppugnandum Canusium conuolarent. Erat Canusij Petrus Nauarrus cum sua Cantabrorum cohorte, cui Collius sclopettarios circiter ducentos addiderat. Cum hac delecta manu Namurtium prolatis tormentis sternentem muros, & alijs atque alijs Vasconum Gallorumque cohortibus summissis, prælium magno omnium ardore instauràtem, per triduum incredibili virtute sustinuit, haud dubiè in ipsis vel frustra defensi oppidi ruinis honesto interitu nominis sui famè satisfactorius, nisi per occultos nuncios iubente Consaluo vt sibi consulcret, fortissimosque milites conseruaret, parendum esse censuisset, quãdo eius salus incolumi cohorte, possessionem ignobilis oppidi multo charior haberetur, postquam ipse in eo periculo laboranti opportunè opem ferre nequiret, nisi quod à belli ratione penitus alienum censeretur, vniuersè pugne aleam periniqua conditione subeundam existimaret. Iam enim pari consilio ne iterum salutis periculum subirent Acuniam & Zaratem, Gerione excedere iussos in castra receperat, coniectura iudicans hostes Canusio in potestatem redacto, confestim illuc, vt receptum incommodum vindicarent, omnino redituros. Itaque Nauarrus quantis fieri potuit artibus summa auersi animi obstinatione simulata, Gallis non iniquas condiciones offerentibus aures adhibuit, vsque adeo tamen grauare, vt truci vultu contumaciq; sermone condiciones nonnisi honestissimas admissurus esse putaretur: quanquam vix certia pars militum integra superesset, multis scilicet interfectis, & reliquis ferè omnibus fauciatis. Nec sibi vllam Namurtius moram attulit, quin exemplo transigeret, quod vel iniqua inusitataque desperatis hominibus, nec inultè perituris omnino concedenda viderentur. Impetrauit enim ea omnia Nauarrus quæ necessariò deditiois casum ad non dubium decus honestarent, scilicet vt ex præsidio decedenti, explicatis vexillis ad tubarum tantum sonitumq; tympanorum, ac incolumi demum omni militum substantia, Barolum tuto regre diliceret: Galli que item iumenta præberent, quibus faucijs aucherentur: & Namurtius data fide Canusinos ab omni iniuria inuiolatos, securosque præstaret. Hæc cū pepigisset, adeo elatis animis Hispani militari incedentes ordine oppidi porta agmen eduxerunt, vt eos minimè victos esse, sed omnino vicisse crederes: et Galli magnoperè mirarentur, tantulas copias maximis ipsorum viribus resistere ausas, tot iniqui Martis incommoda sustinere potuisse. At Consaluo aduentanti Nauarro obuiam egressus gratias egit, laudauitque palam, quod sese & fortissimos milites, quos breui summe victoriæ particeps fu-

turos speraret, opportuna usus prudentia conseruasset. Referebat enim singularis tolerantiae idomitiae animi inusitatam laudem, qua audacissima gentis spiritus fregisse videri poterat: postquam facto virium animorumque periculo praedare constaret, vel grauissimos Gallorum impetus paucorum veteranorum constantia superari. Nec diu post Consalvus Nauarrum exigua quiete recreatis cohortibus Tarentum misit, ratus eam urbem ducendo bello, parandaeque demum victoriae graue momentum habituram, cui hostis ex propinquo vehementer inhiaret, maxime valido fidelique praesidio muniendam. Auxit quoque pari diligentia Andriae vetus praesidium summissa recentium militum cohorte, ut id oppidum a septimo lapide Barolo subiectum contra hostes certae opportunitatis munimentum foret. In hoc enim vnum praecipue consilium intentus erat, ut insultantem hostem patientia sustineret, donec auxilia superuenirent. Ab initio siquidem abruptae pacis a Ferdinando rege postularat, ut nouo delectu in Hispania conscripti pedites & equites in Brutios mitterentur. Expectabat etiam a Maximiliano Cesare Germanorum quingenarias cohortes septem, quas Heluetiae phalangi tanquam aequalis disciplinae par robur opponeret. Has enim Caesar petenti Philippo filio facile dederat, quod Ferdinandi gener vtriusque regni Hispaniae atque Siciliae hereditatem aditurus esse videbatur. Efflagitaret quoque frumentum e Sicilia, quum eius inopia laboraret, mirabaturque non aduehi quando id peracerbis obrestationibus a Nucia praefecto requisisset: & iam iam Liscanus cum triremibus Salentinorum oram teneret, ut Siculis nauigij praesidio foret aduersus Praxianem Gallum Archypiratum, qui ad lapygium promontorium transiturus insidias parasse diceretur. Opperi quoque se dicebat, ut ad syngraphas nummarias, quae ex Hispania Venetias essent transmissae, a mensariis ingentes sibi pecuniae curarentur, quibus stipendia militibus vberim exolueret. Hisceremoniis tanta spe magnifice proposita, & multarum rerum tegebat inopiam, & spes hominum mirifice sustentabat: ut milites in summa egestate pecuniae, quod alimenta graui etiam empta precio deficerent, quod lacera in veste seminudi essent, tot inconmoda iniquissimis animis perferentes in officio facile continerent. Nam intrepidae frontis honor, & facundi oris maiestas, ac in perampro excelsoque corpore vultus alacer, bonaeque spei semper plenus, tantam promissis dictisque eius fidem afferrebant, ut vel astutissimi milites, qui pleraque tanquam inani voto sperata, uti nimis ardua & difficilia factu, laeto successu caritura iudicabant, eum ab occulta vi praestantis ingenij, vel supra rationem futura diuinare crederent. Nam per eos dies nauigium cum multo frumento e Sicilia vel aduersis saepe ventis applicuit, cum lauitque laetitiam altera nauis castrensis plena mercimonio, quam Venetus mercator Barolum adduxerat. In ea erant praeter thoraces & galeas aliquot milia ex laneo panno caligarum, interiorumque tunicarum, multaue item saga, & integumenta capitis, & lintee tunicae: praeterea calceorum ingens numerus, quae omnia Consalvus ita coemit, ut pecuniam mutua a familiaribus secreto acciperet, & ditiores praefecti ducesque minores fidem interponerent: ab Isabellaque Aragonia ad omne officium promptissima, ex numero Barensum ciuium mercatori vades darentur. His rebus magna omnium laetitia per cohortes turmasque diuisis, exercitum ex diuturna illiuique sordidum nouo cultu usque ad elegantiam adornauit, vsque

vsque adeo expedire ac liberaliter, ut quum auri esset egentissimus magnam re conditæ pecuniæ vim habere crederetur, quam opinionem inter milites alere erat solitus. Nam eos aliquando stipendia nimio plus quam ipsi ferre possent disferri conquirentes, allocutus, dicere erat solitus: Estote bono animo commilitones, nam obsignata integraque adhuc nobis superest illa ingens arca, ex qua cum pro matura victoria opus erit, ad explendas omnium cupiditates immensus signatæ pecuniæ thesaurus effundetur. Cæterum Namurtius Canusio Gerioneque potitus, alia quoque oppida circumducto exercitu, quod essent nudata præsidij, ad deditionem facile compulsi, transgressusque Aufidum Canusio ponte ad secundum lapidem à Barolo positus castris confedit, præconæ ad portas missi qui Hispanos, si viri essent, ad iustam pugnam prouocaret, ut vtriusque gentis virtus æquo in campo spectaretur: ac ex ea victoria Marte iudice, bello hinc imponeretur. Ad ea Consalius feruidi paratique hostis impetum mora eludendum ratus respondit, se nequaquam ad nutum expetentis hostis, verum ex arbitrio rationeque exploratæ occasionis dimicare solitum, nihilo secius Namurtio gratias ingentes se habere dixit, quod adeo alacriter sese offerret: sed multo maiores habiturum, si tantisper, dum suorum equi calciarentur, & milites exacerent gladios, armaque detergerent, oppriri minime graueretur. Fremebant tum Hispani, eoque ferocius pugnam deprecabant, quod indignarentur hostes, iterum ex propinquo Baroli moenia spectare ausos inultosque intra pauca stadia confidere. Verum Consalius ita pugnae studio incensus laudabat, ut eorum ardorem graui obstinatione compesceret, hortareturque ut eisdem animos in alium certioris auspicii diem, quem iam ipse præsentiret ad conferendum prælium conseruarent. Fore enim, vt breui ex ea cunctatione magnoperè lætarentur. Nec dicto fides abfuit. Non multo post enim, quum Namurtium satis se ad laudem ex ea prouocationis ostentatione profecisse existimantem, motis castris retro ad Canusium signa vertisse didicisset, emissorepente Didaco Mendocio eximie virtutis duce, cum omni equitatu vltimum abeuntis agmen adortus est, eo ordine instructa acie, vt binæ cohortes expansæ in alas ab utroque latere equitatum irrupentem cursu adæquarent, & sclopettis maximè rem gererent. His præfuerunt Centurionum promptissimi Pizarrus, Scaladda, Spelsius, atque Zaractes. Conuertere itaque se Galli alacriter, & magno impetu prælium iniicere: ita ut Hispani tanquam cataphractorum vim iniquè sustinentes, uti antea edocti fuerant, sese retro explicatis turmis reflecterent: et Galli non iam cofertim, sed laxato agmine conuersos non modo perurgerent, sed effusè confectarent. Tum verò cohortes lunato circuitu ad stadij spacium progressæ vtrumque latus procurrentium hostium inuaserunt, & cataphractorum ala Columnia, leuis armaturæ equitibus subsidio missa, defato agmine prælium excepit. Dimicatum est aliquandiu vtrinque: vehementissimè, sed Galli ferè vndique circumuenti vulneratiq; tantam vim prementis hostis quin se fuge mandarēt ferre nequiverūt, quod Namurtius nihil tale veritus, diuisis agminibus more Gallico iter intenderat, præmissis vtrique: peditatu cum tormentis, et Palicia, Formantæque ex itinere dimissis, qui in hiberna præsidiaque sua, hic Quadratam, ille Rubos redubant. Eo modo victor Mendocius profligatos toto campo persecutus, multos cæcidit & intercepti, penè prius quam id acceptum incommodum a Namurtio, qui opem ferre pollicet, ex suo-

rum fuga sentiretur. Itaque cum captiuus & spolijs Baroluni reuerfus, Confatuo extra portā occurrit. Is enim summo consilio reliquas copias sub signis eduxerat, ut si Mendocio aliquid parum feliciter accideret, ipse producta noua acie in pugnam deferretur. Tum verò ex complexu Mendocium cum sua pristina virtute nobilitateque, tum singulari eo facinore edito illustrem, miris laudibus extulit, quòd insolentis hostis ferociam contuisset, idque vnum ante omnia tanquam ad certum omen maturæ victoriæ factò virium periculo præstitisset, ut Hispani Gallorum audaciam, & quo illi maximè valere videri volunt, impetum facile contemnere condiscerent. Conturionum verò fortem operam collaudando ita probauit, ut menstruum stipendium donatiui nomine eorum cohortibus se continuo daturum polliceretur. Sequenti die Mendocius tempestiui lautique apparatus epulum amicis dedit, eo ordine, ut captiuus nobiles Galli honoris causa inter procures discumberent, Quum verò ad exhilarandum conuiuium poculis certaretur, & de hesternæ pugnae successu liberis sermones inciderent, Mendocius præclarè testatus est, Gallos valde strenuos, in omni periculo egregiè fortes fuisse: sed in ea pugna proculdubio Italicae virtuti palmam deberi, quòd cataphracti alæ Columniæ collatis eorum pectoribus longè omnium promptissimè se spectante atque admirante dimicassent. Discumbebant iuxta primos Carolus Anouierius, cognomen tota Morta, suopte ingenio ferox & forsitan frequentibus poculis incallescens. Is Dñsmeliora, inquit, Mendoci, quàm ut æquis auribus Italos virtute bellica nobis anteferri toleremus. Hispanos enim quum nobis pares esse fateamur, non est cur Itali uti semper imperit, nec omnino fideliter arma tractantes vlla ex parte Gallis comparentur. Quandoquidem si gloriari captiuus licet, sæpe a nobis non vno in loco per Italiam profligati, integram nobis rei bellicæ laudem reliquerint. In hunc modum vociferanti Gallo, seruideque tumentis proximus erat Inicus Lopes Hafala vetustissimæ nobilitatis Hispanus eques. Is admoto cubito Mortam comiter admonuit, ut Italici maledicere desineret, ne illi patrij decoris memores, a comnis contumeliæ prorsus insolentes, si id rescirent proculdubio defensuri publicam iniuriam, cum ad singulare certamen prouocarent. Tum ille altius sublata voce, prouocent inquit, ut lubet, quando nihil mihi omnino felicius exoptem, quàm id forti dextra verum esse testari quod nequaquam temulento ore portulerim. Hæc ut dicta erant per Hayalam in contubernium Prosperi Columnæ delata sunt, ubi frequentes de more Itali equites aderant, increbuitque inter eos rumor, proscindi contumelia Italianum nomen ab arrogante Gallo, viderique eam iniuriam ferro vindicandam. At Prosperi ubi id didicit, cuncta maturè peragenda ratus in ea præsertim causa, quæ totius Italiæ dignitatem respiceret, duos Ianos Romani sanguinis equites Brachalonium atque Capocciam sciscitatum misit, an vera essent quæ a Morta in conuiuio prolata dicerentur. Id si Gallus ingenuè & extramensam fateretur, continuo eum stultè mentiri dicerent, & tot quot ipsi Galli vellent, ostendendæ virtutis causa ad certamen ex pari numero prouocarent. non erubuit Gallus, pertinacique animo conditionem accepit. Hic est ille Morta quem Borbonianæ perfidiæ crimine damnatum, ideoque exulem in ruina cadentis Urbis usurpato Prætoris nomine, ex tribunali ius dicentem vidimus, quum inter eos qui facta humanaque confuderant, aliqua iuris &

æqui

æqui formula qugeretur. Sed is demum quum in Hispaniam preciosa præda diues enauigaret, ab avaris vectoribus ex morbo semivivus in mare proiectus est. Verum Gallus pecunia se redimens ad Namurtium reuersus est, qui de omnibus quæ acciderant edoctus, ineundæ pugnae causam, dictaque & promissa Motta suorum omnium hortatu comprobauit. Statimque inuenti sunt concitante Motta tredecim insignes Galli equites, qui pro decore gentis ad subeundam eius certaminis aleam sese obtulerunt. His autem pares Prosper delegit. Fuere ij ex omni ferè Italiæ regione lectissimi, vt speratæ victoriæ laus nemine conquerente latissimè spargeretur. Romani tres erant, vt hoc dignitati omnium victricis Urbis daretur. Ipsi ante alios, vt diximus, Brachalonius atque Capoccia, & Hector cognomento Peracius, Marcum autem Corolarium Neapolis, & Capua Hectorem Feramuscum bellicosa stirpe ædum dedere. His autem à Theano Sidicino, Ludouicus Benauius, et Marianus Abignentius à Sarno, et Meales Etruria oriundus succedebant. Binos vt mitteret Sicilia impetrauit, ne insula impotenter abrupte mari auulsa à suo continente ius Italiæ ciuitatis amisisse videretur. Franciscum scilicet Salamonium multis postea bellis clarum, & Guliermum Albamontem. Ex circumpadanis verò urbibus numerum supplere Parmensis Riccius et Titus à Laude Pompeia superbo cognomine, quod bello omne vitæ discrimen contemneret Fanfulla vocatus, & acer è Foroliuius Æmilie viæ Romanellus. Gallorum porro nomina, quamquam ea diserte ab ipso Motta didicerim, hoc loco supprimenda censuimus: ne pro sperata laude postquam inauspicato certauerunt rei malè gestæ dedecus cum deformi nobilium familiarum nota transmittatur ad posterum. Prosper suos, quod ferè omnes ex sua aut Fabricij fratris ala delecti essent, graui sermone, sed vultu maximè læto hortatus est, vt meminissent publicum totius Italiæ decus in ipsorum virtute positum, propterea enixè darent operam, ne ipsius opinionem fallerent, qui eos potissimum tot fortissimis equitibus prætermisiss, tanquam optimos Italici nominis defensores delegisset. Nec quisquam fuit qui non dulcedine paratæ gloriæ duceretur, iuraretque se non nisi victorem in castra rediturum. Monuit autem singulos, & instruxit adeo diligenter, vt arma & equos sigillatim inspiceret. Singulis autem robustas hastas Gallicis ferè cubito longiores, gladios item binos: alterum mucrone solido, qui ab ephippio ad læuam dependeret, alterum lateri alligatum, breuiorem & latiore, quo cæsim punctumque ferirent, tribuit: ad dextram quoque addidit pro claua ferrea rusticam securim graui pondere, sesquipedalique manubrio validam, ab ipsa ephippij fronte Cathenulæ ferreæ insertam. Equi autem ferreis splendidisque frontalibus, cervicalique lorica, & bardijs recocto è corio inauratis, & pictis tegebantur. Has antiqui elibanos vocabant, pectora, et clunes aptissimi munientes. Addita demum sunt noui & perutilis apparatus duo venabula, quæ post aciem solo figerentur: vt qui equis deiectione forent, his arreptis rem gererent. Ea sicuti à Prospero & ab his qui depugnarunt accepimus, ad victoriam minimè contulerunt. Nec minore cura Namurpius suos instruxit, decora specie aureos limbos alternante purpura virgatis in sagulis prodeuntes. Hos Palicia ex multis id decus petentibus delegerat: conferendæque pugnae præcepta singulis tradens ad representandum Gallicæ virtutis specimen vehementer accenderat. Medio itaque in loco inter Quadratam & Andriam v-

nus ferme stadij spacium sulco descriptum est, erecto quidē suggestu, in quo sub vmbella delecti tres iudices considerent. Si statuerunt, vt delati extra spacium pro victis haberentur. Singulis autem victoribus arma & equi centeni- que item aurei præmium forent. Quum verò iudices locum ab omni iniuria tutum tanti certaminis spectaculo præstari postularent, ad idque Palicia fide- dem suam, vt in graui periculosoque negotio interponere recusaret, Consal- uus se egregie tuta omnia præstaturum est professus, ac vniuersas copias Barolo eduxit, tanto quidem ordine instructa productaque acie, vt pugnaturus esse videretur, Gallorumque animos ambiguo quodam terrore iniectio suspen- deret. Accitos demum ad se Italos non alijs verbis hortatus est, quàm eius gen- tis stirpisque homines generoso constantis animi decreto contemnerent, vt- pore quos à maioribus ipsorum subacta Gallia, milies cefos atque perdomitos meminissent: sperarentque pro optima causa aduersus insolentes, stolideque superbos pugnantibus certissimum victoriæ numen adfuturum. Tum verò missi ad stadium, ex aduerso prodeuntibus Gallis sese in aciem æquata fronte direxerunt. Nec mora ad tertium tubæ cantum indicto silentio concursum est. Itali magno contra se impetu procurrentes Gallos, secus ac omnes ex more mi- litæ crediderant, nihil promotis equis, sed inclinatis tantum hastis constan- ter exceperunt, eo quidem euentu, vt Galli priusquam ipsorum cuspides ad hostium thoraces peruenirent, longioribus hastis induerentur. & quidam ab extrema acie stadij spacium pertransirent. In eo concursu nonnullis vtrin- que ephippij sella deturbatis, hastisque perfractis magna equorum collucta- tio edita est. Singuli autem clauas aut gladios expediuere. Sed ab Italis miri- ficæ res gesta est securibus: quum graui ictu calsidum bucculas humeraliaque diffringerent, ensesque item e manibus hostium exeuerent: æquata tamen pu- gna videbatur, quod Albamontes & Sidicinus asportantibus equis, vrgentē- que hoste pulsi, intra descriptum limitem se continere nequiuissent. Verum ingenti animo Brachalonius, & post eum Fanfulla, eadentibus eorum equis, in pedes destituti, arreptis ex templo venabulis quum acriter equos virosque perfoderent victoriam inclinarunt. Vnus omnino ex Gallis nomine Clau- dius, collisa vehementer galea, ita vt per nares cerebri medulla cum multo san- guine diffunderet, interijt: qui quum esset ab hasta Italiæ Colonia oriundus, me- rito cecidisse videri potuit: quod pro gloria externæ gentis contra patriæ de- cus parum honesta si non improba arma desumpisset. Reliqui vulnerati, aut ex multis securium ictibus attoniti, quum se victos faterentur, ad terram arma proiecerunt. Quo rerum euentu perspecto iudices e tribunali cum multo tuba- rum clangore Italos victores pronunciarunt, atque ita Galli quod eorum ne- mo centenos ex conducto aureos quib. se redimeret secum attulisset, Barolum sunt perducti. Nihil enim de eius prælij euentu dubitarant, quum arrogantius quàm deceret, vel contra vim vltoris Martis tantos ex inani fiducia spiritus de- sumpissent. Consalius hilari fronte susceptos, iucunda oratione cōsolatus ad- monuit, vt æquo animo perferrēt, quicquid dijudicante Fortuna contra spem egregie pugnantibus contigisset: in posterum verò linguam moderari condi- scerent: strenuos enim honestosque viros, qui equestris dignitatis honore di- gni existimari volunt, neminem nisi in acie contemneret: et nusquam iactabun- dos non inani verborum ferocia, sed sortibus factis per illustrem famam quæ- rere con-

rere con-

rere consueuisse. Exinde curare corpora iussos Prosper atque Fabritius vsque adeo liberali comitate susceperunt, vt Galli quanquam deiectis vultibus perturbati, ferè totam oris tristitiam exuerent: minusque iam quosdam pudere accepti dedecoris postquam eorum virtuti concessissent, quorum humanitate vinceretur. Nec multò post recepta è castris pecunia, redempti dimissi que sunt. Consalvus verò Italos luculentissimè laudatos, equestris ordinis dignitate traditis de manu ornamentis nobilitauit, ita vt ad ipsorum gentilitia insignia argumentum virtutis atque victoriæ, tredecim torques adderentur. Hanc porro celeberrimi certaminis historiam, vt maneret ad posteros, Hieronymus Virda Cremonensis vetus sodalis meus per nobili heroico carmine decantauit. Per eos quoque dies Consalvus ad subleuandam annonæ penuriam, qua maximè laborabat, nouo inexpectatoque prouentu maximè lætatus est. Veneto scilicet nauigio cum magna frumenti copia circa Sipontum à treiremibus intercepto, Barolumque deducto. Alegria enim Gallus Fogia manu capta (hæc olim Ecanasui) maximam in oppido frumentum vim nactus, id totum etiam suam prædam venale proponens, Veneto mercatori præfenti pecunia coementi adijcere maluerat, quam Neapolitanis fame laborantibus, qui id sub fide ad diem exoluendi præcij postularent: & iam nonnulli publico vsui ad alendum exercitum in horreis recondendum dicerent: ita vt ex hostis auaritia Consalvus insigne beneficium sit consecutus, & nulla quidem cum infamia, quam Veneto ampliores quam ille Gallo dederat pecunias numerasset. Exinde quoque accus mulatæ lætitiæ naualis victoriæ nuncium accepit. Liscanus enim Præianem Gallum ad Iapygium consecutus, ita eum cõferta pugna profligarat, vt demeris captisque aliquot nauigijs, in fugam verteret, positurus haud dubiè prætoriam nauem, nisi Præianes in Hydruntinum portum sese celeriter intulisset, vbi Venetus præfectus, tanquam amiborum Regum socius, tutam vtriusque stationem præstare erat solitus. Abea autem Præianis infelicitate Siculæ naues septem frumento onustæ libera tutaque vsæ nauigatione, & pacatis passim litoribus Barolum peruenerunt. Quarum appulsu tanta annonæ vilitas est consecuta, vt præcia rerum propè omnium, ex dimidio planè decreuerint: his enim nauigijs Consalvus præter triticum & hordecum, vini Mamertini, caseique Siciliensis, & ex Cetarijs salsamenti magnam copiam sibi aduehi curarat. Interea Namurtius qui è Canusio, Altamura, Gerione, Quadrata, Rubis, Fogiaque & Siponto, Consaluum circumfusus copijs lenta obsidione premendum susceperat, repentina Castellaneti rebellione excitus ad vindicandam perfidiam, motis properè castris ire constituit. Superioribus enim diebus Mesapiam, Dauniam, Iapygiamque peruagatus, multa in Salentinis oppida in potestatem rei degerat, et in his Leccium nobile oppidum, Lupis antiquius dictum: præterea Calatanam antiquissimam Thussalorum Coloniam, quæ hodie à Sancto Petro nomen ducit, et Nardoum à Leucadia, Nerito condentib, Græcis dictum, Item Rudias Ennii Poetæ natalibus celebres, quæ Rhodiæ hodie vocantur: Oriam demum & Motulam: conuersisque signis, et Gallipoli ex itinere frustra tentato, Tarento copias admouerat, nihilque commouente præsidio, & quiescentib, Tarentinis, Couersanū adortus eius oppidi regulū fidem mutare coegerat. Postremo vrbē Castellanetum medio, sed obliquo itinere inter Tarentum atque Brundisium sitam, ea conditione in fidem acceperat, vt præsidij causa duas Gallorū turmas imponeret, quibus, sese aduersus Hispanos è Tarento sepius



erumpētes tuerent. Eo modo cū multa terrore pręsētis exercitus, et pleraq; sine vulnere colloquijs & pollicitationib. perfecisset, quod pręcellenti studio Andree Aquæuius, et Fabricij Iesualdi Andegauensium procerū vteretur, in magnā spem maturā victorię venisse videbat. Sed fortē euenit, vt Castellanetani Gallorū iniurijs exagitati coniurarēt, quod nōnulli procacius, quā Apulorū mos ferret, matronarū pudicitiam attentassent, alij hospitum penuarijs copijs prodigē vterentur: & quidam hospites suos agrē iniquis imperijs parentes temerē verberassent. Itaque pręsidium intempesta nocte sopitum in hospitij ad datam tesseram est comprehensum, accitisque à Tarento Hispanis vrbs tradita ea tamen conditione, vt Galli quanquam exuti armis & equis, quo ad intutum peruenirent, inuiolati pręstarentur. Id inexpectatę perfidię facinus vsque adeo Namurtium commouit, vt vel dissuadēte Aquæuiua regulo, quin motis propere castris eō contenderet, retineri nequiverit. Ille enim peritus belli, gnarusque hostium Gerioni, aut Rubis, aut denique Canusio timēdum esse disserebat, ne ipso abscedente longius, Hispani rei bene gerendę occasionem arriperent. Verū Namurtius se festinanter iturum, vindicataque perfidia celerrimē rediturum professus, Castellanetum noctu diuque continuato itinere peruenit: oppidani subito aduentu irati repentinique hostis magnopere perturbati, quod pauci in pręsidio Hispani aderant: quod aduersus vim tormentorum imparati essent, & mulierum puerorumque planctus de liberantibus viris fortia consilia excuteret, ad id consilium decurrerunt, vt admisi sceleris pęnas pecunia redimerēt, postquam nihil in corpora defeuissent. Sed dux iracundus cum triplo maiorem pecuniam postulare: et nisi integram continuo perfoluerent, cunctis extrema supplicia minaretur, id omnino importunē effecit, vt oppidani ad desperationem versi extructis introfusus tumultuarijs munitionibus aliquot tormentorum ictus constanter sustinerent: subireque murum scalis ausos prouolutis ē corona trabibus saxisque ingentibus deterrent. Verū in eo conatu harrentem, ambigentemque an vi admotā, quod esset periculofum, an accepta quę offerretur pecunia, quod indecorum videri posset, iniuriā vindicaret, ab eo consilio nuncius auertit. Is attulerat Confaluum Barolo profectum Rubos ad opprimendum Paliciam contendisse. Is enim de Namurtij profectiōe certior factus ex occasione sumpto consilio, celeriterque expedito, noctu eductis omnibus copijs tormentisque ita vt decuriones Barolitanos nō obscurę fidei obsides futuros secum duceret, Rubos aduolauit. Tantaque vi tormentis admotis oppugnare adortus est, vt prostrato ingenti ruina muro, collata veluti acie dimicaretur: & non vno in loco Hispani admotis scalis subire mœnia niterentur. Certatum est per septem horas summa contentione: nam Palicia infractō animo vbi periculum posceret, adhortando pugnandoque suis non deerat, cum pro vallo cataphractos equites pedibus dimicantes irrumpentibus opposuisset, et per sagittarios Vascones idoneis in locis dispositis crebra vulnera subeuntib. inferret. Sed ipso demum Palicia vulnerato, & cataphractis incumbentium hostium impetu pondereque prostratis potius, quā interfectis, Hispani in oppidum irruerunt: cū alij eodem serē tempore conscēsis scalis muri coronam cepissent. Primum quod illatum est repulsus Gallis vexillum, fuit Francisci Sances, qui regis Hispaniæ erat dispensator: Muralis verō coronę decus datum est Traiano Morminio

Morminio nobili Neapolitano, qui primus muri pinnam apprehendisse contestus est. Multis igitur primo impetu cæsis, reliqui Galli omnes cum Rubo stans ciuib. capti sunt, eminente inter eos Palicia cum Anideo Allobrogum equitum præfecto & Peralta Hispano, qui ante turbatam pacem sub Gallo regestipendia merens in officio sibi permanendum esse censuerat. Consalvus in tanto strepitu direpti oppidi præcipuam adhibens curam, forminas coniectas in templum ab omni iniuria inuolatas conseruauit. Sequentiq; die non planè toto direpto oppido eadem vsus celeritate Barolum est reuersus penè priusquam Namurtius qui exitinere adiunctis sibi Heluctijs, & coacto ampliore equitatu festinanter aduentabat, de Paliciæ calamitate doceretur. Nec multo post Rubostanas mulieres Barolum perductas, pudore incolumit & sine precio dimissit, virosq; pariter ad vnum omnes, quibus exigua admodum pecunia redemptionis nomine imposita fuerat. Gallos porro equites nequaquam redimipassus in custodia retinendos iudicauit, quod paulo ante Namurtius præscriptis legibus parum integrè paruissè diceretur. Reliquam autem peditem turbam ad Liscani triremes vsq; ad belli exitum relegauit, duriore aliquantopœna quam Christianæ militiæ mos ferret. Quo instituto dux nonnunquam contranaturam ingenij seuerus & callidus, ob idq; aduersos de se rumores ex belli commo do facile contemnens, hostium alas cohortesque vehementer attenuari præclare intelligebat: paucisque diebus & equitatu quoque quoniam maxime valebat hostis, paruè dederet, cum supra septingentos militares equos varijs expeditionibus Castellanicis præsertim & Rubis captos, lectissimis peditem dedit. Ita ut pedites ad equum rescripti, ardua quæque & aspera tentare auderent, & eo quidem alacrius, ne tanto beneficio, inexpectatoque honore indigni viderentur. Dum hæc in Apulia geruntur, Vgo Cardonius è Sicilia coactis tribus millibus peditem, & trecentis equitibus Rhegium traiecit. Iacobum Sanseuerinum Myleti Regulum Brutios ad defectionem concitantem tumultuario prælio fudit: Didacum Ramirum in arce Terrænouæ obsellum liberauit, oppidumque diripuit, & incendit: conuersusque demum ad oram magnæ Græciæ Martianum Rossani principem in fugam vertit. Quibus rebus cognitis, Sisfeuerini duo reguli Bescennianus & Salernitanus, qui antea (ut diximus) ab Hispanis ad Gallos defecerant, accitis vndique copijs armatisque clientibus sese aduentanti Obegnino coniunxerunt. Is parua manu Gallorum Consentiæ relicta, qua Solitius Gometius in arce obsideretur, ad Vgonem quantafieri poterat celeritate contendebat, ut quàm primùm confingeret. Erant cum eo Grigninius atque Malherba, hic sagittarijs Valconibus, & tribus Heluëriorum vexillis, ille cunctis leuis armaturæ equitibus præerat, sed præcipuum robur erat in grauis armaturæ equitatu, in quo eminebat veterana Scotorum ala Obegnino familiaris fidaque. Habebat tum castra Cardonius in eaplaniciæ, quæ ab oppido Terrænouæ ad meridiem se extendit. Is de hostium aduentu certior factus, rem ad consilium desert: & quamquam nouis copijs esset adauctus, vitandos tamen patentes campos censet, & sese ad Sancti Georgij arcem quæ pertinebat ad Apennini montes recipere constituit. Sed ne decretum fiat, noui duces impediunt, qui ab Hispania nuper adueuerant. In his fuit Emanuel Benauidius, Antonius Leua, qui postea summus dux euasit, et duo Aluaradi pater & filius: qui quadringentos vtriusque armaturæ equites, & quatuor cohortes adduxerant. Indecorum enim & planè

turpe esse differebant retro mouere castra, pedemque referre, antequam hostis in conspectum se daret, & quales quantæque eius essent copiae, certius exploraretur: vel ob id præsertim quod ambigere fidei Brutios speculator Gallos nec biduo quidem affuturos renunciaisset. Sed eam hostium opinionem Obegnius dux vetus egregie fefellerit: Gallica enim usus celeritate, per inusitatam viam monstrantibus Brutijs, & noctu confecto itinere, instructam aciem ostendit, & signa canere iubet. A dextro cornu duo Sanseuerini reguli lunato flexu producebant, in laevo Grigninius erat cunctis, vt diximus, levis armaturæ equitibus præpositus: in media porro acie Obegnius ipse constiterat densato cataphractorum ordine regulis ferè coniunctus. Malherba confertos Heluetios & Vascones ex raris ordinibus commodè sagittantes Grigninians equitibus applicarat. Ex aduerso Hispani conspecto hoste, quanquam pauciores, consilioque decepti, intrepidè ordines instruunt, seseque ad conferendas manus cohortantur, & procurentium Gallorum impetum constanter excipiunt. committitur atrox pugna, nec displodendis vtrinque tormentis facultas datur. Sed ardentepugna, dum Cardonius admirabili constantia ducis et militis munus impleret, Grigninius lato circuitu extensa ala in transuersos hostium pedites inuectus, eos perturbauit et fudit: quibus extemplo incubuere Heluetij et Vascones tanto impetu, vt pulli ab hastatis sagittisque confixi, in fugam verterentur. Ex alia autem parte omnis equitatus Hugonis monitu conglobatus, Brutios æquata cæde sustinebat. Verum Obegnino suam aciem promouente, neque Siculi neque Hispani equites Scotorum cataphractorum vim tulerunt, quin celeriter terga darent, & præcipiti fuga ad montes contenderent, increpante Cardonio, & vt ora conuertere sensimque se recipere vellent, frustra obtestante. Eo modo prostigatis equitibus peditatus in medio ceditur atque proteritur: equites verò magna ex parte ad montium angustias euadunt. In ea hostium perturbatione Grigninius quum abeuntium tergis instans intemperantius prouheretur, quod subducta calsidis buecula faciem nudasset, recepta per oculum conuersi hostis cuspidè interfectus est. Nec Obegnius paruum vitæ periculum adiit, quum Hispani equites, vti postea ab Antonio Leua accepimus, circumuentis & ferè capto, calsidem detrahère conarentur, haud dubie iugulum petituri, nisi Salernitanæ alæ superuentu, quæ facto cuneo circumfusus dissiparat, seruatus fuisset. Nouissimus porro omnium Hugo quum cæteri proceres per montes euassent, demisso equo cui crura præciderat, ne eo potiretur hostis per niuosas rupes ad Bubalinam Mottam se proripuit, atque inde collectis paululumque recreatis militibus, qui ex prælio super fuerant, in Locensem agrum ad urbem Hieracium descendit. Impedimenta diripienti militi agrestibusque cessere, vexilla autem cum multis nobilibus Hibericis equis ad Obegninum relata sunt, captiuorum numerus quàm caesorum amplior fuit. Nec ea victoria Obegnino admodum læta videri potuit. quum Grigninii amicissimi atque fortissimi viri morte constisset. Post id prælium Obegnius quum Bubalinam Mottam in quam hostes ex fuga se receperant, profectus, sine vulnere cepisset, & in Locrensi Pentadactylos oppidum expugnasset, nemo ferè in Brutijs fuit qui non ad Gallos victores studium continuo vertit, Hispanis vtiq; in munitas arces refugientibus: quas Gallus egre per hyemem oppugnaturus esse videbatur. His rebus, quæ in Brutijs & Apulia gestæ fuerant

Ferdinando

Ferdinando regi in Hispania nunciatis, ex tēplo alia classis maioris apparatus in portu nouæ Carthagini adornatur, quæ Messanam adnauiget, præerat copijs classique cum imperio Portocarerius ē Buccanigra familia Genuæ pernobilis oriundus, propterea cæteris Hispaniæ regulis ad id imperij decus aspirantibus regis iudicio prælatus, quod Consaluo arcta affinitate esset coniunctus. Nam is Manricæ Consalui vxoris fororem in matrimonio habebat videbaturq; coniunctis cum eo sensibus ab omni æmulationis certamine procul abfuturus. Portocarerio parebant Alfonso Caruaial, Italiæ postea bellis clarus, qui sexcentis equitibus præerat, et Ferdinandus Andrada, qui ex Gallecijs, Asturibus & Cantabris, ac Oceani litore circiter quinque millia peditum adduxerat. Nauiganti Portocarerio ita aduersi fure venti, vt ingenti tempestate circa Aeolias insulas iactatus aliquāto tardius quàm volebat, sed classe in columi Messanam peruenerit. Verum traiecto freto, Rhegij exponentem copias supremus inuasit morbus. Is quum fatalem horam sibi adesse cerneret, cōsulto Nucia Siciliæ præfecto, ad Andradam ius imperij transiulit, quanquam Emanuel Benauidius & Alfonso Caruaial natalibus clari peritique militiæ ipso Andrada potiores viderentur. Exercebant enim inter se Benauidius & Caruaial veteres similitates ex diuerso factionum studio conceptas, vsque adeo graues, vt neuter alteri ex professo parere vellent sed ambo in Andradam nequaquam agrè Reipublicæ causa consentirent. Mortuo Portocarerio celebratis exequijs iusta perfoluerunt, numeratoq; militi stipendio ex Siciliæ vectigalibus, ac inius cum Vgone consilijs Andrada copias omnes Rhegio eduxit, & tribus castris ad Terranouæ campos est profectus. Eodem quoque die Obegninus ē Bubalina Motta ad occupandam Terranouam venit. Sed præoccupante Alucrado, quum leui certamine hostium vires percutisset, ad castrum Sancti Ioannis non procul à Semenaria deflexit, quo in loco septem antè annis Ferdinandum regem, & Consaluum collata acie profligarat. Nec longè aberant campi recenti Hugonis calamitate pernobiles, adeo vt Obegninus gemina victoria ferox, quanquam numero copiarum inferior, fatales hosti campos sibi que felices oculis reuifens, læto quodam auspicio duceretur, vt quàm primum tertiæ pugnae aleam subiret, mittereturque ab eo ad hostes Ferracutus Araldus. Is caduceatoris officio fungebatur, qui superbo ore Hispanos tanquam non valde strenuos, et planè vincis solitos, ad certamen prouocaret. Quibus verbis Hugo per se ad abolendum dedecus ardore quodam indignantis animi concitatus accipiendam pugnae conditionem Ferracutumque propterea argentea pelui scyphoque donandum censuit. Ioannemq; fratrem qui non longè aberat cum pedestribus copijs accersuit. Sed milites negabant se progressuros, nisi toties promissa pecunia stipendij nomine debita solueretur. Verum eam animorum contumaciam omni quod habebat auro argentoque præbido, oppignorataque amicorum fide facile dissoluit, atque ita peditus in castra perductus est. Obegninus autem aliquot leuibus prælijs factis superatoque Petrace amne, ad oppidum Gioiam contendit. Abeuntem Andrada & Hugo motis properè castris subsecuti, eodem vado flumen traiecerunt: eo quidem ordine, vt quisque eques confessorem peditem transportaret. Postero autem die Obegninus instructa acie ab oppido Gioia descendit. Hispani autem conspectis hostium signis, continuo aciem direxerunt. In cornibus

erant Emanuel & Caruaial: mediam verò aciem tenebant Hugo, Antonius Leua, Alueradus pater cum vetere equitatu peditatuque. Hoc agmen ex modico intervallo sequebatur Andrada cum equitibus ab Hispania nuper aduectis, & Galleacorum & Asturum cohortibus. Hæ gentes antiquo more Romanæ militiæ, scutis oblongis inflexisque & tragulis misilibus utebantur. Ipse porro Obegninus in primo agmine fuit cienda pugnae avidus. In secundo Alfonso, & in tertio Honoratus Sanseuerini constiterunt, qui regulorum gentilium suorum alas ductabant. Quadrato autem agmini peditum præerat Malherba, iuxta quem erant tormenta, quibus vtrinque dispolitis ab equitatu procursum est. Obegnino aduersos Solis radios vitare conanti Hispanorum levis armaturæ alacrum præripuit: ita ut signa verteret, & in Emanuelis cornu vehementer inuheretur. Sed ardente iam prælio, & ægrè vim Scotorum Benavidio sustinente, Hugo, Antoniusque & Alueradus opem tulerunt, pugnaque tanto animorum vigore contracta est, ut Galli Hispanique gladijs rem gerentes permiscerentur, nec eorum quicquam de victoriâ dubitaret, quum Caruaial expedito consilio sinistrum cornu circumduxit: & in terga primi hostium agminis prouectus, tantum terrorem ancipiti prælio occupatis intulit, ut Obegninus dissipato suorum agmine in fugam verteretur. Alfonso verò cum secunda acie auxilium ferentem Andrada equites profigarent: parique sorte Honoratus perterritus fusoque tertio agmine profugeret, semique horæ momento (quod vix credibile est) trucidato ferè toto Gallico peditatu, insignis victoriâ pararetur. Capti sunt ambo Sanseuerini Honoratus et Alfonso. Obegninum Scotorum globus è manibus hostium eripuit. Isque demum adiuncto Malherba continenti cursu Gioiam contendit. Sed ibi paululum moratus, quod iam Hispani equites hisdem vestigijs insecuti aduentare nunciarentur, citato per obscuram noctem itinere, in Angitulam arcem confugit, sæpe Fortunam incusans, quæ inuictum hætenus & Britannicis Gallicisque bellis duodecies iusta acie victorem eluissset. Sequenti verò die ante alios Valentius Emanuelis frater & secundum eum Caruaial, Alueradusque filius, & Antonius demum Leua, nihil de celeritate remittentes, Angitulam perueniunt, oppidoque potiti, Obegninum in arce obsidere statuerunt. Nec multo post Andrada dux ipse cum vniuersis copijs superuenit, erectisq; munitionibus, & circumposita cohortium statione, ne dux hostium elaberetur, in conspectu oppidi, sed extra tormenti iactum castrametatus est. Hisdem quoque diebus quibus post aduentum clasis et Portocarerij mortem, Andrada nouo duce in Brutijs cum Obegnino conuersa iam planè Fortuna certabatur. Germanorum cohortes, quas Octauianus Columna à Prospero patruo, ad Cæsarem missus impetrarat, Carnicis iugis ad Tergestinum portum deductæ impostæque in naues Barolutu perueniunt. Quarum aduentus tanta læticia Consaluum affecit, ut spem antea de summa victoriâ conceptam mirifice confirmaret: nec ideo diutius cunctandum arbitraretur, quin in aciem prodiret. Septimum enim mensem Baroli angusta vrbe obsessus, quum vicina oppida præter Andriam Namurtius occupasset, cuncta belli incommoda, vna inuicti animi magnitudine superarat. Subleuante quidem fortuna spes ægras, & sæpissimè extremis obsessi casibus arridente, adeo ut nunquam de matura victoriâ dubitare crederetur. Hoc inito susceptoque consilio quum omnia quæ ad profec-

tionem

tionem opportuna forent, præfectos equitum & peditum parare iussisset, Petrum Nauarrum, & Ludouicum Erreram propinquum suum cum ea manu qua possent, Tarento euocandos iudicauit: horum enim eximie virtuti plurimum tribuebat. pari quoq; consilio Namurtius coniectura iudicans hostem appulis Germanorū auxilijs moliturum aliquid, & Barolo protinus egressum rum Andreæ Matthæo Aquæuiux perferipit, ut è Conuersano Altanturam peteret, ubi erat Arsius, atque inde ambo coniunctis viribus ad se Canusium in castra peruenirent: quod in eius viri consilio ad res gerendas maximam spem reponeret, nec sine Arsio constanti impigroque duce quicquam sibi audendum arbitraretur. Sed dum inter se Arsius & Aquæuiux de profectionis die constituunt, Nauarrus circa Tarentum Arsijs literas interceptit. Quare cognita vir acutus Aquæuiux transituro insidias tendit, atque ita ille improuilo malo circumuentus, dum fortissimè repugnat, consosso equo grauius fauciatus capitur. Ioannes eius frater strenuè dimicans cadit: equitatusque profligatur, & fermè totus in potestatem hostis deuenit. Eo negotio ex itinere feliciter gesto, Nauarrus & Errera Barolum perueniunt. Consaluus geminata læticia in risum solutus pleno ore Fortunæ obsequenti suscipienda vota pronunciasse fertur, quod opportunissimo tempore capto prudentissimò hostium duce, viros summæ virtutis et fidei magno sibi vsui futuros in castra recepisset. Iam Ver florentibus aruis, adultaque segete ad Calendas Maias inclinabat, quum fortè eo ipso die tanquam ritè auspicato maximeque felici, quo ad Gioiam profligatis Gallis victoriâ parabatur, Consaluus copijs omnibus Baroloeductis superatoque Ausidio ad Gerionem castrametatus est, ea mente ut ad motus tormentis opportuno oppido potiretur, aut si Galli opem ferrent, equo in campo collatis signis confingeret. Peruentum est ardentissimo Sole, est uosq; itinere, & maxime puluerulento, tanta totius exercitus fatigatione, ut pleriq; milites siti, lassitudineq; confecti passim interirent: humorisq; desiderio ferulas, quas reterridus præber ager, tanquàm ex rore nocturno madidas exsugere cogerentur. Quibus malis Consalvus circumductis ad singulas acies aquæ utribus occurrebat: hos enim in eum casum ab Ausidio comportari iusserat, edicebatq; singulos pedites, armatosque præsertim in tergo confellores acciperent. Id vero aliquanto benignius & alacrius equites præstabant, quod humaniore quodam exemplo ab ipso ducereceptus in equi clunes signifer Germanus veheretur. Gerio (ut antea diximus) irritò conatu Pœni Annibalis potius quàm edificio rum frequentia nobile, tumulto insidet, & perpetuis per dediuia uinctis clauditur. Vineta autem fossa modica præcingit, intra quam Prosper atque Fabricius locum speculati, dimensique castra fecerunt, sic ut tumultuario opere solfarepurgata dilatataq;, ac educto ad labrum interius paruò aggere, quantum in ea temporis exiguitate fieri potuit, sese satis egregie aduersus hostium equitatum permunirent. Consaluò ipso recentiores militum ad perficiendum opus cohortante, quum eodem tempore tormenta idoneis locis in fronte collo caret. Interim Namurtius Canusio profectus non procul a Gerione confedit, ut communi du cum omniū vsus consilio de ineunda pugna statueret. Sed in tempestiua altercatione factum est, ut deliberando diei maxima pars elaberetur, quum ipse & Formantes atque Arsius grauib; de causis pugnam in posterum diem differendam censerent. Ciandeus autem Heluenjs prepositus &

Alegria, hequaquam segni atque indecora cunctatione, sed expedito virilique impetu, uti semper fortia audentibus Gallis feliciter euenisset, victoriam omnino petendam testarentur. Qua sententia vehementer offendi nominis sui famam Namurtius intelligebat: nam paulo ante malignas de se voces ab Alegria editas audierat, quod tanquam dux non planè peritus & strenuus vniuersi certaminis discrimen subire formidaret, & se per partes attenuatis copijs ab infidiosa gente carpi atque atteri cum labe gallicæ dignitatis, & magno virium incommodo pateretur. Nec mora non obsecrè contumeliam indignatus, postquam, inquit, ita videtur, ut hodie dimicando qualemcunque fors dabit bello finem quaramus, ego certè, si non publico Galliarum regis voto, præclaro saltem priuato decori meo honesta morte satisfaciam, atque ita concitante fato pugnae signum proposui (quanquam vix ad sesquihoram diurnæ lucis cadente Sole superesset) triplicique agmine instructo ad hostem perrexii, non equata quidem fronte, sed obliquo ordine per gradus promotis copijs, ut quæ à dextro cornu ubi erat ipse & Arsius procurreretur: Ciandei a media acie ubi peditatus omnis constiterat, tormenta disploderet, consequereturque primos ex intervallo: et simili ratione Alegria tertiam aciem ad læuum Helvetiarum phalangis latus ubi esset opus concitatis equis applicaret: sic ut ternæ acies suo incellu expansæ palmæ extremos tres digitos ab inæquali longitudine referre viderentur. Ex aduerso autem Consalius sex acies directæ fronte hostibus opposuit, duæ equitum in cornibus fuerunt, vna in subsidijs post Germanos, cui cohærebant Hispanorum cohortes, adeo modico disiunctæ intervallo, ut procul vna tantum peditum acies appareret, et medio equitatu ad erumpendum, si opporueret, satis spacij præberetur. Leuem autem armaturam omnem Fabricio Columna & Didaco Mendocio ducibus emisit, quæ aduentantes hostes lacessendo retardaret. Tanta autem caligo densi pulueris excitata est, ut prospectus omnis præcursoribus Gallis adimeretur. Auxit demum eam nubem emissorum tormentorum fumus. Sed eorum altè prouolantes pilæ neutram aciem perturbârunt. Quum verò iterari tormenta Consalius iuberet, ei trepidanter et anxie à Leonardo Aleccio nunciarum est, cados omnes sulphurei pulueris, casu an dolo incertum, concepta flamma conflagrasse. At ille tanto nuncio nihil omnino territus, præclarum, inquit, omen accipio. Quid enim nobis lætius accidere potuit, quam prouenientis victoriæ luminaria spectauisse? Nec vanum id augurium fuit: inuectus enim in Germanos, & sinistræ alæ equitatum Namurtius reperta fossa importunè hæsit, adeo ut repulsus, dum agmen flecteret, ut nouus aditus ad irrumpendum quaereretur, glandæ traiectus caderet, penè prius quam Ciandei Germanos aggredederetur. Sed is eandem ab obiecta fossa fortunam tulit, quum ab iniquo loco per aggerem peruicaci impetu irrumperere conantem, Germani prætentis hastis, & ex obliquo Hispani scopettarij occisis & perturbatis Heluetijs, in fossa quamquam humiliter trucidassent. In se enim vnum Ciandei hostium manus atque oculos conuerterat, quum à præaltis albeniæ cristis ante omnes conspicuus pedibus depugnaret. Cæterum cadente Namurtio, Arsius et Alegria quamquam diuersi loco, idem fuge consilium ceperunt, verum ita casus tulit, ut hic in Samnium iter intenderet, ille verò Venuliam continenti cursu deferretur. Hos equitatus Hispanicus aliquandiu persecutus, multis interfectis, et pluribus cum For-

mans



mante captis, in castra redijt. Quum Sol occidens nec in semihoræ quidem  
 spacium certi luminis finiendo prælio præbuisset. Quæres Arrium & Ale-  
 gria in coniectos in obscuram noctem haud dubiè seruauit. Primus omnium  
 Prosper in castra hostium a duolans, ipso Namurtij pretorio positus est, ubi a-  
 bachum inaurato argento instructum, luxuriosæque diligentiae & copiae pa-  
 ratam cenam inuenit, ea sorte, ut luculenter epularetur, & in lecto interfecti  
 hostium ducis pernoctaret, quum eum interea Consalvus acque Fabricius to-  
 tam noctem frustra quæsitum pro mortuo deplorarent. Exorto autem Sole  
 Prosper cum multo plausu risuque suorum ad castra redijt, & Namurtius inter  
 eadæuera agnoscere humerum in cuos cubiculario puero repertus est, cui Consal-  
 uus celebrato funere summos honores tribuit. Erat enim ex Armeniaca fami-  
 lia inter nobilissimas Galliae valde celebri: quæ non semel regio sanguini infer-  
 ta veram nobilitatem præferebat. Pugnatum est ad Gerionem die veneris,  
 quarto Kal. Masias, quum septimo ante die Obegninum ad Gioiam ab Andra-  
 da profligatum Consalvus à captiuis geminata læticia didicisset. Sic vnequa-  
 quam præcipiti temeritate Namurtius, sed planè non opportuno consilio in-  
 ductus, in prælium festinasse diceretur, ne scilicet acceptæ cladis fama si emana-  
 ret, Gallorum animi frangerentur: hostis verò maiorum virium expectatione  
 subnixus omnibus belli artibus pugnae casum deuicaret. Cæsa sunt ad quatuor  
 millia hostium tanta celeritate felicitateque, ut cum semihoræ momento res  
 excepta confecta que sit, nec centum quidem ex victoribus perierint. Audiui e-  
 go Fabricium Columnam dum eius prælii successum enarraret, asserentem eius  
 diei victoriam nullo alio magis vel militaris industriæ, vel imperatoriae virtu-  
 tis, quam in vno exigui aggeris et perhumilis fossæ momento constitisse. Quo  
 postea exemplo alios qui successere duces potissimam in muniendis castris cu-  
 ram posuisse videmus, repetita scilicet illa antiquorum tanquam optima ca-  
 strametandi ratione, quæ patrum nostrorum tempestate cum tota militiæ di-  
 sciplina scædè corrupta perierat. Eodem die Consalvus nullum moræ spacium  
 perterritis, & fugientibus, dandum ratus, Garciam Parediũ, qui Arrianos Venu-  
 siam pertendentes insequeretur, misit: Petrum verò Pacæum, & Theodorum  
 Boccalum Spartanum, Alegriae vestigijs insistere iubet. Sed Alegria Traiano  
 Caracciolo Melphiae regulo fugæ comite cum præuolante cladis fama nullo  
 in oppido reciperetur, & de nulla canistris cibaria passim vel grandi pecunia  
 vix impetraret, ad Tripaldam peruenit, atque inde desumpta vnus diei quie-  
 te extensis itineribus, vicataque Neapoli Aversam se contulit. Ibi certior est fa-  
 ctus, tumultu Neapoli exorto, ipsi regi scripsit magistram, & quæstores ei-  
 more præpeditos in arcem confugisse, atque eo modo desperatis rebus præter  
 Capuam et Suessam iter habens, superato Lyræmne, Fundos atque Traiectum;  
 & demũ Caferam peruenit. Altero quoque die, qui à prælio secundus fuit, Fabri-  
 cius Columna ad occupandam Aquilam Præcutinorum caput cum Restasio  
 Cantelmo Populi comite profectus est. Prosper verò et Andreas Capua, regu-  
 lus Termtulanus à Consaluo dimissi, Capuam urbem quæ erat Termtulano pa-  
 tria pulsus Gallorum magistratibus in fidem recepere. Aperuit & demum eis  
 portas Suessa cum eo copias adduxissent, atque ita pulsus ultra Lyrin Gallis,  
 donec quid fieri vellet Consalvus certius imperaret, in ea vrbe confidendum  
 putauere. Interim ad Hispanos duces qui in Brutijs Obegninum ad Angitu-

iam obsidebant, literæ Consalvi de parta victoria perueniunt. Quibus ad ar-  
cem præmissis, Obegninus agnoscere se Fortunam supra æquum Gallico no-  
mini infestam respondit, propterea quum iniquæ sorti diutius reluctari infa-  
ni esse & protinacis animi iudicaret, se protinus deditionem facturum, si vera  
essent quæ nunciarentur, spondit: atque eo modo emissio Malherba, qui da-  
tæ fidei obfes foret, concessæ sunt duodecim dierum induciæ. Quo spacio  
Galli tres equites missi ad explorandum rei gestæ exitum reuenterentur. Li-  
quum non multo post cuncta vti acciderant, a captiuis edocti, Namurtium cæ-  
sum, & profligatas eius copias renunciaissent, Obegninus aurata in veste, &  
tranquillo quidem ore prodiens se dedidit, ea condicione, vt reliqui ad vnum  
omnes liberi essent, ac ipse solus in libera custodia seruaretur. Ferunt Obegni-  
num duos iuuenes propinquos suos, qui postea bello clari euaserunt, seuerissi-  
mis castigasse verbis, quod mollius quàm viros genereque præsertim Scotos,  
& regio sanguine editos deceret, aduersum belli exitum complorarent, quasi  
non meminissent, nunquam animum generosis esse despondendum, sed For-  
tunam nouo semper conatu rediuiuæ inuictæque virtutis esse redimendam.  
Interea Consalius Melphi in ditionem recepta, quum ex itinere cuncta oppi-  
da victoribus portas aperirent: & nusquam tempus terere, sed continuo Gal-  
los persequi vellet, ex Apulia per Samnium & Campaniam iter habens, Acer-  
ras venit. Vbi Neapolitani oratores primæ nobilitatis, quum victicem dex-  
tram apprehenderent, in cruentamque victoriam gratularentur, victorem ro-  
garunt, vt ciuitatem ex antiquorum beneficiorum memoria Aragonio nomi-  
ni vehementer obligatam in fidem reciperet: iuraque eius, & antiquæ immu-  
nitatis leges tueretur, studio seque conseruandam, ac ex fidei merito nouis ho-  
noribus amplificandam susciperet. His itaque tabulis, quas domi ex superio-  
rum regum formula conceperant, Consalius liberalissimè subscripsit: pol-  
licitus se curaturum, vt cunctis eorum postulatis rex Ferdinandus de scripto  
clementer annueret. Nec multo post sub umbella regio apparatu in urbem esse  
receptus. Parata ei fuerat solempni cultu Salernitani principis domus, quæ lon-  
gè omnium magnificentissima censebatur, aduocatq; demum singulæ tribus  
Idibus Maijs, in nomen Ferdinandi Regis sacramentum dixerunt: militibus  
autem edixit priuato hospicio per urbem susceptis, capitalem fore poenam si  
quenquam auarè aut insolenter vel impudicè violassent. Exinde conuectis  
muralibus tormentis, quæ magna ex parte ad Gerionem ex hostili præda fue-  
rat consecutus, arces expugnare constituit, Nauarro proficiente, se breui singu-  
las in potestatem redacturum. Prima omnium, paruo admodum scopulo im-  
posita, quæ Vicentina turris vocatur (hæc nouam Arcem ex obliquo respicit)  
tormentis expugnata est, de dentibus sese custodibus, qui tormentorum pro-  
cellam ferre nequieuerant. Inde Nauarrus apparatus omnem ad nouam Arcem  
conuertit, ita vt superioris coronæ pinnas, & summa turrium te cta inter-  
diu verberaret, noctu verò tunis in excauandis cuniculis versaretur. Factumq;  
est paucorum dierum labore, vt ex instituta disciplina coniectis ad ima funda-  
menta sulphurei pulueris cadis, totum id propugnaculum, quod hortos viri-  
dariaque despectat, subdito demum igne horribili fragore conuulsim lacera-  
tumque concideret: & Hispani per ruinas expeditis armis celeriter irrupe-  
rent, exterioreque toto arcis ambitu multis Gallorum interfectis potirentur.

Reliquos

Reliquos verò Gallos, vti erant inopinato malo perterriti, per triumphalē portam in interiorem arcis arcem refugientes, ita vrgerent, vt occupatum pontem, pondere degrauantē à Gallis custodibus attolli prohiberent. In ea autem per turbationē Galli æneæ cælatæque portæ valuas inductis pessulis turbæ irruptionis celeriter opposuerunt, adegerēq; item colubrinam ad fores, vt ea introrsus dissplosa consistētium, & in ponte, & in area Hispanorum strages ederet. Sed admirabili casu pila ferrea in ipsa valuarum crassitie hæsit, non planè penetrato metallo, quæ hodie pro insigni miraculo peregrinis arcem inuisentibus ostenditur. Consalvus, quum meridiani capi arcem clamore militum edito nunciaretur, neque id planè crederet, arrepto tantum pedestri scuto, ad arcem decucurrit, ipsoque admirante, occupata est area arcis interior, admirabili quadam audacia scandente Hispano, & Gallis qui in turres confugerant, trepidè se deditibus. Muralis coronæ decus promeruit adolescens ex armigeris Consalvi pueris Ioannes Pelaes Berrius, qui pinnae pluteum Gallo ei manum detruuncante audaciter apprehenderat. Milites cuncta ferè quæ erant in arce diripuerunt, vsque adeo insolenter, vt nec annonam quidem se relicturos pernegarent, ipso duce Consaluo arrogantibus verbis penè violato, si militaris inue recundia cum tanti viri maiestate conferatur. Sed in summo omnium gaudii militib. tanta re patrata indulgēdum esse iudicabat: adeo vt singula horrea, & singulas annonæ cellas à militib. parum liberaliter ea vendentib. coemere cogeretur. Disctabant enim superbo ore ea omnia summis periculis quæ sita, optimo iure sibi deberi, postquam egerrimè debita stipendia soluerent. Earum rerū optimam publicæ æstimatione fuisse prædam constat, quā in arcē tãquam tutissimè munitionis locum, Andegauensium partium ciues, mercatores atq; mensarii obsignatas preciosarum rerū arcas detulissent. Non defuere tamē multè ex gregarijs qui nihil sibi omnino ex præciosa ea præda peruenisse iurarent, & diris maledicendo de iniqua sorte sua improbè quererentur. Ad quos conuersus Consalvus, Itote, inquit, vt ex mea liberalitate Fortunam vestram superetis, & domum meam diripite. Quo oblato munere alacres ad eam illico conuolarunt, tanta intermixtæ plebis rapacitate, vt nudatis omni ornamento parietibus, nec cellæ quidem vinariæ parceretur. At Consalvus repurgata cadaueribus area, eductisq; captiuis, atque omni præda militibus exportata, arcis custodiæ præfecturam Nonio Campeio, quod esset vir impiger, & sibi admodum familiaris, detulit, Nauarro ad Oui arcem tormenta conuertere iussit. Ea est in insula de nomine vnius Sirenum Megaris antiquitus vocata, qua Ecclæ montem spectat, & continenti ponte longo coniungitur. Successit rupi Nauarrus, perfofisq; cauitibus altero atq; vigesimo die quam nouam arcem ad terræ latus iunias ceperat, ignes subdidit, qui vbi ex incensis sensim funiculis ad tormentarij pulueris vasa peruenerunt, tota illa ex tremæ partis arcis prælati rupes, inter horribiles eructantis flammæ crepitus, latè diffracta concidit, & tum fortè quum arcis custos vocatis in consilium militum primoribus in delubro confedisset, nihil eius loci numine à miseris auertente cladem, quum subita cadentis arcis ruina ferè omnes oppressisset. Custode itaque miserabili tumulo cum centurionibus conspecto, qui supererant tantæ cladis euentu terrefacti, quin statim arcem dederent, nullam deliberationi moram attulerunt. Per eos quoque dies seram his arcibus opem ferens Gallica classis, quum in

conspēctum Neapoli se dedisset, defecto consilio, ad Ænariam vela flexit, vñ urbem Pythaculas, quæ hodie Iscla dicitur tentaret, ibique Hispanorum triremes tutam sub arce stationem habentes opprimeret. Sed Constantia Dauala summæ virtutis & fidei femina, quam rex Federicus in arce reliquerat, ab excessa munitione dispolitis tormentis, Hispanos vsque adeo egregie defendit, vt vexillum Aragonum explicaret, & se cum arce vrbeque, & tota denique insula quæ septem pagis constat, in fide Hispaniæ regis futuram profiteretur. Hæc est Constantia Dauala quæ pietatis & gloriæ nomine inter paucas memorabilis duorum fratrum filios Piscarium & Vastium, bellica laude maximis antiqui seculi ducibus æquatos feliciter educauit, cum ab infantia clarissimis orbatos parentibus, vñ generosa præcellētis vitæ magistra, in eam viam quæ ex vera virtute in cælum itur, rectissimè deduxisset. Porro Consalius incredibili felicitate tribus arcibus potius Andrada scripsit, vt iustis confectis itineribus Neapolim cum exercitu Obegnino securè humaniterque perducto venire maturaret, quod sibi omnino oppugnanda Caieta videretur, in quam reliquæ Gallorum confugissent, & spe maritumorum auxiliorum subnixi duce Ludouico Salasso, ad quem ius imperij reciderat, de renouādo bello cogitarent. Sed Andrada iam receptis Brutiorum arcibus, & nouis passim viciopus erat præsidij impositis, præteruēctus Pestum, Veliam, & Buxentum, quæ hodie Capaccium, Bucca, & Pylocastrum vocantur, per Picentinos aduentabat. Scripsit quoque ad Didacum Arellianum, quem recepta Melphi in præsidio reliquerat, vt Arisum Venusia sæpe erumpentem à sociorum populatione reprimeret. Prosperum verò Columnam, & Andream Termulanum cum primo copiarum agmine a Suessa ad Pontem curum, qui est ad Fregellas, progredi iussit, ipseque ad Sanctum Germanum, quod olim Casinum theatro nobile oppidum fuit, per Calenum agrum est profectus. Inde Gulielmæ arcis oppidum eiectis Gallis in fidem recepit, solutoque apud Fregellas militibus stipendio, in Fundanum agrum descendens ad Caietam prolatis tormentis confedit. Iam cō Nauarrus tria milia peditum apparatusque oppugnandæ urbis adduxerat, conabaturque eodem artificio, quo Neapoli felicissimè vsus fuerat, pluteos facere, effodere cuniculis, mœnium pinnas detergere. Verum Salassus & Alegria Gallorum & Vasconum freti præsidio, Nauarrum iniquo loco talia molientem assidue coniectis colubinarum et falconum pilis perturbabant, vsque adeo violenter, vt non solum qui circa tormenta atque aggeres in opere versarentur, verum & qui procul in castris essent, vitæ periculum adirent. Nam multis ad certos pariter atque fortuitos ictus discerptis, Galli peritissimè iaculabantur. Augebant quoque ea detrimenta apud Hispanos apertis in locis periculosè confidentes Gallorum triremes, quæ ab Ænaria Prochiaque repulsa inter Mosam & Caietam sese intulerant, & tormentis quo velarent emisis, cum multorum exitio periculoque per Formiana litora vagabantur: quibus discurribus fiebat, vt propter locorum iniquitates multi ex Hispanis interficerentur, ac monereturque propterea Consalius vt parceret militi inultè pereunti, tormentisque retractis ad Formianum oppidulum Cicero nis olim delicias, quod hodie Castellonem vocant, castra reduceret. Id verò aliquanto maturius quam volebat, facere est coactus, quoniam præter fortissimos milites amplius trecentos, Rodoricus Manricus Nageri reguli frater, Manri-

tér, Manricæque vxoris propinquus, & clari cohortium præfecti Ioannes Spesius & Alfonso Lopes, qui è Neapoli relicta classe cum socijs naualibus euocatus fuerat Sancius Armentales Cantaber, cum signiferis quatuor tormentis icti cecidissent, & nouissimè Antio Lilestano Germanorum duce falconis pila discerpto, ipse quoque Hugo Cardonius summæ virtutis dux, qui è Brutijs victoriæ nuncius nuper aduenerat, resiliente ad tormenti pilam muri fragmine genu ictus interisset. In eo prægravi dolore Consalvus, & publico militum luctu ad Formianum castra secit, vt inclusos & sæpe repullos hostes sterili in vrbe tutius & latius obsideret: id verò per commodè fiebat, quòd nouis copijs esset adauctus. Iam enim cum Brutianæ victoriæ cubibus Andrada ad Caietam in castra peruenerat, quum paulo antè Obegnum reliquosque insignes captiuos Nonio Campeio arcis præfecto custodiendos tradidisset. Dum in eo salubri loco, & nobilium fontium scaturigine per celebri castra haberet, Fabricij Columnæ & Restanij Cantelmi literis factus est certior, Theate in Maruccinis & in Vestinis ad Garganum montem aliquot oppida nequaquam vi, sed præclara voluntate in fidem concessisse. Horum exemplum secutos Sulmonenses, Hadrianos, Interamnates, Pinnenfes, & qui sunt circa Fucinum lacum Cælanenses, & cuncta denique Præcutinæ regionis oppida, in primisq; Tallacotium, & Marforum Albam, ipsamque Aquilam, quæ ex Amiterni ruinis reuixit, totius prouinciæ caput, in ditionem venisse, pulso armis Hieronymo Galeosio (is apud Aquilanos Gallicæ factionis princeps euaserat) reiectisque obiter Vrsinis, qui duce Fabio Pauli filio, oppida Columnæ familiaræ proceribus attributa, ademptaque olim Virginio Vrsino, occupare conati fuerant. Frustra etiam Aquilanis inhiantè Fracalla Sanseuerino, qui cò cum ala equitum à Pontifice missus, oppidanoratus animos perterritar. Interea Consalvus certior fiebat, Ludouicum Gallicæ regem nequaquam demisso animo Fortunæ cedendum existimantem, vt erat indomiti & constantis ingenij, bellum renouare, conductis scilicet duabus Heluetiorum legionibus, ac exornata ad Genuam noua classe, imperatisque equitum auxilijs à Mantuano Ferrarientique regulis, & à Bentiuolo Bononiensium Tyranno, Florentinisque & ab ipso quoque Cæsare Borgia Alexandri Pontificis filio. His copijs Ludouicum Tramulium summæ authoritatis & gloriæ ducem præfecerat, addideratque ei collegam Franciscum Gonzagam Principem Mantuanum quo nemo gerendo eo bello aptior videri potuit, quum propter insitum pugnacis animi vigorem, tum propter regionum sæc omnium Apuliæ regni singularem notitiam, quum fama rerum his in terris feliciter gestarum clarissimus haberetur. His accedebat Antonius Basseius Hedus, qui Heluetijs præerat, propter linguæ peritiam, vetus dux eius gentis, & moderator eximius. Iam Gallorum copię per Hetruriam adueniæ dicebantur, quum ab Roma ex regij legati literis Consaluo nunciatum est, Alexandrum Pontificem circiter Idus Augustas, lethali correptum morbo post quartum diem decessisse, Cæsare Borgia filio eadem rapida valetudine grauius tentato, ita vt populus pro comperto haberet, & patrem & filium ex eadem laeta venenum quod conuiuijs parassent ebibisse, fatali scilicet errore ministri, qui lagenas improuide commutassent, in ea cena quæ ad fontem in aduerso Vaticanæ dorso ambobus maximè hilaris, sed exitu admodum lugubris fuit,

Medici quum senem vim eius veneni minimè sustinentem seruare nequiuissent, Cæsarem filium, vti erat ætatis vigore præualidus, multis antidotis conseruauerunt. Accepi ego ab Adriano cardinale Cornetano, in cuius villa cœnabatur, se eodem mortifero poculo petutum, ita exarsisse ex subito viscerum seruatione, vt obortæ caligines oppressis sensibus sibi rationem excuterent, sese in solium frigida plenum mergere cogeretur, neque prius perustis interaneis ad vitam rediisse, quàm ei extrema cutis in exuuias abiens toto corpore decideret. Id verò tanquam execrabile, totique Italiæ maximè funestum caput, si religionis causam amoueas, auidis oculis populus spectauit, sanie lurida deformatum, ita vt plerique, inimicique præsertim Vrsini, seuitiam diri hominis merita talionis pœna vindicasse Superos crederent, quòd aliquot opulentos Senatores eodem veneno sustulisset. Audita morte Pontificis Prosper atq; Fabricius à Consaluo dimissi ad Vrbem conuolarunt; vti oppida quibus iniquo iure expulsi fuerant armis recuperarent, nec ea Cæsar atroci morbo, vehementique inuidia circumuentus grauati restituit, ne oppugnatus ab Vrsinis, Columnios quoq; ex iusto odio infestos hostes experiretur. Fuit ea liberalitas, quamquam extorta necessitate Columnijs admodum grata, quòd Neptunum in Antiæ, & Genatium in Latio, & Papeam arcem ad Algidum sumptuosius edificijs, et turribus à Pontifice permunitas, nullo labore recepissent. Tenebat se Vaticano Cæsar valido fidelique septus exercitu: ita vt præ metu Senatores de comitijs à sturi ad Mineruam conuenirent. Res erat infamis, plenaque recentis inuidiæ, quum supra vetus odium sacrosancto templo, & Vaticana sede Senatus arceretur. Quamobrem Romani Magistratus in Capitolio suæ dignitatis esse statuentes, liberum tutumque locum comitijs, atque omni armorum metu securam Vrbem peregrinis, & ciuibus præstare, seueris obtestationibus impetrarunt, vt eductis Vrbe copijs ad Nepescederet. Nam per eos dies Vrsini Liuiam duce, Vrbem intrarant, interfectisque nonnullis Hispanis, Turronis portam crematis valuis in Vaticanum irrumpere conati, magnum tumultum excitabant. Itaque pacata Vrbe Pius tertius Pontifex est renunciatus. Sed eo intra paucos dies defuncto, Cæsar iam ex morbo firmior in Vrbem est reuersus, vt secundis comitijs interesset. Gallis enim aduentantibus fauere decreuerat, ita vt eis auxilia polliceretur, & Georgio Ambrosio Rotomagensi Cardinale candidato suffragatores ex amicis, Borgieque domus senatoribus pararet. In eare rum occasione Consalius satagendum ratus, cum Hispanis ducibus qui Borgiæ militabant opportunè transegit, vt postulato comiteatu, cum suis alis, atque cohortib. ad se transierent, Ferdinandoq; regi fortem, et Hispanico nominis iure gētium debitū aduersus Gallos operam præstarent, vel ob id præsertim quòd improuisa arma ad Salsulas Hispaniæ sinib. intulissent. Transiuere itaq; vel in speciem non inuito Cæsare, ipsa herelæ publici decoris cura supra pudorem priuæ necessitudinis eminere Vgo Moncada ante alios, Hieronymusq; Olorius, & Ludouicus item Hiscet Petrusq; Castrius, & secundum eos Didacus Chignones nobili loco nati, clariq; militiæ. Hos Consalius certis collatis honoribus, liberaliq; stipendio profecutus est. Tentauitque demum Vrsinos proceres per amplis propositis conditionibus, vt Ferdinandi regis vexilla sequerentur: nec consilio quanquam mirè arduo felix euentus defuit. Quis enim credidisset Vrsinos & Columnios ex vetere factionum odio disidentes in vna

in vna castra coituros: Dederat occasionem Vrsinis vt alienatis armis, nouam à veterēque instituto penitus diuersam rebus suis Fortunam quærirarent, Georgius Ambosius, quum Cæsari Borgiæ comitiorum causa vehementissime faueret: adducto enim secum è Gallico carcere Ascanio Sfortia Cardinale, in eā spem venerat, vt cum candidatus prodiret, pontificatum adsequeretur, adiutore præsertim Borgia, cuius caput tanquam nefarii cruentique hominis Vrsini perire videbantur, vt propinquorum necem vindicarent: quum paulo antè tyrannus ille tot familiæ proceres immani crudelitate prostrauisset: ob id quoque se contemni existimantes facile indignabantur, quòd Trantius Gallicæ regis legatus, cui operam, copias & opes obtulerant, aliquanto perplexius responderet, quàm instantis belli pericula flagitarent. Gallus enim astutus sed fallaci ratione, Vrsinos vel sine præmio stipendioque sibi affuturos putabat, quando à veterē partium studio discessuri minimè crederentur, Liuiano ante alios Trantij vanitatem atque superbiam non obscura auaritia indusam minimè tolerantē, quòd tanquam explorata victoria nequaquam sibi opus esse Vrsinorum auxilij existimaret. Igitur expedita deliberatione Vrsini omnes præter vnum Iordanem Virginij filium Consaluo sese ea conditione celeriter applicarunt, vt ad eum opima stipendia mereretur, cum duobus milibus vtriusque armaturæ galeatorum equitum, & quatuor peditem vexillis per Sabinorum fines transirent: tempus tunc quoque in id consilium proclinatorum Propter atque Fabricius amicissimis cohortationibus accenderant, vt optimè de matura victoria sentire vellent, eaque demum præthia se adepturos sperarent, quæ à summæ virtutis & fidei duce, ipsoque rege gratissimò expectari possent. In his pollicitationibus sese Columnij vades præbebant, spondente pro omnibus Didaco Mendocio, qui præfens egregiam promissis auctoritatem afferebat. Iste ante alios Liuianus, & Ludouicus Pitiliani filius: Fabius item summæ speciei uenis Pauli à Borgia necati filius: præterea Franciottus, qui postea cardinalis fuit, & Rentius Ceres Anguillarius, Iuliusque Vitellius Tiphernas. Interea Gallicus exercitus Gonzaga duce, quòd Tramulius in grauem morbum incidisset, Vrbem secundum mœnia præteruectus, Latina via ad regni fines sine maleficio peruenit: quòd Gallis se hostem futurum, si secus facerent Iulius dudum creatus Pontifex edixisset. At Consalvus cognito hostium aduentu à Formijs Casinum venit, recepta iterum ex itinere Roccha Gulielma, quum oppidani leuitate populari Tristanum Acunium satis incautè sacrorum causa ab arce ad templum descendentem interceptissent: & Gallis euocatis sese defensori viderentur. Exterriti enim eos Nauarrus: & depulso Gallorum præsidio leuiter, atque perfidiæ poenas dare coegit. Supra Casinum templum est in edito monte Diuo Benedicto consecratum, degentibus ibi multis sanctioris vitæ sacerdotibus. Id tanquam tutissimam creem Galli tenebant, qui paulo antè se præsidio excessuros datis obsidibus pepigerant, nisi intra certos dies auxilia superuenissent. Aduenerat præfixa dies, sed Galli ex fama aduentantis noui exercitus spe subnixi, deditionem extrahebant. Id minimè ferendum ratus Consalvus copias admouit, spe prædæ milites accendens, tantæque fuit eorum vis atque celeritas in conscendenda rupe proferendisque tormentis, vt quum postinitum acre certamen duo fortissimi centuriones Ochea & Iordanes Artiaea, alter per appensum funem in muri coronam euassisset, alter



per angustum perfracti muri hiatum audacter ingrederetur, consequentibus manipularijs, trucidatoque Gallorum præsidio, tota ea Cœnobij arce potirentur. Verum ea fuit in quaerenda præda militum auiditas, venec à Sacrario refractis armarijs abstinere, quin sacrata vasa vestesque altaribus dicatas diriperent: ac nisi Garcias Lifonius, qui pietate insigni ad Rubos captiuarum forminarum pudorem conseruauit, intentato gladio prædantes coërcuisset, venerebiles etiam sanctorum patrum reliquias, oculis scilicet argenteis condite, profecto avaritiæ militum celsissent. Eodem quoque tempore Gonzaga ad Rochasiccam quod est oppidum Daualorum, pontificijs finib. propinquum castra fecit, misso præcone qui præsidio cædem denunciaret, ni se dederet priusquam ad mota tormenta murum ferirent. Præerat præsidio Villalba ingenio ferox. Is præconem liberius loquentem arripuit, & laqueo e mœnibus suspensum hostibus ostendit: qua seuitia offensi Galli tormenta protulerunt. Verum his tentato certamine acerrimè sese tuentib. Hispanis, noctu castra mouerunt, quod aduentare hostes nunciarentur: rectoque itinere Aquinum profecti sunt. Consalvus enim Prosperum Columnam & Didacum Mendocium, & cum peditatus parte Nauarrum Rochasicæ opem ferre iusserat, scripseratq; Villalbæ, vt his educto præsidio iungeretur. Ipse verò cum Germanis, totoque reliquo exercitu eadem via iter intenderat, vt cum hoste confingeret. Verum nocturno discessu hostium facillè accidit vt eo die minimè pugnaretur. Subinde quoque per aliquot dies vtrinque cessatum est, propter continuos imbres Gallis maximè aduersos, qui nunquam se durius hyemasse fatebantur: quod egrè ad expediendos comeatus subuectiones fierent: quòd lutulenta itinera educendo equitatu, quo plurimū valebant, peruehendisq; tormentis periniqua essent. Quibus rerum difficultatibus impeditos Consalvus aggrediendos ratus, Fabricium Columnam, & cum eo Vrsinos duces qui dudum in castra peruenerant, ad Aquinum misit, vt quinam hostium motus essent certius explorarent. Incidit Fabricius castra mouentibus, contraxitque acce certamen dum postremo Gallorū agmine, vbi erat Alegria. Quo vehementer incumbētes eo deducta est, vt Fabricius impar hosti sese recipere cogeretur, et Consalvus de motu hostiū certior factus acies promoueret, vt crescente prælio, si quid Galliaudendū putarent, adductis omnib. copijs interesset. Sed nox admodū propinqua vtrunq; ducem ex propinquo ostentantē vires facillè diremit. Galli ad Fregellanum pontē concesserunt, & Cōsalvus ad Aquinū vnde hostis exierat, posuit castra, pluresq; ibi Gallos et Heluetios ex morbo fame et frigore tabescentes in tēplo hospitali repositos insigni pietate conseruauit, secus ac Præianes Gallus effecerat, quum paulo ante nauigium, quo Hispani aliquot, ex numero fauciorum, & agrotorum e Formiano Neapolim aduehebantur, supra Cumas pyratice feritate demersisset. Nec multo post Consalvus ab Aquino Linopi desertoque oppido Casinum est reuersus. Galli interim circa Fregellas septem integros dies explicandis consilijs consumpserunt: nihil enim primis eorum conatibus Fortuna responderat: utpote qui secus ac ab initio crediderant, à primo hostili oppido contumeliosè reiecti per Casinatis saltus fauces in Calenum agrum & Leborios campos peruadere nequiuissent: vetantibus scilicet sædis tempestatibus, ac obstante hostium duce, qui æquissimo in loco pugnaturus in acie constiterat. Nec deerant ex Gallis proceribus qui infirma spe de

spe de belli euentu iudicantes ad non inane omen aduersi successus verterent, quod in ipso vix dum coepti belli limine Alexander Pontifex non obscure socius futurus repente concidisset. Tramulum vero in cuius spectata virtute authoritateque Galli milites summam spem reponerent, grauis admodum atque difficilis premeret morbus: ac Vrsini principes qui fortem fidelemque operam obtulerant, poenitendo Trantij errore, tanquam spectri ad hostes concessissent. Cæterum Mantuanus, Salasso, Alegria, Basseio, cæterisque Ducibus in consilium adhibitis, nihil ad rem gerendam commodius ac opportunius esse disseruit, quam ad Minturnas desistere, Lyrique amne ponte constrato, per campos qui ad Sinuessanas aquas pertinent, penetrare ad oppidum Montis Draconis, quod antiquitus Petrinum fuit: atque inde per Stellatæ campos, qui hodie Mazzonij dicuntur, Capuam proficisci, aut si aptius forte iter ex motu hostium ostenderetur, superato amne, ac eo ad læuam relicto, per Cascanum oppidum, Malsici montis angustijs superatis, rectâ per Phalerum et Calenum agrum ad amnem Vulturum descendere. At Consalius ex profectiōe hostium, id quod illi decreuerant, vti per acutus bellicarum rerum coniectator, facili diuinans, cum leui armatura Petrum Paceum secundum Lyrim misit, qui discurrendo obseruandoque aduersam hosti ripam tueretur ipseque demum subsecutus idoneo in loco castra fecit, et sua in ripa vbi vada statuendo ponti idonea hostibus videri poterant, oblongam munitionem perduxit, ad quam cohortes excubarent, molientesque pontem Gallos missilibus infestarent. Hæc ab vtraque fluminis ripa intentē spēculantibus, ac vtrinque scopetis & balistis rem gerentibus Gallis & Hispanis, Fabius Vrsinus a Vascone, adacta inter oculos per apertam galeam crassiore sagitta, magno cum dolore gentiliū suorum est interfectus. Interim Fabricius Columna Euandriam arcem Lyri imminentem adortus, vsque adeo grauem subito aduentu præsidarij terrorem intulit, vt Federicus Monfortius filium obsidem daret, pacificeretque: se dediturum arcem, nisi Galli intra quintum diem adducto exercitu oppetulissent. Sed Mantuanus in parando ponte vehementer occupatus, leuē eius arcis iacturam putauit, atque ita Monfortius portas aperire coactus est. Eo quoque tempore Galli ad mortis tormentis Turrem ad mare Lyris faucibus impostam in potestatem redegerunt, ea conditione, vt pauci pedites Hispani, saluis rebus & vita incolumi præsidio decederent. Ea deditio vti infamis vsque adeo in decora Hispanico nomini in castris visa est, vt qui metu mortis vitam seruarant, concursu iratorum militum veluti publico iudicio damnati trucidatique miserabilem atque terribilissimam mortem subirent. Nihil vti que vel supra equum atrox id facinus vindicante Consaluo, vt ceteri scilicet qui in præsidij forent eo maximo crudeli exemplo ducerentur, ideoque salutem & decus in vna tantum animi fortitudine positam existimarent. Erat enim Consalius eo stabili decreto a natura ad decus conformatus, vt cum dignitatem tueretur seuerus, & planē seuius existimari minimē recusaret. Iam aliquot dies transierant, quum inter bina castra profuente Lyri Mantuani iussu conuectis ad ripam idoneis lintribus, hisque per transuersas trabes nota ratione connexis fluuii ponte iungi coeptus est, Hispanis quæ ad munitionem erant frustra prohibentibus: tantaque diligentia & celeritate perficiendo, operi Mantuanus cum cæteris ducibus incubuit, vt quum pons egregie latus & stabilis esset constitutus, Galli ex templo producta acie equites simul &

pedites conferti, facto impetu pertransirent, trucidatisque primis Hispanorum in statione pugnantibus, cæteri tormentorum metu funderentur. Iam supra mille in vltiorem ripam audacter prospereque transierant, quum exorto fremitu militum ad arma conclamantium recipientiumque se ad proxima castra, Confaluo transire hostes, poritosque iam ripa atque inde pulsa statione aduentare nunciatur. Is vti erat omni periculo impavidus & alacer, pugnae signum tuba dari iubet. cæteri duces sese expediunt: Nauarrus & Andrada cohortes promouent, vexilla explicantur, proditque ipse Iberico conscenso equo, expeditis rectus armis, Fabriciumque ante alios nihil cunctandum esse proclamantem, et pugnae audum hortatur, vt transeuntes hostes inuadat. Ille celeriter iussu facit & procurrit, & quanquam tormenta hostium à superiore inferioreque ripa, ad pontem incessanter emissis prouolantibus pilis multos prosternerent, audacter tamen inuehitur. Porro Galli quod tumultuaria festinatione transierant nondum in ordines globati incumbentium impetu egre sustinent: Fabriciana verò ala, vti permista Gallis minore tormentorum periculum gerit cadunturque Galli, & plerique eorum in profluentem deturbantur, tanto concepto metu, vt quum in fugam per pontem versu socios in auxilium adcurrentes retrò auerterent, multi e margine pontis decedentes præalto amne mererentur. In ea perturbatione Galli duces qui instructi ad transeundum primis succedebant, profligatis opem ferre nequiverunt, quod productis ab hoste tormentis pari diligentia peterentur: & iam Fabricio alij atque alij duces cum turmis & cohortibus accessissent. Fabricius tanto facinore edito, quod dimidia pars Gallorum ex his qui transissent aut trucidata aut merfa amne perierat, præcellentis iustitiaeque virtutis laudem confessione omnium tulit: laudatus quoque est publico præconio Ferdinandus Hilescia signifer Hispanus, qui rapiente ei dextram tormenti pila, imperterritus vexillum læua manu sustulit, & in hostem ire perrexerit. Hunc postea Confalvus eiusque liberos virtutis causa ex regio vestigali annuis aureis quingentis donauit. Accepi ego ab Vgone Moncata qui huic multisque alijs terra marique prælijs interfuit, in nulum vnquam se terribilissus confertæ pugnae discrimini incidisset, quod equis passim virisque disceptis aduersus tormenta ad non dubiam mortem procurrare minime dubitarent: & Fabricium parca de sua laude mecum loqui solitum, intrepidi, verè ingentis animi ducem tam necessaria quam felici audacia repræsentasse fateretur. Galli consilio depulsi, & tanto in oculis affecti detrimento, nihil oscius, vt generosos veteresque duces decuit, hisdem in castris constituerunt, eamēte, vt alterum quoque pontem subuectis a mari onerariarum nauium schaphis instituendum curarent. Scilicet vt vno simul tempore impermisti ordinatique pedites & equites separatim suo proprio ac expedito ponte in vltiorem ripam deferrentur, lunatamque munitionem lato ambitu ad pontium caput contra hostes perducerent, in qua validi roboris agmina, expectato subsequenitum transitu sese tuto colligere confirmareque ad erumpendum defendentibus tormentis possent: quorum apud eos tanta erat copia vt superioris inferiorisque ripæ margines, ipsaque vltior instituta munitione facile munirentur. Dum hæc dñs insuitis pararent, Manruanus Gallis odio, & mox contemptui esse cœpit, quod singula à nialis iniurijs cœpta, secus ac putarant, tractatu dura euentuque aspera prouenissent, errorumque omnium culpam in Ducis

Ducis vel enixè fortis & strenui cunctationem referrent. Plerunque enim bello accidit, vt cum tentatæ res prospero successu caruerint, vel felicius antea dum existimationem faciliè comminuunt, adeo vt Galli natura pugnae auidi omnisque moræ & longi laboris intolerantes, vel iniqua conditione prælium exoptarent, cuius vel aduerso exitu, bello pariter et toti commodis, aliquis omnino finis afferretur. Propterea nonnulli sparsis per contubernia sermonibus, Tramulium ex graui morbo nondum receptis viribus Romæ decumbentem, cogitatione atque oculis requirebant, cuius felici ductu, si affuisset, iam partam victoriam, & confecto bello receptam Neapolim crederent: illum enim prompto nobilique iudicio discussurum fuisse nebulas intempestiue cunctationis, rectamq; et expeditâ viam, vti antea insigni cū gloria semper fecisset, victorijs aperturū. Erat inter duces, qui cum Tramulio e Gallia venerant, Sadriscus bello quidem egregiè fortis, sed quoniam esset spurius, ab insolenti sermone, ingenioque valde turbulentus. Is in corona militum immodicè loquens: Iure optimo (inquit) viri Galli multamur à Fortuna, postquam eò deuentum est, vt bugroni Italo parendum existimemus, quasi non multi sint ex nostra gente, nostroque ordine potiores, qui bellica virtute præditi, his difficultatibus nos explicant, & continuo vbicunque sint hostes, ad certam omnino victoriâ vincendos quærant. Ea verba utpote quæ plures audissent, ex templo ad Mantuanum delata in eius pectus altissimè descenderunt, quantum obiecti probri contumeliâ omnino inanem duceret. Erat enim mos apud milites (quod minimè prætermittendum videtur) vt ioco serioque sese mutuis contumelijs ex propria vulgarique gentium nota prouocarent & incesserent, cum essent acies in conspectu, & leuib; prælijs certaretur. Nam Gallos Hispani Borracios, id est ebrios, et extemulètia vinum meientes vocabant: Galli autè Hispanos à furaci manu latrones laqueo suspensos appellabant: sicuti Heluetios Germani ad exprimendam gentis ignobilitatem Couamelos hoc est, vaccas in stabulis mulgètes, vocare erant soliti, Germanos vero Heluetij Smocharos, quæ vox Germanicè spurcos nebulones indicat: Itali vero ab alijs Bugrones, hoc est, puerarij vocarentur. Cæterum Mantuanus qui vim imperij cuius lesa & planè conuulsa erat maiestas in Gallos minimè exercendam rebatur, eò animum iniuriæ indignitate percitum flexit, vt sese imperio protinus abdicaret, vel ob id præcipue, quod ab initio in Apuliam eundum esse grauissimis rationib; frustra censuisset: quod pauci eius imperijs obedirent: quod pleriq; cohortium præfecti falsum militum numerum referre, ipsique demum rei frumentariæ curatores auertere pecuniam crederentur. Itaque ne imminenti calamitati cum iactura dignitatis interesset, excedere infelicibus castris, & domum redire constituit, præscriptis vtiq; tabulis, a his multorum fidei testimonio confirmatis, quæ consiliorum actionumque omnium rationes continerent, & Ludouico regi mitterentur, atque ita imperio ad Salassum gratis honore vsuque militiæ potiorè delato, Mantuanus est reuersus.

FINIS SECVNDI LIBRI.

DE VITA ET RE-  
BUS GESTIS CONSAL-  
VI FERDINANDI CORDVBÆ  
COGNOMENTO MAGNI.

LIBER III.



BEVNTE Gonzaga, quum cæteri Gallorum duces neque æ-  
gri animis, neque corporibus fessi de geminando ponte, & pro-  
ferenda munitione diligenter agitarent, eaque omnia per brus-  
males dies omnium breuissimos tardius & difficilius moliren-  
tur, tota hyems oborto graui Austro in prædensas iugesque plu-  
uias sese exoluit, tãta quidem iniquitate infesti cœli, vt quum inter bina castra  
intumescens Lyris ab vtraque ripa campos inundaret, nec vim decidentis a-  
quæ lintea tentoria sustinerent, viri iumenta; cœnoso in solo extrema incom-  
moda paterentur. Sed iniquiore in id commune malum Hispanorum condi-  
tione, quod tota ea planicies quæ ad Sinuessana balnea porrigitur, hyemali-  
bus aquis obfessa scœdaque in perpetuam paludem abitura crederetur. Qui-  
bus rebus adductus Consalius suorum omnium hortatu castra subducere ad  
montes, & Suessæ hyemare constituit: quanquam id ægrè esset impetratum,  
quod ad Montis Draconis arcem nauigia ad conficiendum pontem occultè  
construi iusserat, vt pari ausu & superiore quidem loco traiceret, aut traiectu-  
ri ad terrendos distinendosque hostes speciem præberet. Per eos quoque dies  
aut perfringere hostium pontem, aut iniecta flamma incendere fuerat cona-  
tus, irritò, vt casus tulit, vtroque incepto, quum ex superioribus locis deiecta  
materia, quæ violenti fluminis impetu raptata ponti incideret, partim hæsis-  
set ripis, partim ab hoste intercepta longurjs, ad pontem minimè peruenisset.  
Nauigium porro onustum arida materia, varijs sulphurei pulueris, & resinæ  
piceque fomentis intermistis, ad corripendam flammam, quum dimittere-  
tur, ignis aliquanto celerius quàm ex mensura temporis putassent excitatus,  
ita absumpsit, vt priusquam ad pontem accederet ad carinam vsque cremare-  
retur. Eo quoque Consalius maiore securitate, & quod plurimum intererat,  
incolumi dignitate castra mouit, quod hostes paribus incommodis conflicta-  
tos, neque transire amnem, neque si transissent humentibus campis progredi,  
aut omnino consistere posse intelligebat. Suberant etiam Natalitiæ teriæ,  
quæ militum varia perpersum incommoda, ex tabernaculis ad tecta proxima  
reuotarent. Volebat enim, vt ipium deceret, nequaquam in campestri tento-  
rio, sed in sacrato templo religiosius & apparatus Dei Christi natalem diem  
celebrare, quod & facturos quoque hostes rebatur, qui solennia sacra facere, et  
per eos festos hilarius tanquam saturnales, ideoque gentiales dies, ex inducijs  
quodam sacro iure conceptis, conuiuiscere à bellicis operibus, remittereque a-  
nimos, & corpora curare consueuissent. Verum Consalius biduo tantum sa-  
cris solennibus concessit, ad easdem conficiendi belli cogitationes redierat: a-  
gitabaturque

gitabatque interdū noctuque in vnam intentus curam, quibus modis transgredi amnem, hostesque propter continuos imbres ad tecta relictis castris confugientes, opprimere posset. Galli enim mouente castra Consaluo, illum pluuias fracto animo ferre nequiuisse, relictaque amnis ripa retro sese ut pugnam deuitaret, à conspectu ipsorum imminantium ponti auertisse dictitabant, quum ipsi vel iniquo in loco egregie tuentes pontem, paratique semper ad pugnam perseverantia militari superiores euassissent. Verum ea verborum iactantia vsque adeo ipsa hybernæ tempestatis asperitate frangebatur, ut quum ex conscientia in præduram coniecti hyemem miserè algentes cum præsentia, tum ea quæ imminabant incommoda, nequaquam læta cogitatione prospicerent, tot pluuias tanquam exitio futuras, fato dari existimarent plerique enim veteres milites & cuncti ferè duces memoria repetebant, quale cælum summa fidelique serenitate Carolum regem paucis antè annis excepsisset, florentibus passim & vernantibus campis per totam Italiæ longitudinem eadem regna repetentem, à quibus demum ipsi rerum omnium commutata fortuna, & dijs proculdubio iratis arcerentur. Placuit Salasso & ceteris, ut manentibus castris magna pars equitatus, ne equi nobiles iam planè horrida macie deformes conceptis morbis interirent, in oppida proxima & vicos Minturnensis Fundanique agri duceretur. Heluetij porro & reliqui pedites, sub traiecto partiti inter se stationes, castra frequentarent. Sed iam multi ad producendam vitam pecunia egentes, & secundum perpetuos imbres consumpta veste, qua frigus arceatur, confecti tetra illuvie, in malè fartis tugurijs expirabant: quum præfecti annonæ & quæstores, nec commeatus ea fide & diligentia, nec pecuniam in stipendium (vbi opus erat) expedirent, vel abundè etiam suppetente publica pecunia, quæ summa prudentia Ludouici regis curata transmissaque in omnes belli casus in classe seruabatur. Corcutus enim quæstor, & Baiuius Cadomius, quorum erat in eo negotio singularis autoritas, quod stipendiorum rationes interueneret, ac annonam malignè flagellare accusarentur, auaritia infames euaserant: nec ferebatur miles, ut priuato eorum scelere publica salus turpissimè proderetur. Hæc omnia explorante Liuiano, suadenteque, Consalvus construendi noui pontis consilium cepit, non dubiam ex disperso torpenteque hoste victoriam ominatus, postquam Liuianus peritus belli ardenti que ingenio fortia aggredi solitus, se ante alios transiturum polliceretur. Itaque Liuianus quæ animo agitaret, parare atque exequi iussus, supra Gallicum pontem in spacio quinquaginta stadiorum conuectis noctu confertisque nauculis, quibus vinaria vasa interposuerat, pontem constituit: traductisque copijs, alam equitum, Normanorumque cohortes ad Sugium oppidum hybernantes improuisus adoritur. Liuiano succedit Nauarrus: hunc Prosper atque Mendocius cum graui armatura subsequuntur, ipseque demum Consalvus reliquum equitatum & Germanorum legionem adducit, Andrada qui terga tueretur subsequi iussu, equites Galli Normanique pedites inopinato hostium superuentu cæsi fugatique dispersantur: ad Gallica castra desertur clamor: duces arma expediunt: & dispersas vndique suorum turmas accerfunt: nulla tamen certa manus cogitur, quæ aduēta ntes sustineat. In ea rerum iniquitate Salassus tormenta maiora, quod his conuehendis iumenta decissent, lintrib. imposuit: summum enim admitti scelus Galli existimant, si tormenta deserantur, &

præcipiti cursu fugientib. omnibus, ad Caietam iter intendit. Nec multo post levis armaturæ equites, & secundum eos Nauarrinæ cohortes in deferta castra pertruxerunt. Ibi quum nemo ferè armatus occurreret, multi capti direptisque tentorijs, aliqui semianimes et rigentes gelu immuni Cantabrorum seuitia traditi sunt. Nulla vñq; ab hominum memoria scdior & miserabilior fuga facies fuit: permulti enim pedites & equites sese cursu arque impetu proculcantes cum nec signa nec imperia cuiusquam agnoscerent, nec in persequente hostem ora conuerterent, per Appiam viam ad Scauros atque inde Formias ferebantur. Nec prius sisti fuga potuit, quàm non amplius centum viri fortes cohortante Bernardo Adurnio Liguræ summæ virtutis equitum præfecto congregata turma in ipso Formianæ aquæ lapideo ponte constiterunt, propulsantes inde hostem acerrimè: & socijs addentes animos, qui vñdique in id oppidum ex proximis vicis confluxebant. Itaq; crescentibus vtrinque auxilijs commissa est tumultuaria pugna initio aduersa Hispanis, quòd in ea Bernardus Torrefilla Consalui cubiculo præpositus, atque ideo fide & gratia insignis cecidisset, prostrato vulnere atque etiam Consaluo Daulo levis armaturæ equitum præfecto. Sed quum retro renunciaretur Gallos duces Molæ constitisse, recitataque suorum fuga, sese oppido ponteque tueri, propugnareque inde statuisse, proclamante Consaluo, vt quisque eò contra hostem festinaret, tanta vis pedium & equitum ad pontem incubuit, vt Adurnius qui fortissimè aliquandiu pontem defenderat, ex templo deiectus sit, et à Germanis interfectus: quo cadente, nemo fuit qui non terga daret, et Caietam versus cursum intenderet. Hos Petrus Paccus & Nauarrus persecuti per montes Formianos viæ breuioris vsu compendio vt iter præciderent, celerrimè perueniunt ad biuium eius viæ strætæ, quæ ab Appia Caietam ducit, vt sic multi ex Gallis interciperentur, et quedam turme equitum ab oppido, cui iter in Appia via nomen est, et è Fundanis pagis descendentes tanquam vrbe exclusæ, hesitantesq; præ metu sese sponte dederent. Ea nocte Consalvus Formijs castra fecit, deditque operam, vt sub lucem & suburbanis tectis Nauarrini & Orlandio item monte posirentur. Is Caietæ imminet, marmoreo Munacij Planci sepulchro insignis. Eum Nauarrus secus ac putarat incustoditum ab hoste, penitusq; desertum facile cepit. In eiusque cacumine minora aliquot tormenta militum manib. prouecta constituit. Tum vero Salassus tanta obrutus calamitate conuertens se ad duces, Deus, inquit, Max. diuig; omnes, tum præclare viros, fortes adiuuant, cum n̄ vel sero sapiunt. In aduersis siquidem neque animos despondens, neque suprema fruentis fortunæ vulnera pertinacius expectanda existimant. Mihi propterea in animo situm est, nihil vltra audendum sperandoq; victimam bellicis sortem experiri nolle, sed ex tanta clade deferuare quamplurimos, quod ex maritima pacatione nobis obuenerum sperauerim. Extremæ nanque dementiæ fuerit, toties damnata fati arma resumpsisse, vt demum necessitate quæ fractis corporibus nobis imminet, miserè subacti, ab irato victore tanquam hostiæ mactemur, scilicet vt iuxta inferiæ persoluantur Cardonio & Manrico; ceterisq; eorum ducibus, qui nuper a nobis tormentis interfecti, antehæc mentia ceciderunt. Nos hercle strenuè si non feliciter pugnando nostram operam regi probare sæpius conati sumus. Sed sicut in profectis malis fortuna periclitatur, cuncta consilia funditus euerit, ita hoc reliquum quod est in nostra potestate eripere



eripere non potest, quin liberrimè de salute nostra statuamus. Placetaque si vobis velle videatur victoris hostis animum experiri, qui si moderata victoria contentus esse velit, vt hinc terra marique in Galliam proficiscamur, Caieta dedita facillè concedet. Salasso peroranti nemo adeo ferox et pertinax fuit, vt tanquam omnium parenti agendas gratias non putaret, quòd saluberrimo omnium inducto consilio id vnum respiceret, vt salute incolumi finis cladibus imponeretur: nam eos quoque noui infortunij nuncius magnopere terruerat, quòd nauigia tormentis onusta, absorbente procelloso mari, in ipsis Ostij faucibus cum tota militum & nauarum multitudine periissent. In his fuit Petrus Medices Magni Laurentij filius, decennio antea Florentiæ dominatu pulsus, ea quidem ignobili morte indignus, nisi Petrum Leonium summe doctrinæ & claritatis Medicum, qui infelici euentu Laurentium patrem facis se erepturum promiserat, in Caregianæ villæ puteum deieciisset. Emisissus itaq; est Alegrianiæ alæ præfectus, cui Sanctacolumba nomen erat. Is Consaluum inter duo templa quæ sunt in suburbanis ædificijs castra habentem adijt, Paratosque esse Gallos duces Caietam tradere professus, facillè impetrauit, vt cum grauissimis ducibus de conditione coràm ageretur: sequentique die in castra venerunt Alegria pro Gallis, pro Heluetijs Antonius Basseius, & pro Italis Theodorus Triultius. In non multis disputationibus re-extracta transegerunt, vt Galli tradita Caieta quæ publicæ munitionis essent, tormenta & comatus in arce relinquerent, ipsi terra marique vt luberet in Galliam proficiscerentur, ea conditione vt equites suis vestî equis abirent, pedites verò nihil armorum præter gladios & exarmatas hastas ferrent, & captiui vtrinque dimitterentur. Sed à Consaluo impetrari non potuit, vt Neapolitani proceres quibello capti in custodia erant, consecræ pacis beneficium sentirent. Obegnino enim Palcia & Formante Tornonioque et reliquis bona fide liberatis, Andreas Mathæus Aquauia indignus ea calamitate, & Honoratus, ac Alfonso Sanseuerini terribilissimo in carcere qui appellatur Fossamiliaria adi manum turrem nouæ Arcis seruati sunt. Gallorum autem pars multo maxima dassetem conscendit, reliqui pedibus Romam profecti, vsque adeo duræ hyentis feruitiam, & cunctas fortunæ acerbitates senserunt, vt hospitales sacræ domus quæ in Vrbe miseris gentium omnium patent, ægrorum & inopum multitudine complerentur, multiq; ignobiles circa stabula senatorum frigore rigentes interrerent: quanquam Iulius Pontifex insigni cura pietateque oblatos et conquisitos, conuestiri, alique, & demum nauigijs imponi iuberet. Duces quoque parem ferè ab infensa Fortuna contumeliam tulerunt: Salassus enim inter nauigandum concepta ex dolore rei malè gestæ tabifica febre Genuæ decessit, magnificeque funeratus est. Sandricurtus autem superbi animi poenam veritus, adeo vitam contempsit, vt cum circa alpes ex morbo decubisset, vterò in fausta festinasse diceretur. Corcutus verò Bailuiusque Cadomius maiore inuidia deflagrantes, ita gradu pulsi ignominiaque notati sunt, vt à capitali supplicio non procul absuerint. Basseius autem cum ei alæ equitum præfecturam rex ademisset, quanquam ea Gruerio fratri traderetur, adeo grauius id tulit, vt exundante acra bile ad insaniam verteretur: frustra que deposcens vt sibi dicturo causam regiæ aures paterent, nec aditum impetrans, inter deliria deficeret. Ceterum Consaluu & summe prudentiæ et moderationis eximie laudem ex ea

pactione consecutus est, utpote qui vel in multa spe opulentioris victoriæ militum suorum sanguine abuti noluerit, ratus omnino parcendum esse deditis, qui virtutis & clementiæ suæ testes Consalvi nomen in provinciis celebrarent, tantâ verò, ut inuiolari, benigneque habiti dimitterentur, curam, diligentiamque adhibuit, ut quum Heluetio prætereunti Hispanus miles torquem rapaci manu detrahere conaretur, recognita Hispanum vel in mare fugientem persequutus adacto equo sua manu grauissimè vulneraret. Consalvus Caieta portus, Ludouico Erreræ propinquo suo arcis vrbisque custodiam ita attribuit, ut in eius locum Tarenti Petrus Nicossa succederet: Liuium verò Petrumque Pacum in Apuliam misit, ut Arsiò bellum inferrent. Is valido firmatas præsidio Venusiam, Atellâ et Altamuram tuebatur. Didaco Arellianum Melphiæ obsederat, expugnatisque aliquot oppidis expectabat earum rerum euentum, quæ à Mantuano Salassoque ad Casinum & ad Lirim tracto bello gerebantur: ut copijs adauctis, excitisque ad rebellandum Andegauensibus bellum priore grauius in Apulia renouaret. Sed virtute Liuiani intra paucos menses Arsii multis affectus detrimentis, quamquam Caietanæ pactionis conditiones abnueret, eo deductus est, ut desperatis auxilijs vrbes traderet, regnoque excedere cogeretur. Pari quoque vsus diligentia Pacæus, quicquid Gallorum aut Andegauensium nomini fauentium supererat, ex Salentino agro expulit. Indicus quoque Daualus, qui cum Constantia forore (ut diximus) ab Lelsa classem Gallorum repulerat, Salernitana arce ad motis tormentis est potitus. Sed non diu eare bene gesta lætari potuit, quum intra paucos dies pestilenti correptus febre, in ipso iuuentæ flore decesserit, relicto infante filio Alfonso Vastio, quo nemo ducum ætatis suæ, aut formæ dignitate, aut magnitudine liberalis animi, aut denique bellica virtute superior euasit. At Consalvus ubi ex Caieta ad paratum meritumque triumphum Neapolim est reuersus, longo uti credi par est militis labore in grauissimum incidit morbum, usque adeo a vehementi impetu periculofum, ut nisi supplicationes per omnia delubra à sanctissimis sacerdotibus sacratique virginibus ritè susceptis votis factæ maturam operam attulissent, humanæ facultatis remedia ad salutem omnino sèra crederentur. Vbi verò receptis viribus incolumis ex Capuana arce ubi decubuerat prodijt, ut in nouam Arcem tanquam salubriorem digrederetur, vix salutantium & gratulantium turbæ per septem dies dispensata humanitate satisfecit. Venerabatur enim eum omnis nobilitas & populus vniuersus, quum quisque pro ingenio, sicuti studium ferebat, aut excellæ staturæ & probi oris decus, aut imperatoriam grauitatem vrba conditam comitate laudarent: alij porro iustitiam admirabili seueritatis & clementiæ temperamento præcellentem suspicerent: omnes verò liberalitatem non modò potentia, sed superbæ regiæ æquandam mirarentur. Ducibus enim vrbes & oppida dono dederat, equitum verò præfectis et centurionibus domos, villas, fundos, arciumque præfecturas diuiserat: & quum militi commune donatium dedisset, singulos item qui spectatæ virtutis nomine insignes euassissent, annuis præmijs fuerat prosequutus, tanta quidem in recensendis meritis memoria, tantoque in dispendiis muneribus iudicio, ut æstimatione rectissima, neminem vel gregarium militem præterisse, neminemque nisi larga manu donasse vel inuidi testarentur. Didaco ante alios Mendocio Milerum, Liuiano Sancti Marci vrbe in Brutijs,

in Bruttis, & Nauarro Oliuetum in Præcutinis, Ioanni Cardonio Vgoris defuncti germano fratri Auellinum in Samnio: præterea Andradæ, Caruiali, Alberado, Emanuelique, ac Antonio Leuxæ, & Andree Capuæ Termulano insignia oppida tribuerat, quum duo Columnij Prosper atque Fabricius receptis his oppidis quæ Gallico bello amiserant, amplissima præmia retulissent. Io eo enim homine exquisitis virtutibus exaggerato, ita iudicium ratioque vigeant, vt mirum esset, quum ei vel mediocres Latinae literæ deessent, quod ea tempestate in Hispania proceribus ad arma natis damna rentur earum tamen laude celebres vsque adeo admirabatur, vt ab his non inepte perennem gloriam affectaret, prosequereturque peraniplis muneribus potas, qui ipsius res gestas Heroico carmine celebrandas suscepissent. In his fuisse Cantalicus & Carmelita Mantuanus sacriati viri, qui quum alacri animo, sed subagresti musa aliquot poemata delicatis ingenijs insulsa publicarent, Petrum Grauinam Neapoli summe dignitatis vatem perpulerunt, vt nobiliora, digno tanto Heroe carmina facitaret. Pontanus enim paulo antè, ipso Caie tam oppugnante, valde senex è vita decesserat, cum Actius Syncerus eiectum regno Federicum regem in Galliam secutus, ob idque dolore Aragoniæ domus funditus euerisæ, & odio in externos factus amarior, aliquanto condendæ Satyræ quàm pangendis Heroicis aptior haberetur. Excelso nanque ingenio quantum decoris ad non interituram laudem scriptores benigne conciliati afferre possent, facile intelligebat. Quum alioqui ex ipsa liberalitate, qua vna vel maxime vitiorum labes obscurantur, gloriam petret. Eam verò ob id certius, atque liquidius assequeretur, quod in vita eius nihil absurdum aut impium, quod imperatoriæ virtutis aciem hebetaret, ab austero vel maligno censore notari posset: nullam enim vnquam Neapoli matronarum pudicitia ex vero maculam inspersit, quanquam summa comitate apud clarissimas feminas sepius iocaretur. Stultum enim esse dicebat viro principi ex parua fugacique voluptate sempiternum & prægrauè odium parere, quum nec plane casto principatus ipse sine iniuria cuiusquam varia in eam voluptatem instrumenta suppeditaret. Non procul enim ab immani perfidia scelus esse iudicabat amicorum, vt plerunq; sit, vxores attractare, ne scilicet integris familijs & propinquitatibus, nihil reticente fama dedecus afferretur. Sed in ipso supra reliquarum virtutum admirabilem concentum, veræ pietatis specimen eminebat. Nihil enim ei erat antiquius, quàm in omni bellica cuiusque actione religionis decus omnibus commodis anteferre, templorum iura tueri, punire impios: & denique enixè dare operam vt milites suo exemplo rerum omnium prouentus atque victorias ex disciplina christiana expectandas existimarent. Neque enim dubium videri debet, quin cum his moribus arma tractantem diui diuæque omnes, qui cum Deo Maximo cœlesti aura perfruunt, subleuandum, prouehendumque suscepérine: nullo quidem certiore miraculo, quàm quod in multis & penè innumerabilibus prælijs atque periculis versatum, nemo eum vnquam ceperit aut vulnerarit. Sed ne integra rerum omnium felicitate potiretur, inuitabile malum vrgentis inuidiæ vitare non potuit, quanquam id incredibili magnitudine constantiaque animi superaret. Confecto enim bello partaque pace hilaritatis ac opulentiæ plena, multi quum in Hispaniam redirent, famam eius varijs calumnijs oneratam apud regem (vt mox dicemus) laceradam susceperunt: quàmquam ea omnia quæ

Consalvus militibus dedisset rex ipse liberaliter approbaret, diplomatibus scilicet ex formula beneficiarj iuris ab Hispania sicuti Consalvus prescripserat transmissis, ut benefici gratique regis opinionem attestazione celeri tueretur. Sed in arcano aliquid residere credi poterat, quod animum occulte persisteret, ad largitiones extendendas nequaquam procliuem, postquam totius benignitatis penè integra laus ex alieni iudicij decreto præcepta, aut certè deflorata spectaretur, ob idque regi pudendum videri posset, ei vni ab omnibus haberi gratias, qui cuncta pro libidine, tanquam ex alieno facile prodigus, præocupato domino, vel ignotis donanda censuisset: propterea ferunt, regem aliquando ad quosdam libellos supplices pro adipiscendis præmijs porrigentes respondisse: Cur mihi ex tanti regni accessione magnopere lætandum, si non video, ut maiores quam sim solitus, sumptus facere possim, quando ille qui Regnum nomini meo quæsiuisse videtur, nequaquam mihi, sed tibi atque alijs id pepererit, postquam insigni virtute parva ab inconsulta demum & præcipiti liberalitate dilabuntur? Hisdem ferè diebus quib. Galli bello victi Neapolitanæ regni finibus exceßerunt, Cæsar Borgia cognomento Valentinus Alexandri Pontificis filius, sub fide Consalvi Neapolim venit, pauloque post custodig est traditus, ut in Hispania, sicuti paulo antea Ferdinando Aragonio Federici regis filio ad Tarentum euenerat, trirēibus adueheretur. Sed quoniam Magni Consalvi decus quod ad fractæ fidei famam aliqua ex parte læsum videri potuit, quibusdam omnino defendendum videtur, operæ precium existimaui pauca transcursum de Borgiæ consilij factisque, sicuti ab his qui interfuerunt accepimus, enarrare, quanquam ea diffusius in historijs nostris referantur. Igitur Cæsar ex Vanocchia Romana alioqui proba muliere, quam nouimus, genitus, vbi adoleuit, patris amplissimi senatoris diligentia, ad capiendum ingenij cultum Pisas se contulit, vbi tum optimarum artium Gymnasium florebat, adeoque profecit, ut flagranti ingenio, præpositis in utroque iure quæstionibus eruditè disputaret. Qua iuuenis indole lætatus pater, vbi demum arridente Fortuna pontificatum est consecutus, Cæsarem legit in Senatum: natu enim maiorem Franciscum Candianum principem propagandæ stirpi, & magnis imperijs amplificandisque familiæ opibus destinabat. Verum Cæsar quod purpurei galeri honos ingenti animo, speque sua inferior videretur, Candianum fratrem quo cum hilariter cenarat noctu iugulari iussit: ita ut ad obeliscum campi Martij in Tyberim descenderetur, eumque biduo quæsitum piscatores extraherent. Nec multo post Cæsar abdicatæ purpure, desumptoque militari sago, Princeps et dux copiarum creatus est: patre quidem ex atrocitate tanti sceleris vehementer attonito, sed postquam Candianus ab inferis excitari non poterat, cuncta indulgentissimè concedente. Nec multum inde Cæsar Pontifice cum Ludouico Galliæ rege in exitium rotius Italiæ conspirante cum Carlota Alibreta, Ioannis Nauarræ regis propinqua, auctore Ludouico rege, sponsalia fecit. Ex eo federe Cæsaris spes suas enudare, immoderato seuoque animo magnæ partis Italig dominatum affectare cepit, usque adeo dira cupiditate, ut in vexillis titulum præferret, AVT CÆSAR, AVT NIHIL, quasi nihil animo mediocre, sed immoderata, & longè maxima cupere videri vellet. Ante omnia procures Romanos Columnios & Ursinos tollere constituit: postquam inter eos bellum aliquandiu frustra aluisset, ut utraque pars

mutuo

mutuo ferro concideretur. Nam illi post id civile bellum, Borgiæ arribus intellectis, sese pace facta conciliarant. Columni nihil sibi fuga exilioque potius rati, paternam oppida Borgiæ reliquerunt: Vrsini stipendijs allekti, & in fide Tyranni hæsitantes, ad vnum ferè omnes terribimo supplicio necati sunt, Baptista Cardinali in mole Hadriani gentilium suorum necem preceunte, quum Vitellocius Tiphernas, & Liberottus Firmanus ad Senogalliam: in agro autem Perusino Paulus Vrsinus Latini Cardinalis filius, & Franciscus Vrsinus Grauiatæ princeps eandem necis sortem tulissent. Caietanæ quoque familie proceres qui Sermonetam oppidum in Latio, iuxta Priuernum obtinebāt, Iacobus, Nicolaus & Bernardinus alio atque alio modo interfecti, arces & opes Borgiæ concesserunt. Cameræ quoque reguli antiquæ nobilitatis, Iulius Cæsar, Venantius, Annibal & Pyrrhus principatu exuti strangulatiq; sunt. Astorem Manfredum Fauentia principem sub fide deditum, necatumque immaniter Tyberis excepit. Catharina Sfortia quæ Foroliuij et Fecorcornelij urbibus imperabat, expugnata tormentis, captaq; Romam tanquam ad triumphum perducta est. Pandulphus porro Malatesta, Ioannesq; Sfortia, et Guido Vbaldus Feltrius ipsorum ditionis vrbes Ariminum, Pisaurum et Vrbini inuadenti relinquere quàm interfici arrepta fuga maluerunt. Cessit et impotenti Tyranno Iacobus Apptanus oppidū Populonium in Etruria. Sed dum hac cruenta via in alienos principatus grassaretur, etiam Aragonium a dolescētē Bifelij principem ac Alfonso regis filium, et (quod referre pudcat) Lucretia sororis suæ maritum in atrio Vaticani templi vulneratum: & quoniam spes esset curari posse in ipso cubiculo, lectoq; nuptiali sororis mactari iussit. Borgiam quoq; iuniorē cardinalem, quod Candiano faueret, veneno sustulerat. Ioannem de mum Cerbellionem virum domi militæq; nobilem, quod pudorē in femina Borgiæ domus seuerius custodiret, noctu a cena redeuntem crudeliter interfecit. Ab eo quoq; capitali supplicio affectus est Iacobus Sanctacrucius præclaræ nobilitatis Romanus ciuis, quo nemo ipsi Cæsari amicior & familiarior fuit, nec aliam ob causam, q̃p quod validam promptissimorum hominū manum ex factione Vrsina subito cogere, & ad omne audēdum facinus impellere posset. Cæterum ex tanta propagandi imperij dira libidine sitiq; quum venenum (ut diximus) cum patre bibisset, eiq; demum ex Nepe in Vrbem reuerso, secus ac ipse crediderat, ex comitijs res euenissent, à Iulio Pontifice custodij traditus est. Is enim ab eo rogare Gallie arces repetebat, eoq; vehemētius, quod Veneti Ariminum & Fauentiam tam cæca q̃p perniciofa inducti cupiditate, productis à Rauenna copijs occupassent. Dabat Pontifici verba Cæsar, ac indies deditionē extrahere conabatur, quum se in Galliam rogatam proripere cogitaret. Ibi enim non defutura sibi hominum studia existimabat, ea præsertim spe, quod variiq; factionis Duces Ioannes Saxatellus & Guido Vainius liberalib. stipendijs & beneficij præoccupati, apud eum in honore essent, ideoque simulatas & inanes ad præfectos literas scriberet. Quamobrem accidit vt Petrus Ouiccius eum his literis à Pontifice Cesenam missis à Didaco Chignone de muro præcipitaretur, eoq; atroci facto vehementer commotus Pontifex Cæsari a certiora minaretur, nisi continuo Hispani præfeci repetitas arces dedidissent. Ab hac Pœticiis iracundia terribi Borgia et Remolinus Cardinales propinqui Cæsari, & Borgiæ familie infesti, Neapolim perfugerunt. Verum in id de-

mum virinque conuentum est, vt Cæsar si dimitteretur, secretiores telleras de  
 dedendis arcib. ad præfectum missurum, promitteret. Eius autem rei præstan-  
 dæ conficiendæque vas fuit Bernardinus Caruatale cardinalis, ea conditione vt  
 interim Cæsar in arce Ostiensis sibi custodiendus traderetur, donec promissi  
 fide impleret. Interim duo cardinales qui erant Neapoli, id expetente Cæsare  
 à Consaluo impetrarunt, vt Cæsari sub fide Neapolim venire, atque inde pro-  
 fici ex arbitrio liceret. Id Consaluu summæ dignitatis viris nequaquam gra-  
 uatè tribuit, diplomaque mariu sua subnotatum, peculiariq; obsignatum gem-  
 ma, Ostiam transmittit. Nec diu post quum Didacus Chignones & Consaluo  
 Mirafontes conspectis telleris Cefenæ & Foroliuij arces pontificijs præsi-  
 dijs dedissent, Cæsar à Caruatale cardinale statim dimissus, conducta repente  
 nauicula Neapolim peruenit, lætus admodum, quod præter spem antiqui ho-  
 stis manus effugisse videretur. Tum verò Neapoli cum cardinalibus, & vete-  
 ribus amicis suis Hispanis ducibus nouandarum rerum consilia agitare cœpit:  
 nequaquam enim animo se dimiserat, quin antiquæ spei totus inniteretur, et  
 centuriones militesque sibi notos & ignotos vndiq; conquireret, nauigiaque  
 pararet quibus Pisas adueheretur. Erat enim fama edita in vulgus eum Pisanis  
 auxilio profecturum, qui libertatem suam aduersus Florentinos iam nonum  
 annum constantissimè defendebant, verum in arcano erat à Pisano litore per  
 Lucensium agrum & Calphurnianos saltus transcendere Apenninum, & per  
 Mutinensium fines rectà ad Æmilie vrbes penetrare: auctus scilicet copijs stu-  
 dio Alfonso Ateftini Ferrariæ principis, cui Lucretia foror nupsisset: sperabat  
 beneuolos suos vetres clientes affuturos sibi, vt passim propensissima om-  
 nium voluntate reciperetur. Hæc vbi eum moliri Iulius didicit, nihil sibi cum-  
 standum ratus, quin cœptis obuiam iret, ad Consaluum perscriberet, seuerè  
 admonens, ne hominem cruentum, audacem, maximòq; Italiæ malo natum,  
 & seuam tyrannidem ditionis suæ populis importantem, furere & grassari i-  
 terum pateretur. Hæc eadem quum per legatos regio qui Romæ erant, & per  
 suos qui in Hispania regem sequebantur, cum Ferdinando grauisimè & vehe-  
 mentissimè sæpius egisset, literæ regiæ ab Hispania Consaluo allatæ sunt, qui-  
 bus Cæsarem comprehendere iubebatur, quod graui principum omnium in-  
 commodo, suspicioneque res nouas moliri, impiaque arma aduersus Pontifi-  
 cem parare diceretur, atque ita Cæsar quum in exornanda classe scribendisq;ue  
 militibus occupatus, vti necesse erat, alloquendi cæusa sæpe in arcem ad Con-  
 saluum iret, à Nonio Campeio dum egredi vellet, humaniter retentus, et custo-  
 diæ traditus est: nec quisquam suorum, edito ingenti suspitio, fortunam incu-  
 santi, frustra q; se sub fide proditum querenti, opè ferre potuit. Nec multo post  
 iubente rege in Hispaniam à Liscano deuectus est. Sic vt aliquandiu Concilie,  
 & demum ad Medinam vrbe in arce cui Motta nomen est, duos ferè annos cu-  
 stodiretur: ea tamen sorte, vt deceptis custodib. fune demissus, suppeditante o-  
 quos Pigmentellio Beneuentano Principe ad Ioannem Nauarræ Regem per-  
 fugeret. Is tum cum Alarino regulo qui à fide defecerat, bellum gerebat. In eo  
 armorum motu quum egregiam operam regi nauaret, conserta ad Menda-  
 uiam pugna, victor occubuit, eo cuctu vt nequaquam agnitus de tractis  
 nudus relinqueretur. Sed scutifer eius cadauer equi cervicib. impositum Pom-  
 pelonem retulit: haud dubiè rapiente fato ad eam vrbe cuius antistes antea  
 fuerat:

fuerat: neque enim quisquam ferè repertus est, qui quum sese susceptis semel sacris abdicaret, tranquillum vitæ exitum tulisse censetur. Sed quis Consaluum ut id faceret regis imperio coactum non excuset: quum & paruisset iubenti regi, & æqua postulanti pontifici necesse fuerit obedisse: ne scilicet graui scelere regi parum fidelis, & grauiore piaculo erga sacrosanctum Pontificem inimicus & impius euaderet: in eare præsertim, quæ superioris regis sacramento respiceret, ac humani demum atque diuini iuris religionem includere censetur. Verum ob id quoque, honestiore de causâ maioreque ratione à fide data discessisse videri potuit, ne Italiam dudum sublati bellis tranquilla pace fructuram vnus nefarii impotentisq; tyranni immanis audacia perturbaret: proinde etiam gratum facturus Vrbinis pariter atque Columnijs de se optime meritis, qui à pestilentissimo homine summas avaritiæ et crudelitatis iniurias retulissent. Sed id pro tuenda Consalui dignitate minimè tacuerim, quod à clarissimis duob. Didaco Mendocio Antonioq; Leua me accepisse profiteor. quum enim a pude eos amanter inuitatus Boniæ cenarem, quo tempore Carolus Cæsar à Clemente Pontifice coronatus est, multosque sermones sereremus de virtute Magni Consalui, qui amborum imperator, & militaris disciplinæ magister fuerat, præclare testabantur, neminem eo viro pace belloque meliorem extitisse: sed ei maximorum ducum exemplo prorsus euenisse, ut in extremo vitæ actu tanquam semiexul non planè felix moreretur, quamquam sæpissime diceret, se nullius improbi facti pœnitentia offensum lētissimè ex hac vita fuisse migraturum, nisi Ferdinando Federici regis filio, & Cæsari Borgiæ Valentino fidem suam improvide dedisset, ut ea demum à rege cum sui nominis sugillatione violaretur. Subiungebat adhuc duo Consaluus se tertij quoque grauioris facti maximè pœnitere, quod tamen proderè nollent. Id autem Leua atque Mendocius non inani forte coniectura interpretantes esse putabant, quod regis pollicitationib. è Neapoli & Italiaque se abduci in Hispaniam permisisset, in qua multi regum nouarū cupidi, cum in spē noui principatus, maximarumq; rerum bello gerendarum retinere conarentur. Sub id tempus quo Borgia Cæsar captiuus in Hispaniam est perductus, Isabella regina desperata salute decumbebat: enatum enim erat in pudendis vlcus sguæ serpigrine mortiferum, ita ut tantæ victoriæ gaudio exhilarari nequiverit. Prosperum tamen Columnam vel occupata supremo morbo humanissimè suscepit. Is cum aliquot nauigijs militariter instructis Liscanianæ classis cohortante Consaluo sese adiunxerat, ut trirēmibus præsidio foret, ne Borgia, uti in longa nauigatione accideret posset, à Gallis vel a prædonibus eriperetur. Eum tamen Romana grauitate, neque alloqui, neque oculis spectare sustinuit, ne scilicet atrocissimi hostis calamitate lætari videretur. Nec multis inde diebus Regina fato concessit, incredibili cum dolore atque iactura Consalui: nam ab ea tanquam alumnus, ac in eius regia educatus, cuncta quæ exoptari possent virtutis & dignitatis incrementa adeptum fuisse fatebatur, rege ipso quamquam minus benigno parumque liberali nunquam reginæ voluntati reluctari auso. Id verò præclare tanquam verissimum apparuit, cum rex elata statim regina aures minus æquas, & supra alieni meriti pondus proclinas, obrectationibus præbere coepit. Non defuere enim qui hominem multo gloriæ fulgore inuidiorum oculos perstringentem grauisimis calumnijs onerarent. Multi enim quāquam



regnum insigni eius virtute quæsitum facerentur, id tamen profusa & planè astuta largitione diuisum, atque distractum ab eo fuisse prædicabant, vt præterea occasione regis benignitatis, nisi præscriptis annuisset, regi demum ingratum illiberalisq; animi contumelia cõflaretur. Ipse porro nihil osecius à suis quos maturè beneficentiæ destinasset, tanquam non abesse, sed à rege prætermisiss, beneuolentiam cum regis inuidia vindicaret. Nec deerant, qui dicerent, eum victoria superbum, magnisque regni prouentibus opulentum delegisse sibi ac amicis atque beneuolis clariora ditioraque oppida, regi porro nihil opimum & integrum præter gestandæ coronæ decus, & inane noui tituli nomen reliquisse. Verum alij diuersa incessentes via, omnem eius autoritatem conuellegendam susceperunt, ex Hispanis Ioannes Nuccia Siciliæ præfectus, Valentius Benauidius, Franciscus Sancius, qui erat regis dispensator: sed multo omnium malignius ac atrocius Nonius Campeius, qui ab ea delatione ingratisimi nomen tulit. Hunc enim parum nobili loco eductum prætoris cohorti præsecebat: ac demum ei magno beneficio honoreque nouæ Arcis custodiam attribuerat. Ferunt etiam Prosperum Columnam seiscitante rege, cum de Aragoniorum regum ingenio disciplinaque, & publicis ac priuatis institutis discereret, utpote qui eorum omnium auspicijs post Alfonso primum ab adulescentia militasset, de Consaluo sermones intulisse vsque adeo aculeatos & graues, vt regis animum nequaquam vanis iniectis suspicionibus perstringerent. Quandoquidem ingenuè nisi malignè ex vero Consaluum illis omnibus auctoritate prudentiæ, splendore vitæ, militum studio, & populari gratia præstare fateretur, adeo vt nihil iam in eo qui cuncta nutu fastuque regio iuberet & regeret, præter titulum deesse videri posset: ad quem si aspirare vellet, tot eius beneficiarj, qui diadema capiti imponerent minimè defuturi crederentur. Hæc maiestatem respiciebant, admonebantque regem vt maturè caueret, ne omnia indulgendo confirmandoque, ex duce prædictæ regni consortem efficeret. Verum Nonius adiuuante Ioannes Baptista Spinello Neapolitano, aliquanto criminosis in Consaluum inuehebatur, utpote qui sagacissimè sumptuum & vectigalium omnium rationes excuteret: docuit quæcum nihil ætario, nihil fisco reliqui fecisse, vt ineonditè largiendo maxime liberalis famam aucuparet. Quæ demum ostentatione priuatæ opes tegerentur, illæque præsertim diuitiæ tot spoliis totque munerum, cum signati auri, argenti que celati, cum nobilium gemmarum & sericorum aularum, quæ essent supra regis census æstimationem sedulo congestæ, astuteque repositæ à nemine viderentur, nescilicet inuidorum curiosorumque oculis conspectæ, non abreptam natam inuidiam concitarent. Hæc verò singulari malignitate delata, tametsi aut falsa magna ex parte, aut minora vero putarentur, eius tamen animum moderatione & parsimonia gaudentem magnoperè permouebant, eo quidem altius atque vehementius quod in rege non multum pecunioso, nec vnquam in apparatu & conuictu sumptuoso, tanti auri & tantarum rerum non iniqua cupiditas accendebatur, ita tamen vt eam facile restingeret summa æquitas, summaque prudentia, quæ in rege nunquam precipiti, nec vnquam temerè ingrato, præclare vigeant. Multa enim & perampla vel supra modum exæquitate rationis concedenda iudicabat: cum eximie virtuti, tum naturæ liberali eius viri, qui tot rebus feliciter gestis regnum cum magna laude cepisset, maioreque

requē defendisset: & tantum denique bellici decoris & gloriæ Hispanico homini peperisse censeretur. Ea tamen omnia in profundum demissa pectus, tanta dissimulatione conseruabat, vt Consaluo nullam conceptæ offensionis speciem præberet, delatoribusque tantum secreto ageret gratias, palam verò de Consalui actionibus honestissimè loqueretur. Cæterum Prosper cum multis nobilibus equis quos Petrus Corduba Plegoi oppidi Marchio suo pte ingenio liberalis ipsius Consalui patruī monitu dono dederat, Neapolim reuersus, nequaquam priorem amicitie locum reperit. Nonius verò Campeius, cum ab Hispania rediens in Italiam peruenisset, veneno, vt fertur, à quodam satellite, cui grauem antea iniuriā intulerat, sublatu est: merita herclè pœna si diuini iudicii vim spectemus, postquam aliò turpissimo ingrati animi scelere, in optimū virum ducemque suum ac authorem omnis eius dignitatis venenum effudisset. Interim Consaluo gratia incolumi, existimationeq; amplificata, Neapolī gubernacula moderante rex Ferdinandus cum Ludouico Gallie rege pacem fecit foedusque percussit, multis herclè de causis, quas hic commemorare non est necesse, cum in Historijs nostris accuratissimè referantur. Affinitas quoque superinducta est, vt concordia quæ ex tantis odijs eggrè sperari potuit, validiore vinculo firmaretur. Ferdinandus enim quanquam esset in flexu ætatis, Germanam ex forore Ludouici regis genitam vxorem duxit. Paternum ei genus præclarum erat in Aquitania ex domo antiquissima Fusiorum comitū, quos Foissieos Galli corrupta voce appellant. Huius Germanæ reginæ frater erat Gasto, qui auunculi indolem præferens aliquanto post maximis rebus breui curriculo gestis, ad Rauennam memorabili acie victor interijt. In ea conficienda pace Ludouicus regno cedens id impetrauit, vt proceribus Gallicum nomen secutis, quæ ante bellum possedissent, vrbes & oppida redderentur. In his erant Besennianus & Salernitanus reguli, Traianusque Caracciolus, & Honoratus Caietanus, & ij ante alios qui carcere educti, & libertatem & patri monia, & honores cum cæteris recuperarunt. Verum post celebratas regales nuptias non defuere præpotentes vltioris Hispaniæ reguli, qui Philippum Maximiliani Cæsaris filium Belgis imperantem ad capessendum regnum in Hispaniam euocarent, existimantes sub florentissimo iuuenere rege aliquanto liberius arque licentius ipsorum potentia fruituros, quàm sub aultero et parum liberali, vt aiebant, senè Catalano, citioris enim Hispaniæ Tarraconenses reges tanquam opibus tenues, & præcario serè in liberis ciuitatibus regnantes, vltiores Hispani, quorum erant amplissima regna, aut oderant, aut contemnebant. Nec diu Philippus amicorum suorum studio vota que frustratus, vt sua regna ex arbitrio administranda susciperet in Cantabriam Oceano deuictus, peruenit in portum qui vocatur ad Columnas, fortasse quòd ibi quoque alteræ Herculis Columnæ, sicuti Gadibus posite fuerint, quum eo extremi litoris terræ Hispaniæ finis Oceani fluctibus terminetur. Ferdinandus vt generum exciperet ad Columnas est profectus: quò serè omnes reguli conueuerant. Ab his Philippus summos honores, suæque spe augustiores tulit, ita vt ineundi administrandique regni, inusitata cupiditate deslagraret, nec omnino iniquum aut parum honestum arbitraretur, si excluso socero rege, ea regna perciperet, quæ ab omni nobilitate vltro deferrentur, & ad se optimo iure maternæ hæreditatis pertinerent. Itaque vno ante alios Ioanne Manuele qui diu

in Belgis legationem obiuerat, Philippi ingenium deprauante, res eo deducta est, ut gener in conspectum nequaquam familiariter focore se daret, amboque ex equis ad paruum spacium prodeuntes, hic Gallico, ille Hispanico sermone, & paucis admodum verbis, nec mutuo quidem intellectis, sese salutarerent, colloquio propter ab ipso Manuele dirempto, ne rex iuuenis rerum imperitus callidisimam senis artibus caperetur. Nec mora (quod vix credi par est) proceres, reguli; ferè omnes Ferdinandum nullo pudore deseruerunt: quique enim in spes suas pronus & expeditus commodo seruiendum, & orientem Solem potius, quam occidentem adorandum esse dicebat. Vnus omnium Federicus Toleranus Albæ Regulus in vetere suo studio constantissimè permansit, nec ullis omnino pollicitationibus permoueri adducique potuit, quin summa fide præcellentique obsequio excolendum sibi regem susciperet. At Ferdinandus vi profunda prudentia hominem decuit, eius turbulentæ tempestatis procellam artificio dissimulationis vitandam ratus, graui opportunoque consilio excedere Hispania & Neapolim nauigare cõstituit: ne scilicet alienati generi dicta factaque oculis ac auribus exciperet, quæ statim ubi maiestatis nomen offendissent, tanquam dimisæ tolerata in contumeliam verterentur, postquam ab ipso tot proceres noui regis studia secuti aut odio, aut vanitate iudicij defecissent. Igitur Federico Albano viro summæ grauitatis atque prudentiæ, quod paulo antè integerrimæ fidei præclarum specimen dedisset, in tutela regni constituto, ductaque secum Regina, cum viginti triremibus è Barchinone soluit. Aderat ei nauigationis comes honoris causa adscitus antiquæ nobilitatis Bernardus Roscius Deniæ regulus: sed illustres honestique citerioris Hispaniæ equites regium comitatum exornabant. Paucis autem diebus quum Gallici Ligusticique maris litora legendo, Delphini portum tenuisset, certum de Philippi generi morte nuncium accepit. Id quanquam intimos sensus non obscuro aut leui gaudio perfundere posse videretur, nihil tamen indignum ea necessitudine quæ filix dolorem, totque nepotum orbitatem respiceret, in grauisimo rege expressit, atque ita abiectis ornamentis, sed nequaquam pullata prætoria Neapolim initio hyemis est peruentum. Arserat paulo antè circiter Idus Septembres luridus cometes, in ea cæli plaga quæ vertitur ad Eorum ventum, ita ut Belgis imminere diceretur. Philippum enim nondum expleto vigesimo quinto ætatis anno, Belgico more epulantem, importunisquæ exercitationibus editum, diuerso sub cælo atrox inuasit morbus & eripuit, cum præter reliquam sobolem septennem ferè filium reliquisset nomine Carolum, quem hodie Imperatorem virtute animi & felicitate rerum gestarum Augusti cognomine designissimum veneramus. At Consalvus ubi regem Miseni promontorium superasse, aduentarque nunciatum est, obuiam bireme profectus, in regiam triremem prorepisit, tanta quidem ex animi conscientia frontis hilaritate, ut eum nihil vnquam de optimæ regis erga se voluntate dubitasse appareret: nonnulli enim ex inuidorum numero paulo antè dixerant, eum nequaquam esse commissurum, ut consensa regia trireme incertæ regis fidei se crederet, quum ille simulatur & dissimulatur eximius decreta animi ad occasionem depromenda egregie regere didicisset. Nec vllum ei maius omnino periculum quàm in trireme imminere dicerent, quum terra tantis stipato satellitibus nihil omnino quod vim afferre posset, foret timendum, Rex itaque ligneo ponte ad molem constructam

Constructo exornatoq; solemnī cæremonia à Neapolitanis susceptus, multa in adulationem parata, vti noui regis aduentus petebat, singulari modestia renuit; celebrauitque Generi exequias atratus, vt mox ad legatos principum regniq; proceres regio cultu prodiret, et iuxta eum Consaluus in honore semper et conspicuo quidem loco spectaretur. Eo enim precipuo teste monstratoq; virtutis & fidei, quisque vel infimi ordinis miles & ciuis produci ad regem, agnosciq; magnopere cupiebat, quando ipse nemini deesset: nihil enim ei erat iocundius quàm officio benignè præstito, quam plurimorū voluntates promereri, idq; eo splendidius, & ad gratiam parandam cumulati⁹ fiebat, quòd sepius non rogatus, quos coniexisset pudore cunctabundos, vel ægrè quicquam sperantes, vltro nominatim appellaret, commendatosq; mirificè ad osculandam regis dextram producere consueisset, vsque adeo vt accepti demum beneficij gratia, vnum Consaluum respiceret, quo auspice, mora omnis in rege nequaquam expeditè munifico citissimè tolleretur. Rex enim ab æquitate atq; iustitia famam quærebat: ille verò anhelabat ad gloriam ingenti virtute paratam, quæ diu stare, manareq; ad posteros non facile posset, nisi præaltis grati et liberalis animi radicib; niteretur. Quamobrem rex æquo animo secum reputans, quale quantumq; regnum Consalui virtute captum atque defensum sibi obuenisset, facile tolerabat, vt nō frustra quicquam Consaluus peteret: quanq̃ regni recenti bello attriti facultates, tot concessis immunitatibus & præmijs enervari & penè conuelli prouideret. Nolebat enim existimari omnium ingratissimus. nam ea quæ admisisset Consaluus, aut de affectatione regni cogitasset, in arcano erant: quum eius merita ex tot victorijs toto orbi notissima, in ipsa hominum fama spectarentur. Eluserat & per eos dies Quæstorum & inuidorū diligentiam, sibi admodum grauem, et regio nomini parum decoram; nam quum Quæstorum mensam tanquam ad tribunal vocaretur, vt sumptuum bellicorum et vestigalium rationes in aduersarijs codicibus errarij & ficti annotatas agnosceret, quoniam expensi acceptiq; summæ inter se comparata, magno excessu dispares, supputationi minimè congruissent: tam seuerè q̃ lepide responderat, se priuatas tabulas publicis fideliores continuo prolaturum: quibus multo plus impendisse, quam accepisse præclare ostenderet, testa returq; se id totum quod ex iusta ratione superesset, tanquam iure debitum ab ærario regio, vel si pertinacite opus foret omnino repetiturum. Protulit autem sequenti die libellum grauisimo titulo, ita vt Quæstoribus silentium, pudorem regi, cunctis verò qui non essent impudentes, multum risum exprimeret. Ante omnia Deo Maximo, diuis deabusque omnibus ad parandam victoriam propitiandis, erogata scilicet in egentes, cucullatos, piosque sacerdotes et sacras virgines qui perpetuis supplicationib; vacarent, aurorū nummum ducenta milia supra septingentos & triginta sex, & regales argenteos nouem, expensa ad indicis caput apposuit. Secundo autem loco subiecit, sexcenta milia, supra quadringentos & nonaginta quatuor secreta manu speculatorib; data, quorum beneficio exploratis hostium consilijs, multas victorias, & deniq; liberam tanti regni possessionem esset consecutus. Intellexit argutiam Ferdinandum, infamique negotio silentium imposuit. Quis enim occulta manu expensis pecuniæ numerum, requisitis nominibus, nisi maximè ingratus, & plane fordīdus à tanto imperatore postulasset? Præterita siquidem omnia Con-

saluo condonare, & quæ ille dedisset tanquam optimo collata iudicio, rata habere statuerat, atque item obliuisci totius suspicionis de affectato regno, quæ à delatoribus iniecta videretur, ut eum benignè admodum, sed callidè, magnis inuitatum pollicitationib. secum in Hispaniam abduceret: constitutoque nouo præside, toto noui regni fructu atque integra possessione potiretur: postquam Philippi generi dissidentis emulatione liberatus, ad eadem totius Hispaniæ regna maturè sibi redeundum esse iudicaret. Itaque constitutis rebus, et Andegauensum partium regulis, qui consecræ pacis beneficio carcere educti fuerant, restituit oppidisque bello amisissent, ac his omnibus in gratiam receptis, Ribacursioque præside constituto, quintum post mensem, ex quo Neapolim venerat, cum regina classem conscendit, Consaluum ea spe inductum secum aduehens, ut quum in Hispaniam peruenissent, Compostellani ordinis equitum Magister crearetur. Is est honos primus à rege cum summa potètia coniunctus: vtriusque enim Hispaniæ nobilitas ferè omnis, honestata equestri dignitate, ditataque per amplis perpetuisque redditibus vni magistro paret. Signatur autem equites bello paceque purpurea cruce, quæ ante pectus militaris spathe capulum exprimit. Id insigne religioso ritu suscipitur, in honoreque eius nec nisi præclaro merito à Magistro aut Rege impetratur, scilicet ut milicibus pro Christi nomine aduersus Mauros operam nauantibus sacrati redditus præmia persoluant. Ceterum Magistrum nomen auctoritatenique ab aliquot annis Ferdinandus & Isabella Hispaniæ reges, indulgente Romano Pontifice sustulerunt, quod tanti ordinis magistri, regio nomini potentia atque opibus æquarentur: ob idque formidabiles euasissent, uti superioribus annis Aluaro Lunæ accidisset, qui immodicæ potentie suæ superbieque reus Maiestatis factus capite poenas dederat. atque ita euenit, ut quum tantus honos nemine suspecto penitus vacaret, summæ dignitatis prouentus omnis, & libera creandorum equitum facultas regis arbitrio seruaretur: sicuti & reliqua duo eiusdem opulentie magisteria, Colatrauæ scilicet & Alcantaræ ordinum usurpatione persimili paulo antè concesserant. Erat igitur is honos sponte præsertim oblatus omnium qui concedi possent amplissimus: sic ut eum facile Consalius antecederet tot vrbibus atque oppidis quibus Neapoli potiretur. Fuerat enim donatus à Ferdinando iuniore Aragonio Terranoua in Brutijs: à Federico autem rege ad Garganum montem Vestinorum vrbe, quæ à Sancto Angelo nomen ducit. Postremo ab ipso Hispaniæ rege Ferdinando Sueffa Aurunca per nobili Campaniæ vrbe, quibus opulentiora quoque oppida quatuordecim præter minora castella, & vicos accessissent. Sed vir peracutus & grauis, vix adduci poterat, ut planè crederet tenacissimum Regem quicquam secum de eare liberaliter concessurum quâquam pollicitationi etiam regia manu syngrapham adiecisset: scilicet ut honestius atque validius nequaquam ex animo Neapoli decedentem ad nauigandū pelliceret. Verum Consalius non statim discedentem regem est consecutus: volebat enim humaniore officio amicos ciuesque omnes, illustresque præcipue feminas familiarissimè complerè, satis facereque item dignitati suæ, creditoribus omnibus per præconem ad Quæstoris mensam citatus, ut nemo vel ex opificum eupedinariis que infimo ordine relinqueretur, qui se vel obolo fraudatū queri posset: eandem quoque ut fidem mercatoribus præstarent, milites ducesque suos fuerat obtestatus,

multis

multis benignè pecuniam præbens dissoluendo debito, coemendisq; rerum omnium ornamentis, vt instructissimè cultissimique in patriam redirent. Delegerat enim sibi comitatum ex vario genere insignium virorum, si numerum eorum cultumq; respiceres, regio superiorem. nam dum Neapoli Rex fuit, per petuis conuiuijs atque largitionibus tantos sumptus fecerat, vt astrictæ frugis regis disciplinæ famam obrueret, quum numeroso famulatu, cultuque domus & splendore lauticiæ, Magni cognomen præcellenti virtute partum, omnino tuendum arbitraretur. Tantum porro sui desiderium cunctis ordinibus relinquebat, vt consensuro innumerabiles matronæ ad portum sese effunderent, nec sine lachrymis soluenti demum coram, felicem nauigationem, maturumque reditum precarentur. Nec multo post Ferdinandus consequente Consaluo, Genuam peruenit: donatusq; est duabus aquarijs peluibus aureis, & copioso recentiq; nautico comœatu. Et quanquam Sauonam ire properaret, prius tamen sanctum Cratera spectare tractareq; voluit. Id vas in sacrario templi maximi religiosissimè custoditur, referiq; immensi precij smaragdum hexagonam escariæ patinæ modo cauatam. partum id fuit antiquinis ex Syriaca victoria, & ad publicum ciuitatis decus Diuo Laurentio consecratum. Venerat Ludouicus Galliarum rex Sauonam, vt Ferdinandum reginamq; sororis suæ filiam inuideret: paulo enim antè Genuenses pulsa nobilitate rebellantes armis subegerat, vt erepta libertate validam arcem ad Pharum ceruicibus eorum imponeret. In eo congressu nihil Consaluo clarius atque spectatius fuit, quum cœnantes reges eum præcellenti eximie virtutis merito tertium conuiuium adhibuissent: vique adeo laudante admiranteq; Ludouico, virum graui proceri corporis gestu, excelsoq; ore, antiqui Herois decus præferentem, vt iure optimo postquam tanta staturæ atq; animi dignitate præstaret, Magni cognomen to, quod ex rebus gestis retulisset, verè dignum esse fateretur. Cæterum eo colloquio constat, ambos reges multum de Venetorum cupiditate inter se conquestos statuisse ea armis repetere, quæ sibi adempta, aut nequaquam sponte concessa viderentur: nec deerat Iulij Pontificis legatus Antonius Pallaucinus Ligur, qui in id consilium per se inflammatis Regibus opportunas faces admoueret. Iulius enim equo animo ferre non poterat, Ariminum Fauentiamq; vrbes Pontificiæ ditionis per interregnum à Venetis occupatas, quum Gallus Cremonam, Bergomum, & Cremani Brixiamq; Mediolanensi imperio detractas, Hispanus porro Apulorum et Salentinorum vrbes, Veneto parere vehementer indignaretur. Diremptum autem est colloquium circiter Calendas Iulias, abeunteq; ad alpes Ludouico, vt in Galliam rediret, Ferdinandus secunda dissimauigatione Barchinonem peruenit. Tum verò vtriusque Hispaniæ reguli certatim ad mare descendere, regem modicis itineribus progredientem excipere, ei maturum & felicem reditum gratulari, notareque eius oculos irati aut pacati animi indices. At ille præalta dissimulatione offensionum omnium se penitus oblitum ostendere, singulos hilariter complecti, certissimamque apud omnes clementis animi speciem præferre: idq; tanta arte, vt multos se ad poenam reseruari arbitantes, suspicione et metu liberaret, eoque certius atque syncrurius, quod occurrenti Antonio Cuetæ illustri genere orto, & si aulæ mores respiceres, viro prorsus eleganti, faceret in eum iocatus dixerat: Et tu quoq; Antoni ad Columnas me dereliquisti? Is enim ante alios ad Philippum adu-

latione præpropera se contulerat: ad quod ille promerendam veniam repente disertus, Ita est, inquit, Rex domine, nec inficior. Quis enim iuuenem xxiij natum annos firmissima membrorum compage & roseo viuidi oris colore florentem, triduo morituum credidisset? Tum verò iocundè arridens tanquam responso libero delectatus Rex subdidit. Non te falsum vtiq;e, si non quo leuiorem ciuem intempestiui consilij euentus fessellisset, si clementem legi timumq; regem diu viuere & feliciter regnare posse putauisses. Ea verba perurbanè prolata exceptaque à circumfusis cum voluptate, & mox recitata alijs, apud omnes pudorem, & metum faciliè dissoluerunt. Rex enim in vtraq; Fortuna semper grauis, temperatoq;e ingenio flectere, & moderari suorum animos assuetus, lenissimè cunctis pepercit: sic vt Ioannem Manuelem quem maximè atrocem inimicum fuerat expertus, Manrico Hagereo regulo condonaret. Cæterum fermè omnes à rege statim ad Consaluum salutandum ferebantur. Is aliquanto post regem molesta febricula retardante Valentiam appulerat, exceptusq;e fuerat ab vniuersa ciuitate singulari cum plausu: quum omnis ætatis sexusq;e ordines spectandi studio ad mare sese effudissent: Seraphinus autem Centellia Oliuæ comes, Valentinorum equitum princeps, eius hospes, tanto ornatu, tantaq;e omnis lautitig magnificentiâ suscepisset, vt rex ipse neq;e apparatius, neq;e luculentius excipi potuerit: mitterenturq;e ad classem tot insignes equi, multa q;e phaleratæ, vt nemo ferè ex tanta militum turba pedibus vrbe iniret. Paucis diebus ad quietem datis, quibus se ex nauis, toroq;e nauigationis incommodo comitatus omnis sese reficere atq;e exornare posset, ad vrbe Burgos, quo rex peruenerat contēdit: tanta quidem frequentia, vt nequaquam vnum iter omnibus pateret. innumerabilis enim multitudo exercitui penè parem spectantibus speciem præbebat, tot scilicet veteranis ab Italia deportatis, totq;e clientibus ac amicis qui officij causâ vndique ad contingendam victtricem dextram confluebant, ita vt neque hospicia tectâe, neque commeatu vel ante prouisus, tot agminib; sufficerent. Mirabatur autem incolæ noui splendidiq;e cultus, coccinea sâga, sericas interiores vestes, caput porro integumenta aureo emblemate, & varijs cristis exornata, fortiumq;e centurionum ceruices aureis torquibus honestatas. Præterea mirè proceros & acres equos grauib; frenis & protectis ferro ephippijs Italoꝝ & Galloꝝ more instructos. Quibus de rebus fiebat, vt quorundam oculos liuore occupatos offenderet: mereretur autem multum plausum, & veram laudem à popularibus, qui eum non Magni modò, sed Maximi cognomento dignum carmine edito decantabant. Propterea Gironem Oronium regulum ad ea omnia stupentem, vti erat vir acuto, et hac in re diuino iudicio præditus, dixisse ferunt, sibi Consaluum ingenti onerariæ naui persimilem videri, quæ præalto mari indigeat, vt æquora sulcet, aliter necesse sit vt humilib; in vadis hæreat. quasi diceret tantæ moli ferendæ Hispaniam Ferdinando regnante minimè suffecturam. Nec multò post vsu euenit, vt Consaluus non modò hæreret in cursu, sed seuisimis inuidiæ fluctibus allisus scopulis penè mergeretur. Aduentanti Burgos rex ipse honoris causâ obuiam egressus, quum antecedentes milites vario luculentoq;e habitu excultos miraretur, ipseq; Consaluus omnium postremus, ad appetendam regis dextram ex modico intervallo sequens accederet,



deret, his Rex inquit (longam militum seriem digito ostendens) vt video Con-  
salue, quod debebas optima fide persoluisti, quum toties bello te preuentem se  
quuti sint, nunc demum parta pace commutato vtique ordine vt te antecedant  
æquissimo iure concedis. Perurbane quidem nec obscure eum laudans, quod  
ante fuorum a diem Dux intrepidus prima pugnae pericula sapientissime subisset.  
At Consaluuus aliquot dies frequentandæ aulae, & priuatis officijs impartitus,  
quum à Rege, vt Compostellanus equitum Magister crearet, frustra per mul-  
tos dies expectasset, idque tanquam ex fide, & syngrapha promissum instantius  
flagitaret, senescente sensim gratia à rege pro amplissimo munere grauissimum  
odium retulit. Is enim verba dare, & inanes moræ causas necere solitus, ita se  
ab ea liberalitate auersum ostendebat, vt Consaluuus apud amicorum præci-  
puos contumeliæ dolorem, ægritudinemque animi generose detegeret, & se  
deceptum traductumque vehementissimè quereretur, apud vnum præcipue  
Bernardinum Velasum (is erat totius Hispaniæ equitum Magister) qui eo  
quod Regi assideat, Comestabilis hodie vocatur, in vrbeque Burgos authorita-  
te atque opibus potens, & Consaluo ex hisdem factionis studijs iureque hospi-  
cij amicissimus, tanta ob id libertate inter se consilia communicabant, & mu-  
tua fide, intimisque sensibus iungebantur, vsque adeo vt Consaluuus fide acce-  
pta dataque, Heluiram filiam Velasco desponderet. Is enim vxorem paulo ante  
amiserat, quæ erat filia Regis ex damnato coitu suscepta, refrixeratque obiter  
generi amor erga socerum, quod Velascus clietis & familiaris sui capitali sup-  
plicio damnati, vitam à rege focero impetrare nequiuisset. Eam autem conu-  
ncti sponsonem ægerrimè rex tulit: Heluiram enim nepoti suo qui erat Cæsa-  
re Augustæ Antistitis filius vxorem destinabat, vt Consalui opes substantiæ  
que omnis hæreditate certissima in regiam domum conferrentur. Ob id quo-  
que Regina Germana subaustero oculo Velasum compellans, dixerat: An  
tu quinon es insulsus, & degener non dedecori fore existimas, si tibi cum filia  
Consalui nuptias omnino faciendas putes, quum regis filiam in matrimonio  
dudum habueris? Ad id verò Velascus, quum se præclarum in eare exem-  
plum quod sequeretur habere respondisset, vt eius suscepti consilij minimè di-  
spuderet, non obscure Reginx animumpupugit, quæ nequaquam Regis filia,  
magni tamen regis coniugium meruisse videretur. Ex eo mordaci sermone  
regem cum regina vsque adeo offensum serunt, vt Consaluuus qui dignitatis  
& præcellentiæ causa, prodeuntè in publicum Reginam subiecta ad lacer-  
rum dextra subleuare, equitantemque lateri adherens comprehensimulæ ha-  
benis, deducere erat solitus, præoccupante Federico Toletano, Albano regulo  
ab eo officio & munere penitus arceretur: & Velascus regiæ affinitatis gra-  
tiam prægrauante odio proculdubio totam amitteret: nec multo post, vt erat  
turbido liberioraque ingenio, à nimis opibus suspectus & inuisus, prope-  
rante fato moreretur. Paulo etiam antè secus ac volebat Ferdinandus Francisci  
Xymenis Archiepiscopi Toletani patrociniū susceperat. Is opinione religio-  
nis ex humili cicullato pannosque, utpote qui ligneis foculis calciatus nodo-  
so fune eingeret, ad opulentissimum totius Hispaniæ sacerdotiū Isabellæ Regi-  
næ studio peruenerat: ita vt tantas opes ex arbitrio ad Christianæ pietatis disci-  
plinam dispensaret, inuidente quidem Rege, deposcencteq, vt id sacerdotium  
cum eius filio Cæsare Augustæ Antistite permicaret. Quam rem tanquam

impotenter à Rege tentatam ac infamem, Velascus & Conſaluus deprecante iniuriam Xymenē, vehementer improbarant, quod ea permutatio ſummæ iniquitatis Iſabellæ Reginæ iudicium ſynceræ innixum pietati offenſura videretur. Ipſeque Xymenes robuſto conſtantique ingenio diceret, ſi paululum vteretur, ſeſteſtatim abdicata mitra cum lituo paſtorali ad veterem cucullam eſſe rediturum. Eo enim Regis conſilia tendebant, vt filio ſummæ diuitiæ parerentur: ipſeq; vbi ne ceſſe foret, in bellicos ſumptus ſacris prouentibus vteretur, ſicuti de tribus ſacraſti ordinis Calatrauæ, Alcantaraeq; & Compoſtellæ equitum magiſterijs regiæ perſonæ contributis effeciſſet. Itaque rex negotium cum magna inuidia inchoatum ſtatim omiſit, aliquanto iratior factus Velasco & Conſaluo, qui rem impediſſent, quam Xymeni, qui pro ſua dignitate ac amplitudine contendiſſet. Sub id quoque tempus Fortuna, quæ vbi obortæ inuidiæ ianuam pandit, impendentis mali cauſas accumulat, grauiore offenſione Conſaluum perculit. Petrus enim Alſonſi fratris filius è Corduba Burgos venerat, vt tum primum ab Italia redeuntem patruum inuiſeret. Hic cum eum animo ægro reperiſſet, quoniam ab rege promiſſi honoris fides minimè præſtaretur, vti erat ingenio libero, & ad perferendam contumeliam inſolenti, indignatus ingratum regem Cordubam ſe recepit, vbi perpetua quadam authoritate ab auo patreque tradita princeps ciuitatis vel inuito rege colebatur. Erat Petrus ab eo inſigni Cordubenſium ſtudio, ab eaque illuſtri potentia regi grauis & inuiſus, vſque adeo vt eum Cordubæ regnare nollet, mitteretq; ad ſenatum Cordubenſem Lucerum inquiſitorem, id eſt officialis nomen, qui præſata virga, liſtoris regij & ſacrum ſupremæ poteſtatis ac imperij nomen reſert. Hunc qui violet, maiſtatis reus efficitur. Hic ſenatuſ denunciabat, non placere regi vt Petrus in vrbe Corduba diutius eſſet. Sed iret ad paterna oppida, ſicuti reliqui Cordubæ gentis reguli, & multo quidem ipſorum commodo facere conſueuiſſent. Ea res ab amicis ſenatoribus ad Petrum deſertur, continuoque ſuſperbum eius ingenium vehementer exagitat. nec mora, præcipiti ira concitus, Lucerum à ſatellitibus ſuis comprehendendi iubet: impoſitumque equo, & vincitum Mondelliam ducendum equitib; ſuis tradit. Id erat oppidum ab aub Petro validis mœnibus cinctum, auctumque arce munitiſſima, quæ marmoreis ornamentis erat inſignis, ac omnium inter Bæthicas longè pulcherrima. Tantum verò admiſſum ſacinus Ferdinandus grauiffimè ferens, quod ſux dignitatis intererat, armis vindicandum ſtatuit, poſtquam Petrus non obſcuræ rebellionis nomine damnatus, lege publica cenſeretur. Sed parantem arma Regem Conſaluus & Velascus deprecâdo, ea conditione exorarunt, vt iuuenem ſeruidiore ingenio in id ſcelus prolapſum ſupplicem ſe ad pedes perducituros pollicerentur. Nec multo poſt Pétus patriui atque Velasci authoritate perductus ad regiam venit. Sed eum Rex veniam petentem non admiſit, ira vt eum relegaret extra aulam ad decem miliaria, neque ei ſas eſſet longius abeſſe, quam vt itinere vnus diei, acciri reuertique poſſet. Addidit quoque grauiore decreto, vt Mondellia funditus euerteretur, vt æquata ſolo, apud turbulentos proceres regiæ ſeueritatis teſtis foret. Nec Conſaluus vel maximis precibus impetrare potuit, quin paternæ virtutis monumentum tantis ſumpſibus ædificatum, quod eſſet ipſius natale ſolum, & totius Bæthicæ maximè decorum, & celebre, deleteretur. Quanquam Gallie regis legatos molliendo regi deprecato.

deprecatores adhibuisset, qui equum esse censebant, ut qui centum vrbes infirmitate oppida pro rege cepisset, is mutuo munere paternum oppidum impetraret. Sed Rex obstinate mansit in decreto, ea tamē moderatione, ut pro Montellia totius Barchinæ concursu intra paucos dies funditus euerſa, Loxam vrhem Consaluo possidendam dono daret, scilicet ut iniuriæ atrocitas eo munere leniretur. Ea vrbs à Granata decem millibus passuum distat, per amœnam vallem posita, quæ præaltis montibus includitur. Addidit quoque Rex tanto munere benignioris animi spem, quod Loxa ad hæredes esset peruentura, si Consaliuus Compostellanæ syngraphæ renunciaret. Verum ad id generoso dictorio respondit, se adeo insulsum videri nolle, ut de iure Regiæ promissionis temere decederet, quā iustissimæ querelæ titulum præferre, quam iniqua compensatione accepta creditum diffiteri mallet; eminebat siquidem in sermone eius, responsisque præsertim grauitas excellens vrba iocunditate condita, quum improuſus & peracutus lepor in eludendo pestrinandoque crudelitatis acrimonia referret. Sed Hispanicæ elocutionis argutas ex amphibologia facili nascentes, Latinæ linguæ simplicitas non assequitur. Quo fit, ut multa maxime festiua scœmmata omittere cogamur, quæ quum in experrectis salis sinuæ gentis ingenij risum ac admirationem excitare possint, translata demum tanquam exuta dignitate, uti languida vel obtusa Latinis auribus non arident. Hæc tamen minimè prætermittenda videntur, ut illud Garcie Paredij fortissimè equiti, quum ad Lyrim Gallis per pontem transire conantibus pilæ vndique hostilium tormentorum cum strage equorum & hominum peruolare, & Consaliuus imperterrito animo hortabundus in discrimine versaretur, accurrenti soliteque monenti, ut periculoso loco se subduceret: Non ne tu (inquit) vir improbus & ineptus hodie mecum es Paredi? cum in omni vitæ discrimine nullus vnquam te minus occupet, ut ego pauorem admittam in portum suadere contendis. Quum oppidum Montilia (ut diximus) iussu regis dirueretur, frustra deprecantibus Gallorum legatis, ut ei oppido parceret, quod esset Magni Consalui natale solum, qui ad ducentas vrbes, & septingenta oppida Hispaniæ regnis adieciſſet, nunciareturque homines ad opus coactos ex agrestibus incolis supra centum in subruti & repente procidentis muri ruina oppressos, miserabiliter interiſſe. Hinc præclare luctet, Consaliuus inquit, quam fortiter viua & incolumis Montilia sese defensura fuerit, quando damnata planeque mortua, tot editis contra se molientium funeribus suum decus pertinacissimè tueretur. Eo die quo Galli in Formiano litore longa variaque pugna victi, intra portam Caietæ compulsi sunt, quum Cerbellio è citiore Hispania nobilis eques ad nauandam operam serius quàm oporteret se expedisset, confectoque iam prælio, partaque victoria armatus in nauicula coniectis remis ad victores socios appropinquaret, & multis è litore spectantibus quisnam esset qui thoracatus aduenteret, Didacus Mendocius sciscitaretur, repente ad eum Consaliuus, respondens inquit: An adeo tibi hebes est oculus ut Sanctum Hermum non agnoscas? Sancti enim Hermi sydus Christiani nauæ vocant, quod ex turbulenta tempestate tranquillitatem pronunciat, quum in antennis apparet, non secus ac antiqui de Castoris & Pollucis ignibus crediderunt. Agnouere astantes lepidissimè dictum, quum tarditatem Cerbellioni falsus imperator exprobraret, qui cōfecto

prælio, & pacatis rebus armatus aduentasset, tanto omnib. exortorifu, vt Cæbellionem è nauicula descendente[m] Sancti Hermi[ni] nomine salutarent. Idq; ei postea cognomentum inter milites æternum fuit. Quum Galli Caieta dedi-  
ta Regno excederent, & à Consaluo multis terrestri iunere abeuntib. equi da-  
rentur, Obegninus eorum imperator alacri ore renidens, Consalue (inquit) te  
obsecro vt validos nobis & robustos equos dari cures, vt abeuntibus & citò re-  
dituris nobis sufficiant, quasi se renouaturum bellum non obscure promitte-  
ret. Agnouit Consaluo vasrè dictum: statimque respondit, Reditore vlu-  
bet, nam hæc eadem quæ vobis lubens præsto vestes, equos, diplomata, quum  
reuertemini ex elementia liberalitateq; mea facile impetrabitis: apertè denun-  
cians, eos si redirent, eandem omnino belli fortunam subituros. Bernardinus  
Velasco qui fuit equitum magister, vir apprimè nobilis & elegans, puellam  
ex Reginæ aula vehementer adamabat, & more Hispanico studiosissimè per-  
colebat. In ea Velasco, quum venustatem impensè laudaret, nihil ad absolute  
formæ dignitatem deesse prædicabat, præter plenioris succi habitum: erat e-  
nim gracilitate virginali. Hæc, vt sit, in aula amanter ad bonæ spei significatio-  
nem viridi colore argumentum amatori Velasco dederat, quo is in cultu fami-  
liæ vteretur. Prodeunt itaque Velasco, et pueros seruosq; à pedibus viridi co-  
lore indutos ostentanti, Consaluo occurrit: laudatæque eius cultus nouitate,  
Rectissimè sapiens (inquit) Velasco, cum hoc enim viridi proculdubio pingue-  
scet. Locatus scilicet in strigofam eius amicam, translato dictioni sale à passione  
mularum: nam Hispani recentis graminis & herbæ medicæ farraginem viri-  
dis nomine appellant, quæ a dulto verè mulas enutriunt, vt vberimè pingue-  
scant. Quos commate nihil lepidius viri eius aulæ elegantes existimant.  
Quum ad Tarentum è castris maleficum seditiosumque militem ad suppli-  
cium duci iussisset, illeq; multum reluctatus se iniquissimè damnari vocifera-  
retur, & proinde Consaluum ad dicendam causam ad Dei Max. tribunal ma-  
gna voce citaret, Vade, inquit Consaluo, festinaque confisus optimo iudici,  
& causam instrue, nam ibi pro me aderis qui opportunè respondeat Alfonso  
frater, qui nuper è Serra vermegia in cælum contendit. Tum enim Consaluo  
nunciatum fuerat fratrem à Mauris circumuentum dignam forti pioque du-  
ce mortem oppetisse. Cæterum Consaluo (vt vnde dilectissimus reuertamur)  
in Vrberem Loxam indignabundus se recepit, ex toto repulsis ac offensionibus,  
tranquillum ocium quærens, donec inuidia decederet, & Ferdinandi animus  
iam planè auersus, dum ipse abesset, veterum beneficiorum recordatione ad ge-  
quiora consilia verteretur. Itaq; Consaluo veluti iustam vacationem nactus,  
biennium Loxæ Granatæque transiegit, suis hercè opibus, quæ erant multo  
maximæ, & sua denique gloria contentus, nisi ea vteplerumque accidit amu-  
lorum immodico liuore premeretur. In ea vitæ tranquillitate modicè corpus  
exercebat, alebat autem animum susceptis multorum patrocinijs, collatisque  
officijs, sic vt omnes qui egestate oppressi, aut impliciti litibus aut aliquo peri-  
culo circumuenti essent, opemque implorarent, enixissimè subleuaret. His  
actionibus existimationem tuebatur, & singularem tota prouincia gratiam  
ab omni genere hominum comparabat: à Maranis præsertim, & à Mauris.  
Maranos Hispani eos vocant, qui Iudaica stirpe nati, quum semel ad Christia-  
na sacra transierint, rursus ad antiquæ legis ritus relabuntur. Id autem quum  
capitale

capitale sit, speculatores eis submittere solent, qui dicta factaque eorum, & arcana religionis diligenter explorarent, suspectosque praesidiis accusent, ex-  
 polandos quidem primo opibus, ac igne demum concremandos. In id genus  
 hominum quāquam ij extrema supplicia mereantur, secretis & saepe malignis  
 indicij delatum sacrati iudices, vt preclarius pietatis studium ostendant, per  
 acerba quaestione defauiunt. Id vero Consaluu quantū incolumi religio-  
 nis iure poterat pro aequitate humanae lenitatis defendebat, vt miserē circum-  
 uenti, pre metu solum vertere cogerentur, desertaque Hispania ad Turcas con-  
 fugerent, apud quos transfugientium Iudaeorū tuissimus erat receptus, quod  
 homines ingeniosi mireque industrii fabrilium operum, & lanificij praesertim  
 artifices, & quod mirum in modum reipublicae Christianae nouit, aeneorum  
 tormentorum magistros attulissent. eadem, sed alia via Mauri qui in Baethica  
 remanserant, tanquam opportuni iniuriarum pariebantur: quibus cum clemen-  
 tissimē agendum esse multis de causis existimabat, ne gens repentina, seu qui-  
 perij insolens, ac animis ad resumenda arma paratissimis, erecta, ubi reliquum  
 concessae libertatis eriperetur, demigraret in Africam, aut inde auxilia aduer-  
 sus nostros tanquam acerbē dominantes accerferet. Non multis enim ante an-  
 nis, vno Ferdinandi regis edicto tam pio quam postea multis importuno Iu-  
 daeorum infinita prope multitudo, quae antiquitus in Hispania confederet,  
 quod Christianas leges abdicatis Mosais recipere nollet, exuta bonis, ac Hi-  
 spania pulsa per totum terrarum orbem profugerat: sic vt eorum pars Thessa-  
 lonicam nobilem Graeciae urbem, quam Amurates vi captam deformarat, co-  
 loniam concederet, magno Turcis emolumento futuram, ita vt Baiazaetes, si-  
 cuti a Gritto Venetorum principe audiuius, diceret, Ferdinandum Hispanie  
 regem, qui Christianorum prudentissimus haberetur, minimē sibi sapientem  
 posse existimari, quod Iudeos suis regnis expulisset, quos ipse in Graecia capti-  
 dissimē reciperet, quando vna hominum frequentia discesse amplificariq; re-  
 gna viderentur. Nec multum ad Rempublicam referret, si coloni inter se reli-  
 gionibus dissentirent, modo quisque ad commune equissimū iurishonestique  
 moris officium tuendum, colendamque iustitiam summi Dei rerum omnium  
 opificis numen adoraret: qua vna in re ipsi Mahometani cum Iudaeis & Chri-  
 stianis praedare consentire crederentur. Erat enim Baiazaetes tantae doctrinae  
 philosophus, vt Auerrois placita secutus nequaquam totas Mahometis Pro-  
 phetae fabulas admitteret: in hac persuasione Mahometi patri dissimilis, qui  
 quum duo tantum numina Virtutē & Fortunam viris colēda praedicaret, reli-  
 giones omnes explosisset. Ceterum sub id ocij tempus Consaluu Xymeni Tole-  
 tano Antistiti in Mauritaniā traiekturo non defuit, quin vno maximo confi-  
 lio, milite ducibusq; iuaret. Is enim pio nobiliq; praestantis animi decreto, vt in  
 uidia ex multis amplissimū sacerdotū opib. enata deleteretur, paratū ducentorū  
 nauium classe in proximā Mauritaniā transfretabat, conductis suo grege peditū  
 & equitum quatuordecim millibus, quib. praerat Nauarrus a Consaluo tanq̃  
 bello optimus Xymeni traditus. Is ea felicitate est vsus, vt magno portu qui ap-  
 pellatur Mazanchibir in potestate redactō, Oratum nobile emporium, quod  
 olim Vasbaria fuit, expugnaret, & eodē cursu rex Tremiseniorum acie victus  
 regno pelleretur. Nauarrus porro Xymene cum victorię laurea in Hispaniam  
 reuerso Buzeam antiquitus Vazicatā in Holchachite sinu opib. & Gymnasio

liberalium disciplinarum celeberrimam Numidiæ urbem manu caperet, duobusque secundis prælijs Numidas profligaret, & demum Magna Lepti, quæ hodie dicta est Tripolis, terra marique fortiter expugnata posiretur. Quæ res à duce militibusque Consalvi disciplinæ assuetis egregiè atque celeriter gestæ non dubiam laudem ad ipsum felicitis militiæ magistratum referebāt. Per hunc modum Loxano in secessu, quanquam non procul ab honesto exilio videretur, nihil vnquam de magnitudine consilij remittentem illa excellens virtus qua tantum gloriæ sibi pepererat nusquam deserebat. Erat enim ingētis animi robore aduersus omnem inuidiæ contumeliā adeo permunitus, vt secunda pariter ac aduersa vno indomitæ mentis tenore metiretur. Percunctanti enim Girono Oronio à quodam, qui à Consaluo ad regiam venisset, quàm altè oneraria illa ingens naus Consalvi magnitudini, vt supra diximus comparata, in Loxæ vadis subsideret, idque Consaluo referretur: Oronio dic, inquit, nauem firmis lateribus æstum maris expectare vt attollatur, et vela det ventis qui non semper aduersissimi perflare consueverunt. Nec perurbano responso euentus defuit: non toto enim vertente anno, quum Rauennatis cladis nuncius Regem magnoperè perculisset, vnus ante alios omnes Consalvus, qui res perditas restitueret, non secus ac alter dictator Furius Camillus à Romanis contra victores Gallos ab exilio reuocatus est. Ea siquidem funesta acie magna pars veteranarum legionum quas ab Africa Nauarrus antea transfuexisset, interierat, supraque triginta sex aut illustres aut noti duces ceciderant, Raimundoque Cardonio imperatore fuga elapso, captoque Ioanne Medice legato cardinale, Fabricius Columna ipseque Nauarrus in potestatem hostium deuerant. Qua calamitate obrutus Iulius Pontifex multorum perfidia in Vrbe circumuentus de fuga cogitabat. Fœderatique omnes principes vnum maximè Consaluum quem superandis Gallis fatalem ducem crederent, postulabant. Itaque rex ingenti cura anxius misso in Cantabriam Federico Albano, qui pulsum regno Nauarræ regem reprimeret, Consaluum imperatorem delegit, qui primo quoque tempore in Italiam profisceretur. Pontifici opem ferret, daretq; operam ne quid detrimenti res Neapolitana pateretur. Parabatur classis ad Malacam: eo innumeri equites & pedites confluxebant, tantusq; erat equorum & armorum apparatus, vt homines minimè dubitarent, quin Consalvus Gallos ab eo vinet solitos Italia depulsurus esset, & nouum de ea gente triumphum in Hispaniam relaturus. Iam multæ omnis generis naues vndique ab Oceano Gadibusque præsertim Malacæ conuenerant, paratusque erat comitatus, delectique milites, & equites nominatim in maiora nauigia distributi, vt conscenderent idoneam tempestatem expectabant, cum ad repentinum inexpectatæ victoriæ nuncium ex regis literis cuncta refrixerunt, sic vt consternati dolore milites qui præmia & decus ex ea profectioe concepiissent, de Fortuna magnoperè quererentur: & Consalvus ipse tanquam inauspicato creatus imperator, quod donando profundendoque priuatas opes exhausisset, ad tantæ illuxæ spei incommodum plurimum angeretur. Sed quomodo eam laudis atque victoriæ spem Italici belli euentus interpellaret, operæ precium est paucis enarrare, vt quæ fortuita videri possunt ad diuinæ mentis iudicium referantur. Non toto vertente biennio, ex quo reges ad Sauonam colloquutos inter sememorauimus, funesto Italigis ictu fœdere in Venetos conspirarunt, vt conuulso

conuulso eorum dominatu, quæ sibi erepta putabant, veteribus ipsorum imperijs redderentur: atque ita factum est, ut quum à Gallis ad Abdream, duce rege ipso, vna victi acie, prostrigatiq; cunctas vrbes amississent, intra Paludes vrbeq; Venetias compulsi à Iulio Pontifice veniam supplices impetrarent. His enim Heluetio milite non modò Fauentiam Ariminumque, sed Rauennam & Ceruiam multis antè annis à Venetis occupatas receperat. Ex Abdrea porro victoria Ludouicus Cremona, Crema, Bergamo, Brixiaque fuerat potitus: quum eodem cursu Veronenses, Vicentini, Patauini, Feltrenses, & qui ad Carnicas alpes vergunt populi, Maximiliano Cæsari deditionem fecissent. Apulix autem vrbes sine vulnere Ferdinandus receperat: Atestinusque Alfonso in Rodigina peninsula fuerat receptus. Cæterum ab Alfonso Iulius tanquam beneficiario Pontificij imperij salinarum iura que sunt in Padusis ad Comaculum repetebat. Eius salis vectigal Alfonso, quod sibi magno esset emolumento, armis defendendum existinauit, fretusque Gallorum auxilij non vno in loco Pontificis copias cecidit. Quà iniuria permotus Pontifex Alfonso diris interdictoque persequitur: Ludouico regi denunciat, nisi auxilia reuocet, eum pro hoste habiturum: additque nequaquam sibi defuturos reges qui Pontificiæ dignitatis iniurias defendant. Illudens Ludouicus contempsit anathematis diras tanquam inanes metus: promotisque copijs Pontificem Bononia expulit, Conciliumq; Pisis indixit, ex cuius censura excusis Iulij moribus pontificatu pelleret. Ea res acerbius ac arrogatius quàm deceret à Ludouico suscepta reliquos reges permouit, Henricumque ante alios Britannix regem tuendæ religionis maximè studiosum, ita ut magnis classibus Armoricas vrbes intraderet. Nec Henrico genero religionis causa iusta Gallis arma inferenti Ferdinandus defuit, postulante presertim opem pontifice, cui deesse non poterat, eoq; libentius, quod accita in Cantabriam Britannica classe, Iohannem Nauarræ Regem Gallorum socium, ideoque hisdem Pontificis diris exaceratum regno depellebat. Iulius quoque adiunctis iam sibi Venetis Ferdinandoque in societatem facile ascito (quod huic ex iure pontificio Neapolitanum regnum adiudicasset) conductisque Heluetijs, graue bellum Gallis vndique concitarat. Cuius belli is demum exitus fuit, ut commisso ad Rauennam cruentissimo prælio, Galli quidem victores euaderent, sed tanto accepto detrimento, ut incumbentibus Heluetiorum Venetorumque copijs intra septuagesimum diem Italia pellerentur. Quod dux ipse Gaston Foissieus cum Alegria veteri nobilique duce, præfectisque alarum & cohortium ferè omnibus interfectis, in ipso victoriæ limine cecidisset. Neque enim Palicia Gastoni suffectus, quanquam id nouorum hostium aduentus flagitaret, reparare copias potuit, pernegante Questore Normandio, se in ipsa victoria regijs pecunijs abusurum. Itaque desperata pecunia, securitatis consilij rationem secutus, equitatum incolumem in Galliam perduxerat, ut terræ patriæ opem ferret, quæ maritimo bello à Britannis, terra verò ab Heluetijs, qui in Heduos penetrassent, grauissimè premeretur. His rebus in Hispania nunciatis, quum per omnia templa supplicationes agendis gratijs haberentur, belloque finem impositum, ex ea celeri victoria Ferdinandus existimaret, ad Consaluum continuò perscripsit, ut institutum cohortium turmarumque delectum intermitteret: classeque dimissa nobiles equites, quos euocasset, aut qui sponte nomina dedissent, domum remitti.



teret, gratiasque publicè Deo Maximo & Diuis omnibus tota Bæthica agendæ arbitrareretur, qui Italia metuliberatâ, maturiorem opinionem hominum admirabilemque victoriam Sacrosancto Pontifici aduersus execrabiles dirisque implicitos hostes tribuissent. Nullo vnquam acerbior nuncio Consaluum mentem perculsum ferunt, nulloque milites, vel aduersi casus, vel acceptæ cladis perturbatione magis consternatos dux quisquam vidit, ut profecto mirum videri posset, eum virum quem nulla vnquam pericula, nullique aduersæ fortunæ impetus ex arce consilij dei cecidissent, priuatum animi dolorem publica lętitia lenire nequiuisset. Id enim expectabat ut occasione tanti belli quo haud dubiè supremo virtutis conatu edito, præstantissimam operam esset nauaturus, emulorum animi subacta inuidia frangerentur. Constat enim inter primos sermones suspensio ore dixisse ad astantes. Ergo secus ac ipse putaram Gironius Oronius præclarus vates euadet? Quando uti perurbane figurabat, meam nauem secundo estu mirificè subleuatam, obortus opportunè ventus, qui iam vela inflabat repente concidens, sulcantem mare destituat. Nec multo post ad Anticheram, quod est oppidum medio ferè itinere inter Granatam & Malacam, ad milites, euocatosque omnes, concionem habuit summa grauitatis, eos magnificè consolatus, ut æquo animo perferrent, si elusi à Fortuna ostendendæ virtutis & parandæ gloriæ conceptaspe decidissent: æquum enim esse, ut publica vota priuatis anteponerent, et vti fas esset communi victoria lætarentur, se verò daturum operam, ut ipsos neque studij sui erga regem quod præclarissimum extitisset, neque damnorum & itinerum quæ amor sui nominis & spe laudis suscepissent, omnino pœniceret. Reliqua autem sperarent ex regali liberalitate: vnum enim quenque se per literas mirificè commendaturum apud regem, nec dubitare quod esset æquissimus, quin munera viritum daret, quibus suscepti emensisque itineris, & rerum omnium sumptus benigna manu sarcirentur. Demissa autem concione, vbi ex foro domum est reuersus, pronunciavit secundis donatiuum triduo daturum. Id constabat partim signata pecunia, quæ gregario præsertim militi præberetur: tum verò argento elaborato, auro textili purpuraque, et ferice telæ omnis generis, colorisque in vestes copia ingenti, equis item nobilibus, pictis que tentorijs, inauratis armis, & castrensibus lectis, quæ tot tantaque fuerant, quod ea omnia mercatores lucri causa tanquam ad nundinas Corduba, Hispali, Medina, Valentia Granataque attulissent, ut centum millium aureorum nummum summam superasse credantur. Ea verò tanta liberalitate diuisit, ut nec domesticæ suppellectili parceret, ipseque iam multorum sceneratorum malum nomen fore putaretur, quum oppignoratis aliquot oppidorum redditibus ex graui vsura planè decoqueret, ridentibus æmulis quod inani sumptu, ut regię opulentię odiosum specimen præberetur, domum suam rebus omnibus exhauriendam superbe temereque suscepisset. Ferunt regem ab occulta malignitate Consaluum encruatis opib. existimatione spoliare cupiuisse, propterea inieçisse spem, ut primo Verre insequentis anni, eodem apparatu in Italiam nauigandum foret: scilicet ut discedentium militum voluntates munere ingenti redimere cogeretur. Sed quanquam id à clarissimis Hispaniæ regulis acceperim, nequaquam tamen adduci possum, ut id ex omni parte verum putem, ne prudentis & maxime compositi regis fama temere fugilletur. Quid enim nisi temere de Consalui animo atque

atque opibus ei timendum fuit, qui pacatissimis Hispaniæ imperijs nouum Nar-  
uarræ regnum adiecisset, victorque in Italia pacis & belli arbiter crederetur.  
Verum non multo post Consalius ex suprema liberalitate incomparabilem  
gratiam meritus, in Loxant se condidit, ex eo hercle seipso beator, quod nemi-  
ni suo nomine fidem fefellit, recteque & fortiter faciorum conscientia lætus  
obuenientem vltro gloriam adsequeretur. In eo itaque ocio, quod ad biennij  
spacium se extendit, tanquam occupatus in præcellenti erectæ mentis nego-  
cio versabatur: animum enim magna semper & excelsa petentem, maximarū  
rerum cogitatione recreabat. Insigni nempe curā sumptuque institutum ha-  
bebat in omnibus vrbibus quæ principatum nomen præferrent, non in Euro-  
pa modo, sed in Asia atque Africa, vt per certos idoneos homines, quæ bello  
paceque gesta essent, ad se accurata fide perscriberetur, siue facile singulis pro-  
pe diebus accideret, vt de grauissimis admirandisque rebus certior factus, cum  
cetera vti accidissent, præsentibus amicis recenseret, & his qui longè aberant offi-  
ciosè communicaret. In eo duorum annorum curriculo quo eius vita finita  
est, stupendæ rerum omnium commutationes inciderant, cum secus ac mul-  
tis antea seculis accidisset, totus planè terrarum orbis ingenti armorum motu  
quateretur. Audierat Iulio Pontifici vita functo, quo nemo in tuenda augen-  
daque pontificij imperij dignitate, vel maior, vel constantior fuit, Leonem De-  
cimum qui ingenijs faueret, aureæque pacis mores inueheret, successisse: de-  
sumptaque triplici corona, eodem die redeuntis anni, eodemque in equo quo  
ad Rauennam in acie captus fuerat, sub vmbella triumphasse. Paucos quoque  
post dies didicerat Tramulium atque Triuultium summos Gallorum duces  
ad Nouariā à paucis Heluetijs eruptione profligatos: Transisse autem in Mo-  
rinos cum ingentibus copijs Henricum Britannię regem, qui cum Maximilia-  
no Casare coniunctus, intra paucos dies fuso fugatoque totius Galliæ equitatu,  
Terouanam Morinorum, et Tornacum in Neruijs, insignes vrbes in potesta-  
tem redegisset: hisdemque diebus Iacobum Quartum Scotorum regem ab Ha-  
uardo Surreio ad Tuedum delero Scotorum exercitu acie victum, ac interfe-  
ctum, indeque nec transacto quidem mense, Venetos ad Vicentiam à Cardo-  
nio Prosperoque Columna luctuoso prælio superatos. Sed his quæ partium  
studijs Ferdinandi regis voto secundissima euenerant, externa quoque nostro  
rum & Barbarorum regum prælia ampliore cum voluptate miscebantur: nani  
confecta pace inter Gallos atque Britannos Ludouicus rex deducta in matri-  
monium Henrici sorore, imbecillus senex, in ipsis nuptijs sacro concesserat, Frä-  
ciscusque gener Rex fuerat declaratus. Vladislaus porro Pannoniæ rex con-  
stentatis ad armā viris agrestibus, periculoso circumuentus bello, Bornamissa  
duce, rebellēs acie victos, meritis supplicij affecerat. Constantinus item Ru-  
thenus Sigismundi Sarmatiæ regis auspicijs innumerabiles Moscouitarum co-  
pias ad Smolenchum supra Borysthenem memorabili acie superarat. Ipsi ve-  
ro ad orientem Selymus Turcarum, & Sophus Hismael Persarum, maximi  
Reges, inter se armis contendebant: eoque deducta res fuit, vt ad Artaxatam  
Armenię urbem, Calderanis in campis, cruentissimo prælio certaretur, victo-  
re quidem Selymo, quum vultus Hismael, ex prima acie ad interiora Me-  
diæ se recepisset. Sed honestiora iocundioraque videri poterant, quæ interim  
de Lusitanorum victorij scribebantur: eos enim extremum Aethiopię pro-

montorium ad Antarcticum magnis classibus transcendisse, subactisque totius ferè Indiæ regibus, præter Arabicum & Persicum ingentes sinus ad Meliacam aureæ Cherfonesi, ipsamque demum insulam Taprobanam peruenisse, aromatumque omnis generis natale solum reperisse constabat, conterritis passim earum gentium innumerabilibus copijs & classibus, quum tormenta ænea dispossissent. Pari quoque cum voluptate, & maiore quoque Castellano rum gloria incogniti orbis effera gentes, & Antropophagi dirum genus narrabant, quum Ferdinandi regis classes alterum & propè immensum terrarum orbem pernauigato ad occidentem Oceano reperissent, vnde tantum fossitij auri, et margaritarum gemmarumque in Hispaniam augendis publicis priuarisque opibus referretur. Dum in istis oblectationibus nequaquam ingenua, sed accersita iocunditate vitam traduceret, in duplicis quartanæ morbum non quidem natura difficilem, sed seni, præcipueque ex euentu rerum minime lætoplanè mortiferum incidit, traductusque à Loxa Granatam climacterico ætatis anno, in complexu vxoris, Heluiraque filia, susceptis Christianæ disciplinæ sacramentis expirauit, postridie Calendis Decembris anno à partu Virginis supra millesimum & quingentesimum decimo quinto, quum vixisset annos lxiij, menses tres, & dies vndecim. Tumulatus est circumpositis ad sepulchrum centum vexillis in æde Diui Francisci, parentanturque ei iustis exequiarum honoribus adhibitis, Inicus ipse Mendocius, Tendilius Granatæ præfectus, & reliqui Cordubæ gentis proceres. Matricam porro vxorem, quæ ex testamento in tutela rerum omnium remanserat, rex Ferdinandus humaniore epistola congestis in defunctum innumeris laudibus est consolatus, ita quidem vt ipse paucos post dies Magnum cœlestis itineris ducem consequeretur. Intra enim quadragesimum diem rex ipse apud Madrigalecium vicum excessit è vita. Interijt autem Consalius iisdem diebus, quibus Franciscus Rex Gallia Heluetijs ad Mediolanum ingenti prælio superatis, vt cum Leone Pontifice de republica consultaret, Bononiam peruenit. Ferunt nonnulli quibus integram fidem minimè tribuerim, Consaliu paulo antequam moreretur, cum præpotentibus suæ factionis conspirasse, eo animorum decreto vt Ferdinandus vltioris Hispaniæ regno repentina ipsorum manu extrusus, ad Tarraconenses suos redire cogeretur, restituta quidem eius filia, quam pater astuto consilio vt in mente conuotam in ignobile oppidum curandæ valetudini coniecisset, Carolumque subinde eius ex Philippo rege filium è Belgis euocarè, qui iam quindecim annorum adolescens, præclaram administrandi imperij indolem præferret cuius auspicijs, quod paternos amicos de nomine iam pridè agnouisset, vindicare iniurias, & aduersæ factionis opes deprimere cogitarent, supra verò conceptū facinus Consalius multo maiora moliretur, Ferdinando scilicet Aragonio Federici regis filio, ex Serabæ arcis custodia erepto, vt præstita fide quæ adolescenti temerè dederat, animu iusiurandi religione exolueret, ac ei paternū regnum redderet, ea condicione, vt pèso annuo tributo Hispaniæ regū beneficiarius esset, Heluiramque ipsius filiam vxorè duceret, dotisq; nomine ea oppida atq; vrbes, quas ipse possideret, ad antiqua regni iura reuertent. Tantum enim poterat odium ex repulsa Compostellanae dignitatis conceptum, vt hæc quanq; supra æquum peracerba alienaq; ab eius ingenio videantur, non omnino temerè credi possint, Fit enim

Fit enim plerumque apud summos principes, ut ingentis beneficii merita, ubi modum excesserint, quod iustis præmijs exequari nequeant, insigni dentum iniuria perfoluantur. Tum herdeligor & odium pro gratia maxime vigens, quum non planè generosi principes alieni meriti magnitudine obruuntur, isque falsæ rationis viam inuenit, ut turpissimò nomine ingratus euadat. Sed hoc clarissimis duobus fatale videtur, ut in ultimo vitæ actu circumuenti inuidia imminutaque dignitate in ipso contumelie dolore moriantur. Quid enim aliud (ut antiqua exëpla Coriolani, Alcibiadis, & Næsetis omitamus) quàm hic dolor Borbonium atque Nauarrum præcipientes egit: ut hic contra gentis suæ nomen damnata arma ferens in carcere eius arcis, quam manu ceperat, misere interiret; ille verò et suæ patriæ proditor scelestus, & communis impius, uersor in limine diri facinoris poenas daret? Sic ut Consaluum quanquam præaltè à rege alienatum nequaquam crediderim eò progredi ausurum fuisse, unde nullus sine inexpressibili dedecore receptus foret. Quod si animo ex quantæ febris atra bile commoto, id omnino scelus patrare concupiuit, hoc vno, quod nihil extra cogitationem veteris suæ fide atque prudentia indignum admiserit, se ipso beatiorem excessisse vita fatendum est. Quid enim veræ gloriæ trophæis onusto opatius atque felicius accidere potuit, quàm ut integra nominis fama sublimis ille animus in cælum, unde venerat, tuolaret?

## EPI TAPHIVM CONSALVI

Ferdinandi Magni Ducis, per Phaerum  
Cremonensem.

Parta ducum tumulis aliorum ex hoste trophæa  
Quæstique inscribantur virtute triumpho.  
Nos Consalve tuo nec fortia facta sepulchro,  
Nec magna imperia, aut ætios scalpemus honores  
Non Gaditana ex ætios trans æquora Mauros  
Atque asserta tuo regna olim Bathica regi:  
Nec duce te adiutos ab eo felicibus armis  
In Turcam, Venetos, Cephalenum gente recepta,  
Nec Calabros motus, aut Parthenopeia bella,  
Atque redundantem Gallorum sanguine Lyrin:  
Quippe etenim hos titulos, atque hæc monumenta, tibi olim  
Virtutes posuere tuæ, quæ sparsa per orbem,  
Per quæ aures, per quæ ora virum mentesque reposita  
Nominis cuncta tuo, ut quæ æterna laude replerant.  
Quare hæc sufficiat memorando inscribere busto,  
CONSALVI, Magnique ducis, qui nomina gessit  
Hic iacet, illud ei pater, hoc dedit inclita virtus.

PAVLVS IOVIVS  
NOVOCOMENSIS E-  
PISCOPVS NVCKERINVS  
IOANNI BAPTISTA CASTALIO

apud Carolum Cæsarem ca-  
strorum Magistro  
S. P. D.



Incomspicuant mihi cuiam libros de vita & rebus gestis Ferdinandi Pi-  
scary in publicum prodeuntes commendarem, tu solus ante omnes occurristi,  
qui dignus eorum patrocinio viderere. Opus enim ut facile prospicio, mul-  
torum obtrusionis expositum, aduersus liuidos maligne pleraque interpre-  
tantes, luculentissimo indiget defensore. nec quisquam hodie superest tot du-  
cibus, qui te ipso consilio omnium rerumque gestarum locupletior atque viuidior testis es-  
se possit, quem ab incunte ætate in eius prestantissimi ducis contubernio perpetuam amicitia  
clarus, quod ale equitum præfessus omnibus bellis, & singulis prope expeditionibus interfue-  
ris, scilicet ut mirificæ eius virtutis sedulus & felix amator enaderes, unde tibi postea &  
insignes tituli, & decora probatæ virtutis ornamenta ad perennem laudem obtulerunt, quæ  
modo vel per se satis speciosa, inuictissimi Cæsaris iudicio castrorum Magister effectus, pera-  
domita latè Germania, partis nouis insignibus cumulasti. Debes itaque hoc supremum defen-  
sionis munus memoria tanti viri, à quo tot documenta exacte disciplinæ te didicisse profite-  
ris. Quod enim aliud Piscary manes visu nobilissimum officium exposculant, quam eius gloriæ ob-  
trusionatores, si forte exsistant, ea fidei constantia refutentur, qua vinum et meriti triumpho lau-  
de florentem coluisti? Liqueat enim apud omnes quum in manibus tuis expirat et suprema vo-  
ce iubilanti tibi potius delegasse, quam ut pro virili totius Daualæ domus decus tueretur: hoc idem  
quoque à te exigiti Victoria Columna æquatis virtutibus eo coninge dignissima, quæ à te omni  
tempore studiosè culta, nuper æternæ lucis auida, ex his terræ tenebris ad superos euolauit.  
Neque tu propter ea huius officij operam remiseris, quod ea gloriam continere Christiana  
pietate videretur, quum eam spontè venientem dissimulare potius quam spernere ineptè exci-  
stimari posset, secus ac de ipso Alfonso Castilio suspicari fas erat, qui modo cum multis nostris  
lachrymis immatura morte ereptus, uti Piscary patruelem, & tantarum opum imperijque mi-  
litaris successorem decuit, veræ laudis erat cupidissimus, quum ex celfo ingenio cunctas bellæ  
& pacis actiones ad decus renouaret. Sed verum que nostrum ex more ore appropriati eius obi-  
tus assidue lugentes mirificè consolari potest, hic ipse Castilius summe spei adolescens, ab il-  
lustri indole dignus hoc bene auspiciato Piscary cognomento, qui dudum officij causa ad Phi-  
lippum Hispaniæ regem designatum nauigauit: nihil enim in eo plus optauerim, quam ut te  
militarium & civilium morum letissimum formatore atque magistro, id quod facile speramus  
cum patris, tum patrui absolutæ virtutis specimen referat. Quantum verò ad me attinet, ita  
huius ingenij laboris famam improbe suzillantes despiciam, ut meorum relligè integrè que scri-  
ptorum conscientia fretus, et in vita, & post mortem eos omnino contemnendos pitem: præcla-  
ra enim veritas supra calumniæ nebulas facili emicat, et qui fide integræ bonos mortuos colit,  
vivos conciliat. Vale.

PAVLI

# PAVLI IOVII NOVO COMENSIS EPISCOPI

NUCERINI IN LIBROS DE VI-

ta & rebus gestis Ferdinandi Dauali cogno-  
mento Piscarij Prefatio.

AD  
VICTORIAM COLUMNAM  
eius uxorem.



**A**QUID est, Victoria Columna, in præcipuis honestissimæ vi-  
tæ tuæ votis, quod ad summam felicitatem vel dñi maximè pro-  
picij, vel mortales longè gratissimus cumulatè tribuere possint;  
id vnum esse arbitror, vt Piscarij viri tui memoria fidelibus nec  
ineptis literarum monumentis ad posteros transmittatur, vt  
quæ tua est virilis atq; eximia pias non inanibus lachrymis, sed æternis hono-  
ribus inusitatè admirabiliq; virtuti illius inuictissimi ducis debita præmia per-  
soluantur, habeatq; interim posteritas tuo maximè munere, ad solidæ veræq;  
laudis exemplum, quod domi militiq; feliciter imitetur: & discat, vt nequaquã  
ambitioso rerum inanium titulo, verum factis illustribus, non adumbratè, sed  
certissimæ gloriæ fructus queratur: nam sicuti sepulchra marmorea, & æneas  
equestres statuas, quæ summum liberalitatis & pietatis nomen magnificè paras  
condidisse, nimis operosum videtur, & nequaquã pro merita laude diuturnum,  
quando ea ignavis etiam & imbellib. contigerunt ita hæc ad veram perpetuam  
victuri nominis effigiem scripta, & expressa diligenter, vt extra temporis vel  
hominū iniuriam posita omnem prorsus vel maximè sumptuosorum operum  
nobilitatè antecedent. Id nos si non felici (vt speramus) alacri certè fidelique la-  
bore præstare sumus adnixi, quò eorum hominū qui simul et egregiè possent et  
vehementer vellent, in hoc difficili munere operâ collocare, magna penuria ef-  
se censeretur. Scripsimus hæc ea fide qua vniuersam horum temporū historiam  
condidimus, admiratione ingenij & virtutis tuæ ducti: cui sicuti in hoc fune-  
sto seculo, cum priuato tum publico literatorū nomine plurimū debemus, ita  
Piscario vlla in peculiari beneficio nos obligatos esse diffitemur: quanquã ille  
nos bello & pace non iniucūda sæpe familiaritate cōiunctos habuerit, vti nunc  
hæreditario quoddā iure, in amicitia Alfonso Vastij patruelis imperatoris opti-  
mi, lætissime floremus. Probauere nonnulli erudito iudicio insignes, vt hæc dū  
ætate integra, ac in hac præclara Romana luce præcellentium hominū censura  
frueremur, vel præcipiti iudicij libertate in publicū ederentur, scilicet vt cum  
aliqua pudoris labe existimationi seruirem meq; cum integritatis & diligentis  
famā cunctis eloquentiæ laudibus antepōnam, idq; vnum tanquã in historia præ-  
cipuum magnoperè spectem, vt inconcussa scriptis fides astruat: hæc enim for-  
tasse me mortuo ab imperitiis vel inuidis, veluti certissimo teste sublato, impro-  
bè relessi posset. Itaq; si hæc eo animo quo scripta sunt accipies, iam tota inge-  
nui laboris merces vel sperata impudèter, vel benignè debita cumulatè refere-  
tur. Quum enim viri illi ingenio usq; eo excellas, vt præter solutæ orationis lau-  
dem, poetis etiam numeris cum præcellentibus vatibus contendas, gratiaque  
regum & fortunæ amplitudine plurimū præstes, si de his rectè vel potius indul-  
genter (quod maximè cupio) iudicaueris: etiam sola vel mediocris laudis com-  
mendatione cuncta persolues Vale.

## FER. DAVALVS



**S**I præclaras corporis atque animi virtutes cum perpetua rerum gestarum felicitate conferamus, proculdubio Ferdinandus Picarius, non æquales modò suos bellica laude, sed superiores etiam duces anteibit. Nam si eos qui manus cum ipso contulerunt, enumerare velimus, liquidò constabit, ferme omnes aut cecos, & captos ab eo, aut insigni accepta clade fuisse profligatos. Porro si quis eorum famam excusserit, qui secum in Cæsarianis partibus arma tractarint, ad uersam profectò fortunam aliquando subijisse reperiet: quum ipse omnib. bel-  
 lis semper inuictus nullam ab iniquo Marte iniuriam acceperit, nisi quum ad Rauennam primis statim stipendijs dux pariter & miles, cruenta illa acie dimicauit: tum enim Fortuna, quæ mox benigno vultu se conueruit, visa est omnem id totum quod fuerat fatalis odij reliquum, egregia fide consumpsisse. Or-  
 tus est Ferdinandus ex familia Daualain vltiore Hispania prope Toletum, uerusta



vetusta potius quam illustri, sed cui Rodoricus proavus magnam claritatem attulerit. Is enim ingenio excelsus, & vi ingenti corporis, quum iuuenis adhuc prouocantem Lusitanum equitem spectante utroque exercitu, singulari certamine confecisset, tantum sibi studium ab omnibus militum ordinibus, tantamque apud regem benevolentiam illo clarissimo facto comparauit, ut non multo post Magister equitum sit effectus: qui honos militie summus vnus antiquae nobilitatis regulis demandari erat solitus. Ex hoc Rodorico natus est Inicus, qui auspiciis Alfonso regis Aragonum secutus, in Italiam venit, praefectusque naualis ad Pontias cum ipso Rege eadem in nauia Liguribus captus est. Is ex armigeris pueris intimus erat Alfonso ob indolem ab omni virtutum concursu grauisimam. Nec multo post, quum Philippus Vicecomes praecleara ingentis animi liberalitate, Alfonso libertate donauiisset, magnisque auctum muneribus, ad recuperandum Neapolitanum regnum dimisisset, ab rege impetravit, ut Inicus apud se Mediolani relinqueretur: namque is adolefcens eruditis moribus & suauitate oris Philippi animum ita oblectabat, & ceperat, ut inter carissimos emeretur. Mortuo autem Philippo, ad Aragonios redijt, optimarum litterarum, & disciplinae militaris ornamentis vehementer excultus, vnde in oecumencis, & Regi in primis charus, uxorem promeruit longi omnium nobilitatiam, atque diuissimam ex antiqua Aquinatum regulorum familia, e qua D. Thomam natum esse constat, inter Christianos professores pietate, ac sacrarum litterarum scientia praecellentem. Huius vxoris praesentis dote, ac demum insigni multorum oppidorum hereditate Inicus fortunas suas opportune stabiluit, praefectura etiam ararj & totius censurae rationum regiarum atque item per amplam domo in qua septemvirale iudicium exercebatur, a Ferdinando rege liberaliter honestatus. Vixit multos annos in perpetuo quodam Regalis vitae splendore, & ob id in summa semper familiaritate Ferdinandi regis, qui in vtraque belli Andegauensis fortuna fortem eius fidelitatemque operam fuerat expertus. Vltima vero stipendia (vt ipsum decuit) in publica Christianorum causa a duersus Turcasiam senex apud Hydruntem exoluit, Alfonso secundo militie comes datus. Nec multo post confectum bellum Neapoli moritur, tres ante alios relinquens impuberes filios maternae pariter substantiae & paternae virtutis haeredes, Alfonso scilicet, Rodoricum & Inicum. Alfonso natus maximus ab Aterno Apuliae oppido amneque fatali casu Magni Sortiae elaro, quod hodie Piscaria dicitur, Marchionis Piscarij cognomen adeptus, huius Ferdinandi pater fuit, vir omnibus fortunae naturaeque muneribus insignis. Etenim quum Ferdinando iuniore a teneris annis educatus, corpus atque animum armorum & litterarum studijs pariter exercendo excolendoque facile Neapolitanorum procerum praestantissimus euaserat. In hoc fidei quidem suae omnia summa inerat, scilicet supra viuendum, atque habile corporis robur, incredibilis animi vigor, litera, prudentia, disciplina: quibus fretus in administratione Gallici belli quod in Emilia via gestum est, facile Triuulzio & Petiliano eximijs ducebus aequabatur. Neapoli vero quum Galli Alergia duce ab arce in portum erupissent, disiectisque munitionibus cuncta caedibus atque terrore compleuissent, vnus ante omnes Alfonso incredibili virtute pedestri protectus scuto, repressa suorum fuga, per interiores scalam in molem euolauit, contemptoque omni tormentorum periculo, Gallos

ita repulit, ut multis caesis, aut ex fuga in subiectum mare præcipitatis, Phari-  
que turre subinde recepta, populus Neapolitanus eum illo die Seruatorem pa-  
triæ appellarit. Verum non multo post per hunc modum cunctis in locis Fer-  
dinando strenuè operam nauantem & summo omnium studio ad militarem  
gloriam prouectum inimicis fortuna deseruit. Dum enim circumuallatis in ar-  
ce Gallis, cum seruo natione Mâuro incutendæ classis consilium agitaret, &  
ex condito pretium perfidiæ deferens, noctu ad summum hortorum parie-  
tem scala peruenisset, perfidia serui adaucta per guttur lunata sagitta crudeli-  
ter est interfectus. Nunquam ab vlla hominum memoria aut rex vllus ami-  
cum & propinquum, aut vllus exercitus ducem, aut vlla ciuitas ciuem suum  
morte sublarum vel grauiore mœstitia, vel vberioribus lachrymis honestauit.  
Eandem quoque fortunam tulit Rodoricus frater vir impiger & fraternæ vir-  
tutis æmulus, qui secundo bello Gallico, quum pedestribus copiis præfesset, a-  
pud insulam Arpinatis agri vicum, Sclopetto caputictus interijt. Neque eadē  
vis fati plus iusto Daualis proceribus insensâ, Indico diu pepercit, iam bellica  
laude insigni & iuuenum omnium longè pulcherrimo. Is post exactum re-  
gno Federicum Aragonium, cum de finibus Lucaniæ Galli atque Hispani in-  
ter se decertarent, petosus Gallorum nomen vti Dauale familiæ funestum, Hi-  
spanis adhæserat, Anariæque insulæ præfectus cum Gallis terra marique con-  
tenderat, ad extremum Salerni arce cum singulari Magni Consalui commen-  
datione fortiter expugnata, dum ad id bellum properat, quod ad Lyrin annē  
Hispanus victor cōfecit, pestifera febre paucis dieb. absumptus est, eo acerbio-  
re omnium dolore, quod illustre familiam summe spei, summeque laudis ducib.  
orbatam videbant, quorum nemo ad trigessimum ætatis annum in credibili Fa-  
torum iniuriâ peruenisset. Moriens Indicus Alfonso filium, quem hodie om-  
ni bellica laude florentem Cæsarianis in castris imperatorem videmus, in cu-  
nis reliquit. Cæterum ab Alfonso qui Punica seruilique perfidia cecidit, hici-  
pse Ferdinandus paterno cognomine Piscarius admodum puer est relictus,  
qui inter mortuum familiæ nomen, maximis rebus gestis (vti mox dicemus)  
ad nunquam interituram Daualorum memoriam egregiè reparauit. Natus  
est Neapoli Ferdinandus, matre Cardonia apud Siculos illustri, quæ quatuor  
insignium bello ducum soror fuit. Infans cum primum materno vtero edi-  
tus in lucem prodibat, ex tenui membrana vestem amplissimam secum ex-  
tulit, veluti militare quoddam paludamentum ex paterno maternoque semi-  
ne haud obscuro iuræ hereditatis tantæ indoli destinatum. Habuit in Ge-  
nesi circa cœli verticem sydus Martis directo cursu sua in sede constitutum, &  
quo felicius victoriæ pararentur, salutaribus Iouis radijs delinitum : vnde  
Pontanus supra eloquentiæ laudem, etiam syderalis scientiæ peritissimus,  
inspecto themate victoriæ & latissimos triumphos puero sit pollicitus.  
Idem etiam monens ut facienti aduersus vulnere diligentissimè præmunir-  
et, quasi ex ferro Mars alioqui benignus, honesto ori deformitatem, uti po-  
stea euenit, manifestè minaretur. Puer ut primum ingredi firmiter & lo-  
qui distinctè cœpit, adeo multus & assiduus fuit in ludis & simulachris re-  
rum bellicarum, ut iam nequaquam obscura eius inuulnitate virtutis indicia  
præberentur. Puerili etenim cupiditate parua currulia tormenta effin-  
gendo & grauius concionando, præferendoque vexilla sequentibus pue-  
ris, &

ris, & multiplices pugnas committendo, cuncta munia imperatoris implere videbatur, obsecrans sepe Musephilo præceptore, ut ingenium ab his inanibus ludis ad literarum Latinarum studia reuocaret: sed ille quum esset literis studendum, historijs potius & fabulosis carminibus vernacula & præsertim Hispanica lingua conscriptis oblectabatur, quibus heroum & fortissimorum equitum admiranda facinora celebrantur. Erigebat enim animum ad gloriam anhelantem in spem consequendæ laudis. Agebat autem sextumdecimum ætatis annum, quum Ferdinandus rex Hispaniarum Neapolim venit, ut Magnum Consaluum affectati regni suspicionibus obnoxium; in Hispaniam secum adueheret. Eius aduentus summo studio Neapolitanorum est celebratus, & in primis matronæ omnes quæ forma & dignitate cæteras anteibant, in amplissimo conuiuio regijs oculis ostentatæ. Ministrabat formis ornatis, maiuuentus, quæ mox remotis mensis choreas duxit. Quo in ludo Piscarius ante alios, tanta arte, tantaque numerosi in celsus grauitate omnes saltationis modos adimpleuit, ut rex ipse prudentia & iudicio maximè insignis, quum oculos in vnum Piscarium coniecisset, palam diceret ad proximos proceres digito Piscarium indicans: Ille adolescens ex gestu certaque oris indole supra hos omnes, magnus quidem imperator esse videtur: & si me opinio nequaquam fallit, omnium euadet longè præstantissimus. Hoc de se tanti regis iudicium nequaquam elatis auribus accepit, præfatus, regem qui se adolecentem immatura laude honestare voluisset, grauisimum pondus teneris humeris imposuisse, quando sibi magnopere bello & pace foret desudandum, si promereri eam laudem veller, quam sibi rex iusto propensior adeo benignè obuenturam esse prædiceret. At Piscarius rege in Hispaniam reuerso in paterna oppida cōcessit, quæ sunt partim in Ferentanis & Samnio, partim in Campania & Piccentinis, vbi auditis populorum controuersijs, ac inspectis Questorum & Pretorum rationibus, summa æquitate & moderatione singulas rerum difficultates solertissimè dissoluit. Quibus actionibus apud omnes qui in ditione eius erant singularem grauitatis, & munificentia laudem est consecutus. Nec multo post regio apparatu nuptias cum Victoria Columna celebrauit, ea enim vixdum truma Ferdinandi iunioris Aragonij regis auspicijs, ipsi Piscario ætate fermè pari fuerat desponsata, quum Fabritius Victoriae pater, vigente Gallico bello ad Aragonias partes transiisset: initaque cum Alfonso Daualo amicitia, in gratiam regis etiam vinculum affinitatis addendum esse censuisset. Quasi tum Piscario in cunis adhuc vagienti, quando vnicus ætatis suæ fauentibus castris futurus esset imperator, eam vxorem fortuna deponderet, quæ tale Victoriae nomen, vti dotale munus, in mariti domum ferret, & ipsa vna omnium pietate, forma, literis, nobilitateque lectissima, viro inuictissimo rara quadam mutua fortis felicitate iungeretur. Nec multum inde Piscarius quum aliquandiu frustra à suscipiendis liberis operam dedisset, ad nobile illud Gallici belli dædicum excitatur: incredibili nanque armorum cupiditate semper incensus, nihil magis quam bellum quo virtus enitescere posset, exoptabat. Erat tum Iulij pontificis dignitas maximis Gallorum iniurijs deformata, & penè conuulsa radicitus: eam Ferdinandus Hispaniæ rex, vti pium & vere catholicum decebat, tuendam amplificandamque susceperat, disruptoque demum fœdere Cameraçensi, Henricus Britannia rex, & Helueti bellica vir-

rute metuendi in partes trahebantur: nam cunctis ferme totius Europæ principibus Gallorum vires secutidis successibus in immensum ad auctæ formidini esse coeperant: ceu Ludouicus rex Gallus immoderata cupiditate Italiæ imperium affectaret, utpote qui opulentissimo Mediolanensium imperio in potestatem redacto, subactis Liguribus, Venetis ingenti prælio superatis, nihil demum sacrosancti Pontificis maiestate permotus, dum Alphonsum Atestinum pontificis beneficiarium pertinacius defenderet, Bononiam Pontificiæ ditionis occupasset, & Bentiuolis veteribus tyrannis possidendam tradidisset. Igitur cum Bononiam armis repetere statuissent, Nauarrus vir sine vlla familiæ commendatione propter singularem belli peritiam summos militiæ honores promeritus, legiones ex Africa transiit, & Iulius pontifex exercitum magna celeritate reparauit. Certatim quoque Neapolitani reguli sese militariis equis, & speciosis armorum insignibus exornarunt. Ante alios verò Piscarius sagula, cristas, equorumque tegumenta Phrygijs & acupictis operibus, ex auro & purpura ad singularem elegantiam maxime sumptuosa parauerat. Is quanquam ferè imberbis propter muriscam indolem & patris patruorumque memoriam totius leuis armaturæ equitum præfectura dignus omnium iudicio existimatus est. Nam Fabricius Columna focer, & duo auunculi egentē Cardonia, Ioannes Auellinus & Antonius Padulius, quorum in exercitu singularis erat autoritas, efferre iuuenem, & perpetuis durissimis eius muneris laboribus implicare cupiebant: quando ad parandum nomen Ducis strenui, prompti, vigilantis, nulla certior aut rectior via famæ cupidis ostenditur, quam leuem armaturam cum imperio ductasse, quoniam per eam cuncta aspera & tumultuaria conficiantur, & nocturnis atque diurnis expeditionibus ductores exerceantur. Lætus hoc honore Piscarius, vexillum prætulit, in quo scutum Laconicum erat depictum, cum titulo seueræ matris Spartanae, tyroni filio, aut cum hoc, aut in hoc redire iubentis: quasi idem animi decretum exprimeret, quo restaretur se domum nisi victorem non esse rediturum. Neque hominum opinionem fefellit: nam ubi cunctis exercitibus Pontifici ac Hispani duces ad oppugnandam Bononiam peruenerunt, & magna vi tormentorum effosis etiam cuniculis mœnia quaterentur, Piscarius totum id munus quod leuis armaturæ equitibus imponitur, adeo diligenter obibat, ut in stationibus atque vigilis, et in quotidianis fructuarijs expeditionibus, vnum eius vexillum conspiceretur, quod turmarum præfecti peculiaria signa aliàs explicare soliti, ad præclaram honoris concessio nem obseruabant. Cæterum Gasto Foisseius admirandæ virtutis adolescens imperator, repressis semel apud Comum, atque iterum ad Mediolanum Heluetijs, quos Iulius in auxilium euocarat, incredibili celeritate Bononiam cum expeditis Gallorum copijs aduolauit, solutaque obsidione & Hispanis metu cedere coactis, in Venetos vim omnem ac impetum conuertit. Nec multo post Fortuna seruidi iuuenis ausibus in temperanter aspirante, auxilia Veneta in Veronensi ex itinere profligantur, Brixia per arcem capitur, cæsoque præsidio, & ciuibus insigni clade affectis, summa Gallorum & Germanorum crudelitate diripitur. Vertuntur inde Gallorum signa trans Padum, & rectâ per viam Æmiliam ad Rauennæ mœnia deferuntur. Ibi Foisseium conatu ingenti sed valde funesto mœnia quatientem Fortuna destituit, quæ leuis et infida lu-

brico

brico vestigio illuc vsque subsecuta, cum ad fatalis pugnae locum pertrahere videbatur. Commissio igitur illo ex omnibus quae in Italia à multis annis acciderint, prelio valde memorabili, Piscarius nulla in parte vel praefecti vel æquitis officio defuit. Sed afflictis & penè perditis rebus, eo vrgente fortuna perditus est, unde aut maturè fuga salutis esset consulendum, quorundam etiam insignium ducum exemplo, qui pugna se non sensim explicabant, aut (vi dignum erat Dauala familia) inter armatos & planè victores hostes, omnino concidendum. Nauarrus enim insana quadam elati animi obstinatione inductus, non modo totum penè Gallicum equitatum, sed ipsas quoque Germanorum cohortes absque villo impedimento amnem transire permiserat, veluti certissimam atque plenissimam ea die de hoste victoriam concepisset, confusus scilicet peditem virtuti, quos de pressiore in loco pronis corporibus humi stratos, ut praetrevolantes pilas euitaret, magis ac magis continebat, frustra reclamante Fabritio, & dirum pugnae exitum denunciante. Itaque Nauarrus dum festo consilio cunctatus rem gerit, decora illa Hispanorum & pontificiorum equitum agmina tormentis Gallicis consternuntur, et miserabili accepta dade, toto campo dissipantur. Raimundus imperator & plerique alij duces effugiunt: Fabritius verò ad non dubiam mortem inuectus in confertissimam hostium aciem vulneratur, & capitur. Eo modo dum Mars violentus horribili cruentoque tumultu cuncta permiscet, Padulius qui medio agmini praerat, priusq; vniuersae copiae perpetua tormentorum procella delebantur, conandum sibi aliquid confertis manibus esse iudicavit, monuitque Piscarium conglobatam suorum aciem in proximo continentem, ut in latus hostium cum omni leui armatura illatis signis audacter incurreret, sicuti ipse cum cataphractis recta fronte aduersam aciem esset inuasurus. Nea mora, Piscarius auunculo parat, suos in vnum coactis alacri animo cohortatur, ut meminerint eos esse hostes quos superioribus bellis in fugam sepiissime coniecissent. Erant attributi Piscario veluti nutritij militares, Paulus Romanus ciuis, Fabritij socii veteranus, vir fortis & apprimè bellifragax, & Theodorus Boccalus nobilis Lacedaemonius cum ala Graecorum patrijs artibus ad eludendos hostium conatus maxime insignis: itemq; Albaradus Hispanus cum turma cataphractorum, ut validiore eo praesidio leuis equitatus ad sustinendam Gallorum vim in prima acie firmaretur. Sed Padulius quum per iniquum locum solis & vepribus impeditum suos induceret, & ob id vix cum tertia equitum parte ad mediam Gallorum aciem peruenisset, puncto temporis est repulsus, & dissipatis turmis in fugam coniectus. Ipse quoque Piscarius eandem subiit fortunam: nam Galli cataphracti nihil temerè ordines excedendo, sed modica tantum equorum conuersione in proruentes inclinando hastas, totum cum leuis armaturae impetum facile sustinuerunt: opportunè etiam à tergo Gallici agminis magna vis leuis armaturae equitatus protinus erupit, qui in peramplam alam curuatus, vniuersos ferè cum Piscarianos tum Padulianos equites à tergo circumuenit: ita in medio conclusi vndique propelluntur atque caduntur. Padulius gladio per oculum recepto capitur: Ambrosius vir impiger Fabritianae turmae praefectus, Albaradusq; et Guliernus Sacca Siculus, vir spectatae virtutis ante Piscarium cadunt. Nomicicio nobili signifero multis grauato vulneribus Piscarii vexillum eripitur: solus Boccalus Graeco astu feliciter euadit. Interea Piscariu

insignibus armisque fulgentem vndique circumuentum, promptissimi Gallorum certatim petebant: ille generosum agilemque equum huc & illuc incitabat, gladioque impigrè rem gerendo, obuios ita propellabat, ut bis coronam circumfusorum prementiumq; hostium multis acceptis illatisq; vulneribus perrumperet. Hærebat eius lateri Placidius Sangrius, nobilitate virtutēque eques insignis. Is paulo antè animaduerso imminētis cladis periculo conuersus ad Piscarium, non virilis (inquit) est animi mactē virtute iuuenis, sed penitus insani, tam diu cum infesta Fortuna colluctari, quin potius dum integer equus viresque sufficiunt, te morti eripis, & melioribus fatis referuas? Ad hæc ille parerem, inquit, fidissimè Sangri, salutari consilio, si tam decora quam tuta suaderes: lugeant me potius amici honesta morte defunctum, quam ego ex turpi & ancipiti fuga, tot funera magnorum ducum domi cum ignominia defleam, Hæc dicentem Placidius reliquit, eluctatusque per medios hostes sese certamine explicuit. Sed in eo tumultu multis clauarum ictibus collisa galea, post aliquot dies interijt. Interea Piscario equus per ilia gladijs lanceisque confoditur: ipse corrui, extemploque veste aurea picta & auratis armis exutus, pro mortuo inter tot super ingesta cadauera relinquitur. Erat ora & totum sinum cruore puluereque sordatus, & penè quidem ex animis, quum eum attollemē manus & nomen profitentem Galli duo gregarij equites erexerunt, & ad prætorium Federici Sansonerini Cardinalis, ut ibi quæsito medico curaretur, deduxerunt: a quo nequaquam humaniter est receptus: quoniam in Bononiensī agro quadam in villa ex itinere diuertenti, Piscarium cum equitibus insidias sibi tendisse cognouerāt: & certè ea victoria plena funeribus multorum animos ab humanitate & misericordia penitus auertebat. Sed eum mirificè recreauit focer Fabritius incolumis ab Alfonso Ferraricæ principe conseruatus, atque item Auellinus auunculus, & Homicidius vexillifer, quamquam grauissimè vulnerati, quos in acie cecidisse crediderat. Nec multo post quum Gastonis imperatoris cadauer (is enim pars victoria ceciderat) excipientibus id passim populis, triumphali verius quam funebri pompa in speciem perpetui funeris Mediolanum deferretur, eo etiam Piscarius cum multis nobilibus captiuus est perductus. Inter eos fuere Ioannes Medices Cardinalis legatus, qui postea non toto vertente annō Pontifex est creatus, & Nauarrus tanti nominis dux, qui ad cohonestandas victoris exequias inter capta vexilla Hispaniæ regis atque pontificis, feretri læticam præcedebat. Cæterum Piscarius in interiorem arcem portæ Iouis coniectus, satis honesta custodia seruabatur: nameum Triuulsi Hippolytæ Daualæ amicæ maritus, Gallis vehementissimè commendabatur, a quo & ab vxore eius certatim uti calamitas ferebat, rebus omnibus accuratè & liberaliter iuuabatur. Ipse verò ante omnia prudenti consilio in pretium redemptionis extemplo sex millia aureorum nummum equitibus Gallis, quibus ad Rauennam sese dederat, est pollicitus. Verebatur enim, ne Ludouicus rex Daualæ familiæ nomine offensus, quæ omnibus bellis aduersus Gallos acerrimè dimicasset, se arctius & diuturno quidem in carcere, in vltiore Gallia custodiendum iuberet. Sed Triuultius quivēl apud iratum regem summa erat autoritate, facile impetrauit, ut per soluto equitibus pretio liberè dimitteretur, tanquam tyro imberbis, & ne iterum temerè arma resumeret, à fortuna tot acceptis vulneribus egregiè castigatus. Lege etenim

regia cautum erat, ne quis dux, præfectus aut miles, vllum paulo clarioris nominis captiuium inconsulto rege dimitteret, vt edito nomine integrum regi arbitrium relinqueretur, quem vellet per soluta militi certa pecunia, publico in carcere reservandi. Ita Piscarius singulari Triulitj beneficio carcere est deductus. Dum esset in arce vulneraque curaret, nec exercendi corporis vlla daretur facultas, ingenium literis amœnioribus ex doctrina Mufephili præceptoris haud mediocriter imbutum, ita exercuit, vt paucis diebus summæ iucunditatis dialogum de Amore ad Victoriâ uxorem conscripserit, qui libellus adhuc extat cum grauibz tum exquisitis salibus atque sententijs, ad admirationem eius ingenij refertus. Iam enim animum per se constantem & inuictum cum metu, tum grauibz curis exoluerat, & seipsum frequentibus propinquorum nuncijs in spem gerendarum rerum erigebat: nam Fabritium focerum, Alfonsi Ateftini liberalitate dimissum fuisse, et Padulum auunculum corrupto gregario equite Gallo, & custodia feliciter effugisse audiebat, simulque ferebatur Iulius pontifex ingentes Heluetiorum copias in auxilium euocare, quorum aduentum & impetum Galli minime laturi dicerentur. nec multis inde diebus Heluetiæ legiones, adiunctis sibi Venerorum copijs, duce Paulo Baleono, à Verona per patentes campos in torrentis morem effusa, Paliciâ Gallorum ducein aponte Mincj depulerunt, receptaq; ex itinere Cremonâ, ad oppugnandum Ticinum conuolarunt, quo Palicia cum omnibus copijs properanti agmine se receperat. Verum ille peditatu impar, cum ab hoste qui tracto Ticino amne, Insulam occupare contendebat, præcludi sibi exitum animaduerteter, ponte lapideo sese effudit, et continenti agmine desertis, Germanorum auxilijs, incolumi equitatu in Galliam se proripuit. Eiectis eo modo Gallis, Mediolanenses in verba Maximiliani Sfortiæ continuo iurant: idem faciunt ceteræ vrbes, summaque omnium alacritate Sfortiani recipiuntur. Erat tum Piscarius Mediolani & in Triultianis ædibus habitabat, incredibili affectus voluptate mirum in modum lætabatur, quod quicquid Rauennate in pugna amissum fuerat, insperata demum ea victoriâ egregie restitutum esse videretur. Iulius enim pontifex præmisso cum exercitu Francisco Maria Vrbinatæ, Bononiam cum vniuersis vrbibz Galliæ togatæ receperat: Raimundusque Cardonius reparato exercitu in Etruriam missus, pulso Florentia Petro Soderino, qui Gallicas partes tuebat, Mediceos in patriam reducerat: nanque Ioannes Cardinalis Legatus quum in Galliam traheretur, ad Padum amnem generoso ausu Raynaldi Tacitj Ticinensis émanibus Gallorum fuerat ereptus. Constitutis Etruriæ rebus, Prosper Columna cum valido equitatu ab vrbe profectus, Cardonio se coniunxit, atque anibo ad oppugnandam Brixiam contenderunt. Erat Brixia præsidio relictus Obegninus cum ala militarica Gallorum equitum, oppugnabaturque magna vi à Baleono, qui eo ingentem tormentorum apparatus conuexerat: sed Obegninus vt discordias inter federatos hostes fereret, extrema necessitate compulsus, urbem non Veneris, sed Hispanis Germanisque Cæsaris ducibus dedit: ea contumelia accensus Venerus animum ad Gallos repente conuertit, vnde mox nouum id exarsit bellum, quo Italia penè omnis alsiduis calamitatibus attrita vastataque est. Erat tum sine duce peditatus Hispanicus, vtpote Nauarro capto, & in vltiorem Galliam perducto, regebaturque a Solisio viro equidem forti & stre-



nno, sed non ea generis nobilitate, ut ei plerique cohortium præfecti, quineque usu militiæ, neque natalium origine inferiores videri poterant, æquis animis obedirent. Itaque vni ante alios Padulio imperium est demandatum. natus erat in Sicilia, sed è Celtiberia Cardoniæ familiæ nomen trahebat, vir cum sua in primis virtute clarus, tum fortissimorum etiam fratrum egregia morte commendatus: nam Vgo quondam in Brutijs, nobili de Gallis parva victoria, ad Caietam demum tormenti ictu fuerat extinctus: & Ioannes Auellinus ex vulnere Rauennate in pugna suscepto, Ferrariæ perierat: quum ipsum dispari sorte amisso tamen oculo elapsum Fortuna seruauisset. Vexabatur per eos dies apud Mediolanum Cisalpinus ager assiduus Gallorum incursionibus, qui pulso Palicia in Tricianam arcem se contulerant. Ea est in peninsula circumgentis sese pulcherrimo flexu amnis abduæ constituta, carcere & nece magni quondam Barnabæ Vicecomitis, potius quam ædificij munitione memorabilis. Præerat Gallis Baro Biarneus Vasco, viribus ac ingenio ferox Gastonia: alæ legatus. Hunc omnibus cohortantibus expugnandum Padulius suscepit: nam Hispani ex Nauarri ducis disciplina in magna erant opinione singularis scientiæ, & mirabilis artificij arcibus expugnandis. Itaque conuectis ad Tritium maioribus tormentis, actisque vineis, tanta vi quasi arx est cepta, ut Biarneus cum aliquandiu fortissimè repugnasset, multis acceptis ac illatis detrimentis, Padulio deditiorem fecerit. Erat cum assiduus Padulio auunculo Piscarius incredibili gerendarum rerum cupiditate incensus, quam modestis verecundisque sermonibus ita contegebat, ut multo maiores militiæ honores promereri quàm expectare, vel cupere posse censeretur. Eminabat enim in eo iuvene supra familiæ Daualæ præclarum genus, certa indoles acuti, grauis & excelsi ducis. Ipse corpus habile potius quàm procerum nactus, valida neruorum compage absque villo segni succo firmissimum cunctis equestribusque pedestris disciplinæ muneribus accommodarat: gratis florè apprimè commendabant barba erumpens colore subrutila, aduncus nasus, & quum vi opus esset, igne vehementesque oculi. Cæterum, mirum dictu, in ioco paceque suauis, & à modestia quadam illecebra periucundi: ita tamen ut à gestu corporis minus familiari, & à toto sermone parum hilari, & in responsis seuera breuitate circumciso, elatior esse diceretur. Composuerat enim se totum cunctis moribus ad Hispanorum habitum, quorum lingua consueque semper est delectatus, ut etiam cum lealis hominibus, vxoreque Victoria Hispanicè loqueretur: quibus artibus iam militi carus, aditum sibi ad militare imperium facillè parabat. Nec multo post, Padulio Florentiam ad Mediceos proficiscente, qui eum magno cum stipendio copijs præfecerant, Piscarius vniuersi exercitus curam suscepit, inclinatis quidem præfectorum & centurionum animis, propensissimaque Ferdinandi regis voluntate: nanque eum duo Columnij Prosper atque Fabritius, ipsique Cardonij Raimundus atque Padulius, & pretere a minorum ducum quisque fortissimus, suffragijs & præclara testificatione plurimum adiuuarant. Interea Ludouicus Gallorum rex cum Ferdinando Hispaniæ rege factis fructibus, Tramulium atque Triuultium duos bello longè clarissimos duces in Italiam misit. Erant Veneti cum Gallo noua societate coniuncti, ut recentem iniuriam vindicarent, quam ab infidis sordidatis Hispanis atque Germanis inique exclusi Brixia nuper acceperant. Itaque Andreas

Gritius

Gritus & Liuianus qui in Gallia custodiebantur, ex fœdere sunt emissi. Liuianus supremi militaris imperij vexilla sceptraque quod Petilianus decessisset, ex senatusconsulto sunt tradita. Gritto autem est iniunctum, vt legati nomine Tramulium atque Triuultium sequeretur. Iam Liuianus cum Baleo non coniunctis viribus iustum exercitum effecerat, progressusque ad Cremonam eam urbem de dentibus sese ciuibus occuparat. In Liguria Adurnij Gallorum socij, Fregosios Genua expulerant. Sacramorus Vicecomes equitum præfectus, nobilitate quidem clarus, sed maleficijs et ingenij scruitia insignis, à Maximiliano Sfortia ad Gallos defecerat, conuersisque signis Mediolanum ingressus, populum in verba Ludouici regis iurare coegerat. Habebant tum castra Cardonius atque Piscarius ad Trebiam amnem, monitique à Ferdinando rege de inducijs, neque animos, neque copias, vel obsecrantibus Sfortianis explicabant: pudore tamen victus Piscarius, subter Clastidium ad vicum Iria copias promouit, emisitque leuem armaturam equestrem, quæ præter Derthonam in Alexandrinum agrum excurreret. Erant omnia plena metu tot circumstrepentibus armis, quum singula oppida vel in fide persistere, vel dubia adhuc belli Fortuna, fidem mutare dubitarent. His derebus Vicoirienses, siue quod ad Gallos inclinabant, siue quod vererentur Hispanos recipere vt rapaces fœuosque hospites, portas clausurunt, professi se liberaliter commeatu atque omnibus oppidi copijs exercitum adiuturos, si à vi ac omni maleficio abstinerent. Piscarius indignum ratus arceri eo oppido quod sine vllò militari præsidio agrestes in muro dispositi tuerentur, efflagitantibus militibus vi facta irrumpere constituit, vt eo quanquam iniquo facinore, & ipse dignitatem suam egregiè conseruaret, & milites quodam donatiui nomine, opulenti eius oppidi præda replerentur. Qua vnare militares animos deuinciri maxime intelligebat. Nec mora magno tumultu succedentibus ad murum cohortibus, admotis scalis refractaque porta, & discusso subductili ligneo ponte, oppidum capitur, multisque qui arma tenebant cecis, cæteris ferme omnibus captis, late diripitur. Ea Vicoiriensium calamitas vehementer animos pupugit, cum Maximiliani Sfortiæ, tum Matthei Sedunensis Cardinalis, qui Heluetiorum erat princeps, & multum Placentiæ dum Romanam peteret, Cardonium fuerat obtestatus, vt occultata induciarum fama ad terrendos Gallos castra promouere, & speciem saltem hostilis animi præbere vellet. Vix enim serebant quicunque Gallorum erant hostes, ab Hispanis incertæ fidei socijs & transire Padum recusantibus, ea crudeliter oppida diripi, quæ passim ab ipsis etiam hostibus conseruari viderentur. Interea Tramulius atque Triuultius ad Nouariam delati, qua in vrbe Maximilianus cum decem Heluetiorum cohortibus se tenebat, magno cum apparatu tormentorum mœnia quatere coeperunt, & læto quidem auspicio, quod ad eam urbem ipsi duo duces ante tredecim annos, Ludouicum Maximiliani patrem ipsdem Heluetiorum auxilij confisum cepisse, et maximum bellum, parto Mediolanensi imperio, propè sine vulnere consecisse meminerant. Cuncta iam prospera cedebant Gallis, nulla Sfortiæ reliqua spes, nisi in fide et dextris Heluetiorum relinquebatur. Nam Sacramorus Mediolanum occuparat: Liuianus Cremonam erat ingressus: Adurnij Fregosios Genua expulerant: Hispani nequaquam vtilis bello socij citra Padum subsistebant: Leo pontifex veluti neque harum

neque illarum partium nihil ostentatis armis Maximilianum pecunia tantum iuuabat: Gallica verò castra, equitatu, tormentis, Germanorum auxilijs & rerum omnium copia, sub tantis ducibus abundabant. Cæterum Fortuna sua libidine has tantas spes Gallorum celeriter elusit: nanq; Helueth vix antiquam ignominiam animo sustinentes, vno inusitate virtutis facinore omnem eius perfidiæ memoriam abolere constituunt, nihil expectatis suæ gentis auxilijs, quæ intra duodecimum lapidem aduentabant: vrbe triplici instructo agmine erumpunt, sine equite, sine tormentis hostium castra adoriuntur, veraque virtute confertis dextris, mirum dictu, peditatum cedunt, tormenta occupant, equitatum fundunt, ac semihoræ momento incredibili victoria potiuntur. Gallis eo modo superatis, Piscarius reducendi Octauiani Fregosij negocium suscepit: huic enim Leo pontifex mirificè fauebat, expetebantque eum vnum maximè Genuenfes, qui lanum paulo antè ab Adurnijs pulsum valde oderant, quoniam eius maximè cohortatione à fratrib. ipsius sanguinarijs hominibus, Hieronymum Fliscum summæ nobilitatis virum, dum senatu exiret, crudeliter interfectum fuisse existimabant: nam Ligures quanquam inter se magnopere factiosi, non cedibus, sed ciuili contentione inter se certare de principatu erant soliti. Erat enim Octauianus bellica virtute ac honestissimis item moribus illustris, Piscario etiam affinitate coniunctus propter Victoriam vxorem, quæ pariter vti Fregosius maternum genus ad Feltriam Vrbinatium principum familiam referebat. Itaque tamen Adurnios clientibus abundare, copias parare, classe item Gallica, & toto eo præsidio atque apparatu Gallorum qui in arce erat, egregiè iuuari ab exploratoribus audiebat, nihilominus eundum esse iudicauit. Videbatur enim ea expeditio propter itinerum & rerum omnium difficultates, cum laboris, tum decoris esse plenissima. Erat exercitus per conualles Scriuiæ (hunc Ratum antiquitus fuisse arbitramur) impediti & maximè vorticosi amnis, & per abrupta Apennini latera angustis & præcisiss callibus traducendus. Montani Ligures feri, bellicosique homines, iuga montium & notissimos saltus infederant, modo à fronte, modo in latere & tergo repentinis decursibus sese ostentabant, ita tamen vt truci clamore potius terre, quàm adoriri agmina viderentur: nanque Piscarius expeditis delectis militibus, in primo nouissimoq; agmine constitutis, qui ferme omnes erant sclopættarij, receptisque in medium impedimentis, quæ per pauca erant, tanta disciplina agmen ducebat, vt ne vnum quidem militem ordine excedere pateretur, & equites cuncta lustrare oculis præcurrendo, & passim referre quæ vidissent, non temerè confertis manibus redire præciperet. Siquidem per notos calles et per compendia viarum noctu confectis itineribus, Ligures vbi illuxisset, continuo aderant, & ad occasum vsque Solis, in conspectu sæpe eminus, raro autem cominus præliabantur. In his periculis faciliè vitandis, maximè ea quam diximus, adiumento erat disciplina, seuere & penè crudeliter ab ipso Piscario, qui ex minimo quoque delicto grauem poenam exigebat, obseruata. Accidit enim, quod minimè prætermittendum videtur, vt cum Hispanus miles ad eum esset perductus, qui in proximam causam non minus auidè quàm arroganter, aut commeatus, aut ignobilis prædæ petendæ causa diuerterat, ipse ei poenæ loco auriculam abscindi iuberet. Quum verò Hispanus reclamaret, se non eam ignominiam esse laturum, sed potius ipsa morte satisfacturum, Piscarius, obsequatur,

quamur, inquit, huic militi tam egregiè decoris audio, eumque statim frustra reluctantem laqueo ad arborem suspendi iussit. Iam ad Decimum Pontem superato iugo peruenerat, quum Adurni & Flisci, siue terrore imminenti exer citus adducti, siue ciuium diffisi studijs, qui cogitationes suas non ad factionis infantiam, sed ad publicam salutem reuocabant, consilium inierunt plenum equitatis atque modestiæ ciuili, vrbe scilicet excedendi, ne in dubia armorum contentione, si pertinacius obistere vellent, fortunas ciuitatis in periculum summæ calamitatis adducerent: cuius consilij autorem fuisse constat Hieronymum Adurnium, iuuenem singulari animi virtute præcellentem. Othobonus etiam Fliscus, vir sacratu et Sinibaldus, qui paulo antè eodem Hieronymi fratris præclarè vindicant, Ludouico & Zacharia Fregosij fratribus in tumultu occupatæ vrbis occisis atque disceptis, uti pacati iuuenes, & ex priuata causa potius quàm publica factio, non existimarunt sine iusto præsidio cum Hispanis atque Fregosijs esse dimicandum. Ita sine vulnere confectò bello, Ostauianus Fregosius est introductus. Is cum ciuibz & in senatu egit, ut Piscario octuaginta millia aureorum nummum stipendij nomine præberentur. Ipse ut lanum Fregosium principatu exclusum, aliquo munere leniret, Saonæ cum cum prætorijs insignibus præfecit. Inde conuersus ad obsidendam arcem, quæ tormentis nauigia portumque vexabat, post aliquot menses fame perdomitam recepit, & singulari animi magnitudine in signum recuperatæ libertatis, funditus euerit. At Piscarius rebus Genuæ ex animi sententia constitutis, retrò agmen vertit, & ad bellum Venetum est profectus. Iam Liuianus et Baleonus Gallorum sociorum infelicitate permoti, qui ad Nouariam victi, continuo in Galliam profugissent, desperatis rebus relicta Cremona, trans Ollium amnem se receperant, tentataque ex iunere Verona egregiè defendētibz eam Germanis, in Patauium & Taruisinum agrum concellerant. Decretum enim erat fœderatorum omnium consensu, Venetos bello persequi, qui commutata voluntate ob acceptas iniurias Gallicum nomen cæteris ferme omnibus Europæ principibus inuisum sequebantur. Susceperat paulo antè causam oppugnandi pontificis Ludouicus, ut ambitiosis et turbidis aliquot Cardinalibus indicto concilio deseruiret, & subinde totius Italiæ imperium arriperet, depresso utique sublatoq; Iulio Pontifice, qui vnus ingenio ferox, & diuino profanoque iure in exhaustis viribus potens, libertatem ecclesiæ tuebatur. Ob eas causas Leo pontifex Iuliana securus consilia aduersus Venetos auxilia mittebat, sensibusque omnibus cum Hispano rege ipsoque Cæsare ac Heluetijs & Henrico rege Britannia erat coniunctus. Si omnes vno tempore Gallo & Veneto terra marique bellum inferebant, nobilissimorum regnorum opes funesta quadam insania lacerantes, quando ea arma à leuibus discordiarum inijs temerè sumpta, iuste deponi, aut certe gloriosius in Turcas verti potuissent. Nam tum sortè Othomanorum donius Selymi scelere & parricidio tota ferè conuulsa radicitus, Christianos reges ad longè omnium pulcherrimam suscipiendi sacri belli occasionem non dubiamq; victoriam inuitare videbatur. Igitur Cardonio Prosperoq; Columna & Piscario ducibus, exercitus in Venetiam ductus, adiunctis Germanorum ehortibz. & pontificijs alis. Ex itinere Pisechriam oppidum quod est ad exitum Mincij amnis ex Benaco lacu, Piscarius expugnavit. Liuianus interea deserta Vicentia,

Patauio se tenebat: Taruissum tuebatur Baleonus, & per leuis tantum armaturæ equites bellum gerebant. Contrà hostes agrum nobilissimè fertilitatis effusè populati, vsque ad Patauina moenia ferebantur. In his equestribus prælijs Venetus sæpius superior euadebat: interceptusque est à Mercurio Epirotarum præfecto Caruial nobilis dux Hispanus, qui ad Rauennam postremæ aciei præfuerat. Cæterum quum neque Patauium vrbs egregiè munita faciliè oppugnari, neque hostes ad prælium elici posse iudicaret, & iam subesset autumnus, Medoacum amnem, qui hodie Brenta dicitur, transire statuerunt, rati, vt postea euenit, Liuium impigrum ducem, seruido audaciq; ingenio pugnae audum, copias in aciem confestim educturum, vbi primum exuri tecta, cædi, capi que agricolas & armenta abduci conspiceret. Itaque Medoaco ponte superato, Germani, Hispanique effusi per agrum, barbara crudelitate cuncta vastant: villas regio sumptu, longa in pace à Venetis patritijs ædificatas incendunt, vsque adeo audacter impuneque progredientes, vt præ altis sacris turribus à Veneto populo ea sua incendia spectarentur: Hispanus se præda ad satietatem repleuit: Germanus verò feritate animi crudelior, ferro & flammis vsque quaque est debacchatus. Prominet in mare apud Margherium vicum agger in linguæ similitudinem exporrectus: in eum locum tormenta sunt conuecta, dispersaque sic, vt pilæ ferreæ præter illum maris tractum ad ipsas vsque Venetias peruenirent. Non tulit eam ignominiam fortis senatus, statimque Liuiano id maximis precibus impetranti perferibit, vt confestim copias educeret, Baleonum à Taruissio accitum sibi adiungeret, dare tque operam vt iniurias à Barbaris acceptas, si se offerret rei benè gerendæ facultas, pari crudelitate vindicaret. Hoc accepto senatusconsulto, Liuianus aduocata concione milites est cohortatus, vt fortibus animis secum aduersus hostes præda onustos interclusos fluminib; et in vr̃sa admodum lutulentis & lubricis implicitos proficiscerentur, dignamque Italico nomine operam præstarent, nec prædones Barbaros qui immiani saeuitia feras anteirent, inultos elabi paterentur. accedantibus vniuersis, & se deuotis animis atque corporibus secuturos esse pollicentibus, signa sustulit, & ad Medoacum in vltiorem ripam summa celeritate contendit: eo consilio vt redeuntes amnis transitu prohiberet, indulos fluminibus circumfistendo necaret fame: aut cum his si vim facerent, & erumpere in pacatum vellent, exquisita conditione decertaret. Erant in Liuianis castris septingenti fermè cataphracti, paulo minus duo mille leuis armaturæ equites, peditum septem millia, magnus currulium tormentorum apparatus. Itemque accedebat ad eum numerum Sacramorus Vicecomes, qui superatis ad Nouariam Gallis, Ticino exclusus, in Venetiam circiter septingentos equites, equis & armis egregiè instructos adduxerat. Præterea excitant agrestes, ad quos Paulus Manfronus, vir militaris erat præmissus, qui inconditam multitudinem ratione consilioque regeret, nullamque prætermitteret occasionem à tergo inuadendi hostis, quum eum saltibus & fluminibus impeditum, vel inito prælio occupatum esse conspiceret. Hæc administrante Liuiano, Cæsariani incendijs finem imponunt, pretiosiores tantum prædam conuectant, & ad Medoacum coacto agmine reuertuntur, vbi Liuianus in vltiore amnis ripa castra posuerat. Proponebatur maxima difficultas statuendi pontis in conspectu præsertim hostis, qui tormentis idoneo in loco

Ioco collocatis, exitium transire conantibus è proxima minabatur. Itaq; Cæsariani intempesta nocte silentio copijseductis, & relicta leui tantum armatura equestri, quæ frequentes excitaret ignes, & speciem præsentis exercitus redderet, ad superiora fluminis vada contendunt, ludificatiq; Liuium flumen transmittunt. Equitatus omnis in vnum agmen conglobatus, superiore loco in amnem se coniecit, vt profluentis impetus ea obice frangeretur, leniorq; aquarum vis & humiliora vada transeuntēs cohortes exciperent. Ibi Piscarius dimisso equo, armatus ante primos ordines cohortando, & alacriter dubitantes inuitando, in alteram ripam euasit: ita tamen vt milites humeris atque pectoribus tantum emerent. At vbi dies illuxit, discessumq; hostium detexit, Liuius primo consilio depulsus, ad præoccupandas proximorum collisionum angustias est profectus, per quas vnum omnino iter Cæsarianis relinquatur, si rectà Veronam Vicentina viaredeundum esse iudicaret. Distat is locus ab vrbe Vicentia tria miliaria, prope eum vicum, cui à parula & diffusis ramis late opaca arbore Vlmo nomen est. Ibi Liuius præciso transitu, subitarioq; opere perductis fossis tormenta constituit, atque ita vt erat rerum bellicarum egregiè peritus & vehemens transitum præsepit, vt nemo esset adeo rei militaris ignarus, qui non putaret in sanos fore hostes, si illac omnino transire conarentur. Porro si euadendum, reflexo itinere per montana atque aspera Bassianis saltus existimarent, apparebat eos iter fugæ simillimum arripuros, amissisq; impedimentis, vt planè victos & pristina exutos dignitate persequentibus agrestibus, Fortunam penè vel aduerso prælio duriores esse subituros. Iam in conspectum hostium Cæsariani peruenerant, constitutisq; tentorijs adeo Veneris propinquo loco confederant, vt hinnitus equorum hostilium, & castrorum fremitum audirent, & à Liuiano frequentibus tormentis, & superiori loco faciliè peterentur. Tum verò in ea rerum asperitate equites de pressiora loca, aut ingentes arborum stipites, quibus sese protegerent quærere: pedites autem protra corpora humi sternere, vt præteruolantes pilas euitarent: omnes serè gregarij animo consternari, & durum omnino exitum expectare. At ingruente nocte, vno edicto ignes totis castris extinguuntur, nequid hostis, quo certius tormenta dirigere posset in perobscura nocte conspiceret. Inuaserat militum animos quidam nec ab inani quidem metu horror insolitus, omnesq; vnus maxime Prosperi consilium, & Piscarij operam requirebant: quasi ille vnus qui ea pericula denunciando profectiorem improbat, eas quæ inuincerent difficultates salutari prudentia, hic verò qui eas contemneret, forti ausu feliciter esset superaturus. Prosper enim tamen nomen imperij penes Cardonium esset, cum ætatis honore, tum inueterata quadam auctoritate cunctos anteibat. Itaque cum ad eum ducum & centurionum omnium fieret concursus, carros prædamque omnem deponi & concremari iussit, testatus fore vt postero die insigni victoria potirentur, si retrocedentibus ipsis Liuius insisteret, & præpropere ardentem ingenio, vt alijs bellis consueuisset, vrgendo prouocandoq; periculofam prælii aleam subiret. Cæterum Piscarius cum sarcinæ crenarentur, adeo elato sermone eius tanquam ignobilis facti consilium vituperare est visus, vt diceret, nequaquam tales esse milites, vt vel pretiosissimam prædam decori & veræ laudi anteponendam existimarent, quando ea esset omnium vir-

tus, vt duplo maiores etiam hostium copiae facile contemni & superari posse viderentur: quibus alacribus verbis, quasi felicem futuri praelij euentum prouideret, non modo certa spe salutis, se præceptæ exploratæque victoriæ letitia militum omnium animos implebat. Eam noctem dies exceptit à crassiore caligine, vt ferme semper depresso & aquosis accidit in locis, maxime nebulosus, tanta aeris densitate, vt quum motis castris Cæsariani conuersis ordinatim agminibus, retrò ad Balsianam viam reuerterentur, id Liuianus neque ex superiore cliuo speculari, neque per emissos ad ipsa vsque hostium principia equites, quicquam de eorum discessu presentire potuerit. Erat ei reconditum in intimis animis recessibus summæ prudentiæ decretum, nolle hostem, nisi ex æquissimo loco prouocare, quoniam Hispanos pedites veteranos et Germanos maxime conferta phalange pugnare solitos, quibus Itali disciplina & viribus essent inferiores, magnopere formidaret: quanquam eos palam elatis verbis iactabundus, vt suorum animos magis accenderet, despiciere videretur. Erat enim seipso cautior et consideratior factus, plurib. scilicet ictus vulneribus, quum suisæpius periculum improspere fecisset. Supra enim omne numen in bello Fortuna, in consulti impetus & temeritatis præclara castigatrix esse conspicitur. Sed fato prudentia minor ea die nequicquam Liuiani animum ratione præsepit. Is enim natura repentinus duorum temeritate, veteri suo proposito depulsus, secus ac ipse statuerat, in praelium descendit. Duobus agminibus Cæsariani abibant, Cardonius antecedebat, Prosper in postremo agmine vbi erat pugnandum, alloquendo & componendo acies versabatur, sed frontem cum Hispanis Germanoque pedite Piscarius hosti & periculo proximus obtinebat, tanto ordine pedem referens, vt modico flexu arma oraque militum, nihil dissoluta acie, in hostem, si lacesseret, celeriter esset obuersurus. Præmisera Liuianus leui armatura equestri, duobusque minorib. tormentis Bernardinum Antiniolam fororis filium iuuenem impigrum, qui nouissimos carpendo, iterque explorando persequeretur. Iam enim nebula sensim euanescente, & factis claro vndique prospectu, Cæsariani retrò abire nunciabantur: nec propterea nequicquam Liuianus vtab angustis munitoque loco in plana copias deduceret, omnino commouebatur, ratus non iusta acie sed tumultuariis & minutis praelijs ex tuto hostem per aspera euadentem loca esse retardandum, vt in media laboreque & vigilijs fatigatus, agrestium circumfusorum multitudini delendus præberetur. Sed Antiniola ardentius in postremos prouectus, cum Germanis equitibus vehementem pugnam excitauit, in qua cum repulsus tormenta deseruisset, euocatis in auxilium alijs atque alijs turmis, redintegrata contentione recuperatisque tormentis, ita Germanos propulit atque egcidit, vt Prospero equitatum consistere, & Germanis in fugam coniectis, per medias turmas transitum dari iuberet, ne integram aciem tumultuosius misceret, et Piscarius summa animi alacritate directa acie cohortes in hostem conuerteret. Erat apud Liuianum Andreas Lauredanus Venetus legatus, vir vehemens, nec minus vindictæ quam gloriæ audax, sed reibellice prorsus imperitus. Is quum prospera vndique de antecurforibus nunciarent, ad prætorium contendens, vti erat acerbis spei et doloris affectibus, magnopere cõcitatus: Quid cunctaris, inquit, imperator? hostes effugiunt: victoria certa & insignis è manibus elabatur: perfidia potius hæc erit quam ignauia, si diutius cuncteris; nec opinio tolli poteris, nisi extemplo

signa



signa canere iubeas, et fugientem perturbatumq; hostem cum vniuersis copijs conseceris. Ad ea Liuianus siue falsa paratæ victoriæ specie deceptus, & propterea ad naturam pugnacis ingenij facile reuersus, siue, vti postea prædica-  
bat, iam veluti parata accusatione nisi confingeret, iudicium senatus veritus, Pa-  
reamus inquit, famæ & legato, vel contrarationem, ne nobis vti nimis sapien-  
tib. imperitorum suffragijs sit concidendum: atque ita exercitum eduxit: in-  
struetaque triplici acie præproperus & ferox ad hostes contendit. Erat Anto-  
nius Pius ad læuam, ad dextram verò Balconus cum Gritto legato, quib. prio-  
re consilio persequendi & lacessendi hostis ab vtroque latere munus erat in-  
iunctum. Ipse Liuianus via lata vtrinque confitis arboribus ad lineam directâ,  
grauis armaturæ equitum & ante alias nobiliorum alam induxit, pari fronte  
peditatu hinc & inde producto. Pugnatum est ab equitatu Veneto vehemen-  
tissimè, pari constantia sustententibus Cæsarianis, in quibus erat ante alios Troi-  
lus Sabellus: sed peditatus Venetus vix primum Hispanorum & Germano-  
rum impetu ferre potuit, ita vt sceddissimè proiectis hastis priusquam ad hostē  
perueniret, in fugam sit effusus. Initio trepitationis & fugæ factio à Baliona-  
nis cohortibus, quæ erant ex Anemonis valle, reliquæ fermè omnes turpissi-  
mè terga venterunt: quanquam summæ virtutis Centuriones deterrendo &  
castigando, ne tantum dedecus admitterent, conuersos in fugam retentare  
conarentur, & incredibili constantia in prima acie depugnarent. Hi erant an-  
te alios Alfonso Mutus Pisanus, Bernardinus Aleccius, Seraphinus Callia, et  
Baptista Doctus Patauinus, qui inuadente prementeque Piscario cum fortis-  
simorum militum manu, quam ex singulis centurijs delectam prætorix velu-  
ti cohortis loco sibi adiunxerat, ad vnum omnes sunt interfecti. Quum in hos  
vehementius repugnantes Piscarius ante alios dimisso equo, prætenta longio-  
re hasta impetum faceret, respectans, caute commilitones, inquit, ne me per-  
uadentem in aduersam aciem, & si id fatum dederit honestè concidentem, ho-  
stium potius pedibus quam vestris proculcandum relinquatis. Ad ea mi-  
lites alacriter succedunt, vt bono animo ire pergeret, se enim vel ipsi du-  
ci egregiè parendo, vel commilitoni fortia audendo summæ virtutis lau-  
dem esse questuros. Nec eorum mutuas spes euentus scellit: nam ea præser-  
tim impressione, initium non dubiæ victoriæ, vel ipsi hostes ortum esse fate-  
bantur. Fuso peditatu Hispani Germanique vtrinque equitatum acerrimè di-  
micantem inuadunt atq; prosternunt. Funditur etiam & capitur Balconus in  
palustrem campum imprudenter delatus, dum viæ compedio properantis Li-  
uiani cursum equare contenderet. Antonius quoq; Pius tota sua acie turbata,  
& cæco metu cōiecta in fugam cum honestè cadere posset, aufugiens, dum Bac-  
chilionem amnē, quem Togilonum antiqui vocarunt, tranat, armorum pon-  
dere pressus ignobili morte submergitur. Porro Sacramorus Vicecomes, Her-  
mes Bentiuolus, et Constantius Pius, Antonij filius, Meleagerq; item à Foro-  
liuio, Carolusq; Montonius, et Franciscus Saxatellus alarū præfecti in acie ca-  
dūt. Ipse Lauredanus legatus funestus committendi prælii auctor, dum ingēs au-  
ri pondus distrahentib. Hispanis promittit, ab inermi lixa iugulat, Grittū ve-  
rò pernici equo tumultu elapsū Vicētini quū demissa portē cataracta nisi ma-  
gno molimine subduci posset, in murū extraxerūt. At Liuianus perditis reb.  
frustra acie reparare conatus, superato Eretano amne, deos vti Italico nomini

nimum infestis sæpe incusans, Pataulum contendit. Qui verò ad Bacchilionem vado & ripis impeditum, nec planè tamen aquis tumentem ex fuga peruennerunt, aut profluentis gurgitibus sunt absorti, aut in ipsa cunctatione tranandiamnis, dum alieno periculo moniti humiliora vada quæritant persequente hoste perierunt. Cecidere ex Venetis circiter septem millia propè sine ullo vulnere Cæsarianorum: nam duo tantum viri insignes ex ala Columnia sunt desiderati, Eberardus scilicet Corneus signifer à Perugia, et Camillus Maximus Romanus eques, rarè indolis adolescens: nullus enim vnquam exercitus vel turpiore exitu conflixit, vel minore victoris hostis incommodo ætate nostra superatus est: ita vt Piscarius in ipsa victoriæ gratulatione, Veneti militis ignauiam deestatus, palàm diceret, se plurimum dolere, quòd terræ Italig quæ tam imbelles ferret milites, à maioribus suis esset insertus, quo dicto sibi tum & postea apud Italos occultam inuidiam parauit. Nam Piscarius secus ac Alfonso pater qui Hispanorum ingenia penitus oderat, despectis Italis cum quibus nunquam nisi Hispanicè fastidito patrio sermone loquebatur, vnus tantum Hispanis indulgentissimè fauere, atque his honores vberioraque stipendia, præfecturas tribuere erat solitus, siue quòd spectatæ & felici eorum virtuti omnia largienda esse iudicaret, siue quòd vna maximè liberalitate ac indulgentia illos sibi complectendos arbitraretur, per quos clarissimum ante omnes militiæ nomen esset adepturus. Parta victoria eos quos diximus & centurij delectos, vti quisque in prima acie strenuè operam nauarat, ad superiores ordines adaucto stipendio prouexit, & ante alios Ioannem Mancium qui lateri semper adhæserat, & longefortissimè fuerat præliatus, veteranae cohorti præfecit, alijs aut alias cohortes, aut vexilla ferenda honoris & præmij causa continuo tribuit, & cæteros denique militaribus donis & perpetuis muneribus est profecutus. Quæ omnia vt ipse singulari iudicio præscripserat, Rex Ferdinandus rata habuit, ea fide vt hodie quoque in quæstorijs voluminibus eorum militum nomina qui Vicentino prælio in fronte pugnantes admirabili virtute victoriam peperissent, diserte sint notata: ad quorum fato functorum loca, alij successores vt meruerint, manère adhuc insignis eius præmij memoria Ducum iudicio traducuntur. Inter captiuos repectus est Otho Vicecomes Sacramori fratris alæ legatus. Is superiore anno cum Astore fratre audaci turbidoque iuvene, Mediolani ante Triuultianas ædes nocturna in rixa petulantè Piscarij familiam fuerat adortus, in quo tumultu ipse Piscarius dum iurgium sedare properaret, capite vulnus sustulit, & Pomarrusequitum præfectus vir insignis, fuit interfectus. Hunc quum Mancius Pomarri quondam signifer iusto dolore concitatus, confodere & Pomarri manibus eius sanguine parentare properaret, Piscarius ex templo restitit, ne scædum facinus admitteretur, singulari animi magnitudine inimicissimum hominem & ex merito de vita desperantem non modo conseruans, sed in ea quoque calamitate opportunis donis afficiens præclarè testatus clementiæ fructus apud excelsi animi virum & veri decoris audum, sibi videri omni vel iure exacta vindicta proculdubio dulciores. A tanta victoria Cæsariani quoniam iam hyems suberat, neque Patavium, aut Taruissium modico apparatu vel mediocribus copijs facillè posset oppugnari, in hyberna concesserunt ad Ateste & circa Arthesim, vbi complura erant oppida plenarum omnium copijs, ad alendum exercitum valde opportuna.

opportuna. Sequenti anno ad prima Veris signa Liuianus, qui exercitum inuicto ad omnes calamitates Veneto senatu, repararat, in Foro iulienſes cum expeditis copijs eſt profectus. Nam Caſariani qui ſupra Iulias Alpes & Carnorum montes incolunt, duce Chriſtophoro Francapane, prouinciam incurſionibus euafabant, oppida pleraque ceperant, & barbaro proſus more caediſus ac incendijs bellum gerebant. Erat cum ala equitum in Portonono oppido Ricianus Germanus: hunc Liuianus præmiſſo, qui ad portam excurreret, Malateſta Baleono Pauli filio, facile elicit: cum eo Malateſta congreditur, vulneratum equo deturbat & capite, cæteri proſtigantur. Superuenit Liuianus, ad motisſue repente ad murum tormentis, oppidum atque arcem biduo redegit in poteſtatem. Inde minima quiete militibus conceſſa Tiliauentum tranſgreſſus ad Ofophium Hieronymi Sauorgnani oppidum quod à Francapane magnis viribus oppugnabatur, ſumma celeritate contendit. Funditur Francapanis acceptoque vulnere, tormentis et copijs magna ex parte amiſſis, ad ſuperiores alpes profugit. Quibus rebus feliciter geſtis Liuianus prouinciam per ſe Veneris fidam, ſponſe ſeſe dedentibus populis recuperauit. Dum hæc gereret, Antiniola cum trecentis equitibus, qui Patauino & Vicentino agro præſidio foret, ne quid incommodi in tergo reciperetur, ab ipſo fuerat relictus, totam eam regionem ab Hiſpanorum incurſionibus egregie tuebatur, tria oppida maxime complexus, Cittadellam ſcilicet, Baſſianum atque Maroſticam, ea ratione vt nihil diuiſis turmis & commutatis itineribus circumequitando, regionem interdum percurreret, noctu autem in vno è tribus oppido moraretur: hac diligentia & repentinis excuſionibus Hiſpanos deterrebat, quo pauciore numero minoreſque fiducia in proximis vicis prædarentur. In hanc curam Piſcarius oculis atque animo ſemper intentus per idoneos homines magnis præmijs inductos, itinera conſuetudinemque eius & momenta omnia diligenter explorabat, vt dignam egregio factò occaſionem poſſet adipiſci, qua detrimentum ad Portononum & ad Ofophium nuper acceptum glorianti nimium de eare Liuiano exæquata clade redderetur. Nec vigilanti Fortuna deſuit: nam quum Piſcarius circueuntem de more agrum Antiniolam Cittadellæ pernoctaturum eſſe didiciſſet, cum noctu aggredi conſtituit. Nec mora, conſilio ad Cardonium delato, atque id ipſo comprobante, ex ſtatiuis caſtris delectas cohortes educit, et conſecto per noctem itinere, inopinantibus hoſtibus Cittadellam peruenit, ſubſequentem Cardonio vt rem gerentibus præſidio foret. Habebat ſecum Piſcarius equites circiter trecentos, qui hiſdem equis receptos totidem ſelopettarios pedites ſecum adduxerant. In hos Antiniola vir acer & intrepidus repente erumpit: prælium committitur vtrinque magna vi, magnoque tumultu. Pugnante ante alios Piſcario equuus interficitur, ipſe deſilit in pedes, arreptaſque pedeſtri lancea, adiuuantibus maxime ſelopettarijs, hoſtes intra portam compellit. Tormenta interim et reliquis pedicatus ſuperueniunt, hiſ murus portaſque concutitur, nihil tamen animo ſe dimittit Antiniola, fortiſſime periculoſo in loco repugnat. Ingreſſientes Hiſpanos ſemel atque iterum egregie repellit: ex hiſ interficitur Ferdinandus cognomento Niger, eximie virtutis centurio. At Piſcarius vbi nihil in eo loco profici videt, edicit, vt vehementi pugna & magno concurſu, vbi perfractus tormentis murus aditum oſtendebat, hoſtes diſtineant, cæterum ad diuerſam oppidi partem compor-

tatis scalis nouum praelium accendit, milites summa alacritate scalas conscendunt, ipse in murum ingenti ausu post primum signiferum euadit. Erat in totus tanta moenium altitudo quanta ferè exterioribus scalis ascendebaratur. Cunctantibus cunctis & Piscario dum subeuntes præ se vrget vltro in genu gladij cuspidè vulnerato, Romerius singularis audaciæ vexillifer, quin se præcipiti saltu in oppidum dimitteret, minimè dubitauit. Eum crura ex tam ingenti saltu sibi confringentem Mancius est subsecutus: cæteri demissis lanceis per eas delapsi, in oppidum sese coniecerunt: tum verò perterritis suisque hostibus Antiniola fauciatò et capto, oppidum multis equis, multaque rerum omnium opima præda repletum diripitur. Tanta re prosperè atque celeriter confecta Piscarius eximiam absoluti iudicij & vehementiæ militaris laudem est consecutus: quibus duobus maximè naturæ subsidij perfecti ducis authoritas egregiè sustinetur. Nec multò post exercitus in Patauinum agrum sese effudit, populando atque vastando voluptarias præsertim possessiones, quas superiore bello intactas reliquissent. Ea agrorum vastitas Liuianum Gradiscam oppugnare cogitatem ab intercepto reuocauit. Is coacto exercitu ad Brentellas propè Patauium opportuno loco posuit castra: Cæsariani verò inter se diuisis copijs in oppida commeatu plena concessere. Piscarius cum peditatu Lendenariæ constitit, ita compositus & communitus, vt etiam in proximo Bastiam præsidio imposito teneret. Equitatus Hispanicus fermè omnis à Garcia Manrico Rhodigium est deductus. Cardonius autem & Prosper, itemque Germani omnes Veronam abierant, vt cum Cæsarianis legatis de bello consultarent. Interea Liuianus quo nemo tum ducum vigilantior & promptior habebat, noctes diesque summa cura intentus in omnes gerendi belli occasiones, equitatum Hispanicum adoriri constituit: crebrò enim fiebat certior, Hispanos magna cum seueritate atque licentia cum Rodiginis agere, ac nihil minus timere quàm hostium aduentum quos toties sine vulnere prosligassent. Itaque intempesta nocte silentio castris egressus, Malatestam cum expeditis equitibus premittit: imperat vt quos in itinere vel in agris viderit, properè comprehendat, ne nuncius quisquam de ipsius aduentu ad hostes perueniat. Erat tum fortè ea dies Rhodigij mercatu celebris, ob id felici ausu Malatesta ad apertis & neglectis portis irrumpit, cum inermibus & se tantum districtis gladijs, & sagis ad læuas intortis defendentibus, praelium committitur. Succedunt mox cataphracti & expeditæ cohortes, quorum superuentu Hispani omnes cum Garcia duce comprehenduntur. Tanta re feliciter confecta, Liuianus ratus eadem celeritate Piscarium ad Lendenariam opprimi posse, si rei gestæ famam præcurreret, in eum equites conuertit. Verùm Piscarius qui nunquam vllas vigilias & stationes, quieto vel remoto hoste superfluas existimare erat solitus, & tum maxime à Liuiano callido & vehementi duce cauendum esse predicabat, hostes faciliè sustinuit & auertit, præmisso cum cohorte & duobus curulibus tormentis Ioanne Mancio, qui media militari in via explicatis signis et displois tormentis in antecursores Venetos parati instructique exercitus speciem præbuerat. Ita Liuianus frustra petito Piscario vna contentus victoria in castra se recepit. Id facinus non minus consilio quàm euentu felix Liuiano nomen dignitatemque restituit, et exercitum equis supra mille eximij prædaque omnis generis & armis repleuit. At Piscarius ne peditatum omni equitum præsidio

præsidio penitus exutum diutius in his locis ad insidias opportunis contineret, quadrato agmine Veronam celeriter est profectus. Sub id tempus Rentius Ceres qui Cræmæ eruptione facta, noctu Sylurj Sabelli castra illatis facibus incenderat, Bergomum pulsus inde Hispanis occupauit. Quibus de causis Cardonius et Prosper ad Bergomum cum parte copiarum conuolarunt, ut ibi Rentium moria munientem, imperantem pecunias, & sacro campano ære confuso tormenta parantem, opprimerent. Erat iam Rentius ad extremas necessitates compulsus, ad actis que tormentis murus erat perfractus, & munitiones a deo disiectæ, ut parum abesset, quin vrbs omnino caperetur. Sed Prosper qui nequaquam urbium excidijs & militum cæde gaudebat, atque ita gerendum bellum iudicabat, ut demum sublati hostibus lætissima pace frueretur, Bergomatibus Rentioque pepercit, ipsoque cum præsidio Cræmam dimisso Bergomates pecunia multauit. Porro Liuianus de Cardonij & Prosperi protectione certior factus, Veronam versus, & sinistrorsus ad Alienicum Athesis pontem castra promouerat, sic ut Piscario in vnam intentus occasionem opprimendi peditatus imminere videretur. Verum Piscarius Alarcone cum equitibus sibi adiuncto, & cohortibus omnibus Verona eductis, ad montem Silicem est profectus, eo consilio ut Liuianum vltra Athesim infesto exercitu arma circumferentem Patauio & veteribus castris excluderet. Interim Liuianus quum multorum literis Rentium amisso Bergomo pulsus fuisset, & subinde Cardonium, Prosperumque Columnam per Mantuanorum fines aduētare didicisset, institutam bellirationem incredibili consilio commutauit, eluso planè Piscario, qui fluminibus inclusum opprimere, aut omnino tormentis exuere se posse crediderat. Impositis siquidem in naues tormentis, & magna parte militum per continentes ac inusitatas paludes ad caput aggeris secundo Athesi in Hadriaticum euasit. Euadenti tamen ea inopinata nauigatione, haud mediocre detrimentum facile potuit inferri, si Corberia Hispanus equitum præfectus, uti Piscarius subtili admodum coniectura adductus præceperat, locum in ripa amnis maximè opportunum celeriter occupasset. Nec multo post, ut negligentia vel ignauia delictum, si non atroci, insigni tamen ad exemplum poena puniretur, Corberiani ignominia notauit, atque ei turmam equitum ademit. Dum hæc in Venetia geruntur, Ludouicus rex Gallorum rebus cum Henrico Britannia rege compositis, atque eius sorore in matrimonium ducta, dum nouis nuptijs iam senex intemperanter indulget, febricula consumptus extinguitur, statimque Franciscus eius gener florentis ætatis ac ingentis spiritus iuuenis imperium cepit. Is gloriæ bellique audis cohortante Triuultio, atque iter insolitum ad Coctias alpes commonstrante, in Italiam transgressus incredibili celeritate, & Heluetios iuga & transitis alpium frustra obleruantes decepit, & Prosperum Columnam cum toto ferme equitatu oppressit. Venerant auxilio Sfortianis Helueticæ legiones ob disciplinam atque insitam feritatem insuperabiles, si animorum consensus accessisset: plerique etenim vel suo opte ingenio inducti, vel regia corrupti pecunia, ita Gallis fauebant, ut pagorum trium duces aperte recularent, se contra regem prelio dimicatuuros. Quibus de causis fiebat, ut Cardonius atque Piscarius qui in Placentinum agrum vniuersas copias adduxerant, Padum transire vererentur. Quid enim erat stultius, ut Piscarius aperte prædicabat, quam incertas insi-

da& semicorruptæ gentis sequi voluntates: copiasque omnes & regnum denique Neapolitanum, si aliquod ab hoste tam propinquo vulnus eo præcipiti consilio acciperetur, in summum discrimen adduceret? Erat quoque Placentiæ Laurentius Medices cum Pontificio Florentinoque exercitu, impellentibus quibusdam ex numero amicorum & Florentinis maxime legatis, in partes Gallicas proclinator, quanquam, Gorius Placentiæ præfectus, fide & usu rerum insignis, honestiora & decora præclare suaderet. Eo modo dum cunctatur, & Pado ponte constrato, quinam primi transire amnem deberent, ignobili & sceda contentione decertarent, secus ac ipse Leo pontifex iubebat, pulcherrime occasione defuerunt: si quidem Heluetij concitante turbam militum Sedunenſe Cardinale, quanquam ab Hispanis & Pontificijs defererentur, Mediolano repente eductis signis, castra regia ad quintum lapidem Laudensi via sunt adorti: tantaque irarum & virum mole concursus est, ut continuato per noctem & sequentem diem valde cruento ac ancipiti prælio dimiscarint. Ad extremum Heluetij vecordi impetu & barbara temeritate in aduersa tormenta peruadentes, à circumfuso vndique numerosissimo equitatu cæsi fusiſque sunt. In eo tumultu admodum repentino rex ipse manu promptus & armis insignis, quum in mediam hostium phalangem equum adegisset, parem summo periculo laudem omnium consensu promeruit. Lituianus quoque trans Abduam amnem raptato exercitu Venero, Gallis haud serum auxilium tulit. Heluetijs ingenti prælio superatis, & continuo Coemensi via domum redeuntibus, omnes Galliæ Cisalpinæ ciuitates Francisco deditionem fecerunt. Leo autem pontifex ea pactione pacem redemit, ut Parmam atque Placentiam relinqueret, quæ vrbes Iulius pontificio imperio adieciſſet. Quibus de rebus Cardonius atque Piscarius retro conuersis signis ad turandum Neapolitanum regnum cum vniuersis copijs in Campaniam & Apuliam concesserunt. Conueniēte demum Bononiæ Leo pontifex & rex Franciscus, qui inter se occulta sœdera pepigere. Nec multis inde diebus Ferdinandus Hispaniæ rex moritur, relicto hærede tot regnorum Carolo ex filia nepote, qui postea suffragijs Germaniæ procerum imperator est appellatus. Is admodum adolescens Caroli Ceurn Belgæ nutritij consilia secutus, cum Gallo pacem necessariam potius quàm honestam ad Nouiodunum legatorum conuentu habito confecit, in quam & ipse Maximilianus Cæsar auus facili consenserat, quum Brixiam & Veronam vrbes à Gallis et Venetis oppugnatas, accepta pecunia eductisque præſidijs Venetis reliquiſſet. Ex eo sœdere Neapoli manauit in vulgus fama Carolum vti multis circumuentum difficultatibus, & præsertim adeundæ Hispaniæ necessitate compulsum, postulante Gallo rege concessiſſe, ut regni proceribus, qui Andegauenſium partium fuissent, & iure belli oppidorum possessiones amiſiſſent, liceret novos dominos in iudicium vocare, suscitatis antiquis litibus, quibus Ferdinandus rex Hispaniæ æquissimo salutariſque decreto finem imposuiſſet: cauerat enim summi iudicij rex, ut rata eſſet liberalitas Aragoniorum regum, qui fidelibus & deſe benemeritis præmia ob nauatam strenuam operam gratiſſimo animo tribuiſſent. Ea fama Andegauenſium regulum animos in ſpem erexerat, anuſſa quondam aduerſo bello oppida beneficio noui sœderis iure & legibus recuperandi, quum nemo diſſideret de litis exitu, agendo & largiendo ſi ciuili iure diſcepiaretur. Ex aduerſo Aragoni proceres

proceres quorum fortunas eares penitus euertebat, consternatis ad arma animis, eius iniuriæ indignitatē vix ferebant. Quid enim videri poterat iniquius, quàm eos qui toties pro imperio Aragoniorum contra Gallos in dubia rerum Fortuna dimicassent, nouis & periculosis litibus inuoluisset: in eorum præsertim gratiam & insigne commodum qui veteri studio ac aperta voluntate, se Gallico nomini haud obscurè fauere profiterentur. Eo modo perturbatis & suspensis reb. decreuere vtrinque proceres, vt vnus pro ciuitate legatus ad Carolum mitteretur. Nec dubium erat quin ipse Piscarius propter eximiam ingenij grauitatem atq; solertiam, & dicendi facultatem ante alios omnes maximè esset idoneus. Sed Andegauenses vsque adeo eius vim atque facundiam metuebant, vt quemlibet alium mittere, quàm illum mallent, nec improbare tamen auderent. Verum Piscario collegamandum esse censebant, rati illum qui adeo ingentes & elatos spiritus ferres, adiuncti collegæ indignitate commotum, ex templo repudiaturum id munus, atque ita alios, vel remissioris ingenij, vel propensioris animi legatos esse creaturos. Cum magna altercatione in publico concilio orationibus habitis, vtriusq; factionis proceres vehementissimè contendissent, Piscarius tanta vi grauitateque locutus est, vt Fabritius & Prosper Columnæ, qui antea pro Aragonijs dixerant, militari subagrestiq; eloquentia fuisse prorsus ostenderet, & contra Andreas Matthæus Aquauuius et Traianus Caracciolus Andegauensum principes, ætate prouecti prudentiaq; & literis insignes, eius iuuenis flagrantis oratione obruerentur, quum vnum tantum legatum mittendum esse viuidis ac illustribus argumentis efficacissimè demonstrasset. Itaque consensu totius concionis peruicit, vt quando vnus esset mittendus, ipse ante alios mitteretur. Vix enim credibile erat, cum qui in militarib. negocijs adolescentiam contriuisset, tantum eloquentia profecisset, vt vel offensorum animos quò vellet feliciter permoueret: quasi non in armorum studijs, sed in Rhætorum præceptis omnem ætatis operam consumpsisse videretur. Igitur suscepta legatione ad Carolum in Belgarum fines ad Oceanum peruenit. Res acta est in concilio regio tanta grauitate, vt facile persuaserit, Ferdinandi regis decreta nequaquam antiquari posse, nisi cum nefario ingrati impijqi; animi scelere, et sorda totius regni conturbatione. Ba re feliciter impetrata, quæ ex legatione in Italiam rediret, Carolus ob res quas fortiter gesserat, ei imperium totius peditatus, quæ auus Ferdinandus antea tribuebat, amplissimis codicillis confirmauit. Quum Neapolim esset reuersus, ciuitatem vniuersam in se vnum militari simul & ciuili gloria florentem ita conuertit, vt populari studio, & procerum eum obnixè colentium ambitione, Cardo nio Proregi existimatione atque potentia equaretur. Nec multo post iubente Carolo ad Soram expugnandam copias duxit, quæ tum erat Francisci Mariæ Rouerei Vrbinatum principis in Feltriam familiam adoptati. Is quoniam Hispanos ad Rauennam profligatos, minus pacato vel benigno animo in Vmbriæ finibus accepisset, & Soranos Neapolitano attributos regno, iura regalis imperij & salis vestigalia subire vetuisset, à Ferdinando rege hostis fuerat iudicatus. Sorani ex templo deditionem fecere, sed arx loci natura et turrimmunitione inexpugnabilis studium eius magnopere tardabat, suadebatque Antonnellus Tranienfis tormentorum magister, eam obsidendam potius quàm oppugnandam, quoniam summæ difficultatis, & extremæ propè demeritæ so-



ret, si in præaltum & arci parem oppositum montem tormenta perducere cōnaretur: quum mons arduus vndique præruptos aditus vel minorum etiam tormentorum curribus præberet. Hæc dicenti Piscarius respondit, arcem omnino esse capiendam, ne frustra venisse diceretur: quod si res omnino esset ardua & perdifficilis, à fortibus tamen viris locorum iniquitatem virtute ac industria debere superari, quando ea essent militiæ cum decora tum plena laudis, quæ inusitata & maximè aspera vel periculosissimis haberentur. Nec mora paratis rebus omnibus & troceis in monte constitutis, tormenta ductarijs alligata funibus, ergatarum beneficio in opportunum locum stupentibus cunctis euexit: quo inopinato malo territi defensores, haud multis tormentorum ictibus expectatis, quum sese tueri posse desperarent, quod alimenta etiam defecissent, impetrata salute deditionem secerunt. Inde Neapolim reuersus, in morbum incidit longè grauisimum, quum pacis oia minimè pateretur vir corporis ac animi viribus exardens, & quieti semper infestus: venationi etenim & falconum aucupijs magno apparatu & incredibili patientia deditum, nec grauiaspe et palustria loca vitantem, febricula ita lentis inuasit accessibus, vt corpus per se gracile, & à naturali ignea vi facillè exustum, corrupto iam oris habitu, & tabefactis membris vix ambiguam spem salutis retineret. Sed conuersa demum tota victus & medicinæ ratione, repudiatisque remedijs calidis, saluberrima epotilactis & lactucæ refrigeratione sanatus est.

## LIBRI PRIMI FINIS.

## LIBER SECVNDVS.



VS id ferè tempus quo Piscarius confirmandis viribus operam dabat, Leo pontifex Cæsari coniunctus, aduersus Franciscum Galliarum regem bellum suscepit. Angebant enim pontificem ingentis spiritus virum, Parma et Placentia ignobili pactione turpiter amissæ, quas vrbes Iulius pontifex sacrosancto imperio immortalium cum laude nuper adiecisset. Sed ea quoque infamia laborantem, Galliarum Cisalpinæ regij præfecti, & ante alios Lotrechius & Tarbellius antistes vehementer exagitabant, quum superbè ac impotenter contempta dignitate pontificis sacerdotia ad profani imperij libidinem reuocarent. Galli eo tempore consernatis ad arma Hispaniæ populis aduersus Caroli Ceurij Belgarum nomen, cæterosque regiones præsidēs ex occasione transgressi Pyrenæos saltus Henricum regem Navarra pulsis Hispanis, in paternum agrum reducerent, & ad Iberum amnem arma promouerant. In Eburonibus quoque, Gallo res nouas moliente, & contra excitis ad arma Germanis et Belgis, bellum exarserat. Erat propterea Carolus Cæsar adulescens grauisissimis rerum difficultatibus circumuentus, conuentumque habebat Germaniæ procerum apud Vormaciam urbem ad Rheni ripam, in quo cum egregia pietate Lutherum iudicio damnauisset, à Leone promeruit, vt inito sœdere bellum in Italia Gallis inferretur. Itaque his conditionibus bellum est susceptum, vt coniunctis copijs Gallos Italia pellerent:

pellerent: Mediolanense imperium Francisco Sfortiæ redderetur, Parma Placentiaque, ut antea fuerant, Pontificiæ ditionis essent. duces belli delecti Prosperi atque Piscarii, ea ratione diuiso imperio, ut hic peditibus, ille cunctis equestribus copiis præfessent: Federicus autem Gonzaga Mantuanus princeps pontifici exercitus esset imperator. His initis consilijs, neque tamen planè euulgatis in Gallia Cispalina insidiæ Gallis tenduntur ab his qui iniurias acceptant, & ob id Sfortianis rebus plurimum studebant: nam Lotrechius & Lescutus regis gratia præpotentes, Triuultios & Pallauicinos, qui Gallico nomini amicissimi semper extitissent, ingrato hostilique animo persequerantur, ut eorum oppidis potirentur. Hieronymus quoque Adurnius, præcipuus apud Leonem propter singularem ingenij præstantiam, eius belli concitator, cum trirēibus Neapolitanis Genue in conspectum se dedit, sed patefactis insidijs, & nusquam contra Gallos Fortuna ceptis aspirante, coactis demum vndique copijs ad oppugnandam Parmam est peruentum. Erat in vrbe Lescutus Lotrechij frater, vir impiger cum tribus equitum alis, eoque Federicum Bozolum cum cohortibus euocarat, hominem strenuum militariumque operum et munitionum defendendis vrbibus maxime peritum. Igitur ad Parmam pluribus minutis equestribus prælijs ad portas factis, dum auxilia Germanorum aduenirent, & à Bononia tormenta conueherentur, Piscarius à Placentina porta vineas erexit, & magnam turrem portæ impositam, & murum ad dextram quater cepit. Iam haud mediocri ruina edita murus ad ingressum erat patefactus, cum Itali Hispanique certatim, nequaquam accepto pugnae signo, singuli auidacia in fossam se demittunt, & per ruinas arduo & iniquo loco in summum connituntur. Sed dum prospiciunt ut in urbem desiliant, ab instructis interiore munitione Gallorum cohortibus, emissisque in eos vndique minoribus tormentis, in fossam detrudiuntur: & multis interfectis Guicciardino in primis Etrusco centurioni pila caput abripitur. At Piscarius qui aliqua factu aspera ultro aggredienda esse militi, nec ea tamen à duce palam imperanda uti eximie cautus & fortis existimabat, milites ad signa reuocauit, adhibitisque demum captiuis à Parmensibus, per quos diligentius munitionum mœniumque naturam cognosceret, omnem apparatus in alium locum traduxit, ut expugnato ad inferiorem muri angulum propugnaculo, quod erat extrinsecus cum tormentarijs fenestellis ad eradenda mœnium latera satis exporrectum, certus aditus minore militum periculo præberetur. Ad hunc modum multis ictibus pertuso & pene disrupto propugnaculo, Lescutus & Bozolus desperata loci defensione, salutare consilium sibi desumunt, magnoque silentio remotis tormentis, trans amnem copias omnes reducunt, ut minore circuitu frequentioresque milite, vltiorem tantum vrbis partem, concisis & obstructis pontibus, tuerentur. Siquidem Parma amnis ita mediâ distinguit urbem, ut lato et præaltis muris vtrinque munito alueo decurrat. Nec mora, Parmenses qui citiorem vrbis partem incolerant, animaduerso Gallorum discessu, id de muro Pontificijs et Cæsarianis excussa lacinia significant, porrectisque manibus primos scandentes subleuant, alijque alto in loco introducuntur: quod ubi totis castris est euulgatum, ex templo integrè sub signis cohortes agminatim irrumpunt, incredibili præde auiditate discurrentes sacra profanaque diripiunt, tanta conturbatione totius exercitus, ut neque Piscarius increpando

cædendoque, nec ipse Prosper & Mantuanus per præcones ad signa reuocando, opportunam indigna calamitate oppressis ciuibus opem ferre potuerint. Constat, eo momento Lescutum & Bozolum pulcherrimam occasionem amisisse delendi hostis, si patefactis pontibus occupatos & dispersos conglobatis cohortibus & turmis inuasissent. At Piscarius cohibitis quantum minus auctoritateque fieri potuit militum rapinis, conuehi tormenta iubet ea contra hostes dirigit, qui tota fluminis ripa in summo muro dispositi amnis alucum egregie defendebant, quanquam multi caderent, & oppositis lignicis dolis terra celsipiteque repletis, in genua depressi, contra incidentes pilas egerrime tegerentur. ante allos Montacutus alæ Lescui vexillifer interijt. Sed Scoti maxime equites vel Lucario duce pila discerpto, dimissis equis, in munitionibus in trepide persistebant. Dum Galli duces vix milites retinent, quin ab iniquo loco diffugiant, & sese cum equitatu, extremis demum rebus, proripere per aduersam portam decernunt. Lotrechius vt fratri opem ferret, cum Heluetijs mercede conductis, & Venetis auxiliariis, vniuersosq; Gallico equitatu, Pado ad Cremonam ponte constrato, ad Tarrum peruenit. Alfonsoque item Ferrariæ princeps opportunè equitatum summ in Mutinensium fines ita introduxit, vt inuasurus urbem et commeatus interclusurus esse nunciaretur, trepido adhæc præsertim Iacobo Guicciardino Mutinæ præfecto, qui de suo periculo impensè sollicitus ea cuncta augendo ad Franciscum fratrem Pontificis legatum in castra perhibebat. Quibus rebus cognitis, duces tacito iudicio potius quàm libero ore recedendum a semicapra vrbe censebant. Quoniam nec satis pilarum & tormentarij pulueris ad defringendas hostium munitiones superesset, nec tam propinquo hoste Lotrechio, duce peracuto atque impigro, dubio euentu opera hostium adoriri, è disciplina videretur. Sed contra quid turpius esse poterat, et ad conuellendas vniuersæ victoriæ spes omnes sedius & arumnosius, quàm dimidia vrbe pulsos hostes, extremoque demum timore consternatos e manibus emisisset, dum in consilio disceptarent, & Mantuanus vel noui decoris audius non modo persistendum, verùm cum expedito exercitu aduersus Lotrechium contendendum esse diceret, vt vna acie de vniuersa victoria certaretur: cæteri verò ferè omnes pudoris metu reticerent, Piscarius libero vos, inquit, tota hac infamiae suspitione: quandoquidem nemo sanus imperator prius de hoste victoriam expectat, quàm ne ipse ante vincat, tuta ratione prouideat. Siue hic etenim fortiter instemus, siue illic audacter cū Lotrechio manus conferamus, vtrinque certè iniquissima conditione & anticipi quidem pugna cum auerso & aduerso hoste confligemus, & quod miserum est, penè sine tormentis, cum pilæ defint & sulphureus puluis, quibus profecto minimè careremus, si vti sæpius sumus contestati, qui huiusmodi copijs præfunt, liberalius & diligentius operam suam in negotio præstiterint. Seruemus igitur copias ad non dubiam victoriam ad quam profecto aditum, si sapimus, fortuna alio in loco commutata belli ratione nobis aperiet. Nec mora, Prosper ante alios sententiam comprobabat, pariterq; Vitellius, Antonius Leua, Guidoque Rangonus, atque ipse demum Mantuanus, qui sordi consilij de decoris metu authores videri volebant. Neque enim erat ea pudoris cura in Piscario, qui summa virtute aduersus omnia aspera inuictus, absque vlla degeneris animi suspitione, atque item manu & consilio omnium longè prom-

promptissimus habebatur. Itaque conclamatis uasis, semicapta vrbe copias educunt, & ad Niciam amnem retrò ad septimum lapidem castrametantur, adeò ignobili receptu, ut penè tormenta maiora linquerentur. Tum verò mutua gratulatione inter Gallicos exercitus multis tormentorum bombis celebrata. Lotrechius minorum ducum assentatione excellens imperator appellatur. Marcus Antonius Columna qui apud eum erat Gallico stipendio adductus, Parmam intrauit, ad Lescutum eius diei victoriam suo et Lotrechij nomini gratulatum: ipseque Lescutus qui & propria virtute, & aliena etiam ignauia clarus euaserat, ad fratrem euenit. Hec ubi ad Leonem perlata sunt, nihil ipse animo se demittit: omnibus modis grarium replet, ad Heluetios Sedunensem Cardinalem legatum cum pecunia mittit, ut viginti ciues gentis cohortes in agrum Bergomarem deducantur. Perscribitque sua manu literas ad Iulium Medicem Cardinalem, qui Florentiæ ad Reipublicæ gubernacula sedebat, ut in castra peruolaret, duces & milites alloqueretur, cunctos amplissima spe restituta ad aliam belli rationem reuocaret. Eius aduentu quod erat opinione omnium summa auctoritate, ingentemque vim auri secum adducere se rebatur, mirum in modum exercitus iterum ad victoriam est excitatus. Nec multo post relicto Vitellio cum Heluctijs cohortibus, qui cum Alfonso Acetino bellum gereret, ad Padum contendit, exercitusque omnis ad oppidum Casale ponte traducitur. Idem Lotrechius facit, Cremonaque profectus ad motum hostium iter intendit, ne illi celeritate adhibita longius antecedant: superatque fluminibus Olisio atque Abdua, ad urbem Mediolanum ubi intestini essent hostes verterentur. Quum ad Castellum quod Fratrum Curia dicitur, castra ponerentur, inter Italos Hispanosque pedites seditio valde atrox & cruenta, à leui contumeliæ initio repente exorta, vniuersum exercitum in summa cladis discrimen adduxit: nam quum iusto prope prælio certaretur, & iniquiore Italorum fors, qui iam in tabernaculis arma posuerant, & instructis Hispanorum cohortibus occurrebant, in proximo productis copijs Lotrechius confederat, ita vicinus, ut penè castrorum fremitus audiretur. Quum Iulius legatus in sacra purpura prætexta cruce deprecabundus adcurreret, summum vitæ periculum adijt, solenneque votum Deiparæ virgini nuncupauit, si ea seditio non multa cum cæde sedaretur. Assuit voto numen: nam ira militum ex templo repressa est, ipsius maxime Piscarij auctoritate, qui sese inter ancipitia tela medium furentibus Hispanis opposuit: quum vndique pilarum procella cum strage multorum effunderetur, sic, ut nunquam præsentiore animo maioreve periculo vel in maximis prælijs, quibus postea interfuit, se miscuisse testaretur. Perière tamen circiter ducenti, & in his Stephanus Facinius Romanus, & Antonius Martellius nobilis Florentinus. atque inde secundum Olisij ripam promota castra ad Rebeccum, qui est vicus in aduersa amnis ripa positus, contra Ponteuicæ Veneræ ditionis castellum. Videri volebant Veneti eo bello se medios gerere, Alexanderque Donatus Castelli atque alæ equitum præfectus fidem dederat, nihil Veneros in ipsorum ditione Casarianis et Pontificijs esse nocituros. Erant castra tutissimo loco posita, si Venetus in fide data persisteret: quod si hostilia moliretur, nullus ad instruendam aciem locus patebat, qui non Castelli tormentis obiectus, & vndique expositus, vel imperitorum iudicio videretur. Hac re fortè perspecta, dum hostilium

castrorum situm, & idoneum pugnae locum explorarent, Franciscus Maria Feltrius Vrbinas, & Marcus Antonius Columna ad Lotrechium adcurrunt: quanto in discrimine hostes versentur, demonstrant, posse eos facile deleri, si ipse à fronte promotus exercitu, uti praelio certaturus appropinquaret, & hostes in tergo tormentis è Ponteuici arce peterentur: fore etenim ut pedestres, & equestres praeferim copias, priusquam eas coire in ordines & conferere manus possent, foedissimè sterni profligarique summa cum voluptate conspicerent. Tante rei patrandae certa spe concepta, exemplo mittitur à Lotrechio Sardonus Gallus ipsius familiaris, ut locum inspiceret, & si ita videretur, aliquot tormenta traduceret. Aduentu Sardoni cuncta factu facilia offeruntur. Nec mora, dum ille in tanta occasione inani gaudio preoccupatus effusè hostibus excidium minatur, Venetus praefectus datae fidei penitus obliuiscitur, & cuncta Gallorum arbitrio permittit, utpote qui nihil de Caesarianorum clade dubitaret: id vnum rogat, ut non Venetis, sed Gallicis tantum tormentis, & copiis res geratur, ut excusationi locus aliquis relinquatur. At Sardonius more impatiens & Gallica alacritate praepropere, quum rem paratam & exploratam contigere, & occidente iam Sole in crastinum diem differre omnibus artibus deberet, auidi ingenij vim, quin Falconem emitteret, sustinere non potuit. Fortè pila in domum legati Cardinalis adigitur. Eare inopinata terrentur omnes: in consilium exemplo duces coeunt: de Veneto frustra conquerruntur, & silentio summa cum celeritate mutanda castra ad Gablonetam vicum censent. Itaque cunctis ducibus rem administrantibus, impedimenta totius exercitus carris & iumentis imponuntur: egregiaque simulatione Piscarius praefectis cohortium, & centurionibus ad se vocatis, vultu maxime hilari, & veluti magnae alicuius spei longè plenissimo eos cohortatur, ut arma, corpora, animos ad breue iter expediant: quoniam cognitis hostium rebus, ca nocte occasio longè pulcherrima ad patrandum insigne facinus offerretur. Ita de secunda vigilia praemissis impedimentis penè priusquam consilium summa expressum necessitate, militum turbæ nedum hostibus proderetur, sine tumultu ad locum quem statuerant, peruenere. At Lotrechius inalbescente caelo ad conspectum castrorum instructa acie prouectus, hostes è manibus clafpos cognoscit: frustra tantam rei bene gerendae occasionem fuisse corruptam Sardonii temeritate conqueritur: mittit tamen leuis, & grauis armaturae per amplum equitatum duce Lescuto fratre, cum quo M. Antonius Columna, & Bonaualles, & Vandenesius erant, qui nouissimos lassant, iter eorum explorant, & premendo instandoque abeuntes demorentur. Cogebat extremum agmen ipse Piscarius cum delecta sclopettariorum cohorte, non agili equo, sed trigola vectus mula, quisq; vel timidus, quum singulari ducis fiducia exequatum esse periculum videret, summae securitatis alacritate compleretur. Jam aliquot millia passuum erat emensus, adeo composito gradu, ut nihil de instante hoste sollicitus, nequaquam necessitate aut metu, sed certo iudicio perpulchri edendi facinoris castra mouisse videretur. Itaq; conuersus ad Nicolaum Valentiniū, & Volagnem Cantabrum duces sclopettariorum, admirabili virtute homines, vultus, inquit, ut sine nostro periculo, & singulari cum voluptate, Gallorum horum equitum, qui adeo vehementibus equis atque animis nos confectantur audaciam ac insolentiam retundamus: cum illi nihil se magis cupere responde-

responderent, imperat ut delecti circiter centum inter virgulta, & fossas quæ vtrinque militarem castigant viam, ac simul in sacello agresti semidiruto, sese recondant, & cum Galli eo peruenerint, nihil tale dubitantes dispolitis repente sclopettis adoriantur: ad confirmandos verò animos amplissimè pollicetur, se de ipsorum salute singularem habiturum curam, et cum opus foret binas cohortes, & totidem equitum turmas subsidio submissurum. Re constituta ipse ad extremum recedit agmen: nec mora Galli citatis equis adueniunt. Nicolaus & Volagnes hinc atque illinc ex insidijs confurgunt, magno clamore edito pillarum procella in confertos effunditur: Galli pluribus simul viris & equis cadentibus inopinata clade perturbantur, nullusque angusta in via relinquitur ostendendæ virtutis locus: succedunt tamen aliæ atque aliæ turmæ, & a diffusis equitibus prælium miscetur: nec Piscarius suis deest, submittit alam equitum duce Ioanne Medice, ac eius cohortem expeditam, atque ita sclopettarij incolumes magno hostibus illato detrimento recipiuntur. Eares insequendi finem Gallis attulit. Lotrechius sequenti die ad Binam vicum castra in conspectum hostium produxit. Is vicus binis Romanis cladibus Othonis atque Vitellij civili bello insignis, antiquitus Bebriacum fuit. Prosper, Piscarius, & Mantuanus aquisimo in loco confederant, a quationi, & accipiendis com meatibus, opportuno, carris latera munierant, tormenta fronde contexterant, cunctisque rebus aptissimè præparatis, & exploratis hostium consilijs id expectabant, ut Galli ac in primis Heluetij, qui natura concitati, et alacri impetu vehementes esse consueuissent, castris succederent, & temerè ad confendas manus progredirentur. Iam promouerat aciem Lotrechius, haud dubie funesto prælio certaturus, nisi ab Heluetio transfuga Heluetij qui in partibus Gallorum erant, de forma & munitione castrorum certiores facti, Lotrechium ut pugna abstineret, opportunè monuisset. Siquidem nulla vnquam acies vel ducum peritia, vel ardore militum aptius, aut alacrius fuit instructa. Hinc etenim Piscario atque illinc Mantuano & Prospero cohortantibus Hispani atque Itali, qui ab recenti seditione minimè pacatos animos ostendebant, depositis sincera fide odijs, porrectis dextris, & collatis vexillis, pacem fecerant. Eares Germanis qui propter sociorum discordiam victoriæ diffidebant, ita animos adauxit, ut manantibus præ gaudio lachrymis centuriones atque signiferi, & gregatim denique milites omnium nationum ad Iulium legatum adcurrerent, & pia precatione obnixè peterent, ut Pontificia potestate ab omni anteactæ vitæ scelere lustrarentur. Erat enim in sacra purpura, & argenteam crucem hastæ præfixam de more præferebat, concionabundusque cunctos ordines manu dextra cruce sæpius designata solenniter exprobat. Sed nequam procedente Lotrechioreductæ denum legiones: amplius tamen quatuor horis equestri prælio est dimicatum, quo Ioannes Medices excellentis virtutis atque iudicij militaris laudem est consecutus: emissæque sunt aliquot tormenta ab altiore castrorum loco in Gallorum turmas, quorum pilis nonnulli clari equites, & in his Conaues Vasco Lotrechij familiar magister sunt disceptati. Nec multo post ad Ostianum castra reducta, ut Heluetias legiones expectarent, quæ in Bergomatem agrum iam descenderant, pulsoque Pontremio Gallo, & Vgone Pepulo, qui claustra Sebini lacus & montium angustias præsidij tenebant, recta in Mantuanum agrum peruenerant, quum eis

iam sexcenti ferme equites ex Cæsarianis & Pontificijs, Succaro Heduo, & Astore Vicecomite, Marthæoque Beccharia summæ audaciæ ducibus occurrissent. Gens enim militaris & agrestis, quum in hostico magna tormentorum & equitum præsidia postulare, ita varias moræ causas necessebat, ut eos facile appareret cum Pontificijs stipendijs dicatos, tum Gallica largitione demolitos, nequaquam conspecto hoste, nisi eos Cæsariani & Pontificij equites exceperant, domum esse redituros. Tantis in vnum coactis copijs, maiore iterum virium mole ad Ollium reuertuntur. In transitu autem amnis Paulus Luzascus Mediceis equitibus præfectus vir egregie fortis ab ala Veneta ex insidijs est interceptus. Quod ubi dux eius Ioannes didicit, ira & dolore concitatus, nihil moratur, & cum paucis familiaribus, ala confestim subsequi iussa ad abeuntium hostium agmen ingenti cursu peruolat, clamoreque edito penè solus in postremos inuehitur: claua ferrea obuio pertundit sternitque, & torum agmen perturbat. agnoscitur statim ab hostibus ex terribili voce atque equo maxime insigni laciniarumque coloribus: nec territæ ad eius nomen Venetæ turmæ, conspecto præsertim non procul eius vexillo consistere audent, moræque vehementer vrgenti ac acerrimè rem gerenti, suorumque accursu opportunè confirmato terga obuertunt, atque diffugiunt. Itaque paucis interfectis, & multis captis, Luzascus eripitur, duoque turmarum præfecti, & in his Hercules cognomento Poeta cum duobus vexillis, & multis equis in potestatem deveniunt: admirabilique hac re gesta Medices cum insigni omnium gratulatione ostentato passim Luzasco in castra reuertitur. Interea Galli cognito Helvetiorum aduentu, quum eam levis armaturæ manum quæ ad Sebino lacu descendentes exceperat, ex itinere ad Caruagium fudissent, ad Abdum retrocedunt, ut hostes transitu prohibeant: secundum ripam perpetuas extruunt munitiones, & eas idoneis in locis omni genere tormentorum complent, & præsertim contra Ripalam vicum, ubi paucis ante annis Maximilianus Cæsar summa felicitate transierat. Dum pontes parantur, & ab aduersa ripa Lotrechius, ne iungi contabularique nauigia possint, tormentis adactis prohibere contendit, Italice cohortes loco superiore septem millibus passuum à castris pontisque opere distante, noctu piscatorium lintrem nastræ in Brema amne qui in Abdum influit, duce Francisco Morono Insubre viro forti Abdum transire incipiunt, & Vaprio in oppido domum ripæ imminentem penè prius occupant, quàm ab Vgone Pepulo sentiantur, qui cum ala Gallica loci præsidio erat præpositus. Tantis erat militum ardor, ut summo contentionis studio qui nam primi comitantem continuo lintrem conscenderent, inter se decertarent. At Vgo vigilum incuria serò excitatus, tumultuarium in ripa per tenebras certamen cum primis contrahit. Sed quum equites ex alia profuente ripa, pedibus rem gerere cogerentur, essentque animis et numero, ipsoque armorum genere impares facile repellitur: nuncios tamen ad Lotrechium extemplo mittit, rogat ut in summi momenti negotio valida subsidia propere transmittantur. Sed primi nuncij ad cubantem imperatorem, à ianitoribus eius quieti blandientibus non admittuntur. Ita in albescente cælo iam supra quatuordecim Italorum vexilla hostili in ripa cõstiterant. Prosper, quo auctore id facinus tentatum fuerat, continuo transeuntibus celeritatem adhibebat, & alias atque alias copias à castris euocabat: Piscarius autem in opere pontis



pontis cum tota mole exercitus contra Lotrechium versabatur. Re cognita Lotrechius, qui id antea ad sustinendum auerendumque ab hoste tentari crediderat Lescutum fratrem & Vandenesium Paliciæ fratrem cum equitatu pluribusque peditum vexillis, & tormentis Vgoni subsidio mittit. Euolauit impiger Lescutus cum subitario apparatu, ita vt properantia Gallorum agmina à Prospero Iulioque Legato de Italorum salute magnopere sollicitis, ad tormenti factum intercedente Abdua spectantur. Res autem omnium iudicio in vna celeritate posita videbatur: nam si Lescutus paucas & infirmas adhuc cohortes, & in vnus tantum angusti nauigij beneficio, sine spe celeritatis auxilia desperantes opprimeret, nulli dubium erat, quin demum tota ripa transitu hostes esset prohibiturus. Eo animaduerso periculo Piscarius cohortem Hispanorum, & perniciosissimum quæque sclopettarium extra ordinem summittit. Eo etiam proficiscitur Tehenus Grisonorum dux cum duobus vexillis. Porro Lescutus cum tanta summitti auxilia conspiceret, ob id magis sibi festinandum ratus, adeo citato agmine Vaprium contendit, vt tormenta atque item cohortes paucis tantum sclopettarijs in dunes equorum maturandi causa susceptis, omnino relinqueret. Eius aduentu atrox prelium exoritur, primò equestre, ac demum quum equis parum proficerent, res & pedibus a cataphractis geri coepta, qui hoc imperante agenteque Lescuto dimissis equis & decisis ab umbilico sagulis, vt expeditiores essent, sese peditum more conglomerant, multis vtrinque interfectis, Galli latiore vici platea potuerunt, domos audacter oppugnare, & ædificium quo Hispanorum cohors se tenebat iniectis facibus succendunt: cuncta clamoribus & fremitu auxilia implorantium fumo, ignibus & perpetuis sclopettorum bombis complentur. Dimicatur acerrimè tribus amplius horis: quum iam in summo discrimine Itali versarentur, Ioannes Medices ingentis animi iuuenis dolore ne dedecus acciperetur, simul & ferendi auxilij cupiditate vehementer incitatus, quòd aliter non poterat, cum paucis periculoso ausu flumen tranauit, fama que sui, & Italos spe compleuit, & Gallos haud mediocriter conterruit, admirantes & impense dubitantes, ne in tumido amne repertis vadis cum ala integra transiisset: ad extremum crescentibus vndique auxilij Italorum virtute, Hispanorum constantia et Grisonorum impetu Galli area depelluntur, quo in tumultu ipse Tehenus ingenti corpore, oreque hirsuto, & supra thoracem & galeam ferina pelle in horrendum habitum protectus, Lescutum sibi congressum hasta prostermit. Eripitur tamen periculo Lescurus, & a suis seruatur incolumis. Vandenesio pugnanti equus confoditur: cohortes autem Vasconum quæ serius aduenerant cadente Gratiano Luscio, & vulnerato Sardono, qui mox interijt, amissisque duobus vexillis, in fugam vertuntur. Non videtur prætermittendum Aretini militis cui Storcinio cognomen fuit egregium facinus. Is spectatæ proceritatis Gallum, qui in ea dimicatione ingenti gladio quem ambabus manibus regebat Caponium & Serralium Florentinos viros fortes obtruncarat, decoris & vindictæ cupidine accensus petiuit, felicique agilitate, elato in caput scuto succedens, sub inguine incumbentem gladio tranxit, & repetito ictu protinus confecit. Nulquam maiore cum laude pedites ætate nostra militiæ munus impleuere: nemo vnquam Lescuto vel dux vel miles, ardentius aut constanter dimicauit, esseque haud dubiè insigni victoria potius, si tormenta in

itinere minimè reliquisset. At Lotrechius qui in eam vnam, ne Piscarius pontem construeret, curam incubuerat, cognito fratris successu, et abiectis tuendæ ripæ consilijs, Mediolanum vti meritis tueretur retrocessit. Eius aduentu ad terrendos Insulbrum animos Christophorus Pallauicinus summæ nobilitatis & pacati animi Regulus publicè securi percussit, quem antea nequaquam capitalibus, quæ maiestatem respicerent, delatum criminibus, & nihil tale verentem, Lescutus violatis hospitalis mensuriis, direptaq; eius opulentissima domo, apud Buxetum ceperat. Interea Piscarius perfectò ponte copias traduxit. Lenitoque itinere, propter incredibiles conuehendis tormentis viarum difficultates, ad Mediolanum est peruentum, eo ducum consilio, vt si difficilis oppugnatio nequaquam territis Gallis videretur, in laeuam ad Ticinum urbem deflecterent, vt propinqua et copiosa vrbe ad gerendum bellum potirentur. Iam enim eo Marius Montanus Ticinensis episcopus cum ala equitum aduolarat, & singulari Ticinensium studio, vrbe atque arce dudum deserta à Gallis fuerat receptus, At Lotrechius vbi multos ex Helueticis, quibus iam minus fidebat, quod apud hostes maior eius gentis multitudo militaret, passim dilabi, et se peditatu inferiore esse conspexit, vt minore circuitu urbem defenderet, suburbana ædificia ignobili & planè barbaro consilio succendit, Gritto Veneto Legato id maxime comprobante, qui superiore Maximiliani Cæsaris bello, quum Triuultius atque Borbonius copijs Gallicis præessent, opportunè factum fuisse meminerat. Erat res summæ plena crudelitatis lugente populo ea ædificia sponte concremare, quæ pulchritudine insignique frequentia, velingentis vrbis speciem æquarent. A singulis enim fere vrbis portis longè lateque intercedentibus hortorum delicijs exporrectis latericijs propugnaculis, & magnis vndique fossis atque munitionibus cingebantur. Quum a Laudensi via modico flexu ad Ticinensium portæ suburbana exercitus duceretur, ne moque prodiret fumantibus iam rectis, ignotus, nec postea vsquam visus vir agresti vestitu Iulio legato apparuit, nuncians Gallos timore & desperatione præpeditos, iniecisse domibus ignes & fugam parare, intentosque esse ciues vt iniuriam vindicarent, proinde læto animo pergere maturarent, quando omnes indigente cuncta Gallis aduersa, ipsis verò sanquam patriæ liberatoribus, secunda & prospera precarentur. Itaque Prosper & Piscarius, Iuliusque legatus, & Cardinalis Sedunensis Helueticorum adhortator, cæterique duces circumductis in coronam equis coeunt, eiusque sententia sunt omnes, vt quid ad munitiones hostium agatur, per equites exploretur. Premissi equites referunt in itinere neminem occurrisse, seque nemq; admodum, qd pluuium esset cælum, sibi videri hostium stationem. Erat iam serum diei, & lenta in pluuia, lutulentoque maxime itinere, nulla solita alacritas in exercitu cernebatur, qd tormēta impactis ceno currib. egre perducere ad munitiones expugnandas, & nisi expugnassent, sub dio, & palustri in solo frigida, & longissima brumali nocte foret quiescendum. Eo modo lenta spe deliberantibus. Quid opus est verbis? Piscarius inquit: exploratio ego ceruius quid animi & virium in defendenda munitione hostibus superfit, vt in eorum cubilibus omnino pernociemus. Vos date operam, vt Germani quibus tum primum agmen contigerat, perquam maturè subsequantur, Hispani iuxta, Italiq; succedant, Helueticum verò tormentorum custodire relinquuntur: leuis armatura equestris quæ pedites primos subleuet,

leuet, & cuncta exploret, mecum antecedit. Hoc dicto, cum Nicolao Valentino & Volagne desumptis sibi non amplius octuaginta sclopettarijs summe agilitatis atque virtutis, ad munitiones contendit: missum dictu, Hispani per lubricos aggeres in summum munitionis enituntur: sclopettos repente displo dunt, lentamque & raram stationem improviso impetu perturbant: resistunt tamen Heluetij tumultuario accursu, sed minime densatos in aciem Hispani facile propellunt: desilit intra munitionem ipse Piscarius, praelioque miscetur, suaque manu confosso duce Heluetio, cæteris in fugam coniectis, Veneta etiam castra capiuntur. Jam magnus omnis generis militum numerus, audito redditoque clamore sese munitionibus intulerat, Germani ad turrem veteremque imperatoris dicitur subter fornices aquæ ductus, quum Heluetiorum et Gallorum globus ibi aliquândiu impigrè restitisset, multis acceptis vulneribus irruerant. Theodorus Triuultius Venetarum copiarum dux, qui inermis & penulatus, et ut fugam suorum lusteret, mula prouectus adcurrerat, & iam vulnus in latere sustulerat, à Piscario capitur: ipse Gritus è medijs hostibus elapsus, cum ala Epirotarum, Laudem transuersis itinibus profugit. Capitur & in fuga Mercurius, sed mox dimittitur: adeoque res fuit improuisa, ut Veneti quæstores, qui sortè in stipendium pecuniam militi numerabant, aureæ argenteæque monetæ cumulos in mensis, rapientibus Hispanis reliquerint. Nulquam villæ copię fœdiore euentu memoria nostra fuisse profligata. Gallicus interim equitatus magno capto curcui, ad arcem se proripuit, reliqui per mediam urbem quadrato agmine ad aream arcis nihil se ad arma populo commouente, contendere. Parua profectò cædes pro tumultu est edita: cæterum ingens captiuorum & equorum, impedimentorumque præda parua. Jam totus ferme exercitus munitiones erat ingressus, Prosperque secundissimo successu letus, quod suburbanis tectis ad statuenda castra potiretur, contentus esse videbatur, utpote qui ea die, nocte præsertim ingruente, munitiones manu capi posset acita cogitatione desperasset: cum multorum nuncijs affertur, Piscarium Romana porta ingressum, proximam portæ & Triuultianis adibus regionem, cohortium præsidij firmauisse, Gallos effugisse ad arcem, & Mediolanenses expositis vndique luminibus, nihil magis optare quàm ut pacato victor exercitus amicam urbem ingrederetur. Eodem quoque tempore Astor Vicecomes & Pusterlius nonnullique alij exules urbem ingressi, propinquos & Gibellinæ factionis principes excitant, ut portas aperirent, victoresque reciperent. Itaque de secunda vigilia Prosper, Iuliusque legatus, & Mantuanus, Ticinensi portæ succedentes lætissimis Mediolanensium animis recipiuntur, coeuntque omnes in Cribelliana domo, quæ est contra nobile Diocletiani templum à Christianis diuo Laurentio dicatum, summa quidem securitate, sed magno tamen periculo, si Galli de sua tantum salute cogitantes, recognita ad eos comprehendendos facillimo ausu conuolassent. Sed res aduersa sicuti animos caeco metu perterrent, ita consilia vel summæ facilitatis & rationis eripiunt. Venit in eam domum etiam Piscarius, qui cum alios salutaret, Iulij legati dextram exosculans, & per blandè arridens, nonne mihi, inquit, Legate, pro his quæ hodie gessi, aliquando gratiam es relaturus? Id verbum, quæli ipse vnus totam victoriæ laudem vsurparet, Prosperi animum adeo altè pupugit, ut iracundiam vix sustinens, extenta ceruice, ac ore admodum agresti

interrogaret, quidnam id esset quod solus omnino gessisset. Ad id seruida bile concepta Piscarius valde commotus, gladij capulo dextra comprehenso contumaci vultu ironice, nihil se gessisse respondit: haud dubie atrox facinus editurus, nisi iracundia puncto temporis inducta ratione resedisset, & legatus interposita dextra, pacificatoris habitu ambos congesta vtrinque laude pacauisset. Ab ea die nunquam postea inter eos, quanquam militari officio coniunctos, adeo sincera fide amicitia constitit, quin alter alterius gloriæ & dignitati haud obscuris inuidij stimulis obrectaret. Eadem nocte Lotrechius qui nihil earum rerum contempro hoste accidere posse putauerat, & tot magnis circum se ducibus cum Italiscum Gallis salutaria sæpe monentibus, se cuncta res in tuto essent, egregie prouidisse responderat, animo fractus Comum profugit: tanta omnium inuestitia, tantaque itineris atque agminis deformitate, per angustos munitionis exitus educto equitatu, ut per tenebras scedæ fugæ inter simile, nihil etiã persequente hoste videretur. Id ad summam Cæsarianorum victoriam defuit, quod non statim selsi equites, qui perpetuam noctē in equis velut in acie stetissent, ad persequendos Gallos educi potuerit: ea quidem sorte ut tot Gallorum alæ in summum adductæ discrimen, non ducis consilio, sed torpentium hostium socordia seruata viderentur. Nec deerant Galli insignes qui Lotrechium in ea calamitate intemperanter accusarent, quasi nimia superbia in suos, et in Insuores crudelitate cuncta penitus eueruisset. Erant herde in ipso Lotrechio multæ virtutes egregiæ vel antiquorum ducum moribus pares, utpote qui in extrema Aquitania ad Pyrenæos saltus summo loco natus, exultantem illum Gallicæ naturæ vigorem solerti Hispanorum grauitate condiderat: verum ingenio & spiritu adeo erat elatus, vel longo successu aridentis Fortunæ, vel amicorum adulatione, cui magna pars hominum immo modicis capta votis faciliè deseruit, ut in rebellica spretis aliorum consilijs, errare quàm doceri malle censeretur. Cæterum Comi biduo tantum moratus, nec tantus equitatus Lario lacu & perpetuis montibus inclusus, in utili mora, paucis diebus pabuli inopia conficeretur, Heluetijs domum redeuntibus Leucum contendit, quod est oppidum ad exitum Abduæ amnis, vbi lapideo ponte antiqui operis vniuersas copias in Bergomatem agrum Venetæ ditionis in columes traduxit. Comi autem præsidio est relictus cum ala equitum & quatuor pedicem vexillis Vandenesius vir exiguo corpore, sed singulari animi promptitudine inter Gallos admodum illustris. Dum essent in Bergomati Gallorum copię afflicte omnibus malis, & a Fortuna desertæ, Lotrechio oblata est occasio recuperandæ Cremonæ. Nam Cremonenses qui dudum victorie cesserant, quum sibi satis virium ad reprimendas Gallorum eruptiones, quæ ex arce fiebant esse putarent, nulla externæ gentis præsidia recipere voluerant. Ingruente inopinato aduentu Lotrechio, frustra que petitis Placentia Heluetiorum cohortibus, portas aperuerunt, quum paulo ante Varolius & Palaucinus Gibellinæ factionis principes supplicij metu profugissent. Lotrechius opulenta recepta vrbe recreatus, dum Cremonensium leuitatem imperari ingenti pecunia vlciscitur, puncto temporis illudene Fortuna, Parmam amisit. eodem enim ipso die, Federicus Bozulus desperatis rebus cum præsidio vrbe excellerat, relictis ibi Roberto Sanseuerino sororis filio, ut iuuenis Medicæ familie affinitate coniunctus, præclaram deditione vrbis gratiam

siam apud Leonem mereretur. Sed Robertus successu Lotrechij cognito, ancipiti cura anxius, cui nam, Gallone, an Pontifici retenta aut reddita vrbe deferuaret, vehementer hæsitabat. Iam enim Parmenses ad Iulium legatum oratores miserant, et ipse auunculi fidei, veluti deposito accepto, iure quodam illigatus esse videbatur. Euicisset tamen omnem alium pudorem vnus auunculi respectus in eo iuvene, cuius pater & patruus Gallicæ factionis semper extitissent, nisi Vitellius valde timens ne Parmam Galli & Cremona Pado pontei iuncto peruolarent, Placentia celeriter accurrisset. Successere ad portam Alexander Vitellius & Hieronymus Columna promptissimi iuvenes cum singulis equitum vexillis ipso seniore Vitellio ad tertium lapidem cum cataphractorum ala subsequente, ambiguis adhuc portæ custodibus, nec eos tamen admittentibus: sed duces vt oportuit consilio repente capto, duos equites maxime strenuos loris equos trahentes per speciem solæ ferre discalciatiis equis reponendæ, intra portam simulante insinuant: illi repente gladios dstringunt, custodes obruncant, succedunt alij, porta occupatur, inferuntur signa, singulæque demum totius ciuitatis studio pontificis maximi Leonis nomen inclamatur. Dum hæc geruntur, Piscarius ad oppugnandum Comum est profectus: positusque à meridie ad Pentagoniam turrim maioribus tormentis, mœnia præalto intus aggere munita ita attriuit & perrupit, vt effractis silicibus ingens ruina muri corruentis per decliue in defossam ederetur, quæ haud difficilis præberi poterat ascensus: sed fossa quæ intercedebat profundis plena aquis, & tormenta quæ propugnaculo turritæ portæ in dextrum latus emutabantur, milites ne alacriter, & minore cum periculo subirent, magnopere retardabant. Iam enim Nicolaus Valentinus in utilitate fortitudinis sclopettariorum præfectus, et Peralta Centurio tormentis discepti, cum audacius ante mœnia versarentur cum maximo Piscarij dolore perierant. Vandenesius quoque vti erat intrepidus, in summis effracti muri ruinis vinaria vasa plena cespere collocarat, extruebatque aggerem introrsus, vt dispositi in munitione milites ab hostium sclopettarijs tegerentur. Erat ante fossam contra Gallicas munitiones, vbi maxime certabatur, sacra gædes Hospitalis, cuius fastigium Gallorum aggeribus equabatur. Itaque Piscarius sublatis aliquot tegulis, culmen adaperit, & introrsus conscendere sclopettarios iubet: præcipit vt cum signum dederit, procellam pilarum in hostes effundant: imperat etiam tormentorum magistris, vt libratis ictibus munitionis dolia diuerberent. Tum verò dato signo, cuncta, vti in terræ motu accidit, cū fragore concuti, Gallos & Heluetios super fusa pilarū grandine perturbari, multi cadere, alij sauci locū sine pudore deserere. Aderat suis Vandenesius adhortator & propugnator egregius. Hispani tamen fossam minime transcendebant: quamobrem locus ea die haud paruo accepto incommodo, à Gallis præsertim cataphractis est defensio: qui quanto dolij propiores erant, ceu posteriore acie magis detecta, in opere & loci defensione versabantur. Erat adhuc integra spe Vandenesius, cum nauigia à Leuco, vti Lotrechius se transmissurum promiserat, sulfureo pulcre, pilis, tormentis, & milite completa singulis momentis expectaret. Sed Piscarius vbi ea didicit ad uentare, Gusmanum virum fortem & rei naualis non ignarum, cum clascicula Gallicis nauignis obuiam mittit: ita medio Lario in lacu commissa nauali pugna, Galli superantur. Verum Gusmanus iam plane victor, dum in hosti-

lem nauem transcendit, & pede labitur, lacu est submersus. Hac ubi Comi nunciata sunt, Vandenesius consumpto omni puluere, & desperatis auxilijs, Piscario dedit ionem facit, ijs legibus, vt ipse incolumis cum equitatu totoque reliquo p̄sidio, impedimentisq; & vexillis ad Lotrechij castra deducatur, & nulla Comensibus inferatur iniuria. Accipit læto animo conditionē Piscarij, solennes tabulæ conficiuntur: ipse Vandenesius armatus ex muro descendit, & clauēs portarum vr̄bis de manu, spectante exercitu, Piscario tradit. Eo modo compositis rebus, Ioannes Dorbinus castrorum magister perrupti muri custodiæ imponitur, vt Hispanos ab ingressu vr̄bis arceat. Comenses solui meru spectatum in castra exeunt, iurant in verba Piscarij, & foederatorum nomine sacramento adiguntur. Erant denique omnia quod Gallos externos grauesque dominos expulissent, plena gratulationis atque lætitiæ: sed dum Galli collectis sarcinis protectioni sese accingunt, passim totis castris Hispani prædæ audi in coronis & contubernijs seditiosis sermonibus cōqueruntur, quod minimè necessaria & prorsus inutili compositione, Galli & Comenses in dedit ionem essent recepti, qui facilè expugnari, iureque diripi, postquam tot tormentorum ictus expectassent, omnino potuerint: si eo modo bellum geratur, ex victorijs præmia & decus solis ducibus, porro labores & vulnera militibus obuēnire. quod iam superesse oppidum ex hoste, quod virtute expugnent, vt aliquando dītentur, & non speratam modo sed promissam laborum mercedem ferant, si iam ad extremos Italię fines frustra vincendo egestate & fame sēmiuentis in tanta tenuitate stipendiij absque vilo prædæ commodō sit peruentum. Has voces Piscarij & commouentis se multitudinis fremitum auri bus accipiebat, nec credebat tamen, milites tantum scelus aufuros, cum repente arma capiunt eo spectāte, pertransuersum murum qui intercedebat, vsque a deo angustum, vt singuli tantum transierēt, fossam superant, & per ruinas enituntur. Ioannes Dorbinus & Vargas signifer, qui erant cum cohorte in summo muro custodiæ præpositi, non modo reptantes & scandentes non arcent, hastisve retrudunt, sed eos porrectis dextris excipiunt, & alacriter introducunt: ita incredibili celeritate, si loci difficultatem reputemus, Hispani omnes ac demum ipsi Germani in vr̄bem irruperunt. Vr̄bs tota miserabili conditione est direpta: Patrīij plerique ætate prægrandes vt maiore pecunia salutem redimerent, vulnerati, alij occisi. Lucia etiam Capellia nobilis, & forma ætateque florenti matrona sclopetto crudelissimè traiecta est. Non templi maximi Sacrario, quin vasa altaribus dicata raperet: non Vestalium virginum sacris ædibus qui cuncta pollueret Hispanus miles pepercit: tanta auditate vt nunquam impudentius vel atrocius, si violatam fidem publicam spectes, vr̄bs illa direpta fuisset videatur. Vnum Piscarij qui cum Vastio fratris matris irruperat, diligenter cauit, vt Vandenesium & Gallos seruaret inuiolatos, quibus equos, arma, vellem vti potuit, seuera facta conquestione restituit. tanti etenim regis ducem, summeque nobilitatis & excelli animi virum iratum et frementem, cui fidem sefellisse, vel aliena culpa in expiabile sibi dedecus futurum esse intelligebat, omnib; humanitatis officijs lenire conabatur. Sed Vandenesius ubi ad castra Gallica fuit deductus, eam contumeliā iracundo ingenio minimè ferens, per præconem missis & euulgatis epistolis, Piscarium ad singulare certamen prouocauit, tanquam priuatæ publicæque fidei violatorem, quod

rem, quod se & Gallos omnibus vexatos iniurijs sordē violari, & urbem solemnem deditam pactione, non militum sed latronum more impunē diripi permisisset. Enimvero hæc prorsus indigna Piscario censebantur, qui adeo religiose, ut decoris cupidus in prædaro grauitatis & iustitiæ nomine famam quærebat: nam certē hoc admissum scelus, nec vlla doloris testificatione, demum impunitum ingenti eum inuidia onerabat. Hærebam ego eius lateri comes in lulij legati comitatu castra secutus, & in eo lugubri spectaculo, tantaque rerum acerbitate pereuntis patriæ interitum deprecabar, postulando ut ad abolendam ignominiam, saltem in eos militari more animaduertetur, qui vel primi nefario ausu, captis armis ad murum adcurrissent, vel qui in statione positi locum illis scandentibus flagitiosē confociata perfidia prodidissent. Sed Piscarius quod tanta sibi seclerata militum licentia ad grauissimam notam inuidia constaretur, præ dolore se mortem optare, neque tum aliud posse præstare respondebat, quàm ut eos quos indicabam, & ipse propē notauisset, secleris autores ad merita supplicia referuaret. Audiui ego postea Prosperum in corona prædicantem Piscarium famæ suæ iure optimo fuisse consulturum, si totum exercitum, vel saltem stationis cohortem scrua lege decumasset. Sic ut multi postea crediderint, eum præaltis innixum consilijs, in spem ingentis imperij vel iniquē militibus indulxisse, ut singulorum redimeret voluntates, & ob id eos maxime sibi obstrictos, & ad omnia audenda paratos eliceret, uti postea rebus maximis incredibili eorum virtute feliciter gessit, eum non inani iudicio sperasse manifeste apparuit. Dicere etiam sæpius solebat, nihil rjs qui in bello versarentur esse difficilius, quàm Martem simul et Christum pari disciplina coluisse, quando mos bellicus in hac corruptela militiæ, à iustitia & religione penitus auersus esse videretur. Cæterum Vandenesij literis rescripsit, non debere eum dolore animi vehementius quæquam esset incitatum, magis de ipso conqueri quàm de militibus, à quibus inopinata seditione fuerit circumuentus, ne fidem quam sincera voluntate deditis dedisset, exactissime seruaret, quando in ea turbulenta consternatione defectioneque militum, præclaris operibus ostenderit, quantæ sibi curæ esset, ut Galli ante omnia inuiolati seruarentur. Proinde non esse alienum ab humanis casibus quos plerumque vis fatalis importaret, ut rectam conscientiam & egregiam voluntatem exquisiti homines loco veniæ vel excusationis æstimarent, quod verò vllam omnino ab æquitate, uti iracundia præpeditus excusationem recipere noller, neque Fortunæ vim reputaret, quæ cuncta remedia improviso turbine rapuisset, se id certamen quod offerretur, munime detrectare, oblaturumque se prestituto in loco arma & tela cum perfecto bello, in quo ad alienum arbitrium militaret, Cæsaris sacramento et publico munere foret exolutus. Dum hæc Conui sunt, Leo pontifex leui in speciem, sed atroci intus atque pestifero morbo non sine veneni coniectura, paucissimis diebus extinguitur: in cuius morte non modo bonæ artis & literæ, sed copia rerum, & publica salus, et denique læta omnia perierunt. Eo nuncio accepto, Iulius legatus, et cum eo Sedunensis Cardinalis magnis itineribus ad conuitia Romani contendit: Lotharchius vero in spem erigitur belli prosperè renouandi. Veneti quoque rei Gallicæ multo propensius fauent: nec tamen Cæsarianis animus concidit. Parantur vtrinque exercitus. Franciscus Gallorū rex qui Heluetijs mercede conductis



Belgiæ Galliæ fines vastabundus irruperat, nullaque re memorabili gesta, cum Copias Cæsaris ad Valentianum oppidum opprimere potuisset, domum redierat, omnes vires ad Italicum bellum intendebat. Pari quoque Cæsaris studio ex Germania peditum auxilia mittebantur. Interim Lotrechius mortuo Leone pontifice, nec adhuc in locum eius alio successo, Parmam capi posse facile ratus, eò magnam copiarum partem, Federico Bozolo, Marco Antonio Columna, & Bonaualle ducibus transmisit. Li quod in celeritate inopinatioque aduentu summam spem reponebant, nequaquam tormētis adductis, tantummodo scalas tulerunt. ea re cognita Parmenses audacter præconibus Gallis respondent, se vrbem quo ad vires ferrent, Romano futuro Pontifici fidei constantia seruatuos. Itaque tribus in locis diuisis trifariam copiis, Galli vno tempore appositis scalis, murum inuadunt, sed tribus pontificijs cohortibus, administrante & propugnante Salamonio Siculo, & Parmenses alacriter arma capientes, F. Guicciardino vrbis præfide vehementer adhortante, mœnia defenduntur, Galli quæ omnibus in locis vario genere telorum obruti detruduntur: quo accepto detrimento, insequenti nocte Galli discedunt, adeo mœsto trepidantique agmine, vt quum falso rumore exorto Prosper atque Piscarius ad iter concidendum Padum transisse dicerentur, sese in nocturno frigore via maximè lutulenta, obscuroque admodum cælo, omnem facile sordidi metus pudorem exolvente, tremendo errandoque conficerent: quibus malis opportuno inuento M. Antonius, infixis cœno passim per viæ margines cereis luminibus feliciter occurrebat. Tum verò manifeste verum esse apparuit, quod Fabritius Columna militari proloquio dicere solebat, tormenta maiora pro Vrbium & Castellorum hostilium clauibus haberi: nihilque tutum vel egregium militiæ posse geri, nisi vel in paruis expeditionibus ipsa tormenta quæ cuncta protinus aperiant, conuehantur. Nec multo post Renatus Bastardus Sabaudius Francisci regis auunculus cum Palicia & delecta Gallorum iuuentute Heluetiorumque legionibus tribus a Verbano lacu in Italiam descendit. occurrere eis negligenti dissipatoque agmine Mediolanum iter habentibus Cæsariani equites Caltriotto & Castalio ducibus, quos Piscarius exploratum miserat: qui Heluetios improviso adorti, circiter ex his ducentos in Carbonario vico occidere. inde castigata licentia euagandi nequaquam simili temeritate, verum è disciplina consertis ordinib. Modoetiam est peruentum. Ibi Lotrechius cum suo, Venetoque exercitu, superata Abdua cum summa omnium lætitia & gratulatione se coniunxit. Erant enim ij duces et tales tantæque copiæ, tribus in vnum coniunctis exercitib. vt Mediolanum imperij caput, Gallis præsertim arcem tenentib. in discrimine positum esse videret. Neque enim tantulis Cæsarianorum copiis vrbs amplissima facile poterat defendi, nisi è Germania Hieronymus Adurnius, duce Gergio Franispergio incredibili celeritate per niuosas Rhetie & Vulturenæ vallis Alpes quinque millia deætorum peditum adduxisset. Interea Prosper, atque Piscarius de hostium consilio haud ambigua cōiectura iudicantes, nobili inusitatoque opere arcem circumvallare statuerunt, ratione ducta ex Commentarijs C. Cæsaris, qui ad Alexiam binis auersis munitionibus extructis, obfessorum, exteriorumque hostium conatus feliciter elusisset. Nemini enim erat dubium, quin Galli, vt suis oppem ferrent, ad arcem essent instructio exercitu perueniuri, atque ita intromisso

conueatu

commeatu renouatoque præsidio, Cæsarianis non modò deretinenda vrbe, sed de tota victoria foret desperandum. Eo opere nullum vel nostra vel patrum memoria, militiæ maius aut mirabilius fuit. A Vercellensi enim via, inclusis priuatis sacrisque ædibus ad Comensis portæ extrema suburbia binæ perpetuæ munitiones lunato ambitu perductæ, ita vt inter eas singulis conclusas fossis, latissima via relinqueretur, qua equites armatæque acies et tormenta curricula facillè commearent. Vtrinque ad capita munitionis ingentia erant propugnacula, totoque opere alia minora forinsecus eminebant, cum idoneis fenestellis, vt tormentis succedentium latera peterentur. Arx ipsa ab opere distabat stadiorum trium interuallo, sic demum, vt partim à suburbanis tectis, atque his, quos diximus perpetuis aggeribus, partim qua vrbem despectabat, præsepro regionum exitu, vndique conclusa teneretur. Interim Galli duces producto exercitu, in pratis & viridarijs quæ ab arce latè extenduntur, non longè ab hostium munitionibus confederunt, qui in arce erant singulari affectu lætitia & summis turrib. suorum castra despectantes, id vnum, postquam erumpendi facultatem amisissent, intenti expectabant, vt ab ijs magno impetu Cæsarianorum munitiones perrumperentur. gerebatur res omnibus horis nunquam serè cessantibus magnis tormentis, multique interibant, sed plures ex agrestium fossorum quàm militum numero, ipseque Alfonso Vastius penè interijt, quum pilæ ictu defracto quodam pariete cimenti frustulis resiliens, minuta plura vulnere sinistro crure suscepisset. Erat apud Gallos Nauarustus more ingenij sui cuniculos instituerat, quibus in medias hostium munitiones erumperet: cauebantur passim fossæ obliquæ, serratis gyris ad euitanda tormenta concisæ, quibus ad Cæsarianorum opera penetrarent: certabatur etiam quotidie extra ordinem ab equitibus, leuisque armaturæ peditibus apud castra Gallorum. Non videtur prætermittendum Luponi Hispani militis facinus. Is cursu & viribus tantum valebat, vt ariete etiam humeris imposito velocissimi cuiusque cursum adæquaret. Hunc Piscarius quum certiora de hostium consilijs eorumque præsertim operibus cognocere maximè cuperet, præposito præmio impulit, vt ad munitiones Gallorū excurrere, & aliquid ipsius ingenio & solertia dignum referre vellet, quando pernicipitati pedum confusus id tutò aggredi posse videretur: annuit Luponus assumptoque secum fidellæ scopettario pedite, diluculo ad hostium munitiones est profectus, perspectoque situ, semisopitum vigilem corripuit, procerum sanè Gallum, eumque sublato clamore frustrat eluctantem, comite in excitos & persequentes scopettum displodente, ad Piscarium humeris deportauit, vt cuncta sigillatim eo referente proderentur: excepit id facinus cum multo risu vterque exercitus. Verum Piscario haud vanum illius indicium fuit, horaque maximè opportuna, cum delectis cohortibus hostes in opere occupatos est adortus, tanto Hispanorum imperu & perrurbatione Gallorum, vt multus in fossa oppressis, et cæteris qui in imitatione erant cum eade prostigatis, tota Gallica castra ad eum tumultum, vt in subita armorum conclamatione, timore et strepitu complerentur. Biduo post quum Marcus Antonius Columna medius inter Pontremium Gallum & Camillum Triuulthi filium adæquitans circumfusus pluribus Heluetijs ducibus, paulo editiore munitionum in parte versaret, maioris colubrinæ ictu cum Camillo miserabiliter est discerptus. Vir inter Italos, si ingenij

ad omnia grauis & eruditi, & corporis ingentis virilisque maximè oris dotes cum fortunæ donis computentur, militari laude dignissimus. Prosper vti fratris filium & tantæ indolis Romanum ducem decuit, verisimilis luxit lachrymis, ab hostibusq; receptum adhibito funeris honore tumulauit. Ferunt, Prosperum conspecto illo hostium globo armis & cristis maximè conspicuo, ignarum prorsus cui nam exitium pararet, eam colubrinam diu suis libratam manibus, vt emitteretur præcepisse, quo casu, reputatione tam iniquæ sortis iusto grauior moestissimo patruo dolor incidere. Nec multo post, Galli duces nequicquam institutis & perfectis operibus cum munitiones hostium se posse percurrere desperarent, ad Binascum Ticinensi via castra mouerunt, occu-  
patisque propinquis vicis, partem copiarum cum Memorantio & Federico Bozolo trans Ticinum amnem miserunt, vt ad oppugnandam Nouariam debili firmatam præsidio conuolaret. At Mantuanus & Antonius Leua, qui Ticini erant, cognita Gallorum profectione, eis ad Gambalottam vicum productis copijs occurrunt: sed quantū ad tormenti iactum collata signa essent, prælio tamen non decerant. Ita Memorantius suo innixus consilio Nouariam proficiscitur, adductisq; tormentis & signo prælii militibus dato, frustra propugnante & defendente Philippo Torniello, urbem capit & diripit. in ea irruptione Bocalius Gallus dux equitum est interfectus. Interea Franciscus Sfortia qui paternū in regnum reducebat, è Germania Ticinū venit: eum Mediolanenses incredibili cum lætitia cunctantem expectabant, testabanturq; apud Prosperum atq; Piscarium, se nequaq; in posterum tantam vim pecuniarum in stipendium esse collaturos, nisi principem suum Cæsaris & Leonis studio restitutum paternam in sede conspicerent. Deerat enim Cæsarianis pecunia, cum sublato Leone pontifice, & Hadriano qui erat suffectus in extremis Hispaniæ finibus agente, ipsoque Iulio Medice Florentiæ inimicorum armis & domesticis insidijs petito, cuncta propè ad alendos exercitus defecissent. Cupiebat equidem Franciscus Sfortia Mediolanum proficisci, sed alienum videbatur à belli causa salutem in discrimen deuocare, & circumfusus hostes fallere conari, quando aut euolandum cum paucis, aut si cum valido præsidio ire pergeret in itinere nocturno prælio foret dimicandum: augebant has rerum difficultates Germani qui Ticini erant, pecuniam in stipendium vsque adeo æcerbè ac insolenter flagitantes, vt Mantuanus & Leua magnopere timerent, ne turbidi & sæpe venales animi, occulta fortè Gallorum largitione corrupti ad perfidiam verterentur. His rebus Mediolani cognitis, Piscarius Castalium familiarem suum equitum præfectum cum pecunia & mandatis Ticinum mittit. Is euitata militari via haud magno ad læuam capto circuitu, nullo hoste obuio peruenit, prolataque pecunia, & pacatis subinde Germanis Sfortiam alloquitur: docet exploratam esse victoriam, si Mediolanum ire maturaret: si verò inani præpeditus metu diutius cunctaretur, cuncta perdita & conclamata videri: tutissimum esse id iter quo ipse venisset incolumis: Piscarium præmissis vniuerso equitatu cum legionibus constituta nocte se ad primum lapidem egressurum: exeunti, equites qui Ticini essent, & Germanos latera simul & terga clausuros. Dubitantem adhuc Sfortiam & paterni carceris ærumnas, si caperetur, anxio animo reputantem, Hieronymus Adurnius vehementi oratione, qua non modo ignobilem, sed funestam fore mo-  
ram

ram ostendebat, incendit: atque ita Franciscus salutis ac imperij iura superioris commendans, insignem equum conscendit, felicique temeritate noctu confecto itinere, flexuosis tamen tramitibus ad Piscarium peruenit. Tum vero ab armatis legionibus dispolitis certo numerosoque ordine minoribus tormentis, ad lacticæ lignum dux & princeps est salutatus. Is fragor crepitantium tot tormentorum Gallos excitauit, & Venetos qui mutuis criminationibus publicam omnium incuriam frustra prosequentes vniuersi belli facile consiliendi exoptatam totiesque exploratam occasionem amisisse querebantur. At Lorrechius qui in tante rei momento defuerat, ut incuriæ vel imprudentiæ infamiam nobiliore ausu refarciret, ad oppugnandum Ticinum summa celeritate contendit, ratus magnam præsidij partem in comitatu Francisci Sfortiæ Mediolanum tetendisse: nec ob id modicis copijs urbem defendi posse murorum ambitum ingentem, neque nouis operibus ab Antonio Leua satis egregie permunitam. Succedente ad mœnia Lotrechio, atque eam muri partem, quæ a Noua porta ad arcem pertinet, maioribus tormentis quatiente, ipse Federicus Gonzaga Mantuanus princeps iuuenis noui decoris audus nequaquam animo deficit: intorsus munitiones parat, adiuantibus præclare Ticinensibus, strenuè & fortiter repugnando, singularem tuendæ urbis fiduciam suis pariter atque hostibus ostendit. Cæterum per literas orat Prosperum atque Piscarium, ut subsidiarias cohortes properè transmittant, ipsique promotis castris ad ferendum auxilium appropinquent. Id ni fecerint, se nequaquam impetum hostium diu posse sustinere: proinde nisi maturè subueniant, idque protinus se præsturos significent, se non seruum & extremæ necessitatis consilium sibi desumpsurum, ne diu frustra repugnans, in medijs captæ urbis ruinis opprimatur. Erat iam propè omnis spes vndique præcisæ introducendi auxilij: nam Gallica & Veneta castra circa urbem ingenti diffusa latitudine itinera omnia claudebāt. non defuere tamen Prospero & Piscario cohortantibus & præsentī pecunia Centuriones inuitantibus, Italicæ dux & totidem Hispanicæ cohortes, quæ se omnino peruasuras esse profiterentur. Præfecti fuere ante alios insignes Cullius Florentinus & Corberia Hispanus. Si non minore nocturni itineris felicitate quàm animi constantia, deceptis vigilibus per media hostium castra transierunt, cum Galli eos Italica loquētes lingua, Venetos esse putarent, & à Venetis Gallicè respondentes, Vasconum cohortes crederentur. Verum ubi Ticino magis ac magis appropinquarunt, in interiōres vigilum stationes demum incidere: ibi cum ad falsum tesseræ nomen proderentur, cunctis in eos irruentibus, vix præbita est euadendi facultas: tumultu tamen totis castris exorto Galli equites tergis instando nonnullos cædere. Biberactus Lotrechij propinquus, alæque vexillifer seruidiore ingenio iuuenis, dum euadētes intemperantius persequeretur, intra portam quæ Ticino amni coniungitur, signum intulit, atque ibi priusquam nosceretur, est interfectus. Interea Lotrechius non vno in loco mœnia quassabat: Cæsariani nouarum cohortium subsidio adiuti, impigrè resistebant, quotidie equestribus prælijs eruptione facta certabatur. In his longè omnium erat acerrimus Ioannes Medices, qui mortuo Leone liberalius stipendijs inuitatus, ad Gallos transierat. At Mantuanus quanquam egregiè vim hostium sustineret, multarum tamen rerum inopia premebatur, postulabatque frequentius literis à ducibus, ut ad soluendam

oppugnationem Mediolano copias educerent: quod cum in summa pecunie difficultate ægre cunctanterque hieret, dum cætera parantur, Piscarius ad confirmandum Mantuanum cum delectis cohortibus, & expedito equitatu ad Carthusiæ templum usque profectus est. Antecedebat cum ala Castalii, is cum hostibus occurrisset, & primis pulsus ulterius processisset, crescentibus, vndique Gallorum auxilijs interceptur. Tum verò Piscarius quin opem vel cum periculo ferre, minimè dubitauit, ut qui illum magnopere diligebat, atque ita equite simul et pedite ad cursum vehementer incitatis hostes est consecutus. Eius aduentu & conclamatione Piscarij nominis facta Galli perturbantur: Castalius eripitur, commutataque Fortuna, qui alios ceperant, vndique profligati capiuntur. Tantis eius prælii tumultus fuit, ut cum in castris Piscarium adesse nunciaretur, Lotrechius intermissa oppugnatione, & reductis ab opere tormentis, & instructo denique exercitu, tanquam prælio foret dimicandum, in hostes aciem conuerterit. Triduopost Castalius non longè à Binasco tres turmas cataphractorum equitum impedito in loco deprehenas fudit, Galeacijque Sanseuerini, & Theodori Triuultij, item Boccalij Galli vexilla retulit. Non abscedebat tamen incepto Lotrechius, & summa vis, summa cura, quod in oppugnatione opus erat, administrabat. Res erant in magna adductæ discrimen: nam tantum tormentis Galli profecerant, ut iusto certamine indicto, vniuersisq; admissis copijs, perrupta moenia adoriri posse videretur. Nec Mantuano eadem vel sui fiducia, vel auxilij opportunè venturi spes aderat, quanq; cohortium, & equitum præcellenti virtute omnibus in locis feliciter vteretur: quamobrem à ducibus ut maturè opem ferrent, vehementissimè postulabat. Erant enim nonnulli ex numero familiarium, qui periculi metu occupati, ut se Placentiam ponte lapideo cum equitatu proriperet, nullo cum pudore suadebant. Hæc Mediolani singulis prope horis nuntiabantur: in idq; omnium animi erant intenti, ut ad liberandum obsidionem Mantuanum cum omnibus copijs egrederentur. Sed Prospero pro natura sua consideratius & apparatus cuncta agente, Piscarius milites cohortatus primus signa eduxit, & alteris castris ad Carthusiæ templum quadratis agminibus est peruentum. suo quisque præcipuo munere fungebatur. Cataphractis equitibus Prosper, pedestribus copijs ipse Piscarius præerat, leuis armaturæ equitum cura Hieronymo Adurnio demandata. Is ut idoneum castris locum occuparet ad Carthusiæ templum progredi iussus, Gallos & Epirotas equites quos reperit, impigrè præcurrrens fundit, deiectoque hostium præsidio, loco potitur. Prosper atque Piscarius adueniunt, collaudatoque Adurnio, intra septa amplissimi templi castrametantur. Ea re cognita, Lotrechius ne incipiti prælio dimicare cogatur, nota & rectissima ratione ab oppugnatione discedit, nec tamen iniquitate loci deterritus Casarianos adoritur: sed modico viæ flexu ad Landrianum iter intendit, ut Mediolanum veluti præsidio vacuum præcurrat: vel si id facere nequeat, aliqua non iniquo loco dimicandis facultas, mutandis sæpe castris, & faciundis itineribus quaeratur. Verùm Prosper atque Piscarius, quanquam iter magna adhibita celeritate vehementer extendentem, conuersis signis eodem directo regressi itinere, multis horis antecedunt. Ita Lotrechius præoccupandi Mediolani consilio depulsus Modoetiam contendit, multis de causis, & Grito præsertim suadente, ut Transalduanis comitatibus maiore itine-

rum commoditate iuaretur : id etiam Heluetij postulabant domum repetere cupientes, ut pote qui iam improspera militia fessi, nihil ceptis aspirante Fortuna, corporibus pariter atque animis elanguerant, & subinde insolenti atque nefaria voce missionem perebant. Sed Baïtardus atque Palicia & Galeacius Sanseuerinus cohortibus eorum immixti obtestabantur ne se deferere, & in fami discessu certam spem paratæ victoriæ penitus euertere properarent, quando non modò ipsi, verum vxoribus etiam & liberis, Franciscus regum liberrissimus, singulari beneficij gratiam esset relaturus. Erat certè prædarum studium, ac eximia fides in ducibus atque signiferis, sed vulgus militum uti nullis peculiaribus donis obstrictum, flagitiosè admodum nurcabat, ita tamen ut vniuersi si properè ducerentur in aciem, strenuè operam nauaturi viderentur. Cognito hostium consilio Prosper, atque Piscarius nihil ferè Mediolani commorantes copias omnibus rebus instructas educunt, eo animo, ut si detur non iniqua occasio, collatis signis cum hoste configant: ad Bicoecam vicum castra ponunt, loco admodum tuto atque opportuno: nam ad dextram perpetua fossa viæ militaris, ad læuam autem, et in tergo duobus emissarijs anniculis cingebatur: in fronte transuersam habebat viam plaustris contrarijs permeabilem, atq; ita vtrinque depressam, ut agrorum margines ad vmbilicum eminerent. Hac via, quod erat valde caua Piscarius pro fossa est vsus, & ante eam tormenta, & peditatum constituit: in tergo equites cum Prospero tendebant, viam militarem occupauit Franciscus Stortia, qui vrbanas cohortes, & totam Insulbrum nobilitatem, ut prælio interesset, adduxerat. At Heluetij centuriones rei Gallicæ singulari studio addicti, & ante alios Albertus Petra tot bellis dux insignis, qui summam apud legiones obtinebat auctoritatem, vbi renunciatur ab equitibus, Cæsarianos medio inter Mediolanum & Modoetiam itinere castra posuisse, nec eos plus quàm quinque millibus passuum loco plano distare, ad Gallos duces adcurrunt: loquitur Albertus, docet, nullo pacto milites quin domum abeant posse contineri, nisi in aciem educantur, sibi in animo situm esse, ut regi de se benemerito, & Heluetiæ item dignitati satisfaciatur, prælio decertare: neque dubitare de victoriâ, si Galli uti deberent, Heluetios ad hostium tormenta peruadentes alacris animis sequerentur. Si qui essent qui foedè cunctari potius quàm egregiè pugnare vellent, eos nequaquam regi fideles, aut Reipublicæ viles debere existimari. Proinde, se ut fidem & studium erga regem ostendat, vel cum solis Heluetijs aduersus hostes esse profecturum. Is Alberti vigor nequaquam animo Lotrechij fuit ingratus, utpote qui vel dubio euentu, & iniqua loci conditione dimicare, quàm ab Heluetijs deferri malebat. Eius enim erat sententiæ ut eorum impetu, postquam adeo flagrantibus animis prælium deposcerent, protinus esset vitandum, quando neque pedire, neque equite, vel numero videretur inferior. Ducebat etiam tacitus ignominie loco, si tum, uti superiore anno acciderat, nullo iusto contracto certamine, iterum Cisalpina Gallia pelleretur, quando id vnum semper cum Heluetij tum maximè Galli equites ut virtutem ostenderent, frustra multis precibus poposcissent, quod ei ut in aduersis rebus sepe accidit, magnam apud Gallos inuidiam confluisset. At Palicia cum Alberti temeritate atque arrogantia maximè offensus, tum ipsa etiam parum opportuna Lotrechij proclinatione commotus, Heluetiorum quidem studium prolixè laudabat: sed consi-

lium de oppugnandis castris, ut summae infaniz, sunt eque audacie plenum, æquis auribus ferre non poterat, sæpe dictitans, se qui in Italia bellando conseruisset, probè agnoscere, et Piscarij iuuenis vim, qui strenuè pugnare esset solitus, & Prosperi senis artes, qui peritè castrametari cum alieno incommodo, & præcipua sua cum laude didicisset. Non videri sibi rem Gallicam eò desperationis esse perductam, ut tanquam in extrema necessitate configere, & superari malint, quàm cunctando animi impetum optimaratione moderari. Proinde quid tutius, & melius quàm loco medio inter Mediolanum, & castra hostium se insinuare? Ibiq; positis castris, eos vrbe & commeatibus interclusos ad id cogere, ut iniqua conditione dimicent: aut si castra inuadere audeant, aut certè si Mediolanum redire velint, æquo loco pugnandi faciant potestatem. Posse equidem Lotrechium, qui ius imperij habeat, & tum & aliàs cum velit, malè pugnare: cæterum sani imperatoris munus esse, nunquam prouocare hostem, nisi ante explorato euentu non dubiam sibi victoriam firma ratione promiserit. Tum verò Lotrechius non segni, inquit, cunctatione sedendo, sed viuida virtute pugnando opus est, ut amissum decus & imperium omnino recuperetur, quod hercle fieri non potest, si Heluetios iam abeuntes nullo edito virtutis opere domum abire permittimus. Igitur parate arma, ut hodie bellum alterutro pugne exitu finiamus. Ad id Palicia, Dñj, inquit, infans, & audacibus adsint: ego certè, ne periculo defugisse videar, in prima legione pedes pugnabo. Vos Galli equites fortiter operam nauate, ut Fortuna nobis potius in re aspera quàm antimus defuisse videatur. Itaque ante Solis exortum Alberus legiones Heluetias (erant enim circiter quindecim millia hominum) cum tormentis educit, adeo vecordi vel certè fatali superbia inflatus, ut neque Lotrechio neque Paliciæ tantis ducibus vlla in re penitus obtemperaret, sed Barbaro fastu polliceretur se recta fronte in Cæsarianos impetum esse facturum. Nec mora, Lotrechius Nauarro atque Baiardo, qui locum et castra hostium explorarent præmissis, ex omni Gallico equitatu duas acies facit, primam Lescuto fratri attribuit in terga hostium magno circuitu deducendam, ipse cum altera subsequitur. Venetis qui ad læuam erant, fuit iniunctum, ut præcunibus Heluetijs terga omnium ex tuto, aut certè remotiore cum periculo clauderent. Ioannes porro Medices cum equitatu suo, qui erat ex vtraque armatura valde mirificus, expeditisque cohortibus Italicis, quæ nomen eius sequebantur, cuncta agmina præcedere iubetur, ut huc & illuc concursando, hostibus prospectum adimat, & nullum hostium antecursoribus explorandi locum relinquat. Ita legiones abscondente Medici equitatu, nequaquam ab hostibus conspectæ, magnis passibus appropinquant. Primi tamen Lescuti equites à Cæsarianis ad læuam inter arbores micantibus armis conspiciuntur. Sed adeo lato viæ flexu iter habentes, ut castra prætergredi, & Mediolanum petere viderentur. Interea Piscarius quo nemo constantius in repentinis casib. animi iudicium conseruauit: Castalium cum ala præcurrere iubet eo prouecto, cum Mediceis equitibus prælium exoritur, modo ñ, modo illi pelluntur: interueniunt selopetarij extra ordinem, seseque adeo permiscunt, ut neque his de Heluetiorum aduentu, neque illis de situ, atque ordine castrorum quicquam certius cognoscendi vlla facultas daretur. Erant, ut diximus, ante fossam tormenta opportune collocata, peditatus in quatuor acies, æqua tamen fronte ita distributus, ut alternis



vt alternis spacijs Hispani & Germani miscerentur. Præerat Germanis Georgius Franispergus ingenti corporis & virium mole conspicuus: sclopettarij ante hastatorum producti ordines totam in longitudine frontem obtinebant, quibus Piscarius tam nouo & solerti, quam postea felici instituto præcepit, vt non prius ignem sclopettis immitteret, quam Volagnem ad ipsius imperium primo displodentem conspexissent. Primis autem ordinibus imperat, vt cum sclopettos emiserint, statim in Genua se proclinent, ac eos rursus adimpleant vt secundo ordini sine anteriorum periculo protinus displodendi facultas detur. Idem vt faciant secundis imperat, atque item tertijs & quartis, scilicet, vt cum vltimi emiserint, rursus primi & secundi ad emittenda quæ repleuerint, celeriter expediteque consurgant. Atque ita incessanter mirabili repetito ordine veluti perpetua pilarum grandine, vt priusquam manus conferatur, hostiũ legiones consternantur. Non defuit Piscarij consilio euentus: Heluetij namque emissis prius maioribus tormentis cum appropinquarent, incitati vehementi cursu nihil de iniquitate loci suspicantes ad fossam peruenierunt, vbi opportunè a Piscario cuncta quiete simul atque celeriter administrante, emissæ repente sclopettorum procella, adeo fœda strage edita, momento temporis afflicti oppressique sunt, vt non modo signa, sed integræ cohortes vno impetu conciderent: ipse tamen Albertus ante alios intrepidè per aggerem connixus, Franispergum sibi cognitum, & probroso nomine compellatum peti, adactaque in coxam haste cuspidè, illum vehementi ictu fauciat, sed ipse sibi protinus telis vndique petitus opprimitur. Ea quoque audacium manus, quæ insano impetu successerat, à Germanis pariter, & ab Hispanis ex superiore loco ingruentibus facilè conciditur: quo incurfu vulneratur in brachio Alfonso Vastius, qui quum primò cum hastatis humi stratus, præteruolantes pilas euilasset, nò procul à Franispergo in hostes demum erecta acie procurrerat. Cæteri Heluetij per cumulos occisorum, & interpositas hastarum strues, diu confictati terga verrunt. Eodem quoque tempore Lescutus circumducto equitatu in tergo hostes adoritur: superatis duabus fossis castra irrumpit. Ambrosius Landrianus Sfortianæ alæ præfectus funditur, & capitur: tabernacula sternuntur: Antonij Leuæ, & Termini reguli tentoria, vasaque argentea lixis & calonibus cedunt. Fit longè maximus tumultus totis castris: pauor, non modò milites, sed ipsos etiam occupat Duces: recipit tamen celeriter se ipsum ex rei repentini metu Prosper, et equites instructos Adurnio, et Colifano impigre adiuuantibus, adcurrenteque ante alios Antonio Leua, turmatim Gallis opponit. Iam in ponte Lescutus singulari virtute pugnabat, quo si esset potitus haud dubiè ad latissimam Cæsarianorum stragem edendam Gallicus equitatus irrupisset, quum Sfortiani equites à militari via promotis signis prælium exceperunt: adcurrit etiam propere subsidio sclopettariorum Italica cohors, itemque Insubres qui loco tutissimo trans emissarium minora tormenta cantarijs ligneis imposita in transfuersos hostes mittebant, aderat eis assiduus cohortator Franciscus Sfortia: variū et atrox erat prælium, vti in loco non modò fossis, et præaltis riuis, sed tabernaculorum funibus, & multis longurijs ad alligandos equos præfixis, vndique prepedito. Pugnabatur tamen acerrimè in ponte: ibi enim ipse Lescutus phaleris, & plumea crista insignis magna vi percurrere contendebat. Nec decrant æmulatione decoris Memorantius atque Baiar-

dus & Pontiremius Ducum promptissimi: itemque Federicus Bozofus, qui  
 in militem viam penetrarat: sed obstabat Gallorum equitum virtuti loci  
 iniquitas. Nam neque densas turmis perrumpere, neque sese tueri poterant,  
 quum nullum pedestre subsidium adduxissent. Itaque Galli qui in ponte pu-  
 gnabant, pluribus vtrinque in profluentem sorda hominum, & equorum stra-  
 ge præcipitatis deturbantur: confoditur Lescuto equus, & mox quum alium  
 sumpsisset, gladio in os per calsidis buculam coniecto vulneratur. Cadit et Bac-  
 calaurea Brionij signifer: Vgoni Pepulo crus pila traicitur: vexilla Gallica ra-  
 piuntur: sclopettarii qui ultra fossam erant, in latus hostium versi frequentib.  
 sclopettis magnum cataphractis, et eorum præsertim equis inferunt detrimen-  
 tum. Interim deleta primum Heluetiorum acie, è peditatu victoria conclama-  
 tur. Is tantissimus clamor per manus defertur ad postremos: Gallis illico ani-  
 mus concidit, Cæsarianis augetur: explicat se pugna Lescutus, & singulari con-  
 stantia, quanquam multis amisissis equitibus se recepit ad Lotrechium fratrem,  
 qui conspecta Heluetiorum cæde, & fuga, constanter in acie substiterat. At Pi-  
 scarius ubi stratis primis ordinibus perturbatas, & in fugam versas legiones  
 hostium vidit, quantis maximè valuit precibus, & obtestationibus Franis per-  
 gum & Germanos est cohortatus, ut signa protinus inferendo, fusorum terga  
 caderent: de gente Germanico nomini inimicissima vindictam sumerent, et  
 denique absque ullo periculo summa victoria potirentur. Id quum ab eis qui  
 insolenti contumacia dicto audientes esse nolebant, & triplex stipendium in-  
 condito fremitu flagitabant, nequaquam imperaret, ut exemplo accenderen-  
 tur, Hispanorum tres cohortes emisit: ear quod effusa præcurrerent, nec Ger-  
 mani sequerentur, amisso Guinea Centurione propulsunt circumuenta, cum  
 ab Heluetijs, qui tormenta retrahebant, tum à Ioanne Medice, qui ex transuer-  
 so illatus cum peditum atque equitum valida manu, abeuntium Heluetiorum  
 terga protegebat. Cæsariani tamen equites Prospero imperante, et Piscario ut  
 maturarent vultu iracundo flagitante, vestigiis institerunt: atque ita Medice  
 audacter in eos vexilla conuertente, equestri prælio duabus amplius horis de-  
 certatum. Nam & Galli, et Veneti leuis armaturæ equites ad Medicum vexil-  
 lum undique confluebant. Cæterum ab initio prælii stratis Heluetijs, Venetæ  
 copię ferme omnes Theodoro Triuultio Duce, nec tentato quidem certami-  
 ne fereceperunt. In primo congressu, aut postea ex vulneribus circiter tria  
 millia Heluetiorum periire, & in his quatuordecim noti duces, in quibus secun-  
 dum Albertum Petram, Arnoldus Vnderualdius strabo auctoritate & virtu-  
 te animi plurimum eminebat: Gallis vero desiderati sunt Miolantius & Ghi-  
 scia, duoque nobilissimi iuuenes, Monfortius atque Tornonius. Ex Cæsa-  
 rianis autem Petrus Colifanus regulus ex gente Cardonia Piscarii auunculus,  
 qui cum galæ bucculam subduceret, scorpionis sagitta per oculus traiectus  
 interijt: ita ut fatali Cardoniæ familiæ potius, in qua tot Duces Mars immi-  
 tis abstulerat, quam sua peculiari sorte extinctus esse videretur, quando vnus  
 tantum toto exercitu scorpio sit repertus, quo ignobilis eques eam sagittam in  
 certum ad illius egregij viri necem emiseric. At Piscarius quanquam om-  
 nium voce & gratulatione, cum singularis industriæ, tum eximie virtutis par-  
 ta laude fruebatur, vix vllam tamen animo & vultu letitiam præferebat: nam  
 tiendens, et gemens incomparabilis gloriæ victoriam sorda germanorum con-  
 tumacia

tumacia & consternatione, sibi ē manibus ereptam fuisse querebatur. Posteros autem die, quum suis, atque perterritis instandum esse censeret, Gallicæ copię omnes dissoluuntur: Heluetij amissis Ducibus domum continuo per Bergomatem agrum contendunt: ad Tritium Abdua traicitur: Veneti in Brianorum fines recedunt: Lescurus, & Ioannes Medices Cremonam, Bozulus cum reliquo equitatu Laudem Pompeiam proficiunt. Lotrechius, Palicia, & Bastardus trans Alpes in Galliam abeunt, ut coram de statu rerum & de infelicitate eius prælij Franciscum regem doceant. Quibus reb. cognitis, Cesariani Mediolanum reuertuntur. Interea Franciscus Sfortia pecuniam sedulo conquiret adiuuantibus præclare ciuibz: militi stipendia persoluit: plures donatiui nomine vestibus laneis, & sericis liberaliter exornat: atque ita exercitus omnibus rebus instructus, septima die postquam ad Bicoccam tertio Kal. Maias est pugnatum, ad oppugnandam Laudem sub signis educitur. Antecedebat Piscarius more suo cum Hispanis & expedito equitatu. Prosper cum Germanis & graui armatura, maioribusque tormentis sequebatur. Quum præcerent equites, & in portis tumultuarium prælium cierent, Baro Castellarius cohortis præfectus, vir Gallico ingenio, Hispanorum audaciam minime ferens, se quin erumperet, cōtinere non potuit: eum etiam nonnulli equites sequuntur: illico miscetur pugna: superuenit Ioannes Dorbinus cum sclopettarijs: Galli cedunt, ipse Baro tam fortiter repugnans, quam temerē fuerat egressus, vulneratur & capitur: ita Hispani compulsi intra portam Gallis, suburbanis tectis potiuntur. Fit magnus tumultus ad portam, quum quisque meru incitatus, per semiadapertas fores ingredi conaretur. Aduolat eo Piscarius, Baronē vulnus obligantem bono animo esse iubet, quum ridendo percunctaretur, an magnis munitionibus atque præsidijs mœnia firmassent, ab eo cum dolore vulnere, tum eruptionis infelicitate vehementer perturbato didicit, nihil intus ē disciplina fuisse præparatum. Tum verò nihil cunctandum ratus, vndique copias admouet, tumultuosissimo pugnae genere propugnacula murumque subeunt: sclopettarij mœnium coronam defensoribus nudant: scalæ apponuntur: nonnullis intra portam per ruinas interfectis, portulæ fores reuulsis vectibus impelluntur: irrumpunt cohortes, & vrbs vndique capitur. Alfonso Vastius inter primos murum conscendit: tum verò Hispani in forum conglobari peruadunt: vndique Galli capiunt. Bonauelles & Bozulus qui cum mille amplius equitibus eadem hora per aduersam portam aduenerant, inermes & discincti ultra Abduam profugiunt. Eos Castalius in primis & Epirotæ equites duce Constantino effusi ponte ligneo persequuntur. Sed duces ab ignobili habitu facile neglecti, quum ornatiores tantum equites caperentur, Cremonam incolumes sorda fuga perueniunt. Capta sunt quatuor alæ equitum eum vexillis, paucis admodum interfectis, sed magna equorum & armorum præda Hispanis celsit: multi quoque Laudensium qui Gallico nomini impensius fauebant, pecunia sunt mulctati. Eo inconmodo recepto, reliquæ spes omnes Gallis sunt accisæ: nam ætate nostra nunquam simul ex Gallica gente tot equites villo in bello captos fuisse constat. At Prosper qui graui agmine sensum appropinquabat, utpote qui urbem nisi magnis operibus, admotisque tormentis expugnari minimè posse iudicabat, ubi mœnia manu capta, & tot equites oppressos incredibili celeritate virtuteque Piscarij didici, animo

haud mediocriter est commotus vsque adeo aperte, vt publicam lætitiã cœco & ignobili quodam liuore perfunderet, quasi iam Piscarius qui tricesimum annum vix attigisset, ipsius veterani ducis gloriæ maximis operibus æquaretur.

## LIBRI SECVNDI FINIS.

## LIBER TERTIVS.



**A**PTA Laude Pompeia, Piscarius ad Pisleonem est profectus: id erat oppidum Cremonensi via in 'Abduæ ripa positū, nouo præsidio & antiqua munitione firmissimum: eo cum venisset, inspecto situ, & tentatis præsidij viribus, reperiēbat non facile posse capi, nisi magno aduēcto tormentorum apparatu: neque item obtideri nisi longissimo labore: quoniam præfectus trium mensium cibarijs arcem abundē repleuisset. Relinquebatur vt quantis maximē posset artibus & machinationibus hostes terreret, & vineas agendo, & statuendis maioribus tormentis subiecta loco repurgando egregiē simularet, se id oppidum vi capturum, ac protinus euerfurum, nisi priusquam ingentia tormenta conuerterentur, deditionem fecissent. Igitur ad eam consilij speciem vt vndique terrorem incuteret, circuibat oppidum: aditus omnes succedentibus expeditionis scopettarijs pertentabat: iubebatq; eos vt ex protectis locis diligenter obseruarent, si qui inter murorum pinnas versarentur, atque eos destinatis ictibus ferirent. Sed dum ipse medius inter Bustium & Mercadum centuriones ponticulum transiret, suæque prudentiæ & agilitati confisus, vt qui pericula incerti eventus ingenti animo semper contempsisset, pari hostium diligentia penē est intersectus. Tres enim scopettarij defensorum longē peritissimi, ab occulto muri loco intenti obseruabant, an aliqui ex Hispanis apparerent, in quos certis ictibus tormenta minora conijcerent: atque ita accidit, vt cum Bustius & Mercadus extemplo grauiter icti cecidissent: iam tertius in Piscarium sedulo collimans, ignem immitteret, cum repenti Ticinensis centurio cognomento Fraterculus, iniecta manu accensum funiculum auertit, alta voce inelamans, Dii prohibeant, vt hodie ducum fortissimus atque idem militum parens, & qui nos vel hostes alit, nostra sæuitia concidat: quin potius eum seruemus, vt supersit qui bella ex bellis ferat, ne nobis qui stipendia sequimur, segni in pace fame sit pereundum. Erat enim adeo propinquus arci, vt ab toto corporis habitu, & à rutila præsertim barba facili noseretur. Nec multo post hic ipse Centurio cum certam muri partem nequā à præfecto, vt i oporteret, munitam esse quereret, territusq; imminētis periculi denunciatione colloquium postulare: Castalius arcem ingressus, tantum minarū Piscarij nomine simulante effudit, vt præfectus magnopere conterritus, deditionis tabellas oblignarit. Ita oppidum q; neque vi, neq; obsidione nisi admodum diuturna capi posse videbatur, verbis ac vna tantum oppugnantis autoritate hosticiter est ereptum. Nemo enim Piscario omnis generis hominib; vel allicientis sermonum benignitate, vel præsentī atrocium verborum fulgure perterrendis efflu-

rendis efficacior atq; vehementior fuit. Pisleone amisso, Lescutus qui Cremonæ erat, quanquam singulari dolore erat affectus, nihilominus operam assidue dabat, ut moenia munirentur: pecuniam quoque vel summa acerbitate à ciuib; exigebat ut copias aleret, & sese quam diutissime tueretur. Cæterum Piscarius tam læto rerum successu ad summam victoriam vtendum ratus, Cremonæ moenibus copias admouit. Venit & eo Prosper cum reliquis copiis, & magnus rerum omnium apparatus Francisco Sfortia subministrante in castra Mediolano conuehitur. Erumpebat saepe Ioannes Medices, itemq; equites Galli & expedite cohortes, mutuisque acceptis & illatis detrimentis quotidie certabatur. Iam proferri tormenta cœperunt, cum Lescutus suadentibus Gallis de dedenda vrbe cogitauit. Erat enim omnibus rebus impar, & aduersorum successu potius quàm animo fractus, postquam à Fortuna deserebatur, nullum honestiorem afflictis rebus exitum videbat, quàm vt tot viros fortes qui secum toties egregie pugnascent, non iniqua conditione conseruaret. Hæc dum agit, missisque ad Prosperum atque Piscarium nuncijs, se daturum obsides impetratis inducjs pollicetur: eius rei haud vanus rumor ad Ioan. Medicem defertur. Is vt erat ingenio ferox, & plerunq; violentus, eam contumeliam vix ferens, quod non esset in eius rei consilium admissus, adeo ira protinus exarsit, vt palam ferocibus verbis se contemni quereretur, iuraretq; sumpturum sibi consilium, vt iniuriam vindicaret, & stipendia debita militibus suis soluerentur: merebant enim iam tertium mensem sine pecunia cohortes & equites: hoc enim Lescutus vna tantum propinqua spe eius pecunie quæ à Gallia mitteretur, & per amplis item pollicitationibus sustentabat. Itaque milites vbi ducem iratum vident, & clam à Gallis agi de compositione, & se deseri audiunt, cum meritis stipendijs fraudari magnopere timerent, vt consernatis mos est, stipendia turbidis clamoribus editis efflagitant: signa conueliunt, & tormēta quæ in hostes erant conuersa, à moenibus reducunt, tanquam inuasuri Gallos vt hostes, direpturiq; urbem, aut portam quam presidio tenerent, hostibus prodituri. Tumultu exorto, prodit in publicum Lescutus, nec dubitat quin ad seditiosos milites contendat, confusus ingenio Medicis, quem vti facile irasci solitum, ita cito placabilem nouerat, eum comiter appellando, & apprehensa dextra deprecando, lenissimis orabat verbis, vt milites sedaret, sibiq; ignoscere vellet, si quid ipso ignaro cum hostib; tractasset, quando nihil adhuc rebus integris esset confectum. Debere eum qui eo sanguine eaque familia esset genitus, quæ nihil dedecoris admittere consueisset, ante omnia beneuolentissimi regis causam spectare, cuius liberalitate non modo stipendia, sed priuata strenui cuiusque militis merita cumulatè persolui possent, si vel modici temporis expectatione patienter vterentur. Ad ea Medices, se quidem iure iratum esse respondit, sed in honorem regis eam iniuriam facile remittere, modo militibus stipendia soluerentur. Rem enim esse summæ iniquitatis occultis pactionibus bellum finire, vt extemplo dimissi milites debitis stipendijs fraudentur: sibi in animo esse quo ad vita superstit, militum suorum causam tueri: neque eos laceros, egentes, vulneribus debilitatos decipi à quoquam & proijci velle pati: quando in eo verum decus, veramque laudem reponeret, si fortissimos milites suum secutos nomen ab iniuria defendisset. Enimvero se Gallorum morem agnoscere (vt satis esset euulgatum) qui Italos vel fortes & fideles in summa felicitate despiciant, & in dubijs belli

rebus, cum forti eorum opera studioq; egeant, humaniter & liberaliter obferunt: cum verò Fortuna ultimos calamitatis casus attulerit, uti trepidi et sibi-ipsis tantum consulentes, turpissima quedam obliuione destituant. Hec cum tumido ore altius proferret, interuētumultorū ducum, arriudenteq; Lescuto colloquium dirimitur: ad leniendas verò cohortes Lescutus quantum potuit à quæstore pecuniarum sumpsit: itemque aliquot argentea vasa ab amicis mutuo accepta in partem stipendiū Mediceis cohortibus diuisit: atque ita pacatis militibus facile Medices ad officium est reuersus. Sed Lescutus secum ipse reputans quo in periculo versaretur, & cohortes seditiosè semel agitate iterum similia comminari, flagitioseque deficere posse conspiceret, perquam maturè de dedenda vrbe cum hoste transiit, quando desperatis auxilijs in summa rei nummarie difficultate constitutus neque nouas parare copias, neque veteres alere facile posset. Ita datis obsidibus conditionum tabulas obsignat, quo ad è Gallia licetis regijs comprobentur. Nec multo post cuncta rata habuit rex Franciscus, Cremonaque dedita est. Lescutum cum tot Gallorum agmine in Galliam transeuntem, Prosper atque Piscarius summa comitate liberalitatēque Ticini susceperunt, ubi per conuiuia & saltationum ludos apud nobiliores matronas aliquot diebus substitit, atque inde in Galliam ad regem est profectus. Vnus omnium Gallorum Causentius Vasco Leuci oppidi ad Larium Iacum prefectus, cum ex conditionibus id reddere iuberetur, Lescuto non paruī: haud digna tamen visa est causa Cæsarianis eò cum victrices copias conuertendi, quando iam duces post tot partas de hoste victorias, maius atq; præclarius bellum aduersus Ligures vehementibus consilijs atque animis agerent. Cremona in potestatem redacta, exemplo copijs omnibus Padum traductis, bellum aduersus Ligures susceptum. Nam Octavianus Fregosius ex professo Gallicum nomen tuebatur. Is ab initio belli hostis fuerat iudicatus, quoniam superioribus annis inopinata defectione Franciscum regem in Italiam euocasset, quo iniquo vel ingrato consilio sibi quē in primis & patriæ exitiali, inexpressibile odium Cæsaris & Leonis maximè pontificis sibi concitaret. Piscarius quoque qui pulsus Adurnijs Octavianum in patriam reduxerat, & principem constituerat in ciuitate, Hieronymo Adurnio vehementissimè fauebat: is cum in castris aderat, hortabaturque Cæsarianos duces, ut maturè Genuam contenderent, ut oppressis vel electis Fregosijs, nemo demum qui Gallicis paribus studeret, in Italia relinqueretur. Erant enim Genuenses fortij ante alios, Gallo ad reparandum bellum repetendamq; Italiam maximè opportuni, per se etiam pecuniosi, & nauali apparatu adeo potentes, ut Cæsariani minimè dubitarent, Gallorum spes omnes ac spiritus frangi, si omne Ligusticum nomen ab eorum sedere atq; amicitia, aut via aut pactione aliqua discesisset. Itaque Cæsariani Genuam contendunt: Prosper Columna cum quo etiam erat Franciscus Sfortia, ut ad exprimendā deditionem bello suscepto maior autoritas adderet cum Germanis ad eam Portam posuit castra, quæ ad Fritorem amnem ducit: Piscarius & Hieronymus Adurnius cum Hispanis atque Italis per suburbana tecta ad aduersam sancti Thomæ portam mœnibus succedere. Ante omnia Piscarius per præconem edixit, ut Genuensium villis atq; delicijs parceretur, adeo seuera lege, ut Spinofam equitē vilissimæ prædæ intentū, laqueo è fenestra suspenderit. Volabat enim nequaquam exacerbatiscium

clutū animis cuncta experiri, vt sine sanguine et perturbatione ciuitatis Fregosij pellerentur: sicuti antea Adurnios singulari æquitatē animi patria & principatu vtrō excedentes, in altera rerum fortuna pepulisset. Id Hieronymus Adurnius diuini vir ingenij sollicito animo vt feliciter eueniret, optabat potius quam sperabat, nam Octauianum natura constantem & impavidum esse nouerat, & Federicum fratrem Salernitanum antistitem, virili potius quam honesto consilio contemptis belli periculis nunquam passurum arbitrabatur, vt ignobili metu & principatus & patria relinquerentur, nisi prius, cuiusnam hæc futura essent, Marte iudice certaretur. Nec deerant ē Fregosia factione turbidi acerbique homines, qui vt egregium studium erga principem ostentarent, vires hostium inanibus eleuarent verbis, & sese, vxores & liberos pro eius salute ac dignitate, si animum minimē desponderet, deuoturos testarentur. Erant in præsidio circiter quinque millia externorum & maximē Corforum militum præter cohortem prætoriam & ciuium ac montanorum Ligorum turbam, quæ arma alacriter ceperat, quasi veteris gentis consuetudine cū eiectis ac exulib. aduersę factionis, non cum veterano ac externo hoste foret dimicandum. Aderat Andreas Auria vir acutus & egregiē fortis cum classe aliquor magnarum nauium & triremium septem: expectabaturque Nauarrus cum Gallicis rostratis, qui expugnandarum & muniendarum vrbium artificio metuendus euaserat. Quib. de causis nonnulli Fregosiorū clientes sublati animis seruitutem et cachenas ad remos petulante Hispanis atq; Germanis minabantur, eosque talem eius belli exitum infelicitē meritate laturos prædicabant, qualem patrū memoria Galli, & demum Sfortiani sub ipsis Genue moribus pertulissent. Cum is esset ferē tota ciuitate animorum habitus, Piscarius senatum per literas misso caduceatore monuit, vt sicuti superioribus temporibus fecissent, in extremo rerum omnium discrimine sapientes esse vellent: felicitate Cæsaris & virtute inuicti exercitus eas partas esse victorias, quæ documento esse possent sanis hominibus, nihil vltra in exitiali contumacia persistendum. Proinde Gallicum iugum excuterent, quod semel fortiter atque feliciter excussum, Fregosij cum summa accepti beneficii obliuione, in miseris ciuium ceruices iniquissimē repoluissent. Si Fregosij vti antea Adurnij præclara animi moderatione cessissent, principatu vrbeq; cederent, et cum Cæsare sordus percuterent, ipsos suis vfuros legibus in libertateque futuros. Quod si paucorum libidini vel amplitudini seruire vellent, nec vllō periculo perituræ patrię permouerentur, se daturum operam, vt Genueses in sang. peruiciaciæ pœniteret. Similibus quoque literis Hieronymus Adurnius priuatim, & qui ipsius factionis ciues erant in castris, amicos & propinquos admonebant, ne labantem Gallicarum partium fortunam, cæca animorum obstinatione sustentare ac erigere conarentur: vt demum impares viribus, pro aliena salute conciderent: posse Octauianum, vti optimum ciuem deceret, præsentī periculo sese ac patriam eripere, vt alio demum tempore melioreque fortuna commutatis rebus redeundo incolumi patria potiretur. Verū fatali quodam morbo adeo potentium aures erant obstructæ, vt qui in consilio vigeant, & diram patriæ calamitatem haud vanis coniecturis ominabantur, liberē sententias dicere non auderent, mittuntur nihilo minus in speciem legati, ipsius tamen Fregosij familiares, vt interposita pacis mentione apparatus expugnandæ



urbis aliqua ex parte retardarent. Sed Piscarius cognitis eorum consilijs, adeo intentus & omnis periculi oblitus collocandis tormentis idoneum locum quærebatur, ut se bis in vallem demitteret, quæ pro fossa muro iungebatur, & telis tormentisque hostium erat subiecta. Ab hac valle quum per accliuem & præruptum locum euadendo, scuto gladioque contentus eniteretur, ita in eum muri defensores accensis subito minoribus tormentis grandinis modo pillarum procellam effuderunt, ut centuriones duos ex paucissimis quos secum ad duxerat, lethali ter vulnerarent. Eo modo cum summa animi ac vultus securitate sese recipientem præfecti cohortium & centuriones circumfisteret atque suppliciter orare cœperunt, ut quæ militum munia potius quam ducum essent, militi relinquere vellet, nec se conijcere in id discrimen, quod non modo ipsius sed totius exercitus salutem respiceret, quando ipso perunte constaret, & præsentis atque præteritis victorias omnino perituras: ad quos sublando risu conuersus, quasi eorum ignauiam notaret, qui timore id munus defugissent: An vos, inquit, in urbem crastinæ die perualetis, nisi quæ vsui esse possunt, meis oculis explorem? agite igitur fortiter, & nostris humeris in hunc collem maiora tormenta comportemus, postquam inaccessa rupes in accliu bouum vel equorum iuga non admittit. Tum verò tanta alacritate milites ipso adnitente cohortanteque tormenta sustulerunt, ut in aduersum montem momento temporis euolasse viderentur: ea in loco edito, qui Faba Græca dicitur, ab occidente sunt constituta, contra portulam Petræ munitæ cognomine nuncupatam, quæ ab angulo propugnaculi ex muro prominentis in proximos hortos perducit. Dum hæc parantur, Gallicæ trirèmes in portum ab alto Nauarrum intulerunt, cum exiguo tamen præsidio, cuius aduentu Recasentius Cæsarianæ classis præfectus tam cautus quam imbellis, qui tormentarias pilas sulfureumque puluerem a Delphini portu comportare debuerat, in eo portu timore occupatus sese concludit. Quæ res magnum attulisset incommodum, nisi Piscarius ea omnia sarcinarijs fumentis per asperos & concisis callibus vndique præruptos montes summa celeritate contra omnes naturæ iniquitates comportanda præcepisset, egregio studio et singulari diligentia et tum et aliis semper vsus Othoni Flisci viri sacri et Sinibaldi fratris, qui Fregosiorum hostes erant & magnis opib. impigre Cæsarianos adiuuabant. Cum omnia ad expugnandam urbem abunde essent præparata, Octavianus legatos emisit, ne in tanto rerum omnium discrimine à pacis conditionibus abhorretere, et ciuium salutem omnino negligere viderent: ceterum vii ferunt, per occultam syngrapham Paulum Bulgarum delegatis alterum monuerat, ut egregia simulatione rem extraheret, nec pacis tabulis à collega Thoma Cataneo, si forte cum hoste de conditionibus conueniret, subscribi pateretur, ut ea mora ac interpellatione munitiones introrsus adaugeri atque erigi possent, quas Nauarrus animaduerso periculo, propere perficiendas esse curauerat. Hæc omnia eodè pertinere Piscarius intelligebat, ut simulatione pacis interposita, in muro ad defensionem maiora præsidia pararentur: prædicabatq; se male opinari de ingenio Octauiani, qui tanquam Philosophiæ præceptis imbutus, vir egregie moderatus existimari vellet, nec tamen insana libidine ullam omnino curam remitteret, ut dominatum quo nihil in tota rerum fortuna esset dulcius, cum alieno periculo tueretur. propterea Piscarius abiecta omni spe compositionis vi agendum ac omnino

omnino maturandum esse iudicabat, ut illius perniciem alienam prorsus ab eo discrimine, quod immineret, & veterem ingrati perfidiosiq; animi noxam comprobante fortuna, vindicaret. Verum Hieronymi precibus ab instituta oppugnatione tardabatur. ille enim de patrie salute sollicitus alias atque alias moras supplex cum lachrymis impetrabat, ut eo temporis spacio exirent legati, & novæ conditiones de pace referrentur. Sed Piscarius quum legatos semper inanibus verbis illudentes non ad se, sed ad Prosperum contendisse, veluti ad æquisimum & maximum ducem audiret, iusto contumeliæ dolore exacerbatus, ex templo prælii signum proposuit, quanquam fama esset, legatos è portu ad Piscariana castra circumuehi cupiuisse, sed mari tum maxime commoto ac procelloso navigationem tentare nequiuisse, atque ita ad Prosperum nihil ab ea parte oppugnantem esse profectos. Igitur Corberiae viro peracuto tormentorum cura demandata, cæteris vero præfectis atque centurionibus opportuno in loco constitutis, ipse è monte digressus, ad eam quam diximus portulam contendit, eamque pice tædaque oblitam proprijs manibus ex aperto periculosoque loco coniectis facibus succendit: versabatur angustissimo in calle inter mœnia hortorumque macerias, ita ut ex transverso è superioribus propugnaculis et in tergo, frequentibus sclopettorum pilis summo cum discrimine peteretur, multique circa eum viri fortes conciderent, & ab ea parte qua tormentis quasi murus cœperat, conscendentium cohortium latera minore colubrina ferirentur: cuius vno ictu Hieronymus Segouia & Marra Salernitanus clari centuriones miserè discepti perijissent. Quarerum iniquitate plerique permoti, duce Ioanne Dorbino, qui inter præfectos summam apud omnes auctoritatem obtinebat, ad Piscarium adeurrerunt, suppliciter deprecando ne diutius eo in loco moraretur, sed sese sensim subduceret, imperandoque potius quam præliando, & suum ex tutiore loco impletet munus, & milites singulis cohortibus officia præscribendo ad subeundum hortaretur. Tum verò ille oculis igneis atque minacibus conuersus, aut hic, inquit, egregiè cadendum est, aut omnino per hanc portulam ad victoriam irrumpendum: quando in receptu dedecoris ac ignominie pleno nulla salus ostenditur. Ad id Ioannem Dorbinum ferunt, qui Hispanorum ducum longè fortissimus omnibus in prælijs extitisset, recessisse paululum, & trans maceriam sese tuto in loco à tormentis protexisse, neque prius quam vrbe vndique capta prodijisse. Iam fores adeò vehementem flammam conceperant, ut militaribus securibus & gladijs concrematae tabulae ad magnum hiatum facile foderentur. erat is locus, ut diximus, perangustus, ita ut multis cadentibus ipsa cadavera calcarentur. Nam in tergo ab his propugnaculis quæ in superiore mœnium parte in acclives erecta colles defensoribus erat plena, & introrsus per portulam quam duæ prætoriae cohortes defendebant, Hispani, Italique milites densati in vnum portæ vestibulum, insigne detrimentum accipiebant, quum Piscarius Corberiam monuit, ut tormenta librari, & cum signum ipse dedisset, emitti supra mœnia iuberet, ut Genuensium ordines in ipso prælii committendi momento turbarentur, aliudque item tormentorum ex obliquo introrsus in portulam dirigeret, ac simul in inferiore propugnaculo, quod est haud multo spacio supra sancti Thomæ portam, defensores duobus falconibus crebrò peterentur, ne ea colubrina nisi cum exitio vti possent, qua duos, uti diximus,

carius in prætorium ascendit, Octavianumque Fregosium pedibus ægrum in cubiculo rerum euentum expectantem comprehendit: Federicus eius fraudem ter trirèmes elapsus est: sed portum tenentibus Hispanis, & Trierarchis fuga & tumultu suorum præpeditis ægreque sese explicantibus, dum exceptus scapha prosiliret ad puppim, in mare procidit: sed eo periculo quod natum nesciret ita eripitur, ut multa ore hausta marina aqua pedibus suspensus, ut humorem euomeret, diu in trirème pependit. Petrus verò Nauarrus dum scapham in portu quæreret, ab Hispanis capitur, deductusque ad Piscarium, propter veterem toties spectatam virtutis gloriam, singulari humanitate nequaquam ut hostis excipitur. Eodem tempore à Bisamnis porta Prosper et Franciscus Sfortia introducti, Germanorum cohortes intulerant, omniaque plena erant scæminarum ciulatu, & horribili strepitu militum effringentium fores, et domos opulentas truculento impetu immanique auaritia diripientium: & erant qui omnia præda, in oblatas fœminas sæua libidine grassarentur. Sed Piscarius in equum sublatus fœminarum pudorem atroci, sed præclarè admodum facto peregre defendit. quum enim vir Genuensis aspectu nobilis ab ipso transiente tanquam à milite insigni auxilium postularet, quod uxori à duobus Hispanis inter lachrymas vis inferretur, ex templo ad eum solus ingressus, alterum paxis crinibus matronam atrectantem gladio transfixit: alteri verò per scalas euadere conanti immani ictu tempora discidit. His interfectis & in publicum è fenestra præcipitatis, & præcone circumemisso, nemo demum vllam ingenuam violauit. Opportunè quoque eius adcursum orante obtestantemque Hieronymo Adurnio, Crater ille ex ingenti ac admirabili smaragdo, qui in sacrario templi maximi custoditur, depullis inde militibus est conseruatus. Sed biduo opulentissima ciuitas auaritiæ militum cecidit: eo minore tamen incommodo, quod Adurnius antea cum ab ipso maxime Piscario & Prospero, tum à singulis quoque centurionibus impetrarat, ut nemo ciuis captiuus foret subiret, nec se pretiore dimere cogeretur: & templa, totiusque vrbs negociatorum mercimonia, quæ in publicis vectigalium essent officinis, inuiolata seruariantur, ciues itaque in vniuersum domorum suarum suppellectilem à militibus uti quisque limen occuparet, certa pecunia redemerunt: excruciat tamen nonnulli barbara crudelitate aliquotq; patritij senes ab Hispanis interfecti, & in his Andreas Cicerius, Thomas Palauicinus, & Antonius Grimaldus: Brachium quoque sclopetti glande traiectum est Augustino Iustiano Antistiti Nebiensi, varix doctrinæ laude clarissimo: inde edictum est, ut nemo in alienam domum per vim irrumperet: qui dicto audiens non fuisset, laqueo puniretur: atque ita his, qui auidius prædæ hæserant supplicio protinus affectis, prædantium feritas est repressa. sed singularem afflictæ ac planè ruentis vrbi opem attulit, ne funditus euerteretur, haud ex toto inanis fama de aduentu Gallorum, qui transisse Alpes, etiam prope adesse nunciabantur: quem rumorem Hieronymus excitat, ut miseris ciuibz celerrimè parceretur: & cum Piscarius, & Prosper, & Franciscus Sfortia simulato metu vehementer augebant. His artibus quarto die exercitus cum pretiosiore tantum præda cohortante cogenteque Piscario, vrbe est eductus: quod prope difficilior fuit, si quis licentiam ac auaritiā in victoria militarem estimare velit, quam vrbe cepisse. Tanta enim in Piscario authoritas eminebat, quam sibi fœueritate, so-

lertia, & vna præsertim quæ præclare militum animos ducit, rerum gestarum  
 felicitate paruera, vt nemo parere eius imperijs, vel oblata præda recusaret.  
 Nauarrus demum iussu Cæsaris Neapoli in carcerem est coniectus: Fregosium  
 in Aenariam Piscarius misit: vbi quum de redemptione summaque pecuniæ  
 repræsentandæ contentiosius ageretur, primò emissus, sed mox ab Auerfa vr  
 be in Aenariam retractus, peracribile corpus podagra tabefactum occupante,  
 haud quaquam senex interijt. Vir profecto præcellenti liberoque ingenio,  
 ac inter eius ætatis viros insignes maximè laudando, si nunquam desertis vete  
 ribus amicis & focijs, vt sibi ac Italiæ exitium pararet, ad Gallos adeo propere  
 defecisset. At Genue constitutis magistratibus, lectoque senatu, Aontoniorus  
 Adurnius Hieronymi frater, vir ingenio parum illustri, corporeq; podagris,  
 et intempestiuis voluptatibus eneruato, quod esset ætate maior, Dux creatur:  
 ita tamen vt Hieronymus, qui arcem summa cum laude tormentis expugna  
 rat, animi sui magnitudine virtuteque fraternam dignitatem sustinere videretur.  
 Eo modo Genua cum tota Liguria in Adurniorum fidem sub nomine Cæ  
 saris redacta, Piscarius ad Subalpina oppida, quæ ad Cœtiæ Alpes Padum  
 que pertinent, exercitum duxit, vt Gallis si fortè proximis Alpibus transire vel  
 lent, quàm maximum ex propinquo timorem incuteret: ac simul in aliena in  
 certe fidei regione, milites paratis oppidatim rerum omnium copijs aleretur.  
 Quum esset Cariniano in oppido seueritatem exercui non modò sibi ac exer  
 citui vtilem, sed postea ad exemplum ceteris ducibus profuturam. Erat in exer  
 citu onusto præda, & propterea scortis & laxis vnde quaque plenissimo, equo  
 rum incredibilis numerus, & iumentorum, quæ diram vastitatem afferebant  
 agris & oppidis, & ignauum nimioque luxu diffluentem militem reddebant,  
 tanta licentia corruptelaque, vt penè totus exercitus in agmine equestris esse  
 censeretur. Quibus de causis permotus, per præcones edixit, vt singulæ cohors  
 quaternos tantum equos alerent, pro præfecto, signiferoque duos, ceteros  
 pro ægris, qui tamen à medicis inspecti equos per syngrapham gemma Ducis  
 obsignatam, ad iter impetrarent. Id quum totis castris pronuntiaretur, Vega  
 Bæthicus insolentia militari ore sermoneque turbido in corona militum penè  
 concionari cœpit, professus, si sibi animo iudicioque similes reperiret, se datu  
 rum operam, vt milites ea syngrapha non egerent: qui tot bellis atque victo  
 rijs effuso sanguine debilitati, non equis modò, sed curribus vehi, virtutis ho  
 nore mererentur. Id quum rescuisset Piscarius, qui seditiosos milites, etiam  
 vel læuissimæ consternationis authores, supra omne criminofum nomen ve  
 hementer oderat, initiaque semper seditionis fortiter opprimenda esse, inter  
 præcipua disciplinæ præcepta didicerat, ad proximum oppidum ipse antece  
 dens castra mutauit: quum itaque armatus exercitus constitisset in foro expe  
 ctans, vt à magistro castrorum singulis centurijs contubernia præberentur, i  
 pse ante prætoriam domum perblando vultu mollique sermone, ve iram bi  
 duo antè conceptam dissimularet, præfectos appellans, Ioannem imprimis  
 Dorbinum, Salsedumque & Corberiam interrogauit, an Vega ille, qui petu  
 lantibus verbis cohortes ad seditionem penè concitasset, videretur esse casti  
 gandus. Nec mora, si pari consensu poenam illum iure mereri fatentur, sed dif  
 ferendam in aliud tempus censent, q; veteranum insignem improbis a cauda  
 cibus maximè charum, et centurionum propè omnium familiarem, spectante  
 armatoq;

armatoque exercitu comprehendere nequaquam opporueret, ne perturbatis omnibus tumultus oriretur. Hæc quanquam verisimilia viderentur, in consilio tamen persequeratur, ut maiestatis ac imperij nomen nulli esse obnoxium periculo, & seditiosis etiam terribile prorsus ostenderet. Igitur Vegam ad se vocari imperat, aduentantem cum globo militum, quibus siquid durius accideret, salutem suam commendarat, percunctatur, an in corona seditiose perorasset: inanique verborum circuitu sese excusantem, dato liciori signo, transfodi iubet: ipse eodem momento in alios gladios distringit, tanto impetu eos adortus, ut non modo Vegæ satellites cæsi fugatique sint, verum vniuersæ cohortes incredibili metu percussæ, celeri silentique agmine toto excedentes foro, ad hospitia nondum designata defugerint. Id factum sicuti plerisque inopinatum, vehemens, & maximè seuerum apparuit: ita Piscario auctoritatem mirum in modum accumulauit, quum eum milites vti in ipsa seueritate iustissimum extra odij nomen omnino metuerent, & contra vti facile sine contemptione plurimum adamarent, quum in summa etiam benigni & elementis animi tranquillitate grauissimus haberetur. Tantis reb. gestis Piscarius, quum in ore omnium præclara nominis fama frueretur, & aliqua spectatæ virtutis præmia tacitus expectaret, comperit Vincentium Cossam Prosperi familiarem castrorumque magistrum, ex Hispania codicillos in amplissimis membranis retulisse, quib. Prosper cum summarum gestarum commendatione Imperator à Cæsare fuerat appellatus. Ea res animum eius ab recenti præsertim gloria ad honores amplissimos anhelantem vehementer perculit, et iusta quadam ira succendit: sperabat enim sicuti pari semper potestate, diuisum ex quo imperium in castris exercuisset, ut nunquam sibi Prosper anteferreretur: quando suis, & peditum præsertim spectatis operibus strenuè pugnando parandoque insignes victorias, non æquare modo eum auctoritate, & florenti laude, sed illo inuicti & pugnacis animi vigore plurimum anteire videretur: propterea existimabat obrectatorum verbis ac literis, rerum ab se gestarum famam malignè eleuari ac imminui apud Cæsarem: qui vti planè iuuenis, neque vllis adhuc interfuisset bellis, neque vnquam Italiam vidisset: in qua propter varias, & inexplicabiles principum voluntates, & factiones ciuitatum, non modo magnis opibus, sed summis etiam artibus, ciuilibus, & militaris prudentiæ, singularique animi magnitudine fuerat bellandum. Quibus de rebus in Hispaniam proficisci, & Cæsarem coram adite constituit. Itaque accitis ad se cohortium omnium præfectis atque signiferis, qui iam diffusi per Galliam Cisalpinam in hyberna concesserant, docuit quàm sibi necesse foret ad retinendam dignitatem, vel brumali tempestate in Hispaniam ad Cæsarem nauigare: rogat vtrè absente, vti Cæsari iuberet, Prospero pareant, neque obpriuatam contumeliam reipublicæ desint. Nec multo post ab Genua confenso nauigio Tarracoram aduehitur, & in vltiorem Hispaniam ad Valleoletum vbi tum subsederat Cæsar contendit. exceptus est tanto Cæsaris, & procerum omnium studio, ut quum ad euitandam inuidiam, ne officij causa prodeuntes molestè distineret, noctu esset ingressus, singuli totius aulæ reguli ad eum salutandum eadem nocte innumerabilibus accensis funalibus conuolarint. Cæsar lætissimo vultu eum suscepit, & quod paucissimis ante concesserat, honoris causa, propter se pari in sella assidere iussit: nec multo post consumpris mollioribus colloquijs, in-

gressus in grauissimos sermones Cæsar, præoccupata excusatione Piscarij obsecrauit, vt æquo animo ferret, q̃ primus in exercitu locus Prospero fuisset attributus. Quando id ætati & pristinæ nobilissimi viri dignitati, veteribusq; meritis potius, quàm nouis rebus gestis omnino tribuisset: satis sibi ac omnibus prospectum esse, eas, quas Dii immortales dedissent victorias, magna ex parte manu atque virtute Piscarij esse comparatas: diuisaq; gloria vtrunq; largè atq; feliciter potiri. Ipsum hercle esse iuuenem, & Columniæ familiæ affinitate coniunctum, & ob id à Prospero filijum vocari, proinde non esse ducendum ignominie loco, si iuuenis exacte ætatis sen, & parenti filius, primum honoris locum concederet: non enim defuturam occasionem, vs̃ summa dignitate honestaretur, postquam eos splendore testata virtutis ante alios duces omnes eluceret. Piscarius ad ea respondit se nequaquā inuideri honori Prosperi, sicuti ille crescenti virtuti suę semper inuideri, non libenter tamen se facere honoris existimationisq; iacturam, pro qua vel extrema quæq; forti animo ferre decreuisset, verum sibi manifestè celsisse dedecori, q̃ ei, qui semper ipsi in imperio fuisset exequatus, tum demum tot editis veræ virtutis operib; parere cogere-  
retur: proinde se æquo iure postulare vacationem honoris & præfecturæ totius peditatus quam obtineret, quandiu Prosper esset imperator: paratum tñ se, quom opus foret, priuati militis nomine, fortissimam operam præstare, vt alienæ ambitioni potius celsisse, quàm voluntati ac officio militari defuisse videatur. Mansit demum in Hispania aliquandiu Cæsari maximè carus, singulari verò in honore ab omnib; regulis habitus: nam regio sumptu atque apparatus epulante, et nihil vnq̃ nisi cum illustri grauitate et liberalitate incredibili, cum priuatis tum publicis in reb; admittentem, certatim Hispani et Belgæ studiosè colabant. Discedenti verò id Cēsar indulsit, vt vacatione vteretur: ita tñ, vti periculū vrgeret vltro extraordinaria cōditione militaret. Concessit quoque vt Alfonso Vastius patruelis in hereditatis oppidorū ipsi succederet, quādo nulla ex vxore Victoria proles susciperetur, ipsumq; Vastium Cēsar alē cataphractorum equitum, quē M. Serdanijs fuerat, præfecit. profecutus est etiam abeuntem decē millium aureorum donatiuo, quanq̃ Hispania atq; id totum iter ei amplius viginti millib; stetit. Piscario felici nauigatione Neapolim reuerso, Franciscus Rex Galliæ renouato vetere equitatu, Heluetijsq; et Germanis mercede conductis, habitisq; tota Gallia peditum delectib; ingētes copias comparauit, vt adulta ætate, succis statim frumentis in Italiam transiret, ratus ducib; suis, aut peritiam aut fortunam omnino defuisse, cum ipse vel solo regno nomine summas opes, summamq; autoritatem eo bello ad non dubiam victoriam esset allaturus. Seditum à proposito corptoque itinere inopinata defectio Caroli Borbonij deterruit: de quo homine qui Gallia ac Italia dirus & funestus exitit, opere pretium est, vtriusq; aliqua referamus. Is erat Gallia regulorū opulentissimus, sanguine coniunctus regiæ domui, Magisterque equitum à Francisco fuerat appellatus: qui honos sicuti militiæ in Gallia summus habebatur, ita illum vti nimis suspecteq; potentis formidandum, tacita lege superiores reges aboluerant. Fuit ei pater Gilbertus Mompenserius, qui Gallo- rum imperator victus ab Aragonijs, apud Baias interijt. Duxerat vxorem ex sorore Caroli Regis genitam vnde ei dotali nomine Borbonij principatus accesserat: ea morte sublata, et ob id cum socru contracta simultate, ad Heleono-  
ram Cæ-

ram Cæsaris fororem oculos adiecit. Interim Ludouica Francisci Regis mater, q̄ ex eadem Borbonia domo maternum genus duceret, non ambiguo iure ea oppida quib. Carolus Borbonius hæreditate creuisset, contestata lite repetebat. Tum verò Borbonius tantam iniuriam deprecari, obsecrari Franciscum vt matrem oppidorum suorum iniqua cupiditate deslagrantem compesceret, quando sibi nihil magis esset absurdum, q̄ in iudicii cum ambiciosa, & longè potentissima muliere, arque eadem Regis matre ad non dubium litis euentum colluctari. Rex cum vt bono animo esset hortabatur, nec de summa eius litis omnino dubitaret: in eo perseuerabat, vt controuersia senatus iudicio finiretur, ne maternū animum vlla prorsus offensione perstringeret: quandoquidem inchoata iudicia quæ libera & incorrupta esse vellet, impedire nefas arbi traretur. Cæterum si oppida matri essent adiudicata ingenti liberalitate se ostensurum pollicebat, quantum virtuti ipsius ac dignitati egregia animi propensione tribueret: veluti qui eadem aut certè multo opulentiora oppida post dijudicatam atq; æstimatam litem, benigna compensatione esset redditurus. Sed Borbonij animo semel alienato, & cuncta æquo grauius æstimanti alia contumelia accessit: nam ea die qua in finib. Nerviorum ad Valeutianum oppidum Francisco regi cum exiguis Cæsaris copijs ad certissimam spem victoriæ fuit consilgendū, primæ aciei cura quæ magistro equitum debebatur, Alanco nio regis fororis marito fuerat attributa: quod adeo iniquo animo Borbonius tulit, vt iam instructa acie, & conspectis hostib. non modo copias suas Scaldā amnem, ponte quo rex antecesserat, non traduceret, sed etiam malignè cunctā do Ludouicum Normaniæ Seneschalcum cum ala nobilium equitum impigrè transeuntem in ripa suo importuno consilio retentare conaretur: octo enim millia peditum & per amplam equitum manū ex Aruernis & Bois clientibus suis armauerat: quibus coactis virib. elatior factus minimè despicendus videri posset: nec id eo moderari linguam sciret, q̄ insanus & imbellis in honorem formiæ sibi præferretur. Nec desuere demum amici & clientes, magnaq; pars equitum insignium singulari studio eius nomini dedica, qui sponte commotum & fluctuantem, turbidis sermonib. exagitarent. Erant hercè in Borbonio multæ præclare virtutes supra regij sanguinis nobilitatem, & decora militiæ, perennis nec astuta liberalitas, militaris vigor, et vultus blanda grauitate ad alliciendos homines accommodatus. Cæterum ingenium eius repentinū nulla stabili ratione vel disciplina confirmatum magnopere perturbabat animus immodicus, inter varias spes semper anceps, & nouæ gloriæ appetens, vel si ea turpi facinore pararetur. Ob id in omni consilio gestuosus & præceps euaserat: & quod insanix proximum fuit, in tota domesticæ disciplinæ ratione atq; ordine vsque adeo intempestius et dissipatus, vt emulatione regij splendoris propter inconditos sumptus multo ære alieno premeret. Quibus moribus facile fiebat, vt primam secundū Regem in regno Galliæ fortunam fastideret, aut certè contemneret: modo vel leues iniurias etiam cum turpi labe nominis vlciſci videretur. Itaq; nefario suscepto consilio, cum paucis, & ijs quidem leuissimis hominibus coniurat. Cæsari & Henrico Britannix regi pollicetur, se Gallie regnum cum Franciscus alpes transierit, excitatis ad arma clientibus adiuantibusque Regulis qui vnā conspirassent, protinus inuasurum. Erat hoc factum quæq; difficile, quoniam Franciscus nihil de fide subdubitans, eum Gallix præ-



sidio cum regia potestate relinquebat. Sed cum esset in itinere Franciscus, indicante Argutio quodam ex coniuratis, insidiæ deteguntur. Constat enim, Hadrianum Beurenium Belgam mercatoris habitu per Sequanorum fines in Auernos ad Borbonium penetrasse, initisque consilijs Heleonoram Cæsaris sororem, quæ Emanuelis Lusitanæ Regis vxor fuerat, in matrimonium despondisse. Ad eum quoque à Britannia missus ab Henrico Rege Rosellus Anglus agrestihabitu venerat, qui initæ coniurationis pacta sanciret. Nec mora, Franciscus magnis vndique contractis præsidijs, ad Molinum quod erat Borbonij oppidum summæ amœnitatis ad Elauerim amnem contendit. Eum ex egritudine animi, corporis morbis factitio pallore simulantem alloquitur: docet quibus de causis nihil temerè de ipsius fide sit suspicandum, quando eius dignitatem longa beneuolentia & sanguinis necessitudine confirmatam, omnibus vel certissimis indiçijs præferret: nec in animo inducere posset in homine longè nobilissimo, in Gallia secundum se faciliè primo, summis honoribus prædito, fortunis atque stipendijs cumulatè adaucto, perfidiæ scelus & proditoris nomē posse reperiri. quod si eum existimaret tam nefario scelere contaminatum, non dubitaturū quin protinus in eius caput more maiorum animaduertet. Tum verò Borbonius perfidiæ conscientia commotus, voce tremula Regiam manum sæpe exosculans apprehendit: supplex orat, vt nihil temerè de sua fide iudicet, quando obiretatorum malignitate esset circumuentus. Agit demum gratias Dijs immortalibus, quod talem sibi regem dederint, qui vel in magnis de salute suspicionibus, nihil de naturæ suæ lenitate penitus remittat: parceret tum sibi si maiestatem regij nominis asperioribus aliquando sermonibus offendisset: se enim in officio et fide perpetuo mansurum, neque Regiæ humanitatis & elementariæ magnitudinem vilo vnquam tempore memoria delecturum. Discedens ambiguo vultu Franciscus imperat, vt se in Italiam euntem subsequatur: sed Borbonius aliquandiu simulato morbo, & mora itidem interiecta, noctu profugit, auijsque tramiibus calonis habitu, comite Pomperano, cui vitam antea seruauerat, in Sequanos & Cæsaris fines peruenit: atque inde in Italiam est profectus. Igitur Franciscus in Gallia sibi permendum existimans, ne se absente, aut nouæ, aut non adhuc planè detectæ coniurationes erumperent, opportunè substituit: nam nonnulli illustres conscij, socijque Borboniani sceleris prodebantur, & ante alios Vraldus Heduarum episcopus, et Pictauius à Sancto Valerio oppidi Regulus, qui nobilium regiæ custodiæ equitum alam ductabat: & Hemarus Prius vetus equitum præfectus, qui comprehensi sunt, quum minores Lorfinius, Aleria, Piscinus, Pelusius, & Moita Anoiensis varijs itineribus Borbonium secuti feliciter effugissent. Guliermum Gofferrum cognomento Boniuertum subtili ingenio, summa facundia, pacis & belli artibus abundè instructum in Italiam mittit: eum à præfecturæ maritimæ nomine quam obtinebat, Ammirantem vocabant. Fuere in eius exercitu triginta millia peditum, equitatus ingens, magnusque tormentorum numerus. Enimvero Veneti totius Italiæ præcibus expugnati à Gallorum amicitia discesserant, inierantque socius cum Cæsare, quo Cisalpinam Galliam ab iniuria Gallorum defendere tenebantur. Siquidem Iulius Medices qui Florentinorum rem publicam regebat, ipseque Hadrianus pontifex firmissimo studio Cæsari fauebant: Federicumque Gonzagam prin-

cipem Mantuanum pontificijs & Florentinis copijs præfecerant. Videbaturque omnibus defesse tot bellis Italiæ pax reddi, si Francisco Sfortia Mediolani constituto, Galli qui toties bellum intulissent, ab Italia penitus arcerentur. At Boniuettus ab Alpibus descendens, adeo graui celerique impetu Nouariensium fines inuasit, vt tormenta nauibus imposita, quæ Sfortiani ex arce Nouariæ detraxerant, ab antecursoribus raperentur, & Galli ponte, ratibus, pluribusque simul vadis ænnem transirent, pellerentque Germanos ac Hispanos qui aduersam ripam perpetua custodia se tueri posse crediderant. Prospero enim graui atque mortifero concepto morbo, lectica vectus, eo usque castra promouerat, ita vt mox consilio locoque depulsus dum signa conuertit, tardeque gestatur, instantibus Gallis, haud medio crepericulum subiret. Constat Ioannem Medicem qui lulij cardinalis precibus expugnatus ad Sfortianos superiore anno redierat, cum duabus tantum alis equitum prima Gallorum agmina sustinuisse, pugnandoque incredibili virtute, & vehementi impetu sæpe hac & illac intercurrendo, spacium Prospero pedestribusque copijs quos se recipere summa cum laude præbuisse. Prospero in ira urbem Mediolanum coniecto, eoque magis munitionibus mœnia præcingente, Boniuettus ad Ticinensem, & Romanam portam castra promouit. Interim & eo sorte die, quo Galli Ticinum traiecerant, Hadrianus pontifex moritur. Grata eius mors Boniuetto extitit, quoniam suum authoritatis socius & fautor amplissimus Cæsari morte subtractus esse videbatur, iamque ipse Prosper adeo pertinaci valetudine vexatus extabescebat, vt iudicio sensusque deficeret, et per Terminum regulum et Alarconem bellum administrare cogerc. Cardinales quoque in factiones diuisi, cum Iulium Medicem qui candidatus ante alios illustris pontificatum petebat, tanquam Cæsariani repudiarent, seditiosè comitia in multos dies extrahebant. Cunctabanturque subinde Veneti, neque auxilia suppeditabant, quum expectaretur cui nam Cæsarianæ, an Gallicæ factionis Cardinali Pontificatus fortuna deferretur. Quibus de causis, Carolus Lanioius Belga, qui erat Neapoli prorex cum reliquo omni exercitu Mediolanum euocat. Is Piscarium obsecrat, vt secum proficisci velit, causaque Cæsaris, contumeliarum & contentionum omnium obliuiscendum putet: cum ipso iura imperij se liberali animo diuisurum, effectu rumque apud Cæsarem, vt perquam maturè nouis honoribus, potiretur. Piscarius qui nequaquam alienum ab ipsius existimatione fore iudicabat, si Proregi parceret, facile Lanio id obnixè petenti atque imperanti est obsecutus, ob id maxime quod Didacus Figarola ab Hispania missus, id vtfaceret, nomine Cæsaris postulabat. Sed nihil animo belli & gloriæ maxime cupido grauius accidere poterat, quam si id bellum tantis vndique opibus excitatum, ociosius in segni militiæ vacatione despectaret. Rebat etiam virtuti suæ militarique prudentiæ consiliis cum imperito externoque homine se non modo conforsem imperij, sed rerum bellicarum consiliorumque omnium moderatorum futurum: Prosperoque demum quem sensim ex morbo deficere didicerat, cum vita excelsisset, militari arrepto imperio succellurum, quando sibi omnino is honos cum suo opte merito, tum iudicio Cæsaris Lanioique præsentis grauissimo suffragio deberetur. Interea Boniuettus qui Mediolani obsidebat, diuiso exercitu Baiardum & Bozolū ad oppugnandam Cremonam misit. Li quā arcem introrsus circumuallatū fuisse reperisset, maiora tormenta mœnibus ad mouerunt ab ea parte que arcis turribus erat subiecta. Sed Cremonenses administrante et repugnante Salamonio Siculo, qui Parmā superiore

anno defenderat, subitariam munitionem contra arcem nocturnis operibus  
 extruxerunt, tanta altitudine, ut facile tormenta Gallica vitarentur. Iutromise  
 rat alam equitum & cohortes Mantuanus, duce Ludouico Firmano, quibus  
 auxilijs confirmati adeo profecerunt, ut Galli desperata priusq̃ tentata oppu  
 gnatione discesserint. Iam Boniuettus circiter duos menses in obsidione lutu  
 lentissimis in locis hæserat, sicq̃ omnia frustra tentauerat, ut iam planè spe con  
 cepta decideret. nam is erat amplissimè vrbis circuitus, ut non facile vno atq̃  
 altero exercitu posset obsideri. Nec intra urbem mirificus deerat equitatus, qui  
 sæpius diuersis portis erumperet, frumentatores exciperet, & latè ad recipien  
 dos commeatus itinera tueretur: vnusq̃ ante alios opera Ioan. Medicis emi  
 nebat, qui sæpe Gallorum alas frumentatorib. presidio longius à castris proue  
 ctas ex insidijs fuderat. Hispani quoq̃ pedites, quib. tum Piscarij loco præerat  
 Alarco, sæpe inter diu noctuq̃ Gallorum castra inuadebant. Adulta demū hye  
 me, supra assiduos imbres cornosaq̃ itinera, tanta vis densissimæ niuis castra  
 operuit, ut non modò iumenta, sed homines sordæ illi uide deformati frigore &  
 rerū omnium inopia conficerent. Quibus de causis adductus Boniuettus silen  
 tio castris egressus ab obsidione discessit, tanta festinatione, ut tabernacula, &  
 magna pars castrensis apparatus egriq̃ multi calones & pedites in lubricis vijs  
 linquerentur. Summotis hostib. Prosper Columna vti supremo affectus gau  
 dio migravit è vita, vir ab innata cunctatione firmitateq̃ iudicij, et perpetua  
 semper autoritate grauissimi ducis nomen assecutus: eo autem q̃ terræ Patriæ  
 fuisset amantissimus celeberrimis exequijs, & multis Insubrū lachrymis fune  
 rato, Carolus Lanoius atq̃ Piscarius, qui expirantē nec adeuntes hebetatis sen  
 sibus agnoscentem viderant: exercitiū accipiunt: de bello gerendo in consilijs  
 deliberatur. Veneti etiam qui cunctatius Cæsarianos adiuuabant, Franciscum  
 Feltrium Vrbinate cum iusto exercitu, ut Gallos bello persequatur, in Me  
 diolanensem agrum mittunt. Hisdem enim dieb. Iulius Medicus Clementis Se  
 primi nomine assumpto, Pontifex fuerat creatus, qui Cæsari magnopere faue  
 bat; neq̃ tum à scelerare, quod Hadrianus inierat multis de causis discedendū ar  
 bitratur. Omnib. igitur aduersus Gallos intētis, Piscarius non multos dies  
 per brumale frigus in rerum ac tempestatū obseruatione versatus, memorabi  
 le facinus aggreditur. Erat in Rebecca Vico iuxta emissarium ex Ticino amne  
 Baiardus inter Gallos duces pugnacissimus cum equitibus vtriusq̃ armaturæ  
 circiter mille, et trib. peditum vexillis, quatuor serè miliariū interuallo à ma  
 iorib. disiunctus castris: nā Boniuettus Abiato in oppido confederat. Qua fre  
 tus propinquitate castrorū Baiardus per se vir impiger et elatus, validoq̃ inni  
 xus presidio, ut plerunq̃ strenuus accidit, negligētius excubabat. Hunc cum op  
 primere statuisset, tria millia Hispanorū delecta Mediolano de prima vigilia e  
 ducit: ijs imperat, ut tunicas linteas thoracib. superinduant, ut eo cādore per te  
 nebras ab hostib. dignoscantur. Ioan. Madicem virtuti hominis cōfusus ad iun  
 git. Porro Carolum Lanoium monet, ut instructa acie cū reliquis copijs ad sex  
 tum vsque lapidē diluculo subsequat, ut si Boniuettus Baiardo auxiliū ferre ve  
 lit, Hispanis ad integrā aciem detur receptus, et iusto demū prelio cum summa  
 spe victoriæ dimicet. Itaque Piscarius noctu cōfecto itinere, paulo ante lucem  
 Rebecca peruenit, Ioan. Medicem cū equitatu vias egressusq̃ omnes ita obli  
 dere iubet, ut silētio equites ad Abiatū excurrāt, ne Boniuettus, si quid fortasse  
 senserit,

senferit, ad ferendam opem Improvisus adueniat. Ipse ante alios scuto gladio, que contentus stationem adoritur: Galli semisomnes arma capiunt: ad portam tumultuarie munitionis Egidius Cortonenfis cum vexillo Corforum impigrè resistit. Sed dum frænantur equi, dum è stratis tuba excitasse equites cōficiunt, et in omnes vici partes discurrunt, irumpente Piscario, Egidius interficitur: cæduntur Corfi: Galli inermes scæda fuga vndiq; dilabentes capiunt, Balardus vti erat discinctus relictis signis militariis. euasit, reliqui ferme omnes equites, aut in vico capti sunt, aut in Medices turmas dum profugerent, inciderunt. Nunq̃ tantum equitum ex alis veteranis minore contentione vel cæde villo in bello ætate nostra fuit oppressum. Tantare sine suorum vulnere patrata, Piscarius ingenti captiuorū agmine perducto, Mediolanum triumphantis similis est inuectus. Per eos quoq; dies Ioan. Medices circiter trecentos Heluetios, cum vina cadis exportarent, in villa deprehensos, & nequiq̃ salutem deprecites, quoniam treis insignes ipsius equites interfecissent, seruidiore occupatus ira trucidauit. Oppugnata est etiam infelici euentu, magna cum impensa & cæde multorum, & inter ceteros Pomerio tormentorū præfecti Aro-na oppidū, quod est ad angustias Verbanilacus: quum eo missus esset Rentius Ceres, & contra à Michaele Corfo impigrè defendere. Quibus acceptis detrimentis Boniuettus noua auxilia, vt bellū maiore vi renouaret à Francisco postulat. Iamq; aliq; atque aliq; cum Heluetiorum tum Rhetorum legiones in Italiam regia pecunia conductæ ab Eporedia, atq; item à Sebino lacu descende bant, quum Cæsariani subdente Piscario Ticinum amnem transire statuerunt. Disserebat enim in consilio Piscarius, cunctis adscitis ducibus, eam esse expeditam atq; rectissimam conficiendi bellirationem, quando hostis tota tritus in commodis, spe atq; animo debilitatus, aut prælio confligere, aut omni exutus dignitate relictis impedimentis sese ad Alpes recipere cogere. Quod si Abi-ato in oppido operiri auxilia vellet, ipsos traducto exercitu, Nouariam atq; Vigelebanum, et amissa quæq; oppida recuperaturos: neq; debere existimari Gal- lis adeo scædè repulsis tantum animi superesse, vt Cæsarianis Ticinum trans- euntibus, Mediolanum, vti præsidio nudatum regredi velint. Quid enim stultius aut miserius illis futurum, q̃ procius premi in tergis & demum intercipi si ad portas populosisimæ ac insensissimæ vrbis redirent. Erant in consilio duo Caroli Laniois atq; Borbonius, ad quos imperij summa respiciebat. Sed Francisco Felerio Vrbinati Venetorum duci, propter eximiam rei bellicę peritiam singularis consilij, exactęque prudentiæ authoritas inerat. Is quum Piscarij sententiam omni cum verborum honore laudasset, Mediolani relictis præsidio ad Ticinum amnem est peruentum, loco quinque millibus passuum a Gallorum ponte distante, firmissimis nauibus biduo pontem efficiunt: eius capita lunatis prælo aggere propugnaculis cingunt, præsidioq; militum & tormentis dispositis egregie communiunt. Id vbi Boniuettus certius cognoscit, Abi-atum & ipse cohortium quatuor præsidio firmat, transgressusq; amnem in Nouariensem agrum copias reducit: eomneatus in munitiora oppida conuehi iubet: eaque præsidij impostis egregie communit, omnique ratione bellum extrahere, & Heluetiorum auxilia expectare constituit. Enimvero fama erat, Heluetios vt propinquis & ciuibus suis, quos difficili implicitos bello audiebant, opẽ celeriter afferreret, magnis itineribus, aduentare: quib. receptis auxilijs,

Galli prælio demum confligere minimè dubitarent. At Cæsariani ubi sese in hostilem agrum effudere, contraria ratione bellum gerere coeperunt, equestribus etiam prælijs sæpe lacessendo, auertendo commeatus, infesta populatione longè lateque euagando magna detrimenta Gallis inferebant. Accidit enim vt Piscarius turmas duas cataphractorū equitum, fortissima Ioannis Medicis Paulic; Luzaschi opera vsus, mirabili arte compulsas iniquum in locum funderet, & ex his supra quadraginta nobiles equites caperet. Nec multo post ea oppida quæ Gallorum præsidijs tenebantur, diuisis copijs sunt adorti. Piscarius Viglebanum manu cepit. quo oppido antea in præmium virtutis à Francisco Sfortia fuerat donatus. Sartiranam quoque Ioannes Dorbinus expugnauit. Garlasum verò profunda fossa & valido præcinctum muro Corsorum cohortibus, duce Baptista Leca inter Corsos nobili regulo, Hieronymoque Marthæo Romano egregiè se tuentibus, quod maioris molis erat ipse Feltrius cum Veneto exercitu sumpsit oppugnandum. Accessit et in partem laboris & laudis Ioannes Medices, summaque vi & tormentis oppugnatum est, & singulari militum audacia captum, maiore tamen cum laude Veneti ducis, quam læticia. Nam ibi supra ducentos milites, & in his aliquot nobiles, qui equis descenderant, amisit. Quum enim Feltrius concionabundus vnumquemque nominatim, vt strenuè subiret propositis præmijs accenderet, cunctis certatim adnitentibus, postremæ cohortes adeo primos ordines in tergo irrumpendi studio premebant, vt proprios qui in fronte erant, desperato receptu, vehementer impulsis & præcipitati in fossas inæqualibus & profundis gurgitibus mergerentur. In his fuere Scipio Pallaucinus, Balthasar Signorellus à Perusia, & Hieronymus Angelius à Parauio alæ Medicæ vexillifer: & qui Feltrianis cohortibus præerant Carolus Eugubius, & Sebastus à Narnia honoribus militiæ insignes. Eares Gallorum animos contudit: nam neque circumfessis oppugnatisque ab hoste præsidijs suis opem ferre, nisi (operaretur maxime de uitandum) prælio decertarent, neque tot amissis oppidis re frumentaria, quæ indies erat angustior, satis abundare poterant, vt tantam alerent multitudinem, quæ vel tum erat in castris, vel Alpibus statim aduentura nunciaretur. Igitur Boniuettus iam planè non modò viribus, sed Fortuna etiam inferior Nouariam se recepit, vt milites vrbani copijs recrearet, donec Heluetiæ legiones aduenterent. Nam vulgus militum calones lixasque præsertim morbus adeo feus, & pestilentiæ similis, à corporum illuuiæ contagiosus inuaserat, vt nihil iam duces solitiæ alacritatis in milite conspicerent. Publicæ quoque & priuata pecuniæ magna erat inopia: deerant commeatus, & vt sæpe accidit, dum Fortuna belli vertit ir, Quæstorum etiam studia refrixerant, quorum fideli fortisque opera Galli ab initio lætis belli successibus vtebantur. Gallis intra Nouariæ moenia compulsis, Piscarius cum esset in concilio, tenemus inquit duces, vt sæpe eis euenit, in cæuea Gallos, sed nobis marurè cauendum est, ne protinus euolent: quod certè ab his commodè fieri non poterit, si inter Nouariam et Vercellas positis castris, fugienti hosti frontem, et terga Alpibus obuertamus. Nec mora, omnium suffragijs probato consilio, Piscarius ad Arcum Marianum medio inter duas vrbes itinere contendit. Is est locus in lata planitiæ C. Marij victoriæ de Cimbris parta, seruat adhuc vetusto nomine insignis: ita ex opportuo loco quicquid frumenti & reliqui

commeatus

commeatus ad subleuandam inopiam ex agro Vercellensi importari poterat, perpetuis equitum stationibus obfessis vijs est interceptum. Interea Heluetij auxiliares ab Alpibus delapsi trans Sesithem amnem in Gatinarum vico condescenderunt, eo tamen consilio, ut amnem nequaquam transirent, utpote qui suos tantum ciues excipere, et toto eius belli periculo liberare vellent: neque sibi tutum fore putarent, ad Boniuettum proficisci, sine equitatu & sine maioribus tormentis. Quibus de causis postulabant, ut Boniuettus propius accederet. quod si faceret, tum demum coniunctis copijs, omnes in vnum de belli ratione consulturos. Galli auxiliorum aduentu cognito, qui iam inopia commeatus, & plane vulgatis morbis pestilentiali laborabant, eundem ad Heluctios censent. parer Boniuettus necessitati, quæ mortalibus leges imponit: quantis tamen potest ingenij artibus, consilium & tempus profectionis regit, ne in itinere præoccupante hoste, sibi sit necesse iniquissimo tempore dimicare. Nam recentes Gallorum equitum alas, quæ duce Rotelino nobili Regulo per Alpes iam ad Sebusium oppidum peruenerant, expectandas esse censebat. Sperabatque simul Rentium Ceritem, quem ad Grifonos cum pecunia miserat, eius gentis auxilia per Bergomatem agrum Laudem pompeiam esse perducturum: coniunctisque viribus cum Federico Bozolo, Mediolanensibus terrorem adeolatum incussurum, ut Cæsariani à tergo imperij caput respicere, & Sfortiæ opem ferre cogerentur. Sed tarditate equitum Alpinam glaciem, & præaltas niues ægre superantium, & Grifonorum longiore mora, factum est, ut Boniuettus sua defectus spe, secus ac putarat, hostium celeritate vinceretur. Itaque præmissa impedimentorum parte, diuersis Subalpinis itineribus, noctu silentio egreditur, ut Romagnanum pergat, quod est oppidum in citeriori Sesithis amnis ripa contra Gatinarum, ubi pontem faciendum curauerat, quo Heluetij maturè reciperentur, aut si id ab his minime impetraret, ad eos ipse continuo traiceret. Vix dum egressis Gallis, primus omnium Piscarius per speculatorem, quem diu in hostium castris aluerat, de eorum profectione cognoscit. Duces statim in consilium aduocantur: docet eos, tametsi hostes abeant urbemque deferant, nihil ad victoriam omnino profecisse, nisi illos celerrimè persequantur, ut priusquam nouis auxilijs coniungi possint, dignum eius diei occasione euadentibus inferant detrimentum, quando nihil magis esset alienum à negotio conficiendi belli, quam peruulgatæ insistere rationi, quæ vetere ignobilique proloquio suaderet, fugienti hosti pontes argento atque auro consternendos. Non deerant enim qui nequaquam totis viribus hostes lacessendos putarent, verum eos iniquitati Fortunæ tantum permittendos, postquam tot aduersis minutis attriti prælijs, & rerum omnium inopia subacti, vel sola itinerum asperitate conficerentur. Sed consensu militari Piscarij sententia probabatur. Itaque per Brioniam vicum, primum exercitus agmen eduxit, ut rectiore itinere Romagnanum, quod se tenebat hostis, perueniret. Boniuettus enim maiore viæ flexu ad dextram Fontanetum perrexe- rat. Sed oppido atque arce exclusus, & dum ientaret tormento petitus, inde propere discedens, altiore via Romagnanum contenderat. Fontanetani etenim Vicecomites amicitia Piscario coniuncti paucorum Hispanorum præsidium facile receperant. Hæc autem illata Gallis iniuria, ut ca su accidere sæpe videmus, summi beneficij locum impleuit. Nam Boniuettus, qui res- ciendo militi, & recreandis equis aliquot horis conquiescere statuerat,

impolita demum festinandi necessitate, Romagnanum prius peruenit, quam Piscarius ad Ghemium accederet, quod erat oppidulum Romagnano tribus ferme passuum millibus propinquum. Alfonso quoque Vastius Piscarii iussu cum duobus expeditis pedum millibus & trecentis equitibus, cataphractis, Fontanetana via abeuntes hostes subsecutus, ut nouissimos inuaderet, & inito cum postremis acri certamine, tormentis eorum potiretur, reperit eos paulo ante discessisse. Ita nequicquam emenso itinere alia via, incolis ducibus ad castra reuertitur. Eo forte tempore, quum iam aduersa spera ceret, & castra ponerentur, Piscarius Mercadum cum expeditis cohortibus trans colles exploratum misit. per tinentem arboribus, & vinetis confiti perpetuo dorso a Nouaria ad Sesthem usque: amnem, eamque planiciem ita intersecundum, ut quum hinc Cæsariani, illinc verò Galli iter haberent, utraque agmina ab ijs, qui in summis erant collibus spectarentur. Igitur transverso colle, Cæsariani Gallos lacefunt, tumultuarius praelium exoritur. Boniuettus pedum atque equum subsidia summittit. Pelluntur Hispani. Ioannes Dorbinus cum septem vexillis Mercado fert opem, magna vndique concursatione pedites atque equites miscuntur: Galli impigre tamen resistunt: Dorbino utrunque femur glante trañcitur: eo vulnerato Piscarius in primam aciem ita processit, ut gregarij militis habitu suis tamen omnibus notò, quam acerrimè dimicaret. Superuenit & Vastius cum ea manu quam diximus, a Fontaneto rediens: cuius aduentu adeo certamen exarsit, ut tum, si grauis armatura velutibus, & expeditis pedibus accessisset, vniuerso praelio dimicari facile posse videretur. Sed Boniuettus non prius Hispanorum impetum reprimere potuit, quam productis tormentis ex superiore colle eos impetere cœperit: eo modo pari euentu nec magno vtrinque accepto incommodo, dirempta pugna Galli Romagnanum concessere, & Piscarius suos ad Ghemium in castra reduxit. Erant ea adeo collibus, quos diximus subiecta, ut si Galli receptis auxilijs, productisque tormentis eos occuparent, Cæsarianos facile ex præalto loco tormenta dirigendo, magnis detrimentis afficere posse viderentur. Erat enim opinio edita in vulgus, Boniuettum confunctis sibi nouis Heluetijs, ut collatis signis dimicaret, protinus esse regressurum. Quamobrem Piscarius statim animaduerso vicio castrorum eos colles præmissis viginti pedum vexillis occupauit: iniunxitque Mercado, ut si Galli pugnandi consilio ad occupandos colles retro verterentur, tam diu eorum sustineret impetum, donec ipse & cæteri duces cum omnibus copijs instructa acie subuenirent. Eares Vrbinati mirè placuit: qui ut erat castramentandi peritissimus, eum locum ab eminenti collum supercilio, tormentorū iniurie valde opportunum, nequaquam probabat, admirabaturque Piscarium non modo sublato periculo castra summa securitate complexisse, sed contraria etiam consilij ratione, præoccupatis collibus hosti æquisimè ad confligendum, si accederet, conditionem præripuisse censeretur. Cæterum Boniuettus frustra precatus Heluetios, qui erant ad Gatinariam, ut ad se transirèt, secumque postquam esset explorata victoria, bellum vno praelio conficere vellent, ad eos ipse transire constituit: præmissisque aliquot tormentis, & toto sermè equitatu, a media nocte pediatum transmittere cœpit, tanta adhibita festinandi diligentia, ut cum semiformes Heluetij dicto non parerent, teætis subijci faces, & latè flammam excitari iuberet. Ea re per exploratores equites nun-



tes nunciata, qui tota nocte per vices, ad Romagnanum excurrerant, Piscarius, quin ad pontem contenderet, minime dubitauit, ratus postrema hostiū agmina, citra amnem, vt accidit, se deprehensurum, disiunctaque a suis medio amne facile deleturum. Itaque cum tribus circiter millibus delectorum pedium, assumpto secum Vastio cum trecentis equitibus profectus, quum secunda diei hora peruenisset, quanquam serius quam optarat, nequaquam tamen omnes transisse reperit. eius aduentu tantus illico timor hostibus est illatus, vt quum cæsi fugatique ad primum equitum & sclopettariorum incursum terga vertissent, amentibus similes abiectis armis sese in amnem conijcerent, & vorticibus absorpti, fœdissimo mortis genere mergerentur: alij tormenta desererent, quæ per amnis alueum in aduersam ripam extrahebant. Cæsariani enim, mirum dictu, non modo flumen præaltis aquæ gurgitibus, sed inæquali etiam alueo ac ingentibus petris, quas torrentis impetus prouoluuit, impeditum, vt euadentes sectarentur, minime formidabant. ad augendum quoque Gallorum cladem fugientium & sese prementium, iniusto pondere fatiscientibus nauigijs, pons est interruptus, quo perfracto tanta iumentorum, & militum in præceps effusa est multitudo, vt totus fluminis alueus pereuntium ac enatantium turba compleretur. Interim Cæsariani equites repperitis vadis, acceptisque in equorum terga confessoribus sclopettarijs transibant ipsæque Piscarius & Vastius in alteram ripam euaserant, quum alij atque alij equites extraordinarijque pedites e castris superuenerunt, adeo vt iam firmis planè viribus, & aspirante Fortuna, pauidos ac in fugam versos, ex toto persequi, et cominus adoriri minime dubitarent. Direxerat in margine secundum fluminis ripam aliquot tormenta Boniuettus, hisque præsidio impoſuerat Corforum & Gallorum cohortes, vt dum ipse agmina componeret, ab his crebro pilas emittendo hostes ab ingressu amnis terrentur. Sed Corfi rebus inclinatis, & planè perditis, enatantium, et vndique incumbentium Cæsarianorum impetum non tulerunt, cadentesque Tristano duce, desertis tormentis, refugere cœperunt. Tum verò Boniuettus ne tantū dedecus in oculis totius exercitus admitteret, cōuersus ad duces Gallos, sequimini me inquit, mei equites, qui semper egregiè dimicastis, et mecum irrumpite, ne tormentis Gallicis pauci hostium cum summo nostro dedecore potiant: ad id Vandenesius Paliaciæ frater, qui erat inter alarum præfectos longè promptissimus, Emoriar ego potius respōdit, cum alarijs meis, quàm ea hodie ab hoste capi conspiciam: atque ita densatis alis ex templo procurrerunt, occisisque, & protritit nonnullis ad tormenta peruenerunt. Sed expediti equites leuis armaturæ, Hispanique agiles, sicuti repente cædendo, & sese retro diffundendo grauissimi equitatus impetum euitabant, ita demum redeunt in prælium aduentante cohortanteque Piscario sese turmis hostium circumfuderunt: sclopettisque remgerendo adeo profecerunt, vt Galli pluribus equis cadentibus, quum à proximis Heluetijs opem impetrare nequiuissent, signa retro conuerterēt. Eo congressu ipse Boniuettus imperator, dum præclare tormenta defendit, leuo brachio pila traiecto grauissimum accepit vulnus. Similiter & Vandenesius paulò infra humerum crassioris sclopetti plumbea glāde ictus est, quo lethali vulnere aliquot post dies interijt. Piscarius eius viri interitum egrius quàm quicquam crederet, tulit. Quoniam is hostis sibi priuatim inimicus, peculiari suo

triumpho, & speratae gloriae praeceptus esse videretur: utpote qui antea pro-  
uocatus, singulari certamine cum eo congregari magnopere cuperet, ut de dire-  
ptione Comensium, designato iam loco, & delectis equestribus armis, in are-  
na vallata pulcherrimo spectaculo controuersia finiretur. At Piscarius quum  
iam Sol in vesperam vergeret, & Galli conferto postremo agmine iustis pas-  
sibus anserent, non putauit cum ea manu, quae erat exigua, & continenti to-  
tius diei labore fatigata, hostes longius esse persequendos. Etenim satis ma-  
gna videbantur, quae milites gesserant. Ipse vero plures horas varijs in locis, ut  
in extraordinaria pugna accidit, egregie dimicando, summam fortitudinis,  
& iudicii militaris laudem cum alieno dedecore, & tacita multorum inuidia  
compararat. Itaque reuocatis militibus, & superato iterum Selsithae amne, cum  
spolijs & septem Gallicis tormentis in castra est reuersus. Quum à Lanoio at-  
que Borbonio, ipsoque Vrbinatè cum lata cum laude reciperetur, pauca uti  
solebat de se locutus, eximio cum verborum honore ante alios commendauit  
Ioannem Geuarram Potentianum Regulum Dauariae familiae sanguine con-  
iunctum: itemque Paulum Luzasum, & Philippum Cerebionem cohortis  
praefectum, qui primi omnium in flumine tormenta hostium occupassent.  
Ceterum coeuntibus in vnum ducibus docuit, quantum spei ad summam vi-  
ctoriam in celeritate esset reponendum. Gallos timore occupatos, quod duos-  
bus iam tumultuarijs praelijs victi essent: quod segni Heluetiorum opera vte-  
rentur: quod grauitur ictus esset imperator, facile posse deleri, si ipsi motis prope-  
rè castris, & superato amne sequerentur. Neque eos omnium rerum affectos  
in commodis tormenta trahentes, & per se graui semper impedimentorum,  
& inuicilis turbæ agmine retardatos, tantum vix posse conficere, ut sequenti  
die levis armatura consequi facile nequeat: & demorari abeuntes, donec reli-  
quæ omnes copiae sub signis in hostium conspectum adducantur. Nec mora,  
quum omnes Piscarij consilium uti decoris, & bellicæ rationis vnde quaque  
plenissimum magnopere laudarent, Borbonius alacri motu exurgens sub lata  
voce, te auspice inquit, fortissimè Piscari, dimidiam de hoste victoriam tene-  
mus: et ceteras, si tibi hodie paremus, reliquam omnino consequemur. Vnus Vr-  
binas victoriam morari tardareque poterat, si Selsithem inconsulto senatu Ve-  
neto transire recusasset, quando is amnis Mediolanensis imperij finis esset, ne-  
que ultra copias traducere fas esse videretur. Sed is utriusque, & grauis impe-  
rator, quum id è republica, & suæ item dignitatis esse existimaret, in tanto re-  
rum momento fidem atque animum senatus respicere maluit, quam nimis cau-  
tè ea verba interpretari, quæ in praescriptis mandatis in consultè senatus appo-  
suisset: atque ita reiectis malignis, vel importunis monitoribus, utamur in-  
quit victoria duces, quam nobis diuina ratione Piscarius ostendit: & castra  
antequam Sol occidat ad amnem moueamus, ut in albescente caelo traiectis  
copijs, maturè tergis hostium incumbere possimus. Ita cum summa alacritate  
militum conclamatis vasibus, quinque inde passuum millibus ad amnem castra  
proferuntur, ut equioribus ripis, et certiore quodam vado pertranfirent. Sed  
Piscarius coniectura iudicans, hostes maxime extensis itineribus ad Epore-  
diam esse progressuros, ut magis ac magis eos distineret, et laceffendo iter mo-  
raretur, eadem nocte persequi constituit. Erat enim in praecipienda victoria,  
ad quam flagrantè cupiditate semper anhelabat, adeo occupatus, ut vix exiguum  
cibum, &

cibum, & modicam quietem vel fello corpori concederet, & militum corpora ipsa tantum certa spe victoriæ egregiè sustentari posse arbitraretur: eo modo alacribus verbis singulos ad prædam cohortando, coactis in vnum circiter ducentis equitibus tercio flumen transit, & hisdem vestigijs hostes persequitur. Dum iter faceret, multi equites atque item levis armaturæ pedites, qui dispersi in varias manus hostium impedimentis imminendo atque aberrando ultra amnem remanserant, modicas ab initio Piscarij vires plurimum auxerunt. Media autem nocte nouissimum hostium agmen est consecutus. Heluetij in duo tantum agmina diuisi equitatum Gallicum, & tormēta in medium receperant: Veterani erant in tergo: noui auxiliares antecedeabant, tanto ordine tantq; silentio ac disciplina, vt nihil præter æquorum hinnitus, & aurigarum flagella vel in proximo sentiretur: nec quisquam omnino ordine pedem effert, aut se plus æquo ad iter incitaret: quanquam Piscarius ad motus equitibus, qui carperent, magnoq; edito clamore, et in tergo et à lateribus incursarent, eos perturbare niteretur. Tympana etenim ac tubas, præter vnam, omnes compresserant, vt equites vniuersi vnus tantum tube cantu, Heluetij verò ingenti buccina regerentur. Quum frustra lacerenti Piscario in herbida valle circiter duas horas conqueuisent, diluculo demum iter intendere ceperunt. Nec deerat Piscarius, qui continuò instaret & premeret, iam tum nouorum militum accessione firmior factus: atq; ob id etiam audacior, quoniā in Heluetijs legionibus rari erant sclopettarij, & ij quidem inepti & rudes: equites verò Galli adeo fatigatis & macie consumptis equis videbantur, vt neque procurrere alacriter, neque dignum more gentis impetum facere penitus auderent. Interea Borbonius a Piscario de itinere atque ordine hostium certior factus, sub auroram totum exercitum traduxit: sed non eam celeritatē quam optabat, requirebatq; Piscarius, duces adhibebant. Videbantur enim hostes elabi ē manibus, nimia subsequētis exercitus tarditate, adeoque ipse intentus ardēti ingenio subitarum rerum consilia celeriter agebat, vt ea vel incredibili momento temporis expediri & perfici posse existimaret, vtpote qui naturæ difficultates diligentia et celeritate sepius superasset. Per hunc modum, quum Cæsariani Heluetijs & Gallis insultarent, & irrequieto quodam lacerandi genere vndiq; circumfusi abeuntes probrosis nominib. compellarent, res eo erat perducta, vt Galli penè subsistere, et tueri tormenta cogeretur. Tum verò Boniuettus, quoniam ex dolore vulneris lētica vectus munia ducis implere non poterat, Baiardo summam imperij tradit, eumque super premis precib. per Gallicis nominis decus vehementer obtestatur, vt tormenta signaque eius fidei, et virtuti commendata tueri vellet, postquam toto exercitu, nemo eo vel manu vel consilio melior haberetur. Ad id ille, vellem, inquit Imperator, vt hunc honore in æquiore nostra Fortuna tribuisses: vt cumque tamen casus feret, ea hercle nauiter tuebor, nec me viuo in hostium venient potestatem. Nec multo post eius promissi fidem fortiter impleuit. Nam cum insultantium insolentiam repentina eruptione reprimendam arbitraretur, vt longè summotis hostib. sese demum pugna explicaret, & pedestribus copijs antecedenti spatium præberet, conglobatis turmis in aduersos vehementer est inuectus. Sed Hispani consuetudine sua, retro celeriter se diffuderunt, & mox imperante dirigenteque Piscario qui cum paucis huc & illuc di-

scurrendo volitabat, in hostem redierunt, ita ut non plusquam ad sclopetti  
 cum equitibus appropinquarent. In eo recurſu Baiardus dum alas, ut ſenſim  
 redeat, in gyrum circumſlectit, ſub latere pila traijctitur. Cadit etiam Beobo-  
 ſius alæ cataphractorum præfectus, & plures equi conſternuntur. Labentem  
 ex equo Baiardum proximi equites exceperunt, ut in mediam pedum aciem  
 referrent. Sed ille ubi vitæ ſinem ad eſſe diſruptis præcordijs intellexit, eos eſt  
 obſectatus, ut ſe in eo quo pugnaſſet campo relinquerent: ut ſicut militari vi-  
 ro dignum foret atque antea ſemper optauiffet, armatus occumberet: nec eos,  
 pio certe ſed in utili tamē occupato officio, dum cunctis eſſet properandum,  
 diutius moraretur, atque ita præmiſſo tubicine Piſcario ſe dedit: admiran-  
 tibus cunctis eius viri iudicium, qui quum ſuprema militaris imperij iura præ-  
 elare ſciret eſſe penes Lanoſum atque Borbonium, Piſcario potius quàm illis  
 ſe dedere voluerit: quaſi militiæ nomen, vera virtute & factis illuſtribus que-  
 ſitum, multo nobilius atque præclarior eſſet, quàm id quod arridentis For-  
 tunc ludo, vel ſuperba Regum commendatione pararetur. Porro Piſcarius Ba-  
 iardo recepto, attributis que ei cuſtodibus, qui expiranti ſedulo miniſtrarent,  
 darentque operam ne à quoquam auaro aut ignaro milite violaretur, nec mo-  
 mentum quidem temporis intermittebat quin hoſtes perſequeretur, nun-  
 cique pluribus ad duces miſiſ, eos ad maturandum vehementer accenderet.  
 Iam Gallicus equitatus ſenſim pugna excedendo, in medias acies ſe receperat,  
 et Cæſariani per cateruas rarosque manipulos vndique circumfulſi Heluetios  
 inſolenti & crebra procuſatione fatigabant, quum poſtrema eorum cohors  
 quod neque iter facere, neque repugnare facile poterat, abrupta omni diſci-  
 plinæ patientia uti ſurore percita à nouiſſimo agmine ſe proripuit, & magno  
 impetu ſelopettarios ſimul & equites inuaſit. In eo concuſſu Piſcarium acer-  
 rimè dimicantem in ſignis & ferox Heluetius ex tranſuerſo ante alios procur-  
 rens elata in caput alabarda penè maſtauit, ſed lorica qua iugulum tantum at-  
 que humeros munire in tumultuarijs expeditionibus utebatur, nec ſiſte ea ſom-  
 num capere erat ſolitus, tantæ molis ictum in humero facile ſuſtinuit. Iſque  
 Heluetius adcurrente in auxilium Vaſtio, valida prægrauiq; eius dextra pro-  
 tinus eſt interfectus, ea ſorte, ut Vaſtius vno tam felici ictu hoſtili rabie vindi-  
 cata, non ciuiſ modo, ſed fratris & ducis ſeruati decus meruerit. At Heluetij  
 primis facile pulſis, dum neque animi vim, neque curſus impetum remittunt,  
 & hoſtes ad multum ſpatium temere perſequentur, adeo longè à ſuis pleno  
 gradu euadentibus ſe diſiungunt, ut trib. amplius ſtadijs à poſtremo eorum  
 agmine diſtarent: id conſpicati Piſcarius & Vaſtius qui ſe retro ab eo tumultu  
 celeriter explicarant, paucis & his quidem ex familia, ſtrenuis equitibus in  
 vnam aciem denſatis, tato impetu in Heluetios irruerunt, ut diſſipatos et per-  
 turbatos admirabili virtute dimicando ad vnum omnes ſemihoræ ſpacio tru-  
 cidarint, adeo ut ex quadringentis nemo ſuper eſſe, nec ſpectante eam cædem  
 ex propinquo ipſorum poſtrema acie, quiſquam vel Gallus eques vel pedes  
 Heluetius opem ferre auderet, ſed quiſque plenius paſibus omnino feſtinan-  
 dum arctaretur. Accidit enim ſæpiſſimè in aduerſis rebus, & in fuga præfer-  
 rim, ut inuſitatus pauor omnem miſericordiam ex hominum animis penitus  
 reuellat: nemo ſerè tamen fuit ex equitibus, qui non grauiter vulneratus in  
 ea contentio diſceſſerit. Conſtat Heluetios ſi mature ad ſerendam opem ac-  
 currere

currere voluissent, facile eam cohortem fortissimorum hominum seruare potuisse, quum amplius duodecim stadiorum spacio Lanioius atque Borbonius quum reliquis statarijs copijs abessent. Eius etenim prælii mora exercitu etiam propter grauitatem tormentorum, quæ nemo sanus Imperator post se vnquam reliquit, serius quam oportebat appropinquante, Gallis ad Eporediam euadendi spacium dedit. Porro Heluetij Graijs Alpibus in Veragros contentendes tormenta circiter viginti ænea in oppido Celandio propter asperitates itinerum reliquerunt, quæ omnia Alarco per valles Augustæ prætorix cum expedita manu abeuntes subsecutus eo in oppido cepit, et in castra exornatis festa fronde curribus reduxit. Hunc exitum habuit id bellum quod antè septem menses Boniuettus Ammiras dux infelix tantis opib. intulerat, nulla hercle iusta pugna, sed tumultuarijs tantum leuis armaturæ prælijs cum præcipua Piscarij laude confectum. In his enim ipse ante alios semper enituit, quum ardua & aspera quæque facinora, non ingenio tantum admirabili, sed fortissima etiam dextra omnium opinione peregisset. Hisdem quoq; diebus Grifonorum auxilia, quæ duce Techano adducenteque Rentio Cerite in Bergomatem agrum descenderant, Ioannes Medices ad Caprinum vicum improuiso adortus, nonnullis cæsis, reliquis perturbatis in patriam ita repressit, vt Grifoni Rentium captiuum tanquam pecuniæ debite vadem intra eorum fines retraherent. Nec diu quoque post Medices cum iuuentute Insubrum & veteranis suis cohortibus ad motis tormentis Abiatum valido defensum præsidio, magna vi, memorabilique celeritate interfectis defensoribus expugnauit, vno ferè hostium duce Federico Caraffa propter generis nobilitatem conseruato. Quibus rebus adductus Federicus Bozulus, qui cum præsidio Laudæ Pompeij se tenebat, & Grifonorum auxilia opperiebatur, certis conditionibus deditionem fecit. Piscario demum Alexandriæ oppugnandæ munus est iniunctum. Sed Galli sub Foisseio adolescente, cui Boniuettus erat patruus, nihil expectatis auxilijs, nec tentata quidem defensione, vt integri milites seruatis priuatim rebus in Galliam abirent, validam urbem pari Cæsarianorum felicitate dediderunt.

## LIBER QVARTVS.



**I**RIBVS bellis, nec vlla quidē iusta acie deuictis Gallis, Cæsariani tantos sibi spiritus desumpserunt, vt victoricia arma superatis Alpibus, Galliæ veluti metu subactæ inferenda protinus existimarent. Addebat animos ipse Borbonius, præcipuus noui belli concitator, tam cæca libidine impotenter exardens, quæ inani spe vehementer inflatus inuadendi eius regni, quo antea seclæsa temeritate semel affectato, non modo patriam & natale solum, sed regalis etiam opulentix patrimonium amisisset. Is per senatura præproperus & more exulum cunctationis impatiens, Cæsarem & Henricum Britannix regem frequentibus nuncijs sollicitabat, vt vndique commotis armis bellum ostentarent, cum à Pyrenæis, tum ab Oceano Belgico, & a Sequanis atque Burgundis. Se enim ab Italia terra marique Prouinciâ inuasurum, aduentante ve-

rō exercitu toties victore, non modò Prouinciā, sed vltiorem quoq; Gal-  
 liā audito Borbonij nomine defecturam: orare demum Reges atque obte-  
 stari per fidem datam & acceptam, per consilia toties inita, perque eam occa-  
 sionem, quam Fortuna secundior longè pulcherrimā offerret, ne se ingendi  
 ipsorum beneficio factum exsorrem, & atroci edicto hostē iudicatum desere-  
 rent: tantis præsertim innixum studijs & clientelis, desideratum à nobilissi-  
 mo quoq; equitum, & in spem regni totius ferè Gallig votis & precib; euoca-  
 tum: non magna vi, non cædibus, non vrbium expugnationibus opus fore, si  
 repentino transitu prima præsidia pellerentur, quæ essent exigua, aut ex tyro-  
 num equitum alis, aut ex veteranis toties in Italia omni propè bellico appa-  
 ratu spoliatis & victis. Igitur Cæsar & Henricus aduenisse tempus rati, quo fa-  
 cile Francisci Regis spiritus cōcunderent, bellum decernunt. Videbant enim  
 propter amplitudinem opum Regem ē rediuiua potentia semper indomitū,  
 & recuperandæ Cisalpinę Gallig cupiditate deflagrantem singulis annis bel-  
 lum renouare: neq; tantis acceptis detrimentis, pacem petere, vt pote qui spe-  
 raret continenter bella gerendo, & hostium atterendo facultates, non modò  
 præterita incommoda facile resarcire, sed vna demum victoriā vindicatis iniu-  
 rijs cum sua recipere, tum alienis etiam imperijs latē potiri. Ante omnia Cæ-  
 sar æquo animo ferre non poterat, quod Galli consternatis ad arma Hispanig  
 populis, ipso procul in Belgis agente, ad Hiberum vsque amnem arma pro-  
 mouissent. Decreto bello, exercitui Piscarius præficitur: Vgo Moncata paran-  
 dæ classis negotium suscepit. Ita tamen vt ambo cuncta ad Borbonij nutum  
 ac imperium administrarent. Cæsar & Henricus Borbonio, quem in prouin-  
 ciā bellum secundo euentu gerere cœperit, vndique se Gallis illatus arma  
 pollicentur. At Piscarius quanquam Borbonio cuncta fore facilia pollicenti,  
 multis in reb; minimè credendum esse iudicabat: quoniam probè sciret, eam  
 esse exulum naturam, vt vel exigua spe inuitati difficultates omnes faciliè sub-  
 eant, nec in ipsis rerum initijs vlla pericularatione metiantur: tñ virtuti mili-  
 tum confusus, & bellum & iter summa sua spe & alacritate militum suscepit.  
 Fuere in exercitu septem millia Germanorum, Hispanorum sex, itemque Ita-  
 licæ tricenariæ cohortes septem, leuis armaturę equites sexcenti. Sed Lanioius  
 qui in Italia remanserat, nulle equites cataphractos continuo se modicis itine-  
 ribus summissurum promittebat. Vgo Moncata quas adducere onerarias na-  
 ues putarat obtinere non potuit, quamobrem aliquanto minore cum nume-  
 ro nauium quàm oportebat, cum sexdecim tamen rostratis trirētib; quib;  
 omnem tormentorum apparatus imposuerat, ē Genua est profectus: cumq;  
 tenuit cursum vt terrestres copias maritimis Alpibus transcentes, comitante  
 classe, & nusquam ea temerè à litoribus abscedente intenta cura sequeretur.  
 Non deerant plerique, principes vsu rerum periti, qui nequāq; eius belli cau-  
 sam probarent, summeq; audacię consiliū, quod insanie vel temeritatī pro-  
 ximum videretur, damnaverent, vel irriderent. Quid enim stultius videri,  
 exiguis cum copijs, duce exule, atque eo qui perfidiæ nomine publico iudicio  
 esset damnatus, opulentissimum regnum inuadere: in quo Galli homines re-  
 gio nomini non amore modò naturali, sed seruili propè obsequio dediti, non  
 modo fideles esse, sed regia ora tanquam ab occulto numine augustiora vene-  
 rari, et prorsus adorare consueuissent, proditoris nomen maxime horrerent,  
 nec à le-

nec à legitimis Regibus vnquam ab vlla memoria defecissent: Quid demum esse periculosius, quàm Regem ingentis spiritus & maximarum opum ætatē, que florentem domū exagitare, qui nec foris procul à domo pacem pati quiverit: Non enim defuturā suo Regi Galliam: quum non iam pro Insuorum imperio, sed pro aris & focis, pro vxoribus et liberis sit dimicandū: quando nihil acerbius atque funestius foret q̃p ferociam Germanorum & Hispanorum auaritiā atque libidinem experiri. Ob eas res Clemens Pontifex, & Veneti, & Franciscus Sfortia, quanquam Gallos vti nimis infestos hostes oderant, & arctissimo sordere Cæsari erant coniuncti, veteri tamen, ne bellum temere in tempestiueque susceptum, aliquam Italiæ cladem importaret: verum Borbonij transitu tacite omnes lætari, quòd Italia superior discessu exercitus, grauissimo legionum onere leuaretur. Quando non tantum ab hoste Gallo, quàm ab Hispanis gente imperij auida, amœnitateque & copijs Cisalpinæ Galliæ iam pridem capta, timendum esse iudicarent: vti postea rerum docuit euentus: nam id bellum fatali quodam consilio potius quàm bellica ratione susceptum, sicuti maximis Hispanos periculis inuoluit, ita eos demum cuncta vergente Fortuna, inusitata victoriæ compotes fecit. At Cæsarianis postquam ad Varum flumen qui prouinciā ab Italia diuidit, terra marique paricursu peruenere, Andreas Auria Gallicæ præfectus classis ab alto in conspectum se dedit: secundoque vsus vento, cum valida classe Vgonem tormenta in terram exponere properantem est adortus: quo ille animaduerso discrimine, quanta potuit celeritate retrò iter auertit. nam onerarijs vti diximus multo erat inferior: tres tamen eius triremes, quæ retardante Euro promontorium superare nequiverant, vltro in litus sese intulerunt. Nec dubitauit Auria eas persequi: iamq; occupatas suo milite & rudentibus iniectis alligatas spectante exercitu, remulco in altum captiuas pertrahebat: quum id elato perturbatoque animo minimè ferens Piscarius, aduocato promptissimo quoque missum in mare se coniecit, ita vt vmbilico tenus per mare peruaderet, contempta omni tormentorum procella, quæ è Gallicis triremibus effundebatur: atque ita felici ausu interfectis & eiectis Gallis, præcisisque funibus, vnani atque alteram triremem seruauit: quas demum vacuas omni militari instrumento, vti iam dehiscentes, ne hostis earum materia potiretur, concremauit. Audiui ego è pluribus qui interfuerunt, nunquam Piscarium vehementiore impetu, vel maiore cum periculo, vti in re, quanquam exigua, valde tamen aspera, improuisa atque ancipiti dimicasse. Accessit & aliud incommodum quanquam leue, in ipsis tamen rerum gerendarum initijs importunum. Filibertus enim Auranus natione Sequanus, qui ad id bellum in Prouinciā ab Hispania nauigabat, quum à Cæsarianis latè maria, conspecta classe, teneri crederet, imprudēt in Aurianas incidit triremes: & ab his circūuento myoparone est interceptus. Hic est ille Auranus qui Borbonio ad Romanā mœnia tormētis ictu occiso in vastanda Vrbe capiendq; Pontifice Cæsarianis copijs præfuit: & nuper comisso cum Florentinis ad Pistorium prælio, dū militis potius, q̃ ducis munus implere contēderet, penè corrupta victoria, fuit interfectus. Nec multo post decidentib; aduersis vētis, Vgotriremes totis litorib; admouit, & tormenta magnanq; armorū & comēatus vim, vti oportebat in



bat terram exposuit: atque inde duplici itinere, diuiso exercitu ad Aquas Sextias est peruentum. Quum satis lætis Sextiensium animis Borbonius esset receptus, multaque castella aut leuitate aut meto, quod præsidij essent nudata, deditionem facerent, nonnullique equites & veteres Borbonij clientes in castra venirent, cupido incelsit in totum ad Auenionem atque Lugdunum penetrandi: ut priusquam Franciscus ex Germano Heluetioque pedite iustas vires compararet, aliqua opulenta & ad ducendum bellum opportuna vrbe potirentur. Sed Borbonij consilij vnus omnium obstabat Piscarius diuina quadam prudentia inductus, qui nequaquam à mari temere discedendum esse disseribat, quando nihil magis à ratione belli conseretur alienum, quàm classis vsu sponte priuari: quæ in viroque rerum successu ad omnes casus terrestribus copijs singulari adiumento futura videretur: proinde tentanda atque oppugnanda omnino esse Malsiliam, & Rhodanus statim ea occupata superandus, ut Cæsar summa facultate uti posset ad suppeditanda terra marique auxilia, ut à Perpenniano, & Salsulis per agrum Narbonensem se missurum ad prima cœpti belli initia promississet. Non esse periti Imperatoris, summi momenti consilia quæ victoriam, vel exercitus salutem respicerent, in dubijs & sæpe inanibus populorum studijs collocare, relictaque in tergo maritima vrbe atque ea portu insigni, in mediterraneas Galliarum regiones penetrare, cum exiguo præsertim equitatu, qua parte virium Galli domi & foris maxime valere consueuissent. Proinde tum alacriter esse procedendum, quum Cæsar à Pyrenæis incumberet, quum Britannii cum exercitu in Morinos traiecissent, quum equitatus, cuius opera plurimum indigerent, à Lanoio Carolo mitteretur. Quod si in interiora Galliarum peruaderent, & fortè studia Gallorum uti incertæ serunt hominum voluntates, spe sua minore aut lentiora reperirent, & instante Rege qui totius regni vires exciuerit tantulis copijs aliquis durior casus incideret, quod demum ipsos maria atque alpihus interclusos consilium pro salute capturos: Quod porro maius aut optatius Gallo regi beneficium posse conferri, quàm illum toties de Gallis victorem exercitum in manifesta pericula hac planè exitiali consilij temeritate deuocare: ut quod Dñi auertant, inquit, eo circumuento de tot iniurijs, & cladibus acceptis grauissimam Gallorum omnium oculis Rex superbus vindictam sumat: & subinde tota Italia, ut nudata præsidij, sine vulnere potiatur. Nihil harum rerum Borbonium magis permouit, quàm ea quæ de Lanoij voluntate nunciabantur. Is enim siue quod Borbonij, Piscarijque gloriæ obrectando malignitate quadam inuidebat, siue quod Italig præsidio maioribus cum viribus omnino sibi remanendum arbitrabatur, nequaquam cataphractus uti fuerat pollicitus, summittebat, continuisque literis id obnixè flagitantes duces adeo parum prolixè vel impudenter frustrabatur, ut Ricardus Pægus Britanni Regis Legatus qui erat in castris, pecuniamque attulerat, acerbissimis epistolis eum apud Regem suum & Cæsarem prodicionis nomine postularet. Igitur relicto ad Aquas Sextias equitum & paucarum cohortium præsidio, quæ rem frumentariam expedirent, ad oppugnandam Malsiliam est peruentum. Ex itinere ad Taurentium portum, Tolonæ, arx parua, quæ turrem habet insignem, terra marique expugnata est, in qua aliquot ingentis magnitudinis tormenta fuere capta, & in his eximie temperaturæ mirabilis-

que vio-

que violentiæ colubrina Pisano bello celebrata, cui Lacerte cognomen fuit. Hanc iure belli partam Piscarius in arce Iselana postea constituit, ut hostium nauigia ab accessu vel in triginta stadiorū distantia deterreret. Cingitur Massilia serè vndique mari, et præaltis montibus: ab ea parte quā mare per angustas fauces se insinuat, portumque efficit: is duabus vtrinque turribus interiecta cathena permunitur intransibibus occurrunt naualia, quæ moribus coherent, parimodo supra ea vr̄bis murus extenditur, sine fossa vetusto opere fabricatus. Imminet vr̄bi mons editus diui Victoris templo insignis: quem Galli præsidio imposito propter aditus asperitatem faciliè defendebant. ab occidente verò mœnia aliquanto minore diligentia munita videbantur, ad eam præsertim portam, quæ ad sancti Lazari sanum perducit: ab eo loco quū Piscarius murum quatere statuisset, & in ponendis castris milites essent occupati, paruoque propterea cum præsidio tormenta equorum et boum iugis ad sanctum Lazarum traherentur: id conspiciti milites Itali et Galli, qui in muro erant, repente è portu conscensis triremibus in eam partem litoris descenderunt, facileque fuso et dissipato præsidio præcis funibus, interceptisque iumentis tormenta occuparunt. Res erat subiti pauoris, & inconditi tumultus plena, utpote quæ non minore cum ignominia, quā commodo Cæsarianorum audacissimè a Gallis edebatur. eius fugæ deformitate conspecta, Piscarius cum tribus cohortibus ad litus descendit, commissaque vehementissima pugna, recuperatisque tormentis, hostes ad mare vsque tanto impetu est persecutus, ut quum ad triremes se reciperent, & illæ suborta fortè tempestate, quod iniquissima forte illis accidit, in portum refugere essent coactæ, desperata fuga trepidi in mare sese demergerent, adeo ut nemo serè, præter ducem Leonatum genere Neapolitanum, qui erat transfuga, & ad supplicium seruatus fuerat, ex quadringentis circiter Italīs & Gallīs euaserit. Erat in præsidio Malsilii Philip, Brionius virtute bellica, et gratia Regis maximè insignis: adueneratque secundo amne Rhodano Rentius Ceres cum Italorum & Corsorum cohortibus, magnoque apparatu tormentorum: nec deerant alæ equitū, & magna vis commعات, mareque & Stecades insulas, quæ sunt contra portum valida classe certis stationibus obtinebant: Andreaeque Auriz in renauali singulari diligentia, & promptitudine expediendis omnibus rebus impugnandisque hostibus utebantur: nam ubi milites per litus in conspectum se dabant, aut aliqua in castris eminebant tentoria, tum ab alto circumducta per litus classe maioribus tormentis petebantur. Exurgebat etiam ab ipsa media vr̄be præaltus collis, vnde erat apertissimus in omnes partes prospectus, quem ingentibus colubrinis instruxerant: nullaque erat pars, vel propugnaculorum, vel mœnium, quæ nouis operibus non esset refecta, ac abundè munita omni genere tormentorum & telorum: ob id interdū noctuque, vel ad incertos ictus, quum nullis vel inanibus pilarum, & sulphurei pulueris impendijs parcendum putarent, castra ab omnibus serè partibus infestabant, tanta quidem pilarum frequentia, ut in tabernaculis noctu, ne conspici notarique possent, lumina palsim exstingerentur. Piscarius tamen vnus omnium vel deprecantibus amicis, incredibili constantia, contemptio- neque periculi, in mensis lumina semper retinuit, quanquam non semel crassiores pilæ cum exitio metuque familiæ tentorij lintea deterisissent. Existimabas enim non esse viri fortis ea sollicitè pertimere, quæ ab incertis ca,

sibus omnem vel exactæ prudentiæ diligentiam anteirent: neque eum du-  
cem vel præfectum rectè situs castrorum possespeculari, & motus hostium di-  
ligenter explorare, qui ad fortuitos tormentorum ictus & strepitus meticulo-  
sa capitis declinatione terretur. Quum obliquas fossas concidi excuarique  
præciperet, per quas subuectis tormentis sensim mœnibus appropinquaret,  
qui in opere versabantur, soli malignitate maximè laborabant. Lapidofus e-  
nim, & ferè sine gleba saxeus ager omnem vim fodientium militum singulari  
contumacia respuebat: neque vimineæ caueæ, quæ collocatis tormentis an-  
teponuntur, vti disciplina requirebat, simplici terreno, vel cespite repleti po-  
terant. quæ res multis & præsertim liberatoribus exitium afferebat: quoniam  
ad magnos tormentorum hostilium ictus caueis sepe disruptis frequentia vn-  
dique lapidum frustra in obiectos spargebantur. Dum hæc agrè fierent, Mas-  
silienses occulta militari portula repente egressi, Hispanos in opere occupa-  
tos inuasunt, paucisque occisis & multis vulneratis, priusquam à proximis  
subueniri posset, fossa protinus expulerunt, usque adeo audacter, vt Gallis nō  
modò ferramenta, sed vestes & arma, vti erant sine cura metuque deposita, de-  
serere cogerentur. erant ij milites ex cohorte Philip pi Cerebellionis, quos Pi-  
scarius alperioribus verbis castigauit, quod non tantum sibi ipsis, sed præse-  
cto summæ virtutis insigne dedecus attulissent: verum aliquanto vehemen-  
tius in Rodoricum Corium Ioannis Dorbini signiferum est inuectus, qui ve-  
luti metu præpeditus è proxima statione nequaquam maturè ad ferendam o-  
pem accursisset. Tum Rodoricus, qui elato animo ignominiam sustinere nō  
poterat, faciam, inquit, Imperator, si hostes iterum eruperint, vt me viuum,  
aut certè nobili fato functum magnopere commendes. neque promissi fidem  
sefellit. Nam Piscarius quum hostes, vt pote secundo eius die successu inuita-  
tos, eadem porta erupturos indicaret, Alfonso Vastium cum delecta vete-  
ranorum manu abdito, & opportuno in sinu circa ædificia collocauit: vt si ho-  
stes erumperent, preciso itinere interclusos in tergo caderet. Nec multo post  
Massilienses duce Vincentio Tibaldeo Romano iuvene longè promptissi-  
mo audacter eruperunt: progressique audacius ad munitiones peruene-  
runt. Tum verò à fronte, & in tergo Hispani consurgunt: Rodoricus antè a-  
lios fortissimè pugnat: resistit impigrè Vincentius, sed eo cadente cæteri  
in fugam vertuntur. Fit magna cædes pro numero pugnantium: nonnulli  
tamen erumpunt, & ad mœnia cursum intendunt: hos quum Rodoricus  
intemperanter persequeretur, in ipsa porta traiectus concidit. Vastius au-  
tem suos protinus recepit, vt tormenta quæ è muro displodebantur, euita-  
ret. Nec multo post Rentius Vincentij cadauer per præconem ad exequias  
requisiuit: parique pietate receptus est à Piscario Rodoricus, oculis & toto  
oris habitu, exoluti promissi non sine lætitia ferociam adhuc spirans, quasi  
honestissima morte totam hesterni flagitij ignominiam egregiè consumpsis-  
set. At Piscarius, vt hostium eruptiones reprimeret, perpetuam mutatio-  
nem ad mare usque perduxit: & altiore propugnaculo in quo præsidium  
posuerat, communluit. Tum verò tanta vi murus tormentis quati ceptus,  
vt duo ante alia tormenta maiora ad irrequietam dislosionem, hebetato me-  
tallo frangerentur: quibus disruptis, ea quæ ad Tolonem ceperant, in sup-  
plementum sunt perducta. Dum hæc ad Massiliam geruntur, Franciscus  
ingend

ingenti cura anxius, coacta vndique pecunia, ab Heluetijs atq; Germanis auxilia conduxit: equitum octo millia instruxit, partim ex veteribus equitibus, partim ex euocatis et beneficiarijs: tormenta item curulia ex arcibus, et totius Gallie armamentarijs e ducta, subiectis innumerabilib. equorum iugis ad Auenionem cōuenire iussit, quo Paliciam cum parte copiarum paulo ante premiserat. Nemo erat e tota Gallia, qui non libens pecuniam, arma, equos, com meatus, contra Borbonium conferret. Quoniam ad dignitatem Gallie pertinere videbatur in præclara fide persistere: antiquam inexhaustarum opum et copiarum opinionem tueri, & Regis iniurias defendere: quæ non tam ab hoste, quam à proditore, & transfuga inferri dicerentur. Iam enim illa vetus inuidia magna ex parte decesserat, qua Franciscus acerbissima pecunie acquisitione cum quotannis bella renouaret, nec sacris etiam parceret, antea flagra uisset. Nam quisque procerum, & eorum qui sacerdotijs & opibus valebant, quo nobilior erat & ditior, eo præclarius erga Regem studium ostendebat, vñ nihil de Borbonij consilijs sibi communicatum fuisse declararet: quanq̃ summa clementia Franciscus neminem ex coniuratis percussisset, & ante alios Pictauium à sancto Valerio regulum alæ nobilium regie custodiæ præfectum, ingratitude atque perfidiæ crimine conuictum, & iam à triumuiris rerum capitalium ad locum supplicij perductum, eius filie et liberorū lacrimis condonasset. Tantis copijs Rhodanum traiectis, Galli Cæsarianis qui erant ad Aquas Sextias negotium facere: castella quæ defecissent, recipere: ex opportunitis locis intercipere commeatus: studia hominum, si qui rerum nouarum cupidum Borbonio fauebant, restinguere: & ipsi qui frustra in oppugnatione Massilie diutius hærent, supplicia & compedes comminari. At Piscarius, quum muri partem multis ictibus ad satis latum aditum diruisset, repperit introitus præalto aggere, ad altitudinem septem cubitorum mœnia antiquo opere permunita, nouasque tum ab hoste additas munitiones, vt non peruaderet in urbem nisi ingenti saltu, & incredibili cum periculo milites posse viderentur. Præterea tanta vis tormentorum erat in vrbe, vt vix tutum fore putaret cogere in vnum milites, & eas acies instruere, quas ad murum esset perducturus: multos enim insignes viros tormenta discerperant, & in his clari nominis Franciscum Cantelmum Italum, atque item Gulmanum et Aloisium Calicum Hispanos: præterea milites omnis generis strenuos circiter ducentos: ob quorum interitum, tametsi viris fortib. nihil erat timendum, respectabant tamen omnes Italiam, & veterani ante alios: qui aduentante Rege, nisi inde sese nihil vltius lacescita Fortuna integri celeriter explicarent, fame & ferro cunctis pereundum esse iudicabant. Sed vrgebat Borbonius, & vehementer à Piscario postulabat, vt postquam satis muri tormentis esset dirutum, aggredi locum vellet, & vires atque animos hostium periditari. Quid enim esse fœdus, quam ausos oppugnare, quum demum summo labore murum apperuerint, cunctari vltius, nec paratæ victoriæ fructum velle percipere? Non debere eum, qui primis & certissimis consilijs inniti noluerit, in se cundis demum, quæ ipse suscepisset, adeo cautè subdubitare, vt quum nihil agendum, sed turpi fuga consulendum putet, reliqua consilia Cæsaris et Henrici penitus euertat: se quidem eo esse animo vt honestè cadere quam turpiter effugere malit. Tum vero reliqui Galli exules idē vociferari, ipseq; Ricardus

Paceus Britannus, & Hadrianus Beurenus Belga quem Cæsar miserat, ut rei bellicæ parum gnari, contumeliosis propè vocib. petebant, ut pugne signum daretur. Erat in magno æstu consilij Piscarius, sed cuncta quæ illi loquerentur, summa iudicii patientia perferenda existimabat, ne salus exercitus imperitorum aut desperatorum hominum temeritate proderetur. Dicebat enim non sine ingenti militum clade in urbem posse perumpi: quod si præsidium atque urbem expugnarent, uti inusitato casu potius quam certa ratione esset sperandum, non ne ex templo aduenturum Regem cum ingentibus copijs, ac hærentes prædæ milites in urbe capta protinus obsessurum? Postquam Cæsar & Henricus secus ac ipsi sperauissent non modo arma non inferrent ad distinendum Regem Gallum, & eum diuersis implicandum bellis, sed nec vlla quidem in sinibus præsidia paraissent: quod si, uti valde æquum esset, temere subeuntes milites cum insigni detrimento pellerentur, quis demum sauciatibus & victis, atque ipsa denique tota spe deiectis, amissa parte virium, animus futurus ad receptum? cum Rex vindictæ audis tota mole exercitus incumbere, qui iam Rhodanum transisse nunciaretur, proinde omnem spem salutis in celeri receptu esse reponendam. daturum enim se operam, ut non modo tuto expeditoque itinere, sed summa etiam cum laude, postquam vana spe auxiliorum essent decepti, in Italiam regrederentur. Quum Borbonius in sententia perseveraret, cui erat parandum, Piscarius ut periculum, quod erat valde manifestum, etiam clarius Gallorum exulum oculis repræsentaret, omnes præfectos, & insignes centuriones à Germanis ac Hispanis & Italis, itemque Gallos qui Borbonij authoritatem sequebantur, aduocauit, præsentemque Borbonio, si repudiatis inquit, cæteris consilijs, nobis omnino tentanda est Fortuna expugnandæ Malsilij, uti Borbonio videtur, necesse est, ut aliquos ex numero velocium atque audacium militum ad moenia præmitamus, qui in munitionem per effracti muri ruinas euolent: quid parauerint hostes, quæ natura moenium sit introrsus celeriter speculentur, & quâ impetum facere nos oporteat certissime doceant, id quum Borbonium & reliqui omnes probarẽ, propositis præmijs, septem Hispani prodire, qui se alacriter ituros profiterentur. Erat id summæ tameritatis, & certi propè exitij munus: sed exigua erat iactura, quum totius exercitus salus paucorum periculo vel interitu redimi posse videretur. Sed Hispani dum incitati sinuoso cursu ad murum se propriiunt, & opera hostium despectant, excitata tormentorũ procella protinus obruuntur. Quatuor interfectis, reliqui feliciter, sed isti tamen euadunt: renunciant Gallos pedites, & equites in acie post munitiones consistere: in eum locum termenta conuertisse: aditum perrupti muri validissimis trabibus esse præseptum: cæcasque ibidem subesse fossas, quas sulfureo puluere, & leui materia ad corripendam flammam multo oleo delibuta diligentissimè repleuerint: tantamque demum esse eius loci iniquitatem, ut prius prima inuadentium acies tormentis, ferro & flammis sit peritura, quam ad manus, hastasque hostium perueniat. Tum verò Piscarius, vidistis, inquit, & audistis comilitones, quas nobis Malsilienses tam bellè inuitatis epulas appararint: proinde si qui sunt quibus vita sit oneri, et obiter apud inferos cœnare velint, sine signo, sineque tympano murum inuadant: qui verò salui esse cupiunt, & Cæsari fortem operam præstare, tuerique Italiam volunt, me sequantur. Quo dicto

dicto cuncti ferme milites mouenda castra, & signa in Italiam referenda censent. Borbonius quamquam vltimam eius consilij necessitatem agnosceret, vehementi tamen dolore percitus discedit: nec aperto ingenio rerum suarum desperationē probē dissimulat, sæpe gemens, se deceptum & proditum queritur, nihil propterea animo se demittit: sed qui cūctis antea imperabat, sponte Piscario parec. Prospera siquidem Fortuna sicuti mortales sæpe facit insolentes, ita aduersa subactis æquitatem moderationemque restituit. Tanta enim Piscarii consilij & dictis fides inerat, vt nemo vel militum vel minorum ducum, eo auspice, & duce, quicquam incommodi recipi posse existimaret. Diuinus etenim semper vates extiterat, quum ea quæ euenerant de Cæsaris diligentia, Henricique Regis voluntate, & de Lanoni fide constanti omnium opinione eum ab initio prædixisse perspicerent. Antè alios autem Piscario magnopere fauebant Germanorum duces Azornius atque Lodronius. Igitur cum quadraginta dies in oppugnatione frustra consumpsissent, circa finem Septembris cum esset meridies castra mouet: tormenta aliquot maiora onerario nauigio imponuntur, atq; eadem via Niceam versus iter intendit: quoniam Vgo Moncata, nauibus impar, Gallicæ classis metu Monorci portu se tenebat. Is erat agminis ordo, vt leuis armaturæ equitatus cum Italicis cohortibus anteiret: denide tormenta ac impedimenta, et demum Germani sequerentur: postremi omnium Hispani atque Itali vt magis expediti atque agiles in tergo essent. Discedentes Cæsarianos Auriaræ trirèmes obuertis alitis proris, ac emissis identidem tormentis subsequebantur. Nec Malsilienses erumpere ac instare postremis audebant, quamuis ad septem millia externorum militum in præsidio essent. Ex itinere autem receptæ sunt in castra eæ copiæ, quæ ad Aquas Sextias in præsidij substitissent. Iam Franciscus ad Auenionem peruenerat, & proximi quique equites ita sese ad iter effuderant, vt Cæsariani magis ac magis propter inopiam commeatus atq; hostium aduentantium propinquitatem properare cogerentur, cum grauiora tormenta festinantes maxime retardarent, et rotæ curruum sepius frangerentur. Piscarius in agro maximum tormentorum, ne eo potiretur hostis, apud sancti Maximini oppidum defodit, eiusque rotas alijs curribus supposuit. Vbi verò ad Lucum oppidulum peruenit, Ogulius Gallus cum trecentis leuis armaturæ equitibus nouissimos est adortus, accessit et Sala Vasco cum duabus cohortibus, atque ita lacescendo premendoque magnum tumultum in postremo agmine miscebant, adeo vt Beurenus qui leuis armaturæ equitibus præerat, egre sustineret, & ab Alfonso Vastio qui non longè aberat, opem postularet. Erat in ea planicie tumulus terrenus, quem iam cuncta Cæsarianorum agmina transuerant. Vastius in insidijs duas turmas & cohortes quatuor collocat, monerque Beurenum, vt se cum simulatione timoris citra collem recipiat, se porro si intemperantius Galli persequantur, erupturum repente ex insidijs, et imperiū in interclusos vndique facturum. Nec consilio defuit euentus: Ogulius enim et Sala Gallorum more alacriter et cupide fugientes persecuti, in insidias inciderunt. Itaque Vastius præteruectos adoritur: conuerit sese Beurenus confurgentibus vndique Hispanis: Galli equites Ogulio duce metu territi magna ex parte profugiunt: pedites vero deserti ab equitatu ac in medio circumuenti, capto Sala, ad vnum omnes conciduntur. Dum hæc fierent, Me-

morantius cui Rex persequendi hostis cura attribuerat, cum ingenti equitatu  
 in conspectu se dedit, veluti Ogulio dimicanti auxilio futurus. Is biduo ante  
 Cæsarianos cōsequi poterat, atq; eorum agmen perpetua vexatione demora-  
 ri, si præsentī opera earum alarum quæ Longaillæ Reguli erant, & iam in  
 Sextiensem agrum peruenerant, vti voluisset: sed turmas proprias & sibi no-  
 tas longius à Cabillono euocare expectareque maluerat, quā mora opportu-  
 nē interiecta, Cæsariani expeditius iter nacti, præter patentiora loca nullis af-  
 fecti incommotis euaserunt. Erant cum Memorantio clarissimi duces Obe-  
 gninus, Federicus Bozulus, Clietta, Floranges: quos vbi Borbonius est con-  
 spicatus, inferri signa, et retro peditum agmina conuerti iussit. tantus enim ei  
 viro ad cōferendas manus ardor inerat, vt vel temere, modo ad manus perue-  
 niret, ad multum spatium esset secururus: iamque Gallis modico passu reflexo  
 agmine abeuntibus, aliquantum temporis ad inanem spem consequendi  
 esset insumprū, nisi Piscarius seuerissimē reclamasset. Conuersus enim ad Bor-  
 bonium, quid à nobis inquit, magis hostes deponunt & exoptāt, quā vtpedi-  
 tum agmina ab instituto itinere conuertamus, & in ipsos summa stolidita-  
 te deferamur: an non ipsi equites omnem peditum nostrorum celeritatem,  
 vel modicis passibus eludent: scilicet vt paulum distinendo nostrum iter de-  
 morentur, & crastina die adductis regijs copijs, quas obliquis itineribus, vt  
 saltus præoccupent, appropinquare audistis, nos demum interclusos & ob-  
 sessos deleant: aut, quod morte ipsa durius foret, exutos armis, ingenti ludi-  
 brio sub iugum transmittant. Hæc vbi palam est prolocutus, signo dato, cun-  
 ctos qui acie excesserant, et contra hostes ire pergebant, ad agmina reuocauit,  
 tanta festinandi adhibita celeritate, vt tormenta quæ deferre non poterant,  
 multo subiecto igne conflaret atque perrumperet & metalli frustra sarcinarijs  
 iumentis imponeret. Quum ad Losarcum esset peruentū, Piscarius fit certior  
 Germanorum manum in villa subfedis: neq; coactoribus agminum moueri  
 tibi, vt ceteros assequerentur, parere velle: dicirco ad eos regredi, hortatur vt  
 se celeriter ad iter expediant: ac quū illi oscitantes se viæ labore ac aestu fatiga-  
 tos simularent, nec dicto audientes esse vellent, eorum segnitie seuerē casti-  
 gandam existimauit: multi enim ad Gallos transire certiore cum præmio &  
 minore cum labore cupiebant, ad quos iam magnus Germanorum numerus  
 confluerat. itaque ædificijs ignes subiecit, repenteque multis combustis,  
 reliquis iter capientibus, vel ignauiam eorum vel perfidiam opportunē vin-  
 dicauit. Eo modo paucis diebus ad Nicæam est peruentum: neque quisquam  
 Gallorum Cæsariani agminis terga lacerari, a Nicæa Piscarius vt itinera ex-  
 pedirent, commeatus pararent, alpinos tramites temporarijs operibus sedu-  
 lō munirent, Mercadum præmisit, & cum eo Villaturellum cum sclopettarijs:  
 tantaque diligentia & patientia militum iter est factum, vt cum omnibus  
 ferè calcei deessent, ex recentibus iumentorum corijs attritos pedes comuni-  
 rent. Interea Franciscus ad Aquas vsque Sextias promotis castris, Cæsarianos  
 itinera infesta atq; aspera incredibili celeritate emetientes minimē persequen-  
 dos ratus, in Italiam magnis itineribus per Coctias & Pœninas alpes transire  
 constituit, scilicet vt eos difficultate itinerum per concisos calles, nullo præfer-  
 tim instante hoste retardatos. præcurrendo celeritate superaret: præoccupata-  
 que Cisalpina Gallia, quæ esset nudata præsidijs, sessos demum c. Liguriæ re-  
 deuntēs



deuntes Padi transitu prohiberet. Ferunt, Franciscum, quum id consilium sibi & toti Gallia fatale susciperet, nequaquam, vi consuesset, de re præsertim tanta, singulos duces consuluisse, sed decreto statim in animum inducto, tantum rogasse, vt expeditioni susceptæ impigrè fauerent, cunctisque indistricte militaris cogitationibus & adiumentis darent operam, vt propositas difficultates nauiter enitendo superarent, quando pulcherrima omnium victoria, non multis opibus, non valida vi armorum, sed vna tantum celeritate peteretur. Edicta protectione, tantus fuit Gallorum ardor in apparandis ac expediendis ad iter rebus omnibus, vt insigni studio incitati Regis cupiditatem adæquarent: primaque agmina penè prius in Italiam transirent, quàm quicquam de Regis consilio motuque vel à magnis principibus omnino sentiretur. Primus omnium Nicolaus Campanus antistes, qui componendæ controuersiæ causa ad Reges missus, à Cæsare redibat, in Gallia fuerat retentus, pernici tabellario de Francisci transitu Clementem monuit. Cæterum Piscarius qui eadem de regis protectione petendæque Italia consilio fuerat suspicatus, die noctueque per aspera saxa nihil intermissis itineribus in Albingaunos Ligures peruenit: atque inde per Finarium & Carnissarium saltum, diuiso exercitu ad Aquas Statiellas est peruentum. Inde ipse vt de bello consultaret, mutatis ad celeritatem iumentis, ad Lanoium (is enim ab Asta Alexandriam atque inde mox Ticinum se receperat) contendit. Alfonsus vero Vastius, qui Malsiliensi bello peditatus Imperium Cæsaris voluntate iudicioque ceperat, cum exercitu à Statiellis profectus, tantam peditibus vel perpetuo viginti trium dierum itinere defessis, maturandi necessitatem imposuit, vt fluminibus vado superatis, & sublatis ferè omnibus naturæ desiderijs, quæ vel exiguum quietem requirerent, eodem die superato Pado in spatio quadraginta quinque milliariū ad urbem Ticinum perueniret, singulari hercle totius exercitus felicitate: vt cum supra duodecim millia sarcinariorum iumentorum traheret, nullum omnino militis impedimentum in tam longo infestoque itinere reliquerit. Hic est ille receptus nequaquam fugæ per simulis, supra omnem militarium operum laudem, maximorum ducum iudicio celebratus: quo vno facinore vt summæ admirationis, Piscarium gloriari solitum ferunt: quum alioquin de se loquendi parcissimus, quæ laudē adferrent singulari modestia reticeret: quasi eo tantum gloriæ fructu foret contentus, qui præclarè conscientie esset insitus, nec in proprijs, sed alienis in labris feliciter effloreret.

## LIBER QVINTVS.



**F**RANCISCVS ab Alpibus Taurinoque digressus ad Ticinum amnem tanta celeritate contendit, vt tormenta quæ Sfortiani ex arce Nouariæ detracta nauigijs imposuerant, à Gallis in amne deprehensa raperentur: missique caduceatores antiquorum secularum more cum liliata prætexta, qui Mediolanenses ad deditionem hortaretur, & cum eo Michaelē Salassum Regulum cum

ala equitum: itemque Ludouicum Balbianum cum Infubrum exulum manū qui vrbis portas occuparent. Iam enim Franciscus Sfortia Cæsarianorum diligentiē diffusus, communita arce, relictoque Mediolano trans Abduam ad Pisleonem se receperat. Hieronymusque Moronus qui consiliorum omnium erat arbiter ad populum concionatus, sacramento ciues exoluerat, & ut perquam mature se dedecent Gallo Regi, ne frustra cunctando patriā in discrimen adducerent, veluti desperata defensione suadebat. Infubres enim ad paucos redacti erant, quod nuper vastante urbem atroci pestilentia, per agrum in villas ex summo vitæ periculo confugissent: nam paucissimis mensibus ad centum millia hominum ea lue absumpta ferebantur. Propterea neque possessionum fructus, vinaque præsertim non vno in loco, etiam tum pendente vindemia, in urbem conuehi, neque agricolæ dissipari ac sibi vndique timentes ad opus muniendæ vrbis cogi poterant: & quod maximè intererat, imperandæ exigendæque pecuniæ facultatem inopinatus tanti hostis aduentus celeritate præripere videbatur. Erant ob id multorum animi metu consternati: sed vigebant tamen præclara studia quorundam optimatum pariter ac infimæ plebis erga Sfortianum nomen, vociferarique iam cœperant notis ignotique homines non esse desperandum: sed Cæsarianos ad vrbis præsidium Ticino protinus euocandos, ne Galli seui regnatores vrbe reciperentur, qui toties victi, & à incensibus repulsi, tum dentum, nequaquam ab iniusta ira cunctis, & Gibellinis præsertim extrema supplicia denunciarent. Itaque duces quum Ticini essent in consilio frequentib. nuncijs Mediolanum accersuntur: ob eamque rem, ne populi studio & tantis optimatum obtestationibus deesse videantur, eundem esse decernunt. Euocat etiam Franciscum Sfortiam Piscarius, oratque vehementer, ut neque suæ, neque publicæ causæ deesse velit: res fore incolumes demonstrat, si se Mediolanensibus ostendet. Sed is quum facile obtemperaret et Mediolanum esset profecturus, in itinere didicit supra Brianas Gallicas turmas ex Casæ Auratæ vico excurrentes militarem viam occupasse, quo periculo admonitus substitit: & mox adeo properè nauigio Crémone nati est deuectus, ut Cæsariani Lanioiusque præsertim non metu, sed occulto nutantis in fide animi consilio secessisse suspicarentur. Cæterum relinquitur Ticini præsidio Antonius Leua, vir egregiè fortis & impiger. Is quum Hispanos se cum quam Germanos mallet, & contra Piscarium disliceret Hispanorum cohortes per præsidia nequaquam esse diducendas, sed coniunctas in vnum inuictæ legionis corpus ad incertos belli exitus omnino retinendas, Antonius facile assensit: Germanosque omnes cum quingentis Hispanis duabusque equitum alis Garcia Manrico duce retinuit. Præmittitur Mediolanum cum expedita manu equitum Alarco, qui ciuium animos confirmet. Ipsi demum duo Caroli Lanioius atque Borbonius cum Piscario subsequuntur. Quorū aduentu nunciato Araldi atque tubicines Galli vrbe profugunt. Salallus quoque cum suo atque exulum equitatu ab vrbe retro conuerstitur. Quib. de causis Franciscus de Salas atque exulum salute sollicitus, Palicium quē Heluetijs præfecerat cum viginti cohortibus, atque item Ioannem Stuardum Albaniam Regulum cum trecentis equitibus cataphractis subsidio mittit. Sed cum diuersa via noctu iter facerent ad lucem usque pererrando nec se coniungere, nec maturè Mediolanum petere potuerunt: Albanus tamen ad portam

portam peruenit. At Cæsariani duces qui singulari ciuium voluntate fuerant recepti, quum signa tantum tulissent, eaque rari milites tantis fatigati laboribus sequerentur, adesset hostis cum ingenti exercitu, ad Laudem Pompeiam se recipere statuerunt. Quum Romana porta exirent, per Ticinensem & Vercellensem deiectis custodibus prima Gallorum agmina in urbem se intulerunt. Tum vero milites rubra cruce signati cum Gallis qui candida notabantur, media in vrbe contendere, deferri per regiones, ipsi Mediolanenses suspensum nihil se commouere: porro Cæsariani recipere sese iussi ad Romanam portam verti: Piscarius omnium postremus in tergo versari: temerè inuectos Gallos sepe reprimere. eoque modo frustra persequentibus Gallis Laudem Pompeiam est peruentum. Ibi Piscarius reliquos milites quos pridie monuerat, ut à Ticino atque ea militari via quæ Binascum perducit, Laudem maturè desisterent, in columnas recepit: quanquam eos Galli à Rosato vico progressi multis iumentis vetere præda onustis exuissent. Mediolano in potestatem redacto, & ciuibz benignè in fidem receptis, Franciscus ad Cassinum quinto ab vrbe lapide castra ponit. Mediolanensibus per literas magnam spem certè de mentis atque humanitatis præbet: duces in consilium aduocat: omnium sententias exquiris, an præstet Ticinum oppugnare quàm Laudem. Disputatur in vtraque partem, sed Franciscus ad Ticinum vrgente fato desertur, Boniuetti & quorundam opinionem secutus, qui Germanos longæ & inutiles militiæ tædio affectos, oblata pecunia corrumpi facile posse dicebant: aut cerè si obstinatè persisterent, eos demum grauissimi belli necessitate imposita, uti in summa auxiliorum & rerum omnium desperatione, deditionem esse facturos. Quibus Cæsari detractis, Hispanum leui armaturæ assuetum, suo certo statarij militis robore nudatum iri: proinde cum libenter accepta conditione Neapolim esse editurum. Quod si Laudem oppugnent, non esse dubitandum, quin vrbs exigua bis à Francisco Sfortia Bozoloque munita egregiè atque fortissimè ab acerrimis ac ingeniosissimis veteranis defenderetur. Sed in eo Boniuettus & cæteri vehementer erant decepti: nam Piscarius Laudem repererat adeo ineptè munitam, & comite apparatuque rerum omnium egentem, ut confecto statim ponte pedites noctu Abduam transirent, & Castrorum tantum cum ala equitum in speciem præsidij, qui motus hostium exploraret, relinquendum arbitraretur. Itaq; Franciscus Albanium, omnino hostium duces & Hispanos præsertim ad Laudem persequendos & tota mole exercitus oppugnandos esse prædicantem, misso Memorantio qui decreta deferret, ad se in castra Mediolano reuocat. At vbi Piscarius didicit, Regem ad Ticinum oppugnandum conuolasse, utpote qui cuncta diuino iudicio longissimè prouidebat, Vicinus, inquit, milites, qui victi eramus, postquam hostis præpostero innixus consilio, nos omittit, & Germanos oppugnat. Galli hercle quo maxime valent impetum amittent, & in longa atque hyberna obsidione vires hebetabunt, dū cum fortissima et peruicacissima gente nequicquam luctantur. porro è Germania nobis interim noui auxiliares aduenient: nec erit dubitandum quin si bellum trahatur, illud mox cum summa spe nobilissimæ victoriæ finiamus. Hæc ab ipso tanquam vero vate dicta sepius fuisse, ab ijs qui consilijs interfuerant cum summa fide didicimus. Nec multo post Lanoio trans Abduam ad Soncinum cum equitatu concedente,

Borbonius in Germaniam ut à Ferdinando Cæsaris fratre auxilia peteret, profectus est. Ipse Piscarius Laudi pompeie cum peditatu substitit, intentus in omnes occasiones quibus Antonio Leuæ oblesso adesse posset, & Gallo regi, Tramilioque item, qui Mediolano præerat, maximè noceret. Posita est vrbs Papæ (ita à Longobardis Regibus tanquam admirabilis appellata, quum Ticinum de nomine posuentis antiquitus vocaretur) in decliui ripa Ticinæ amnis, qui à meridie mœnia alluit, diductusque paulo supra urbem, ne tota aquarum mole mœnibus incumberet, & mox haud magno circuitu ad alueum reductus, insulam efficit hortorum fertilitate pernobilem. hanc vrbi coniungit pons lapideus eximij operis, perpetua contignatione aduersus omnes cœli iniurias elegantissimè protectus: à Septentrionibus arcem habet insigni structura, & picturæ iucunditate celeberrimam, quæ septa ferarum & regiarum voluptatis viridaria late prospicit: ea in spacio sexdecim miliarium ingentes syluas continent, opacæque nemora, & campos multis anniculis irriguos ad omnem culturæ varietatē, & ferarum pastiones pulcherrimè distinctos. Ab occidente sunt tēpla Saluatoris & diui Lanfranchi, inter quæ Franciscus castra posuit. Ad eam verò partem quæ orientem Solem excipit perpetuus tumulus iuxta septorum murum extenditur, in quo tria eminent tēpla: sub læuâ est via militaris ad cauæ vallis similitudinem depressa, quæ Laudem perducit. hoc in loco Palicia castrametatus est. In insulâ verò Memorantius traiecit, ut egressus à pōte præcideret. primo die in eum munitiones ad caput pontis promouentem Antonius Leua repentinus erupit. Sed commissâ acriter tumultuaria pugna, & cadente eius signifero, dum regrederetur, consilium sumpsit abruptendi pontis: atque ita extremo fornice præciso, hinc Antoniani atque illinc Galli, ad teli coniectum oppositas munitiones extruxerunt, & perpetuis stationibus confirmarunt. Memorantius molas frumentarias quæ erant secundum annum robustioribus nauigijs impositæ, & tota vltiore ripa catenis ferreis alligatæ, directis tormentis perfregit, atque demersit: turremque lateritiâ in sua ripa in qua Hispani excubabant positam contra naualia cum exitio defensorum expugnauit. quo incommodo accepto, Antonius molas trusatiles vicatim parare, & in nobilissimo Gymnasio sapientiæ studijs dicato pistrina instituere coactus est. Memorantius quoque paulo infra eam quam diximus turrem extra tormenti iactum alterum Ticino pontem imposuit, ut ad mutuas ferendæ opis opportunitates Palicianis castris iungeretur, sicuti supra urbem ab occasu priore ponte Galli milites ad Regia castra pari commoditate permeabant. At Franciscus ubi cuncta latè prospexit, et diligenter explorauit, vndique terrorem Ticinensibus propius admouendum ratus, producto tormentorum apparatu, & à suis, & à Paliciæ castris murum quatere cœpit. Antonius vti erat ingenio peracri, diligenti, inuictis, militibus non deerat, ut omnibus laboris & patientiæ exemplis ad vrbs defensionem accenderentur. neque Antonio deerant Papienses, per se Sfortiano nomini maxime dediti, & priuatis de causis etiam Gallis infensi. Vniusque omnium Marthæi Beccariæ excellens studium eminebat. is regnantibus Gallis, vti Gibellinæ factionis princeps, per aliquot annos exul fuerat: ob id publicis priuatisque opibus non parcebat: hortabatur ciues, ut cætera omnia contemnerent, modò sese & coniuges ac liberos à supplicijs & contumelijs tuerentur: quandoq.

quando nulla salus victis esset speranda, & nulla deditis spes salutis relinqueretur apud seuerissimam gentem, quæ vel data fide suis commilitonibus tot prælijs & casibus in Italia cæsis, vno maxime Papiensium sanguine parentare percuperet. Quibus de causis non modo quisque hospites suos Germanos pecunia egentes liberaliter alebat, sed alacriter in muri defensione atque opere versabatur. Ita Antonius singulari Papiensium studio vsus, Germanis incredibili perseuerantia, die noctuque in opere & statione versantibus, tantas introversus munitiones erexit, vt Galli quanquam prostrata ingenti mœnium parte, totis copijs murum inuadere non auderent: sed tentata tantum propugnaculi expugnatione, quod erat infra Perticariam portam cum ege de multorum, & in primis Amabili Centurionis reiecti pellerentur. A castris vero Regijs eodem puncto temporis vehementissimè quassata est quadrata turris, cui Me diæ barbæ nomen erat. ea vtrinque adactis tormentis summa vi ab ima parte quassata, et ad lineam excisa est. Sed dum corrui, incredibili casu adeo aptè in frontem prolapsa decubuit, vt quæ ingenti ruina patefacto aditu ingressuris Gallis nudare locum debebat, tanta opportunitate præseperit, vt cuncti novam ac insperatam munitionem non sine tutelarium numinum præsentis ope repente enatam, & appositam mirarentur. Ita Franciscus vbi vno atque altero conatu nihil se tormentis proficere posse animaduertit, & forte Longa uilla Regulus regij sanguinis adolefcens dum incautè ad vineas versaretur, minore tormento esset interfectus, aliud magnæ molis & perdifficile consilium desumpsit, Ticini amnis scilicet à mœnibus auertendi, vteo, supra insulæ caput, vbi veluti rostro diffinditur, in Graualonem deriuato, per siccatum demum alueum, promotis tormentis & copijs urbem aggrediretur. Erat enim ab ea parte murus ad ingentem tractum per se dibilis & simplex vetusti operis, & ob id etiam maxime neglectus, quod vrbs ipsa præterflente amne, nullo alio quàm eo loco munitior esse videbatur. Sed magna ad opus conducta hominum multitudine, quum publicis phalangis in vado defixis, atque his perpetua cratium serie intertextis, non aduersa sed oblique fronte aquam à Ticino sensim interciperet, & directis linteis telis, quas ab imo insutum plumbum distendebat, in depressiorem Graualonis alueum deriuare contenderent: amnis autumnalibus pluuijs inflatus facilè diticteis operibus hominum ingenia superauit, ita vt libratores et aquileges dum mirifice artis instrumenta picturis & modulis ostentando ingeniosi Regis animū oblectant, omnem spem consilij militaris cluserint. Fuere qui existimarent, Franciscum nequaquam operis difficultate deterritū, quā magnis hercle opib. & pertinaci cōsilio planè peruicisset, sed euidenti periculo adductū ab incepto desitisse, ne Antoniani vbi siccatū alueum statim vidissent, totis copijs eruptione facta ad opprimendas Memorantij copias peruolarent. quib. difficillima ratione nec maturè quidem succurri poterat, quum à Regijs & à Palicianis castris singulis tantum in multa distantia pontibus insula peteretur. Interea Clemens pontifex & Veneti cum Francisco certo sordere coniunguntur. siquidem magnopere metuebant, ne ingentis animi Rex tantis innixus opibus, si Ticino potiretur, infesto demum exercitu veteres iniurias opportunè vindicaret. Ex aduerso etiam in Cæsarem multorum studia refrixerant. cunctatius enim

Cæsar quàm oporteret, ad promerendas omnium voluntates, cum Francisco Sfortia agere videbatur: quippe qui nondum codicillis tot legationib. efflagitatos ei tradiderat, quib. augustali potestate adiudicati Mediolanensis imperij iura petebantur. Quamobrem in suspiciosorum animos caeca, nec aliena ab vsu rerum opinio, non inanibus coniecturis irrepsisse videbatur, Cæsarem quum vndique victor foret, eiecto Sfortia Cisalpine Gallie principatum proinus arripiturum, vt inde duorum demum Regnorum opibus fretus, totius Italiae imperio potiretur: id etiam Itali principes iniquo animo maxime ferebant, quòd Cæsariani duces post exactos Gallos pace parta, impotenti demum cupiditate, & planè superba insolentique audacia inducti, tantulis copijs Galliae regnum inuadere ausi fuissent, vt exagitatis domi Gallis, atque his pro salute ad arma excitis, et in Italiam pertractis, constitutæ pacis ocium perturbarent. Non enim eos pro socijs, & fœderatis haberi colique debere distabant, qui bella ex bellis ferebant, pacem pati non possent, nec vlla conditione quieti esse vellent, vt prætextu belli, prouinciarum populationibus alerentur. Si externos dominos fatali Insulbrum miseria pati necesse foret, præstare Gallos recipi quam Hispanos, quando illi Cisalpinam Galliam vti suam regionem ac alteram veluti patriam tueri, & fœcundam maximeq; florentem efficere consueuissent: secus ac Hispani qui tanquam alienam terram, quam essent relictu-  
 ri, omnibus avaritiæ & crudelitatis exemplis vexarent, atque diriperent. Postulabat Rex Gallus à Pontifice, Venetoque Senatu, vt neutri parti adesse vel-  
 lent: spectatores tantum essent, nec tam en commeatu impedirent: ipsum per se daturum operam, vt nullius ope ad superandos hostes indigeret, si illi pari-  
 ter à nemine vlla in re iuuarentur. quæ conditio sicuti in præfens pulcherri-  
 ma tanquam specie maxime utilis et tuta Pontifici & Venetis mirè placebat: ita demum drjudicata belli Fortuna, in eo tristiterum exitu, damnoſa & ex-  
 tiali fuit. Miserat Clemens ad Franciscum, & ad Cæsarianos duces, Giber-  
 tum Veronensem Antistitem, qui summorum consiliorum erat arbiter: atq;  
 item Nicolaum Antistitem Campanum, qui ab Hispania, Galliaq; redierat: ille  
 Gallis impensè fauere, hic Cæsarianis operam præstare dicebantur: quan-  
 quam ambo summi fidei summq; virtutis homines, nihil magis quàm Cle-  
 mentis nutus rectissima voluntate sequerentur. Existimabat enim Clemens  
 pacem cum vtraq; parte per idoneos ac amicissimos oratores esse pertractan-  
 dam, vt ipse tanquam ex æquo arbiter, quæ petebat, mollius atque facilius  
 impetraret. Instabat itaque vt induciæ fierent: interim eas vrbes vterque te-  
 neret, quas ab initio belli cepisset, aut antea possedisset. Id Franciscus Sfortia  
 minimè probabat. Nec etiam de Ticino vrbe conuenire poterant, quum  
 Cæsariani qui auxilia propediem expectabant, nihil concedendum arbitra-  
 rentur: nec Franciscus suæ dignitatis esse putaret, ab ea vrbe discedere, qua se  
 omnium potiturum speraret. Ita abrupta spe concordiae Giberus Romam  
 redit. Franciscus verò postq; aperta vis minimè processerat, & inopia tormen-  
 tarij pulueris pilarumque maxime laborabat, ad obsidendam vrbem conuer-  
 titur, ratus Germanos rerum omnium, in dies crescente penuria, quin ho-  
 nesta accepta conditione domum discederent, nequaquam diutius obsi-  
 dionem esse toleraturos. neque enim deerant, qui occultè Gallia fauendo  
 Centuriones pecunia corrumpere conarentur: duosque milites Hispanum  
 alterum,

alterum, & alterum Germanum, qui perfidiæ scelus de prodenda loci custodia conceperant, deprehēfos Antonius Leua supplicio affecerat, et poena proditorum in frustra disceperat. Fuere etiam qui dicerent Azornium Regulum Germanorum ducem prodendæ vrbis consilium animo agitalle, pellectum scilicet magnis muneribus à Rege ut id perficeret: sed eum ab Antonio fuisse præuentum: qui quum non obiculis indicij eius rei vestigia deprehēdisset, hominem summæ autoritatis ad epulas inuitatum veneno sustulerit. Azornio certè vel infanti ea Antonij cœna omnium fuit sœprema: verum de eare, uti falsa vel turpi, Antonius nullam vnquam postea laudem quæsiuit, sed repentinæ mortis causam in vinum liberalius haustum reiecit. Erat Antonius ad magnas rei numariæ difficultates redactus. & quoniam subueniendum erat egeno militi, postquàm ciues ferme omnes tantis etiam affectis detrimentis pecunia penitus exhaustisset, ex templis donaria detraxerat: amplioraque ex usu victoriæ Dñs pollicitus, ea constata, monetæ rudis demum nora percusserat: emissisque crebro nuncijs pecuniam à Piscario vehementissimè flagitabat. Intromittendæ verò pecuniæ quum nulla omnino via, portis ab hostium custodia præseptis ostenderetur, modum Piscarius inuenit, quo militum animos Antonius vel inclinatos ad deditionem, opportunè confirmaret. Transfugerant ad Regem veterani duo milites Hispani Cisnerius atque Romerius supplicium veriti, quoniam inimicum notum militem in castris interfecissent. hos Piscarius per idoneos homines perpulit, ut eius homicidij noxam insigni facinore ad certum nauatæ operæ præmium explarent: credebatur transfugis Rex Gallus quos liberaliter susceperat, quum ex captiuis eos perperata cæde supplicium effugisse didicisset. ergo illi accepta fide, Piscario operam pollicentur: & ex nocturnâ excursione ad præstitutum locum à Piscarianis aurum accipiunt, id tunicis insutum occultant: & postridie, quum à Ticinensibus porta egressis quotidiana exercitatione certaretur, ad pugnæ locum procurrun: sese signo dato Ticinensibus permiscunt, & intra portam cum mutua læticia recipiunt. Horum beneficio Antonius singulos auros numos singulis Germanis militibus diuisit: addiditque per amplis promissis, auxilia breui ex Germania in Italiam peruentura: quibus nuncijs quum falsa veris abundè permisceret, milites folico alacriores ad ferenda obsidionis incōmoda reddebatur. Per eos dies Piscarius, quum ad esset Gibertus qui de induciji mandata detulerat, didicit per exploratores Hieronymo Triuultium cum ala Gallica, qui ex Circumabduanis locis rem frumentariam expediret, Molitio in oppido confidere: confisumq; loci munitioni, & studio oppidanorum nihil ab hoste vereri. Itaq; occasione vtendum ratus, ut præsentē legato Hispanis militibus, neq; manus, neq; animos obtorpuille ad præclarè audentem ostenderet, vrbis portas concludi, & intentâ custodia nequis omnino rem efferre possit, obseruari iubet: communicatoque cum paucis consilio de prima vigilia lintearas cohortes uti noctu consueuerat, educit: brumalique nocte confecto quindecim milium itinere, ante auroram ad oppidi fossas peruenit. Vigiles qui in muro erant, quum crebros igniculos ex sclopettariorum funiculis scintillantes à longè conspicerent, primo rati esse volantia insecta quæ cicindelæ vocantur, Hieronymo rem serius significant. Vtrum vbi continens agmen apparuit, id renunciant, & toto muro ad arma conclamatur.



Tum verò Piscarius ad Vastium conuersus: postquam aduenimus (inquit) omnino nobis vel resistente hoste in oppidum est euolandum: superate fossam, & per scalas hastasque conscendite: ego ab aduersa porta, ne vnus quidem effugiat, vias obsidebo. Nec mora, in fossas præaltas plenas aquas demittunt: sclopetarij muri coronam crebris ictibus infestant reddunt, ne defensores in ea consistant. Quum Vastius ipse corpore ingens vix summo pectore ab aquis extaret, cōferræ cohortes certatim se demittunt & enatant: pauci scalis, plures fraxineis innixi hastis, & subleuari succedentium humeris in murum euadunt, cum vigilibus deiectis in forum esset peruentum, Hieronymus cum paucis è porticu sine galea erumpit. cum eo Vastius vti erat ante primos singularem certamine congredditur, adactaque in frontem lancea, ab equo deturbatur. in eoque tumultu serò nomen proficenti dextra manus deciditur, quibus affectus vulneribus, paulò post interiit. Cæteri equites paucis vulneratis capiuntur, oppidumque singulari festinatione diripitur: nec plusquam sesquihoram Piscarius quietis & moræ militi concedit. atque ita quum à propinquis Gallis, qui erant in præsidij oppidorum cauendum putaret, adhibita celeritate Laudem reuertitur. Ea res tam breui spatio brumalis diei, per lutulentam cinerem à pedite confecta, Gallos vti in pari discrimine per vicina oppida disperfos, vt vigilantius agerent admonuit, vehementerq; conterruit. At Franciscus vbi Cæsarianos duces ab inducibus atque concordia penitus abhorrere, et è Germania legiones expectare comperisset, simulque indies certior fieret, obfessos non modò frumento vinoque abundare, sed sepe ad omnem vel profundè pacis, ciborū copiam atque luxuriam epulari, cum valida exercitus parte Albanio duce Neapolitanum regnum inuadere constituit, rarus Hispanos ad defendendum Italici imperij caput, vbi pleriq; eorum liberos, vxores, domos prædiaque haberent, continuo relicta Gallia Cisalpina, Neapolim esse reuersuros. Placebat hoc Pontifici & Venetis, vt eo timore iniecto Cæsarianos ad inducias compellerent. Sed nequaquam is erat Italici animus, vt Galus Neapolitano regno potiretur: vtpote qui opes Italię libramento quodam exæquare percuperent, summam in vno rege potentiam magnoperè formidantes. Nam sicuti Hispanis Mediolanense imperium arripientibus, totius Italię libertas omnium iudicio conclamata videbatur: ita si Galli nudatum omnipræsidio regnum, Andegauensibus regulis id maxime optantibus intrarent, ne minime dubium erat, quin mox, vti paucis antè annis acciderat, immodicę & superbę genti foret seruiendum. Itaq; pontifex hisdem de pace consilijs incumbens, Albanum, qui cum Gallico exercitu per Calphurnianos saltus à Rhægio Lepidi in Etruriam descenderat, Lucensibusq; & Senensibus pecuniam, com meatus, tormenta; & eorum vecturas falsim imperat, Romę recipit: ita tñ vt eius impetum quantis maxime posset in Cæsarem officijs nequaquā offensa Galli regis amicitia retardaret, scilicet, vt Cæsariani imminenti periculo adducti ad eas quas antea repudiassent induciarum & pacis condiciones recurrere cogerent. Interea Borbonius quem in Germaniam profectum diximus, paucis diebus magni roboris auxilia coegit. Neq; enim liberæ ciuitates, quæ Augusto nomini parent, Cæsari deerant: neq; quisquam Regulorum Ferdinando Cæsaris fratre in delectis, habendis ornandisq; militibus alacrior & sumptuosior erat, à liberis autem foederatisq; populis nullus est Georgius Frangis

spergus cū viginti cohortibus. Ferdinandi verò copijs præfuit Marcus Sidhius  
 clari nominis dux, & Italiæ præsertim bellis assuetus. Nicolaus quoque Sal-  
 ma è Norico excellenti virtute regulus, duorum ferè millium equitū alas ad-  
 duxit, non robore modò virorum, sed equorū et armorū specie insignes. Ve-  
 necti qui ijs legibus cum Gallo Rege in amicitiam redierant, vt Cæsari nihil no-  
 cerent, Germanis transeuntibus expedita itinera & commeatus abundè præ-  
 buerunt: atque ita Borbonius media hyeme, maxima omnium cum læticia  
 Laudem Pompeiam peruenit. Nec segniter a Francisco postquam desperatis  
 inducjs rem ad vim spectare prouidebat, maiora indies prælidia parabantur  
 partim ex Heluctijs atque Grisonis: partim ex Sedunis atque Valesijs, qui ad  
 Graias alpes pertinent: suppleri etiam Italicas cohortes, atque alas refici iube-  
 bat. conduxeratq; item Ludouicum Palaucinū, qui Circumpadanos conſe-  
 tus interciperet, qui à Francisco Sfortia ad Cæsarianos mittebant. Sed eum te-  
 merè transgressum amnem ad Casale oppidū Sfortiani duce Alexandro Bentiuolo,  
 suis eius copijs viuum ceperunt. contrā verò bellicis casibus illudente  
 Fortuna par vulnus, & nobilitate ducis aliquanto grauius in Liguria Cæsari-  
 anis est inflictum. Gerebāt Galli bellum duce Salasio regulo aduersus Ge-  
 nuensēs, Saonamq; valida classe & firmis præsidijs obtinebant. præfecti  
 classium Vgo Moncata & Andreas Auria intenti in omnes occasiones ade-  
 rant. fortè per exploratores ad Vgonem defertur, Gallicas cohortes in Vara-  
 gio oppido soluta statione desidere (id est oppidum citra Saonam ad mare  
 positum debili cinctum muro) eas cohortes Vgo se facile opprimere posse ex-  
 istimans, vt erat consilio repentinus noctu triremes Hispanicis cohortibus  
 silentio complet, è Genuæ portu de secunda vigilia educit, & ad Varagium  
 adhibita celeritate, oriente Sole peruenit. Sed dum milites in terram expo-  
 nuntur, & arduo ascensu oppidum circumueunt, Varagiani ad arma concla-  
 mant. Interim aduersus suboritur ventus: Trierarchi triremes expediunt: V-  
 gocom cohortib. in litore deseritur. erant in præsidio Simon Tibaldeus Ro-  
 manus, & Gigantes Corsus eximie fortitudinis cohortium præfecti: ij capto  
 repente consilio, haud longa oratione milites cohortati, ad aperta porta sub  
 signis erumpunt: nec Cæsariani eorum impetum sustinent, vtpote quib. abre-  
 pta in altrū classe, & erepta spe fugæ, animi repente coniderant. Ita Vgo inops  
 consilij dum suis dissipatisq; militibus frustra repugnare contendit, sine vul-  
 nere capitur. Superuenere etiam Aurianæ triremes, quæ fortuna terra maris-  
 que feliciter aspirante Cæsarianā classem in sugam dederunt. Ea victoria Fran-  
 ciscus singulari læticia est affectus: quoniā in spem veniebat Ligustici belli ma-  
 turè conficiendi, vt inde mox Salassum cum delectis cohortib. ad se Ticinum  
 in castra reuocaret. Germanorum etenim aduentus fama ingēs dispersa per I-  
 talias, de obtinenda Vrbe, spes atq; animos Gallis sensim minuebat, quū ex  
 aduerso Cæsarianis vehementer augeret. Per eos quoque dies Antonius Leua  
 Sedunus, qui ab Occidente in suburbanis edificijs nequaquam militari diligentia  
 stationem habebant, eruptione facta lucrar adortus: multisq; caesis & captis,  
 cæteris fugatis, Paulum Syluam eorum ducem inde pepulerat. Quib. de cau-  
 sis Clemens pontifex de belli euētu maximè timere cogebatur: existimabatq;  
 metum Cæsarianis propius ad mouēdum, vt de inducjs impetraret, quod an-  
 tea postulasset. Ad ipsius etenim dignitatē, qui ad equitatis & pietatis nomen

Sacrosanctę authoritati innitebatur, maximę pertinebat, ut utrique ab armis discederent, ipso disceptatore atque arbitro controuersiam componerent: ut ea arma quibus adeo funestę inter se desquissent, aduersus Christiani nominis hostes verterentur. Sed ante omnia pulchrum erat atque magnificum solo consilio, nulla impensa, Italorum omnium libertati præcauisse: ne si bellum Mare iudice victoria finiretur, qui superior euaderet victoribus, innixus copijs, victoria & Fortuna utendum arbitraretur ad perdomandos reliquos hostes, subigendamque Italiam: quę affecta viribus, & dissociatis principum animis, haud dubie in præmium laboris atque periculi victoribus celsura videretur. Sed Clemens alioqui ab inueterata prudentia circumspectus, dum fatali quodam errore inductus neutri parti nocere velle vult videri, utrunque tacito sensu vehementer offendens, sibi ac toti Italię graue & planę funestum bellum peperit. Erant plerique ex amicorum & familiarium numero, qui recta quadam ingenij libertate suadebant, ut Placentię iustum exercitum pararet, consilia & vires cum Veneto ad id maximę parato, opportunę commiseret: ut qui inermis dum pacis conditiones armatis proponit, esset despectus, vim dum haberet ad compellendum, si Cæsariani vel rex ipse ab inducijs atque concordia pertinacius atque insolentius abhorrerent. Quid enim Italo principe, atque eo præsertim qui summę pietatis atque prudentię personam sustineret, tutius ac honestius esse poterat, quàm parato exercitu firmissima vti autoritate: & denunciato utrique periculo, in eum qui abnueret, diuinis ac humanis armis deferri: atque inde præclarissimo facto, in Italia pacem atque ocium parare: sed fata obstabant, ne pontifex ea consilia plena securitatis & laudis protinus expediret, ut ab his mox peccatis ac erroribus nostro merito diuina humanaque omnia perderentur. Bellici namque sumptus qui exhausto arario impenderent, ad conscribendis copijs pontificem maximę deterrebant natura tenacem, & pecunię nunquam profusum, temperantia & cunctatione gaudentem, & ex alienis rerum successibus consilia sua expendere solitum. Quę artes sicuti dignę erant sancto moderatoque pontifice, qui peculiari studio veterum more sacra procuraret, ita ei importunę, ac excruciantes esse videbantur, qui generoso fortique consilio ad salutem omnium excubare vellet, ut Italia validissimarum gentium pertinacibus armis vexata ab imminenti interitu incolumis & libera seruaretur. Igitur Clemens cum pro Cæsare animus esset in officio, & Francisci, Gallorumque item res saluas & florentes esse cuperet, ut medium segerere videretur, Albanium monuit, ut ex Romano agro per Sabinos in regni fines maturaret: scilicet ut eo metu territi Neapolitani, qui omni militari præsidio nudati erant, ad defendendam omnium salutem, e castris copiarum partem euocarent. Iam Albanus ad Eretum, exercitu Tiberim pōte traducto, sese in Aquilanorum fines insinuare cœperat: & Rentijs Ceres ex his oppidis, quę Gallis fauebant, cohortes conscripserat, totiusque Vrsinę factionis clientelas ad arma ex Spoletinis agris commouebat. Quo timore adductus senatus Neapolitanus, ducibus & Carolo Lanoio in primis, in castra perscripsit, Albanium cum iusto exercitu regni finibus appropinquare: excitari passim in prouincia Præcurina, Aquilęque præsertim, vetera Andegauenensium studia: defecturos esse populos, ipsamque Neapolim hosti celsuram, ni maturę subueniant, quando omnia hosti aperta & exposita videantur,

rentur: quando iam egregiæ virtutis decus nequaquam ad fortem spectatamque duris in prælijs dextram, & inuictum corporis ac animi robur, sed ad foruitos volantium pilarum ictus, cæca semper forte, & in his temeraria sæpe fortuna reuocetur.

*De cognomento ex re quasito. Cap. X I.*

Quum in Alberici castris esset ferè imberbis, animoque ferox, & manu promptus, sæpe turbas iurgiaquæ misceret, nec quenquam ante se pugnam capessere pateretur: in eo peracutus imperator animi, atque oris habitum notauit, prædixitque eum, nisi immaturè caderet, & paululum seruidi ingenij impetum prudentia temperaret, absoluti ducis nomen habiturum. Nec multo post suborta altercatione inter commilitones in partiendâ præda immortale cognomen adeptus est: quum eam minus equaliter diuidi immodicè quereretur. Siquidem tota lite ad ducis arbitrium delata, iudicataque, ad Albericû subtrato & minaci vultu conuersus: Mihi, inquit, imperator, hoc tuo iudicio rata pars prædæ periniquè surripitur, ita vt in posterum similè iniuriam equo animo non sim laturus. Ad ea Albericus renidenti, & contracto ore respondit: An & mihi quoque vti alijs soles, adolescens, vim asferre voles? Desume ergo tibi Sfortiæ nomen: atque ita abolito Mutij nomine, vt ab omnibus vocaretur edixit: quæ vox Latine exprimit violentum.

*De primis commilitonibus eius Cap. X I I.*

Eduxit autem patria peregregiæ iuuentutis manum ad auctam mox conuersu insignium equitum, quum bellicosissimus quisque spe laudis, & lucri cupiditate ad eum deferretur. In his fuere ex numero propinquorum Bartholus & Franciscus germani fratres: Sed in Francisco mira indoles efflorebat, cui ab insita ingenio eius audacia Boccaleto cognomen fuit: Præterea Bosius, Laurentius, Michaeletus, & demum Foschinus Attenduli cum Sanctoparente Petracino auunculi filio, & alijs plerisque, qui è finitimis vrbibus amicitia, & partium necessitudine coniuncti, crescentis in eo nominis famam vehementer obseruabant. Hos omnes ferè in historijs celebres videmus. Verum illustris admodum euasit Michaeletus, qui accumulatis ab humili gradu bellicis honoribus, Vnetorum demum imperator effectus, ad exactæ ætatis terminos peruenit.

*De præfectis ab se dilectis à promptitudine virium Cap. X I I I.*

E turmarum, cohortiumque præfectis eos maximè adamauit, fraternoque amicitia iure sibi obstrinxit, qui manu præcipuè valerent. diuisa enim inter Ducem, & militem esse militiæ munera dicitabat, vt victoria pararetur: quum in illo ante omnia rationem, atque prudentiam, in his autem expeditam vim, per acrem impetum, & indomitum robur omnino requireret. Propterea eos maximè deuitare damnareque erat solitus, qui in coronis sollicitè nimis, atque subtiliter de belli ratione, exituque rerum differendo, quid sta-

tuendum, quidue tentandum foret, imperatori consulere atque præscribere viderentur. Cæterum ipsi perlibenter aspera quæque & periculosa munia detrectarent, soloque & inani sapientiz nomine contenti fortibus viris veræ laudis materiam relinquerent: qui imperantibus alacriter parère, vehementerque pugnare, nec vulnera, & mortem timere didicissent. Ex hoc ordine primores ardentissimi dilexit Martinum Fauentinum, qui aliquot post annos à Pandulpho Malatesta Ariminensi tyranno necatus est, quum inhiaret eius pecunia, & crescenti insontis viri gloriæ vir crudelis inuideret: Præterea Eustorgium Vicecomitem, Ludouicum Columnam, Tomam à Typherno, & Scorpionem, atque Tarantulam à Luco Flamminia, Zenonemque item Cribellum, & Parinum Derthonensem, & Gentilem Montaranum, Angelumque Lauellum, cui ob hæsitantiam lingue, tumultumque oris Tartaliæ cognomen fuit.

*De amicitia cum Braccio inita. Cap. XIIII.*

Cum vno autem Braccio Montonensi, ætate, fortuna, virtuteque færmè æquali, arctissima familiaritate coniunctus adeo fraternè & liberaliter amicitiam extoluit, vt aliquot annis inter se duo longè omnium in Italia maximi futuri duces, consilia, arma, equos, pecuniam, & tabernacula in communem vsum conferrent, isdemque vexillis, & laciniarum coloribus vterentur. Militaria enim sagula singulis equitibus ab humero dextro in obliquo semur, cocineoque colore: e contraria verò parte, pertransuersum albo, & cælesti alternatim undulato distinguebantur. Verum vt aliquod ex propinquo discrimen foret, per acutos Sfortia fluctus, obtusiores verò Braccius eleganter exprefferant. Quorum insignium argumentis atque coloribus hodie quoque vtriusque factionis studiosos vt videmus, quum centum quinquaginta & quatuor anni numerentur, ex quo ea ipsi auctores & principes gestare cœperint.

*De causis amicitie cum Braccio abruptæ. Cap. XV.*

Sed eam demum amicitiam iam pridem obrectatione gloriæ, & virtutis æmulatione comminutam, Sfortia grauissimis offensibus iniurijs, post triginta annos adaperto tandem animo, & libero ore penitus abrupt: quum ipso Sfortia ad Beneuentum in carcerem coniecto, Braccius nihil amici calamitate permotus, violata repente amicitia, ea oppida quæ sunt in Tuscia inter Cassilam viam & Aureliam Sfortianæ ditiosis, Tartaliæ inuadenda, occupandaque tribuisset: idque eo infestius à Braccio factum fuisse videbatur, quoniam ab initio ipsius fidei commendata fuerant, & subinde Tartalia grauiorem iniuriam occupatis oppidis addiderat: quum Sfortianas turmas in hybernis oppressisset, fortissimo quoque decurionum, & equitum in vinculis retento. Braccius enim in Vmbria felici rerum successu elatus, vasta cupiditate animum intenderat, vt vrbis Romæ imperio potiretur. Tribus siquidem ea tempestate Pontificibus immuni cardinalium ambitione, atque superbia creatis, Christiana religio lacerabatur: Romaque terrarum quondam

quondam domina, fame, pestilentia, ac incendijs deformata, obfessa latronibus, ac orbatâ Pontifice, factiosorum libidini seruebat. Ad id audendum patrandumque facinus, idoneus & opportunus erat Tartalia, cum sub signis eius mille equites, & bis totidem pedites milisarent. Fœdere itaque icto, ut mutuis auxilijs atque opibus fines proferrent, & sese aduersus vim hostium tuerentur, Tartalia facillè cuncta usque ad Senensium fines in potestatem redegit, præter Aqueses & Porfenianos, qui Sfortianorum præsidio tenebantur. Braccius verò positus ad Anienem castris, fusisque tumultuario prælio Romanorum copijs, vrbe positus est. Per eos quoque dies Braccius Michæletum, qui capto Sfortia, ad eum amicitiae iure cum trecentis equitibus confugerat, omni pudore dissoluto missum fecit, nec persoluto quidem stipendio. Quam demum contumeliam indignatus Braccio Picininus, magno, nobilique animo refarciuit, quum ex domestico abaco argentum omne, ut æs alienum cum milite dissolueretur, ad Michæletum detulisset. Per huncmodum inter se diducti accensique odio Sfortia & Braccius, Italicae militiæ principes effecti, magnosque exercitus ducantes, de nomine sectas contulerunt. Quibus demum liberarum ciuitatum, Regum atque Pontificum opes vehementer attritæ, conuulsæque sunt: quum veluti ex conducto, pudenda eius seculi conditione, ad alenda bella sæpe altercant, & semper aduersi, modò his, modò illis, mercenaria arma inferrent, aut sustinerent.

*De causis inimicitiarum cum Tartalia Cap. X P I*

Graui etiam de causa multis antè annis cum Tartalia amicitiam diremerat: quum ad Casalecium, malignitate aut metu deferente locum Tartalia, se ab hostium cuneis ex obliquo irrumpentibus cum turma protritum & caput quereretur. Ea res, ut multorum oculis liquidissimè spectata, euulgataque vtrinque in castris dilui non potuit. Ob id in Tartaliæ pectus alacritè taciteque descenderat, adeo ut occultum vigeret odium, & eo quidem lethalius, quòd illa eadem familiaritatis imago officijs quibusdam & alloquijs sustentabatur.

*De prima equitum præfectura Cap. X P I I*

Suo primùm ductu apud Broliam viginti quinque equitibus præfuit: qui numerus equitum eo tempore turmam implebat. Apud Albertum autem Ferrariæ principem iustæ alæ vexillum sustulit, coniuncto sibi Laurentio: in ea fuere equites ducenti. At confecto ibi bello reuersus ad Broliam haud multum ibi permansit accitus à Raspanibus, qui tum Perusiæ popularem statum induxerant: Oppugnabat eorum libertatem Ioannes Galeacius Vicecomes: illi ex aduerso contractis auxilijs, vno maxime Sfortia duce, seipsos accessit tuebantur. Sed ciuitas viribus impar opulentissimo hosti tandem cessit. Eo bello Sfortia vigilantis, intrepidi, maximeque pugnacis ducis famam consecutus, vtrinque virtutis & fidei præmium tulit. Donatus enim est publicè ad ornamentum abaci, calato argento, & ab hostium duce, duplicato stipendio Ioannis Galeacj militiæ adscriptus. Insuper arctiorem

amicitiā societatemque cum Parino certa lege communicatis turmis, ut equali auspicio regerentur. Sed profecti ad Insubres, quum non vno in loco equali forte, sed dispari cum laude militassent, obscuriusque indies fieret Parini nomen, Sfortia scilicet fortibus factis duorum famam vendicante, liuore atque perfidia Parini exauthoratus, dimissusque est: quum falso accusaretur apud suspicacem Principem tanquam oculus, & capitalis Gibellinarum partium hostis, & genere Guelphus, cui factionis se maxime aduersum Galeacius, quod ita sibi conduceret, factis & dictis profiteretur. Eo modo proditus, sed cum multo verborum honore à Galeacio dimissus, ad Florentinos se contulit, qui tum Gallorum reges, & Germanos Cæsares ad uersus Galeacium concitabant.

*De insignibus gentilitijs à Roberto Cæsare donato  
acceptis Cap. X V I I I.*

Sub id tempus Sfortiam iam pridem eximiae virtutis opinione percelebrem, Robertus Cæsar Augustus Romanorum imperator illustrem fecit. Descenderat is in Italiam Florentinorum pecunijs euocatus ad bellum, ut Galeacius Mediolano pelleretur. Sed demum duobus tumultuarijs prælijs ad Brixiam pulsus, repressusque cum Patauio reparandis, copijs diuertisset, obuiam honoris & præsidij causa Sfortiam habuit, qui tum statiuus in castris ad Montagnanā Patauino principi, Venetorum oppresso armis opem tulerat, præpositus Florentinorum auxilijs, quæ socio amicoque principi iure forederis mittebantur. Excepit Cæsarem perornato compositoque more militiæ toto equitatu, circumductis & in duplices alas digestis ordinibus, ita, ut Cæsar ea specie cataphractorum equitum, qui cristati, bardatique omnes procurrebant, mirum in modum oblectaretur, erigeretque animum renouando bello, si ijs maxime copijs, & Sfortia duce iuuaretur. Commouit & in admirationem Robertum simul, proceresque Germanos Sfortiæ equus tanta arte concitatus, circumactisque in gyros, rursusque tum plenis, tum suspensis saltibus reflexus, ut sessore Sfortia nemo peritior, aut habilior reperiri posse videretur. Qua vna arte Germani grauiiores, segnioresque habentes equos dudum ad Brixiam se victos fuisse memorabant. Visebatur in Sfortiæ vexillis citonium pomum vetus Attendulæ gentis insigne, ductum scilicet ab oppidi nomine, vti principem familiam decuit. Ad id aspiciens Cæsar, & ad Sfortiam se conuertens: dignum, inquit, virtute tua leonem dabo, qui citonium læua sustineat, & minaci dextra tueatur, ne quis attrectet, atque corripiat. Atque ita tabulis lata membrana confectis, Leonem fuluum erecta ceruice, alteri pedi innixum dono dedit, concessitque ut Attenduli omnes eo argumeto vterentur, essentque in clientela Baioariæ principum, quorum essent à prisca origine gentilitium insigne. Nam Robertus ipse, Norici regulus, à Baioaria familia suffragijs Germaniæ procerum de more ad imperiū accesserat.

*De honoratiore militia eius Cap. X I X.*

Regressus in Ethuriam Florentinis aliquot annos militauit, Bononiensi primum



primum bello, quo vel ab aduerso pugnae euentu, quum in hostium potestatem venisset & fama clarior, & stipendio auctior euasit. Pisano autem bello id magni ducis specimen dedit, ut Neri Caponi manu, de Angelo Perugulano hostium duce profligato, lauream acciperet, atque item liliatum vexillum, de quoque demum publico annua pecunia donatiui nomine donaretur. Sed Pisani in seruitutem redactis, cum Florentini quiete atque ocio fruerentur, ad Nicolaum Atestinum Ferrariae principem contendit. Is tum ab Othone Tertio Parmensium tyranno acerrime premebatur. Galeacio enim Vitecomite morte sublato, duces, dilacerato eius imperio, singuli singulas vrbes occuparunt, Parma Regiumque Lepidi cum multis oppidis Othoni cedere. Is veteranis instructus copiis, in quibus supra quatuor equitum milia fuerant, Mutinae atque Ferrariae immunebat, populabaturque effuse agrum, & cuncta bellico terrore complebat. Ceterum superuentu Sfortiae, eius impetus fortiter est repressus, bis conferta pugna, semel pro Mutinae portis, quum Sfortia in eum ad suburbana usque castra insolentissime prouectum duabus portis feliciter erupisset: ac iterum non longe a Roberia, ubi Othoniani locopulsi, ponteque deiectioni, multis suorum amissis terga verterunt. Nec multo post, ad Regiolam accipiti euentu ex itinere dimicatum, cum Sfortianos a Guastalla maioris pecoris agentes praedam, Otho ferociter adortus accipiti periculo conflixisset. Suffosso enim equo circumuentum & captum, tanta vi veterani equites ut opem ferrent, signa intulerunt, ut erepto duce ipso ex Sfortianis ad triginta equites cum Michaleto caperentur. Hos Otho contra morem militiae, compedibus oneratos, duro in carcere quatuor menses detinuit, adeoque inhumaniter cruciauit, ut media hyeme nudos gelida aqua perfunderet. Sed perrupto demum carcere feliciter effugerunt, ut eam iniuriam Othonis caede vindicarent.

*Decade Othonis Tertij Cap. X X.*

Otho ubi conatibus suis sustinente, virgenteque Sfortia, acerrime resisti videt, pacem, ut falleret se appetere simulauit, sperans Nicolaum praegravante stipendio Sfortianas copias esse dimissurum, ut demum ex occasione incutitum, exutumque armis repentinus inuaderet. Postulabat igitur Otho ut Nicolaus in colloquiunt deuenire minimè grauarietur, ut coram de pace liquidissime agi posset. Id bis abnuerat Nicolaus ab insidioso astutoque homine dolum veritus, sed tandem assensit, ut eius perfidiam praecuperet. Res eo modo composita est, ut ambo inermes, binis stipati equitibus, parique spacio a suorum agminibus prouecti ad primum a Roberia lapidem militari in via conuenirent. Aderant Othoni Guido Taurellus, & Antonaccius Aquilanus dari duces: Nicolaum verò Sfortia & Michaletus medium tenebant. Ceterum vix dum coeptis sermonibus, Sfortia praetexto & feroci equo in Othonem repente concitato eum per lorica, quam lacinia tectam frustra induerat, sub costis gladio transfodit, prostratum confecit Michaletus: Taurellus & Aquilanus, quum signo dato undique ex insidijs procurreretur, capti: comitatus verò eorum in fugam praecipis, magna ex parte armis & equis exutus est. Exemplo Sfortia promotis castris Parmam contendit, re-

ceptusq; à ciuibus, qui liberatori, & tyrannnicidæ insigni studio fauendum existimabant, Othonis filium in arce obsedit. Is erat Nicolaus cognomento Guerrerius, quæ vox Bellicosum sonat. Ea dedita pari demum euentu, & Regium, & sancti Domnini oppidum, cum triginta amplius castellis in ditionem Atestini deuenierunt, ita vt fortuna puncto temporis Othonis imperio pariter ac vitæ finem attulerit. His rebus biennio confectis, Sfortia quâ à Nicolao discederet, Monticulo Parmensis agri oppido donatus est: atq; item vexillo, in quo adamas turbinatus aureo inclusus annulo depictus erat: quo insigni postea, & ipsū & posteros eius perpetuò vsus fuisse cōspicimus.

*De diuersitate famæ ex Othonis cade Cap. XXXI.*

Fuere ea tempestate qui clarissimi facti nomen accumulata cum laude celebrarent. Porro alij contrâ interpretarentur, vtpote qui sacrosanctam colloquij fidem singulari perfidia violatam, iusque gentium seruo in posteros exemplo temeratum, atque sublatum dictarent, adeo vt Sfortiæ militari iudicio, magna quidem inuidia, sed Nicolao multo maxima confiatur. Quamobrem Sfortia vbi se acrius perstringi didicit, publico in loco, ita vt à multis insignibus viris exaudiretur, in hunc modum est prolocutus: Desinant, inquit, ex occulto verbis criminari, quicquid de Othone transactum est: quandoquidem ego eum iure occisum, si quis improbet singulari certamine sim ostensus. Annon ego etiam ingratus & nequam exultari potuerim, si principi, qui me ipsum copiasque meas alit, parere, operamque præstare recusassem? an eo præsertim homine tollendo qui perfidia & leua tyrannide infamis, contra fas & æquum, sceleratis armis aliena appetebat: cum & ego quoque immani laceffitus iniuria eum priuato nomine, & iure quidem optimo, vel ad aram fuerim occisurus.

*Quibus principibus operam nauarit. Cap. XXXII.*

Quatuor demum pontificibus maximis, & totidem regibus, aut dux summus, aut æquali cum imperio operam nauarit: Gregorio XII primum, ac Alexandro V. cum Ludouicum II. Andegauensem in paternum regnum reduceret: ac demum Ioanni XXIII, à quo insigni liberalitate, vt merita stipendia soluerentur, Cotignolam patriam dono accepit. Quo munere nihil vberius, aut omnino iucundius in toto vitæ cursu sibi euenisse fatebatur, quòd honestissimo dominatu parto, cinium suorum princeps esset effectus. Asseruit demum in libertatem Romanos Bracciò Vrbe depulso, legatumque Vselanum in arce diu obsessum dignitati restituit, Stephanucio Cardinale in carcerem coniecto, qui ordinis & patriæ dignitatis oblitus, auersusque Pontifici, Braccijs partes sequebatur. Martinus enim in concilio apud Constaniam, Ioanne in ordine Senatorium redacto, omnium suffragijs pontifex renunciatus in Italiam venerat. Nec multo post, Sfortia, vti decuit pontificiæ dignitatis assertorem, vrbe Roma Iordano Columnæ tradita (is à fratre pontifice præmissus fuerat) sacrosanctæ militiæ Vexillifer creatus est, vt eo honore qui in Italia supremus habetur, supra cæteros duces emineret.

De

A Ludouico Secundo insignem tantum beneuolentiam gratiamque promeruit, cum ille Ladislao ad Fregellas memorabili acie superato, victoria uti nesciisset, interrupto scilicet secundarum rerum cursu pessimis Pauli Vrsini artibus. Transiuit demum magnis frequentibusque iniurijs, ab eodem Paulo Vrbe extrusus ad Ladislao. Ab hoc rege qui totius Italiae imperium ingenti animo affectabat, quatuor oppidis in Samnio donatus est: cum & antea Franciscum filium urbis Tricarici Comitem fecisset, qui tredecim annorum puer, ut paternae fidei obses foret, & Ferraria Neapolim aduenerat. Ladislao autem immatura morte surrepto, sorori eius Ioannae Reginae adhæsit: iactatusque est vario euentu magnis fortunæ fluctibus, quum modo insigni gratia floreret, modo graui pressus inuidia mergeretur. Incredibile quidem dictum est, quantos æstus receperit Reginae animus, cum insanis amoribus perditissimè deferuiret. Nam Alopo, Urbanus Aurilia, atque eo prætextu legationis in Germaniam ablegato, Caracciolus successerant. His admiſcebatur Sfortia procacibus reginae oculis ad amorem pellectus. Eo cæteris grauior rivalis, quod omnes simul ingentis animi virtute, copiarumque inuictis opibus anteiret. Inter tantos rerum motus, quibus modo aduersa, modo secunda, & semper instabilis fortuna Sfortiam exercuit, obuenerunt ei largiente Regina Beneuentum, Manfredonia, Barolum: itemque Tranium vrbes, & supra XX oppida, partim in Apulis, & Samnio, partim in Brutijs atque Lucanis. Sed diductus demum à Regina, quum Sergiani dolis ac insidijs perceretur, Ludouico Tertiæ Secundi filio se coniunxit, ita iubente Martino Pontifice, qui Ioannam Reginae maiestatis nomen perpetuis stupris de decorantem, regno ex turbendam susceperat. Sed amantem ire, bella, suspiciones, cum rebus exitum dederunt, ut Sfortia rursus in gratiam, pristinumque militiae honorem reciperetur. Quo etiam tempore cum Braccio veterem amicitiam repetiuit, quum duo longè clarissimi duces, manentibus inducijs, in colloquium Sacconiana insylua deuenissent. Desciuit demum ab adoptante matre Regina ingratum filius Rex Alfonsus, adeo ut capro Caraiciolo in arce Capuana reginam oppugnaret. Qua indignitate permotus Sfortia obsessæ celeriter opem tulit, memorabilique pugna rege profligato, Catalanos in arcem Nouam compulſit: neque postea vnquam ab officio amicitiae discessum.

*Quoties prosperè infelicitèrque pugnarit Cap. XXXIII.*

Septies iusta acie feliciter pugnauit, ter tantum alteram fortunam expertus, & ea quidem conditione, ut aduersis aliquanto clarior quam secundis haberetur. Nemo enim eo constancius hostilem imperum ferre, pertinacius resistere, nobiliter pedem referre, & denique fortius ducis simul ac militis officia implere didicerat: utpote qui nunquam propinquo & ferienti hosti terga ostenderet, nunquam nisi omnium postremus, & ora ferociter obuertens, & acriter repugnans se reciperet.

*De Angelo Perquilano profligato Cap. XXXV.*

Pisanis graui bello, & prædura obsidione ferme oppressis, quum Angelus Pergulanus incomparabili victoria de Heluetijs parta admodum clarus, qui opem ferret Aurelia via per Senensium oram aduentare nunciaretur, vnus Sfortia obuiam eundi reprimendique hostis munus alacriter suscepit: quamquam Bertoldus Vrsinus, ad quem belli summa respiciebat, ne anticipiti prælio pugnandum foret, remoturus à muris castra id consilium damna- ret, & minus ab ipso quoque Tartalia probaretur. Concedente igitur Ne- rio Caponio legato, qui promptum in eo animi vigorem admirabatur, ma- gnis ac inusitatis die noctuque confectis itineribus, syluisque etiam acimpe- ditis fluminibus magno labore superatis improuisus ad hostes contendit. Quo repentino incurfu, cum signa è syluis educerentur, tantum terrorem imparatis intulit, vt Pergulanus bis frustra composito agmine, bis pugna stre- nue instaurata, fusus fugatusque sit, signis ac impedimentis omnibus ami- sis, & vix quarta parte equitum ex vehementi cursu seruata. Ad eam quo- que victoriam memorabile facinus adiunxit, quum detracta hostibus saga equites suos induere, prælatisque Pergulani vexillis ad proximi oppidi por- tam procedere felici dolo præcepisset. Id erat Castellionum ab Aprili pi- scoso lacu Piscarium appellatum, in ora maris saxeo tumulo impositum. Nec mora, oppidani eo terrore decepti, hostes pro socijs gratulanter excepe- re. Atque ita irrumpente occupatam à primis portam toto exercitu, oppi- dum captum direptumque est. Ob eam rem à Pergulano male gestam, de- speratis rebus, Pisani Florentinis deditionem fecerunt. Sfortia autem, dum vita maneret, Senatus, vt de Republica benemerito, millenos quotannis au- reos liliatos donatiui nomine decreuit.

*De Ladislao Rege ad Lyrum superato Cap. XXXVI*

Eo bello quo Ludouicus II Andegauensis, adiuuante Gregorio Pontifi- ce, ipso Sfortia, ac item Paulo Vrsino ducibus, in Apulia regnum reduceba- tur, mirum in modum cum prudentiæ militaris, tum inusitate virtutis lau- de nominis famam adauxit. Ladislao enim rege, vt fines tueretur, ex Cassi- natibus campis alacriter prouecto, quum ob id lusingo admodum Ludoui- co duces cunctarentur, Sfortia pernobili in medium prolata sententia trans- eundum omnino Lyrum amnem, atque è vestigio hostes inuadendos cen- suit: quod cunctari, & sedere arma inferentibus ineptum & exitiale videre- tur. Itaque Lyni supra Fregellas vado superato, collatis signis est dimicatum: & eo quidem euentu, vt profligato Rege, & prostratis eius copijs, castrisque etiam & signis, ac ducibus captis, victoria inter memorabiles pararetur. Eo die Sfortia cuncta moderatus, instruxit aciem, & primum agmen in ho- stes induxit: ita, vt serè omnium primus fortissimum quenque se sequi iu- bens inclinata adpressaque lateri hasta, purpureis insignibus conspicuus, Ni- colaum Campobassæ Comitem, qui auratis armis resurgens, & præaltè cri- status eminebat, ingenti ictu prosterneret, & caperet: ipseque demum va- riantem fortuna, vt sit, crescentibus vtrinque auxilijs, in omni serè pugnae loco, atque periculo, & præclarus adhortator, & bellator acerrimus con- spiceretur. Vnus est ea die incomparabili equo spadice alternos pedes vsque  
ad genua

ad gentia calciato, cui ab agilitate Catto nomen erat.<sup>1</sup> Primam igitur victoriam lauream Ludouicus Sfortiae detulit inuidente Paulo Vrsino. Quod non multis inde annis Ladislaus ambobus regibus in castris ad Tudertum militantibus, praedaro testimonio confirmauit, cum praesenti Paulo Sfortiam interrogans, dixisset: Annon & hoc oppidum expugnabis, qui ad Lyrim illo Catto equo tuo vbique pugnax, & vehemens, me ipsum copiasque meas profligasti? Quae verba in Pauli animum iam antea caeco liuore corruptum, profunde admodum descenderunt. Sfortiam enim, vir superbus, neque superiorem sibi, neque parem existimari volebat.

*De praelio ad Aquilam feliciter commisso Cap. XXXVII*

Quum Regina delitijs amoribusque vacaret, & Alopus regio plane fastuerum potiretur, capto demum Sfortia, plerique regni proceres ab ea defecerant. Sed ante alios Alopum, Reginamque terrebat Antonaccius regulus, vir bello clarus, qui Aquilam validissimam urbem occuparat. Is terror Sfortiae saluti fuit. Custodia etenim eductus, instructo valido exercitu Aquilam contendit. Cum castra ad urbem proferrentur, Antonaccius viribus ac ingenio ferox minimè dubitauit, quin copias omnes militares, atque item Aquilanorum iuuentutem, & ingentem armatorum agrestium manum educeret, & magna loci fiducia, & populari quadam alacritate, infestis signis in Sfortiam deferretur. Ferunt Sfortiam temeritate, ac insolentia hostium permotum risisse paululum, monuisseque praefectos vt confertum maximeque densatum cataphractorum agmen irruentibus obijcerent, nihil autem loco mouerentur, donec ipse quid fieri vellet, tuba signum dedisset. Erat in dextra acclius locus, ibi cohortes locat, ad laeuam planiore in loco, leuam armaturam equestrem lunata ala sese ostentare iubet: ipse subductis e medio agmine delectis aliquot turmis magno itineris flexu, in tergo nihil tale putantibus sese ostendit, ita vt nouissimos hostium exeuntes porta, partim intra urbem compelleret, partim ab vrbe exclusos, & ad suorum extremum agmen confugientes persequeretur. Tum verò signo tuba dato & peditatus ab accliu loco repente in latus hostium decurrens, & leuis armatura è diuerso expansis alis concitata in medios impetum fecere: cataphractus quoque equitatus à fronte irruentium impetum egregie excepit atque sustinuit: ac eodem serè puncto temporis Sfortia cecidit terga. Quibus malis vndique circumuenti Aquilani in medio cæsi, & ad vnum serè omnes cum ducibus atque vexillis capti, temeritatis poenas dederunt. Qua calamitate permoti, qui in vrbe restiterant, portas victoribus aperuere, orantes Sfortiam, vt victos pariter & deditos conseruaret. Nec mora captiuos omnes vna voce liberauit: Antonacciumque in primis, & decuriones urbis coenae adhibuit. Tanta re patrata, confectoque bello sine suorum vulnere, hortatus est Aquilanos, vt Reginae nomen in posterum fidelius colerent, & ad impetrandam erroris veniam ipsius auctoritate, ac officio vterentur, se libentissimè intercessurum pro his, quos incolumes conseruasset, quum iure belli diripere atq; interficere posset. Id verò fortunæ fuit humanis rebus illudentis Aquilanos paulò antè superbia elatos, ingen-

eiſque mox fractos calamitate, & demum ſubito atque inſperato gaudio exultantes conſpexiſſe. Ovo Aquilanorum exemplo adducti, Iulius Cæſar Capuanus, qui Capuam occuparat, & Carolus Martianus, & Chriſtophorus Caietanus, reſtitutis urbibus ac oppidis, veluti deſperantes, conſilioque depulſi, Sfortia vade, fidemque ſuam Regine nomine præſtante, ad officiũ redierunt.

*De Tartalia ad Tuſcanellam deuiſto Cap. XXVIIII*

Tartaliã inimico ſimul ac hoſtili animo perſecutus, ad Tuſcanellam impropria acie proſtigauit, viturus iniurias, quas ſuperiore anno dum in cuſtodia ſeruaretur acceperat. Noctu enim à diuerſa Viterbiſi porta, vt ſpeculatores falleret, cum expeditis copiis proſectus, pedites caua in valle occultauit, vt ex inſidijs, quum ſignum pugne datum foret, extemplo proſilirent: turmas verò quatuor cum Sanctoparente obliquo itinere locatas ſtatuit, ipſe cum robore equitatus intra ſyluam conſtitit: vt præceperat, præmiſi leuis armaturæ equites, prædatorum ſpecie, armenta paſcentia corripere, fugatis agreſtibus ceperunt. Tartalia ad clamorem excitatur, familiam armat, prædam abigentium tergis inhaerere iubet, crescente tumultu oritur prælium. Auſtis numero hoſtibus, Tartaliani equites ad tubæ cantum ſub ſignis porta effunduntur: nec ſe continet Tartalia, quin ad ferendam opem cum globo cataphractorum erumpat. Tum verò erupere è ſylvis vndique Sfortiani, pugnatumque eſt, ac ſi aliàs vnquam longè fortiffimè. Sed premente Sfortia acrius ſternenteque ſigna, Tartaliani intra portam ſunt compulſi magno accepto detrimento, maioreque ducis periculo, qui inuectus per pontem irumpentibus ſimul Sfortianis caſu quodam ſeruatus eſt: quum Hugonem Sfortiane turmæ præfectum, vehementi offenſione ab cathena pontis in ſoſam deturbatum, reliqui impedito atque occupato ponte ſubſequi nequiuiffent. Nam Tartalia faucius, & multo percuſſus metu extemplo cataraetam demitti iuſſit, ita, vt alienæ ſalutis oblitus, tertiam ferè ſuorum partem excluderet. In his Donatus Lauellus Tartaliæ frater fuit. Captus eſt & in oppido Pellinus Corignola dux turmæ fortiffimus, qui cognitum Tartaliã, magnisque ictibus ferræe clauis percuſſum, vt caperet, fuerat inſequutus. Eo prælio Franciſcus Sfortiæ filius ſextumdecimum natus annum, quod antea ei pater minimè conceſſerat, in aduerſos hoſtes alacriter haſtam perrupit, ſub indeque cingulo militari & calcaribus aureis, præclaro etiã hoſtium teſtimonio exornari promeruit.

*De pugna ad Sebethi pontem egregiè depugnata Cap. XXXIX*

Memorabili autem ea acie, qua iuxta Neapolim ad Sebethi amnis potem pluribus horis eſt dimicatum, mirificæ virtutis laudem tulit, præclaro maxime Alphoſi regis præconio confirmatam, qui tum hoſtis & ſpectator è trireme cuncta oculis obſeruabat. Reducebat tum Sfortia Ludouicum tertium Andegauenſem in auſta paternaque iura Neapolitani regni authore Martino Pontifice: quum Reginam ſeuere aliquandiu, & fruſtra demum caſtigatam armis omnino perſequendam cenſuiſſet, quod nihil famæ ſure parceret, nec vllò dedecoris metu, aut reſpectu Chriſtianæ pietatis per-

moueretur;

moueretur: vepotē, quā iam pridem contra fas, & regiū decus, amatoris Sergiani intolerandæ libidini nobilissimi regni nomen, & diuina, ac humana omnia subiecisset. Ob id impotens sui mulier, libidine simul atque superbia exardens, Alonsū in Corsica bellum gerentem euocarāt, adoptarātque in filiū, vt Hispanicis opibus vim Galli hostis propulsaret. Itaque multis antē diebus oppugnata, & ex insidijs per aquæductū, & obsoletam portam semicapta Neapoli, & Ludouicus in Sfortiana castra ad Aversam peruenit, & Alonsi onerariæ & rostratæ naues ad Oui arcem appulerunt. Quamobrem Sfortia, & nauandæ operæ, & ostendendæ virtutis cupidus, ad Sebethum vsque castra promouit. Inde sex stadijs ad vrbs portas, præmissis leuis armaturæ equitibus, non modo stipendijs addictos, Vrsū Vrsinum, & Iacobum Caudolam, & Bernardum Cartheiū duces, verum & equites Catalanos, quos Alonsus aduexerat, & Neapolitanos, tum maximē equitū studentes ad præliū exciuit. Commissa est pugna paribus animis, sed Alonso triremes ad litus admouente, & lapideas pilas tormentis in opposita hostium latera sepius emittente, ter repressa est Sfortiæ virtus. Sed deterſa tormenti ictu ab casside crista, eo ardore pugnam restituit, & signa intulit, vt pulsi loco hostes terga darent, & dissipato agmine cum multa equorum ac hominum strage intra portam compellerentur. Tum verò Sfortia victor, vt Ludouico simul ac Alonso designatis regibus ardorem studiumque suū ostentaret, in prælia ad portam munitione An degauenſium signa præfixit, tutatus ea per semihoræ spacium ne à quoquā prius quā se reciperet, impunē tollerentur. Eo prælio id certē memoria dignum accidit, vt virtutis amore Alonsus in eum vnum tormenta naualia dirigi vetaret. Sfortia verò pariter ediceret, ne currulibus tormentis in litore constitutis triremis Regia peteretur. Nam Squarcia Monopolitanus inter Sfortianos bellator accerrimus, cum suffosso equo captus, & ad Regiam viremem scapha perductus, petente rege, pugnantem Sfortiam digito commonestraſſet, ille pernobilis, & planē regia humanitate, parcendum cū duci eximio tum bellatori fortissimo protinus edixerat.

*De Roma libertati restituta, & Picinino acie capto Cap. XXX.*

Missus à regina cum validissimis copijs, vt urbem Romam impotenti Braccij dominatu liberaret, ad promerenda eo insigni beneficio gratiam apud Martinum Pōtificem inter Appiam & Latinam portam castralocauit. Inde cum Braccium, vel missa per præconem eruenta ad eum chirotheca, vt iusto prælio certaretur frustra prouocasset, supra Ostiam demū Tyberiponte constrato exercitum traduxit, tanta animi magnitudine, victoriæque fiducia, vt dubitantibus sciscitantibusque præfectis, an vllum haberet amicum, à quo com meatum esset petiturus, comprehenso gladij capulo responderit: His viris & fortibus omnia feliciter expediet: atq; ita pontem rescindi iusserit. Ad eius rei famam, adeo mente commotum fuisse Braccium ferunt, vt diffusus populo Romano, nec conclamatis quidem vasis, multisq; relictis impedimentis per Miluium pontem se proriperet, atq; inde rescissa pontis parte, ne hostis insequi possit, in Vmbriæ fines citato agmine deferretur. Sed compolitis iam



scribebat: seduloque monebat ut retro ad Binasum motis castris vniuersæ pugnae casum deuitaret: quod recentis ferique Germani hostis impetus nequaquam vis, sed opportuna cunctatione frangendus esse videretur. Hæc quoque Renato Sabaudio Regis auunculo magnopere placebant: utpote qui de Regis salute sollicitus, omnem prælii aleam damnaret. Verum vnus ante omnes Boniuettus, qui sibi à solerti ingenio, multaq; arte & vigilantia apud Regem firmissimum gratiae locum pararat, modeste palam, ceterum retractione colloquio eos vehementer incessabat, qui suaderent ab obsidione discedendum. Num, inquit, ad hanc dedecoris ac infamiae notam tanti animi Rex eximij disciplinæ præceptis ac experimentis instructus, Tramulio exactæ ætatis sen aut Galeacio parebit, quibus septuaginta anni omnē expediti vigoris sensum habebant? An in Palicia ille pernobili pugnandi ardor, quo maxime nuper valebat, ingrauescente ætate penitus non refrigit? Ita est profecto, ut mihi hodie videatur ineptus, quum id quod in ipso nunquam præclarè vigerit, more senum, consilium aliterat: nec qua hodie nos indigemus, fortis dextræ operam præster qua uti consueuit, & inter multos fortes eminere facile possit. De Theodoro autem æquum est, ut ætatis ac ingenij sui nutum sequatur, quum remota quæque, ne incidant, anxie suspectando & consultando, cautè sese & Regium exercitum seruare, quàm agendo fortiter, & belli casus ad non certum euentum subeundo, vel exploratam victoriam petere malit. Quid ergo impedit cur non opponam his tepidis senibus excensos alios virtute animi & rebus gestis imperatoriam laudem sæpe meritos: quorum generosa pectora nullus vnquam metus intrauit. Gallorum enim mos est præclarè vincere quum Rex ipsorum adsit, prælii signum proponat, cohortetur, depugnet, uti Carolo duce ad Tarrum, Ludouico ad Abdum, & te ipso tanta tua cum laude ad Mediolanum fortiter atque feliciter dimicare didicimus. Profecto non ii sumus, qui semper fuimus, hoc est, fortes & decoris auidi, si timendum arbitremur, ne hi præalti aggeres quibus includimur, & hæc vallata castra noctu tanquam à furibus atque latronibus expugnentur. Sed per Deos non hæc inanis & fœda consternatio paucorum exanguium ignominie loco cedit. Heluetijs Legionibus & Germanis, qui nobiscum militant, & veteranis equitibus, qui quum vel æquo campo has temporarias et ex subitarijs delectibus, angusta mercede conductas hostium copias omnino despiciant, etiam in Regiæ personæ felici nomine, quum vel deposita maiestate ante alios sis pugnaturus, certissime victoriæ momētum reponunt. At Franciscus quamquam acri suspensus cura, suorum ducum dicta ex æquo diligenter expendere, ea tamen inclinante Fortuna consilia sequebatur, quæ magis decora, & celissimo animo digna videbantur. Is verò apud Cæsarianos animorum erat habitus, ut quisque non modo dux, sed gregarius miles existimaret victoriam omnino esse in manibus, si priusquam inde se Rex hostis explicaret, non iniqua ratione prælio certaretur: inquam vnam pugnae occasionem inter alios Piscarius vsque adeo vehementer erat intentus, ut incredibili patientia cupiditateque, dum interdiu noctuque cuncta speculatur, cum graui valetudinis incommodo, cibi somnique desideria naturæ detraxisse diceretur. Quum verò regi munitiones nisi dubio euentu & certa militum iactura expugnari minime posse cōstaret, intra Parcum effracto muro penetrare constituit, ut mo-

dico flexu ad Mirabellum perueniret, id est edificiū medio ferè in Parco sum-  
 me amœnitatis aucupijs et venationibus opportunum. Eo in loco Franciscus  
 digressus à prioribus castris (vti diximus) equites collocarat, magnamque ibi  
 turbam mercatorum & togatorum hominum reliquerat. Duabus enim de  
 causis Piscarius in eum maximè locum cogitatione ferebatur: quoniam si ni-  
 hil prohibente hoste Mirabello potiretur, quod erat primum ea expeditione  
 propositum, summa sua cum laude & Gallorum infamia, Antonium obsidio-  
 ne liberari, hostesq; simul Mediolano penitus intercludi manifestè conspicie-  
 bat. quod si Rex id iter prohibere vellet, et pugnandi causa munitione castro-  
 rum signa efferre minimè dubitaret, tum verò opportunè conferendis mani-  
 bus facultatem præberi, quam tantopere ardentibus animis desiderarent, &  
 optare quærereque necesse esset, postquam stipendia deficerent, & iam veter-  
 um sociorum voluntates ad Gallum haud dubiè verterentur. Hęc omnia vti  
 erant solerti ingenio excogitata, Piscarius ad duces detulit, tanta vi & alacrita-  
 te singula describendo, vt non explorata, sed parta victoria lætari videretur;  
 ipsi verò Lanoius atq; Borbonius auctiore concepta fiducia se vicisse iam cre-  
 derent. Siquidem grauiſſimis argumentis atque proloquijs cuncta compro-  
 banti, tanta fides, tantaque authoritas penè ad immensum crescebat, vt obre-  
 ctatione ac inuidia, quæ viuidæ virtuti semper officit, penitus vacaret: adeo  
 vt duces vtrò ei præclara concessione ad rem gerendam militaris imperij iu-  
 ra tribuerent: quod ei propè gloriosius fuit, quàm postea vicisse, vt pote qui  
 hostibus sæpe aliàs domitis, id vnum ei operum reliquum omnino supererat,  
 vt inuidiam inusitata gloria superaret: & hercle mirum esse videbatur, quod  
 Lanoius qui vel ambitiosè honoris ac imperij appetens esset, & Borbonius  
 penes quem summa vigeat bellicarum rerum potestas, eum subijpsis vt bel-  
 lo meliorem non tacito modo, sed liberali apertoque iudicio prætulissent. E-  
 rat enim tum Piscarius potestatis ac honoris vacuus, quando iam Malsiliensi  
 bello peditatus curam Vastio patrueli reliquisset: sed ita peculiari munere e-  
 rat solutus, vt cuncta propè vnus administraret, incredibiliq; corporis atq;  
 animi labore suscepto, cum pediti & equiti, tum comæatibus & tormentis  
 semper adesset, & perpetua inspectione, nequid propè aut negligenter, vel  
 imperitè fieret, adhibendam iugem operam arbitraretur. Dicebat enim, stre-  
 nuum & cautum Imperatorem non alienis sed proprijs oculis vti debere,  
 cumque sæpius bello victorem euadere, qui suorum diligentia diffusus, vel  
 quæ exigua & minuta viderentur, præſenti manu tractare minimè recusaret.  
 Hęc tanta etiam officia, quanquam summa erant, facile tamen implebat: nam  
 excellenti memoria diuinoque iudicio fretus, milites, Hispanosque præfer-  
 tim, non modo de nomine facieque nouerat, sed quantum quisque ingenio  
 industriaque valeret, connotatis etiam animi vicijs luculenter explorata: ita  
 per idoneos homines officijs raptim atque celeriter distributis, cogitata ab se  
 imperataque cuncti facile exequabantur: nec semel inchoatis deerat exitus,  
 quem ipse præſenti remedio cunctis vel inopinatis rebus occurreret: ac eo et-  
 iam faciliore industria, quoniam in omnibus propè suscipiendis consilijs &  
 gerendis reb. diuersorum speculatorum, quos occulta largitione apud hostes  
 alebat, diligenti opera fruebatur. Affirmabat enim nusquam à sano duce v-  
 tilius & melius poni sumptum, quàm quo certi speculatores pace & bello pa-  
 rarentur,

rarentur. Igitur decreto ab omnibus maioribus ducibus comprobato, et fusce pro negotio, Piscarius Arrium equitum præfectum propositis præmissis ad Antonium Leuam mittit, ut doceat tum ab vrbe protinus erumpendum, quum duobus ingenium tormentorū scloppis editis, statuto tempore mone retur. Nec Arrio Fortuna defuit: nam concubia nocte profectus magno circumcultu ad auersam vrbis portam incolumis cum turma peruenit, Gallis qui in statione erant felici mendacio deceptis: tesseras namque petentibus, se ex Mediceis alis esse simulans, uti erat etiam habitum candida cruce mentitus, excusauit se ideo signum more militiæ accipere nequiuisse, quod in excursionem per biduum à Regijs castris abfuisset. Postquam Arrium prosperè peruenisse ex ignibus summa in turre excitatis didicic, Salsedo dat negotium perrumpendi muri, eique trabes more veterum arietum valido præfixas ferro, atque item vectes & dolabras attribuit. Aloisio autem Viacampo, ac item Herrera & Gaiofio imperat, ut distinctis in locis contra hostium munitiones cum singulis cohortibus consistent, tota nocte armis actympanis perstrepare, terrendoque & lacessendo hostes quàm maximè distineant. Cæterum quum se intra Parcum penetralle per nuncios acceperint, sublati repente vexillis reliquas copias consequantur. Non longè etiam à muro Parci Honofrium Montanum in edito aggere contra Nigram Germanorum legionem excubare iubet: atque ita sese commouere, ut totis castris instrui cohortes superiorum notitum consuetudine videantur. Impedimenta quoque totius exercitus cum præsidio alæ leuis armaturæ equitum Laudensi via, ac item altera quæ est ad læuam progredi imperat, ut si qui essent in castris speculatores, tot diuersis profectionibus, & tam vario rerum omnium apparatu distracti, deceptique, nihil Gallis pro comperito renunciarent. At Salsedus qui ad præscriptum antea locum intempesta nocte peruenerat, quum diu frustra pulsando noctem consumpsisset, aliquanto ferius quàm Piscarius volebat, murum prima luce tribus in locis aperuit: is enim è latere coctili veteri structura firmissimus, ipsos arietes quanquam integrarum cohortium lacertis adigerentur, singulari contumacia respuebat. Primus omnium: Alfonso Vastius cum promptissimis Hispanorum et Germanorum peditum et tribus equitum alis à Piscario immittitur. Statimque pellitur loco Græcus Iustinianus Ligur, qui in statione irruentibus proximus excubabat. Erant circiter quinque millia hominum quibus iniunctum est, ut recto itinere ad Mirabellum pergerent, & locum absq; villa spe reditus occuparent. Intranti Vastio Piscarius seuerò, sed alacri tamen vultu, macte, inquit, virtute frater, hodie tibi fortiter est enitendum ut locum occupes: quod si dextræ (quod Dii nolint) contra toties victos hostes minimè suffecerint, age ut corpora, quod fortibus animis debent, honestissimè cadendo, non inultis hostibus egregiè perfoluant. Erat id munus manifesto & singulari plenum periculo quod fratri Piscarius iniungebat, adeo ut familiares de Vastij salute solliciti, alium potius præficiendum obliquis demissisq; sermonibus censerent, & magnopere mirarentur, quod eum cui sæpè aliàs eius nimix alacritati ac audaciæ succensendo, eximia pietate pepercisset, tum demum tam diræ alæ casibus obiectaret. Valde enim timere erat solitus, quum ipse iam pridem de suscipienda prole desperasset, ne Vastius, si grauioribus belli periculis offerretur, aliquo infelici casu Daualæ fami

liæ nomen extingueret. Sed tanta erat in eo decoris cura, & victoriæ cupiditas, vt in ipsa agitatione consilij & rerum administratione, nihil omnino aliud quàm victoriam intentissima ratione respectaret: omniumque rerum quæ ab intempestiua, vel ignobili prudentia viuidæ virtutis neruos elidere possent obliuisci debere virum sortem arbitraretur. Tum enim maxime fratris virtutem vti in celeberrimo rei bellicæ theatro spectari oportere iudicabat, vt quum illi sibi in imperium pedestrium copiarum esset suffectus, tum demum ex fraterna disciplina ad implendam spem certissimæ indolis quantum vi ingentis corporis ac efficacia animi iudicio valeret, in eo toties exoptato & nobilissimo certamine proferretur. Cæterum Vastius exultanti ore, dabo iniquit frater strenuè operam, vt hodie me viuio aut mortuo familiæ nostræ decora nouo ac illustri virtutis opere cumulentur: atque ita quadrato agmine irrumpens nemine hostium obuio ad Vernaculam amniculum contendit, eoq; superato ad Mirabellum prouehitur. Ibi propter amplitudinem ædificij mercatorum & calorum, ægrorumque militum & togatorum hominum ingens multitudo confederat, magnæque vis commearus, & regiæ suppellectilis erat deposita: aderatque ante alios, vt ibi quietius atque salubrius pernoctaret, Clementis Põtificis apud Regem Legatus Hieronymus Alexander, vir vnde quaque doctissimus, & admirabili præcipuè memoria insignis. Itaque quum improuisi hostes aduolassent, omnis ea turba statim opprimitur: cuncta dicto ocus vertuntur in prædam: cogentiq; in vnum cohortes Vastio, vt Piscarium faciendum præceperat, intra fossam ædificij signa statuuntur. Interim Piscarius reliqua legionum agmina continenter inducit: Lanioius atque Borbonius equitarum immitunt: tormenta bouum & equorum iugis intra Parcum, quamquam ægrè, vno tamen tempore prouehuntur. Littoreis agminibus complentur campi: nam Cæsariani omnes edicto Piscarij tunicas interulas superinduerant, & qui his carebant, Germanique præsertim albicanti papyro pectora ita contexerant, vt eo inusitato candore interfusentibus armis amplioris et terribioris exercitus species stupentium Gallorum oculis præberetur. Iam enim aurora haud ambiguum lucem inuexerat, crassiorq; nebula superfusa campis sensim euanescebat. Sed Franciscus perpetuo vigil & intentus ea rei nouitate nihil terretur: ac simul yti dignum erat vel ex celi animi rege, vel perito & forti imperatore tuba dat signum, vt quisque capitis armis ad vexilla consistat: tormenta subditis equis efferrî iubet, cunctaque celeriter, nec tamen cum tumultu, vti opus erat, per duces administrat. multo enim antea quid hostes crebro parci murum pulsando molirent, Græco Iustianiano nunciante didicera: auditisq; tormentorum hostilium bombis, ad quorum numerum ex composito Antonius Leua respondisset: id proculdubio vel inuendi prælii, vel magnæ alicuius rei audendæ signum fore coniectura iudicarat. Quinetiam nonnullos acris verbis castigasse dicitur, qui per vanitatem adulando, Cæsarianos omnium rerum penuria & necessitate adductos Laudem Pompeiam refugere dictitabant. Itaque vbi liquido contemplatus est hostium agmina plenis passibus non ad se, sed ad Mirabellum proficisci, non cunctandum ratus, Heluetiorum & Germanorum legiones munitionibus educit: Gallos pedites cum Busiuio Ambosio in castris subistere iubet: Italicas cohortes sub arce contra eruptiones Antonianorum, idoneis in

neis in locis relinquit, et instructa acie ad hostes prouehitur: ita ut Heluetios hinc tormenta, hinc equitum alæ paribus & directis frontibus exaequant, & Nigri Germani non procul ab alijs equitibus atque alijs tormentis conferta acie essent coniuncti. Ferunt, regem quum legiones castris educeret, vultu maximè lætum, nec quicquam de Fortunæ malignitate metuentē, ad circumstantes duces dixisse, se nequaquam temerè vel inconfulta ratione, sed recto illustrique iudicio ad prælium proficisci, quando nihil æquisima sorte commodius ad victoriam exoptare potuerit, quam nancisci hostes non intra fossas et munitiones ut sepe aliàs accidisset, sed parentibus in cæpis, in agmine ac itinere, ubi quid Heluetiorum ac Germanorum statariæ phalanges possent, quid validissimus equitatus valeret, quid expeditis curribus volitantia tormenta proficerent, spectari posset, ut tandem ad non inanem spem opprimiuentus de Italicæ possessione certaretur: rectè siquidem Germanis, qui vni omnium maximè metuendi videbantur, Heluetios sicuti disciplina, armis ac animis pares, ita naturali odio semper inensos opponebat: Hispanos verò ne primam quidem impressionem Nigræ legionis ferre posse, si conferta acie ordinem seruare vellent: neque si dissipati & procurantes pugnarent, quin ab equitatu protererentur, euadere posse existimabat. Erant hæc optima quidem prouisa ratione ad parandam victoriam, nisi ut plerunq; accidit insolens Fortuna præclaris infesta consilijs, cuncta confuso ordine præuertisset. Concursum enim est tanta varijs in locis equitum mixtum et peditum concursatione, ut nunquam confusius & dissipatius vllg copię dimicarent. Sors namque in locum militaris prudentiæ statim successit, casuque inopinato victa est sæpe virtus, quum ipsa temeritas à felici euentu consilij & rationis nomen vsurpare videretur. Erant in postremo Cæsarianorum agmine Italicæ cohortes septem, cum tribus Hispanicis custodię quinque tormentorum muralium præpositę. eę quum vix ingressę Parcum, reliqua antecedentium agmina sęgrę sequerentur, quod aequo in loco deuoratis rotis tormenta subleuissent, factū est, ut qui nouissimi erant, contra spem primi omnium Gallis hostibus occurrerint: eas namque Frinciscus longè à reliquis copijs disinctas conspicatus, eod cōsestīm mittit Philippum Brionium, & Federicum Bozolum cū valida cataphractorum equitum manu, expeditisq; aliquot tormentis aggregantibus etiam sese extraordinarijs peditum manipulis. liceleriter parent, & hostes sub leuandis tormentis occupatos adoriuntur. Fit prælium atrox: sex cohortes quamquam singulari promptitudine dimicarent, neque tormentorum procellam, neque vim equitatus sustinentes in proximam syluam se recipiunt, ut obiectis arboribus insulantium equitum impetum euitarent. Ita Galli succis repente iumentorum cruribus, tormentis potiuntur: eodemque impetu peruadunt in syluam: ibi inusitati certaminis iniquitate oppressus Sebastianus Squarcia vir eximie virtutis cadit, & cum eo strenui aliquot centuriones atque signiferi, & cohortes quatuor integrę conciduntur. Ea res in oculis omnium prospere gesta sicuti regis & Gallorum animos vehementer extulit: ita Piscarium qui opem adferre nequiuera, incredibili dolore affecit. Sed cōtrā vir pugnā audis, conspecto regio exercitu quem nequaquam in aciem castris proditura sperabat, veluti concepta victoriā maximè est lætatus. Nec mora, Falcium norum equitem ad Lanoum mittit, qui admoneat in itinere

subſiſtendum, rebusque omnibus poſtpoſitis, & conuerſis in hoſtem ſignis protitum eſſe conſligendum: hoc item Borbonio & Nicolao Salmæ ſignificat, ſeſequæ ad acceſſendum Vaſtium citato equo proripuit: ſed iam ille ex templo cõſpectis hoſtibus, relicto Mirabello ad Vernaculam regreſſus, denſatis copijs in hoſtes ſigna conuerterat, cum in eo temporis momento nequaquam prioribus mandatis parendum, ſed nouo conſilio quod caſus offerret, maturè vtendum eſſe iudicaſſet. Itaque Piſcarius, rectè, inquit, frater, quod volebam effeciſti. idcirco ablæua ad hoſtes plenis paſſibus contende, & enitere audacter, vt ab tuo maxime cornu victoria feliciter oriatur. His dictis ad legiones Germanorum conuolauit, in quarum virtute ac robore ſummæ rei gerendæ & totius victoriæ momentum conſtare prouidebat. Interim Cæſarianorum leuis armaturæ equitum manus audacter ad Nigram vſque legionem prouecta, à Germanis facile ſubmouetur, & in ſubiectam Vernaculæ vallem ſecunda perturbatione detruditur: tormenta que item Gallica citatis equis admirabili ſolertia & celeritate in omnes partes opportunè raptata ita hoſtes petebant, vt Hiſpani demilſis etiam humi peſtoribus vix depreſſioris loci beneficio pilas euitarent, & Lanoius et Alarco pauentes alas ruſticanæ caſæ que obiectu ipſo fortè protegebat, applicare cogerentur. Tum verò Franciſcus his veluti non dubiæ victoriæ inijs ſuo præ ingenio & ſuorum hortatu vehementer incitatus, quin dato pugnæ ſigno procurreret, minime dubitauit. Idem cæteri faciunt: & ante alios Palicia primi agminis ductor à dextro cornu Cæſarianos equites iam impigrè conuerſos adoritur. Is Gallorum impetus ſicuti Lanoio grauis atque terribilis fuit, ita poſtea multorum opinione viſus eſt victoriæ e manibus regis haud dubiè rapuiſſe: nam præcipiti eo diſceſſu non modo Heluetij Nigri que Germani nequaquam pari paſſu ſubſequentes equitum præſidio ſunt nudaſi, verum etiam tormentorum vſus magna ex parte ſublatus, quum libratores ceſſare cogerentur, ne regi agminis eſſe præteruecti, directis iſtibus terga ſimul & latera verberarent. Cæterum ætate noſtra ab equitatu nuſquam alacrius atque validius eſt concurſum, cum veterani vtrunque duces & equites flagrantibus animis, non de gloria modo que vna maxime verè virtutis aciem exacuit, ſed de Italiæ imperio dimicarent. Galli vindictæ auidi vnum ante alios Borbonium vti regis & gentis cum ignominia perfidie deſertorem omnibus pugnæ locis fruſtra requirebant, cum ille ad tutiorem promptitudinem Pomperano familiari traditis inſignibus, tunicati & priuati equitis habitu depugnaret. At rex ipſe argentea in tra-bea criſtis & ſua maxime proceritate conſpicuus, cohortantis ducis & ſtrenui bellatoris munus implere, hoſtilem aciem concitato equo perrumpere, aggredi obuioſ, & purpura auroque præcipuè inſignes. In eo tumultu Ferdinandus Caſtriotus, qui originem à Macedoniæ regibus ducebat, dux illuſtris, regia manu conſoſſus cadit: ſternitur & Vgo Cardonius alæ Piſcariæ legatus: vexilla duo diſcerpuntur, & Noricus equitatus quem Ferdinandus Cæſaris frater auxilio miſerat, dum impigrè pugnam ſubit, & conſtantiſſimè repugnat graui accepta clade proſtigatur, ita vt iam penè Lanoij atque Borbonij ligna & agmina nutarent. Nam Gallus vel ea re numero & viribus ſuperabat, quod Cæſariani cataphracti leuis armaturæ equitum ſubſidijs carebant: ſiquid ex tribus agminibus primi cum Vaſtio ad Mirabellum proceſſerant:

ſecunda

Secunda ala (ut diximus) à Nigris Germanis forè repulsa refugerat: tertia autem relicta extra Parcum dnce Guidone Guaino, totius exercitus impedimèta tuebatur. Ala quoque illa mirifica nobilium Italarum & Hispanorum ipsi Proregi peculiaris, ut quæ prælio non interfuit, nullo erat adiumento: nam Lanoius Vererium Belgam adolescentem consanguineum suum eius alæ præfectum extra Parci murum subsidere, nec se vilo modo commouere præceperat, donec ab ipso per certos nuncios consurgendi & pugnandi signum acciperet. Sed commissæ & statim exardente pugna, cum Lanoius in re præfenti atque terribili cunctis sensibus atque memoria vehementer occupatus, neminem qui accerferet omnino mitteret, adolescens patruï ducis iussis & disciplinæ præceptis omnino parendum existimans, usque ad pugne exitum immotus constitit, nec vlla equitum obsecratione vel increpatione potuit adduci, ut in aciem prodiret. His de causis laboranti Lanoio, & vix regij agminis impetum sustinenti, Piscarius qui admirabili præfentique prudentia, ac intentis maximè oculis cuncta lustrando, huc & illuc singulis difficultatibus occurrebat: Hispanos sclopettarios circiter octingentos subsidio mittit, qui repente circumfusi à tergo & à lateribus edita terribili pilarum procella, ingentem eorum atque hominum numerum prosternunt. his etiam appropinquat hastatorum grauis armatura, atque ita certo præsidio tuti audacius plumbeis glandibus incessanter rem gerunt. Quo accepto incommodo regij dum consistere conferti nequeunt, & expansis alis minore cum periculo repugnare se posse existimant, dissoluta acie dissipantur. Sed dum huic consilio Fortuna in festior occurrit, ira & pudore conglobati rursus in sclopettarios deferuntur. At Hispani natura agiles, & leuibus protectis armis, retrò sese celeriter expli- cant, equorumque impetum tortuosis discursibus elidunt: auctique numero, uti erant cum longo usu, tum nouis Piscarij præceptis edocti, manipulatim toto campo sine ordine diffunduntur. Erat id pugne genus per se nouum & inusitatum, sed in primis sæuum & miserabile, quod magna rerum iniquitate præoccupantib. sclopettarijs, præclaræ virtutis vsus in equite penitus interiret: nec vllæ vel fortissimæ dextræ diu proficerent, quin conferti à raris & paucis, plures & clarissimi sæpe duces & equites inulta cæde passim ab ignobili & gregario pedite sternerentur. Ab alia quoque parte iam Vastius promotus à dextro cornu cohortibus & inducta ala equitum cum Anneo Memorantio prosperè conflixerat, profligatoque per sclopettarios eius equitatu, ipse ante alios interfectis liberatoribus, tormentis hostium fuerat potitus: Accidit autem in eo concursu (quod non videtur prætermittendum) ut Vastius & Memorantius qui postea summi duces euaserunt, sicuti ab utroque accepimus, per acri singularique certamine aliquandiu dimicarijnt, eo quidem euentu, ut non multo post Memorantij equus Castalli manu vulneratus concideret, atque ipse demum ab Errera centurione caperetur. Ed rerum successu Vastius factus alacrior, minorem Helnetiorum aciem tormentorum amissione & fuga equitum absterritam, & ob id hæsitantibus animis pugnam capessentem adoritur. Tum verò, incredibile dictu, videre licuit gentem paulo antè ab excellenti probataque virtute campestri, præsertim in acie formidandam, cum decoris & disciplinæ, tum innatæ ferocię penitus oblitam, vix indignatis hastis pugnam detrectare, & metu mortis egregie ab infami fuga turpissimum interitum præalto in flumine queritare, frustra eos retentare, confir-



mareque magnis obtestationibus conante Florantio Sedanio, qui genti fami-  
liaris et dignitate equitum, Marescalchus cum peculiari ala cataphractorum  
dimisissis omnium equis, in prima acie se pugnaturum profirebatur: adeo ut  
pristinum illum immanium corporum ac animorum vigorem cæleste ali-  
quod infestum numen, aut certe fatalis is regi dies eripere videretur. Nec mi-  
nori deformitate eundem fuge exitum tulit altera Helueticorum acies: quæ  
in numero cohortium plenior aliquandiu immota constiterat, sed cum cir-  
cumfusus vndique sedopettarijs perpetuo quodam pilarum imbre eminens ob-  
rueretur, & promptissimi centurionum, ut plerunque accidit, in ipso primo  
ordine cecidissent, conspecta demum strageregij equitatus, abiectis hastis ter-  
ga vertit. Ferunt, Ioannem Diespachium qui summam inter Helueticos duces  
auctoritatem obtinebat, cum cohortes ne tentato quidem certamine turpi-  
ter fugientes intueretur, & obuersus ac iratus signiseros increpando creden-  
doque sistere nequiret, grauissimo compulsum dolore tantæ acceptæ cladi ac  
ignominie superesse noluisse, in eoque præsentis animi decreto peruadentem  
in confertos hostes non effissimè cecidisse. Hanc tamen cladem Helueticj qui  
superfuere Alanconio regis sororio acceptam referebant, quod ille uti parum  
strenuus, & diu inclinantis prælij spectator, dum ardente adhuc pugna cum  
integro totius postremi agminis equitatu in fugam se proriperet, Heluetiam  
aciem egregiè densatis ordinibus prælium subeuntem, transuersa et præcipi-  
ti impulsione perrupisset. Cæterum à dextro Gallorum cornu vni omnium  
peditum Nigri Germani, ut in ipsa salutis atque victoriæ desperatione, cum  
Germanis acerrimè & constanter depugnarunt: eoque maioribus propè  
odij quam viribus, quæ summæ erant, sunt congressi, quo efferatis diuturna  
dissensione animis, neutris qui paululum loco pulsipedem referrent, vlla om-  
nino spes veniæ, aut militaris misericordia relinqui videretur. Indignaban-  
tur Cæsariani, quod Nigri contempta & irrita Cæsaris maiestate, spreteque au-  
thoritate Germanici nominis pro Gallo vetere hoste mercenarijs armis fra-  
tres consanguineos obfessum atque oppugnatum venissent. Ex aduerso Ni-  
gri maxime decorum existimabant, pro eo Rege qui multis annis ipsos libera-  
lib. stipendijs aluisset, fortissimam operam præstare, tueri sacramenti fidem,  
& nihil omnino admittere, quod veteranis militibus indignum foret. Ne he-  
c de ex his quisquam erat in eo haud dubiè supremo vitæ actu, conatuque bel-  
lici operis, qui insultantis fortunæ iniuriam inusitata virtute et decora morte  
vindicanam non duceret. Quum appropinquarent acies, & miro silentio  
gradus inferretur, procedebat solus ante Nigrorum aciem Longamantes ab  
Augusta Vindelica nobilissimus dux Georgium Franispermum & Marcum  
Sihium datam manu & clara voce ad singulare certamen prouocans. Sed is a-  
trocii murmure refutatus, & multorum simul petitis telis cito concidit, abscis-  
samque eius cum armillis & annulis manum ouanti similis gregarius miles  
ostendit. Tum verò sublato clamore à Cæsarianis alacriter est procursum.  
Erat in medio campo dum utræque acies coirent ipse Piscarius in equo subli-  
mis, sed pedestribus armis protectus, sepe orans Franispermum ut gradum in-  
tenderet, eumque commemoratis superioribus prælijs in quibus eius viri vir-  
tus enitisset, ad parandam omnium maxime optimam & memorabilem vi-  
ctoriam accendebat. Itaque concurrente utræque acie, dum in aduersos equum  
adigit

adigit cuspide per apertam galeam recepta in facie vulneratur, confossoq; demum equo, sinistrum ei crus alabarda trañcitur. In eo terribili armorum fragore haud dubiè suorum pariter atque hostium hostis fuisset oppressus, nisi ægrè eluctantem familiaris primò eques, & demuni centuriones & signiferi propiores magno conatu ereptum seruassent. Interea Franispergus et Sithius admirabili peritia ad includendos hostes exposita vtrinque acie legionem in medium sinum exceptam duobus statim expansis & recuruatis cornibus præcingunt, eamque pertinacissimè resistentem in medio totam contrucidant: ita vt vna tantum tribus legionibus opposita, & ob id infelici virtute repugnante, nemo penè Nigrorum euaserit. Periere ibi præter Longamantem ante primos ordines Ricardus Suffolchius regulus, cui Albæ Rôsæ cognomen fuit, ad quem plerique & præsertim Galli Britannici Regni iura pertine prædicabant: & ab his propter Regij nominis dignitatem & bellicarum rerum peritiam, Nigra legionis fuerat præpositus. Franciscus item Antonij Lothoringæ Principis frater eximie indolis adolescens, qui in primo ordine ante alios armis & cristis conspicuus locum poposcerat: duoque item Germani Reguli Hortembergus, atque Loffenius militiæ illustres: & Theodoricus Scombergus Nicolai Antistitiis Campani frater equestri dignitate, & propter industriam excellentis ingenij legationū etiam honore insignis. In hunc modum diuersa in parte dum fugantur Heluetij, & Germani concidunt: eodem ferme tempore regia acies a sclopettarijs simul & ab equitatu hastatis etiam succedentibus perrumpitur. Tum verò quisq; dux insignis & illustris eques, ad protegendum eripiendumq; regem concurrit: plerique desiderio nauandæ in oculis regis supremæ operæ locatque agmina sua relinquunt. Palicia dum suffosso equo annis a armis grauantib. ad Heluetios ægre se recipit, ab equitibus intercipiunt. Sed cum iam superuenienti Castalio deditum Vasurtes Hispanus, quasi tanti captiui pretium & laudem equitibus inuideret, apposito ad thoracem crassiore sclopetto crudeliter interficit. trañcitur duplici vulnere & ipse Tramulius multarū palmarum vetus imperator. Galeacius item Sanseuerinus dum singulari peritia huc & illuc adacto equo hostes submouet, & præclarè decertat, in conspectu regis cadendo, quod regiæ gratiæ & famę in tyti nominis debebat, honesto viæ exitu perfoluit: cum procumbente equo laberetur, proximum sibi Guliermum Langeum illustrem equitem in supremo casu opem ferre cupientem appellans, sine me, inquit, fili, fato meo fungi, & q̃ celerrimè potes hinc ad protegendum regem recurre, nominisq; mei & honesti exitus memoriam, si euades, piè amiceque colito. Erat pugna omnium maximè funesta, & magnopere iniqua Gallis equitibus: nam a circumfusis & expeditis Hispanis in omnem partem ad lethales ictus pilæ plumbeæ spargebantur: quæ non iam tenuioribus (vt paulo antè erat solitum) sed grauioribus sclopettis quos vocant arcabussos, emissæ, non cataphractorum modo, sed duos sæpe milites & binos equos transuerberabant: sic vt miserabili nobilium equitum strage, & morientium equorum cumulis constricti campi, & alarum virtuti simul officerent, si densato ordine irrumpere conarentur, & passim veluti obiectis aggeribus, si cui decore vita potior foret, minimè expeditum ad fugam iter præberent. In tanta rerum iniquitate Villermus Boniuettus Amiras aliquandiu discurrendo & cohortando Heluetios,

& equites in fugam inclinos confirmare conatus, quum haud dubie aduersam eius praelij Fortunam agnosceret, nec tantæ cladi cuius ipse præcipuus author fuisse diceretur, ad pernam vel ignominiam superstes esse vellet, graui & obstinato pudore in medios hostes incurrit, atque ibi quod aperta galea discurrentium & imperantium ducum more vteretur, iugulum mucronibus obiectans est interfectus. At Franciscum nudatum omni fere præsidio alarum custodiæ corporis tot circum interfectis, & cæteris circumquaque palantibus sese eripientem, mixti ex varijs turmis aliquot equites vti habitu insignem persequuntur. Nec Rex impiger seipsum deserit, quanquam ab equo & a Fortuna deserebatur: falsim inflexo equo cum insultantibus gladio rem gerit, illatisque aliquot & acceptis vulneribus strenue repugnat. Sed dum ad proximū riuū pontem contendit, confosso et corruente equo, sternitur. Primi omnium Didacus Abila & Ioannes Vrbietæ Cantaber, supergrauante equo iacentem circumstant: nec adhuc planè cognitum intentatis gladijs, ut se dedat, niperire malit, cohortantur. Interim superuentu Mortæ Anoierij Galli, qui erat Borbonij equitum præfectus, de facie noscitur, quanquam erat ex vulnere totum os manante sanguine sordatus. Sed dum Morta ut se Borbonio dederet, qui non procul abesse hortaretur, Rex ad proditoris nomen indignabundus, ac imperanti similis, accersitote, inquit Lanoium, isque dum Morta ad Borbonium peruolaret, vndique voce & discursu militum quæsitus, opportunè superuenit, summoque incumbentium turba subtrahit equo exporrecta dextra subleauit. præoccupanti Abilæ chirotheca ferrea traditur, proximi paludamentum in frustra disceptum abripiunt, alij baltheo & calcaribus potiuntur: quum quisque aliquid ex Regijs exuijs rapere properaret, quod mox ad decus, petendaque præmia non obscura fide posset ostentari. Capto Rege vndique à Cæsarianis victoria conclamatur: Gallis animus cōcidit: sit sorda fuga in omnes partes: Helueticæ pecorum modo pauentes dum caduntur, Ticino flumine in se committunt, natandique prorsus imperiti sorda & miserabili colluuiōe connexi impeditique agminatim gurgitibus rapiuntur: alij supplices proiectis ad terram armis salutem petunt. Sed rara eo die nisi in multa cæde fatigatis, humanitatis & misericordiæ laus refulsit: superbos enim & immanes ea ingens victoria milites reddebat. & Antoniani qui ab arcæ & à Noua porta cunctatius & serius eruperant, ante alios audivissimè et crudelissimè grassabantur: utpote qui, quum prælio minimè interfuissent, post partam demum victoriam opportunè effusi, intercepta spe fugæ, consternatis & faucijs occurrerent. Itali quoque & Galli pedites, quos circa arcem & castrat elictos diximus, quum Rex eos summe victoriæ disfidens in subsidium euocasset: et Bursius Ambrosius ad prælium contendens secum adduceret, in Germanos, qui tum Nigrorum legionem deleuerant, inciderunt: et ab his interfecto Ambrosio cæsi fugatique sunt, multis tamen elabendis patium castrorum propinquitas præbuit: neque enim illos Germani extra ordinem sunt persequuti: qui ad extremum pugnæ exitum immoti & erecti in omnem calum, in acie perstiterunt: quando seuera & maxime nobili disciplinæ lege, donec debellatum foret extra aciem progredi, hostem capere, & quæ alij auidè raperent spolia legere vetarentur. Ob id constat, neminem ferè illustrem captiuum & exiguum admodum prædam ad Germanos peruenisse, quum Hispani sicuti

audaci

audaci præstantique opera fuso equitatu & pulsus Helueticis haud dubie victoriam peperissent, optimo veluti iure in præmium virtutis preciosiore præda & nobilioribus captiuis potirentur. Capti sunt Henricus Rex Nauarræ, et Renatus Bastardus Sabaudius Regis auunculus, Regiæ domus magister: qui non multo post dum se multo auro redimere cogretur, ex vulnere exorta febre apud hostes interijt: itemq; Memorantius, Brionius, & Bozolos: ipseq; item Obegninus, & Florantius, qui Helueticæ legioni erat præpositus. Franciscum è Borbonia familia sancti Pauli comitem grauiter sauciatum inter cadauera iacentem, dum ei veluti iam mortuo Hispanus digitum abscinderet vt annulo potiretur, Fortuna seruauit. Contraria sorte Lescutus coxam crassiore pila traiectus, quo nemo Gallorum Procerum, corporis atque animi virtute superior fuit, nono die apud hostes Ticini exstinguitur. Ferunt cum dum læthali vulnere grauatus iaceret, & Cæsariani duces in primisque Vastius cum sepe inuiserent, multas diras Boniuetti manibus fuisse imprecaturum, plurimumque exccrando pestilentis eius hominis ingenium subiunxisse, ea infelici acie ab se illum fuisse quæsitum, vt publicum scelus infesto gladio vindicaret: quando istantam eadem Gallico nomini, & immerenti præsertim Regi peruerfis consilijs intulisset. Perijt etiam Toneræus vir illustris: desideratulusque est nusquam reperto cadauere Tortonius, qui cum Asparetio Lescuti fratre Nauarrico bello dux fuerat, quum tumultuantibus Hispanis, Galli arma ad Hiberum vsque amnem promouissent. Solus Alanconius, vt tantæ cladis nuncium in Gallias deferret cum ingenti cataphractorum agmine intactus effugit. Qui fortasse singulari prudentiæ laude dignus foret, si non potius, vt se incruentum & iure imperij equites secum trahentem periculo eripere, q̃ ad subsidium orbatæ Galliæ fortium virorum aliam seruare voluisse crederetur. Sed Alanconio intra paucos dies ex dolore animi defuncto, eius receptus famam, Humenius Rocha legatus alæ, præclaro testimonio defendit, quum vir impiger, & belli peritia spectatus desperata victoria, vel inuito renitente, que duce, necessitati parendum esse censuisset. Porro Claramontius qui in insula Memorantianis in castris præsidio erat relictus, vbi perditis rebus frustra auxilium se ferte posse animaduertit, cohortatus suos, vt nihil ea rerum asperitate perturbari vellent, sed confirmato virilique animo ad salutem, non dubiamque laudem constanti receptu signa sequi properarent, militari more copias eduxit, & Graualone superato, concisisque pontibus ad Mortariam primò oppidum, & nullo demum accepto incommodo in Galliam contendit. Idem fecere Mediolani qui arcem obsidebant: suppressa etenim acceptæ cladis fama, & vulgato interim falso victoriæ nomine cum omnibus impediementis duce Theodoro Triuulzio, ad Verbanum lacum incolumes euaserunt. Cæsa autem eo prælio ad decem millia referuntur. At Rex armatus, vti erat in equo humili asturcone, quum à Lanoio in castra duceretur, Alfonso Vastio sit obuius. Is tum fortè à persequendis Helueticis redibat, vt de Piscario quem falsò cecidisse serebant, certius agnosceret. Nec mora, Vastius ab equo propere desilit, & Regiam dextram apprehendens custodiendum & aggregantium sese vltro militum coronam late summolet, ita vt his pudorem inijceret, qui nullo propè respectu maiestatis, adeo arcè iam captum Regem custodirent. Tum vero Franciscus haud parum eius conspectu

recreatus silentium exoluit. Eum enim cum iuuentæ flore & specie corporis, tum virtutis & omnis militaris elegantiae laude insignem vti præclarus vel in hoste excelsæ virtutis estimator vehementer adamabat. Consolanti Vastio magnitudinemque animi & humanitatem in Carolo Cæsare plurimum attollenti, statueram, Rex inquit, non indecoro casu inter armatos concidendo animum ab hac tanta rerum mearum acerbitate vindicare, ne tot clarissimorum meorum ducum funeribus superessem: sed Fortuna iam pridem nomini nostro iniquè & peracerbè infensa, ut vitam inuito ad illudentis fortunæ spectaculum referuaret, honestissimam mihi mortem inuidit, hoc vno tamen memine in tantæ cladis memoria consolabor, quod nulla mihi in posterum Fortunæ vis erit pertimenda: quandoquidem illa seuisimè semper furcens, nec tot cum mulatis cladibus vnquam abundè saturata, nunc tandem reliquas supremi odij faces in hoc publico totius Galliae luctu, & summa mea ex tanti infortunii casu iactura restinxerit. His verbis non modo ipsis victoribus singulari affectis lætitiis lachrymas propemodum exciuit: sed circumfusorum etiam omnis generis militum animos tantæ victoriæ reputatione vsque adeo confudit, ut faciliè cædibus, & ab ipsa etiam præda ad tanti Regis capti spectaculum vndique verterentur. Ductus est in Gallica castra ipso imperante, ne à Tici-nensibus quos summis affecerat detrimentis, & à ferociente præsidario milite, tanquam diuturnæ obsidionis incommodis vehementer afflicto, ad ludibrium in ea Fortuna conspiceretur. Ibi ea vulnera quæ in aversa parte semor-  
ris, & in dextra summaque gena, leuia tamen acceperat, faciliè curauit: aliquot etiam pilarum ictus duplici thorace adeo egregiè sustinuerat, ut cum Christi crucis frustulum aurea conclusum bulla collo gestaret, quod planè foret serua-  
tus, in miraculum à pijs hominibus referretur. Ferunt, Regem Borbonio ad genua prouoluto, & dextram appetenti, nequaquam sese irati, sed cunctæ æ-  
quissimo animo serentis habitu præbuisse: ipsum verò Borbonium demisso vultu haud dubia dedisse pudori & poenitentiae signa: utpote qui non omniū  
modo tacita cogitatione, sed liberis etiam sermonibus sese inuidia plurimum  
onerari, & defectionis suæ nomen latissimæ famæ pandi manifestè perspice-  
ret. Cœnauere cum Rege magnis precibus inuitati Lanotius et Vastius: lauan-  
ti autem Borbonius honoris causa linteam dedit. Sed rex ingressus in sermo-  
nes explicauit, periti imperatoris more singula recensendo, quæ apud se, vel  
ipsos hostes vti potiora prouideri potuerint: ut si res in integrum restitui pos-  
sent, se iterum ea tanquam optima conditione dimicaturum dicere minime  
dubitaret: sed se deceptum ab Heluetijs, qui non modo suam, sed omnium et-  
iam opinionem turpissimè fessellissent: & auarè ab Italibus fraudatum, qui in  
recensendis cohortibus falsum militum numerum referre essent soliti: deser-  
tumque demum nimis properè à tertio equitum agmine semel inclinatam a-  
ciem vlla arte bellicæ virtutis, vllloque præsentis animi conatu reparare ne-  
quiuisset, atque ita quum omnia ferè in vnum coniurarent, ut fortunæ Cæsa-  
ris seruirent, fatali sorte potius quam errore hominum cuncta ipsis prospera,  
sibi verò aduersa omnia contigisse. Non videtur silentio prætereundum  
quod ad historię pariter ac diligentię meæ fidem pertinere arbitror, ea me  
omnia quæ hoc peculiari volumine continentur, ex sermone maximorum  
principum

principum & ducum accepisse, quorum fere omnium et si externe lingue duriorisque naturæ fuerint, veritatis explicandæ causâ amicitiam meruisse proficemur: tanta curiosi ingenij perseverantia felicitateque, ut non modò mores, consilia, factaque eorum scriptis expressa, sed singulorum quoque ex veris formarum lineamentis depicta ora ad delectationem spectantium in Museo nostro repræsentemus. Verum in hoc longo atque difficili honesti laboris studio, nemo certè nobis vel liberalius vel disertius Franciscus Rex fauit: admirabili enim fretus memoria, ingenuæque arcana animi nudare solitus cuncta miro ordine atque integra fide de successu præsertim huius pugnæ nobis enarrauit, primò ad Malsiliam, & aliquot post annos ad Nicæam: tanta quidem cum admiratione nostra, ut quæ incerta & obscura erant, collato hostium testimonio liquidissimè deprehendisse fateamur: & tantum Regem immaturo prorsus fato nuper ereptum, tanquam longiore vita dignum meritò celebrandum existimemus. Nec multò post ad Pisleonem in custodiam est deductus. Eò tum demum ipse Piscarius venit, non planè obducta oris cicatrice, Regemque inuisit non in purpurea aureaque veste, ut ceteri qui ab ea victoria in pompæ morem sese Gallicis spolijs exornarant, sed ad singularem animi modestiam, laneo & nigro in sagulo, quasi non victoris, sed victi habitum præferret, & miserari Regiæ conditionis fortem nequaquam ficto dolore videretur. Eum venientem ac insignium ducum turba, veluti prætorii cohorte circumseptum, Franciscus adeo humaniter et auidè complexus est, ut aliquandiu animum atque oculos in eius viri admiratione defixos teneret: & cœptis demum grauioribus sermonibus in hæc verba, non tristi, verum sublanda gestus & oris grauitate prorumperet. Nunquam inquit, inuictè Piscari, natura fieri posse putaueram, ut cum plenis affectibus amare atque suspicere possem, qui vnus omnium hostium Gallico nomini maximè fuerit infestus, & mihi demum victo captoque longè grauiusimum cladis vulnus intulerit: sed profecto eam esse vim præstantissimæ virtutis, vel hoc meo què nobili ac tristi rerum experimento constanter agnoscimus, ut in seipsam admirabili fulgore latè radiantem omnium oculos, tanquam ad præclarum lumen ab obscuro faciliè conuertat, ac ipsis demum animis impotentissimè dominetur. Sed tu Piscari dignum illustri fama tua feceris, si eo tenore veræ virtutis, quo me & meos sæpe duces feliciter vicisti, enixè dederis operam, ut hoc totum singularis victoriæ decus, quod vestra virtus & fortuna Cæsari peperit, ab altitudine eius animi, excelsaq; virtute longè clarissimum reddatur, dum mihi planè victo captoque non iniquis legib. impositis libertatem maximorum regum exemplo restituat. Neque enim vel in hac mea calamitate Cæsari vestro regna ac imperia, aut tam præclarè votis eius arridètem Fortunam inuideo: quum hunc potius diuini muneris locum inuideam, quem ei benigna fors ad deferendum in cælum nomen ruina mea patefecit: parari quidem læta imperia vi atque opibus possunt: & fortuna plerumque, quum eam maximè conuersam credas, sua libidine dat terga, & leui momento dilapsa peruertitur: ac certè in Cæsari arbitrio rara felicitate positum est summæ humanitatis & clementiæ immortalis gloria se potiri, et secura manu velle decerpere nobilissimæ laudis fructum, quem herclè nulla vis eripiet, nec ipsa quidem fata vllò vnquam tempore delebunt: quandoquidem post partam victoriam, cu-

ius nomen & decus minores sæpe duces & milites sibi vendicant: nullus in regia fortuna clarius est triumphus, quàm ad eximium propriæ virtutis specimen, ab ipsâ maximè generosi animi magnitudine celebrari. Ad ea Piscarius pauca præfatus, quæ ad declarandâ Cæsaris moderationem et lenitatem pertinebant grauius & appositè respondit: addendo quantum ille in omni controuersia & disceptatione lenis & equus esse consueuisset: & quàm procul ab inhumana duritiâ, omnique sæuitia sensus omnes auerteret: utpote qui ab ineunte ætate propter facilem mitemque naturâ, nunquam ab immoderatis, atque superbis, sed ab honestis decorisque consilijs, virtutis & pacis amore duceretur: non tulisse cum ab initio bellum, sed grauiissimis lacessitum iniurijs ita repulisse, ut post multas victorias locum paci & concordie non iniquis conditionibus relinquere videretur: propterea se sperare Cæsarem tanta animi moderatione vsurum ea victoriâ, ut nihil minus æquû à victo postularet, quod integris rebus repetere esset solitus: futurumque esse, ut ipse non multo post sollicitè matri, et charissimis liberis insigni Cæsaris liberalitate redderetur. Quibus sermionibus Franciscus ægrum animum in spem haud dubiam maturæ liberatis erexit, ratus Cæsarem sola victoriæ felicitate contentum fore: nec in ea quicquam impotenter, sed solum lenitatis & clementiæ nomen esse questiturum, cuius animi nequaquam atrocis & superbi præclara signa dudum ostendisse cognouerat: quum Cæsar qui tum erat Barchinonæ nuncios tantæ victoriæ, quæ ipso etiam natali eius die parta fuerat, nulla cum hilaritate suscepisset: sed singulari pietate indictis tantum trium dierum supplicationibus, ut is secundus belli euentus Reipublicæ Christianæ commodo verteretur, publicam lætitiâ festis ignibus & tormentorum bombis celebrari vetuisset.

## LIBER SEPTIMVS.



**D**ELETIS ad Ticinum Gallorum copijs, atque ipso Francisco tantum modo nominis Rege capto nemo totius Europæ Regum vel Principum fuit, qui non summo metu, aut certè grauiissimo dolore commoueretur. Nam qui finibus atque periculo proximè erant, non modo opes, tot coactis in vnum regnis in immensum auctas, sed ipsam quoque Cæsaris fortunam horrebant. Apparebat enim eius exercitum in prouincia per Ligusticas cautes fuga elapsum, egentem pecunia Mediolano exclusum, destitutumque sociorum auxilijs, incredibili potius aspirantis Fortunæ munere, quàm vlla consilij ratione incolumem ac demum victorem euasisse. Nec iam vllas bello rationes Cæsarianis tantam inuitatæ fortitudinis, tantamque felicitis disciplinæ opinionem adsecutis in posterum conferendas videri, quum ingenti audacia, patenti campo procul insidijs, veteranum ac ornatisimum totius Galliæ equitatum tot clarissimis ducibus interceptis & captis vnius horæ momento deleuerint. Ipsaque Sicambrorum robora cæteris infesta Germanis, ac Heluetijs legiones inuictas antea, & frequentib. victorijs nobilitatas, aut in acie trucidarint, aut inultos sædoque interitu perire coegerint. Cæterum Rex ipse in arcem ignobilis oppidi conuersus,



ctus, ac salutarium turbæ frequenter ostentatus, omnium animos in sui miserationem conuerterat: Fortunaque tum maximè ut impotens, et seua, & instabilis accusabatur, quæ florentem belli gloria, ætate atque opibus Regem è summo amplissimi regni, potentiaque fastigio, puncto temporis præcipitem dedisset. Quippe eius ori atque oculis, tanta vis, tantusque honos inerat ad promerendos omnium animos, ut non modò illis quibus neque beneficio, neque iniuria fuisset cognitus, sed etiam hostes ac inimici ea calamitate indignum existimarent: militarem enim cum inuicti animi, tum eximij corporis habitum, omnib. Regijs atque ciuilibus virtutib. exornarat. Quum pedes siue eques tractando arma, artem acrobatur ostenderet, aut de optimis artibus, ac liberalib. studijs discere vellet, omnem in id totius gratis operam contulisse crederes. Accedebat præ alto illustriq; ingenio bellorum rerumq; omnium memoria incredibilis, ac inexhausta quedam in his explicandis nitida sermonis eloquentia, qua prius ferè congressib. abdita suorum sensuum liberaliter expromendo, omnes mihi sibi amore deuinciebat. Sed quum per ocia pacis alacri semper comitate, more gentis, ac erudito luxu iocis munditijsq; præstaret, vna maxime liberalitate, quæ in principe optimo præcipua virtus existit, apud omnes longè clarissimus erat. his de causis neque in ea arce, totius Gallia Cisalpinga rectè custodiri: neque aliò terra marique tuto traduci posse videbat. Nam Veneti in tergo erant iam planè quæ fœdere defecissent, pro hostibus habiti: & Alfonsus Atestinus Gallorum socius, Pontifexque ipse, & Florentini, qui non modò auxilia non misissent, sed fœdus cum Gallo percussisse, repertis ad Ticinum super eare tabulis, arguebant, cuncta cis Padum ad vltimos Ligurum fines certis præsidijs obtinebant. Milites quoque Cæsariani quam præda diuites merita stipendia flagitare, ducibus, nisi pecuniam expedirent, seditiosè vincula & cædem comminari: alioque subinde atque aliò ad deponendum prædam absque commeatu discedere, eo insolentiores atque ferociore, quæ gratuita opera ad retinendam pristinae virtutis dignitatem, se maximam victoriæ ingrato Cæsari peperisse prædicabant. & in eos sæpe de industria Franciscus veluti per lufum aureos nummos dispergere erat solitus, tanta presentis fortunæ contempzione, ut Hispani milites applaudendo, perulenter Deos iucularent, quod subigendum terrarum orbem Franciscus ipsis non imperaret, aut ipsi omnes sub eo soluti Cæsaris sacramento militarent: adeo ut duces & ante alios Alarco custodia præfectus, & largitiones regias cohibere, & familiaritatem militum nonnunquam abrumperet coqueretur. Interea Clemens quid ad tuendam Pontificia maiestatis æquitatem moderato quidem, sed periculoso & parum illustri consilio, ab omni contentione abesse, & sese inter certantes, pacis sequestrum profiteri voluerat, diuersis suorum consultationibus agitabat. Plerique enim suadebant, ut Gallicarum parui obliuisci vellet, & Cæsarianis ducibus, quibus cum præclarè atque feliciter bella gerere consueuisset, sensus omnes facultatesque contingeret. recentes iniurias haud multa expiari pecunia facile posse, & antiquum subinde fœdus renouari, si salutaris oculis quæ exitiali belli cupidus esse mallet, & sacrosanctæ potestatis iure, longè lateque sibi utendum arbitraret. Alij degeneris abiectique animi ea esse consilia dicere: si pacem male fidam auro mercaretur, eam propediem Gallia atque Italia seruitutem esse parituram: nec ideo Regem in tanta calamitate ac rerum desperatione deserendum, quem

ipse in primis, Veneti que pernicioſa cunctatione in eas carceris miſerias præcipitaſſent: non ampliore pecunia opus fore ſi Regem iniquiſti grauiſſimique animi cuſtodia eripere vellent, quàm ea, qua pax ſeruili conſilio emi poſſe videatur. neque meditato facinori dubium proponi euentum, ſi fortiter remgerere, euocare Heluetiorum expeditam manum, & ſubitarias per Italiam cohortes cogere maturarèt. Tum enim Pontificem, Rege libertati reſtituto, de vniuerſæ pacis nomine communique concordia tempeſtiuè conſilia initurum: imperijsque Italiæ legitimis poſſeſſorib. adiudicatis, non ſimulatam ac ſtabilem, ſed veram ac diuturnam pacem obſtinatis ab Regib. expreſſurum: vt ipſo auctore ac duce, vt ſemper exoptaſſet, impiè tum comota arma à Chriſtianis in Turcas verterentur. Sed quantum priori ſententiæ ſecuritatſ in poſterum ac dignitatſ deerat, tantum huic immoderati & impudentis animi ſu perelle videbatur. Propterea, hæc vt aliena nimis que atrocia Clementi quietſ auido, et incertos belli exitus maximè timentſ, mirè diſplicebant, q̃ Cæſarē perpetuis maximis que amicitiaſ officijs ſibi coniunctum adeo inſignſ iniuriæ affici, & ab ſe properterea Germaniæ Hispaniæque populos, & Henricum Britanniaſ Regem alienari nolebat. Itaque cum Carolo Lanoio qui pro Cæſare ſummæ rei in Italia præerat, amicitia� repetita, ſolemne ſœdus percutit, hiſ ſermè conditionibus, vt ipſe centum & triginta milia aureorum nummum Cæſarianis in ſtipendium numeraret: contra verò Pontifex ab ijs in recuperândo Regio Lepidi iuuaretur, quod Alſonſus Ateſtinus vtiſiæ ditionis, Hadriano vita functo, per interregnum cum Ruberia oppido antea recepiſſet: Veneſtis autem intra certum tempus, ſœderi atque amicitiaſ locus foret, ſi centum et ipſi milia nummum aureorum ſubſidijs nomine perſoluſſent. At Alſonſus cui Clementis cōſilia admodum erant ſuſpecta, & quodd Gallicarum partium ſemper fuiſſet, Cæſarianis ſe merito inuiſum elle meminerat, cum Lanoio pecunia perquam maturè tranſegit, vt ſibi parceretur. Ita Lanoius repetente Regium Pontifice, atque auxilia ad id depoſcente, alias atque alias moras neſcit: & quoniam ea loca antiquitus Cæſaris imperium communi Italiæ iure reſpexiſſent, præiudicare inconſulto Cæſare, nolle dicere: ac demum polliceri ſe medium atque adiutorem fore, vt ex æquo ea controuerſia componeretur. Cæſare enim rata habere noluerat, que Lanoius ſolemni ſœdere pepigiſſet. que res in Pontificis Italorumque omnium pectus altè deſcendit, quum præbita & fruſtra demum repetita pecunia, mirè eluſus elle diceretur. Interim Cæſarianus exercitus ſermè totus in Placentinum & Parmenſem agrum in æſtius ſeſe effudit, tanta rapiendi oblatas atque reconditas fruges, & obuia quæque vexandi licentia, vt ex villis vicisq̃ afflictorum agreſtium querelis vrbes complerentur: & mox frequentes earum ac oppidorum legationes ad deprecandam agrorum vaſtitatem, Romam viſque peruolarent. Quibus de rebus deceptus Pontifex grauiſſimo animi dolore præmebatur: at tum maximè caſtigabatur a Veneris, qui dudum vllam cum Cæſarianis amicitiam, quæ auro cœmeret ſe inituros conſtantiffimè pernegallent; contra multo ampliorem pecuniæ ſummam Cæſari pollicendo, ſi ad certam rerum tranquillitatem, communi Regum & ciuitatum omnium libertati & paci conſuleretur. Eo enim Cæſarianorum conſilia ſpectare videbantur, vt quum in Italia cunctis ſibi ſœdere obſtrictis, pacem atque ocium peperiffent, totius mox Italiæ innixi opibus in

bus in Galliam rursus penetrarēt. Nec deerant Borbonius atq; Piscarius eius belli cupidine deflagrantes qui irritos ad Massiliam conatus, atq; ea festinati reditus detrimēta resarcire nobiliore victoria cupiebant: qui Galliam Rege, ducibus, equitatu penitus orbatam, eamq; exhaustam pecunia, inopem consilij, & cunctis inusitata clade perterritis de salute dubitantem, in prædam vertere, atq; subigere, neque magni neq; diurni laboris esse iudicarent. Quade mum subacta, nemo erat qui non eadem mox cladum et seruitutis incommoda deceptę circumuenteręq; Italię parari dubitaret. Nec multo post Franciscus impatientia carceris, & præsentium rerum necessitate compulsus incredibile alijs & sibi anceps consilium sumpsit, vt in Hispaniam traditis Gallicis trirēnibus ad Cæsarem perduceretur. Is ab initio cladis acceptę Pontificem ac Venetos nihil depristina erga se voluntate remissuros: retentoque in Italia cum copijs Albanio Regulo moturos arma crediderat, q̃ magni interesse ad salutem libertatemque omnium arbitrarē, si illi tandem & concepta consilia, & paratas vires explicassent: suiq; liberandi speciosum in primis, neq; omnino difficile negotium fortiter suscepissent. Ea enim est ægrorum natura mortaliū, vt quę sibi remedia salutaria fore prouiderint, non modo factu facilia esse, sed alienis etiam rationibus magnopere conducere credant. Itaque Franciscus inani persuasionē deceptus, quum Albanium cum exercitu ad Grauisacas nauibus impositum, & Romę demum cum Cæsare sœdus publicę iētum esse cognouisset, cogitationes de Italicis auxilijs abiecit, & relinquam spem omnem in Cæsaris clementia ac humanitate collocauit. Miserat enim paulo antè ad eum Cæsar Hadrianum Beurenium Belgam ipsius gratia maximē florentem cum lenissimis literis, nec omnino prægrauib. de pace mandatis, ita vt Cæsarem sua spe mitiorem inuenturus esse viderē. Erat tum Franciscus in potestate Lanoj hominis occulto astu contestaq; prudentia valde insignis: quam summa militaris imperij penes Borbonium esset, qui id munus liberali & generosa quamdam simplicitate Gallico more sensim vsurpari permiserat. Magnis igitur pollicitationib. cum Lanoio Rex egit, vt in cōsilio primorum ducum ac militum doceret, Regem in securiorē custodiam Neapolim esse perducendum. Cæterum eare faciliē impetrata, quum ad mare peruenisset, alijs omnibus deceptis in Hispaniam cursum direxit. Timebat enim Lanoius nisi tantę rei consilium egregia simulatione tegeret, ne Borbonius atq; Piscarius, quorum apud milites summa erat authoritas, institutam profectionem impedirent: adeo vt nullam ex turpi consilio inuidiam vereretur, ac illorum offensiones omnino negligeret, modò sibi amplior gratiæ locus apud Cæsarem eo facinore pararet, & Francisci animum in spem ingentium præniorum linguari beneficio deuinciret: quando nihil Cæsaris animo atq; oculis optatius: nihil gratius, aut speciosius cunctis Hispaniæ populis fore crederet, q̃ si clarissimum Europæ Regem eius maximæ gentis virtute captum, in Hispaniam ad triumphum ac sempiternam incomparabilis victoriæ memoriam transportaret. Ipse quoq; Franciscus altitudine liberalis animi sui alienæ naturæ spiritus metiri solitus, si in conspectum Cæsaris deueniret, cuncta sibi protinus secunda atque felicia despondebat. In hanc spem & Vgo Moncata, quem in Liguria apud Varagium ab Andrea Auria captum diximus, sine pretio in Hispaniam per Gallias paulo antè fuerat dimissus, vt amicę atque solerter regiam

causam tueretur, summæque laudis & gloriæ in perpetuum parandæ facultatem Cæsari diuinitus oblatam esse prædicaret. Is enim vir subtili iudicio ad amicitiam Lanoij se receperat, cæteris sermè omnibus Hispaniæ Regulis eam liuore atq; odio resutantibus. Quoniam Lanoius non illustri natalium splendore, nullaque paulo insigni virtute, sed vna tantum assidua fidelis obsequij perseuerantia, vi peritus & elegans equorum domitor, ludorumque magister, totum alienæ gratiæ locum ambiciosius q̃ deceret, apud Cæsarem occupare videbatur. Interea quum fama esset, Regem in custodiam Neapolim clas se perduci: & iam pars ædium Regiarum in Arce noua validioribus clatris atque repagulis Lanoij iussu firmaretur, Franciscus nobili comitatu Genuam, & mox in proximum Delphini portum deducitur, quò iam Galliæ triremes solis remigibus instructæ Regis accitu peruenerant. Andreas quoque Auria cunctis prædonibus, & tum maxime Hispanis nauali virtute terribilis, quum suas ipsius triremes in alienam potestatem, id postulante Rege, se traditurum negasset, fidem obli desq; dederat, se nequaquam Lanoio clausique eius eanavigatione nociturum. Itaque fortissimorum militum manu, quam ex suis cohortibus Salfedus, Corberia, & Sanctacrucius, Centurionesque alij delegerant, Cæsariæ & Galliæ triremes complentur: nec multo post idoneum naçti ventum sublatis velis in Hispaniam cunctis inopinantibus prouehuntur. Ea recognita, Borbonius atque Piscarius ira ac dolore simul angî, singularem contumeliam iniquissime ferre, neq; linguam moderari, quin palam omnibus illum probris ac maledictis lacerarent: quòd iura summi imperij, quæ penes Borbonium erant, incredibili arrogancia eludere non dubitasset: & Piscarij existimationem lædere minimè fuisset veritus, cuius maxime ductu virtuteque Regem prælio superatum omnium opinione constitisset. Porro alijs de causis ea profectio Clementis Venetorumq; animos commouit. nam quum retento in Italia Rege, de communi paceminimè desperarēt: tum demum verebantur, ne qui nimis celeri desperatione sese vltro traditis triremibus ad pedes hostium proiecisset, nouas periculosi consilij rationes insana libertatis cupidine sequeretur: malignitateq; & superbia inductus propter veteres & recentes offensiones, cum Cæsare ad exitium Italiæ conspiraret. At Franciscus remigio & lenibus ventis in Hispaniam delatus Barchinonæ Regali apparatu excipitur: atque inde, Alicanteram, qui Valentinarum est portus, legendoram prouectus est: vt maiore demum compedio terrestri itinere ad Cæsarem ire pergeret, qui tum apud Toletum vrbe omnium Hispaniæ maxime mediterraneam erat in æstiuis. Ibi Franciscus sinistro omine accepto, summum adiit vitæ periculum, quum milites, qui præsidio triremib; aduenerant, promissa stipendia flagitarent: consternatique ad arma Lanoium omnes in festis hastis peterent. Emissio namque pertumultum maiore sclopetto, pila in marmoream columellam fenestræ coniecta est, cui fortè Rex auersus humeris innitebatur. Lanoius autem in proximos hortos se dejiciens, celeri fuga & latebris iracundiam militum vitauit. Nec multo post conquisita pecunia, sedatoque tumultu ad Madritum quod Mantuam Carpentanorum antiquitatis fuisse putamus, non longè à Toletto terrestri itinere paucis diebus est peruentum. Erat in eo tractu Didacus Mendocius Infantisiorum Regulus splendore vitæ ac liberalitate magnis Regibus æquatus: Regem intra fines ditionis iter habentem incredibili apparatu, exornatis passim hospitij perpetuis sumptibus

sumptib. excepit & aluit. Ea subinde Regali munificentia dona offerens, quæ neque Franciscus à Cæsare expectanda censeret: neq; ipse si in Gallia incolumi regni fortuna esset aduenæ Regi daturus esse videretur. In ijs enim erant complures equi militares longè omnium Hispaniæ generosisiithi argenteis phalaris, ac ferici instructi ephippijs: mulæ item nobiles purpure constrictæ: præterea salconum, insignium canumq; omnis generis venaticorum cum toto venatorio apparatu, ipsiq; aucupibus, peritisque venatorib. delecta multitudo: lectorum verò tantum, pictarumq; stragularum & auleorum, itemq; vasarorum cæleto argento in mensarum usum ornatumq; amplioris abaci, quantum vel non captiuo regi satis esse crederent. Addidit Mendocius ad eam excelsi animi liberalitatem spectaculum nō modò sibi & posteris, sed toti etiam Hispaniæ maximè gloriosum. Populos nanq; imperio sibi subiectos militariib. instructos armis indicta die in proximam viâ planiciem euocauit, digestosq; in cohortes & turmas decurrere iussit. Fuere supra duodecim millia pedum & equitum: docuitq; Mendocius admirandū regem multos esse in Hispania regulos ipso admodum potentiores: vt non esset in vltima laude, si qui nec ordine primarius, nec opib. summus esset, nō modò reliquos omnes superasse, sed ipsum quoq; Cæsarem ad immensum liberalitatis specimen prouocasse censeret. Franciscus tanto in honore vbiq; habitus quum omnia ad benignitatem Cæsaris cogitatione referret, vt iam de salute libertateq; securus magnopere letabatur. Madritium autem perueniens, ibi subsistere recreareq; sese, & Cæsaris opperiri aduentum iubet, quem longinquis intentum venationib. intra paucos dies eo peruenturum esse confirmabant. At Cæsar rege in Hispaniâ perducto, ipsod; Lanoio incredibili alacritate suscepto, nequaquā ad altitudinem ingenij sui contrā achomines rebant, sed ad alieni iudicij arbitrium consilia reuocauit, non modò à præsentib. amicis sententias rogando, sed à ducibus qui in Italia erant postulando, vt perscriberent, quid nam de captiuo rege statuendū esse arbitrentur. Sub id tempus Borbonius dolore atque iracundia in Lanoium incitatus ad Cæsarem peruenit: sed cum acerbius in præsentem inuehendo quereretur, tantā sibi & Piscario infidelitatis suspicionem malignitate naturæ illius fuisse impositam: eumque omnem victoriæ fructum impudenter præripere conari dictitaret. Cæsar eo vultu vociferantes dirimit, vt quæ Lanoius nimio erga se studio feliciter egisset, excusare videretur, tamen si ea victoria ipsius Borbonij auspicijs Piscarijque industria & sanguine satentibus cunctis esset comparata. Literæ subinde Piscarij sunt allatæ, eo Borbonij verbis vehementiores quod ab graui constantiq; ingenio singulari extimulato iniuria proficiscebantur: non modò enim periniquæ serebat dignitatem suam ingratè maligneque lēsam fuisse, sed se in manifesto salutis ac mittendæ authoritatis discrimine relictum apud seditiosos milites merita stipendia flagitantes, qui in tanta victoriæ licentia sibi & questorib. haud obscurè eodem minarent. Lanoium, qui mederi malis posset, quoniam etiam cogendæ pecuniæ certam haberet potestatem, cum astu parum viriliter alios esset ludificatus: præcurrisse in Hispaniam, vt vnus omnium premia ferret. Sed se nequaquam dubitare, quin ipse Cæsar vti optimo principe dignum foret, cunctos qui sibi eo bello fortem operam nauassent, præmio afficeret, ignauosq; pariter & infideles ultione et pœna persequeretur. Cæsar humanissimis literis Piscarium est hortatus, quæ Lanoius se quidem ignaro, sed è repu

blica fecisset, nullo liuore adductum fecisse, existimare vellet: atque omnia vti præclarissimis factis meruisset, ex sua liberalitate expectaret. Tanta tum erat vis gratiæ Lanoij cum Cæsare, vt ille non modò consuetudine iucundioris obsequij, eximioque & semper fideli cunctis in rebus officio, sed occulta potestate benigni syderis ei coniunctus esse crederetur. Propterea sicuti per amplis honorib. atque diuicijs ante alios exornatus abibat, ita eum vehementes inuidiæ fluctus sustinere: & se exquisitis aulæ artibus ab his quos læsisset, tueri necesse erat, vt tum accidit: nam Piscarius qui animum per se excelsum, & omnis coptumeliæ insolentem gerebat, eum prodicionis postulare, & singulari certamine indicto armis controuersiam finire statuerat. Eum alia quoque pariter excruciabatur: nam cum iam à victoria parva quintus mensis effluxisset, nihil omnino præter benignas epistolas à Cæsare retulerat, quem cæteris præmia statuentem à Lanoio deprauatum fuisse existimabat: nam Carpum in Mutinensi agro quod Alberti Pij fuerat, & Soram paternæ dirioni finitimam, haud satis digna pro tot susceptis vulnerib. præmia expectabat, potius quàm petebat. Accidit quoque, quod animum eius acerbissimè pupugit, vt Cæsar Henricum Nauarræ regem se redimere prohiberet, quem Piscarius bello captum, ac se in libertatem oblati octuaginta millib. aureis vendicantem, custodia emittere cupiebat. Iisdem ferme dieb. in Gallia complures Reguli summæ authoritatis, & in his præcipui Franciscus Borbonius, & Claudius Guisa Lothoringiæ principis frater consilia inibant, inuita etiam Ludouica Regis matre, vt cum Italis principibus sese confociarent: & si Franciscus Sfortia graui oppressus morbo naturæ concederet, Maximilianum eius fratrem in paternum regnum reducerent: transmissisque terra ac mari auxilijs bellum gererent, ad exturbandos Gallia Cisalpina Cæsarianos, qui non modò Mediolani, sed totius etiam Italiæ imperium immodicis animis affectabant. Enimuerò ad Galliæ salutem, & ad retinendam rei bellicæ existimationem tota diuersa consilia prælijs pertinere putabant, si bellū, quod sibi immineret, in alienis potius quàm suis regionibus renouarent: & libertatem Italiæ quantis maximè possent studijs atque opibus tuerentur. Sic enim res in Italia se habebant, vt cunctis ea recens victoria esset formidabilis: quippe proximas quisque Germaniæ vires metuebant, quas Ferdinandus Cæsaris frater Mediolanensis imperij cupidus per leui momento exiguaque pecunia impulsurus esse videbatur: & Hispanorum ingenia imperij auida, maximè suspecta erant, pœnitebatque omnes tanto studio tantisque impensis incautè atque imprudenter eas diuuisse partes: a quibus & sæua imperia & certa demum seruitus forent expectanda: nisi tot collata beneficia conuersis repente animis in summam iniuriam verterentur. Ante alios Franciscus Sfortia retinendi imperij cura anxius multis sæpe indicijs, & pluribus haud obscuris coniecturis Cæsarianorum consilia nudarat: feceratque periculum Cæsaris erga se voluntatis, quum per Thomam Maynum legatum suum, vti alijs antea acciderat, frustra postulasset, vt paternum imperium consecris super ea re Augustalibus tabulis concederetur: sicuti antea fœderatis Leonique præsertim Pontifici se omnino daturum esse Cæsar promississet. Paratus erat Sfortia sexcenta aureorum millia certis pensionibus persolvere, vrbes, copias, pacis bellicæque consilia ad authoritatem Cæsaris conferre: ducere insuper vxorem, quam

Cæsar

Cæsar ex usu rerum suarum probauisset. Cæteri quoque Italiz principes, liberæque ciuitates id maxime præstari à Cæsare cupiebant, ut si nullum in Cisalpina Gallia præpotentem grauemque accolam haberent, ut ante Gallum sensissent, libertati Italiz & rerum omnium quieti, exæquatis omnium viribus opportunè cauereetur. Erat eo tempore apud Franciscum Sfortiam diuturno atque difficili morbo implicitum Hieronymus Moronus consiliorum rerumque omnium moderator intima familiaritate Piscario cõiunctus propter eximiam autoritatem ac industriam in regendis Insubris, cogendæque maximè pecunia singularem. Is cum sæpius colloquendo Piscarium his de causis quas suprà memorauimus, animo ægrum esse deprehendisset, sibi occasionem dari existimauit, qua illum à Cæsare penitus alienaret, in partesque traduceret, ut eius demum auspicijs Italia omnis non modo presenti metu atque periculo eriperetur, sed eiectis externis gentibus pristinæ libertatis decus reciperet. Sic enim Venetorum Florentinorumque & summi Pontificis animos habebat exploratos, ut eos quicquid ipse vel suo pte ingenio moliretur, modo publicam respiceret libertatem probaturos esse confideret. Igitur Moronus acri ingenio & erudita facundia fretus, Piscarium in eos opportunè ingressum sermones remouensque arbitris in penitiorum cubiculi partem deductum, his verbis allocutus est: Nisi inuidia veræ virtutis comes, qua nuncinueste Dauale circumuētus opprimeris, ijs qui eam patientius contempserint ignominiz & mox exitio foret, nequaquam mihi hoc munus temerè defumplissem, ut consilium tibi afferrem cum salutare in primis, tum usu longè speciosissimum atque optimum: id enim perpetui studij ac amoris erga te mei fructum egregijs operibus tuis dignum ostendet. Neque veror, quæ tua est à nobili ingenio prudentia singularis, ut consilium quod amicis cunctis spectatæ fidei ac industriæ officijs tibi coniunctus, nec omnino rerum imperitus obtulerit, aut statim improbes, aut superbi fastidias: quando nihil ab homine præstantius dari potest in arduis reb. quàm fidele consilium recta & exquisita ratione confirmatum. Illud enim sæpius benigna tractuque facilis Fortuna subsequitur, & excellens plerunque virtus alieni consilij lumine indiget, ut maxime fiat illustis. Te tuus ingentis animi vigor, maxime Dauale, vixdum pubescentem domo eduxit, cruentissimoque simul prælio & grauissimis obiecit bellis, non modò ut familiæ vestræ noua adderes decora, æmulationeque virtutis patris, patruique; memoriam renouares, verum ut cæteris omnib. quib. arma tractarint perpetua eorū gestarum laude superatis omni vel maximo honore dignus habereris. Sed incredibilis diuinæque virtutis tue præmia, diuitias, triumphos, imperia, quæ tibi nunc meliore fato destinamus, forsalle in longò victoriarū cursu percepisses, si tibi benigniore sorte, in ipsis Cæsaris oculis, cum tuo alienoque sanguine esses conuersus, vrbes manu capere, magnos fundere exercitus, & denique reges virtute tua superatos et captos, alieno in triumpho duccendos præbere cõtigisset. At longū tibi est hos expectare fructus, quos iam gemulorū inuidia infestusque liuor penitus intercepti. Militaribus nanque virtutibus suis aliquādiu florescat operibus, celeriter tñ obsolescit, nisi amplissimis nobilitata præmijs, in præclara honoris sistat luce, & ab ipsa principis liberalitate, quæ sæpius imperitorū iudiciū, ducis verā commendationē accipiat. Falleris si eum esse Cæsaris captū existimas, ut sigillatim intelligat et agnoscat quæ



per quatuordecim annos inter summas rerum omnium difficultates eximia fide, felici ductu, & fortissima dextra confecisti. præoccupatum ille, qui Italia non vidit, à Belgis suis, quibus vnus maxime fauet, animum gerit adeo, vt tota gemente Hispania, omne quod est regio in animo auitæ liberalitatis specimen mille artibus auertant: auari, impotentes, suspiciosi, alienæ spei & glorie ex occulto semper insidiantur. Sic tantis rebus gestis, neque tibi Sora tuis insinuata oppidis, neque Carpum multo tuorum sanguine partum dono dantur. Et Rex Nauarræ graui rationum tuarum incommodo, pecunia se redime re prohibetur. Cum iam alij Lanoio similes plura quam cuperent, omnino re tulerint. Adhæc clam abducto Rege Gallo tibi suspectæ fidei ignominia barbaræ fraude conflatur, et seditiosis lubinde militibus deficiente in stipendium pecunia, aut trucidandus, aut antiqua existimatione spoliandus obijceris. Nescio per Deos immortales, quid tibi in altera belli fortuna sperandum fuerit, postquam tot ingentes perpetuæque victoriæ nihil præter grande & alienum domi, & nõ mediocrem foris infamiam omnino pepererint. Cum exercitus à Cæsare stipendio fraudatos quin socias vrbes diriperet, agros crudeliter vastarent, prohibere vlla imperij seueritate nequiuersis, hæc omnino vera esse amici tui consistitur: nisi illud os probum ad gloriam multiplici plaga deformatum, & venas in hunc pallorem sanguine exhaustas in quota præmiorum parte censendas putes. At si gloriam vel penitus nudam tanto periculo sectaris, & vera esse existimas quæ post mortem de cælesti premio, ac inferorum poenis traduntur, nomen profecto tuum non in sublimi modo verisime glorie, sed amplissimæ etiam Fortune fastigio erit collocatum, si in Italia natus, Italicæ liberatis assertor gloriosus, quàm in hac luctuosa seruitute externorum minister ignobilis & inuisus esse malueris. Italis nanque principibus in animo situm est, tueri armis libertatem, quæ iam planè omnibus sensim eripitur: excutere externæ gentis iugum, ac vno denique consensu felsis Italię bus quietem securumque ocium parare. Te vnum omnes cum virtutem tuam cum summa felicitate coniunctam admirentur, pulcherrimi facti auctorem ducentque deposcunt. Egregium facinus sempiterna sequetur laus. Facilis vero exploratæque victoriæ exitus, & regnum tibi opulentissimum, & maximum militię imperium dabit. Te enim Veneti ac Florentini fauentibus Galis & Heluetijs, Pontifexque ipse certissimo iure Neapoli Regem constituent. Id enim Cæsaris esse non potest vetante antiqua pontificum lege. Nec Ferdinandus vi fraudeque occupatum nepoti legitime legauit, quum Ferdinandi Aragonij Federici Regis filij, qui in Hispania custoditur, nomen personarumque respiciat. Idcirco quales quantasque voles copias, classes, commeatus, pecunias celerrimè comparabunt, signaque gentium omnium quondam victoris Italicæ auspiciato in tuam manum virtute fideque præstantem tradent. Hispani quum iam exactis stipendijs Cæsaris sacramento minime teneantur, magna ex parte tuam sequentur auctoritatem: ceteri Germanique præsertim incolumes domum abibunt, nisi vim consentientis Italicæ, & te hostium Imperatorem experiri voluerint. An non te Neapolitani summo populorum procerumque studio, Neapolitatum educatumque, & cunctis propè regni Regulis affinitate coniunctum tantæ spei tantæque virtutis Regem excipiant? Erige illos ingentes spiritus, vt omnis inuidia vna animi magnitudine superetur, &

tur, & de fortuna tua arbitrer factus fortiter decerne, ne semper inuidisse propriae virtuti videre, postquam meritis tuis ad amplissimum decus secundiora Fata viam inueniunt. Piscarius ubi hec audiuit, aliquandiu constitit immotus, utpote qui animum rei nouitate magnitudineque suspensum huc atque illuc deliberabundus impelleret, non ignarus cunctas virtutum omnium laudes, vno maxime perfidiae crimine descendari: neque vulgum villas demum excusationes recipere, etiam si ab honestissimis causis iustoque dolore profectae videantur: quoniam cunctis natura mortalibus perfidiae nomen inuisum sit, & execrandum, nec quisquam excelsi animi dux quod virtus dare posset scelere atque perfidia vnquam petiuit. Sed spes amplissima regni facile potiundi, ob quam nonnulli plerumque integro pudore humana atque diuina iura violari posse arbitrantur, vindicandaeque iniuriae aduersus ingratos cupido ingens animum ad praesalta quaeque natum magnopere stimulabant. Itaque molli sermone vultuque ad omnem animi candorem exprimendum valde composito, de eius erga se insigni amore nunquam dubitasse respondit, idque tum maxime perspicere, quod spes suas inter sordes inuidiae, curarumque proiectas, tanto oblato munere penitus erexisset: ceterum se nequaquam salutem atque existimationem suam in summum discrimen temere vocaturum, nisi plane cognitas ex literarum fide principum haberet voluntates, vt illi eadem se praestituros pollicerentur, si ipse tantum facinus animo ac manu erigendum suscepisset. Sed ante omnia se nosse cupere, qua lege, quoque iuris documento authoritateque adduci posset, vt sine vlla prodicionis infamia summae admirationis negotium suscipiendum putaret, quando nihil vnquam fide antiquius habere esset solitus: utpote qui ignominiae atque dedecoris metu, maximis humanae fortunae commodis ingenuè repudiatis, semper gloriae ac laudi, bello paceque studuerit. At Moronus Piscarii animum omnino inclinauerat, ea quae agitarer Pontifici & ceteris confestim perscribit: mittiturque Romam Dominicus Saulius Genuensis graui eruditoque ingenio vir, ac ob id de publica libertate maxime sollicitus, qui coepta explicaret consilia: ipsumque Pontificem & Gibertum vnicum consiliorum rerumque omnium ministrum ad ea audenda vehementer accenderet. Eo audito, Clemens tametsi Caesarem non oderat, haud mediocri tamen letitia est affectus, quod occasione minime contemnendam aliena cum inuidia sibi oblatam videbat, Italiae in perpetuum liberandae, postquam Piscarius amplissimae autoritatis atque peritiae dux, sibi que multis officijs ac amore coniunctus non modo detraheretur Caesari futuro hosti, sed adiunctus praepositusque partium corporis ceterem atque exoptatum susceptis consilijs finem daturus esse videretur. Tantam enim in eo pugnacis animi vim inesse omnes intelligebant, vt nullus alio duce vel Caesarem totius Italiae seruitutis metu bellum cientis impetum sustinere: vel Italos eiectis externis gentibus sese in libertatem vindicare posse existimarent. Quum Pontifex in ea cogitatione versaretur, Gibertus futura plerumque magnis in rebus diuino animo praesentire solitus, nulla ratione adduci poterat, vt de Piscario ea crederet, quae illum Moronus & Saulius haud dubie praestaturum esse confirmabant: monebaturque Pontificem, vt eas cogitationes penitus abijceret, ne reliquae spes tutioris consilij corrumperentur, si se eo imprudens dmitteret, vnde si deciperetur, nullus

nisi difficilis aut scdus omnino receptus foret, quando ipse ante alios Piscarij mores abunde nosset, & quales quantosque is spiritus contexto grauique animo gereret, pacis & belli tempore fuisset expertus. Placuit vt per spectate fidei hominem Piscarij animum certius explorarent. Itaque priusquam Saulius ab Vrbe proficiscat, Montebonium Romanum Giberti familiarem magnis itineribus ad Piscarium mittunt. Eius hæcerant mandata, vt secreto illū aggrederetur: oraretque vt ea consilia sibi nudarentur, quæ inita esse Moronus & Saulius significassent: eundem gerenti animum speique parandi regni fortiter innitenti, omnia summa ad id auxilia quæ ab insigni studio amoreque expectari possent, cumulatè polliceretur. quod si ab his nouandis rebus aliena mens esset, atque ea, quam teneret, dignitate foret contentus, tum arctissime obsecraret, vt eius intimi consilij arcanum sibi ingenuè fateretur: idque accepta fide concederet, cum veteri amicitia, tum Pontificia maiestati, ne si fallaci ratione inductus improvidè animum hostilem ostenderet, quod pro amplificanda ipsius dignitate maximè esset facturus, cum Cæsare in expiabilis odij semina iacerentur. Piscarius Montebonio Ticini conuento respondit, eandem ipsius ac summam omnino esse voluntatem, vt concordia Italiae & publicæ omnium libertatem spectanti, labore industriaque non desit: nec se Regnum in præmium nauatæ operæ, postquam id eorum benignitate offerretur, repudiaturum esse confirmat: id se tantum requirere, vt a peritis iureconsultis doceretur, quibus nam legibus Pontificem Neapolitano in regno iure potiorē esse censerent: vt qui certa eius regni procerū consuetudine in verba Cæsaris antea iuravit, veluti religione solutus, si leges id iubeant, supremi atque augustioris domini sacramentum respicere cogatur, quando id ab ipso Cæsare veluti beneficiarū annuo tributo agnosci videatur. His acceptis Montebonium eadem celeritate ad Urbem recurrit. Piscarius quod saluti Italiae dignitati que suæ præclarè consulat magnopere commendatur. Accolitus Cardinalis, & Angelus Cæsius iuris peritia & forensi industria maximè insignes excusis humani ac diuini iuris authoribus Pontificis iura discretè perscrubunt, & ad Piscarium mittunt: & Pontifex cum Venetis Moronoque explicatis eius consilij rationibus de bello consultat. Interim Piscarius generoso & constanti ingenio si Cæsarem, contra autem parum sincero, si Pontificem respiceres, rem totam ad Cæsarem perscribit: nec tamen intermittit, quin multa tractando ac vtrique consultando, præclara simulatione vsus Pontificis & cæterorum animos propinqua spe patrandæ rei semper aleret, vt per eas moras occultè gerendi bellirationes, & penitiora consilia penitus elicerentur. Nihil enim dedecori sibi futurum putabat, nec malignitatis infamiam ex tam atroci facto verebatur: tamen si Clementem in altissimo sacrosanctæ autoritatis atque potentia gradu positum violato amicitia iure offenderet, cæterosque omnes deciperet, modo excellens ipsius fides ac tum maximè eo graui periculo comprobata, & fortis simul opera Cæsari præstaretur. Per hunc modum mirabili astu Pontificem atque alios aliquandiu ludificatus, quum interea Germanorum Hispanorumque præsidia circa vrbes alias effingendo causas opportunè disposuisset, consilium suum detexit, Moronumque ad se Nouariam euocatum, nihil tale suspicantem comprehendit, & Ticinum in carcerem Antonio Leuæ & equitibus ducendum tradidit. Ea re per tabellarios militibus

litibus in omnes partes celeriter significata, singulę vrbes vti conuenerat, sine vulnere binis cohortibus occupantur. Franciscus Sfortia, qui Mediolani in arce ægrotabat vti proditoris author aut consocius accusatur. Ille ignominiam atque iniuriam deprecaturus sese ægrum de salute prope desperantem vilius flagitiosi consilij fuisse participem negat, vt eius causę iudicium Cæsari relinquatur, petit: & mittendi ad eum legati potestatē sibi dari postulat. Nec multo post vt innocentiam suam constanti fiducia & liberalitate testaretur, totius imperij arces flagitante Piscario tradit. Porro Cremonensem arcem & Mediolanensem sibi recenturum dicit, ne ante iudicium a Cæsare peractum indicta causa totius imperij possessione penitus exturbetur. At Piscarius quod maximum in occupandis his arcib. momentum ad frangendos conspirantium animos esse intelligebat, postquam pactione acminis vlli sue artibus Sfortiæ animus capi nequibat, eas circumvallare atque obsidere constituit, existimans in tanta repentini casus perturbatione necessarijs commeatib. reple ri atque muniti minimē potuisse. Proinde custodes haud multo post rerum sensuros inopiam, atque ita munitissimas arces, inedia coactos, sine vilo exercitus sui incommodo faciliē dedituros. Dum hæc incredibili solertia celeritateq; a Piscario administrantur, Pontifex & Veneti vix animo dolorem atque ignominiam sustinebant, quod incautē viri longē prudentissimi, summi negocij cogitationes incertæ hominis fidei commississent. Inde enim omnes planē interpretari subortas esse magnas suspiciones mutuis auctas offensionibus, quæ nec renouatis etiam fœderibus extingui possent: propterea bellum maximē atrox parari, si Cæsar & suorum omnium hortatu, & recenti contumelia concitatus Italiæ imperium animo agitare: & Itali libertatem coniungentis opibus tueri niterentur. Sed tum maximē Italiæ circumuenta miserabilem, ac sempiternam imponi seruitutem videri, si rex Gallus, vt sese in libertatem vendicaret, ad exitium Italiæ conspirare cogeretur. Quibus sermonibus fiebat, vt per Italiā Piscarius in ore omnium alterutra sui fama frueretur, quā eas, quas Itali metu seruitutis contumelias ingererent, ex aduerso externarum gentium duces ad pulcherrimi facti decus, & laudem referrent. Sed dum hæc Piscarius diligenter aduersus omnes hostium insidias administraret, Cæsari perscribebat, nihil se pacatum ab insensis sibi animis Italiæ Principum expectare posse: propterea sibi in animo esse, Placentiam Parmamq; illato repente bello in potestatem redigere: nec experiri velle periculosa atque ignobilis mora, an illi ex æquo & iure, aut armis controuersiam de Mediolanensi imperio finire vellent: se non dubitare quin aliquandp consociatis viribus magnū & crudele bellum pararent. Proinde imparatos adoriri, felicitique celeritate eos persequi præstare, quā eorum impetum, qui tarditate consilij indefessoque trahendi belli studio valescerent, opperiri. Interim dum Piscarius Sfortiā obsidet, & de summæ rei consilij Cæsarem monet, Franciscum Regem vehementes morbus ex animi dolore conceptus adeo acerbē apud Madriticum afflixit, vt in diuina potius ope, quā in humanis auxilijs eius salus posita videretur. Suspendum enim dubia spe alienæ clementiæ, & ancipites cepti consilij

ferri videretur. Sperauerat enim Cæsarem liberali ac prorsus regia comitate in colloquium & complexum protinus esse deuenturum: atque vnus horarum momento extinctis veteribus odijs, initurum amicitiam: vltro etiam quaesita affinitate, adiectoque in super nouo scedere, quod honestissimis conditionibus pararetur. Namque sepe accidit miseris, & graui aliqua afflictis calamitate, vt ad veniam salutemque impetrandam faciles secum in eant rationes: et in estimatione suæ causæ, alienæque voluntatis magnopere sibi blandiantur. Itaque Cæsar quanto ille animo, speque deiectus in vitæ periculo versaretur, certior factus, omnibus alijs post positis rebus, ad eum celeriter contendit. Tum vero ex mutuo cōspectu & perhumana Cæsaris salutatione videre licuit, quantum animi fomenta ad subleuandas corporis vires, cuncta medicæ artis remedia, præsentī potestate superarent. Nam vbi hylariter assidens Cæsar erigenti sese in puluinar aratrias et collapsos artus blanda manu mollicie sermone permulsi, & dubiæ menti certæ libertatis spem dedit, ex templo languentes venæ vitali spiritu repleri sunt visæ: ac os pallidum veluti natiuo colore inuecto, excitatisque oculis, mirum in modum recreari, ita vt sensim depulsis acerbioribus morbi difficultatibus, paulatim haud multo labore sanaretur. Venit etiam per opportunitatem ad eum cæ Gallia Margarita soror, vt captiuo & ægrotanti fratri supremum pietatis ac amoris officium præstaret. Ea Alancinio mortuo vidua, sine vlla prole remanserat, ætate formæque & mira altitudine ingenij cum Regi imprimis tum Gallis omnibus cara & amabilis. Iamq; vulgo eam homines communis concordie causa, vxorem Borbonio destinabant, sicuti Eleonora Cæsaris soror, quæ Emanuelis Lusitanie Regis vxor fuerat, Francisco Regi in matrimonium despondi videbatur: sed tum Cæsaris animo contraria suorum studia maxime distrahebant, ijs diuersa omnino suadentibus qui magni vsus in consilijs habebantur, ac eximiam fidei atque prudentiæ opinionem apud eum obtinebant. Lanouij Belgarumq; omnium, ipsius præsertim Piscarij, vna atque eadem erat sententia, vt aliquid de grauioribus postulatīs Francisco remitteret, eumque sibi sordere ac amicitia confoeciaret, vt totius Galliæ facultatibus ad euertendas Italiæ respublicas vteretur. Italos qui eius amplitudini & gloriæ penitus inuiderent, & consilia perfidiæ plena aduersum se maligne semper agitent, atroci bello perdomandos, vt ab Alpibus ad fretum vsque Siculum cuncta Cæsaris nomen & veteris Romani imperij maiestatem respicerent. Porro Franciscum Galliæ imperio contentum fore renouati toties improspere belli peractum, nec respecturum Pontificem ac Venetos, quos ipse & infestos hostes, & parum fideles socios omnibus bellis esset expertus. Addebant Italiæ opes infinitas esse priuatim: publicè verò nullas propter incredibilem factionum insaniam: nec opportunè consensuros vnquam Italos, nec eorum vel ingentem multitudinem Germanis Hispanisque militibus veteranis pericia atque animis parem fore: his accesserat militum vulgus & præsertim Hispanorum: nam promptissimi quique ex certa propemodum Italici belli victoria vrbiū ac oppidorum imperia, ingentemque ex opulentissimis gentibus prædam sibi animis destinabant. Hæc vnus ante alios minimè probabat Mercurinus Epistolarum magister, honesta & salutaria prudenti consilio semper afferre solitus. Is multo honestius ac speciosius Cæsarem dignitati & commodis consulturum ostendit,

si sua

si sua prius quàm aliena appeteret, ut æquum esset, recuperanda censeret. Burgundiam à Gallis fraude potius quàm armis occupatam ante omnia bello aut pactione recipiendam videri, neque ante imprudenter Gallum Regem quē iure belli captum teneat, debere dimitti, quàm totius Burgundiæ vrbes atque arces in potestatem redigantur: quibus semel receptis finitimam Galliam repentini belli metu perpetuo sibi obnoxiam, & pacis legibus obtemperantem fore: at si inani ac in tempestiuo nouæ gloriæ nomine duceretur, Regeque in libertatem restituto, ea omnia ex eius liberalitate se adepturum cōsideret, sensurum illico Gallicas fraudes: ipsumque Franciscum modò Galliæ salutis amplitudini que prospiciat, absque vlla violati iurisiurandi verecundia defecturum. Quod si Italiam, uti æquisissimus atque optimus Cæsar, seruituti metu liberet, omniumque suspitionum auctioris spe commodi penitus obliuiscatur, populosque et ciuitates non vi ac impotentibus armis subactas, sed amore naturalis, ac libera obligatas fide, sibi scødere studioque coniungat, tum Gallis omnibus animos illico concasuros. Qui si nihil osecius stolidæ ac exitialis obstinatione aliena reddere recusarent, tum demum, quod prædarum esset, victoria vteretur, & totius Europæ adiutus auxilijs, binis mari classibus, et terra partito exercitu Galliam inuaderet. Tum verò emitù Regem placere, & eum Austriæ domui affinitate nouoque scødere copulari. Inde demum omni exutus cura, qui solidae gloriæ ac Dijs atque hominibus abundè satisfecerit, Romam pergeret ad diadema Augustalis imperij de manu Sacrosancti Pontificis accipiendum: per totam longitudinem Italiæ effusuros sese populos omnes coronatos & alacres, ut quem optimum clementemque præfenserint, ut felicem ac inuictum saluent, & de toto victoriarum cumulo triumphantem cupidissimè venerentur: in celsura esse Cæsaris agmina, per vias floribus et tapetibus stratas, coniectas velis, inductisque passim fontibus irrigatas: Regulos inter se et ciuitates cum proximis splendore, studio, et incredibili maxime hospitiorum benignitate certaturos: iret modò pacatus & lenis, ut cuncta formidine natas ad libertatem Italiæ gentes exolueret: animos certè omnium vltro collatis opibus atque tributis, nomini Cæsaris haud dubie seruituros, si se in libertate conseruatos eius virtute conspexerint. In hunc fermè modum quum liberè in consilio sæpius esset disceptatum, Cæsar moderatis rationibus cuncta expendens cum consilij cursum tenebat, ut repetita Burgundiæ et impositis his conditionibus, quæ iure belli capto haud multum iniquæ viderentur, Regem omnino dimitteret, quasi nunquam à solenni sponsione dataque fide discessurum. Nam sicuti eum inhumano carcere perdomare, atque interim Burgundiæ & Galliæ bellum inferre, propugnante præsertim sæmina, quæ esset ex infelicitate filij perpetuis lachrymis & dolore confecta, neque magni & æqui, sed feri potius ac impotentis animi fore prouidebat: ita summæ stoliditatis arbitrabatur ad commodum parandæ amplissimæ dignitatis atque potentia, vi nollet tantæ victoriæ beneficio, quæ grauissimis rerum suarum periculis cum sæda conturbatione & vastitate prouinciarum esset comparata: quam do nihil magis quàm sua & Burgundiæ in primis repeteret, quam proauo



neque hostem satis vehementer vlcisci, neque amicum egregiè parare diceretur. Cæterum Piscarius assidue dabat operam vt à Francisco Sfortia arcis deditiōnem exprimeret, omni verborum lenitate ostendendo Cæsaris æquitatem, ac simul operam & studium suum prolixè pollicendo. Quasi Cæsar infanti & malignè delato, causa cognita, non modò redditurus esset vrbes et arcēs: verum etiam ad firmioris imperij spem, solennia principatus ornamenta collaturus, si totum eius calumniæ momentum in eius fide & iudicio liberali quadam fiducia reponendum censeret. Sed Sfortia quanquam pertinaci valitudine vehementer esset afflictus, neque lenioribus verbis neque vlla denunciatione periculi deterri potuit, quominus salutari constantia in proposito retinendæ arcis permaneret: & sæpe Deos innocentiae suæ testes inuocando quereretur, se infontem & supremo vitæ periculo implicitum, periniquè & crudeliter obsideri, ac ereptis omnibus diuini ac humani iuris præsidij acerbissimè, vt iam planè maiestatis crimine conuictus & prædamnatus, paterni atque auiti principatus possessione deturbari: quum nec sibi communi iure gentium potestas relinqueretur appellandi Cæsaris, & legatos ad deprecandam iniuriam, et dicendā causam in Hispaniam mittendi. At Piscarius vbi obstinatè perseuerantem vllis pollicitationib. nequit flectere, ad arcem arctissime obsidendam se conuertit. Itaque omnes aditus intentæ custodia obseruare, nemini ingressum aut exitum præbere: aduocata Mediolanensium concione hortari principes ciuitatis, vt reum maiestatis deferrent, & Cæsaris maximi equissimi principis auspicia sequi vellent, donec ipse collatis indicij causam præclare cognosceret, et tota lis, vt iura postulerent, Cæsaris arbitrio finiretur. Hæc agitantem & ex longa tæbe tenuè corpus immenso illo animi vigore vix sustinentem mors oppressit assiduo aquæ potu, & multis, maxime bellicis laboribus, atque vigilijs quæ sita. Eius funus vt vnicui Imperatoris milites graui & diuturno luctu celebrarunt, adeo vt quum vexilla alarum atque cohortiū atrati duces & signiferi ornando eius sepulchro dedicarent, pro his colore varijs insignibusque distinctis nigra omnia ad summi doloris indicium sumerent. Obijt inuictus in medio ætatis flore, vt iam senex multitudine ac pōdere victoriarum fessus, ea hominū opinione, vt si ei fata iustum vitæ spacium amplioresq; exercendi imperij facultates concessissent, veterum vel maximorū ducum gloriam haud dubie fuerit æquaturus: nemo enim eo grauius atq; prudentius de toto belli genere iudicauit: nemo incertacausū felicius ad consiliū vertit: nemo in acie contēptius pericula despexit, aut omnino pugnavit ardentius. Moriens dum conderet testamentū veluti ad exoluendum religionē animū supremis precib. Cæsarem per litteras obsecrauit, vt Moronū incolumem carcere emitteret, q̄ ei ad se venire dubitanti recusantiq; vt omni no non caperetur per epistolam fidē dedisset. Fuere qui existimarent, Piscariū ab initio tantum facinus non fictis exceptum aurib. ad animū facili transmississe, tantèq; rei indicium aliquanto tardius q̄ oportere, ab ipso ad Cæsarem fuisse delatum, adeo vt inimici eum non obscuro parum sinceræ fidei onere premere conarentur, quasi id totum ambigui et nutantis animi crimen, quod statim præclara ac expellita animi probitate exhortescere debuerat, ab longa demum deliberatione propter infamiae timorem, pœnitentia diluisset. Dicebant enim, Piscarium ab tantæ rei consilio se tum primum recepisisse, quum Sigismun-



gismundus Sanctius Alberti Pij Carpenſi familiaris, qui initio inter Principes obſignatique ſorderis tabulas deferret, in Galliam mitteretur, veritum ſcilicet ne Ludouica captiui Regis mater bellum perora, tanquam Gallia ſemper ſuneſtum, pierate mollitieque animi induc̃ta, vt maturior filio libertas impertraretur cuncta vt agitata conſcriptaque erant, muliebri ingenio per filiam quæ erat in Hiſpania Cæſari propalaret: atque inde Gallica auxilia inchoato demum bello ſorderatis negarentur. Sed Sigismundus ad Rhæticas Alpes contendens in agro Bergomate iuxta Sebinum lacum à latrone hospite eripiendi auri cauſa crudeliter interfectus, peruenire non potuit. Sed non diu poſt magno caſu, deſecto punito que latrone, bulgæ cum ſcrinio, & literis incolumes repertæ ſunt: quæ tranſmiſſæ Venetias, & Senatui & Clementi Pontificem graui ſolicitudine liberarunt, quum anxij animis Sigismundum inſidijs Cæſarianorum interceptum ſuſpicarentur. Verum ad reſellendam inimicorum calumniam, liquido conſtat, cuncta ordine ab iſiſ ſermonum initij Cæſari fuiſſe renunciata, vt mox ipſe Piſcario iam mortuo publicatis recriminationij libellis, quibus Pontifici de belli cauſa reſpondebat, abunde teſtatus eſt. Sed & illud peritos rerum plurimum mouet, vt nihil indignum de Piſcarij fide temere credatur, quum Cæſar ad declarandam animi ſui proſiſionem erga Piſcarium, ei vt de ſe benemerito vexillũ & ſcep̃trum ſupremi militaris imperij cum ampliſſimis codicillis continuo miſerit: quæ profeſſo ſi de fide dubia in ſuſpicionem fuiſſet adductus, nequaquam tribuiſſet, ne ſtultiſſima ratione ei, qui iam animo eſſet offenſo alienatoque, maximam nocendi facultatem in eo rerum diſcrimine præbuiſſe videretur. Ceterum hæc Itali Principes in inuidiam Piſcarij facile ſpargebant, quum ſe à viro Italo malignè traductos atq; deceptos magnopere quererentur, quod commiſſa eius fidei conſilia Cæſari ad Italiae imperium aſpiranti prode, et ingentiſ belliſemina iacere minimè dubitaſſet: vt, cum aliena iniuria incorrupti & conſtantis animi laudem apud externas gentes compararet. Alij æquiore iudicio ſerebant, Piſcarium quum didiciſſet Franciſcum Sfortiam tenaciſſimis ſebribus conſtitutum ad multos dies vim morbi non eſſe, toleraturum, nouis conſilijſ animum adieciſſe, vt ſi Sfortia fato concederet, ipſe proritus Mediolanenſi imperio Cæſaris nomine potiretur: quoniam multo honeſtius & tutius foret in procuratione ampliſſimæ ditionis, cum militari imperio Medioliſ præſidere, quàm Neapoli Regem conſpici, cum ea apud Hiſpanos, atque Germanos incerti fidei ſuſpicionem, quæ tot præcellentium virtutum decus obſcuraret: quum plerique etiam ciues Neapolitani vetuſtate atque opib; ſuperiores, qui præclaram virtutem in cenſu minimè numerarent, illud conſpicuum nobiliſſimorum Regum diadema, in inſititij ciuiſ capite niſi malignis & turgentibus oculis vix eſſent conſpecturi. Non videtur hoc loco prætermittendum, quod de Piſcarij vxore Victoria Columna incomparabilis ingenij muliere, certa & conſtanti multorum fama audiuiſmus, ne ea ſcilicet quæ cuncta alia præter decus facile ſemper contempſit, merita laude fraudetur. Ad primum enim agitati eius conſilijſ rumorẽ ita exhorreſciſſe dicitur, vt continuo nequaquam muliebri ambitione, vel tanto

abſciendas iudicaret, & ſubinde vitam aliàs ſibi rerum omnium conſilia communicare ſolitus per literas quas ſublimi eruditoque ingenio perſcribebat, etiam atque etiam præcaretur, vt priſtinæ virtutis memor eſſe vellet, cuius exiſtimatione ac laudem multorum Regum fortunam & gloriam anteiret. Neque enim regnorum ac opum amplitudine & ſpecioſis titulis, ſed illuſtri fide, conſtataque virtute parari decus, quod ad poſteros rediitua cum laude propageretur. Nec vllum eſſe tam excelſum regij nominis faſtigium, quod non ſacillà vna perfectæ virtutis altitudine ſuperetur. Propterea le nequaquam optare, vt Regis ſit vxor, quàm eius Imperatoris eſſe maluit, qui magnos Reges non bello tantum præſtanti manu, ſed in pace etiam eximio inuiſti rectique animi decore ſuperare didicerit. Nec multo poſt Piſcarius prægrauante morbo eam ad ſe ornatiffimo comitatu Mediolanum accerſiuit, vtpote qui in eius lectiſſimæ ſceminæ diligentia & iucundiſſima familiaritate maximum diſcutiendi morbi momentum opportunè collocaret. Sed Victoria Romæ ſummo cum honore ſuſcepta, quum Viterbium applicuiſſet extincti viri nuncium accipiatque ita ab inſtituto itinere propemodum exanimata dolore & lachrymis in templo ſacrarum virginum ſubſedit. Ferunt, Piſcarium integerremis ſenſibus, quum euaneſcente vitali ſpiritu hora fatalis immineret, ſummo cum pondere verborum Victoriam vxorem imprimis, & Hiſpanos milites Vaſtio fratri commendafſe: dediſſeque præcepta ex arcanis conſilijs, quibus ille militiæ, ac eo præſertim quod tum imminere providebat, bello vtetur, & militum animos in obſequio facilè contineret. In teſtamenti verò tabulis nullum Chriſtiani pietatis & humane benevolentie erga ſuos officium prætermiſit. Nam et templum Neapoli in quo cucullati ſacerdotes perpetuo ſacra facerent Diuo Thomæ condi legata pecunia præſcripſit, & ſingulos e familia exquiſito meritorum iudicio ita remuneratus eſt, vt veſtem, arma, equos, argentum, atque pecuniam accuratiſſimè, nequaquam vti moriturus diſpartiret. Funeratus eſt Mediolani regio ſumptu, Pridie Calendas Decembres, Anno à partu Virginis quingentelimo viceſimo quinto ſupra millieſimum. Nec multo poſt Neapolim proſequentem in atra veſte amicorū & familiarium turba, deuectus eſt, vt in templo Diui Dominici ad aram maximam condere- tur: vbi in ſigni pompa inſtauratis exequijs, eum è ſuggeſtu Valterius Corbittius orator Mediolanenſis diſertiffimè laudauit. Fuere qui exiſtimarent, eum tot opulentiæ vrbibus, atque oppidis caſtrisque hoſtium in ipſo perpetuo victoriarum curſu direptis, magnam auri vim ſepoſuiſſe. Quæ opinio edita in vulgus extremo demum vitæ exitu falſa & inanis apparuit: nam quum Vaſtium fratrem patruelem bonorum omnium heredem inſtituiſſet, eum etiam multo ære alieno implicitem reliquit: quando & paterna oppida varijs temporibus oppignerata, nec adhuc redēpta, apud ſoneratores exedēda remanſiſſent. Ita vt nihil ex tantis victorijs ad eum præter gloriam & laudē omnino redundarit. Dicere enim ſolebat, neminem vnquam, ex his qui militiam queſtui habendam putarent, magni Imperatoris nomen fuiſſe conſecutum: contra verò, eos ſemper euaiſſe inuiſtos, & longè clariſſimos, qui nihil ad ſe, ſed ad milites ex præda pertinere exiſtimantes, ad vnam tantum atque eam immortalem veri decoris laudem aſpirafſent.

FINIS.

EPITAE

# EPITAPHIVM PISCARII

L<sup>A</sup>VDOVICO ARIOSTO

FERRARIENSI POETA

celeberrimo compositum.

*Quis iacet hoc gelido sub marmore? maximus ille  
Piscator, belli gloria, pacis honos.  
Nunquid & hic pisces cepit? non: ergo quid? Vrbes,  
Magnanimos Reges, Oppida, Regna, Duces.  
Dic quibus hæc cepit piscator retibus? alto  
Consilio, intrepido corde, alacrique manu.  
Qui tantum rapuere ducem? duo numina, Mars, Mors:  
Vt raperent quid nam compulsi? Inuidia.  
Nil nocuere sibi, vixit nam fama superstes,  
Quæ Martem, & Mortem vincit, & Inuidiam.*

Incerti Authoris:

*Quid sceptra ad sumulum, vincili quid compede Reges?  
Quidue tot inuicta signa relata manu?  
Quid galeæ, quid scuta nitent, quid gasta, quid enses?  
Quid viret æternis laurus opaca comis?  
Num Mars, num Daualus tumulo iacet? hic situs, hic est  
Hæc Daualus, quin Mars cum Daualo ipse iacet.*

VITARVM ILLVSTRIVM

VIRORVM PAULI IOVII,

TOMI PRIMI

F I N I S.

N 4

B A S I L A E,  
Ex Perniana officina sum-  
ptibus Henrici Petri, &  
Petri Pernæ.

A N N O  
M. D. LXXVI.